

四庫未收書輯刊編纂委員會編

四庫未收書輯刊


北京出版社

拾輯·貳拾柒冊

四庫未收書輯刊

四庫未收書輯刊編纂委員會編

北京出版社



拾輯·貳拾柒冊目錄

含薰詩三卷丹橘林詩二卷〔清〕吳楷撰

一

畫亭詩草十八卷詞草三卷〔清〕朱黼撰

五九

白蕪詩集十六卷附一卷〔清〕張開東撰

二二七

南垞詩鈔三卷〔清〕張秉彝撰

四九七

秋蟬吟草四卷〔清〕朱穎撰

五一五

留劍山莊初藁二十四卷〔清〕石卓槐撰

五七三

〔清〕吳楷撰

含薰詩三卷
橘林詩二卷
丹

清乾隆刻本

含薰詩

詩以志爲體以感爲用故性情者主也而才學者其輔焉者也性情不正則所志者必不合於道而非才與學有以達之則感人也必不深昔吾夫子言詩蔽以無邪一言而又廣以興觀羣怨忠孝多識則詩之道盡矣吾人誦法孔子論詩其必以是爲準延陵一山伯子篤於孝友人無間言雖蕭然寒士而座上之客樽中之酒與古豪傑侔其卓犖奇偉有鳳皇翔于千仞下視塵世之槩此其性情志意爲何如而又經之以才緯之以學則其詩焉得而不工而感人者焉得而不深哉今觀其集如野鵠翻雲者有之初日芙蓉者有之如屈注天潢者有之如瑚璉華貴鼎彝精瑩者有之而大旨歸於溫厚和平纏綿悱惻讀之可以油然而生孝弟之心焉是有合於孔子之言詩而豈僅爭奇於字句鬪麗於辭華區區分別漢魏三唐宋元之高下而奉以爲程者哉今以自訂詩如干首付諸剞劂名曰含薰烏虜幽蘭之香當其未吐不能無待於清風一山早蜚聲文學詩古文詞膾炙人口久揚

含薰詩序

美譽名動 京師特以眷戀庭闈不欲遠去故曰
前尚家食耳今

聖天子方修雅樂告成功明堂清廟正資華國之
才會當列上林植瑤堦清風披拂播其芬芳待之
久而發之速矣沿雖老猶可拭目見之

乾隆十年乙丑孟冬朔嶺南同學弟徐洽拜序

含薰詩序

二

含薰詩

真州

喜晤殿撰王樓村

却呈并謝

髻鬣坐家塾早知兩名士韓公為之前慕廬先生

斯繼起大名滿海內不獨江南矣伏讀開府編邱商

宋江左十五子褒然為首者曰為先生是清詩振

大雅冥心追正始沁入人肝脾童稚亦心喜昨于

者穀堂王耕菴姻丈家終日奉杖履老雀梳霜翎古華紛

含薰詩卷一

一

珠蒞神采特蒼秀喬松堪與比大慰夙昔懷不羨

荀御李更喜翼日來方麴出袖底詩中勸學殷父

前譽兒美吾聞前輩人誘掖恒疊疊韓公宴仙掌

雄雉詩嘗紀余生雖太晚欣喜附驥尾舉首望青

雲託慕殊未已

書孝友傳後有序

戊戌冬十月家大人客雲間寄書一部曰孝

友傳誠楷及弟梅曰聖人教弟子以入孝出

弟為先務去年以孝經類解命汝兄弟潛心

觀玩今又得武林郭黎翁先生所輯孝友傳
昇汝兩人其朝夕從事母負父意楷拜受卒
讀敬識於後

孝為百行原天地昭經義兄弟歌既翕惟孝乃有
自大哉聖人言孝經教萬世吾宗有廣文類解眾
美萃族人爾公名之驟秉鐸京江刻有孝經類解行世六經與羣史各向
章句綴流傳數十年後學多衣被夫子舉教楷未
敢藏篋笥每從誦讀餘時時搜載記今受孝友傳
頰首觀體製開卷始殷周末帙迄元季煌煌廿四

含薰詩卷一

二

冊疊疊根本地竊嘗聞至行不習無不利事親與
從兄率性斯免矣古人安所仿當不假文字顧人
不加察發蒙良有為矧夫自天子下及於無位為
子無二理為孝不一致所以十八章訓言有次第
有正更有變有巨亦有細不多識往行胡以觀大
備兄弟豈異人古昔三致意周書美君陳友于光
孝治管蔡播流言至德緒幾墜鳴鳩懷深情杜
發長喙克善兄弟間厥孝乃弗替叔世遠淳古乖
恩戕同氣友生情翻稠家人卦不筮有道為此書

洵大有關繫人能望之趨周行得指示庸行于以
昭天倫當不愧第聞廣文言孝不矜奇異求之徵
驗間青天障雲翳冰解而堇生魚躍而泉沸白兔
壠間馴烏鳥霧際暝孝感固一端道弗尚祥瑞非
言必如此乃為孝之至廣文為此語說理益純粹
盟手讀是篇一一別凡例將為通錯綜先與分部
類處常惟安貞處變尚調劑微驗不敢知血氣亦
弗貴願常恂恂如致謹出入際日以和順心盡此
弟子事阿弟少二齡天性殊淑懿行葦相與賡白

含薰詩卷一

三

華有同志堂堂陽春暉區區寸草麗家人有嚴君
報答幾時遂遑思人爵來天爵修尚未仰事嗟茫
茫撫躬彌惴惴薰香對簡編惶悚說孝弟

題汪舟次先生手書詩冊後冊為令弟少文七丈所藏

我與先生本是親吾宗阿兄公令壻謂兄殿臣髫年側
聞使中山風儀修偉動

皇帝南風三日海波平天使竟從天上至君臣俯
首訝神奇匝地嵩呼歡輯瑞更仰光苾萬丈長人
人知重公文字一字何但直一縑什襲儼如寶宗

器我時尚未解聲詩得交令弟公久逝今日展卷

對公詩劍出豐城難逼視夙昔作字無定體此寫

魯公爭座位細筋入骨真秋鷹蛇蚓方之不合例

山聞詩篇繪人口斜行手鈔倍得意我嘗披讀虎

頭篇見雄雄齋詩推公久已洽夢寐虎氣騰上四字評

洵屬知言無與替當日競談初唐詩公獨樹幟不

黨比武夷九曲少人行劍南嗜好誰同志百尺梧

桐閣主人蛟門比部揚州二汪合鑿柄公文如韓亦如

蘇為海為湖盛氣勢喁喁綺窓兒女語羞溼豈止

含薰詩卷一

四

三舍避馬周火色如公詩斯人自合當富貴鑄將

賈島終非佛公言疇曩非無謂見公京華詩惜余不及

接光儀展讀心遊發長喟雁行嘹唳入西風且同

令弟秋原醉

瑞芝歌為洪丈維周作

江天同雲雪作花穢船衝冷到人家丈居一樹黃瓜洲

梅枝又了根有靈物騰光華似木非木石非石駢

枝層出大盈尺如日五色雀開屏如花偏反雲吐

葉言是前年盛夏生時庭戶都光晶主人開尊

我欲醉瞥見更使神豁清神清豈獨為靈芝乃是

二子生絕奇阿九阿十纔髻齒臨風皎皎雙瓊枝

阿十眸子翦秋水阿九掌紋最可喜由此讀書飽

經術名位不知何所止大抵生祥必有以瑞芝之

瑞其在此舉酒一觴酌阿翁祥由人造天無功

初夏余丈葭白招同程泚江太史厲太鴻

孝廉陳授衣閱蓮峰同學讌集

草堂雨歇乍晴時櫻笋厨開高話宜花逕破烟緣

客到基聲向晚得杯遲張憑入座頭方黑荀淑歸

含薰詩卷一

五

來鬢已絲笑我忘年與良會好風同醉習家池

鐙前擊鉢韻同分李賀詩篇班馬薰調葭白先生直以

聳牙常忤俗誰知老手本超羣小年如日黃鸝轉

大麥初秋紅藥芬擬共名流時作達載將樽酒更

論文

同陳授衣洪莧村郭秋泉家試功康山對

兩以應是雨催詩為韻得是字

乘涼上康山雲碧如秋水修修清風來瓜果沁牙

齒向午風乍歇層雲濃墨滓城頭雨垂脚樹頂雷

轟耳急如翻盆來覆手疑如是我輩素心友舊雨
情無比一觴得閒趣五言伸短紙晚霞爭詩妍絢
爛飛羅綺照眼江上峰嵐翠落窓几未羨少陵翁
放船落日裏

汪鑑漪蘇宣四秋郊閒步同用陰字

輕雲如幕日常陰同向崑岡遂野尋聞得木犀解
禪悅試來泉水識秋心一泓乳色缸中螳萬籟風
聲松裏琴相約木芙蓉大放更來閒步暢清襟

康山對雪

含薰詩卷一

六

如圍玉帶女牆寬約素重重塔影寒萬瓦糝糊渾
白屋一天掩映失青巒同人鬢髮偏能肖謂注少
文閱右
此日肝腸欲似難修撰風流應想見吟成白
雪倚闌干

舟過金山

揚子江頭秋水深遙看浮玉疊青岑蕭森老樹抱
山骨突兀孤峰凌水心小有樓臺成壯觀曾明炬
火發清吟今宵鐵甕城邊泊卧聽雲間鐘梵音

澹香樓贈日稽上人步樓邨先生韻

樓邨詩中久相見今日相逢不話禪且共梅花樓

上坐木犀香裏度秋天縹緗持贈殊太多師贈手
抄漢魏

六朝詩二十
冊評次極佳余無所用鼠飲河八十平頭師老矣

半生白腹我如何同載扁舟向花嶼楓葉初霜紅

滿樹大可高談引酒瓢偏嗜冥搜窟好句我詩豈

敵師詩工詩僧合交峨嵋翁當以樓村比坡老了

元相與振玄風晷短寒生羣動息明發歸帆路舊

識烟花三月清明天杖錫平山慰相憶

吳門喜晤趙秋谷先生却呈四首

含薰詩卷一

七

方袍竹杖過蘇州名士爭趨百尺樓自具冶鑪嘉
後學不將姓字動諸侯青雲耳熟班揚侶越雪心
叨籍湜儔肯向高秋植桃李乘時願作閩風遊

玉宇神仙自不同家君在昔識山公屋頭夏設南

州榻先生曾主於
家伯阡潤許塵尾時披大雅風一石留髡人

似玉萬言倚馬氣如虹笑余下駟承殊盼千里標

題襍中

命居磨蝎是坡仙回首當時思惘然祇以文章慍

羣小遂令絲竹悞中年老於鷓閣元非計家有龍

經况足傳文獻清時推碩果巍巍山左孰差肩

蕉竹蕭疎映板扉山堂小額寫凝暉凝暉書屋先生手題共

知碧落追松雪却憶黃昏對紫微老去詩篇秋隼

健年來心跡海鷗肥烏絲已界衡陽紙更乞先生

彩筆揮

八月十六同李坤四千人石對月

樹裏揚輝月正來岑苔淨掃共徘徊昨宵皎潔殊

今日一歲團圓得幾回往昔風流誇別墅祗今說

法剩高臺愛看此石無消長不共秋雲乍卷開

舍薰詩卷一

八

賦得秋雨聞疎鐘懷鄭鵬哉蘇宣四

客睡何曾着疎鐘帶雨聞響微疑筵叩灑急似雲

紛景續秋聲賦心依日暮雲廣陵月正好會榮詩殘月廣

鐘歸去共論文

九日業師馮觀察枉過寓齋奉陪登海湧

峰

華山頂上醉西風杜鵑爛熳高秋紅自昔神仙愛

重九吾師不放佳辰空侵曉蒼頭折柬至可中亭

上約扶筇為采茱萸沾桑落寓齋灑掃迎花驄是

日晴朗無風雨遊人好遊如蟻蠶不減中秋踏明

月淡紅香白花柳濃况自先生持節至公時為四府督糧觀

察官吏潔清年穀豐挾纊黔黎頌冬日登高小大

娛秋穹先生翛然雲際宦老友皆為塵外蹤謂沈丈似

笠畢丈式齋朱幡碧幢屏已遠跨階越磴不厭重

掘衣徑過千人石鞞履齊登海湧峰不知老至誇

濟勝回顧年少矜強雄更陟浮圖最高頂飄飄疑

入青霄中興來更下後山下黃雲萬頃開心胸天

香尚證山谷桂霜葉遙見吳江楓繾綣老僧傍空

舍薰詩卷一

九

館詠歌新句撫長松棗餠食已茗椀罷梵聲漸歇

撞齋鐘迺尋前路迴展齒澹香樓畔話從容楷寓齋

看膾鱗魚紀四韻公食鱗而美之命楷即席紀賦送來黃雀侑千

鍾適李坤四送黃雀至神仙何必羨往事即今勝境無與同

茹芝父執皆難老啖蔗吾師不暇慵底用明年問

誰健都是商山百歲翁

同李文乾三過姚平山寓齋

名士喜致客幽人促共車入門傲南面出筆法三

閭秋水芙蓉老西風鴻鴈初他鄉能卜夜吾不憶

吾廬

送謝丈向山家姪受亭之虞山看紅葉時

皆客
吳門

海湧峰頭梨赤垂虹橋畔橘丹更上竹扛兜子千
林三脊盤桓

絕類昌黎詠柿還如潘岳看花記取淺深紅樹揚
州何似南沙

方仲良家懷朗小齋卽席

藤花結葢紛珠纓牡丹如火山牕明飛飛蜂蝶送

含薰詩卷

十一

且迎隔牆小阮坐調笙車子嬌喉耳倍清翩然如
鳥求友聲就我索酒攻詩城公子闌入態縱橫五
言賦罷飛百觥作詩當留海內名美殺兩人翻水
成我懷屈宋空復情醉倒花間百感生

父病乞金陵楊孝稚覓獅子油

昔聞畫獅子病瘧可以止今聞獅子油病噎可以
瘳家君不能食夏杪經麥秋乍聞此方書頓破舉
家愁顧安所得此東西南北思悠悠爲子者既不
得魏武之狸以生據其頭又不得波斯之產黃者

白者擇其尤家貧恨無東箭南金相市易異物殊

非遵山入水能窮搜中夜不能寐食不下咽喉側

聞金陵世家子先世嘗爲佐命侯玉門關外得白

澤氣吞虎豹威熊彪飼養之恩縱云厚山林之性

安能收得其乳藏玻璃盞取其脂秘蒼玉甌迄今

雖歷數十載治噎功與金丹侔曩與君飲酒舫

閣上君言是公鄉里交最稠侍側不得奮飛至馳

書百拜向君謀神仙大還君掌握迅速乞與無淹

畱長江舟楫一日爲置六七郵調羹劑藥恃此以

含薰詩卷

十二

爲祝噎之白鳩家君本屬无妄疾老天界此當無
憂安得阿育柱上一聲吼吾當面向神物稽首求

飲天門太史唐赤子先生寓齋二首

寓公虢蟹酒招我度涼天月影下階白花光承露

妍幾年窮易理垂老得真詮 丹陛崇經學何當

進 講筵

命達無心問年來更敏求管寧穿木榻杜甫客秦

州名士一來往謂程夔
州先生清秋自唱酌今宵醉僧舍

百尺愛高樓

呈琴川蔣太史時寓表兄方麗山家

白華樓上挹芳芬
宰相門風自不羣
奕奕承家洵大器
煌煌華國有雄文
翻塔紅藥鄂君被
橫几烏絲韋陟雲
看向明鐙成麗句
恍如清樂九天聞
家君疇曩客長安
相國時通賓主歡
花鳥蟲魚注爾雅
文章禮樂補周官
承賦詩文書畫即今公子人如玉
坐對儒生氣似蘭
轉眼門前堤更築
願將弱羽附高翰

得汪鑑漪書時宰玉山

含薰詩卷一

十一

甫離短檠便彈琴
治術猶虞諳未深
今日書來話民社
清時循吏愜人心

題周櫟園先生手書詩卷後

文章信有神所神在感
應草莽豈無人
豪傑能自命上無嗜好者
寂莫甘不愠
記昔順治年三人
廣陵郡時注飛人孫豹人家野人三先生號三人
意氣殊自豪
抱負有胎孕學杜學韓
蘇逞奇立筆陣
廣陵繁華區
風雅無人問三人
漸白頭鼎立託歌詠
聿有觀察來大雅
出天性頰首對古人
開襟延後進日與三人俱飢

渴絕驕吝三人名久著
豈假博令聞然而韓孟交
白鶴相叫啁相得乃益彰
前後光輝映昨獲觀察
書學顏擅秀靚五言詩二篇
平淡具蒼勁慤勤兩詩人
汪孫兩先生好句寫持贈老夫
懷抱佳都向知己罄至今將
百年交道無終竟安所得
觀察執鞭情所任

廣嘲熱客

含薰詩卷一

十一

高軒懸寒水露井積白雪
一枕瑪瑙長八尺瑠璃
潔披髮不受簪赤脚不繫
鞵蝸蟻靜林喧瓜李沁
井冽此時無一人生香四
面發尚欲追涼風溽暑
解六月何人當暑來投刺
走蹙躡炎氣著須眉汗
珠上衣纈主人屏氣迎客
且盛周折不任我裸裎
不任我啖啜我情已傲情
彼意彌渥浹生魚遊於
釜伸鱗困於穴大地本如
鑪咄哉倍火烈亦有忘
形友追涼枉迴轍自謂心
相親嬾慢互娛悅入門
去巾帶當食隨陳設磅礪
無主賓揮塵恣笑啞如
此脫略盡遠勝彼觸熱相
對豈不歡相處貴有節
我愚在澡沐漸且思偃歇
紅日已西趨月或東南

此時可以歸刺刺胡不別余謂朋友交千載義
弗滅何可緣炎歊而竟絕締結然而放浪人往往
破羈繼况我實慢膚多汗易疲茶盞稍緩須臾高
秋共劇切若彼襍穢子終身合屏絕

食蟹十二韻

郡齋思有蟹居士嗜持螯見乞鄰家醋催沽市上
醪一盤乍如火四座總擅袍不羨烹雌美偏誇得
尺豪才攫胝無胾還求尻益高搜腸情正迫剝腹
勢何逃憂憂斲其脛津津艷彼膏婢僮任流沫口
手漫辭勞足了願同畢不如愁似陶拍浮良已樂
歡興更無撓博帶黃雖遜尖團味竝叨放生笑坡
老如我太貪饜

秋陰見月

向晚猶微雨秋露黯不開舉頭頻盼望叉手獨徘徊
頃刻浮雲淨當空明月來寸心如乍洗良夜把
深杯

賦得驚時最是梅

入園按芳序撩眼見新梅不覺嘉時報偏驚淑氣

催含香迎玉署點素接珍臺花趁東風發春隨北
斗廻穠華誰得占寒蕊自然開此地陽春早堪爭
賀喜杯

紅橋懷古

未隨司李飲香名吟到紅橋百感生一字闌干寒
食畫今年狡獪冶春情衣香人影猶如昨山色湖
光正放晴安得名流同作達醉憐鴈齒踏歌行

坡公生日尚懷宋漫堂先生

江左才華照眼新西陂幕下盛無倫吟詩記爲髯

舍薰詩卷一

五

舍薰詩卷一

五

公壽願作秦黃十幾人先生刻有江左十五
子詩中有壽坡公句
于今又是暮冬天翹首康熙卅九年安得畫圖懸
屐笠小滄浪畔拜坡仙

江村食笋

青山對面水平堤叢篠行鞭欲拆泥入徑烹泉紅
雨暗穿林劇笋翠烟低琅玕碎削渾凌亂鹽豉初
調重品題明日再來參玉版詩瓢酒盞總堪攜

送家星濤返豫章

又向南州去春風三月天綠楊齊照水白恰不共

棉貝錦終無恙時磁政被鴻文自足傳停舟泊采

石應復夢青蓮巖過采石曾夢

翰林授益云和徐社山詠天窓

中雷肇淳古開窓今正宜冥宵披朗月暗室得朝

曦彷彿珊瑚底分明雲母為漫同移壁計移壁迴

樂只有天風吹

題汪秋白桐陰試茗圖

白昏風流似有鬚桐陰茶竈意遽遠前身合是玉

川子五千文字三椀餘

含薰詩卷一

去

天門太史寓齋晤廷尉張豈石先生

太史寓齋無雜賓早冬座上見偉人豪情久已雄

一世和氣更足留三春是年秋闈正選士樓頭俄

看落一紙戊午余已中第十三名以破中一字被黜時人皆歎文無憑

太史獨曰良有以歛歔忽逢偉人來揖罷便欲傾

樽疊聞道科名又失手憤鬱不覺顏色摧為言制

義尚雅正雲譎波詭文之病六經文字醇乎醇此

事陶融頰情性拳拳下士意最深高談款語夜漏

侵詰朝更詣太史許帆影湘江無處尋

酬贈閔八蓮峰

小關松篁徑幽人日日來奕棋無二等得句詠千

回兄弟非藍玉承贈句云有夫君信碧瑰月明籬

菊放相約更啣杯

題韓仙李仙李蟠根圖有序

仙李韓大未生而父先一月沒其祖祝生男

子豫命名曰根定既生愛之字之曰仙李仙

李長而感祖考之皆逝為繪仙李蟠根圖一

時名流咸題詠之余與仙李同學交厚披圖

含薰詩卷一

七

愀然因步周確齋前輩元韻得絕句四首

可憐淚冷懷清臺明珠未剖日日哀鐙前燒草夢

中卜惟恐生非廊廟材

生男可喜倍酸辛今日空房弔影身學語小兒休

喚父阿娘久作未亡人

靈根端賴養花天韓衆名高幾十年漫道易成琳

國種琳國玉葉李韓衆餌太翁真是鶴林仙太翁

芹香昨已述前規尊公襄平先生為江都將相功

文學仙李今畫聲真州

名須早為靄靄北堂春正滿錦衣來補白華詩

春日飲外舅碧桃花下座有武陵道士

山谷論詩本謝公外舅項思永先生能詩著有師善堂集看花今日

醉庭東武陵仙客渾無事情訪續紛夾岍紅

到來卉木有餘清露泣花光雪樣明羽士漫誇會見慣玄都未必與齊名

淮陰喜晤程比部夔州先生却呈長句

前輩風流今欲墜欲墜不墜有先生家庭側聞先

君子稱公譽望滿天京下交不肯遺寒品上交直

舍薰詩卷一

六

欲凌孤卿出聞天門太史言同年惟公冠羣英奇

書最愛百回讀佳士何辭三握迎友朋之誼足千

古指困惠麥鴻毛輕我父執友先生是疇曩投漆

饒深情公駐京華余少小歸來託慕常迴縈昨在

江南對江水日日夢見淮水清寤寐荆州思百見

翱翔李門纔一登憶昔西陂能譽士才人袞袞遊

蓬瀛亦有漁洋懸夾袋吾鄉名宿蜚有聲先生夙

負海內名大美端賴君子成兩人既往風流歇南

國瞻望惟文星立雪坐風無限意願將巖穴附青

雲

賦得芳菊開林耀

商飈肅曠野衆草不為芳誰歟發華滋菊叢獨繁

昌寂寞在籬落鮮新對秋陽葉不為人綠花能作

意黃抱貞擢羣葢含秀開晚香冷蝶亦知已翻然

來飄颺青松紅樹間但覺生意長願言託杲日不

敢怨疎霜

午日奉陪琴川蔣侍讀汎舟韓江

艾綠菰香競渡天宮衣閒着上江船花時記得醺

舍薰詩卷一

九

婪尾迢遞春風已五年

漫將歌舞侑天中學士詩逾萬楚工况是繪來蒲

葉綠便娟不減石榴紅是日承賦詩畫

台星今日過揚州文酒相從紀勝遊不是水嬉人

不戀齊看陪汎李膺舟

題從父仁趾先生詩集後成一家言

弱冠慕古人詩書研幽獨老成一家言自號樵貴

谷先生刻有樵貴谷集行世

鄉里結素心幾輩日唱喁時汪舟次蛟門孫豹人

密 風流王漁洋開軒揖詩友

聽翁以盲老謂族父園次先生先生為飢驅長安驢背上

名士來相於

生當兩戊寅吾兄亦下世掩面向薊雲更屑真州

涕先生年六十一得仲子阿強集中有示阿強詩先君子入都攜之南歸繼真州子蕃從父後今

沒矣

題家蓮洲別墅

築將萱圃屋東頭日日朋來屐齒留最愛一門羣

從好板輿花下會賡酬

含薰詩卷一

辛

雲籠樹杪來禽熟柳暗門前謝豹啼恍似故鄉春

晏景踏歌攜酒度前溪

含薰詩卷一

含薰詩

真州 吳楷 一山著

象文自歛來話家鄉事

我本溪南人不識溪南路春初族孫來媿媿向我

語吾家統宗祠高大孔堅固始祖尊中堂高曾寢

廟耐松柏大十圍枝葉勿剪除堂堂墻屋中穆穆

神靈聚一本分衆支立廟若碁布制不偏統宗規

模罔不具廟奉厥支祖若考若妣附王列東西室

奇偶不參互諷日明祀事子姓滿階阼肴核備且

含薰詩卷一

潔威儀敬無數千人齊拜跪三獻肅禮數鐘鼓迎

神來神來如目遇致告衆醉飽和悅無愆忤尊先

卑者後次第受神胙豈無梁肉人孰敢或驕倨越

日祭支祖孝思允亦著他鄉輕邱隴吾里重墳墓

有唐迄於今不有崩壞慮山頭塚纍纍既封亦已

樹碑碣剔苔蘚屹然立不仆熒獨缺祭掃人人為

保護耕種既習慣詩書尤饜飫中邨立講舍文學

斯得與子弟有遵行先生急先務孝弟乃本性糾

繩况不恕以故麻中蓬信得直者助薰陶無惡習

漸摩近秉賦不惟風俗佳山水自成趣東疇苗如
油西隴雲如絮星橋幾十丈時滿遊人屨在昔枝
指生詩篇洵可據樞也象文揚州歸欣喜來道故
各攜一壺酒歡不間童孺不覺留數月低徊弗能
去噫余聞此言佳哉愜所慕維揚我族人林林亦
既庶胡不瞻桑梓相與步亦步悠悠我所思豐水
清漣處

坡公生日集同人限蘇字

遠望蛾眉巔近瞻蜀岡隅不獲親見公但讀所著

含薰詩卷二

二

書今日公生日公今安往乎或言公已仙仙人竟
何如跪進一觴酒臨風長歎歎假令生同時後學
借吹噓蒼蠅附驥尾一去千里餘乃隔數百載對
像懷衣裾一室聚詩人徒抱心區區寒葩發奇香
越旬歲云除會登平山堂再拜薦屠蘇獨享復何
愧一笑掀髯須

謁孔北海祠

皜皜比質玉與霜高情直志誰能忘今來肅拜登
斯堂客去酒空清風長天子千里嚴畿疆登辭使

操背負苾慮鯁大業嗾山陽謂郗慮終操但爲周文
王畢竟賴公崇國防一介之善公必揚表顯儒術
舉賢良海內聞之心寫藏今從何處追芬芳千鍾
百觚興未央無以薦公羞一觴

奉謝業師馮少司寇薦舉鴻博

八十尙書解愛才東南風便薦書來已羞落羽同
錢起剩有斑衣學老萊桃李有心依玉砌蓬蒿無
分植瑤臺欣逢大樹垂清蔭腸對江流日九迴

送硯詩 并序

含薰詩卷一

三

小硯余所愛也姻家許靜涵別駕見而愛之向
余索不獲作詩求之余重其意又惜硯之去也
作送硯詩二首

自從來几席終日對輝光月夜烏絲麗秋風墨瀋
涼棘闌耽試筆著室慣依牀此去朱門裏榮分印
綬香

生去豈不惜憐生去有緣文章宦海濶詩句 帝
城傳貯水心同潔懷貞德比堅琅玕須自重遠勝
草堂前

奉贈張貢五先生兼寄懷令弟中五家姊

夫趙念昔

沉湘多香草風騷開千古張星著天上高門樹峻

宇世德信弓裘詩書遙接武憶昔孝廉船謂令弟中五

韓江停柔櫓我家有阿咸姪自牧時為東道主相逢

春風亭樂此晨夕數早聞伯氏賢博洽稱學府文

章比鄒枚詞賦追白甫緬懷楚之南風範無由睹

何期惠然來復訪三徑詡追陪適北郭畫舫聽簫

鼓高談歷四座千卷腹撐柱賦我以新詩落筆驚

風雨瓊瑤不能報三復奉為矩才子美十人磨角

與鳳羽連袂上集英館閣領簪組次第來丹綸十

指為君僕華年逾甲子矍鑠何僕僕計日理歸查

揖送賦南浦問訊倚樓人餐飯力須努聯吟共二

難逍遙坐芝圃

懷黃荆江

深房靜坐不知雨檐溜有聲愁始長窗外春花紅

欲墮輕寒細雨可能忘春寓其家

送楊孝稚還金陵

送楊孝稚還金陵

送楊孝稚還金陵

客中歷春夏一日忽思歸青眼不相遇素心焉肯

違樹萱祝母健飼藥看兒肥揖別言如此搔肥對

紫薇

七夕集大春齋中得閒字

每到秋來鬢欲斑昨宵幽夢落巫山酒深玉笋流

連下思在銀河清淺門豈有雙星真乞巧偏於七

夕未容閒抽毫慙媿東墻宋叉手吟成向夜闌

雨中招唐石士過陸魚山家看杏花

有花有酒人意豁不雨不風春境平載得清樽芳

樹下任他風雨總怡情

題石家虎子圖

我覽簡冊驚神童掩卷三歎嘗遐企延年淹貫幼

通經詩易春秋了大義李泌赴召對明皇奕旨取

譬多才思秘書正字語更佳寓言不正唯朋字黃

香江夏固無雙賈氏衣冠良不易是皆川嶽所鍾

靈哲士挺生為國瑞須知廟堂重將相崇文宣武

無軒輕歷觀諸子信奇特文事未聞兼武備果能

勇力得天縱軼羣當號人中驥石氏佳兒真於菟

勇力得天縱軼羣當號人中驥石氏佳兒真於菟

勇力得天縱軼羣當號人中驥石氏佳兒真於菟

含薰詩卷二

四

含薰詩卷一

五

弱齡總角方孩穉廣穎豐頤氣食牛披卷早喜強
人意斲山誰截補天石象時四鈞何最贏蕨芽却
試小兒拳開張高舉輕離地板山扛鼎待何年鳥
獲下莊應退避笑看英物產明時更語阿翁珍重
視養蒙先盡下帷功經史便便成腹笥萬里封侯
指顧間再卜金甌傳盛事

上巳日汎舟紅橋

及此重三日同人向水遊青帘幾甕熟白舫半篙
柔風過簫堪聽歌停客欲愁明蟾如洗板清極照

含薰詩卷一

六

城頭

清明

鶯當柳綠偏無賴燕值芹香轉不忙寒食不晴今
日雨滿城人事似重陽

耿容齋貺盆梅

小盆有生意君子錫芬芳草色如春綠花枝發早
香不須登大庾直可傲東皇曝背時相對無言意
弗忘

送友人之山東却寄鄭明府板橋

擲下離觴淚滿巾可憐文字等埃塵窮途合遇椰
榆鬼盛世何來尋事人地過大河風俗厚士爲廉
吏性情真殷懃谷口商經濟取次昌言向 紫宸

時 詔求直
言敢諫士

懷陸魚山時之
塔署

誰佐菖蒲酒遙知塔大佳清時衰訟獄午日酌官
齋謝女話家事潘親營客懷長江趁風便應返小
秦淮

賦得荷淨納涼時

含薰詩卷一

七

六月風光何處宜茨渠的的冒清波自無暑氣侵
花葉多有生香到酒卮水帶斜暉銜暝色人停團
扇倚涼時不須更作雲中雨纔滌煩襟已有詩

螢

北窓風動見流螢點點高低去復停蟋蟀聲中光
欲淡菱荷香裏色逾青幾回疏雨侵書幌一夕新
秋上畫屏華髮不堪相照映可憐入鬢倍星星

黃公酒瓢歌 有序

楷瓢者黃丈平菴所藏也春夜酒半出此命飲

吳楷曰與賤子名同當付賤子文舉以贈之吳

楷名其瓢曰黃公酒瓢并系以詩

黃公吏才天下無解組日與詩酒俱柳放花明常
上已雪堂開設郇公厨一時詩人後先到芬香酒
氣侵衣裾酒酣手出木瘿子瘦紋蟠走織不殊叩
之謂是端木手植聖塚側寶貴弗異璉與瑚浮醴
泛醪同大樽豈憂瓠落無用乎座客稱善楷色動
與楷名同楷所須老人愛瓢且愛我何不以瓢今
付吾黃公雙手舉相贈吳楷感激增欷歔老人比
我席上珍鄭重可使良意虛不忘所自名曰黃公
瓢豈但尊前銜側心目娛大賢昔植公今贈楷也
楷也當何如

初夏禪智寺晚眺

桐花落堦砌門外新綠好日趁出東門黃鸝聲漸
老啣啣引我行古寺恣幽討市遠襟自清水香泉
可飽歌罷坡仙詩攬衣蜀岡道極目江上峰夕陽
紅不了墓田無行人山遠僧歸小徙倚返郭遲村
炊烟嫋嫋

舍薰詩卷一

八

過江邨

幽棲隔歲未曾經舍我同人到草亭黃荆江李潤
之半途先返
高柳根空半天綠南山亘遠一江青坐思茗椀鐺
偏冷閒倚桃花鳥可聽回首門前芳草地不知醒
病幾時醒

芍藥

便喚牡丹無是非汪舟次
先輩句悔齋此語不吾欺數苞
如火偏婪尾一樣異香能沁脾芳草乍翻添別恨
暮雲無定轉離披留春最是花前好應共鷓黃泛

舍薰詩卷二

九

酒厄

麥秋喜雨

連年米貴麥不賤魃鬼來虐我郡縣雲霧屯膏布
赤霞雷霆匿聲抽紫電田家改歲望新春三白畦
疇爛似銀不惜春寒惱芳意早知歲稔慰農人黃
梅時節雨轉少驕龍不動乾風擾麥根土坼燥弗
滋稻種水枯青未好已愁無雨似前年忽見烏雲
暗目前滿樓風到絲絲密小漏天開點點連通宵
浙瀝如秋雨農人得此知無苦秧苗綠嫩穗頭肥

飯宜香稻酒宜黍願母中輟賜年豐饑粟寒襦喜
正同不愆秋夏占時若更起燒香祝碧翁

王晴江先生平山堂雅集十二絕句

存四

司李高風憶昔時一時老宿總堪思治春唱出清
明節到處人傳絕妙辭

後來高讌數查留查浦太史劉仲濱太守一作遨頭一勝遊

銷歇首塵年幾許只今詩句喜長留

先生頭白興偏豪江上青峰愛我曹開設吟壇人

九十衙官屈宋僕莊騷

含薰詩卷一

十一

回首城南不記年柳風古渡剩吟編先生舊雨今

誰在鄰笛聲中定惘然先生曩有城南讌集詩卷

集大春齋中賦得疏雨滴梧桐

梧桐院落晚風初雲薄晏空夜氣虛雨滴枝頭成

響碎葉經秋後得聲疎流螢暗向書帷度浮蟻深

看燭跋除共聽瑤階三兩點蛩蟪如和欲愁余

九日野人致茶菊

野人饋我茶菊花烹來清味勝春芽何須更貪人

送酒得此便可銷重九况是朝來無雨風一窻晴

日照瞳瞳啜茶對菊花應笑秋在先生食息中

題唐石士五華山房圖

衡山挺秀洞庭奇中有高人寄一枝老屋豈從今
日有離騷經裏卜居時

門人履康沒其婦以裘遺余感而作此

刀尺聲中天欲寒有人遺我灰鼠襖衣來淚落不

勝情死情何似生情好嗚呼履康未死時我憂饑

寒爾色愀背人贈我青銅錢助我豪氣解百惱而

今潛寐喚不醒霜風發發傷孤抱阿婦知夫素重

含薰詩卷一

十二

師衣煥情溫夫意表開襟尚見酒痕濕袖大衫寬

色精皎對衣如對衣衣人升堂侍坐寧幽渺服之

服之中情傷身不寒兮心悲涼藏置笥中俾勿壞

人歿衣壽慨當慷嗚呼師弟情深安可忘

懷李文乾三

久別如相忘暫離還繫思榻間無長物扇底得新

詩丈取我香牛想過枚生里重經漂母祠百篇曾

紀勝應更有清辭時有淮陰紀勝詩

平山堂治春詩十首存四

無數桃花處處紅
輕烟細雨做東風
笙簫不斷歌聲起
多少樓臺烟雨中

明月揚州第一樓
二分無賴使人愁
波光萬頃山涵碧
松頂鶴鳴清似秋

闌干九曲水如環
畫舸鈿車競往還
何處濃香暗相送
春衫簾影有無間

文章太守老門生
白髮相思綠柳城
燕子差池鳩拂羽
平山堂下又清明

半弓軒對句藥懷瞻李

全薰詩卷一

上

去年半弓軒日日見君詩
余心尤不忘麗句賦將離
今年半弓軒狂香當風吹
如何君遠別令我長相思
君豈在豐臺亦對此
芳姿獨行鮮僮僕
冬倍凄其當春何所依
音書與我違幾回見
若翁思若畏人知羣鳥鳴
嚶嚶老燕帶雛飛
曷不早還家讀書新夏時

雨後飲胡半山許

秧田水到雨初停
如洗青天分外青
漠漠白雲歸遠岫
盈盈明月照疎檣
渾疑秋早涼生嫩
肯負醅

香坐獨醒愛有城南新瓦屋
見坡公詩臨風靜對數流螢

謝葉漢倬送雨水

當暑人逾渴逢君心頓清
何須憂井谷同喜近茶鐺
舊雨不忍棄輕風看漸生
由來勝甘醴于水得交情

懷胡半山家瞻李

雪掠茆檐風打窓
有人此日走長江
酒杯欲冷薰籠暖
篷底聯吟好句雙

全薰詩卷二

上

得胡半山家瞻李書

才到湖湘便寄書
故人歡喜剖雙魚
三千里外情如許
渾忘家貧客到疎

向陸魚山乞書帶草

東鄰移得一株梅
點染還須借綠苔
願乞城東山下草
叢叢盤過老根來

問陸魚山杏花消息

幾日廉纖不肯晴
春寒直與好花爭
園林闌得盈盈否
擬向枝頭續舊盟

春雪增香山十韻

香山春雪詩紀事在二月如何三月朔鵝毛猶飄
瞥聞道浙江春五日八尺雪又聞洞庭北三尺夜
不歇有人西北來言雪最猛劣非但平者高且令
凹者凸麥根已凍死茅屋亦崩折秋水民阻饑春
雪民天闕可憐淮河間大半不得活或云未清明
尚可飛玉屑豈知今春來太多不可說前月憎雪
吟尖又鼓唇舌已惱花甚繁不信氣轉結早起寒
如冬午後更肅殺稍稍夾雨來忽見庭戶潔乾雨

含薰詩卷二

車

蓋屋瓦數寸凝不滅時當仲春餘愁者變喜悅以
為數十日二麥供粗糲便可免溝壑便可保羸孽
况入三月初無憂衾似鐵解衣入質庫諒不逢粟
烈而乃遭龍公窮水勢不輟嗚呼此番雪竟為饑
民設念彼香山詩信美非時節

謝孫名亭招食河豚白
作客能娛客招提共一卮得魚勝南有指乳說西
施淮地桃開早江干蘆發遲撩余饗饗興分送更
何時

曉渡揚子

山色靄如烟天光澹于水浪起微風中人在空明
裏

朱岱青送酒

桃花落盡過姑蘇人到船頭說姓朱餽我雞豚情
不淺汪倫曾有此情無

吳越道中

才過姑蘇地風清俗不喧翳桑成綠野流水護花
邨市遠農夫貴溪寬釣叟尊吳歌何處起舟子鬪

含薰詩卷二

五

黃昏

近家多種竹叠石每成橋橋上蘿陰合竹邊波影
搖青帘沾桂醕皓腕弄蘭橈健羨田家况春深樂
事饒

祝汪翁百歲

和風時雨長靈椿盛世齊欽上壽人百度鸞花欣
過眼四朝冠冕樂終身授衣已見頒黃絹策室還
看降紫綸遺老洛中虛左待香山美酒駐長春

逢陳授衣

乍游山水無引導盲人底事煩登眺頗有詩人先
我來探幽得伴旅懷開駭君草笠雙脚赤云爲厥
攷謀窳竅棘人勞勞林莽閒使我覲面無歡顏百
忙更致欸客禮饋酒一樽魚數尾故人情味何太
深叩訪偏若商與參但見大兒刻墓志瘦硬肖翁
書不異小兒候門聲琅琅翁出拮据營幽堂我來
西湖愛山水却於錢唐得孝子身當大事囊無錢
妻孥挈歸室蕭然瘦骨不支面深墨羅雀掘鼠竭
心力嗚呼仲弓本德門會流清澤滋來昆

含薰詩卷二

六

贈王允文

共知如水淡惟淡乃能長對話有真意吟詩生異
香今宵揮玉椀明日去錢塘回首白頭客扁舟夢
弗忘

西湖十絕句

存四

幾十年中勞夢想二三月裏不曾來今朝夏淺春
深候濕翠濛濛一溯河
樹裏樓臺花外鐘青錢貼水長芙蓉春衫未脫遊
人暖烘日衣香別樣濃

疆場不死葬湖邊南渡君臣笑昔年湖上大都遊
冶地鄂王廟貌鎮山川
表忠觀讀銘勳帖昭慶寺聞清梵聲一是空王一
軒冕令人長不辨枯榮

贈翁梅園二首

時寓其家存一

家庭得真樂塵網事全無耕織由奴婢文章屬老
儒佐餐勸鶩豕下榻設蚤稠可謂忘年友他鄉興
不孤

贈王元榮孫之蘭

含薰詩卷二

七

賦成勺藥愛神童馬糞門風定不同自是虔虔清
蔭遠一時龍鳳會稱雄

乞酒

愛酒由天性秫田買未能一尊銷永夏此事累良
朋薤簞臨風設魚鮭任意增乘閒過舍北風味類
村勝

夢王再溪却寄

昨問江伯子說君顏色好病後更康彊讀書破昏
曉中夜夢見君歡喜無煩惱且說到我家殷勤對

萱草吾母何所需靈芝出瑤島先生採藥還高堂
藉爲寶

懷胡半山

幾日不相見便令離恨生秋風起客思涼月感人
情念我海陵道逢君江上行瑤琴出芳匣應有鳳
鸞聲

謝玉樹念佛圖

靜裏惟聞貝葉香一心常愛禮空王分明記得曾
相見小致虛齋坐晚涼

舍薰詩卷一

六

賦得蟋蟀鳴嬾婦驚

暑退涼生露夜侵候蟲無暖傍塔鳴女工久自拋
長夏心事乘人到五更栩栩竊香方化夢聲聲促
織忽關情機絲欲理傷時晚還怕金梭製不成

誰言

誰言望後清光滅每到三更分外明酒醒夢回人
正渴碧闌干外不勝情

和田鴈門稻草褥

人生最樂黑甜鄉一般三萬六千場卧具四時期

愜適寒宵胡可謀不臧何人以錢買稻草睡褥裝

成偏道好豈無絲繭與木棉情必寄此無乃矯同

功之被蛩蛩褥洞房溫暖睡不足此事可讓綺羅

人吾輩所須在清福昨朝買得藁稈來乘搓細剪

疊成胎表以粗布展牀上伸脚穩睡軒如雷卽此

便足娛我夢費旣不多殊中用伴以紙帳蘆花被

清福深知消受重我聞賓至具酒饌馬無以飽母

劉薦斯人門多長者車老母時時爲開讌草褥豈

徒睡鄉煖倉猝飼秣不須斷以節母勞或一道誰

舍薰詩卷一

九

言今日無陶侃

寄山陽楊隱斯五首

存二

當春得尊酒如見故人來有客向余索辭人背而

開盈盈挹芳醞脉脉舉深杯絕似高樓上談經夜

不回

王孫今老矣謂韓仙李慷慨到淮陰學問千年事交游

一片心鏡前說情話客裏得知音料慰倚闌望歸

來冬未深

喜晤秦礪泉

昨夜夢見菖蒲花朝來宜有名士至終日不曾對
佳客幾疑好夢無所為當暮忽聞髯秦來十年前
已洽寤寐蒲帆幾度秦淮水日不得見噪兩耳盈
盈寒月鴈南翔于今乃見瓊花藥伯玉百軸詩嘗
於人家屢攬之僧虔幾卷字久已覓得藏篋筒聞
君更有古今文高如清秋澹如雲一時傳誦紙大
貴甫經雕刻梨早芬何當百尺樓頭百遍讀明日
同君平山堂上醉千斛

江嶠谷許贈盆梅謝之索之

含薰詩卷二

辛

焦尾結知音寒葩含素心恍惚一年內君花如春
林瓦盎延苔色拳石多崎嶇美人入夢寐一一抱
稠衾我齋徒壁立但有寒氣侵昨日君竟來獨坐
久惜惜許將處士梅來伴先生琴我對梅慙穢我
對琴欲瘖古華并古聲君肯豁我襟我襟不足豁
感君意良深

含薰詩卷二



含薰詩

真州

庭前梅放一枝同

冬至前五日梅放一枝花高朋即茅舍

葩或云陽春回道長君子家生祥著檐宇草木靈

可誇或云鄰納婦當秋盆梅華在彼既有徵此瑞

應不賒為龍不為魚得男還勝爺引經指時事酒

後眾賓誰我獨向梅笑芳意偶萌芽遂令好事者

好言着意加向梅澆一觴我告聽勿差惟願爾梅

年年開兄弟扶母花下來冬日不凋春日茂百年

日日笑銜杯

言志四首

少小讀詩書寤寐慕禹稷饑溺人已同百世食其

德古人自任重所以謀之亟小子徒越思深噴不

量力譬彼蠖蝓絲豈如蠶可織悠悠數十年空懷

竟何益

范逵譽陶侃名士由賢母雙髻易肴饌此事古無

有繫我有老母好客心不苟潛從堂上來甲乙別

某某但憂兒不學安肯吝尊酒明年母八十阿兒
守戶牖曾聞捧檄喜膝下人知否

昨夜夢神農令我兩臂折肘後見方書分明字不
滅又見花如錦千株杏子結覺來殊自笑幻境不
可說我喘常類牛時時畏炎熱自醫尚不能爾夢
亦太拙

蒼蠅附驥尾一日之千里丈夫策名貴得青雲
士顧我寧不知繫誰爲驟駟冀北羣豈空甄識端
由已自問非孫陽徒勞執尺箠閉門習馬經修途

含薰詩卷三

二

庶可倚

存園看梅

老梅幾樹心相關與客攜壺共往還遊向初春殊
窈窕開當極盛總清閒際空香氣烟籠水無限花
光雪壓山微雨初過風力峭却勝晚冷是醜顏

飲黃荆江家

寒食初過細雨斜開尊常對海棠花重來地改花
如舊一樣尊前爛晚霞

次和胡復齋中丞卜居元韻四首

卜得幽棲勝故居牙籤先檢鄴侯書細焚迷迭懶
初下旋植琅玕地有餘讀易彈琴心自遠問奇載

酒日無虛二分月色由來好在策空階遲望舒

少伯浮家豈是家肯將身世逐魚槎汪陂共道同

黃憲風賦看來並景差放眼直須天作幕延齡且

覓棗如瓜烏皮淨洗銅觚膽硯北先開雪裏花

心如止水寓皆安雲夢襟懷萬頃寬徑草不嫌同

蝟磔庭松猶解學鯢桓閒圍獸炭江干暖絕勝貂

綸塞上寒見說朱弦調錦瑟定應容色壓邯鄲

含薰詩卷三

三

懷刺何因謁座隅好叅名理侍蘇湖親朋暫悅連
牀話黎庶難忘夾道呼故里峰回雲外鴈長安路
指日中烏錦囊綠字新成句不讓當年記事珠

春日讀漁洋冶春詩即用其紅橋二首韻

依舊春情冷天桃開好風仙翁何處覓碑版認花

宮先生紅橋遊記石刻
今猶在蓮性寺壁間

名士愛清明山堂五來徃今詠冶春詩酒痕滿襟

上

生日

我年三十八一事笑無成豈獨羞前哲而多愧友
生壯時隨眼過衰感向心迎太息昌黎老箴言最
有情

養親兼教子朋輩話深衷顧我無蘭夢萱花特鬱
葱白丁虧子職黃耆仗天公鎮日謀藜藿吹填竟
未工

年年看秋色秋老は今時共歎霜華早偏憐菊豔
遲縱多晴日照不有好風吹極目懷蒼秀長松可
等期

含薰詩卷三

四

魚山陸瀛和

四十君將近才華見老成讀書能上達養母得
長生佳日堪酬酢高朋樂送迎黃花知獻壽歲
歲自多情

樂志無奇策承歡愜寸衷觴斟琥珀酒羹芼水
晶葱戲可同萊子狂應似次公友于歌既翁何
謂術難工

又閱秋光老高吟自感時晚成元不少大器豈
嫌遲雲路三花翦天風六翮吹乘車看來日企

爾慰相期

石士唐毓蓊和

愛君稱博雅學自早年成高格超流輩常談厭
老生會看前席問寧羨左車迎笑我真孤陋空
懷稽古情

行年近強仁出處繫深衷奉母扶鳩杖宜男佩
鹿葱不妨徒四壁未肯易三公漫道升沉事權
衡屬化工

含薰詩卷三

五

一杯壽壽客黃菊十分時願似此花好九秋開
豈遲但須時雨潤偏耐朔風吹試與春華較晚
香應可期

清明東家灝軒

雷奔雨打過清明兩月陰晴總未勻豈爲嬉遊耽
曠日那堪沈晦度陽春烟迷綠岬閒舟子澗逼青
帘阻酒人向晚蕭蕭倍惆悵開尊題句餉東鄰

題友人行看子

世路多波濤蹴步風生浪涉世苟無學逐逐已以
喪所自古君子忠信自憑仗水驕瀾旣倒桅穩帆

無恙颯昏冥吹鬼物逞異狀心如指南車百搖
不岐嚮咄哉圖中人獨與波濤抗不為驚憤靡播
掀神更旺乃知把握堅識定力無量佇看好風生
晴光與跌宕從流上無極銀河覽昭曠

遊賀綸音園亭

十首
存二

揚州勝地數平山曲曲紅橋水一灣誰遣山南橋
北裏橫添樓閣對烟鬟

却從花底鑿清池嫩柳和烟種幾枝料得織腰學
春水臨風一樣綠差差

舍薰詩卷三

六

沈秋霞招看牡丹平菴黃丈約各成詩一章以名花傾國兩相歡為起句

名花傾國兩相歡此會平章分外難脉脉尊前開
笑口盈盈鐙下倚雕闌露濃渾怕春衫薄人去還
愁花影單漫道聾丞信充耳偏於解語盡情看

哭平菴黃丈

嗚呼噫嘻忘年交情不具說哀公今日竟長辭我
之金陵公抱病咏桂猶願我折枝吳楷下第先生
且死黃公酒瓢奠公百瓢飲楷百瓢胸中壘塊不

足以消之嗚呼噫嘻

癸亥臘月廿一為明年甲子立春日一山

招集詩友初訂吟社余躬逢盛會率請諸

公各賦五律二首同詠春卮卽以為韻

天
太史唐赤子
先生命題

敢云良宴會但喜及新春淑氣能先甲清供媿五
辛高軒來長者布席得詩人好訂開年約休辜花

下晨

檐底梅剛放尊前香乍吹東風宜彩勝名士有新

舍薰詩卷三

七

詩聊藉黃柑釀同看白雪詞漫云猶帶臘春意滿
芳卮

天門先生春卮二律

一瓊椒花酒初拈及令辰明年更甲子此日異
冬春金谷客維舊玉泉吟正新從今長索醉莫

厭白頭人

北堂春到日東閣雪晴時偶預盃簪讌同分介
壽卮瑞香浮臘釀和氣入新詩認取金鑿落逢
場此共持

索蕭叢五元子

團米作圓曰元子製之不知何代始我

皇歌詠燦珠璣微物欣傳千載矣元夕家家都買
食糖香粉色誇閩里爭似君家滋味殊大如黃柑
味無比雜攢果實調芳脂屑盡含漿絕渣滓佳人
春杵碎金釵美糯名細篩輕疊塵不起如雪如綿善
包裹未熟先令人色喜前年元夕蒙饋我我母喜
食食不已謂是老人稱所需香軟自不勞牙齒恭
逢今日又元宵跪向先生乞甘旨先生心若野人

舍薰詩卷三

八

心先生物較其芹美更請馳驛獻

至尊鳳藻載賡事堪紀

送曲靖陳耕陽却呈前制府郝公時入都
謁郝公

不辭萬里賦長征國士難忘知己情幕府師生前
日事間關父子者番行點蒼白雪誰同調秦嶽青
峰似遠迎好抱素琴遊冀北鍾期久待紫微城

送道士胡省一歸漢江

廣陵十度看春花今日言歸天一涯細雨輕帆江
上路晴川芳草漢中家悔貞在易原無定勝敗于

碁未可誇道士善奕
善卜善飲竟向烟波問消息黃庭尊酒
不須賒

王玉山言其盆梅一株榮枯相半留其枯
者倍增妍好

見說盆梅致特疎一枝繁艷一枝枯絕憐紅蕊含
生意且喜高枝伴小柎皮已不存留色相骨偏能
瘦是清癯何當相對烏皮几醉倚寒梢幽興俱

沈秋霞招集雲起山房納涼

休文能好客避暑出城遊老屋低於樹清陰涼似

舍薰詩卷三

九

秋南風薰午榻斜日暝高樓座有耽吟者燃須輒

未休朱蘭田詩
獨後成

愛此清涼地幽人宜住家嫩黃試春茗沉碧剖西
瓜雲赴催詩雨天留散綺霞欲歸猶戀戀轉畏晚
途賒

飲陸魚山杏花下

郭北人家幾樹紅小橋蠻榼入林中晴光遠勝廉
纖雨鬧意都隨澹蕩風漠漠衣衫初試恰盈盈酒
盞不教空春宵何弗還來坐夢到江南景略同

過竹溪道士茶話

一葉汎秋水秋生道士家拈毫臨古畫留客試春
茶雲過一天碧軒清百卉華詩成鼓棹去幽興渺
無涯

和程洺江太史自詠小漪南元韻

水竹幽棲似昔賢漪南自合古今傳芙蓉泥裏花
如錦何必人稱舊輞川

五柳先生愛短籬斜川偏又喜漣漪湖陰休羨蘇
居士好看南山日夕時

含薰詩卷三

十一

比鄰結得種花翁兩兩消閒老圃中夾岸蓮花何
處好西疇笑指水亭東元唱注方子右將
約于其西疇種蓮
別有町畦絕俗蹊薰風十里繞香堤廬陵盛會如
重舉邵埭還應遜竹西

懷家凌洲

鸚鵡洲邊春草生茱萸灣畔春禽鳴翩翩書記歸
來好何事依人又遠征

懷程雪門

青梅如豆笋抽芽薜荔風梳名士家乘雨採歸紅

藥好掀髯靜對膽瓶花

向耿容齋乞黃薔薇

搓得鵝兒滿院黃都來架底坐聞香蕭齋正覓新
花看七十行中掬數行

負米行謝耿容齋

養親出負米古人多如此繫我養老母往往缺甘
旨古人米安得賦畝獲蕤蕤恒產未全無上足供
兒齒有友向我言當秋會大比吾子信有才宜益
工研揣何勿匿跡深檄到母應喜斯言真藥石聞

含薰詩卷三

十一

之但唯唯饑來憤驅人不能安坐理有友蹶然起
爲我計滄瀆僂指曰勿憂此誠我事矣君果飽經
術吾寧慳糜芑贈君七月糧培風九萬里出聞友
所言入向母前跪詰朝兒當趨負米重城裏母曰
誰歟贈孝廉崑采是嗚呼兒勉旃莫辜耿季子

壽陸魚山五十

少小作文賦倏逾三十載波瀾老更成後學怖陸
海農華瑤池桃芳香澧水蒨春風當生朝長身斑
五采兒戲向北堂美玉光最璀璨彼朱翁子真樂

何曾逮

我欲上青天，天高不可梯。我欲挽白日，日疾不可追。丈夫縱貧賤，未老當有爲。何必待玉皇，學問無窮期。但當惜寸陰，事業允在茲。古人一不朽，長生同靈芝。

寄程古香

三山乘好風，一點留殘雪。在昔錢仲文，霞水心如結。憶君滄江行，雙翮白玉潔。青天澹無雲，高飛莫天闕。而我宿沙頭，分飛念飄瞥。安得接影來，和鳴

含薰詩卷三

三

慰遠別

昨夜夢見君，顏色殊姣好。幽花細竹間，落落得懷抱。覺來寄君書，微雨滋堦草。願仗東北風，明朝達遠道。

乞猫

山房猫去壁，常穿萬卷書。殘損夜眠今，向紗帷求九坎。煩君揀送好含蟬，牡丹正午想仙哥。笑我來迎聘，最多貫柳裹鹽都。不事只將七字向君哦。

寄楊孝穉

三年不相見，相思何寄將。懷人寄文無，勸君歸故鄉。故鄉何所樂，兒嬌正待學。秦淮清澈底，君歸酌一勺。

昔人常罵座，豪氣凌鸚鵡。君子弗貴之，爲其多齟齬。所貴在包荒，千頃陂汪汪。滄之不能濁，喜怒總深藏。

孟夏綠初密，相期歸石頭。到家畱一月，絺綌下揚州。客遊富卷軸，我詩亦盈篋。海榴花正開，開尊共

含薰詩卷三

三

君讀

題家凌洲造車行看子

閉門學輪人，斲輪取其園。得手應於心，小中見大焉。子欲爲國工，此意寧不賢。出門山澤多，杼俸尚審旃。

壽王再溪

何處耆英開，七袞青城快。覩老人星，堂堂相業光。金匱落落宦情傾，酒餅滿地春來都。種杏繞門水到獨乘舲，妻兒笑采菖蒲釀。生朝近天中節不用深山劖。

茯苓

指香堂納涼

愛共幽人限詩韻怕逢熱客叩柴關含風黃簟清
於水遮日白雲高似山

得表弟黃玉山書

柔翰曾俱弄今增老大悲來書話坎珂觸景意凄
其鴈落蘆洲外人憐茆店時高堂情倍篤萱草惜
連枝

哭天門唐赤子先生

含薰詩卷三

四

嗚呼哀我唐公甫乘箕吳楷夢公索挽詩公問楷
有警句否覺來枕上無窮悲公沒七日儒林夙推
文章伯道德羣欽王者師公之品詣今無輩廟廊
草野誰不知楷今哭公獨有為二十餘年公教之
疇昔公與吾父友倚樓人共摛文詞謂姊夫彌勒
菴中聽雨夜春暉堂上看花時此時公不棄謫劣
往往及楷同賞奇父沒楷孤公愛篤寓齋日日許
追隨公入京華去復來愛楷如新不肯衰語言文
字遺形跡易象詩書藉勸規吹枯噓生勞汲引愛

極真欲忘妍媸令子行純筆力健措紳結交爭先

施克家屢見過庭日楷得與聞公耳提公來揚州

十餘載大雅不墜文在茲六月十六公枉駕不嫌

供給話茅茨猶擬金陵試經術共信南極光無虧

天雷無何占九五此事非藥所能為奈何閉門試

方書日復一日成厄羸最悲沒之前五日寄詩說

楷食寓醫更悲夜分跨雀去午餘桃實猶相貽嗚

呼籩豆不空酒盈卮招公不來增噫嘻鉅卿挽歌

都警句賤子悲哀無好辭嗚呼公其鑒楷來格思

含薰詩卷三

五

江南四月鱗

四月海潮上笑余每食貪肥鮮凌丙穴風景擅江
南下箸資芹笋貽人致竹籃長安文酒客此味可
曾諳

聽王吉途彈琴即題其琴旨後

吾不解琴旨聞音乃得真宮商心井井指擊指鄰
鄰清篔簹忘輕暑高齋絕點塵披圖弄一曲不讓義
熙人

送人往黃山

君今過冶城煩君問道士丹砂搗黃庭善本得幾紙

黃山峩峩高有時見雲海為囊兜羅綿晴空看鸞

雨中杏花十二韻

上苑杏初發高樓雨正濛枝頭乘霧放花頰得烟
籠薄粉濕逾麗淡妝啼更紅含顰差可擬強笑弗
能同絕愛春情鬧偏思日影烘飛卿詠簾外宋玉
悵墻東坐我廉纖裏看他太瘦中滿園開艷艷一

含薰詩卷三

六

夜聽匆匆雨是知時節花仍仗冶融粥餽寒食
歌舞醉和風靄色收芳樹曦光戀卉叢蓬萊煥文
采應藉尚書工

詠金帶圍勻藥蒲圻崔公課題

名花四朶發春深花底平章艷古今婪尾都看苞
似火圍腰獨愛帶如金宮袍束處占中色郡圃開
時冠上林五百年來春未老一枝應為相公簪

穀雨試茶

九十春光餘十五新泉旋汲試新茶蛤蜊食罷醒

難解枳殼開時渴正賒淺碧底須誇竹葉嫩黃真
欲比松花當春驗取春滋味一種清香屬筍芽

送李嘯邨之楚

揚州楊柳樹空綠一城春襍被乘孤艇瑤雨託遠
人文章吾輩重交道四方新尚有余心善秋蘭足
佩紱

已軍工篆籀不見已三年聞說遊南嶽歸途滯漢
川相逢應大笑沉醉讀新編為報青桐長堦前欲
插天

含薰詩卷三

七

掃葉

落葉如愁積亦知掃不開呼童具箕帚為我破莓
苔一縷茶烟起空林明月來斯時心若水何處著
塵埃

招吳觀心抱琴湖上

近聞秋水與天吞郭外家家綠到門涼夜相將窺
月姊商飈如欲和桐孫七條弦動清於窈十丈花
開香撲尊坐有穎師心太古不將水炭向人論

向江嶠谷乞伽南香

第一刀圭安所得荀公見許擬親攜似於海上求
雞舌肯向山中覓麝臍靈木千年傳不朽生香百
種總難齊漆球角牒能分我勝佩秋蘭九畹兮

寓齋題壁

十年幾度宿僧房中酒別人秋倍涼今日花宮重
習靜冬來惟願馬蹄忙

贈張謙受

五年前共荆江語高文獨可當稱許一心宵渺追
鴻濛寸管屈曲成婿媼不爭細響類鐘鏞自然溫

含薰詩卷三

六

潤異砭砭忽然相遇長干寺雨後青山露蒼翠軒
軒不與下士偶雞羣之雀馬羣驥三人下第秋風
涼兩年不見相思長今日海陵握雙手花間杯底
醉斜陽計君年少我十齡齒牙未落鬢髮青昨朝
把讀君試帖心精奕奕光熒熒此事元須用心力
眼前唯有荆江匹似余嬾慢思紛紜斂手看君不
家食

贈姜靜宰即送還白蒲二首存

自笑羈棲久春分返白蒲上堂致甘旨入室話歡

娛問樂天倫大論文獨學孤揚州攻玉地早晚對
吾徒

九秋吟 汪清蓮

余獨處寡營爰愛清秋有契于懷藉所觸為九
章各寄意焉寄者何曰秋鏗勗幼雅也秋蟲歎
老境也秋苔期有守也秋雨感運速也秋空汰
心塵也秋墳思亡友也秋鷹悲壯志也秋蘭傷
君子也秋田荷 皇慈
也詩成要同好以和之

涼生露欲凝清氣逼宵鐙猶記坐家塾欲睡睡弗
能

入夜靜還喧不知何故煩志士如懶婦一樣心偏

含薰詩卷三

九

翻 猶是上階情凌寒漸碧色寄語造門人可見不可

即 縱使被秋陽可及春天好况聞浙瀝聲點點令人

惱 秋氣下太清一空無所有踟躕立大荒幾回獨搔

首 木落草衰矣短碑鮮未剔昨夜夢人來渴甚索酒

喫

元稹金商氣霜飛眼倍明但言爭雉兔猶未喻平生

清姿戀幽谷涼天還獨芳忍寒自榮萎不知庸何傷

出郭度原隰百室慶有秋無田亦足樂粟賤我何憂

姜靜宰揖別入都出九秋册子見示繪圖者蔡

雪堂賦詩諸君子言言庾鮑屬余同賦更識其

最賞心者清連秋鏡曰鳳脰花影垂蘭膏草

心藉呼兒起讀書迢迢好良夜古剌樓日鑿帷

復鑿箇辛苦無短光那惜蘭膏盡憐君秋夜長

狂維碩秋蟲日啜吟亦何苦似為報秋深昨夜

入林下感君遲暮心靜宰秋苔日雨過復能緣

斜陽上竹屏喜無長者轍留得此山衣雪堂秋

雨曰幽夕鮑步江日瑟瑟芙蓉佩瀟瀟蒨蒨房

禁此幽夕鮑步江日瑟瑟芙蓉佩瀟瀟蒨蒨房

美人自霜服何敢怨朝陽雪堂秋空日白日瀟

虛明流雲去如馬天地何茫茫躑躅立大野維

碩秋墳曰原上芳草枯白露下黃土風前幾故

人吟魂嘯寒雨刺樓曰銀海深難測漆燈透松

獨誰唱鮑家詩稜稜霜正下靜宰秋鷹日霜草

含薰詩卷三

黃雀去邀鄰翁來新篔簹醉林薄

運國周

含薰詩卷三

三

吳秋竹手編含薰集成見示勗以拙作附雕東此奉謝并書集後 半山胡善磨

秋竹先生千里姿健筆馳驟多瑰奇往昔聲華滿上國宰相掃門爭延之清時辟應孝廉詔緇晦不願巖廊知鴻博科開復薦舉更以小人有母辭篋中著述三十載風騷漢魏夙所師一旦編訂出問世五色鳳皇光陸離我詩卑陋如牆齋望之不啻高松枝十餘年來相唱和侯喜聯句空復為豈無碎金與片玉對諸重寶殊差池古人交友重標榜長公山谷深相資亮哉曹鄴楚國警公道具在傳口碑文章有價無溢美自譽徒為後世唾稽首載拜投筆謝低徊諷詠含薰詩

含薰詩跋

一

丹橘林詩

采玉於渝次泰旨之山工人忽焉雖有嬰垣璇藻
視之闐然也再過得之藏以華篋襲以緹巾而後
羣相珍重曰此嬰垣璇藻也豈玉之前惡而後美
哉亦其遇有不同絀於前而見珍於後耳
今天子稽古右文凡會試所進士復試以詩賦論
疏儲館閣材六藝之義煥然光昭恭遇
六龍時巡東南秀英之士皆獻賦道左蒙
召試擇其尤者

賜鄉舉授中翰職眞州吳子一山在試中旣列優

丹橘林詩沈序

一

等矣忽偶失之人爲一山惜一山無幾微憾閉戶
著述益勤蓋一山具夙慧承園次仁趾野人諸先
生家學目染耳濡而又志專力奮好遊陟時扁舟
大江南北訪名公鉅卿訂縞紵交且太夫人春秋
高循陔扶輿之暇時以篇翰娛親足於中不重乎
外故人世之虧成得喪一不介意也今春來吳中
與子會合出其集屬予爲序披而讀之高者若風
雷之相擊幽者若清泉之赴壑抒慷慨憑弔之懷
流瀟灑自得之趣此雖其稟賦之殊抑亦自少至

今淵源有自所得於江山之助友朋磨切之功者
多也夫名山蘊蓄特患非寶玉耳果其聚天地之
精英必顯為瑚璉之重器一山抱璞而居雖不急
急於用世而廟堂需材終必求之行見登之石渠
天祿以其文章作為雅頌詠歌太平若嬰垣璇藻
藏華篋襲緹巾為人世之寶一山雖欲優游林泉
與二三知己嘯傲湖山其可得耶械樸之什曰倬
彼雲漢為章於天周王壽考遐不作人謂久道化
成而人才之光采濟濟我我近列左右也一山懷

丹橘林詩沈序

二

玉以埃時可矣

乾隆癸酉春莫長洲沈德潛題於紫陽書院時年
八十有一

詩之興也始於虞廷之賡歌厥後周文公召穆公
輩作為雅頌道揚黼黻以襄至治秦漢以降迄於
有明數千餘年其間不乏右文之主上下俱欲懽
然交欣而求所為賡歌雅頌以嗣唐虞三代之風
者非絕無其人然亦可俛指畢也我

朝文治聿興明明穆穆亦既聚精會神相得益彰
已欽逢

今天子益加旁求薄海俊又從風向化而稱得人
之極盛者尤在

丹橘林詩錢序

一

巡幸江浙之會夫江浙固古所稱人文淵藪而
聖天子之所加意振興者也辛未春

召試江南多士

命子偕節相高公少司農汪公次其甲乙得十八
人乙科中最卓越者則一山吳生子心賞其文未
見其人也冬十一月

皇太后六旬萬壽一山與其宗荀叔來 京荀叔
亦

南巡所得士 令節後一山投刺一見旋歸廣陵

荀叔供職中書暇輒詣余余訝一山還家之速荀叔曰同人皆留其應京兆試一山決然去爲老母也因爲余述生平言一山匪獨才高而學博天性篤摯所與游者多賢士大夫皆稱其內行無間言是有合於古之有道而能文者夫不知其人視其友荀叔固不輕與人者由是益愛一山不置今年秋余以老且病蒙

恩得請急歸里道出廣陵一山來謁余深察其意之所寄與身之所履有與荀叔之所稱適相發明

丹橋林詩錢序

二

者旣而觀其素所作詩若干卷性託夷遠少屏塵雜宏獎風流而增益標勝雍雍乎垂紳正笏亦雅稱其人焉余覽之未嘗不私幸所賞之不虛而且爲 盛世得人慶也異日者

天子廸簡著作之才一山發其英華賡歌雅頌以奏諸郊廟施諸燕饗朝會美盛德之形容贊萬年之鴻業編之乎詩書之冊措之乎天地之間則一山直與古昔大雅後先輝映也已余故樂爲序其詩云時乾隆十七年冬月柘南友生錢陳羣譔

自吾先世左臺公以詩名於唐厥後歙州吳氏擅能於詩者代不乏人

本朝如園次仁趾野人諸公其章章尤著者乃今復得吾族祖一山先生先生爲豐南之長園次仁趾皆其世父行少穎悟奉庭訓日以講道讀書爲事旣爲諸生才氣軼出今文古文各得指歸而韻語彌所耽嗜上溯漢魏六朝以及唐宋元明搜索貫串悅心研慮其於大歷十子更不啻造其堂而齊其裁四方才雋之士與當代名公鉅卿縞紵投畚往來唱和較韓孟歐梅無兩視焉歲在乙丑已刊有含薰詩并指香堂制義行世辛未春二月大駕南巡一時陳詩獻賦濟濟有人先生進其所爲賦一首詩八章揄揚

丹橋林詩序

一

聖德蒙

召試拔取優等

恩賜稠疊洵遭際之極隆文章之盛事乃先生歆然若不自勝益鍵戶績學朝夕靡間春秋佳日偕弟侍太夫人優游家園奉觴上壽孝弟之性形諸

歌詠彼西河色養潘岳閒居有過之無不及也余
青袍落拓學植久荒服先生才高而行純時復親
几席聆教言先生因子淪茗沃觴之下更出其未
定稿如千篇屬余刪正夫余安能知先生詩顧以
先生負重名荷

聖遇文章彪炳方將遠紹近述以鳴 國家之盛
而獨區區垂綏一寒儉老鈍之族子則先生為古
人之詩亦即敦古人之誼益徵吾宗詩學淵源有
自而先生虛衷善下如此爰識數言以見其概云

丹橋林詩序

乾隆十七年壬申春二月上澣族孫為瀚拜撰

丹橋林詩

真州

春日王熙聞濯江

費修大并同學諸子集城北園亭步瀛洋

山人上已脩禊水繪園八首元韻

文章疇曩推綸閣謂新而今風雅殊落落獨憐門

巷是烏衣子弟還與昔時若吹花擘柳春欲深踏

春郭外人林林相招名士乘烟景懷我和平信好

音

丹橋林詩卷一

侵晨花底喚提壺旋試青鞵步綠蕪經史便便開

腹笥盤餐秩秩供行厨羲和御日日易暮急景輪

奔不暫任韶光且為我輩留莫遣子規叫春去

晉魏以來迄元明濃薰高摘懷深情 國初蔚起

跨前代斯文絡繹如逢迎今來畫壁榴皮壁諸子

量才皆一石笑余不學太疎狂悔却少年耽弄戟

烏絲欲試浮紅友春與吾曹分外厚蕭散何妨似

戴顓朝朝自把聽鸝斗風前燕子蹴花飛鬢影香

飄血色衣小秦淮上留信宿直待春歸然後歸

雉城別墅枕清溪千簇穠華徑欲迷邵杜許陳當

上日嚶嚶友聲清書帝樽開園敞如歸市刻燭高

吟邱壑裏洗鉢池頭修稷詩興酣落筆臚鸞尾新見

城公香祖筆記

珠璣滿紙白鳳唾步韻朗吟百遍過後生晚仰

前賢高塚麒麟感長卧孫曾相見一開襟謂冒從其原

此文章定賞音也同水繪園中會坐想蘭亭與竹

林

春日誰為水上嬰綠楊城郭黃鸝啼鳳簫無聲玉

丹橋林詩卷一

人去但聽蓼蓼社鼓槌比來苦旱無甘雨二麥田

疇如失乳安得禹步吹縮龍驚雷為擊收田鼓

平山堂畔百花紅大明泉與岷水通今日蜀人預

良會高歌莫放酒杯空漁况愛峨嶺麓十字蠶

叢誇老宿新城公有贈成都費先生密詩修大其曾孫也未墜風流都在

茲好熟鑪香對修竹

題王玉山遊山詩冊後

秋山肖美人鬢髻益嫵媚彼朝沐容明艷露清

碎慧居舊蘭若鋪金成大寺聞知山水佳余性耽

飽醉不樂交浮屠竟無因而至林壑數攝山嘗欲

乘秋詣三年一渡江笑被浮名累江上幾番行結

想殊未慰子猷高尚士頗得雅人致秋末當生朝

秋中竟鼓柁言訪江上峰幽尋印夙契一往恣朗

吟兩山做遊屣清欲凌空虛高不藉文字何當乘

蕭爽載酒過其地不知清淨所能容俗人未

春日與彭望嶽溫六飛燕維四郊遊晚飲

指香堂卽事分體得六言二首

春草直同希綠春波尚比酒醲瞥見高樓人面恍

丹橋林詩卷一

疑明鏡芙蓉

匪我偏耽酒瓊憐卿獨擅歌喉才將紅豆記拍便

折花枝當籌

元夕大雪懷家搢揆殷兌齋時自漢江返

知君何處泊江船相對黃柑思邈然雪滿春洲流

不競月籠寒棹影初圓圍鑪定是酒無量絮語猶

疑人未眠却向燈前祝風信來朝早趁飽帆旋

見陸魚山家杏花有感

去年花底君無恙今日花開不見君聞道引年嘗

種杏如何春雨感斯文

乾隆乙丑夏五陸八魚山没余與天門太

史唐赤子先生哭之作硯銘有序以識魚

山生平天門正之而付諸梓冬十月天門

没惜魚山死不及哭天門也春日看梅天

門命題魚山有詩三月十六魚山同胡二

耕堂來約登平山堂余不果往是後魚山

病遂無詩致余天門病中為致羹鱸一日

以詩命其叔子石士來謝越五日而竟没

舟橋林詩卷一

四

嗚呼五言七言墨痕斬新而師資良友頓

去人世豈不痛哉爰合二詩為一軸更系

之以詩匪惟長久展對亦俾世之交二人

者得憑是以弔之也詩曰

唐公吾師陸吾友有神有道日聚首苔封花落人

不來蕭齋空復開尊酒光苾楮墨精氣盤璧合為

寫烏絲闌風雨晝昏涼月夜疑有人來對面看

朱東城家漁荷小齋納涼

當午熱逾甚晴空乍得雷乖龍挾暴雨頃刻浸莓

苔有客拈毫坐何人著屐來方干門外至一笑舉

深杯謂方志方

晚疊前韻

雨過渾無暑雲殘尚有雷蜻蜒戀蓮葉螢火點蒼

苔綺語自然合清歌次第來宿膠堪更酌莫放手

中杯

寄懷冒甚原

今年踪跡疎不得時唱喁江都一見面海陵乃握

手君有兩書來作答遲又久儻責我懶慢孰敢哆

舟橋林詩卷一

五

張口清池開蓮華新蟬上楊柳郡城饒紅塵浦頭

多美酒先生樂英才嗚隨大小叩夕陽罷講貫迎

涼開芳醜橫陳蘄州材仰面舒雙肘長嘯起夏雲

寤歌絕暑垢昨日東城來揮汗坐風牖破空怒雷

響挾雨激電走東城成五言狂叫飲一斗惜君不

我卽言念空搔首計君入郡期七月來壽壽王熙開生

朝約人郡尚隔六十日調饑安可受我思向東城東城

為問舅六月又科試海陵更到否否則來浦頭紗

帷觀良友甚原設教于浦頭張鳴鑄許張朱東城舅也

和富半山送酒

三伏止酒矣樽酒來何後不飲虛友惠復飲敗吾
守新詩借酒來生香比橘柚持以告北堂母曰善
蓋覆且待天氣秋商飈到堦聲聽爾開芳樽食前
為我侑業已好藏之烏雲失白晝頃刻急雨來濕
布瀉檐溜修修風漸生蕉紗涼欲透盤旋花甕間
芳香如可嗅頗可破酒戒母意誰敢扣慈母知兒
心一笑命相授明朝迅作答家釀真醇耐盛暑猶
未除良會不可又

舟橋林詩卷一

六

詹文蘧與楊孝稚晤話感成一絕

有客相離十九年相看我淚獨潸然而今情話低
徊處彷彿當年舫閣前舫閣先君子齋名

對楷瓢懷黃平菴先生

對酒當歌轉涕零黃公長醉幾時醒城東門巷苔
餘綠郭北墳塋草自青太息良朋多溘逝天門山皆先生好
友可憐弱息總伶仃早知老去殊容易日日風
前倒酒餅

中秋後三日李邠揚未東城家大春小齋

限韻

商飈襲袂正清秋幾日團圓月打頭人有閒情惟
縱酒仙無定好漫居樓曾誰舛蟾榮千品各有言
鯖邁五侯瓶桂生香燈影淡仰看雲葉細鱗浮

秋日集指香堂送溫六飛還吳興

秋露欲滋園菊綻橫空掠影鳴孤雁清歌劇飲主
人情對此停杯醉不慣美人家在白蘋洲白花碧
葉任夷猶從今一棹向烟水脉脉東南日倚樓
重九前二日送李嘯村攜少婦歸皖城

舟橋林詩卷一

七

風雨今秋少君行亦復佳倚舷開玉甕按曲得金
釵生子中年事宜家大婦懷定知琴瑟好尺素寄
蕭齋

九日卽事以重陽登高為韻

晴光晞露浥芙蓉低映湘簾花影重今日題餠少
風雨隨人郭外一扶筇
千枝萬朵傲新霜一帶疎籬接短牆若把傍花村
比擬家家花草似河陽傍花村在鎮淮門外秋時卽皆種菊
遠躡崑岡足弗勝葉公墓上試同登不知華表摧

殘日天際雀飛歸未曾

茗話僧廬清興高到家催客醉醇醪黃花白鴈真
佳節莫唱新詞感二毛

長至日飲指香堂看梅次和家灝軒韻

少陵詩裏畫衝冷見花開先喜得春意齊來看早
梅一卮堂上介五字日邊裁打鼓兒童樂渾如擊
鉢催

疊前韻壽楊孝穉

冬至輝南極當筵笑口開隔江憐寶樹對月見芳

舟橋林詩卷一

八

梅酒向客中醉詩從醒後裁百年饒事業瑄瑄漫
相催

再疊前韻詠盆梅

瓦在根何小先時着意開但知偷冷艷不覺負春
梅擁腫誰收拾欹斜重翦裁陽回易零落青帝莫
教催

三疊前韻與朱東城飲程薌溪齋中同賦

日至留樽酒欣然為客開時冬至後一日澄懷比明月幽
意侶寒梅苦窳獨無用疎狂總待裁堂堂壯心在

莫負寸陰催

仲冬十六夜楊孝稚寓齋對月同限月字

一冬無雨多明月夜趁月光探詩窟早有詩人坐
寓齋啣杯高話興超越其時寒蟾弄皎潔天宇無
塵淨雲葉近臘風露如中春梅蕊犯寒花正發呼
童移席下空堦更沽斗酒具肴核紛紛水彩上衣
裾酒棗欲冷人面熱神冥真宰三尸癡力破靈山
五丁怯狂談人人寧雷同各溯天根捫帝闕閒情
更聯五字詩碎金融冶珠的皦蕭寺鐘撞漸漸疎
天街柝警聲聲急似有霜華落帽簷月向西流照
東壁來宵有興應更來莫任清暉容易缺

舟橋林詩卷一

九

孝稚寓齋對月聯句

冬夜如春夜楊法空堦寒不侵月光猶昨滿吳家應
詩景向人深无咎需於酒吳楷同心壹若琴花宮
清漏促吳楷堅坐任宵沉法

雪夜招戴思任楊孝稚小集即送思任歸

楚井訊朱蘭田周沂塘王櫟門

不煩更訪恰相見瑟瑟鷺毛花撲面開缸燒燭子

雲來瓊帽羊裘滿雪片我與安道文字交蓮花幕

內琴瑟調祭酒高門同受知蒲圻崔公相逢脉脉漆投

膠篋中詩篇况奇古萬丈光芒師李杜曰都曰俞

作賡歌朝陽梧桐丹鳳羽即今冒冷歸漢江如年

冬夜相思長蒲帆搖曳霜華重鴈影迴翔寒月光

蘭田自負文章伯好句憑君為促迫家母八十蘭田約以詩來

更有相思不相識煩君問訊湘江客周王皆神交也

和楊孝稚喜唐石士自漢江來集小齋懷

周沂塘王櫟門即題沂塘元夕燈話圖

丹橋林詩卷一

十一

展冊正題詠客從江上來春星草堂醉霜日布帆

開離合皆詩境西南信美才何當感我即高話舉

深杯

母病初愈思鹹野鴨不得江嶠谷以一雙

相奉識感并謝

有客貽雙鷺欣然告北堂病中思野味夏裏得冬

藏貧士資朋友高情勝稻梁晚來供匕箸粳粥異

常香

送朱東城應京兆試

春花帶雨低簾櫳春雲懸隳陰濛濛有客挾策謁

京兆衝泥詣我申離宗廿年京華我夢想欲往不

得牽心胸今君踴躍如宛馬焦毛獵獵嘶秋風我

愛君身負奇骨頓挫抑鬱彌稱雄高文自合入真

賞坐令冀北萬馬空獨有一語臨別贈占旅莫如

願是從山雷卦象說君子以處逆旅術更工况君

豈慮少逢迎法此自克交有功淮南三秋天香濃

我儻有徵叶芙蓉此時高堂同色喜差慙今夕心

忡忡一鞭疾馳握雙手大醉妖姬酒肆中顧我斯

丹橋林詩卷一

十一

言殊妄想惟願君去金門通

壽母生朝時應試海陵

獻壽心知未有涯浮名畢竟遽邀遮縱饒珠履問

玄雀却少斑衣奉紫霞朝日暎暎老福厚春風葉

葉客情賒者番努力扶搖上索性來年不在家

懷黃荆江家蘊干

春光到處惜須臾每對芳樽吟白駒蔬菜漸稀花

漸謝耐人幽夢兩清癯

題畫梅

幾筆饒幽趣橫斜意不經寒香侵玉案疎影上銀屏有月詩初得無人酒獨醒東風漫相妬未肯受飄零

送賀吳邨

揖我膏車去中心鬱不開于今話風雅若個擅清才山色頻相看湖光重湖洄醉烟亭畔柳攀折盡餘杯

賦得夏雲多奇峰送唐石士之九江石士別

詩有夏雲奇似故人情之句因賦送之

舟橋林詩卷一

三

長江底羨碧嵯峨峰起天心恠事多六月雨晴原不定千山巒嶂此如何羣看變態稱奇突總付無心足嘯歌賴有匡廬真面目憑君吞瀉對銀河

平山堂懷古方伯王公課士題

蕪城此地遠塵寰借盡江南萬疊山水氣橫浮飛鳥外嵐光平墮酒杯間此詩原父殊窈窕可惜廬陵人已杳連娟葱蒨江之南愛山人去山空好當年學士剖符來平原百里望中開為高獨起三間屋延青齊見數峰排堂前楊柳堂後竹遠邀鮑照

呼枚叔壁上龍蛇詩有神眼底芙蓉花映肉此時行樂樂何如仙翁飲少輒模糊白髮門生來已晚十年不見徒踟躕五百年來迹已陳郎邪風度倍鮮新揚州司李文章伯繼迹歐蘇唱冶春頓令風流絕復起今之視昔無彼此總是斯文誼氣深平山堂上歎觀止不然繁艷數江都雞臺瑩苑足歡娛何以懷賞都不可及可知關繫非區區昔人雖往風流在我倚樓頭如有待旬宣何日至維揚願仰高山挹丰采

舟橋林詩卷一

三

孝盲行挽家曙宮老母

吾宗有壽母華齡近九十阿母體氣佳阿兒樂無極兒年花甲周偕弟繞母膝膝前孫子賢探懷奉梨栗去年母无妄櫻疾如有失寢食異平常言笑時差忒阿兒心如薰蒼黃乞參朮一藥病弗瘳百治勢轉急悠悠桑榆光沈沈漸西昃顛沛兒心傷悲苦兒肝賊血氣頓摧殘雙眸暗如漆兒盲母不存天心噫難測神仙大還何處尋安得母活兒光明

初雪

荏苒歲將晚飄搖雪落初計時當爾爾為霞尚徐
徐硯凍緣侵幕醪香更憶魚前村花有信明日可
騎驢

壽家受亭

日出東南雪意融老人朝起玉顏紅人同絳縣年
無算會入香山心尚稚今日看梅傳繫落昨宵記
拍聽玲瓏周郎文舉渾如一客滿華堂酒不空

花朝前三日卽席分韻得花字是日大春於指香堂

舟橋林詩卷一

招集汪為山羅自天家尚
羹荃江岱峰為歡竟日

五

江梅纔謝杏子華黃盞當午正放衙有客有客來
丈室道場彌滿飛天花座中羅子擅英偉滄之不
濁清無涯更有李重富文史幽情逸事爭搜爬院
落昏黃花欲霧上絃明月當檐斜吾宗孫子能愛
客割肉殺雞陳魚蝦當筵送鉤還樹戰酒兵鬪鬥
忘紛挐酒令誦北征詩為山不使一字差小阮
父子善馳驟詩城酒國驥中驂醜顏楊子最後至
如日既暮騰明霞為飛逸興裁新句人人冰雪沁

齒牙我詩不成我欲睡醉髮覆面垂髭髻大笑送

容與客約花朝來試社前茶楊子謂

讀雄雉齋詩憶陸八詩屬魚山持贈
今下世三載矣

猶記論風雅于今竟杳然晴窓書六卷春社酒三
年自昔稱先達多能引後賢何當檢遺稿為附虎

頭篇

春分後四日集青蘿居同詠桃花卽以為

韻各賦五律二首存一

碧樹間紅樹自然成綺霞風前雙綬帶陌上七香

舟橋林詩卷一

五

車詩思蠶爭窸春情茶吐芽經旬便寒食索醉過
君家

清明後五日姚慕園齋中聽雨得橋字

輕烟纔散便蕭蕭入耳頻驚雨勢驕花事都隨春
水去詩情尚為酒人饒坐深硯北兩三客夢過江
南第幾橋轉眼鷓鴣黃門羅綺晴光應占洛陽姚

花下口占

把火乘晴看牡丹冰珠帶雨入瑤闌年年三月成
春服不道春深如此寒

昨日

昨日蕉紗今日裘清和節候不相侔蠶眠麥秀知誰好醉裏無端生杞憂

和同社諸子題秦淮女郎貽贈詩冊後

盈盈江水碧無涯儻到江南亦復佳多謝詩人能好事却憑綺語憶秦淮

幽抱閒吟事豈真中年陶寫藉闌人而今消遣翻張觸暝色高樓爲愴神

送大春之楚

丹橋林詩卷一

七

到處有逢迎朝來復遠行漢陽饒樹色江上足鷗盟我有題襟客君須求友聲芙蓉花漸發相憶倍關情

江南逢小阮猶記晚涼天綺語曾喧閣狂歌輒扣舷經時又言別把酒意茫然待爾西湖上中秋月正圓

挽陸魚山母

母之子死我哭之母之孫沒悲無時今母又竟溘然逝何能挽歌作好辭淚亦不能爲之墮心亦不

能爲之悲假而子死孫不沒綿綿一綫統猶垂烏雲滿天白日黑靈根絕地萱花萎通德里門不復到來朝送母西山塵

戊辰七月二日集青蘿書屋主人以良會

不可無詩請人擬一題使童子拈定之桂

江謂暑氣方熾清話大佳久之乃強應及

拈視獨得今日不作詩五字相與大笑輟

其事主人興不可已子卽以此五字爲題

僉謂新奇可喜因復拈得絕句體遂各賦

丹橋林詩卷一

七

三章與是會者裴春臺吳秋竹吳桂江主

人胡半山予則徐社山也社山製題

料得今朝定有詩風亭閒事恰相宜到來况是多

名士想見揮毫落紙時

偏是奇懷懶賦詩拈來五字解人頤果然靜對無

文字不減風來月到時

畢竟才人好騁馳便因題句詠新詞明朝勝事應

傳遍不作詩時更作詩

此事閏七月三日余詣汪采南許會文同人向余笑而不言扣之昨日市中語

傳吳一山没于辰時今固相見無恙余口占答之。没者吳軼山也。

此事尋常耳悲歡都可刪
假隨流水去寧有大丹還
閨月秋花早文人世事閒
酒餅知正滿相對為醅顏

病中口占

簾外烟蘿入眼沉清宵有夢感秋霖
平時一樣龍鬚席此日霜颺分外侵

畢竟高堂愛子深朝來乞藥典華簪
可憐淚滿仍潛制霜鬢兒曹累母心

丹橋林詩卷一

六

和胡半山喜忍冬菴主足疾初愈過青蘿
居與同人晤話有懷吳秋竹卧病草堂二

首

我醉青蘿屋徐公正卧床為言病兩足弗得下
高堂今已扶筇竹嗟余檢藥囊風颺乘閨月
端欲比黃楊

如何同逐臭日日輒相思我豈齊元直人還愛隱
之花開秋老日病起客來時好買新豐酒重
賡憶我詩

過澹香樓

廿載前隨杖履遊桂花香滿侍高樓
祇今秋水拖藍處無限白雲山外浮

太息詩僧入道山上曰稽上人秋風吹我扣禪關
庭花欲落茶烟冷何事齋房今更閒

懷朱岱青

幾年無復上揚州帆過金閭感素秋
記得春風亭子上淡紅香白醉夷猶

贈松巖僧

丹橋林詩卷一

九

當秋過蘭若清氣徧堦除閣迴聞吹笛
僧閒愛讀書半黃橙子熟空碧樹陰疏
我弗就禪理相逢亦起予

重逢王允文

此處西湖勞夢想當年北海倍關情
古人心本無寒燠豪士交寧計賤貧
萬朶芙蓉今日艷千觚醺醪昔年醒
相逢為醉旗亭裏回首江天雲又生

題畫

湖上逢僧詩思牽牕間讀畫意悠然
分明似對韜

光坐一帶烟雲護冷泉

壽家灝軒六十

吾家仲容年六十兩載不見長相憶湖山入夢來
東南恰值中秋後七日此時宿雨快初晴天與山
光碧一色玉犀才謝芙蓉開楓葉如花林似織攜
酒相對誼華堂應勝抱琴歌一室如何先期去山
陰使我相思如有失千巖萬壑羅心胸此時應與
秋容暱好詩直與謝安并孤情不讓淳之得顧我
迢迢江上來祝辭已舐枯毫筆詣君不見更吟詩

丹橋林詩卷一

三

伸紙長歌情莫極今年不見與君約十年重來道
北宅對飲千觴詩百篇瞪目吳山帽檐側每隔十
年來一回一二三四五六七君猶未老老夫耄笑
指商山芝可食

遊秦園

慧山山下讀書堂逕折林幽引興長幾曲巖阿爭
咫尺四圍臺館失尋常峰腰細響清泉水池面平
橫白石梁我欲乘秋留信宿舟人偏說趁風忙

贈潘生

笛響簫沉醉欲噴中年端不藉歌人宵來泥飲緣
何事却愛明珠一串新
詠達多端孰與齊逢占射覆衆都迷古人列傳當
誰附好繼東方入滑稽

集指香堂同詠瓶中菊竹限韻

九月廿一
徐社山李

培菴胡半山
家瞻李小集

此君良可愛聊取伴秋容
幾几有佳色蕭齋無麗
供只堪幽獨賞却喜故人從
願結歲寒意高吟共倚松

丹橋林詩卷一

三



丹橋林詩卷一



丹橋林詩

真州

開年



開年過十日酒食太匆匆何處得真意誰能坐靜
中氣來天地合雨潤性情通便見塔前草欣欣向
化工

題淮陰普濟堂為程丈葭應作

杜陵茆屋八月秋得見廣廈歡無愁視彼寒士如
一體古人氣象殊不侔顧士與我同聲氣若夫窮

丹橋林詩卷二

民與我異老而無妻老無子日暮途短行盡矣况
是坎壈病纏身展轉溝壑無活理生無宇庇死無
木縱生亦與死同耳呱呱兒生當阨窮忍淚潛拋
隘巷中不有怙恃誰養育此時呼天天無功嗚呼
噫嘻我有願願與斯民長繾綣而我寒士無恒產
安得春臺登億萬乃有豪傑程先生克行善事不
慕名體天之德廣 皇仁荷矣富人真有情位置
曰鰥曰獨者風有寒氈雨有瓦朝饗夕殮無餒饑
鑄命真如大鑪冶繫彼小兒離母懷乳婦乳之生

無涯頂旋指羅暗識記雖有奸黠無安排長而聽

歸本父母否則婚嫁位置皆此中竟無抱病人先

生心如遊陽春冷暖愆時物疵厲兄弟顛連即感

輦此外或有病人至酌劑君臣罔不備千金不惜

延良鑿藥石何嫌重直易二豎一朝踞膏肓大棺

小樽深埋藏義地百畝塚纍纍仁風夜夜扇白楊

嗚呼今日普濟堂他所不如淮陰良舉綱張目無

不詳生人困躓長相忘少陵當日僅詩句詩句千

年新不故非徒立言立功德芳芬更成不朽樹題

丹橋林詩卷三

詩走筆語唐三石士以此詩百作吾所就願書萬

本布萬里不獨受者荷福而聞者皆傳為美談

清明

去年風雨枉清明今擬郊遊又不晴却憶前年無

限好連山閣畔聽流鶯丁卯泰州汪采南邀坐連山閣

料峭東風雨易來空庭倚徙獨啣杯遙憐照水垂

楊岍深淺桃花帶雨開

重九

人人郭外說登高獨立門前選巨螯更買一雙肥

野鴨上堂奉母酌村膠

燈光月影滿籬黃兄弟兒曹聚一堂三載以來今日好不教風雨惱重陽

用昌黎鄭羣贈簞韻謝汪善酉贈几

陳設髹几人所知繼書堂上几特奇珠光螺甲事紛糝紅如珊瑚碧琉璃又如琴古斷紋出縱橫龜垢生毛疵主人之愛真古妙世俗新麗何能為我家有琴如此几材質疑是爨下炊我琴安放此几上兩美來合胡弗宜顧我未肯奪人好脉脉懷此

丹橋林詩卷三

三

殊相資主人與我交似水一泓朗照同清漪不言早已識我意拂之拭之呼童兒頃刻扛移入丈室古香直迎人面吹以几橫向南檐下夕置短檠朝延曦對此將如管寧榻終身端坐無時衰

贈歌者楊頎五首

存二

若有人同衛玠清曲看豐頰好歌聲弘農都是神仙種想見霓裳歌舞情

已涼天氣景鮮新斗帳屏風欲貯春名士但知耽蟹酒豈知別有泥人人

坡公生日是日集胡半山許懸像陳酒蔬與是會者許江門徐社山楊孝稗姚慕園程雪門各拈韻賦七律一章余得二首

羅拜公前儻有因今朝簪盍總詩人若令景祐時相遇疑共秦黃輩等倫不見風流七百載敢同祠

祀送迎神先生衣鉢揚州在當為歐公更寫真

自是坡仙有夙因父師弟子總文人深憐此腹乖

時俗却愛公髯無等倫嶽嶽峩峩鍾氣骨盈盈淮海接精神冰霜正是馨香候好熟鑪烟為降真

賦得安期棗為徐社山壽

丹橋林詩卷三

四

無核詎云佳細腰未足寶千年子垂垂如瓜信為好滿身玄玉文摘來露未燥海上人服之先天獨難老城北徐公美六十未華皓胸中荆棘除自能生火棗比以安期生願言長壽考玉山種何如持贈聊補腦

呈程寧野先生

白雲出山隨卷舒生人入世多離居何必遠隔數千里彼此接壤不相於繫惟先生我父執當年記得申車笠八人同結歲寒交不任谷風吹習習更

與我父相水乳明月入懷雪沁腑笑彼悠悠世上
人機心底事堅城府我纔總角受一編側見堂上
相周旋賞奇夜傾陶令酒乘機早着祖生鞭豪傑
卜居無定所翁至真州樂此處回首郡城一水間
有時盈盈不得語我父騎龍歸道山卅年昆弟忽
分顏雷陳交誼成痛哭迄今話及猶潛潛楷也十
年疎覲面老母命楷來相見皎皎鬚眉刷翎奕
奕方瞳風掣電當筵又見最嬌兒玉光四照琅玕
枝讀書直與古先會行文不顧今人嗤自古爲學

丹橋林詩卷二

五

貴嚴憚日親名賢絕豫玩父執况惟翁一人追隨
恨不忘昏旦奈何離郡七十里老母門閭勞徙倚
願與先生訂後期八月蓬門迎履齒

冬日徐社山招飲各詠園中植物一種得

枇杷

高人宜歲寒手自種枇杷大葉捧霜萼的皜珍珠
花骨勁致自殊但覺枝叉了有時炎果成而非徒
虛華楚天門向好城北舊有家取以伴長松晚翠
生無涯

祝王熙聞母七十

馬麓莊公以慈竹
春森四字額其堂

笑問堂上竹何以長森森乃知慈母意合併令子
心丈夫子三人比玉比南金母忘非所出兒忘非
所生迄今數十年善氣萃家庭但見孝養篤不知
繼母名今朝開七表堂上聚華簪大兒率兩弟詩
書發清馨卅年翰墨場揮霍有餘情言揚行亦舉
太學行見升二兒食餼久自命比瑤琳磊塊恥俗
豔神骨殊崢嶸卓哉第三子襁褓最零仳慈母育
諸懷及今梳羽翎明日作丞尉天階看漸登孫多

丹橋林詩卷二

六

如玉筍一班冠羣英伯也去年秋舉手掇子衿老
福看益厚好爵鶴在陰吾聞竹所在鳳皇相與鳴
青鳥啄珠寶時復來亭亭葛陂龍可作立池樹爲
林神仙與富貴惟竹鍾瑞靈宜乎莊夫子綽楔寄
意深阿母信慈竹孝竹何菁菁華滋母俯泄清蔭
兒仰承有節母上壽凌雲兒宦成陽春三二月願
言如月恒一觴揚母德庶以式于今

寄江鴻遠二首

存一

人間貧賤韓夫子天下英雄劉使君隻眼誰人能

獨具一樽終日對江雲

寄弟四首

四月清和樂事賒板輿常愛殿春花遙知進酒應
相念櫻笋厨開不在家

江水淮流未有涯客心終日只思家連宵夢見芳
叢好萱草依依棠棣華

桃葉渡

牽愁繞夢美人家詩香字豔人如花昨日重經舊
遊地秦淮烟碧芳無涯叩鄰殷勤問仙子玉洞天

丹橋林詩卷二

七

台彷彿是紅牆曲曲掩高樓幾朵春花映窻紫悄
託青衣傳姓名繡幃珠箔不勝情攬鏡重描遠山
黛下樓乍轉上林鶯雙鬢窈窕攜團扇道是深房
候相見燕子巢香花影重春情早被春光罨此身
疑是入蛟宮的鑠明珠照眼中又如置身藍田裏
琳琅美玉紛西東別緒柔腸引萬丈見面無言翻
怏怏老矣頭顱只自憐檀郎難共名花賞美人深
厚話情悰此去何時當再逢莫把風光容易擲菱
花不久駐芙蓉開筵為我陳絲竹射覆藏鈎恣往

復酒半還成黃絹辭伸將皓腕題方麴馬嘶斜照
醉將歸如酒濃情未許違翻願化為紅綬帶任教
啣得繞身飛

寄寧州牧許姻家靜涵

驥子東來得尺書關心近况問何如盤無奉母茅
容饌座可留賓庾信魚江表諸侯才氣大淮南下
士性情疎秋來儻識青雲面便趁風帆話索居

向平願了快如何顧我中郎感慨多有限生涯惟
賣賦無邊心事欲揮戈長懷定遠投牙管深羨歐

丹橋林詩卷二

八

陽佩玉珂待學使君娛老福好依松柏附絲蘿

訪秦礪泉不值喜晤令弟芸亭却贈

不見元方見季方高才久並騁詞場鴻飛或為稻
梁計鯤化還看溟海翔丁卯秋闈門尚闔壘篋未
鳴不知合一占鍾山一廣陵離立寡雙鮮贈答

泉序桂林兩枝一朝芬二人擢手干青雲無雙而

雙真國士誰能別離遂不分即今兩人俱下第河
南淮北分衣袂更徵命運亦良同鴈影雀聲時顧
唳我與令兄莫逆交十年前占于野父久知有弟

人如玉今日見君音孔膠秦家才子信非一期君
結分相浹密異姓友朋同姓昆質諸令兄當更暱

寄洪楚珍

謝安傾庫贈時予刻文成承贈佳紙風雅已宜人可愛如冬

日含情似早春外家親漸少高誼自無倫脉脉秦
淮月相思盼水濱

贈江嶠谷納妾

渾如中酒懶拈卮瞥見紅妝忽沁脾諺說登科如
得偶人生何不樂蛾眉時余方落第

丹橋林詩卷二

九

錦褥新鋪漏乍遲清宵好事恰相宜分明似畫冬
郎句猩色屏風花一枝

題陸竹民問字圖二首存一

抗顏昔笑擁臯比今日閨中却問奇戲贈一言君
莫惱人之患在好為師

梅寮

主人冰雪淨繞檻老梅橫地以寒香僻人從曲徑
行吟詩偶一盞待月欲三更早領春風意窓前眼
倍明

奉呈禹麓莊公四首以伸於知已為韻

東風來無私自然成陽春大地煥文章不詔發煦
神君子教如之默與下士親應時開百蟄屈者罔
不伸熙熙春臺上堂堂旭日新小草戴榮光倍喜
荷陶甄

古人樂育物或亦憑吹噓所以藉先容左右常相
於謠詠儻既入畢竟難湔除樂只得君子大公如
太虛高天淨無埃浮雲任卷舒吾自具水鏡安事
人毀譽

丹橋林詩卷二

十一

知已則未也感恩則有之昌黎為斯言所貴君子
知楷也伏草茅寒號時自唵蒙公拔為尤光華映
羽儀老母病逾月霍然快心脾我公安可忘母子
無忘時

去年鑄黃金朝夕祝福祉如張母老福如寶多令
子吾母曰未已當善承公指汝儻上青雲更得公
歡喜悠忽弗續學曷以報知已再拜謝阿孃向公
陳所以

月夜訪同學燕維四不值

財過中秋放棹歸滿腔離索半年遠春宵踏遍天街月又道仙人隔翠微

喜晤維四

胭脂巷口月華賒叩訪伊人不在家今日冶城山上見猶疑清夢對梅花

紀 恩詩奉呈馬麓莊公乾隆十六年春二月欣逢

南巡敬進詩賦荷蒙 欽取召試江寧

臨風頓覺羽毛新叨荷 龍光感激真獻賦未能

名

舟橋林詩卷二

七

帝德承 恩足以奉慈親生光綵段舒雲葉映碧

荷包爛錦茵蒙 賜絲段荷包傳出絲綸當二月裁成衣

服際三春老人添著輝黃絹母氏選 恩 三膺眾帛兒女歡

看拜 紫宸得坐春風蒙發育恰邀雨露巽重申

東吳簪筆來多士 北闕流膏及小臣喜藉文章

瞻黼黻快逢鈞冶納陶甄蒲帆鼓浪迎珠幃斑管

熏香侍翠輪竊恐糝糠輕簸颺還如瓦礫混奇珍

大廷藻鑑操水鏡豐草蹄毛仰鳳麟更沐 恩波

深瀚海倚門扶杖樂無垠

遲王熙聞顧萬豐姜萬長俞容萬諸同學

同蒙 名試

非余鼓興飽帆開為覓吟窩獨早來已讓上牀攀
夜話如何連日負春醅月圓聞道乘青舫風怒猶
愁纜錦隈今日定知星共聚呼童魚膾具樽罍

賦得堦前樹拂雲贈楊孝穉子孔業姪項業

子弟如琪樹華滋發玉階古人曾比似今日見其
佳丹榦看雙茁青柯喜竝排自能臨迥闕誰不盡

舟橋林詩卷二

七

高齋霄漢輝相映朝陽鳳欲偕晴雲舒葉葉翎羽
振啾啾羣仰千尋質應培一寸菱詩書連夏屋榮
蔭滿天街

三月十七卽席是日同集者李嘯村楊孝穉宋蔚山顧惕旃燕維四

張鳳池孝穉子孔業 冶城道士何惟一

我來正值桃花時冶城春望紅離離但恨道院短
墻障西北江山城郭樓臺池嶼不得盡見之三月
十七大風歇人如春燕翩翩都來思或攜肥鴨勝
鵝炙或抱醇酎傲邨醪狂如李白美宗之口涎欲

流雙頰垂共道看山乃足樂斗室兀坐徒爾爲呼
童露井布四几上安一几列酒卮頃刻勝境總在
眼桃紅遠抹弄春姿八人四面縱橫坐中有道士
能諧嬉送鈎拇戰恣嘯樂叩關有客來何遲手攜
一卷衣素練濯濯春初柳一枝謂鳳池臺上諸公願
促膝嘈嘈切切紛亂絲百壺送酒興未足斜陽將
落晚風吹或邀明日置酒海棠芳樹下或說清涼
山上翠微亭畔釀飲娛春曦明日之事且勿計但
紀今日之樂樂心脾

丹橋林詩卷二

三

三月廿八留別冶城西山道院

洞房冉冉往經旬爲聽變音步輦塵四十七

人誰得手來朝雨露一天新江南省同被召試者五十四人應試者

四十七人

江山如畫入窓櫺雨後柔嵐分外青笑不登臨蠟

雙屐可憐孤負翠微亭翠微亭新建

過韓侯釣臺謁漂母祠

韓侯無漂母功名寧不傳古來英雄輩豈皆需哀
憐然而落魄時枵腹待粥餽把竿無所得漂母斯

爲賢况乃竟漂事高情無棄捐鄙哉計酌報韓侯
終小焉

今經漂母祠釣臺歸然存臺豈果猶在因母及王
孫蕭何非知已興戶亦滅門躡足有陳張厥禍已
胎根傷哉無朋友徒孤漂母恩

春日宴春樹園歌卽呈程夔州先生

淮陰春樹園林好名士來遊寫襟抱遙望高樓接
遠空翠微深處攢靈島曲潭清水小滄浪綠鰓依
依媚晴昊三月海棠花正開玉珮明粧承翠葆十

丹橋林詩卷二

四

分春色似猶酣一片濃情矜自保我來纔過穀雨
時露濕霞蒸紅不掃主人雅誼高青雲水壺中懸
涼雪燥融融合是坐春風座客滿前歡醉倒乃知
清幽境本殊能自延賞更爲寶先生胸中別有天
忘言未許爲人道

賦得山雨欲來風滿樓

濃雲如墨壓高樓乍可披襟暑欲收何處雄風挾
江海一天涼雨逼商秋紛紅駭綠山容變躋棟凌
雲水氣浮我有北風圖未展繪將詩句共夷猶

閏五日感懷二首

又是端陽閏月天風光曾記廿年前閒尋綠笋穿
林竹戲釀青梅鬥几筵田婦歡乘時雨唱村童醉
向晝陰眠當時只道秋風便日日繙經學稼軒子
閏夏同妻弟項懷寧外甥方寅讀
書于甥之伯祖爾郵姻丈別墅

不信霜華上秃顛天中再閏境依然遙將蒲酒供
黃髮默向萱花祝百年假使金華試高等也應王
檢籍神仙生平學遜長沙傅不敢臨流弔楚賢

中秋

舟橋林詩卷一

五

四時最好是秋中九度金陵救水空余自丙午至庚午十逢鄉
試已酉丁父憂 今夕庭梅香脉脉余家秋 合家樽
酒樂融融願將老母如明月常對秋容受好風笑
向嫦娥獻康爵清光歲歲滿簾櫳

過眞州蕭氏園見壁上朱東城詩

散步入園林詩篇照眼新絕無牙後慧共歎腕如
神京洛勞寒暑家鄉重苦辛何時无妄去復與墨
池親

北上舟中懷人 有序

余四月赴淮三月在會城二月杪道經眞州

蓋逢

大駕南巡應 試謝 恩車中舟中五十餘日時
所在朋好歡娛繾綣深繫余懷今祝

慈寧萬壽由淮入 京孤蓬獨坐愈復記憶因作
懷人詩六首

韓仙李姚慕園

記得清和節拈題聚道房今宵雙槩裏來日一鐙
傍忽忽半年遠悠悠北道長何當重觴詠暫息馬

舟橋林詩卷一

六

蹄忙

楊隱斯楊緯齋

兄弟有名聲高懷寄友生尋常來襪襪不解作逢
迎坐我小樓下幾人佳釀傾還愁下邳水一倍憶

嚶鳴聞之揚州

家虞山

吾宗老孫子用杜 破產工文詞三月承 明詔五
言貽好詩絕憐懷遠志可惜折將離倩語南來鴈

京畿慰所思謂其友上海張君

黃荆江方右池

眞州小成住日日足盤餐氣味充書卷情懷無瘠

酸鶯花勸螺盞風雨上驢鞍杜老幽棲地眞來看

藥欄往返兩寓其家

楊孝樾燕維四

客窓來舊雨春暮極徜徉大宅胭脂巷燕居高梧珠

寶廊楊居欽崎有正骨旖旎無俗腸昨夜風吹雪猶

疑明月光

冶城兩道士春寓其西山道院

丹橋林詩卷二

七

道人出塵俗顏色比桃花對客如逢酒看山不憶

家題詩偶在壁見說勝籠紗擬更相持贈霜天隔

水涯

河上喜晤少宗伯沈歸愚先生

總角心儀毛鄭名今於河上見先生蓮花合藥尋

常事手采靈芝向

帝京

忘却頭銜二品尊黃山鴈蕩恣攀捫新詩一卷眞

無輩五柳先生今尚存

九重唱和許誰人白髮門生歌詠新 宸翰頒來

千百字令人奕世想

君臣

宿遷道中別南酒

水河雪映景光新瀉盡芳醅戀甕春見說前途風

味異倍教此日旅懷親豈云北道無佳釀但恐蘭

陵少主人今日扁舟暫相別板輿花下共清晨

懷掌科程風沂先生

斑衣繡服上京師花下青袍進酒卮霜簡巡行三

丹橋林詩卷二

六

輔日星文明試六韜時印川霽月眞冰玉入座春

風得虎熊漸近長安瞻望切雲中白鶴日相思

師承理學在家庭驥子芳年負令名經濟定推漢

國士弦歌不讓魯諸生比年落羽悲秋月開歲簪

花到玉京看作鳳皇池上客在陰鳴和總呼嶸

憶弟

別來舟車中日日喜晴吳弟應念我行天公結緣

好昨夜夢見弟中庭婿萱草鴻鴈東南飛鬱鬱傷

懷抱我歸定不遲相期在春早 鳳闕祝

慈寧願乞安期棗歸來奉堂上天錫永難老

懷卞味芑

晴旭照車紅京華入夢中故人先我至佳興有誰
同梓里良朋合金閨清貫通遙推作賦手今日定
揚雄

車中夢至楚陽解錫三家喫茶

一炷濃烟裊曲房定州窈窕試旗槍分明笑我征
途渴不及顛茶滋味長顛茶陸見蘇詩

懷許靜涵

丹橋林詩卷二

九

十年不相見一揖便登船倘我不入都良會期開
年想君幾日布帆懸趨赴長安月正圓我驅雙輪
遲廿日連宵霜月爭嬋娟詩思如泉不可止懷君
更復如甘醴相逢且勿論他事急解金魚酒肆裏
呈琴川蔣大司農

二十年前見夫子相國華簪名太史白華樓上論
詩文視我不啻門下士亦越五載經韓江天中時
節坐水牕是時吾母正七十來貺明珠得七雙浙
闈得士高秋後德位日尊情愈厚細函持贈慰藉

深座中掩面羞老醜今年祝壽上京華見說門

前又築沙令子躡景入金馬司農不日宣黃麻顧

我母年八十五無由祿養傷孤窶上天有路夢攀

龍下第無成笑畫虎蓬瀛今日見神仙疑是乘槎

銀漢邊馬遷當日慕平仲心歧前人願執鞭

呈洗馬韓夫子

先生當主鍾山講席楷受業焉

冰合黃河見侍郎歸愚先生側聞趨闕祝無疆

慈寧萬壽靈椿健出入公真樂未央

鍾山教澤及童蒙惆悵秋來一棹東今日相逢京

丹橋林詩卷三

三

洛裏更於官舍坐春風

天街步月同王吉途顧念陽程扶南下味

芑鄭含澄周克武賦

帝城冬暖夜無霜月滿天街散酒塲車馬不喧饒

靜趣樓臺高迥占清光十分皓魄敲詩慢一路嚴

更投步忙若箇身閒能卜夜早朝人在黑甜鄉

南歸留別同年友荀叔

同自故鄉來獨歸故鄉去雙手管絲綸笑我不得

與

南酒來時別扁舟與作詩到家對芳醕思君君不知

留別史歷亭庶常

揖別返鄉井感君貽我詩爲言有老母譽我多美
詞我與君同爲人子君事親不獨甘旨少小蜚聲
登賢書東箭南金罕匹比高情夙干雲鴻文能貴
紙今春看花用射隼置身已在蓬瀛裏欽逢

聖母壽 渥恩錫繁祉誥書封靈椿官階晉太史
持此養高堂老親應色喜况君經綸浩無涯資於

丹橋林詩卷二

三


事父由今始忠臣旣出孝子門老福安所有底止
如我襍被歸江南白丁事親慙不慙

辛未十二月二十爲壬申立春日將渡河

喜晤江景厚

改歲尚經旬東皇早馭春喜來夢筆客同作濟川
人君已膺民社余當充國賓良辰賀于野領略物
華新

丹橋林詩卷二



〔清〕朱黼撰

畫亭詩草十八
卷詞草三卷

清乾隆四十三年太岳山房刻增修本

乾隆戊戌鐫

畫亭詩草

附詞草 太嶽山房藏板

叙

江陰朱子與持以拔萃貢成均居京師者五年再
惠秋試不第叙書局勞當得學博士官將歸需次

為學使在中州要之往行有日矣近詩

亦所因為題其端曰與持早年負異才所

若文皆迥出流輩上而詩尤工余十年前為

叙已知其進之未可量也今觀近來所作風格

加道勁蒼老恣態逸出雲族霆奔變化莫測其抑

塞磊落之氣時時流露於行墨間而無峭急褊隘

之失蓋過於十年前之所見多矣歲在乙酉

畫亭詩草卷一

太嶽山房

聖駕南巡與持以諸生獻詩

召試

行在

取二等詩雖小道得上邀

之知用功深者其收名也遠斯言於是乎驗

而泊然自守不敢一謁諸公貴人然不可

中第亦人世偶然之事與持豈以

是介於中耶余聞與持本姓許氏元代有居北郭

名恕者工於詩為澄江書院山長諸生化之如蘇

湖子弟之奉胡先生者追明萬歷間伯清復以詩

鳴江上嘗著詩源辨體一書自三百篇以下迄乎元明各為緒論一時識者俱避之而兩人皆未嘗以科名顯然則與持之詩淵源有自若其躬逢盛典詠歌太平陳

乙覽而宋

恩等以視北郭伯清徒吟嘯於荒江虛市之間者亦大相逕庭耶余固非詩人自失官以來交遊益鮮獨於與持愛之重之慰之勉之誠以知遇不易得而又以見學問之無窮期焉為叙其十年來之詩以贈其行與持之中州試質之嵩柏山當必

畫堂詩畫卷一

二 太岳山房

以余言為不誣也時

乾隆三十有五年季冬之月抱經盧文弨題

叙

尊酒當前輒懷供奉澄江在望忽接宣戒十載離居每交通於寃夢一朝握手擬相浹於咲言孰知人座之初即舉往秋之約出新詩於小史索弁語於鄙人已諾猶慚欲辭無說職思其故良亦有由蓋幾與畫亭朱君生同里開晚接師門既相視而莫違遂忘年而托契蘆溪小集曾共濡翰齋閣孤吟亦勿和韻歲月已積投贈實多常並營於康莊幸免卧於旗鼓迨君詞場拔萃京國驅車明月琉璃攬山川之靈秀高冠珮玉分六一之文章况濬發以巧心更陶鎔於巨力是必付之善匠冠以偉詞方能抉摘源流發宣秘奧至如僕者行年七十坐守一隅杜門甘孤陋之譏于野鮮同人之獲繼無間於然脂映月詎有當於提要鈞元而既先以瑤扇又復申之款語余非今我與藏拙于徐陵君知故人及遜長於劉尹是皆然矣將可乎哉然自吉凶通塞之遭并為殺饌笙簧之境古人著作素所關心今日篇章亦嘗遊目詞必已出韓吏部之格言語不驚人杜少陵之深戒而或菱角雞頭漫誇富有濃脂厚粉輒耀靚妝對淙水以擬聰過壽

畫堂詩畫卷一

三 太岳山房

陵而學步其爲失術胡可勝言今讀畫亭之詩上
羅漢魏下迄元明運以內史之才行以長公之氣
蛇神牛鬼望磨管而潛形積玉碎金繞瓊箋而聽
用清埃宛接不無懷古之篇逸翮思奮亦有游仙
之什擔簦待曙鮑參軍行路之難策蹇探幽謝臨
川登雲之樂垂楊落日何殊細柳方塘寒雁遠紅
便是微雲疎雨潭方員於規矩王爾醉心化朽腐
爲神奇莊周擊節遽拂衣而起舞遂欲罷而不能
左乎舊遊有幾頁會孔艱出處纔分河山隨隔千
里雖同於明月終年莫睹於瓊枝豈謂知已相招

畫亭詩草卷一

太岳山房

僕先旅於鍾阜秋闈將啓君復來自沔陽置身異
地結想偏長遇故他鄉爲歡自倍矧循環於全集
足默印於寸衷率爾調塗忘其奔郵君雖見賞以
魚目爲蛇珠人恐貽嗤謂狐裘而羔袖

乾陸歲次闕逢敦牂之壯月同學門弟趙曦明頌
首拜撰於金陵寓齋

原叙

國朝以詩鳴者衆矣而新城王先生爲最著雖趙
秋谷極口談龍勿能勝也當其司李揚州時年方
少所交巨公宿學已推以作者許以代興綜其詩
旨曰典曰則曰麗曰諧曰遠嗣後數十年名位日
高遊歷日廣著述日富迄今所傳帶經堂諸集幾
於家戶祝而人俎豆於是益嘆論者爲知言也顧
詩道始於典而終於遠者何也就儒者之理而論
典則子輿氏斯云博學而詳說之遠則言近而旨
遠之謂而豈謂壁葉叶韻者徒出於滄浪山木挂
枝打棗信口衝心遂足爲詩人之能事哉同學朱
君生於江邑僻壤居於面城窮巷而其天姿英卓
刻意鍊厲文學搜羅古今沉浸醞釀以積之其爲
制藝也能鑿險絕幽鞭雷驅電鼓其賁育無前之
氣暢其衷鄂酣戰之勇每過學使校士君輒屈其
長老僭僞使者皆嘆賞以爲奇而餘技爲詩古又
能溯源杜韓泂流蘇陸餘波綺麗上掩齊梁味越
鹹酸上追漢魏蓋典則麗諧遠之說固已升其堂
而齊其敵矣獨惜其數奇困於諸生無勢位大方
者負之而趨以遨遊四方無由借山川古蹟之勝

畫亭詩草卷一

五

太岳山房

以發其靈竒秘怪故所撰述止於此余嘗與君同
愛知於督學午塘夢公公北平才子於君尤賞愛
續公晉司空

飲命視河余適在淮陰公招入使幕簿書之暇公
卽向余嗟嘆於君之才而不遇丁丑夏公治河功
成與余別於清江傳舍云若被

命東南制閫開府子與朱生偕來商訂詩文不料
公抵京而遽歸道山也今循誦君之詩集不勝知
已云亡之感維君好古力學精進不已庶幾嗣阮
亭先生之雅音而無負午塘公之期許哉時在乾

隆癸未桂秋之吉同學弟徐方高拜跋

書亭詩草卷一

六

太岳山房

自叙

歲丙申余年四十有八宦海濱者五年客歲復喪
其子頽唐一身生趣盡矣念東髮受書家苦貧勉
就里塾質魯而志惰閱十餘年無所成就蓋至今
猶悔且愧矣顧自幼喜學爲歌詩又不得指授不
獲窺見古作者意緒積之三十餘年卷帙稍多學
不博則才短識不超則筆鈍然於平生之遊歷境
遇之變遷知交之往來死生聚散之哀樂意之所
觸輒著於篇詩不足存而意不忍沒則亦始存其
意而已夫古人之著作其留傳至今者大則繫世

書亭詩草卷一

七

太岳山房

故小亦關出處精可見學問粗亦辨名物其精神
光氣自有不可磨滅者以故長歌短詠無意於傳
而卒無不傳若余之錄是稿也豈爲是哉陳思王
曰文之佳惡吾自得之後世誰得知定吾文者柳
子厚曰人生不過數十寒暑則身竟終矣門祚衰
薄以半百孤窮之生筆墨之興殆自此絕然則自
茲以後斯稿也覆醬瓿棄土苴吾烏乎知之廼曰
姑存其意則又大可咲者也諸同人謀付諸梓余
感其意篤不能禁而自述其作詩之大都如此
乾隆四十一年六月望後一日澄江朱黼書於滄

陽署齋之如舟小舍

畫亭詩草卷一

太岳山房

畫亭詩草目錄

江陰朱黼與持氏

卷第一

江漁集 古今體詩七十六首

卷第二

江漁集 古今體詩七十首

卷第三

江漁集 古今體詩六十七首

卷第四

綵干集 古今體詩七十二首

畫亭詩草卷一

目錄

一

太岳山房

卷第五

緇塵集 古今體詩五十五首

卷第六

緇塵集 古今體詩四十九首

卷第七

槐陰集 古今體詩五十三首

卷第八

槐陰集 古今體詩六十三首

卷第九

崧雲集 古今體詩九十三首

卷第十

海漚集 古今體詩七十四首

卷第十一

海漚集 古今體詩一百一首

卷第十二

海漚集 古今體詩五十二首

卷第十三

飯雨集 古今體詩五十九首

卷第十四

續古集 古今體詩六十首

書亭詩草卷一目錄

二 內山山房

書亭詩草卷一

江漁集一

贈同學三首

騷才鄙浮華殖學貴淹博彬彬扶大雅

落詞章競能事何以有述作徒然誇藻耀題爲行

儉薄令範古昔遺深心毫素託雞羣一鶴立真色

沈丹聖翹首思其人新篇常在握

讀書欲有得首迺治其羣君子如可作沉潛遺清

標琴專而瑟壹豈不忠寂寥吁嗟堂楹間鄭衛淫

以妖頹曲余安能靜懷君自超聰明擬水雪一洗

六月歌爲好曷以將爲之誓久要

早歲具駿足捷步歷高壘胡爲鞿勒絆不得騁千

里文章特奇絕風雅攬餘子老樹無醜枝流霞淡

餘綺獨培忠信質迺從本原始高才洵偶然焉得

心尚爾伊人不可卽相望隔秋水

集駿烈堂分賦

研丹與擊石堅赤不可奪人生負志氣精悍在肩

額流波一以渺憂思安能撥嘉會難重期矧迺論

窮達千秋何寂寞四海亦寥濶勿謂一尊酒相對

徒切怛

漢小銅盤歌

鷓鴣作班蒼玉質秋風吹動土花碧深藏金盃一
千年曾見荆榛滿銅狄干將埋獄星有芒泗鼎出
水丹流液玉女盆從華頂傾銅鉦日傍扶桑摘黃
金博山鑄蜿蜒雲母屏封遮籙歷春潭宛在一盂
清斗漑依然半空滴不須缺落悲蛟龍尚覺光輝
生几席太息劉郎承露盤咸陽去後誰能識

落葉

霜條秋老失併曠利碧零丹捲地空未審前緣歸
宿草也來人世作飄蓬瀟瀟暮雨千山外滾滾長
江九月中只惜光陰等閒過綠雲成僝負春風

燕子磯

起伏奔羣山臨江聳丹筌翼然覆上游俯瞰江水
白輟權登巖峩攀蘿度偏仄海澗峯轉高雲低日
堪摘孤亭峙其巔四敞見空碧吳楚青濛濛萬里
浩秋色昔人日已遠陰崖留刻畫何當千載中我
亦題醉石

秦淮雜詠十三首并叙

金闕遺墟銅駝故里西風殘照不盡長于

細雨荒苔空傳幕府坐新亭而飲泣倚天

壘以何雄屈指前朝無殊軌矣特是英雄

飄瞥尚識悲歌事業銷磨偏餘感慨澎洶

濁浪洗兵之水猶存怪鳥重開習險之陵

安在槍登臨而回首重俯仰以傷神襟詠

之作所由來也若迺賦就周遭憶前賢之

佳什填成蕭瑟誦當代之名篇莫不感惻

興衰流連今昔是則文傳往蹟藻耀離壇

縱有同情非云合調爾

三分建業舊名疆吳祚靈長亦後亡太息丹師飛

畫堂詩草卷一

三 太岳山房

渡日九原無計問周郎

革車一乘出長安繼馬童謠竟踐言傳說諸卿能

戮力不曾片土復中原

萋萋野草帶斜暉江左風流事總非燕子不歸門

巷改行人還說舊烏衣

一曲晴波柳正黃酒旗青颭板橋西不知何處尋

桃葉却聽歌聲度隔溪

五色雲章覆竹林寄奴王氣望堪驚比來榛莽添

蕭瑟無復新洲搗藥聲

水運初終裴顛誅破除香麗竟何如琵琶拍板逢

嘉會更有人稱封禪書

芳樂園林繞綠楊教書市令署新章緣知萬乘無

生業屠販今開闢武堂

戴浪浮山築堰成祗林何事獨含情金錢百萬歸

同泰博得臺墩荷荷聲

高臺天半起朱霞瓊樹歌殘壁月斜休問韓禽號

名將景陽宮井是吾家

黃塵四起望仙寒朱雀門開乞拜官沉醉只須拚

一石休從叔寶覓心肝

金筮小令舊曾諳天水衣衫碧正涵一去皇都不

復返烟花三月冷江南

燕山戎馬叩關來大內灰飛絕可哀劫運未平三

十載忠寬都上雨花臺

選伎徵歌記昔年善才猶自倚高筵多應解得留

都恨不唱春風燕子箋

板橋雜記十五首

武定橋邊訪曲中銅鑲半督畫欄重雙鬢捧出新

圓扇不是揚州夢裡逢

拂水輕烟散碧霄迴光宛轉鸞峯迥清風白月銀

橋外一夜吹簫長板橋

畫堂詩草卷一 四 太湖山房

梁園威武昔年遺密席知音歷歷時頗老琵琶

娘曲可憐天上悞相思

腹裡聽琴洵異常好從貞美認牙章老梅川後悟

桐死沉落秦淮李十娘

眉山臂藕孰爭妍嫩字呼來已可憐一自嬌娃能

罵賊孫三當日竟登仙

橫波小字舊知名玳重尚書劄臂親一事留傳真

意外皇封讓與顧夫人

東風吹破萍濤箋梅影庵中閣管絃留得江城寒

食句桃花如雨洒春田

畫堂詩草卷一 五 太湖山房

相傳依妓勝鬚眉老去風情感故知憔悴洛陽張

好好不堪重聽牧之詩

湘簾葉儿坐吹笙着得黃絕欲避名悞向人前稱

道士至今憶煞董雙成

草門圭竇亦徜徉渡索聲傳在自傷指點青溪迴

曲處頓家風月最凄凉

馬相登朝王氣終驚心闕嶠動宵烽何曾累却楊

龍友不是圓圓是婉容

半壁崇蘭伴妙吟李家三絕太傾心生平不負侯

公子開府何勞炫重金

雪洞迷藏意緒繁
携來水閣醉平原
蘭橈擁處神香發
矗立層臺坐狀元

不惜千金謝主恩
名園教見舊王孫
芳心俠骨休回首
無復秦淮冠白門

樊樓燈火照花枝
舊院風流鬢髮絲
誰向旗亭爭畫壁
梅村佳句阮亭詩

泥橋訪殘菊次蓉村先生韻

菊與幽人似有期
深村丙舍小春時
尋花已迫桑榆景
送酒誰穿棘籬頰
笑駘丞曾冒雨却煩陶
令更題詩歸來不盡悠
然趣指點南山是故知

書詩草卷六

六 太岳山房

夜坐呈蓉村先生

虛堂燒燭短徒倚
聽征鴻霜氣碧天月
寒林靜夜風壯心
三爵後老眼百篇中
憶話連床雨光陰又
不同

讀胡半山詩賦贈四首

畏之老大擅風華
卅角冬郎已競誇
清絕一聲聽更好
丹山萬里落桐花

旖旎西州溫尉曲
縱橫東武鮑家吟
人間那有彈碁局
盡是吾儕一片心

琵琶疎雨最堪憐
綠酒青燈感昔年
一縷情絲抽

不絕阿誰聽過四條絃

別材別趣亦千般
識理窺書自古難
應有百家供鼓吹
塵他屈宋作衙官

聞石渠有長山之遊
因憶曩時登天臺入石
屋中磨藉以指代筆
書壁而去迄今六七年

往矣爲吟短句并寄石渠

支筇踏破山中巾
子泛宅同登水鼓鞋
猶憶昔年湖半落
自將名字寫高崖

忽忽

忽忽意不樂起傍階
除行階除積空翠
秋花照眼

書詩草卷七

七 太岳山房

明煜然好顏色
安必三春榮
義氣在天地
萬物稱秋成
此理固可思
庶幾安吾生

曉起

曉起開南窻
陰雲黯如暮
西風吹殘雨
颯颯響高樹
宿鳥起樹間
遠望不得去
引喚成孤鳴
宛轉若余訴
愧非古賢人
安能達其故

對雪用樂城集中次選韻

朔雪積盈尺
占年老翁喜
雪深得麥熟
所諭有原委
今年江之陰
米貴魚族美
春夏苦滄溘
多半餒妻子
翹首望秋成
多種備軍糧
天心應未厭
糗餼

通遠通幽荒自流行心酸數千里隆冬近殘臘
雪四野被窮簷斷烹惟偃卧扶未起二麥熟有將
終恐違福履

大風行

孟冬之月日在尾旦七星中紀壬癸天地閉塞而
成冬荒荒日出天門紅維帝念哉時迺窮朕將噫
氣觀其通仙旗宿繡雲較驟封姨左侍箕伯右飛
廉前驅巽二後飄裾振袂揚大袖轟然八極驚呼
號烟塵障空地動搖沙揚木拔千尋高白日吹墮
崑崙坳雷公劈山山鬼泣四海之水皆起立水軍

書詩草卷一

八 大岳山房

鐵柱排山來千鐘萬鏘織微哉此如共工戰古帝
頭觸不周忽崩墜或如項羽救邯鄲壁上觀者心
膽寒昆陽之戰亦爾爾虎豹股栗屋瓦翻蕭齋燭
影搖匡坐不比歐陽嘆清夜茅捲三重老屋破杜
陵先生不得卧天公作劇撓萬靈萬靈自擾吾自
寧舞部八風原自平鳴條何礙王化成翁然窮巷
轉神王長嘯猶能鬥豪放可惜當時宋大夫雄風
錯認蘭臺上

次東坡集歲暮鄉俗元韻三首

餽歲

王道觀一鄉嫻睦在隣佐敦龐太古風不識重財
貨細故術往來凡民以為大貧富一差池踈者閉
門卧炙手高明家問餽溢四座繼富君子嗤五秉
費確磨伏臘記歲時醪酒迭相過良士歌罷瞿歲
晚誰與和

別歲

切喜別歲速比長迺願遲鑑此壯盛顏切日已莫
追歲暮急揮手永訣天之涯黯然銷別魂直無過
此時高官紆青紫白髮添霜肥縱令多黃金遊矣
徒相戀君行意良厚顧我前致詞有別何必怨有

書詩草卷一

九 大岳山房

志毋早衰

守歲

衆足遜無足爭如蛇憐蛇鳥免勤奔馳終歲誰邀
遞長繩不得繫魯陽其奈何以永今夕且慰尊
孺薛兒童咲堂下擊鼓爭揮搗便恐掉頭失坐待
星斗斜老翁為兒言流光易易蹉跎脫屣委而去空
擬堅城守

追和家伯清先生詩元韻八首

關山月

白草橫沙漠嚴霜壓亂山寒砧千里戍月照幾人

環鏡裡鸞鳳影刀頭龍雀環金微夢不到紅袖泪
班班

隴頭水

疑是長城窟蕭蕭雜馬鳴隴西猶漢土流水自秦
聲英主勁穿渭書生漫請纓不堪嗚咽處千古壯
心驚

雨雪曲

凍絕交河曲冰花颯書旃朔風驟塞馬大雪暗祁
連弓勁雙鵬落刀鉞兩虎穿一聲吹箭粟戍士總
凄然

書詩草卷一

十 太岳山房

王昭君

紫臺悲一去紅粉亦途窮霜栗陰山月琵琶大漠
風芳心灰絕代遺史嘆和戎甘露他年事歸骸入
故宮

班婕妤

妾意如明月秋空皎皎懸入懷猶故扇辭華已當
年韵積房中曲聲銷蜀國絃涼風長信早無語獨
成眠

長門怨

桂殿金鋪暗椒房玉漏沉猶聞仙樂奏空對月華

臨進御原非貌思君獨此心宮中謠詠易不敢動
悲吟

巫山高

差峩峰十二臺觀久消亡一賦傳神女千秋憶楚
王巴江疎雨急巫峽白雲長何處尋幽夢珊珊拂
珮裳

紫駟馬

萬馬真無色清高出寶鞍將軍不易得愛妾豈難
求日月天閑老蒲萄漢苑秋太平消戰伐瀚海想
橫遊

書詩草卷二

十一 太岳山房

黃芽菜

生菜爭誇白玉膚尚須益豉作羹無而今肉食休
相笑識味原多士大夫

院中咏雪限用歐陽體小峯步東坡韻詩成

余未見也因步歐公韻先寄

一陽初生吐萬萼淨洗春姿冒林薄散從天女冬
已深捲逐封姨寒更作高樓晃蕩動虛照大地晶
瑩接寥廓穆穆徑真看坵壠平開軒自覺鬚眉燦冥
濛山頂猝不辨漸濕簷端倏吹落此時有客被緇
袍暖溫何似擁狐貉呵冰作水碾濃墨枯管備強

不受攫忽聞賦詩效白戰掩紙大咲驚凍雀後生
襪線追古人何異踏雪棄芒屨當時蕙子出僭輩
不持寸鐵殊自樂江上長篇更健豪胸中靈府誰
疏淪雄才大氣不可學依舊江天紛漠漠知君對
雪發浩歌君亦堅城與利槩我高吟六一詩真
成鳥獸空遙噓

賀齋先生招同于若蓮仙賞菊齋中先爲辭
酒三揖先生素懷揖今於花則不然亦可
異也卽席占此

紫白紅黃各自嬌兩行銀燭剪秋宵咲看醅酒霜
花下不信淵明懶折腰

晚歸鶴莊道上
遠目荒村外歸心落照邊羣鴉盤古埭一塔破遙
天烏柏沿隄雪丹楓隔浦烟秋光無限好何計買
林泉

晚自馬馱沙乘風渡江中流作應晉寧李鶴

峯先生教

碧海浸紅日餘霞映千里高橋盡天雲獵獵晚風
起疊鼓喧鳴笳吹震江汜驚濤走平沙浩浩不
可已吳楚東南流岷源竟何始中川一迴顧暮靄

失遠邈揚舲出孤渡帆滿疾如駛纒然君山峯咫尺辨蒼紫

丁丑八月五日病中燈下信筆四首

隔巾四壁老相如消渴頻年困守株餬口杯中嘗
藥物緝書枕上讀靈樞楷磨明鏡容光改偃息清
秋肺氣蘇高卧荒江誰得似解嘲吾與古爲徒

環玕披腹隔天關綠鬢書郎咲等閒百歲疾如雙
過鳥千秋藏得幾名山長桑扁鵲肱三折姪女黃
婆鼎九還心是死灰形槁木底因襟袖泪斑斑

三生石上久蹉跎碧海青天奈爾何春去只憐鶯

燕老夢回誰信雨雲多他時故我非今我清夜長
歌續短歌休怨良媒悞醜毒好煩七發起沉疴

藜杖商歌想古人是貧非病得閑身朱裳不信能
驅鬼元牝從知可養神斬我好方兼宿食輸他妙
悟絕貪嗔三彭寂冥清魂杳燭影熒熒對鄉晨

代壽憲揆先生

南華老人冰雪顏世出世悟元中元衆同契合作
陽子五千言後莊周傳汪洋恣肆奇妙變化不可
測造物何以當鏡鑄此中真解一言蔽可以養生
可盡年著書不難讀不易悟者相對心悠然高陽

後人破塵網逸氣特出高陽先少時風采耀華閭
秦川公子羞爭妍趨庭東郡繼老杜奎箕翁聚江
山鮮倚天北斗橫挂一萬里拔地泰岱高插不盡
秋臺巖雄風浩氣入懷抱迺如大海歸萬川涉河
南下泛鄂渚江沱漢廣相泗汾胸中雲夢吞八九
拍手大咲河伯顛從此高卧滄海側一覺已見甲
子旋筆床詩卷白日伴藥欄花塢春風牽不須金
印繫肘後奇方能使沉疴痊平生恬淡寡嗜好獨
與蒙叟多因緣齊物不用學嵇阮葆光豈復輪神
仙此異飲茶雜甘苦直似食蜜甜中適我同戊寅

書亭詩集卷一

十四 大岳山房

薄酌

薄酌不成醉蕭然靜處凭陳編供承夜獨室耿秋
燈識字誠爲累無家便擬僧壯心空未已劍氣匣
中騰

不寐

獨數更籌到夜分靜維身世總紛紛盈虧有數何
如月舒卷無心得似雲點鼠往還燈後見老樵氣

珠夢回聞幾人高枕空諸念只有西山麋鹿羣

丁丑子月余病目伏枕內子復以母病歸寧

室中虛無人也于磐昆仲借蓮仙來詢問

趙磐并携酒榻前歡飲而去感念情好作

詩志之越三日病稍痊始得書寄

橫木支荆扉病夫日高卧枕簡念良友寂寞少酬

和忽來三數人惠顧逼清夜便問有米不粥糜其

操作明燈行酒炙煢語恣環坐遂令床第開病眼

一咲破往歲浣花客寢疾遭坎坷維余時叩門把

臂撫病骸榻前妻孥侍樽酒命設座余雖友朋詎

書亭詩集卷一

十五 大岳山房

謂作兄弟可今君策高足念舊不余嗟猶復偕同

人爽肅問懶惰感此珍重意何暇悲折挫不寐成

孤吟郵筒照殘灑

余友高君建德字岷樓少讀博士弟子員數

踏省門王申邀薦不獲售越明年歿家貧

無子孳孳寡妾孤苦萬狀傷哉天道之不

可問也岷樓讀書力學詩追晚唐填詞近

秦柳及後悉散軼丁丑余寓蘆溪歲暮東

裝於做篋中得片紙書一絕句云綠竹門

前路溪流無盡時春風不相起惟我斷腸

詩蓋岷懷感舊作也拂紙泣然輒占短句
忽得故人跡還如把臂時山陽一聲笛催我斷腸
詩

季子墓

高月照江水秋風老芳杜摩挲十字碑斯人已千

古

鵝鼻山

春霽大石灣雪積鵝鼻嘴頗笑燕子磯得名亦偶

爾

小桃源

春水復春波蘭橈復蘭槳盈盈笑語聲春風吹來
往

往

山茶樓

雲擁香山寺樓開帝子家可憐千載樹猶放六朝

花

閩陳馮三公祠

焚香古城隅碧血洒於此昔日殷頑民梗化不惜

死

畫亭詩草卷一

畫亭詩草卷二

江陰朱黼與持

江漁集二

重過水南

三十三橋盪綠漪水南猶見絳帷披深村細雨春
猶淺清夜嬌歌酒不解簾外鳥啼新種樹壁間蛛
習舊題詩南皮賔客風流在笑我無緣荅故知

海棠次友人韻

海棠次友人韻

濯錦移來稱意紅最憐心性百花中三更那忍停
銀燭一夢何當怨曉風高館清尊春力倦曲欄微

兩頰酥融不須又擬神仙格辜負黃筓作畫工

南村畫扇

徐君落墨蒼茫處汀草汀花兩岸開一抹雲山似

相識昔年曾溯大海來

由高橋達黃埠墩

林際浮梁起蒼龍偃古塚山容初結雨水勢欲成

濤風入千帆健天懸一塔高如拳黃埠小疎柳拂

漁加

過慧山懷王十二

燭石綿聯出曉雲天香和露滴烏巾無由一問陸

鴻漸第二泉邊有幾人

登楞伽山望石湖

湖田秋漠漠帆影落寒空烟雨人誰賞溪山盡未
工放叅虛古寺投老憶詩翁待擬湖心住孤亭碧
浪中

支例

幡影經聲靜石臺蒼然暮對夕陽開高吟古木空
山句似共文房前度來

寒山別墅吊趙凡夫

墅古留雙表螺旋上幾層清泉寒似雪高士靜於
僧書有長箋在人傳草篆能風流真歇絕空谷白
雲凝

寒泉

屈注清流過草亭學篆書法墨泠泠世間幾許趁
炎客肯向山窗靜裡聽

天平山謁文正公墓

橫嶺何坦夷巍然一峯起羣山皆奔趨俯首就嶼
嶺石筍矗雲表秉笏嚴端委氣象猶正人如見鸞
鶴峙幽宮五易代兵燹不得毀陵寢懷漢唐石馬
倒蓬蒿尤傷宋諸陵陽九遘封豕任天下者誰憂

樂淡於水如公餘一坏千載切仰止振衣拜遺像
登眺歷堂祀 聖筆題名國高義家所企徘徊萬
松間設謾響未已

靈巖

紅泥墻古碧山橫何處迴廊次第行畫屨虛無香
逕杳長松吹送珮環聲

琴臺

高峯絕頂畫檐開萬壑清音入聽來鳳瑟鸞笙銷
歇盡千秋遺韻在琴臺

箭涇

湖濱山足縱橫地河勢迢迢一箭如二十年來吳
作沼更誰強弩射無余

三十誕辰

時余甫歸自吳門
越中秋五日也

吳門烟水倦遊踪息影秋窻咲轉蓬明月有情千
里隔華年無賴一尊空雕龍繡虎從相讓牽犬構
鷹也自雄回首天涯感知已靈巖芳草石湖風

重九前四日君山登高分賦

招邀入秋山山光濃於酒我主山作賓酌之以大
斗清霜未即飛林木雜好醜遠近含翠色鬱鬱到
江口洲沙漾微波冒網集漁叟霞散練自舒風輕

賦亦走塵蹤信萍浮好景世恒有近取在目馳奄
忽卽衰朽蓬壺不可到且復升大阜攜載羊叔子
何用泣峴首蒼然起暮色日落海門陡首無揮戈
力那惜持杯手佳日古所稀良會茲亦偶不醉胡
爲乎人生幾重九

幽事

舍南初謝客研北試焚香古調彈蛇腹新詩寫雁
行小年齊物悟幽事掩關忙更覓青燈伴花枝影
許長

奉和靜外夫子題畫四絕句元韻

畫堂詩草卷二

王 太岳山房

百壺相送喜如泉讀畫何輸大小絃記得湖橋看
山飲此生合用酒爲年

重陰綠樹戶深層遠與常懷湖上亭平淡滄洲圖
滿壁却留巨眼爲渠青

文章光敵敢輕嗤大樹虬蟄亦痴曹鬪丹青韓
幹馬阿誰題就寫生詞

書家東海名傳浩詩派西江姓擬黃別有風流羨
文沈昔年鄭老擅三長

犁雲莊感舊

樓笋曾過此重來悵夕曛山莊人不見才離前

雲

和小峯題米南宮拜石圖

嵌空璽璫第一石峯巒洞穴神鬼宅層巒疊嶂奇
巧勝袖中第二玉色瑩最後一石驚次公神鏡天
鏹芙蓉峯守漣往事堪嘆絕無爲州屣腰忽折朱
衣象笏意肅然呼以丈丈比耆耄茲胡爲哉妻孥
從顛越亦有刑于風襄陽之癖無終窮吁嗟良嶽
夫何庸

寒夜雨用韓致光韻卽效其體

嬌寒逼三更鴛瓦聲屑屑殘燈燄不揚遠夢回時

畫堂詩草卷二

王 太岳山房

節拳帷壁鼠行轉枕篝香滅雨歇意影微荒雞正
遠絕

次韻酬南村

清宵尊酒別猶見古人心妙製雲霞色相思江漢
深寒花銷晚節落木靜疎音過日惟詩卷逢君一
再尋

大報恩寺浮圖

碧眼三分國青蓮九品臺高凌白門起遠紀赤烏
來佛火留劫地雄圖付劫灰此中真覺路 宸翰
仰昭回

雨花臺

迢遞出南郭登臨感古臺
天花高座散白馬壽陽
來九派龍關合千門雁齒開
蘭成最蕭瑟詞賦有餘哀

謁方景二先生祠

七省襟胸日麻衣上殿時
帝王終有命天地許相知
砌石新苔蘚檐牙老桂枝
登堂拜遺像生氣動鬚眉

前明禁城

宿莽縱橫處荒城一片秋
蟠龍王氣盡牧馬夕陽

書詩草卷二

三

太岳山房

收畫角通侯第頽垣帝子樓
空餘御溝水鳴咽到今流

真州

鼓柁真州渡秋林幽渚遙
東南當水會來往信風潮
潮聲舍從相問鷓鴣未可招
故鄉風景似此去老漁樵

京口晚泊

旅客尋歸夢斜陽送棹謳
大江吹笛過孤艇放帆流
鐘鼓金山暮人烟鐵甕秋
誰邀許丁卯買醉共登樓

南村過訪蓋溪韓望陽觀書畫有詩惠留依

韻答二首

紅樹清溪一逕開經過還覆掌
中杯而今始咲桓元拙那厭人
餐寒具來時喫餅故云著人編簡淡生香
畫裡蒼山弄夕陽他日相思忘
不得蘆花溪上讀書莊

落日

輕烟散去岡落日動歸鳥
寒光相與遠數峯在林杪
野外樵唱稀渡口漁歌杳
想見巨然圖生綃成縹緲

書詩草卷三

三

太岳山房

寄懷南村

故人一別後寒雨晚來過
不識高齋夢中宵意若何
霜華南浦雁水葉洞庭波
暮節尤相念臨風欲放歌

游仙詩贈蔣鍊師七首

長生不可學齒頰有餘味
豈必羨飛仙紅塵頗多畏
松壇落子聲藥鼎飄丹氣
始信紅塵中別具壺天戲

吾懷殊砂泉軒轅三日浴
芳村發香草清澗作澗
沁此境不在天胡為倦幽野
感清雲松藥齋三

十六

仙山石峩峩碧天雲漠漠石向煮時爛雲從踏處
落麻姑海上來拍爪長如削知君會相見沾酒細
斟酌

巨賅安足誇仙掌吹清露堂堂漢天子思比金石
固採折千齡桃飛騰五兩屨不及東方生那得紅
顏駐

青精持作飯丹荔持作衣服食好顏色披拂見容
輝四顧何茫茫衆累不得揮衣食有妙訣故山從
此歸

書詩卷一

岳岳山房

月樹吹金界風簾靜瑤館人眼碧枕高心與清塔
遠山空烟霧深天近星斗滿驚起蝙蝠飛孤吟甫
飄斷

元關人不到種竹千竿綠窗間把素書鬚眉映修
竹秋風舞元鶴春草鳴蒼鹿許傍玉琅玕烟霞洞
中宿

寒郊

一逕寒郊暮村村補短籬斷橋橫水石欹樹過河
枝城郭悲空戀田園樂未期數聲賓雁度霜羽竟
何之

夜過南村齋

空庭佇夜寒月滿疎梧裡竹影踏蕭蕭人來宿鳥
起牀屏味古香茗柯叅妙理握手不成別碧天明
似水

題湘靈先生集

誰長者年會知留曠世才鐵牛過九十心花桃李
開

王昭君詞二首

驚沙慘慘搖風起邊愁四面秋笳裡琵琶馬上彈
者誰披庭待詔良家子征虜將軍十萬兵弓欲刀

書詩卷一

岳岳山房

軟竟何成求婚得請尋常事劉敬由來舊主盟
荆門淑氣陽春早昭君村裡花枝好休言生女嫁
比隣請看埋沒隨百草君王惆悵惜蛾眉空屬金
刀殺畫師一片燕支堊紅粉羣山萬壑至今悲

短歌十一首

明河落地天欲曙城門半開萬人聚擔簦躡屨皆
有求客獨茫然走無處走無處歸去來妻孥時復
一相慰世間陌路徒增哀

朱軒繡爲軸白馬金飾鞍道傍行者誰不羨云是
少年新作官南山可平海水涸黃金買榮難化藥

華陰上士夫如何灌園老子亦不惡

上田旱乾不得收下田沒馬青草修食心食節火
難用農夫蹙額增煩憂嗚呼修短洵有數侏儒飽
死曼倩餓我無負郭一畝田閉門且學袁安卧
烏生八九子子寒為覆飢為哺嗟我父母歸九泉
我飢我寒更誰訴隣家堂上三春暉嬰兒顏色斑
爛衣焉能舉首看掩袖含泪歸

鬱鬱黃土墳蕭蕭白楊風貴賤賢不肖都歸於此
中馬蹄隆隆走寥廓飄然萬里化白鶴遼海秋濤
接亂雲我思君兮不可作

書詩草卷二

太岳山房

君不見成安君泝水之上身首分君不見管敬仲
貧賤之交腹心共古道可慕今人墮翻雲覆雨羞
者誰種樹莫種白楊柳酌酒莫酌黃金壘楊柳不
向雪中舞金壘但向豪門舉

韓盧不入窮巷海燕不栖土門豐膳厨中獸畜便
鬱金堂上禽言繁朱明薰灼元冥徙炎涼迺從天
地始清宮除道何人哉蛇行匍匐尋常爾君不見

蘇季子

庭中一株梅春至花自開今年映白屋明年橫高
臺人生少年忽而老試問容華幾時好白髮雞皮

最可憐紅顏健將誰能保

三月聚棧糧百金治行裝遠遊興已果丈夫志四
方江郎妙絕生花管一憐愁卧一腸斷百年未卜
青春歸富貴可求白日短借問天涯旅夢遙何如
屋裡清尊滿

奉君孔雀麒麟之錦段贈君珊瑚木難之奇珍亦
知此物不足貴一心區區私自親金缸疑紅夜香
裏碧紗如烟風悄悄懷佳人兮期未來花梢月落
荒雞早

書詩草卷二

太岳山房

買雉作鳳邀千金藏石作玉什襲深終然彼此不
識察使人却立空沉吟空沉吟莫愁苦升為雲墜
為土失者鼠得者虎拔劍休斫地擲帽還起舞仰
天大咲吾勿知世間何物足千古

賦得下筆春蠶食葉聲

率爾操觚自出羣形容絕妙在臨文三眠已果絲
綸腹獨繭全抽錦繡紋碧葉布時方楮白銀蠶吞
處墨花紛此聲知是條柔候却向風簷靜裡聞

擬杜少陵天育驃騎歌

赤霄列宿光燭地熠燿天房走天駟當時炎漢得
神駒今日天閑有驃騎博雲散霧縹毛張踏水踏

鐵腕力強畫中神采尚如此况冠汗血騰天肉玉
花照夜兩奇絕將軍落筆英姿發渥涯之種開世
生此馬特出天骨撐豪風莽發西極嘶風會齧
黃金勒太僕不忘丹青傳官奴從此嘉名錫驪驪
躡路驪駟跡四十萬匹皆驚胎愛才雅愛新馳士
畫馬直畫神龍媒深情遠意誰照燭轅下何須翼
局促漢使終煩博望侯秋風上苑蒲萄綠

擬王維敕賜百官櫻桃

紫禁傳呼出翠籠自天頒處主恩同千林合被陽
和熟萬顆分沾上苑紅薦及春殘天廟蕭光騰月

畫亭詩畫卷二

天 太岳山房

下玉盤空含桃怡稱含消惠不讓珍梨降漢宮

擬韓文公山石次韻

山石磊磊山烟微昏鴉入林驚復飛寺門半掩若
待客入寺繞階松陰肥山僧支筇向客揖洒然野
衲世所稀長明燈火照几席盤釘蔬笋何憂饑條
然神采耀眼底僧言古畫光騰扉普門開元不可
到觀此那復愁烟霏侵晨別去度林杪古木萬木
山四圍蒼茫已失古蘭若回首但覺風吹衣山行
野趣風耽玩自笑齷齪世網幾何當山中坐日月
不負故人招我歸

擬許渾金陵懷古次韻

折戟沉戈王氣終蟠龍踞虎亦成空白門楊柳自
春色銅狄荆榛滿故宮萬古江山清夜月六朝金
粉落花風多情詞客爭回首往事應消一醉中

初夏苦雨

瀑影泉聲落幔坡雨中風物過清和黃沉遠屋崆
峒麥綠漲平橋潏潏波高樹鴉鴉朝對語深堂蚯
蚓夜聞歌村南已泊漁翁艇便欲江天訪芰荷

題海嶽書齋

香鼎畫長雲氣小茶寮風定海濤喧翻嫌避俗幽

畫亭詩畫卷二

天 太岳山房

栖地燕語頻來故作煩

次韻柳長句四首

高士門前

烟鎖蕭牆水抱門周遭楊柳淺深痕嵇生鍛處青
垂地陶令歸來綠滿園畫掩雙扉黃鳥靜春深三
徑白綿繁風光洩瀾真如昨處士寒梅憶細論

離人亭畔

別艱休憐故態娉任開青幔醉仙醺如何嫋嫋含
烟樹與傍勞勞送客亭紅板江橋晴策馬綠波春
水暮揚舫何截更莫吹長笛第四陽關不可聽

思婦樓頭

晨翠假紅罨畫樓
麤麤不稍狹
邪遊寂憐露眼曾
相見誰遺眉山
與鬥愁異地風光
虛掩抑故鄉春色
自溫柔玉闌干外
清江遠只有楊花
遞去舟

征夫塞上

綠遍金城柳萬株
幾多春到小單于
條風有意來關塞
別汨無端洒丈夫
北去天山新逐草
東行谿水舊名榆
此間那得青青色
回首龍池一道紆

題友人小照

友人悼亡復喪其女
圖中兼寓此意

中拂凌虛思渺然
閨風吹夢斷塵緣
琉璃脆比浮

畫詩草卷二

辛

太岳山房

雲薄始信神仙有
別傳

瓊瓏樓閣在虛無
馭氣何人通九區
微倖南飛有

孤鶴可憐教見掌
中珠

滄海藍田路總非
玉烟珠泪兩沾衣
而今縹緲峯

頭見不信元裳隻
影歸

塵中泡影電中過
鶴去胎亡罰亦苛
莫與靈籬期

再見携來月下奈
情何

畫亭詩草卷二

畫亭詩草卷三

謹言

江源集三

江陰朱黼與持

蘆溪題畫七首

大痴橫卷

手搥如雨千山擁
斤運成風萬樹橫
落筆似君真草草
此中神妙木天成

叔明橫卷

宣和紙本墨花鮮
風采居然趙集賢
轉憶國香零落盡
亂和修竹舞秋烟

畫詩草卷三

太岳山房

房山小嶼

房山墨妙殊難遇
得意真兼二米長
比似蘭亭推定武
好從波磔辨微茫

方壺立軸

山浮水湧野航孤
就裡蒼茫覩得無
不是君身有仙骨
那從海上寫方壺

天游立軸

天游逸趣無人識
拂拭清塵一賞奇
諫果已輸崖蜜好
吹他坡老尚微詞

南田畫冊

時花美女難爲色長吉詩篇可續騷却得前賢最
佳處倪黃風格自孤高

石谷立軸

村烟飛翠滴晴嵐滿紙秋光撲面酣乞我寒江應
不惜只今誰問染香庵畫有尚書題句云乞我寒
江畫釣絲只緣斧斨轉多
時村烟嵐翠無人管聊準債君失畫詩後跋
云壬寅秋過染香庵觀此圖因書贈友句

寒夜讀小峯詩感懷

冬至

歲月消磨筆研同一篇空繼古人風貞孤少有朱
公叔跌宕多推馮敬通異地相思新舊兩頻年生
計去來鴻寒宵又是回陽候看取飛灰六管中

書詩草卷三

三 太岳山房

東坡集中有贈楊耆詩其叙云西蜀楊耆二

十年前見之甚貧今見之亦貧所異於昔
者蒼顏華髮耳女無美惡富者妍士無賢
不肖貧者鄙使其逢時遇合豈減當世之
士哉頃宿長安驛舍聞泣者甚怨問之迺
昔富而今貧者題作一詩今以贈楊君云
云寒窗繙書讀此詩因次其韻

達觀萬態破炎涼尺短須知寸有長入世因緣同
塞馬隨時變化比寒蟄風塵戲劇紛竿木天地圓
人戰堵墻貴賤妍媸俱過眼空勞撥首向蒼茫

題蠟梅樹

青鳥頻窺處黃香五度花只今同歲暮欲去惜寒
葩世事空催老吾生未有涯應知高樹意寂寞度
年華

感舊

人生不作冥情客况復青春照眼時綠岸好隨流
水住粉牆惟有杏花知燈前聽雨開棋局閣底藏
雲灑酒卮今日飄零休更說碧天滄海斷相思

待雪

貧家不得富積雪散瓊玖豈足充饑腸來牟占大

書詩草卷三

三 太岳山房

有平生望六出如望澗別友相思忽而至無語輒
握手吁嗟春夏交滌潦浸南畝魚鼈登階除蛙黾
跳杵白泥淖畏折屐屋漏苦盈缶爾時仰天嘆恨
不閭闔叩清風送殘暑稻熟剪稭莠金玉二麥生
水落三冬久溝塍纖纖起萌比萊甲割天如一尺
雪人乃九頓首人心頗可笑天道自不苟胡爲苦
兩意易作祈雪口當知馮生者戴高而履厚於天
每不謝任意若可取隆冬少寒沍蟬翼不蔽藪管
氣復吹葭岸容已動柳朝來五里霧霧霧隱大阜
古諺當不謬占天信隣叟豈知空庭內長夜炯星

斗因言古今事大抵難墨守余則謂不然皇天豈
相負平曠自夙昔造化無左右履霜堅冰至雨雪
集霰後且辦空囊錢雪時待把酒

西村觀打魚用魚字

好是軒窗水竹居夕陽時見野人漁涓涓淺瀨酒
應少籊籊長竿釣不如打盡最憐憑一網客來却
喜遺雙魚老養正合先生饌莫喚東坡腹自虛

客至

雲子罷抄迎已晚兩前新煮噉方長晨興過午量
梅影客裡留賓借草堂得句携來揮塵讀折花歸
去着衣香明年好卜重逢處野岸溪橋亦自傷

蘆溪水仙

日暮誰僂綠玉竿盆地清淺一枝寒碧窻素影偏
相向羅襪微塵不可干此去人如漢皋別他時春
想黛中安江梅岸柳愁蕭索繫取隴風翠帶看

訪客齋頭次贈詩元韻

經過時喜足楚然藥圃詩窻有風緣作草斜行雙
袖滿看花幽客一春延松喬蘿施從人咲利鎖名
韞與世牽五載相逢猶故我此生多分老江天

次韻送別

交親氣槩感波餘歲晚臨岐正慊如別後三春應
悵望尊前萬事且消除分箋乍喜鳥絲細對鏡仍
驚綠髮疎我亦悽然動離思花時愁絕數行書

次贈詩韻留別梧亭宗長兼柬諸友

多情老眼對潸然彈指俄分去住緣鴈影西風隨
浩蕩驪駒落日肯遷延衡茅臘盡雙扉闔枯柳春
來萬緒牽何必諸公無樂事山家猶得賞花天

梧梧亭宗長之明日驚聞失足感嘆而作

錦里昨迎客子春今下堂鬚眉過七十手足忽摧
傷藤杖窮愁拄詩篇老病妨何能慰遲暮天意正
茫茫

和人詠十月牡丹

天香昔拒金輪救地氣今沉玉瑄灰舊事何嫌踈
影動新妝驚見一枝開東都有種霜誰護南內無
八月自來傳語花神休作戲春風好試謫仙才

孔千秋惠印章

此事已寥落故人猶討論丹書來遠道寶氣人荒
村搏手龍螭古傳家蝌蚪尊金章空斗大吾喜爛
銅存

贈呂鳳山兼柬諸同社四首并叙

新正乍破柳惜餘寒舊勝重裁人欣好會
選調羹之後日倡求友之先聲飲酒孔嘉
擇言尤雅昔者林宗避雨早器茅容表聖
撫肩曾竒鄭谷媿吾生於已往畏我友於
方來一見能傾五言斯賦玉汝端賴同盟
和余非無合志度幾今人不薄堪期此事
之推袁古語誠然輒效前賢之說項

野店溪邊屋疎林郭外橋花過人日落客先上元
招杜老題鮮鮑唐生出大瓢春盤愛嘉會况復雋
才饒

畫亭詩草卷三

六

太湖山房

相逢欣未晚把卷肯匆匆冠及三加畢詩哦一載
工剖珠光不定萌竹勢捎空我媿高軒客經過與
尚同

論交無淺語傾蓋有深杯古道今何幸心期眼爲
開江虛萬派入丹妙九還來與子細斟酌斯言味
可回
樵蘇餘勝趣不費可清談太瘦忘詩苦沉雄况酒
酣水生看舍北春到憶江南未減羣公興何當好
句探

新雨掩關羨泉作畫而南村適至因懽然賦

詩

歷慢雲陰重濡毫墨氣昏竹烟春試茗昔雨客敲
門倒屣方今日傳柑過上元幸留殘帙在欣賞得
無言

上元後五日小集同春堂得風字次南村韻
時南村將別去

催人佳節付冥濛酌酒逢君復一中春到眼前寒
聽雨興來耳後熱生風歌聲北院雲留座燈影南
樓月墮空報道江湖沒沙尾可能孤檣不匆匆

寄贈海虞王次峯

畫亭詩草卷三

七

太湖山房

紅蘭白菊想丰姿杯酒無緣醉二痴羨爾家山鳥
自好天閑萬馬是吾師
衣鉢耕烟接大痴雲山拍點到今疑巒容川色真
無價又乞雲孫筆一枝次峯爲石谷曾孫
畫法綽有祖風
白雲外史神仙格重見王印十二幀不訝懶空虎
頭物乞君殘墨補天成前曾得次峯小畫十二幅
宛然南田翁也忽失其三
恨恨
兩地風流得見難桃花香逕虎邱山次峯僑居吳
門余邑香山
有桃花潤採香逕舊何時剪取吳江水直放枯槎
傳吳王美人採香處
泛海還

小山書屋

邱壑一隅置軒窗兩面開石雲當座起溪雨隔牆
來春送迎陵響間餐豚望胎淮南有佳樹應待楚
騷才

嶺山茶樓歌

邑志載梁昭明太子讀書處
有手植山茶花廣蔭樓屋今
存者後人所植也

逋逃小醜真奸雄臺城遂殄吳老公簡文不祿歸
湘東六門之內遭兵凶拓跋師臨疾如電講鑑正
啓龍光殿石梵歸報咲兒童岳陽從此居南面岳
陽之父神靈姿讀書屬文安足奇蠟鵝壓勝事何
與慙憤終莫明其私蕭公本是西邸客八友邀遊
緬疇昔元子寧徒誇鳳毛選樓尚可尋遺宅當年
手種山茶花千載那得求根芽青宮何日住山谷
搜攷紀述空咨嗟却嘆吳興代梁起江陵一州三
百里英雄割據久銷沉文采風流有如此

虞山

籃輿宛轉入雲根石磴烟嵐勝概存一水至今流
作礪巖崖何日削爲門沙平曲岸湖田濶風動遙
天海氣昏空有荒邱松栢在昔賢手采與誰論

又賦

沾衣嵐翠趁東風洛浦真教玉珮同自愛春山如

甲煎不關得氣美人中

山中峯暹清涼寺

萬壑圍春翠三峯開道場過山從起伏入寺得清
涼竹雨千華殿松風寂照堂數聲仙梵度身世兩
相忘

琴河感舊四首

紅橋綠水又殘春落盡牆花不見人留得虞山橫
翠好重來猶覺舊情親

羅襦裊澤背燈開送客留髮玉漏催頗怪尊前輕

書詩草卷三

作別東風已隔十年來

玉京道士斷琴心翠影紅霞散短襟依舊湖邊移

畫舫秋蓮一瓣更難尋

春城何限綠楊叢曲巷朱門夢已空又賦琴河斷

腸句油泥飛絮踏泥鴻

七夕雨

燭影簫聲永夜憐齊諧佳話若爲傳如何乞巧穿
鍼節却作斜風細雨天終古雙星空脉脉離人七
夕自年年生憎烏鵲橋懸水只渡巫陽雲雨仙

第二泉

用東坡焦千之
求惠泉詩韻

鴻漸真仙人衆水貯一腹品此而中乳厥惟中冷
族不知何年神剗石使淳蕭滄溟不可測銀漢相
與續懸流泛罌盞清韻弄琴筑高入恣屢移俗土
亦踏蹙惜哉名泉靈穢物豈可漬一登漪瀾堂方
圓兩地綠烹以龍頭鑄酌以子闢玉虎跑爲興臺
躡突迺奴僕是時松風來明月影可掬嶺樹散故
陰石竹飄新馥亭中清夢回山下黃梁熟安知三
斗塵已化雪一斛

東坡洗研池歌

用東坡龍尾研歌韻

原泉萬斛足寶惜湧出隨地若拱璧斯文浩氣更

書亭詩草卷三

十

太岳山房

誰續指點清池浴片石清池渺渺閱幾時古研茫
茫與世辭鳳味支牀人不惜吁嗟龍尾羞豈知獨
喜清池淨塵垢一隅常爲先生有大几明窗片紙
餘墨香水潔千秋後名區過眼皆烟雲此地風流
自絕塵買田陽羨卜終老悠然此意悲古人却憶
浮蹤都不擇珠崖儋耳經題畫曾借滄溟作研池
觀天坐井空區別

寄南村二首

客心秋易感別眼望先枯北雁悲江夢西風落井
梧捲簾烟寺迥橫笛月樓孤忽漫驚蕭風深杯得

醉無

多情成落穆刻志得艱難往事同今我新詩改舊

觀喚迴星漢影

南村以詩賀余生子且云是夜有星二寸許自上而下其光煜然此

可發一歌起洞庭瀟

南村寄示小洞把卷殘燈燼

爲君破夢看

夜過水南

扁舟沿迴溪風色動遙夜蕭條黃蘆響鬢黧黑雲
下岸樹禽啾啾水欄鳧啞啞覽物羣動息問途饑
客訝靈龙吠籬落遠火出林罅叩門忽三更懸榻
漫一借雞黍俄登筵糟醪已出醉亦既快老饕且

書亭詩草卷三

十一

太岳山房

復息倦豁當年坐西軒松石美相亞清詩題高秋
園棋落長夏再來履端月板盤雜杯竿徵伶醉舞
席蕞燭爛歌榭世事異疇昔同人幾凋謝嗟余仍
旅食托跡猶傳舍終宵反側屢虛漏晶光射方知
暮景寒已見雪意乍天心難去子役隨遇足悲咤
倩宿休漫歌明發蹇驢跨

由水南至小山書屋作

屐齒印餘雪十里赴此堂豈我有終歲爲君
停男兒少志氣三十不成名壁立鮮可飽出門徒
侵侵蕭然歲云暮凍雨紛淋浪旅館朔風入庭木

擗冰霜主人念苦寒清曉進一觴丈夫不受憐屬
之亦自傷昔我同門友窮約爲輩行一朝奮六翻
顧盼成低昂貴賤安足異遭遇豈有常范叔感綿
袍袁安卧匡牀伯龍鬼所咲明復走且僵覆載初
不私質薄吾何愴平生渺長物委懷在縹緲賈人
有餘債幽客無枯腸茅屋故交遠紙窗積雪明歸
哉理殘帙萬事嗒已忘

寒夜歸舟阻凍六房壩聞水面斷冰因風相

觸其韻絕佳遂賦此首

長河影碎玻璃瀉琤琮韻落篷窻下初疑神滄動

書詩草卷三

十二

太岳山房

瑤環復訝漁莊搖鐵馬此時夜靜寒風生高天雲
氣連遠汀水容水色兩不辨但覺殘雪圍晶明溪
塘旅人嘆病涉却愛此聲最清越誰向寒宵水上
聽人生何必窮途咄

魯寅谷先生命和研山星村兩嗣君如圖詩

元韻三首

十笏蒲庵海嶽居結隣何必舊田廬雕龍已信文
圖似射鵰從知矍相如花選清宵流脂水藥苗新
雨動春鉏瑤林極有捎雲勢豈讀尋常種樹書
耘鉏藝苑樂居游津逮前賢一放舟雅集西園今

北固趨庭東郡舊南樓門墻土並芳蘭茁大小山
分老桂秋莫是綠畦勤抱甕深清常得汲江流
防風粥味齒牙新不到荒江乞食身見說霜箋分
二妙何須月影共三人學爲肯慕樊須圃非病寧
慚原憲貧白木長鏡誰待把玉堂天苑總生春

題陳槎客舉杯邀月圖

秋烟如綉水如練輕舸夜開波濺濺南浦風來葦
際聞東山月出林梢見清溪涵月月不流酌酒與
月相勸酬杯中有月我應醉天上無酒月亦愁我
昔長江放秋棹酒酣喝月狂脫帽自笑乘槎不問

書詩草卷三

十三

太岳山房

津空憐醉唱成孤調穎川公子清門才日光玉潔
朱顏開曲江花月待君飲悠然此圖胡爲哉秋缸
激灑露華冷吳絲不張古琴靜柔艣初停欸乃聲
扁舟却載嬋娟影嬋娟無言酒不辭此意惟許公
子知廣寒主人問誰是定非世上凡庸兒方塘我
阻銀河水一轡輪君招彼羨劇有清歌動酒闌衝
烟拍拍沙禽起

孫母周太君節孝詩

忠臣處危勢志立如大山捐生固無愧所願爲其
難當其震蕩日主少國不安植足定傾側拊心卹

悲酸至誠開金石天地有轉旋區區不相負大節
 於茲完事主臣出身辭家女適人願順情匪殊遭
 變理亦然樂安邑望族中葉昔遊屯守稅痛無祿
 貌孤一綫辱外費復巨測抵熾駭萬端孰云才智
 多足以禦險艱聞瞻絕特痛不隨所天念此呱
 呱兒視息延暑寒迄今三十載回首嬰百患余時
 叩孤兒孤兒泪洗瀾問誰卜幽宅阿母遵遺言問
 誰舉三喪阿母扶桐棺問誰理家政阿母常闔門
 問誰教孤兒阿母參膳九兒茲忝成立手版拜上
 官猶牽阿母衣視此血泪乾余聞為起立感誦懿
 行宣讀易符女貞稽古推母賢 聖朝炳錫典坊
 表義烈先令子克請達 天語貞珉鑄鳥顯卓雙
 閉形管輝千年我歌安足云揚熾緣不刊熱玉
 益潔濯錦錦益鮮川諭致身者珍重青史編
 奉題趙冬日先生行實 先生遺稿其不遺而發為
 書行實徵詩 文以表彰焉
 續學志不滅潛德光迺闕兄友弟恭恭孔德足悲
 金桐川孕清淑天水推家闈文苑一特賢鄉鄰五
 經笥哀卹薦笥初啟請裁暨繼 先生遺稿其不遺而發為
 其無子而富有弟求父承顏如所生友愛猶同氣
 繼娶遂生蓮齋夫子

大故倚廬終明訓香昆寄仍傷龍符促痛折雁翼
 墜吾江虛講席化兩沾淳懿弟子得其宗先生原
 所自兼陳均產心早喻承祧意前知洵有神後起
 寧忘賜 先生精數學預知無兒有弟又夫弟多子
 折 屬以弟之子為嗣家產仍命照諸猶子均
 昔嘆古風杳茲欽羨行脩青衫幽壤理華袞當
 途被 劉學使穆庵親書孝友文章 遺範表士林流
 徽篤天紀遙傳盡得師長逝聊云慰獨餘宏智感
 更切元方思一讀冷齋書常下盈懷泪 先生著
 次韻友人自壽 冷齋集
 卷軸苗畬百歲餐將心何處更求安要名於我為
 所養說法憑人現宰官芳草仙源春一棹疎花佛
 榻日三竿好懷未遣兒童識那得閒愁上鬢端
 送趙敬夫先生赴歙
 我生不知學貧困復厄之弱冠傷孤焚五口強自
 支蠹簡似有好東餒猶一披苦不識道要涉海真
 無涯質齋老前輩問字示以奇終嘆衣食驅不得
 几杖隨師門多高弟博雅推趙岐劫火燒靈光一
 脉還相貽黍交紀羣間賞析庶勿疑衡宇幸相望
 沾丐吾其資云何新安遊發興餘自茲君行素心
 共征邁任所宜其如面牆者索居將奚器得非水

母浮而使長鬚離慚余偶有作跼踖無可施汲古
綆既促選勝足復羈歛浦秀靈甲曠與牽夢思何
當風日佳寄我黃山詩

輓詩四首

質齋先生

茗火爐香昏百箇蟠胸古味一生酣臨墓尚憶中
興頌筆記空餘老學菴北面有書教李翊西州無
踏哭羊曇藥欄依舊春風度乘興誰能更繫驂

曹昶先

折玉摧蘭忍問天舊家風采最堪憐為文自古能
畫亭詩草卷三 十六 太岳山房

傷命此子真憂不永年白馬名都新樂府青春碧
月小遊仙不須更洒臨風泪留取奚囊句句傳

允民瞻

麗譙門外古城西一樹繁花壓戶低世有畸人心
似水天容詩客醉如泥曾邀蠟屐看山碧憶共春
園聽鳥啼不見西崑三十六板橋烟雨冷前溪

潘靜方

安仁消瘦最多愁那禁頰毛易感秋身世已隨春
夢過詩篇還仗友朋收空中色相諸緣幻劫裡乾
坤萬恨休翠竹銀沙回首處都傾客泪與江流

題黃氏雙孝行略

秋雲壓窻鳥夜啼燈前弔影孤兒悲中宵展書一
再讀泪漬行墨如綆糜人生孝思本天性舉世空
慚士夫行壁立行備兩可憐宗門庸德相輝映美
哉賢嗣揚厥芳抵風庶克徵文章孝子何心望及
此惟孝生孝理有常名公鉅卿愛縷述沛國孤兒
忍載筆我有悲懷不可言邛山風雨秋蕭瑟

客歲仲冬下浣三日栗菴先生招諸同人集

松濤閣得詩畫二十餘幅慧上人為寫圖

王十二春明題其首曰松濤寒社文酒風

畫亭詩草卷三

十七 太岳山房

流不讓西園一集余以事未與先生索補

二方因題絕句三首時已在甲春孟陬五

日矣

慧公細寫松濤閣王子新題寒社圖遲我枯毫發

春氣虫魚草木總昭蘇

栢葉椒盤倒百壺雪花醉眼兩模糊不知門外春

寒甚盤礴還成水墨圖

平淡天真付巨然簪頭底用憂為頰和香

南景多恐師門負董源

畫亭詩草卷三

畫亭詩草卷四

綵千集

賦得春草贈別

蘸綠薰香作意癡東風着地不勝吹那

人處正是雜花生樹時燒後一原頻恨望車前千

里悞相思而今又踏裙腰去辜負垂楊管別離

晚泊雁橋宿支硎山下

斜日吳山岸輕帆落雁橋昔遊曾此地勝事甫今

宵壁月官河酒春燈輦路簫何妨破嵐翠清夜坐

畫亭詩草卷四

太岳山房

峰腰

靈巖

曲磴千盤入晴巒萬綠新山光如逆客天意若為

春芳草自疇昔夕陽空故人東南湖水濶渺渺獨

傷神

虎邱

青山樓閣外獨坐每流連明月不相待春風自可

憐裙腰芳草路鬢影綠楊船回首傾杯處歌聲隔

幾年

題玉次峰做高房山山水



南文公
香會
畫亭詩草

白雲蓬蓬起肘下羣山奔如歷塊馬經年拄杖不
到山依然身在蒼茫間先生十指出靈氣揮毫輒
作鋪海勢三十六峰深更深松花飄落天關閉殘
緜久與山模糊古壁時有雲卷舒襄陽繼者嘆絕
少此亦當今高尚書

再題

相聞十載不相見一日披圖索賦詩烟樹雲山渺
何許依然江上望君時

春莫吳門旅夜卽事有懷錢浦雲赴雲間湯

筠軒旋里

畫亭詩草卷四

太岳山房

夜火吳閶渡春樓蜀國絃飄浮三月客邪許五更

船別恨茸城遠歸心玉帶偏筠軒居玉帶河與
余衡宇相望也故

園花事老把酒意茫然

謁文衡山先生祠

不識停雲館欣逢待詔祠宸章新翰墨碑版古
威儀御賜詩歸愚先生遺像碑首弁高樹猶春

色清流似舊時歸愚老宗伯點筆重淒其

長歌贈董立堂卽用立堂劍引集中贈張孝

廉芳州韻

磊落熟讀豪士賦醒醒最苦小人態古今悠繆好

醜雜幾人風流繼前輩億矣原憲常楮藜蕭然仲
蔚住蒿萊賤貧能使志氣短憂患未必才力逮聖
賢無命輒不言英雄有泪或一酒常時白眼看世
人不知世有董君在董君生小具豪氣高歌弔古
多慷慨報恩空倚寶劍長感遇欲擊唾壺碎興來
驅馬蘆溝橋揮霍十年頗可怪荆高不作肝膽枯
悲風落日常相對春明門外車雷鳴掉頭去者豈
憤憤旅夢終尋鄉國遊人生肯負風塵債蘇臺日
暖弄春色羣鳥愁癡百花碎畫舫朱樓徹夜開此
時不飲令人悔我今浪浮湖海踪有如風中絮飄
墜羸滕擔橐說不成跛足登壇身合退獨有高懷
曠世逢雞鳴風雨歌如晦且携柑酒聽黃鸝不用
窮途澆礪塊

由閩門放舟至石湖

春水初生候東風雪乍消花時過棗市柳外望楓
橋碧瓦橫塘曲紅欄石甃遙湖山正佳絕畫裏一
相招

石湖

林巒明霽景載酒上方臺遠嶼雙螺出澄湖一鏡
開春暄烟雨後人醉綺羅來惆悵平橋晚垂楊拂

棹迴

題王石谷蕉陰燕坐圖

圖係石谷門人楊晉作晉號西亭

烏目山中人去遠西亭物化亦空悲而今遍種芭
蕉樹不見先生點筆時

梁溪寒食

插柳年年節他鄉見忽驚人生愛寒食客裏漫清
明明發南蘭道翻爲北固行桃花春浪好江上最
關情

金陵客舍讀礪山汪崑圃江干旅夜詩因懷

句曲雨中曉發卽次元韻

畫堂詩草卷四

四太岳山房

雲斷平林曉氣昏橫塘芳草捲烟痕鴨頭碧水流
春目馬首遙山送旅魂句曲客憐紅杏雨空江入
黃綠楊村停橈清興何曾減應笑離亭倦酒尊

作畫送汪雪樵歸礪山

芒雲礪雨望迢迢咫尺真成萬里遙收拾離情滿
行筒半江春水石城橋

春明畫折枝梅花送雪樵歸并題二十字云

多謝連宵雨遲君出石城折梅不折柳共

守歲寒盟余次共韻爲贈

畫梅江北去春色下彭城會得王郎意同余息壤

盟

白下和春明食笋

一鋪香流碧玉根三春虛負舊盤殮
餽成故事清貧久歸及新嘗况味存
高座有師休放箸小人無母忍開園
只憐修竹山窗下稚子迎門解笑言

秦淮春雨

瓊樓翠影暗輕羅桃葉何曾打槩偕
一桁雲山圍故苑半簾春雨下秦淮
纖喉隔院催檀板焚尾連宵度錦幟
淨拭闌干成獨倚踏青時節在天涯

秦淮小集分賦

秦淮詩草卷四

五 太岳山房

攜手秦淮春暮時軒窗微雨一尊宜
古來名利亦同盡今日醉醒寧復知
射覆銀燈閉繭茗分籌王鷄圻餘醺
旗亭別有風流在不唱黃河遠上詞

秦淮水榭贈別金山楊鐵齋姚文研華亭王

條山張遜亭廣陵李牧園丹徒高玉坡賓

山莊沅給嘉定吳蘭耕陽山汪崑圃

吳門烟月開襟醉白下樓臺撥阮歌
分手東風三月盡落花飛絮奈愁何

過石頭城次鈞軒韻

招隱無端應鵠頭秣陵回首感同遊
諸公衮衮官

猶冷大海茫茫我欲愁白戰文場無寸鐵
青暮歸客有扁舟只憐半壁秦淮月
曾伴吹簫倚畫樓

阻風燕子磯

鐵嶽牙檣挂席輕春潮無計放舟行
侵晨宿霧連沙嶼昨夜高風下石城
古寺逢人皆昔夢空江聽石前生危磯
莫更憑高望芳草垂楊萬里情

大江舟中和鈞軒次前韻

大江舟中和鈞軒次前韻
山走南徐綠向城浪跡已隨春氣遠
雄心猶在青

秦淮詩草卷四

六 太岳山房

移經北固山
日幾經通無
過奔牛
香徑何曾拾翠
冠根白蒼通侯
三月梅花
鷺飛草長
獨晚劇憐三月雪
初消香浮上
已分蘭水影瘦清

鷺飛草長漫朝朝
獨晚劇憐三月雪
初消香浮上
已分蘭水影瘦清

明折柳橋樑信穠華堪把臂不知心跡本蕭寥
鄉園白日去堂堂共蓮花開一舉簞江上春歸休
作客山中綠暗始聞香時余南歸自金陵傾斜尚有東風
覺攀折應無歲暮傷單袷衣衫沾濕好何關酒洗
洛陽粧

題釣軒樂真園次瞻園先生韻

稅鞅初消塵土蒙林泉偶坐萬緣空浮名榮利皆
身外礪石滄江在眼中掃壁詩無白也敵披襟亭
有快哉風關山未必能如此笑我頻年馬首東

牡丹

畫堂詩草卷四

七

太岳山房

千重翠靄萬重霞下界何緣遇此花醉裏尙煩才
子筆開時知在帝王家新粧清曉春容見故事殘
春爛熳誇却憶一枝曾破臘到頭如許大繁華

暮春晚霽溪行

倚戶晴雲卷碧霄夷塗曳杖足逍遙獨行白鳥忽
相近四望綠陰濃不消積雨溪聲過別澗夕陽入
影下平橋林塘定是春歸處狼籍風花向晚飄

端午小山書屋有懷諸友

清明共策長途馬端午孤斟別館杯江草有情隨
夢斷石榴無意近人歸可憐知己各千里試問勝

遊能幾回艾虎釵符更休說楷摩醉眼向誰來

為棧客作畫

五月清涼似早秋綠窗蕉葉響颼颼鉤簾一試澄
心紙徹夜寒雲遠屋流

巷曲六首次韻

巷曲鶯呼轉樓高柳帶斜埵搖神女館釵響靈王
家雨意修眉聚春心賣眼賒青蓮詩賣眼難陸郎
騎肯復向天涯

幃燭朝噉息籌香宿火全春逢門若日風定落梅

天六六從談命三三與問年何堪聽啼鳩清泪洒

畫堂詩草卷四

八

太岳山房

辛綿

酒邊邀促坐賦裏想嫣然醉臥容孤客江湖可十
年庚寅空獨管丁卯欲俱仙不解知誰結相思六
尺綿

展月磨逾淨承雲郵亦翩承雲承領也見女紅餘志金星出黯

露玉撥入雕鵲按曲嗔催拍嬉春怯渡船只應妝

閣底鸚鵡不驚眠

密緒紫偏燈疎簾別總悲柳枝牽袂處湖水戀人

時紅燭屋千願青天月一規官街譙鼓裏無那踏

歌邊

春從芳草歇，顛爲海棠加。蝶夢原無物，鴻泥不是家。
曲終尋帝瑟，老去感秋笳。那得伶元伴，燈前擁鬢斜。

閏五月內入生日

梧葉憐餘翠，黃楊惜幻身。百年知幾閏，三十已從新。
北郭原忘賤，黔婁肯厭貧。荆釵何待卜，奇劫悟前因。

哭內弟

此事應難問，吞聲淚綆縻。善人宜有後，天道豈無知。
國遺庸醫律，家餘老母悲。可憐垂死別，握手更何期。

書亭詩畫卷四

九 太岳山房

白門旅舍奉題曉堂夫子二圖

聽松

造化啓靈籥，吹萬本自然。調劑而刀刀，孰謂無由緣。
羣生負形氣，豈與盼蠻論。云何精術理，衰若圭真懸。
淫注競繁會，不厭缺舌灌。林巖韻金石，黜聰謝不聞。
迺知迎陵響，卽是大乘禪。耳非青蓮花，焉得如是觀。
憶昔遊黃山，合沓羣峰連。長松望如蒼，捉石虬根蟠。
天風下絕壁，林壑相吐吞。虎豹動長嘯，蛟龍爲飛鸞。
仰首天都峰，詠蕩閭闔間。有如奏

廣樂玉珮搖，羣仙天帝醉。不語浮雲翮，聯翩時縱豪。
聽已足，小八捷恭惟先生意。迺在弟子先，尺幅具萬里。
中有巖輪旋，臥遊得津逮。真契窮元詮，寄象松石外。
寫神秋毫巔，紛紛蠅蠓影。徒復勞驚喧，領茲圖中趣。
陋彼齊物篇。

碧梧秋月

昔有貌我青桐間，短檠疎雨坐夜闌。燈花落盡蟲響絕，
鳴機聲伴清吟殘。今之畫圖翠森爽，龍門樹古疎烟上。
夫子秋心碧漢高，生綃元對成孤賞。窮愁弟子百不能，
枯守老屋塗剝藤吾師亦復有閒意。眼中前輩誰飛騰，
風吹大江布帆走。興酣醉我白門口，秋林換杖踏月隨。
豈仗丹青有能手，浮雲富貴何有哉。古來秋士多悲哀，
萬里丹山寫不到。高歌還上鳳凰臺。

魯研山屬畫南莊圖因題斷句

點睛樓外皖江波，秋影秋聲出棹歌。昨夜南莊聞落木，
龍眠山客意如何。

龍潭夜行

日落馬步汎月出，橋頭舖蒼然。踏暮色，曲折屢回顧。
橫山列障屏，極目冒烟霧。蹇蹙遠山足，黯靄得

書亭詩畫卷四

十 太岳山房

故步秋聲動廣野夜靜響益聚卑吟出草根高籟
蒼遠樹山田漫流水活活穿莽互最奇澗泉落
若奔雷赴陰崖不辨色駐聽毛髮佈百里窮碧潭
竿燈遠招呼深更坐茅店草具邀一哺倚壁駒僕
徒窗風吹獨寤

早發有懷舟中諸子

露氣沾客衣殘月西山口星辰望落落散影比諸
友誰云風波險高枕挂帆走鞍馬悽獨來三更度
林藪頗憶酒醒時曉風秋岸柳

畫便面

畫亭詩草卷四

十一 太岳山房

綸竿三尺依紅樹騁望三秋對白蘋笑煞鯉魚
不得琴高何日離凡塵

題孔千秋印冊二首

壁壞金絲古字傳爲文識字豈無緣子雲輕量
蟲甚天祿歸來著太元

云云梁父肇秦斯北海中興又幾時莫怪先生
世眼牡丹都不費胭脂

雪

逼窗殘火滅壓樹斷冰懸密雪復今日祁寒入去
年乾坤粉本舊身世鬢毛鮮高臥終何似悠悠問

昔賢

雪消

厚積侵帷白徐消落砌輕禁寒虛酒力無雨得簷
聲江館梅仍發山田麥自生繙書坐終日愁絕歲
呼噪

臘月十五夜河橋望月

今夜河橋月誰同歲杪看雪消殘臘盡天迥素娥
寒薄醉成孤倚長吟有萬端驚心忽吹笛獨客泪
關干時客舍有吹笛者

未央宮瓦頭研長洲何氏所藏也榻其研背

畫亭詩草卷四

十二 太岳山房

書文裝潢徵詩爲賦此篇

昔讀瓦研記宋潛溪作六等見標識今觀瓦頭像意匠
落簷際其文右長樂左未央而四圍如滿規月鈎
畫合位置巍巍未央官一代啓壯麗雕楹與玉碼
殿閣三十二炎祚忽已熄劫灰蕩平地安知千載
後瓦礫作寶器吾聞文房寶惟研以世計古甃迺
不磨精靈在陶埴世人重金玉於漢愛尤摯善者
百十繕時復雜真偽陶泓不相識矧此一瓦細頗
笑骨董家神物不得覩長安塵土厚光彩發遙聯
指摩蒲穀壁喜見大漢製客來出此圖如登卯金

世開函會有日載筆深長思精猶辨古物要必審
所自金華亦已云銅雀足拋棄

毀巢詩

空園有高樹維鵲巢其巔育子久閔斯自謂無他
患豈知惡年少手足相攀援長竿毀其室一雛已
下顛其母百號叫遶樹驚飛旋相視但腸斷長養
不得全邱隅風知止翔集智最先終焉遭毀害太
息何由緣世人矜明哲保身離險艱竊發在肘腋
禍迺降自天傳聞西郊外殺人昏夜間穴墻界其
中洒血留朱殷兩不知誰何國法輒犯干傷哉累
無辜突如災殃纏爾烏休苦訴物變難盡言山林
自深密何必在眼前

題號國夫人早朝圖

玉繩低轉千門曉宮漏殘聲出花杳中使傳呼擁
八姨天街鞍馬生香早晨光乍破端正樓珊瑚枕
邊舒倦眸漢家禍水兩美合昭陽絕幸逾長秋新
承主恩賜湯沐春風淡入修蛾綠却掃曾嫌脂粉
汚近前今看丰神足閭闔星辰敞九天官曹闕下
玉班聯莫嫌畫手空多事為想開元問夜年

次韻趙敬夫先生齋居四韻

做衣

線絲何暇換綈袍辛苦蠶娘費采蒿信汝經新方
得故與人無憾欲稱豪聽歌省記啼痕濕盡醉愁
儂酒價高同學少年吾自賤不妨拂袖舞由敖

布衾

寢處依然山澤癯茂陵貧病一衾餘也知越鄂新
裝富那得公孫習氣除鈿尺裁量煩密線蘆花深
穩夢多魚不愁惡睡從兒裂別有牛衣足臥余

濁酒

尋常醉裏唱羊吾荷鍾真成老馬塗座上賢人皆
把臂世間妙理在傾壺青帘春塢隨花入白幘江
臯帶雪沾痛飲狂歌豈無謂莫將阮籍比楊朱

粗飯

只學簞瓢廢坐忘兼嘗菽麥亦何妨腐儒枉作百
年計素志安能一飽償貧少監河枵鼠腹裹逢霖
雨落秋腸雕胡滑芡青精好在汝平分上下床

過圓覺菴留贈慧公

時余將
赴吳門

五日東風江上吹八功德水已流澌尋花遠媿金
門客問竹先參玉版師窗外好山看作畫塔前小
雨聽催詩紅塵十丈吳趨路杳杳香臺繫夢思

兩泊望亭

南望亭邊繫纜居瀟瀟徹夜打窗虛青簾白舫三
更後細雨斜風二月初澣墅尚殘春店酒葑溪應
上晚潮魚尋花此去休惆悵好待吳儂病眼舒時

目赤

吳門訪春明不值時春明為靈巖之遊

我來畫閣移塵榻君上琴臺拂翠螺茂苑風光渾
似舊靈巖山色近如何詩題野寺尋應識屐踏吳
雲興自多怪爾攜筇不相待么絃落寞負高歌

吳門作畫

畫亭詩草卷四

五

太岳山房

照眼朱塵漲綠蕪三春車馬門街衢閉門却寫溪
山意始信雲林果是迂

翁韜伯索畫

莫釐縹緲列西東陡起層雲欲盪胸底用生綃懸
素壁故人生小住雙翠

吳閩風雨閉門居絕好溪山一夢虛歸坐江干閒
拄頰西山爽氣對軒渠

兩阻燕子磯過永濟寺作畫姿羅樹下

石尤三日湧江濤似齊帆檣落萬艘乞我齋時
片晌姿羅樹下試霜毫

石頭路滑風緣怪絕頂高秋羨鳥還雪浪雲堆驚
不定糝糊一片米家山

題劉昞齋先生照

渠几縹囊結靜緣海南深夜火初然就中好乞東
坡句天女維摩總解禪

題友人小照二首

空山古木支硎寺畫舫清溪虎阜橋客裏披圖渾
不似竹均風景付山樵

帶星飛岩積翠微盤松高柳護荆扉比鄰定有詩
翁在莫負榮陽二妙歸

畫亭詩草卷四

五

太岳山房

又二首

削成天外落高峰掃壁清秋趁晚風憶得西園成
雅集揮毫人是米南宮

綠楊陰裏受和風一唱滄浪萬慮空世上不會勞
白眼科頭豈是傲王公

胥門懷古

倚棹城陰弔伍胥重關懸目尚存無素交有泪能
興楚黃髮何心怨沼吳江口夜寒銀浪靜洲邊春
冷玉簫孤鷓鴣一去休回首越殿東風叫鷓鴣

乙酉二月二十六日迎

畫賦並進畫冊俱蒙

聖恩獎賜內級三端恭紀二首

六飛南下喜瞻

天獻賦金門

紫綵宣下里敢望鈞奏並微生猥荷

主恩偏香羅題處非工部官錦披來媿謫仙

錫予便蕃真格外嵩呼更進九如篇

西清草壘蕩難名遊賞還欣繪事呈平淡雲

烟供

舖座非常

畫亭詩草卷四

太岳山房

顏色到儒生承廬待

詔春星曉貢籛沾

恩畫錦榮擊壤康衢圖不就何明瘝

賜拜瑤京

畫亭詩草卷四

畫亭詩草卷五

江陰朱黼與持氏

縉塵集一

夜渡揚子江

不辨寒濤色高航向夜開江聲驟風雨山影失樓

臺隔岸張帆過中流把酒來醉眠瓜步穩洲雁莫

驚猜

晚泊揚州

高風遲客棹勝地憶平山杯酒自今古寒湖空往

還星霜江北異烟月竹西聞試問紅橋路吹簫第

畫亭詩草卷五

太岳山房

揚州道中戲作

樊川舊夢十年多我亦扁舟載酒過都笑腰纏無

十萬不知孤鶴意如何

泊邵伯鎮

燈火橫塘百丈開石壕無恙水滌涸長年悞傍高

宿人道襄陽大賈來

舟中聽吳孝廉彈琴

寒香浮動疎林早平沙歷亂鷺鳴杳妙手能令春

復秋高張何惜昏連曉延陵公子逸興流抱琴共

泛沙棠舟一彈使我心氣靜底用簫管坐兩頭古
言彈琴避廣廈最宜深閭重樓下又云清夜焚都
梁獨坐揮絃足瀟灑窗際此際真兩佳洗凡知是
燮下柴雷文張越古難過高山流水吾其借明星
搖搖纖月落曲終無語雙寂寞回燈地忽三更
長空怒號北風惡

邵伯鎮阻凍陸行望高郵湖

高湖百廿里一片玉璫瓏寒雁燕殘墨夕陽生遠
紅捨舟猶戀戀驅馬苦匆匆極目單車上初驚壓
帽風

書言詩草卷五

二 太湖山房

渡河宿仲興集

淮北三千里蒼茫歲晚過凍雲連紫塞飛雪度黃
河行李星輅早人烟土銜多凌寒賦子役遊子意
云何

晚過邳州

黃草枯楊隱幕關武州城下水潺潺寒生淮北驚
催臘路出徐東始見山楚漢中原蒼莽外幽并落
日有無問風塵我亦支離客濁酒荒村且破顏
大雪過兗州懷古

集霞車中悄不聞晨光前路白紛紛天連浩野疑

無地雪暗遙降欲化雲古意南樓憑獨眺雄風東
海與平分只憐小篆荒碑上誰掃銀沙一辨文

過鄒縣

岸容山意待春蘇望裏鄒滕舊版圖千畝桑麻連
海甸兩行楊柳到 皇都他時新綠看應遍是處
殘年景不殊多謝故人同遠道夕陽馬背話江湖

謁亞聖廟

七篇天未喪斯文多穀雕龍敢具論浩浩淵流洙
水合巖巖氣象泰山尊穹碑四壁虬螭古故里三
遷俎豆存自幸經過拜祠下登車回首柏陰繁

書言詩草卷五

三 太湖山房

楚霸王墓

是否英雄墓殘碑大道邊美人歌已斷駿馬去何
年楚後憑三戶江東渡八千不須傷霸業灑寢有
荒烟

魯仲連故村

龐氏振長策六合甘稱臣魯連卓識士談笑無西
秦春秋彰大義名器不假人胡爲將軍辱忍使梁
王烹醜礙儀衍輩金玉鑄銖盾君能蹈東海豈肯
爲利營戰國有巨擘庶幾推能故村墟寂寂真過
客空餘情

高唐道中立春

遠作殘年別先違故里春也知寒煖異應念雪霜
頰山柳長隨客江梅不見人曼歌齊右好辜負翠
眉顰

厭縣懷古

昔年推大雅此日踐遺封古樂知誰聽殘書喜更
逢蘇若埋斷碣林木出高墉尚覺芳徽在陵原佳
氣濃

河間除夕

蠶燈火照青熒慚媿賢侯罄玉餅三十七年茅

書亭詩草卷五

四 太岳山房

下異鄉守歲始初經

張桓侯廟

草莽羣雄合山河百戰分虎臣扶進出涿鹿到今
關野徹朱扉日天垂碧瓦雲英姿瞻颯爽不媿漢
將軍

涿州橋

石龍臥洪波蛟涎不可極黃塵捲地起湧作海雲
色當時輦運成想見萬牛力孔道茲為衝神京鎮
於此可歎往來者車馬紛紛釋長橋自坦夷過者
心不測隔岸靡蕪青垂梁楊柳碧惟有琉璃水常

照名利客

薊門口號寄里中諸子六首

河豚雪後放輕舠慚媿西施伴老饕不到春江看
鴨泛阿誰新雨采萸蒿

三月長安見柳芽落紅何處冒塵沙吳儂贏得春

遊好看罷桃花看菜花

琵琶山口晚潮生似雪銀刀照眼明可惜無由飢

樓護空教誇絕五侯鯖

胸中千畝愛檀欒犢角龍孫罄玉盤墻畔叢筍好

憐惜此間活得一枝難

書亭詩草卷五

五 太岳山房

南酒難求北酒驕十千真欲傲吾曹長安米價何

會貴挂得青帘一丈高

高風捲地走毵毵紙閣重幃坐一龕只有燈前聽

疎雨打將虛瓦似江南

楷茶歌奉和倪太僕元韻呈繁齋夫子

天精地靈山川屯杏壇萬禩開林園森然古木夾

廣路佳氣迴合趨里門周垣繚曲荆棘淨中多楷

木含春溫鳥巢不到衍蕃茂端木遺種資討論八

紘勾甲破芳歲萬本萌蘖舒纖痕采之妙製作茗

供石巖灣甸輸溫磨蒿蓬下士走京洛程門立雪

留行軒談經高座雪腴滿師言颯茗為聖孫粵東
返節謁林下歸攜佳貺踰珍琨枯腸幸沃昔賢澤
疏淪蕩滌清心魂弟子碎呬謹避席小墜彌悟物
理尊聖涯道妙一甌具奚啻星宿窮崑崙吾師下
直拭綈几五千文字探天根賞奇時枉罔臺駕試
茗驚詫雲英繁捷拈彩筆門殊品劇有修綆通古
源當年玉川頗可笑長歌恣寫七碗吞豈如靈產
入文幄斟酌模楷親旦昏慚沾餘沫潤喉吻繼聲
不揣成譁喧

清明

書亭詩意卷五

六

太岳山房

茫茫塵土暗春城佳節今年亦強名熟食未妨遊
客意思家因見古人情穿林山翠含烟重繞郭江
流過雨清記否龐公攜稚子京華回首泪沾纓去歲
攜兒掃墓
四月中天

憫忠寺看花

選勝祇園玩物華斷碑猶得辨唐家寺有蘇一千
年失凌虛閣諺云憫忠寺閣去天一握今廢廿四番留未盡花示
相優曇空鹿苑盤根仙李久蟲沙不須更訴東征
事雙樹淒風散暮霞

敬堂先生以鐵如意索圖并賦此篇

南軒夕敞薰風徐斜陽入室喧琴書玉缸沃客百
斛盡忽驚寶氣升座隅先生袖出鐵如意云是黎
東世守器自幸傳家長子孫請追博古留圖繪吾
聞奏皇白玉埋金陵篆刻螭虎鑄蟬蠅一朝銅匣
掘地出荒哉歷勝誠何能又聞水犀鏤竹節或夢
烏角高嶽業子虛烏有安足云何如鍛此一尺鐵
長鑿寂寞拄杖閒精堅百鍊丹九還祥金乞得好
名字伴爾合燒金傅山先生著集鄙法喜盡日清
言發妙理依然崖尾坐十笏那仗講師伸一指腐
儒顛倒困百家行住坐臥皆喂啞自來安心不得

書亭詩意卷五

七

太岳山房

淺摩安古物空吁嗟我欲天花滿空落指揮無爾
成蕭索珊瑚高樹不暇擊只願攜持解塵縛絳蠟
殘殘散綺筵歸來暫把亦前緣醉圖爾貌知難肖
起舞還成如意篇

哈密瓜詩次碩亭祭知韻應樂齋夫子教

絳實沾光寵青繅門輝煌拜嘉傳妙製錫貢紀殊
方絕域天驕子屯田漢舊疆地闊連月竈星彩拱
天房重譯通由赤威弧戢大黃遠供青海入異產
白瓠富銳末梭成象黃中蜜讓芳含章占有隕方
物頌來王 帝馭乘元路 室居出總章捧呈魚

尾俊剖薦虎蟠強 賜值金臺雪嘗如玉杵霜自

能生暖飽豈復怯羸厄夫子三長裕家聲五世昌

學純芟野葛識博富犀瓢題塔名先肇修花容是

剛槐廳分職早桂髓沐 恩長 瘖藻騰高唱諸

篇總大綱行間溥瑞露字裏醉天漿不羨雙莖實

爭舒七寶光蠻牋紛筆彩棘韻曼刀鉞堅壁紆籌

策清都劇冗忙星齋先生詩叙云海任官詹好為

任知其計乃累陳疑醉暑豪副勞同卷垂纒懷核

餘嘉種歸駢掣寶韁松根埋琥珀玉子種珩璜補

少宰收種其子夏引青絲蔓秋鳴絡緯娘廣教中夏長大

畫亭詩草卷五

八 太湖山房

異鑿空攘自古多珍賜何曾滌病育官梨舍尙渴

現栗報終狂頒橘虛登殿傳柑漫入囊物輸分職

貢節善應歸藏 聖域同風教邊沙其雨賜卽看

綿旄熟莫訝苦寒妨 天子均優錫詞臣合紀祥

滋枯逾蔗椀醅 德有匏觴草莽慚如瓠調饑適

飢餒紙長三過讀始信玉爲堂

奉送藥齋夫子督學湖南

聲教熙朝有總持清華海歷世應稀秋空一鑑臨

珠海去秋典春殿 重恩到棘關春關同考未撤

文藻江山三楚合衙官屈宋八磚歸嘉名已入金

甌覆試望天門接斗暉天門山在岳州府

芙蓉化雨荷陶甄奉席都門意更親敢倚防身一

長劍終辜相馬九方馭風烟南楚無邊色塵土東

華未了因空向枯魚憐酒轍湘江望斷綠波春

姚江柔齊軒客江陰雨後登君山望揚子江

愛其清曠因寫像作澄江霽眺圖後七年

會於京邸出圖索題爲書短句

君懷秋郭登山屐我憶春江漉酒巾客路三千常

把卷與君俱是畫中人

午日題十景圖二首

畫亭詩草卷五

九 太湖山房

蒲酒研丹畫折枝薰風吹綻蕊離離試看錦繡屏

封上不借佳人纏臂絲

胭脂妙染墨花鮮艾虎釵符許門妍只憶江南梅

雨足冰壺花影畫堂前

題畫虎

雲壑風泉走莽蒼空林玉虎露星芒大人炳蔚文

章在豈讓麒麟與鳳凰

蘆溝喜雨晚晴小集

燕臺涼氣生五更黑龍深潭龍起行淙淙梅雨午

未歇軒窗坐覺煩歛清林陰滿院翠欲滴撲簾東

花暗香薰霽色徐看弄夕陽主人雅愛成嘉集座
中妙客皆酒徒上戶那惜傾百壺山陰美醜不易
得况遇天澤滋羣枯村叻歡呼酒人舞我亦能消
旅愁苦富貴浮雲笑二豪光陰過客同千古君不
見蘆溝橋上驅駝駝蘆溝橋下流洪波執鞭之士
吾亦好試問名利誰最多清風入懷月在樹解衣
痛飲百不顧明朝風急西山昏甘霖遷其糟床注
蘆溝雨漲聲如江河次晚菘先生韻

西山疊巘連雲起下有柔乾無定水絕塞天風作
勢驅奔騰萬里方來此蘆溝淺瀨沒馬蹄雨後百
谷俱應期長橋橫亘一百丈躍浪直與砥柱齊嚴
城擊柝入虛聽陡覺湖洶四山應遠樹秋風想怒
號高軒羈客驚孤瞑昔年風利趨石頭扁舟五度
長江秋馮夷幽宮蛟龍宅清夢猶復茫茫愁此時
燕都坐寥寂魚忘江湖隨所適南北依然出處同
年華已似河流激我亦乘風破浪人壯不樹立世
眼瞋那得閉身長伐木河于乞食賦滄淪

寄南

旅食深華髮鶴栖忽 帝城三千驚客路四十笑
浮生閭闔開中極星辰適上清歸來誇勝覽聊得

話蓬嶽

寄蓮仙

里巷聲名自多少游歎段未蹉跎君憂老態浸
尋甚其素天灑旅鬢何

二闕泛舟

南北馳土性舟車誰其宜却解代馬鞍來泛東河
滔寒帶疎柳細鱗浮清漪夾岸葭莢密風起交
紛搖蕩令秋意長不覺桂棹移換舟過二闕版廊
獨關中推南下更七十何由計高車我如井底蛙
忽上天漢涯雖復所歷高安有風雲期載酒得燕
客刺船招吳兒溯沿且滿酌休引江湖思

學蟹

飄零只合醉深卮微倖霜餐復一持北上依然遊
郭索南歸豈便慢蟻蟻清宵拳樹初逢朔舊國霜
花定滿枝此際天風梳稻熟湖田會與故人期

秋雨五首次韻

朔地秋先老新寒雨更催風吹滄海立雲擁太行
回孤客莽牢落幾人歸去來菊蕊沾濕好不是故

園栽

老屋他年意虛檐昨夜聲青燈常几席黃葉自柴
荆箇盡真吾事墻蠟笑此生衝泥歸馬疾回首亦
長鳴

車馬長安客空憐舊雨多登臺應恨望閉戶任誰
何酒竹窗聲雜蒸萸酒味和高吟須一醉筆墨沈

難哥

用拙甘飄泊爭妍強笑蠶三秋仍作客萬事不無
神豹霧原騰谷螭切此結隣可煩蚯蚓唱尺地漫

求伸

令通重陽晚天低萬里陰關山連雨濶江漢入秋

畫亭詩草卷五

三 太岳山房

深暮雀卑栖志孤鴻遠別心如何剗門道莽莽暗

疎林

次韻重陽後春海棠盛開三首

一笑嫣然嘆絕倫隔簾還記曉粧新無端秋老重
相見始信神仙別有春

錦帳橫陳帶酒紅舊時心性曲欄中秋陰未必能
憐惜珍重四圍一夜風

林下風姿怯早涼東風清露欲爲霜如何灑錦江

頭樹更與黃花鬥曉粧

處菊

舊種東籬菊秋深爛熳開薄寒霜未下清影月初
來竹徑從人別楓江有雁迴登高望天末萸酒記
傳杯

三更

三更銅壺咽車聲轟未絕五更銀河爛馬蹄行復
熱達官不得眠厮養不得歇貴賤雖有殊奔波竟
何別城南白髮翁二頃種秔秫太平樂耕鑿倉廩
幸無缺上以供輸將下以供飲啜隣近隨往來老
死村不出有時一尊酒高臥三竿日吾爲告諸公
且與辨勞逸

畫亭詩草卷五

三 太岳山房

寄南村四十韻

憶昔在鄉縣子寓西城隅殷勤一識面從此聯襟
裾子詩頗清妙衆中音韻殊篇什相往還解悟時
起余杯酒條聚散衣食紛馳驅一歲幾握手意密
會已疎况迺數千里南北道路紆道路洵足嘆心
迹要共據嘉子克振振壯歲觀羣書好古汲長綆
苦吟據槁梧推敲費日夜鏤琢爲瘦癯短歌復長
詠出手超其徒維時曹公子先勅敵交戟戰沛國
亦有僑嘉孚尹輝瑾瑜與子鼎足立咳唾皆瓊珠
庶幾紹前哲大雅輪可扶欄也最牢落末學搏糟

葶二十恣游劇三十終慙愚譬如園中木掘土搖
根株安能望成實而廼誇榮莠飄風忽與會吹我
來 帝都 帝都寧不佳冠蓋羣奔趨朱門富酒
肉戚里繁笙竽過者艷華麗見者談遷除置我於
其中語言成拙迂何似素心人聚首多所娛離索
古人慨貧賤今人吁彼富讓貧樂爾貴輸賤軀簪
纓與金玉世眼爭睚眦崇高洵莫大豈識心力劬
天空有飛鳥水淺無潛魚慎勿厭賤貧且得隨卷
舒曹子悲短折宿草生墓墟遺文付良友嘔心幸
不辜

客冬蔭嘉謀刻期
先遺稿余爲之敘

畫亭詩草卷五

十四

太岳山房

子才誠矯矯我意存區區最念明月夜風露清秋
初叩門踏竹影笑語驚栖鳥麗譙鼓聲急天街兩
脚躡此事遂十載遠懷將何如

祀竈日

隻雞斗酒恣駢羅故里今宵祀竈多第一莫教司
命醉醅醕章奏奈君何

除夕

奔波日月足歛歎京國儵然逼歲除赴壑修蛇遮
不得入宮磨蝎待何如悲纏殤子身原剩舊少田
園祭恐虛此夜無眠辜遠夢滿城燈火伴離居

再賦絕句

蠅頭蝸角兩營營遍走天涯不異情今日綠蘿巷
外客梅花應笑負平生

畫亭詩草卷五

十五

太岳山房

畫亭詩草卷五

畫亭詩草卷六

江陰朱黼與持氏

緇塵集二

丁亥五日自都門赴蘆溝因憶去年亦於此

夕叩署感而賦詩

忽忽蘆溝道茲宵復獨來客憐新歲改春憶故山
回天意輕雙鬢鄉心共一杯何堪話陳迹官燭射
堂開

月夜歸自前門

踏月長安道輿輪且自隨箭傳官漏早橋轉玉河

畫亭詩草卷六

大岳山房

遲皓魄無私照紅塵有靜時行歌不落寞孤影劇
相知

十三夜觀燈

玉宇元宵近金城皓月鮮花明燈市口燭亂鼓樓

前勝地吾生誓深杯此夜偏紛紛暗塵起車馬正

聯翩

十四日卽事

三郎玉笛門繁絃簾下官人隊隊仙舞遍霓裳羽

衣曲春風不是大羅天

十七日嵩輔堂先生招同達香圃先生燕集

古春書屋晚寒作雪卽席賦詩

輕重寒雲簇暮鴉夜深穿戶洒銀沙三春北地都

無雪去冬京師無雪十日東風已作花今歲正月六日立春度曲歌

喉同掩抑收燈院落轉光華屠蘇罷酌清更永活

火應添學士茶

遲達香圃先生不至

雲幄天垂幕風簾竹自驚白駒應識道烏鵲若爲
情手版官曹倦吟箋客况清剪燈春酒綠空對玉

人傾

西隄

畫亭詩草卷六

大岳山房

驅馬長春橋河隄曲盤互清波帶垂柳卽是江南
路灣頭畫欄轉沙尾青山露舟楫望悠然吾行此
何遽

香山晴眺

香山高處接諸天浩浩晴空四望連半上巖崖無

海岱全收形勢入幽燕星辰此地臨雙關關塞當

時重九邊不盡蒼茫今古意夕陽清磬老僧禪

登寶相寺

丈六呈天筆御筆寫圖作獅子吼佛因仿以設像三千現實臺

聲聞獅子吼山引鷲峰來朝旭扶桑近靈光梵葉

開寺有旭華上方千氣象猶帶御香回

禪山寺

攬勝時不延夕陽暖平陸團團東方月照我下山
麓村低雙樹寂客借一龕宿夜闌罷尊酒禪榻得
舒足東巖官苑近禁柝嚴四隩况值紺殿新甘萬
煥丹緣翠華待曉臨供帳達旦趣大臣候法
駕小臣治春揭去茲牛鳴地側枕紛輕輓不盡馬
羣嘶已聞雞三喔曙色侵虛窗高眠問誰獨

煤駱駝

西山石髓搏黑蚪北地藉以為薪樵萬夫駝塚儼
烏鬼鑿山直使山靈愁深從巖穴出平地掘載不
用千牯牛峩峩山北金駱駝雙峰壓脊絨毛修日
行可以三百里背負不下千斤優天生奇畜為世
用豈但水脉知其由嚴霜載塗海冰結朔雪被野
天風道千門土鏗凍欲裂火熾方得開玉樓此時
半馬縮如蝟駱駝越谷行未休策功爾合居首列
致用吾迺思南州吾鄉山蕩富茅葦稭穠遺秉尤
紛稠舟航大小足任載田野繁庶恣取求麗然此
物少聞見土俗千里真不侔憶昔市中叩負販擔
五六十價不浮邇覺缺乏且倍值水火生活能無

書意詩草卷六

三 太岳山房

憂天施地出有盈縮誰見春揭夷山邱安得駱駝
騁大步負以南下驚衆眸不妨共笑馬廬背庶免
執爨相歐嚙

良鄉晚酌有懷舊遊

走馬催沽酒春郊晚興長垂楊千帳外落日一尊
傍出郭尋孤塔看山指大房舊遊俱到眼回首意
茫茫

行營夜望

帳幙平原合旌旗夜火明周廬同象緯行殿即瑤
京侍史趨班早期門立仗清首塗先萬馬攬轡聽

書意詩草卷六

四 太岳山房

雞鳴

涿州

一度湖梁汎欣嘗涿鹿魚土風猶近縣河水漸通
渠歲古英雄逝春深鬚髮疎加餐憊鞍馬努力意
何如

紫泉曉發

夜雨滄輕塵春原洗芳樹今朝紫泉水添得三尺
汪候風鳥爭鳴識道馬暗度赫然太陽升萬物出
靈霧

趙北口

趙北天開壘燕南水截流
差峩新帳殿浩蕩古雄
州關勢脚青岱河聲到
白溝无橋何處問空憶
蓼花遊

宿魚厰村

魚厰村開涿水濱買魚無處覓
漁人茅簷惡酒不堪酌
辜負今宵二月春

蘇橋

泂流土屋舊柴門暫畫窗
寮倚柳根學得吳儂春
店樣蘇橋五里到長村

格淀

畫堂詩草卷六

五

太岳山房

萬柳橫塘上千艘格淀邊
水寬疑地盡樹轉見帆
懸澤國同江漢灣池失土田
隄防有經濟終仗大
臣賢

隄上

新綠猶遲萬樹陰黃塵十丈馬蹄侵
不知南國春風路踏遍楊花幾許深

天津

水郭凌虛海勢踰揚波久已靜
蜚廉吳頭萬舶均
論集津口重關鎖鑰嚴小直沽
邊雲作屋角飛城外玉爲鹽東漸
聖澤原無盡蕭見欣逢九五占

津門上巳

溟渤晴波漲遠汀津門佳日畫船停
生拋杜若洲前綠來看垂楊海上青
隄迴昨經渦口寨城高今望峭帆亭
春風巷陌滄洲酒版喫人歸醉未醒

津門春泛

江湖載酒恣洄泂錦瑟年華已惘然
如此桃花春浪好尋源應在十年前

自津門赴楊惠莊中途遇雨

遠屋平於地遙沙淨到天風高忽振野
雨急旋鳴川老馬疲衝濕長途媿靜便
他時紀行役泥濘海

畫堂詩草卷六

六

太岳山房

東偏

海上

北風吹袞袞東海望滔滔天地竟何際
魚龍空自豪銀槎星漢迴金闕闔山高
欲問麻姑事滄桑又幾遭

對月

海岸渾疑江岸長輕烟皓月兩茫茫
今宵浦口不成寐遙共嬋娟話故鄉

南海子

飛放昔曾傳水泊紅門今始望周遮
小環文囿七

十里近接 王畿億萬家來往 芻蕘親 玉輦光
輝 鳧雁喜銀沙芳林 摘點蒼茫 跡盡入陽和展
華

南苑春蒐恭紀

南苑晴曦羽仗開 君王先上 踰鷹臺蒐兵春甸

逢三月習武熙朝備五材 殺虎好蕃仁 圍畜搏熊

新試快飛才 是日殺二虎二熊 金門自有 尙書筆應待相

如奏獻來

題畫

纔食西沽白小魚 又驅羸馬 駕征車溪山好景詩

畫堂詩草卷六

七 太湖山房

常有那得閒人 趣意居

題尹晴村水石清娛圖

中郎昔尾 飛龍踰湖山 欣賞登臨日未與林泉

作主人喜從粉墨傳 蕭瑟高門蘭綺 耽清娛觀者

爭笑中郎迂 豈知氣概 恣盤礴寫生妙手非形摹

百尺虬枝白雲罇 千尋雪瀑青巖下 識得豪情畫

可參 倘云高寄君何暇相公 賜第西山岑午橋

綠野眾所欽 旂常久載周 名績泉石豈入 臯夔心

丹青接武才華 盛封胡 邇末相輝映 帝闕常瞻

斗北天吳雲 那憶江南 興男兒 腰間金鑊 鑄壯志

欲封醫無闕 時年 願秩可坐 致此境何必非蓬壺
邱壘曾傳 古人趣 枕流漱石 翻誇悞 比似君身在
畫圖 同床各夢 華胥路 却感江南 烟水人 別來京
國 寄風塵 如余 真是 林泉客 欲乞君 圖置此身

題鍾惠菴蕉陰玩鹿圖

君年十九 寫此圖 芝蘭作骨 玉作膚 翩翩公子 楚

豪興 金丸滿握 張雕弧 我今觀君 渾不似君 今六

十已餘 四老眼 摩娑 展畫看 欲獻四十餘年 事勢

冠從親 到四明 元戎幕 府侍麾 旌早邀 任子 膺

天龍 已列材 官護 禁管 珠鞭 玉勒 叱撥 紫春 風 雜

畫堂詩草卷六

八 太湖山房

善長 林裏 八載 君王恩 遇深 豈知 一旦 風波 起

朔雪 邊沙 遠度 關流 離塞 表隔 家山 四千里 外空

悲涕 三十年 中失 故顏 烏號 棄後 飛龍 出 巢 臣

幸有 生還 日 悼 獨 終 懷 聖主 恩 衰 頹 忍 賭 丹青

筆 我聞 顛末 爲 沉吟 俯仰 天地 思 古今 安危 豈以

彼 易此 盛衰 倚 伏原 相尋 弓刀 挂壁 將軍 府 殷地

歌 鐘 啓 朱戶 轉 眼 繁華 又一 時 到頭 富貴 知何 所

卽 今 故里 得 相 依 遷客 光陰 事 已非 白髮 猶堪 娛

晚 晚 青春 何 用 憶 輕肥 舉世 徒能 目 睫 視 平 陂 那

識 通盤 計 夢覺 因緣 醒處 參 本來 面目 君知 未 悟

葉蕉陰落早秋山林麋鹿任遨遊君看畫裏分明
意百感茫茫且自休

題嚴春巖自寫讀書圖四首

古得清陰敞草堂閒來皴點墨痕香無邊欄水淪
漣意知爾前身合姓王

鬱城靜掩讀書樓烏帽黃塵賦遠遊却剪吳淞半
江水不嫌騎馬到并州

金門捧賜昔年榮媿我簽題亦有名今日燕臺看
水墨出山仍似在山清

荆扉疎柳劇清妍故國移居夢裏緣我有殘書拋
不讀芙蓉江館別三年

畫書卷六

九 太岳山房

作畫應江浦陳梅亭先生三首

日對西巖作障屏朔雲吞吐接郊坰怪來點筆晴
窗下依舊家山畫裏青

白雲巖岫綠蘋洲飛瀑平波一併流不用石頭雙
畫槩清光齊上讀書樓

清江客夢記吾曾五度秋帆指秣陵慣上危磯望
江北獅峰雲際最峻嶒

題畫

黃塵撲面汗成漿走馬長安道正長何似科頭北

窗下晚涼風裏畫滄浪

午日

憶賦龍吟曲蒼茫二十年蓬根空自轉萬葉到今
憐別酒雲天外清江客夢前離騷猶可讀何處
湘舫

早秋西山

絲陰覆車蓋聒耳元蟬鳴吾行西山隈及此新秋
晴一轉蒙密衆峰圍崢嶸飛泉入苑壙活活琴
筑聲位聽慮已澹遠賦詩爲清佳氣固爾殊萬象
鍾地靈官司競奔走耳目無他營聞者好整暇偶
到意輒傾窮達一以判取舍兩不爭惟應山水趣
持之傲簪纓

畫書卷六

十 太岳山房

秋霽過靜漪瀨

積雨今日晴明湖波灩灩經旬始出門不見荷花
面垂楊舞遠隄苦蘼叢遙岸行吟鳥相和坐釣魚
空羨秋風颯然來時節忽已變逝者如斯夫人生
竟何戀

中秋東園邸舍分賦得中字

好月尋常見清尊取次同此闌丹闕近今夜碧天
空客老千山外秋深一雁中居然豪興在猶得醉

顏紅

重九蕭寺訪菊

九日羈人醉未賒祇園閒試老僧茶幾時去問黑
窰厥一徑來尋黃菊花振羽燕鴻霜有信辭巢秋
燕社無家已公茅屋新詩好絕勝登高感鬢華

夏尹儒人都出示諸同人送行詩俱蒙念及

為賦一篇

朔風浩浩飛沙昏旅人燕市方閉門故鄉佳士忽
稅駕一笑握手嚴冬温拭拂塵埃啓行筒喜讀青
藤贈行字雀躍心傾吾黨才能鍾歲辱羣公記東

書詩草卷六

太岳山房

詩集三十九春城草碧山花紅踏花醉吟百瓊
空疊公筆下疾如雨我亦耳後時生風鴛鴦欲
舉手里搶地終在枋榆裡南枝故合越禽栖北海
空瞻塞鴻起君家英妙生一門大小阮佩芳蘭蓀
憑見祖帳客與滿琅琅高唱催行軒黃河朔海落
天上太行諸峯盡東向碧霄跌蕩闔闔且快君
來舒曠望長安街東下澤車笑我避路立蹇驢三
年無以報知已慚愧休文一紙書

奉寄趙敬夫先生兼懷同學諸子

自昔親承久論交在紀羣我生慚後起吾道仰先

聞宋艷能高摘班香足自薰近堪扶大雅古欲訂

皇墳對宇移芒屨窺軒寫練裙問奇亭載酒植杖

野耕芸正喜長鏡共如何短袂分東行瞻泰華北

學想河汾到識瘦槐樹來看石鼓文虞庠方數典

周士敢分勛舊雨三年別新霜兩鬢紛日斜同往

哲樂天詩行年三十九歲暮日斜人天迴獨夫君銘槩知胼手衡

茅任息筋平生忘寵辱令子得清芬筆陣相逢數

詞場轉戰殷卽今成浪跡豈復張吾軍特達終非

質追陪是所欣離棕空縷縷遠道漫云云憊矣浮

名誤佳哉士氣盪好煩耆舊意鄉國屬風雲

書詩草卷六

太岳山房

題盧翁小照

宿緣得閑身純嘏紀長歲浩然天地中此境大不
易飄蕭銀鬚翁四海作遊戲紅塵不相染白石隨
所憇如觀雲起時悠然水窮際如拈花笑時妙悟
摩詰意圖中嬰兒顏想見壯盛志懸腰寶玦光揮
手蕃劍氣朔為老石白石曰村翁所居也奇服不一試竭
來鳳皇城稍斂鸞鶴翅林藪世自好朝市豈吾累
頗笑華官身章服委形被安能脫冠巾屈伸陀羅
臂一卷割鍾阜千里落燕薊靜坐過七十遙情復
安寄長吟昇平詩集與擊壤繼

除夕

獨對青燈落燼遲椒盤憶得祭門時此間守歲意

清絕細寫涪翁唱和詩

時方借鈔任注山谷集

經年人海閉門居四十明朝亦自如不礙京華長
作客但來飽飯讀奇書

畫亭詩草卷六

九

畫亭詩草卷六

畫亭詩草卷七

江陰朱黼與持氏

槐陰集一

都門春日憶韓園宋梅

東風不挽餘寒任御溝冰泮清流注開園絕少五
出花却憶家山古時樹孤根如鐵堅不積天水碧
色妝莓苔三花兩花足太息已閱五百餘歲來東
園載酒坐花下亂石荒池舊臺榭席地常過芳草
春凌波更度芙蓉夏雪花飛盡燕山青大千春氣
先帝城鯨魚負冰凍猶活好鳥拂羽暖更鳴長安
市上種花叟百種非時無不有土窖真成羯鼓催
瓦盆劇惜霜蕾剖孤山處士白板扉月明滿地橫
一枝窗前忽到那可得何處長笛臨風吹

雪窗八詠瑤圃夫子命作

地坑 得春字

作炕三冬早消寒一室親潛然無厚地燕處即陽
春白屋嚴霜通未門暖氣勻何須慨木炭造化本
維均

臥兔 得頭字

臥兔形維肖垂簷得自由耳邊消滅粟爛後避颶

鷗舊嶽申山族會眼碧澆秋何如沙禿美霜雪任
蒙頭清語呼皮帽日媽哈拉呼附兔日沙禿媽哈拉

火碗得燒字

不訝危無當爭看火有燦暖供雙箸下巧借一杯
燒舉案炊仍近加餐飯未消竟忘未夏節冰碗散
煩歎

凍腐得清字

尋常供菽乳寒沍作珍烹酥凝肪堪截冰鎔味自
清黏相爐畔席羔酒帳前鱗此物知誰賞憑吾屨

太羹

畫亭詩草卷七

二 太岳山房

脚齒得水字

葛屨低啣齒慈河久積凌鏗然幾兩屐笑指一條
冰脫頰愁盤辟爭球捷踰騰兒童休漫試滑笏有
殊龍

毬踢得高字

赤仄環繪布烏雞借羽毛翻空輪足健距躍使君
高土俗爭誇勝人情好習勞一歌楊柳謔躑躅看

兒曹諺云楊柳死踰躅兒曹見帝京景

暖靴得安字

頰覺豪豬俗深濕別一般底頰裘作覆好為足求

安享白狂終脫和凝價更寬玉階方似水珍重早
朝官

風門得當字

齋寒常閉戶風日却無妨望似疎橋隔功歸一面
當鶯沙穿瑣閣落木度銀墻暮節稀來往空明且
遂將而勿遂

東田代友人索畫小幅圖成東田題五轉韻

同寄因次元韻

胸中邱壑無一畝試問能工遠勢否江山怪底烟
霧流君詩乞我生綃秋桑乾不是吳門曙垂鞭却

畫亭詩草卷七

三 太岳山房

憶鳴榔處悔不圖成雙鯉魚寄君千里加餐書舊
遊我識葑溪路魚行未必桃源誤

典衣沽酒歌瑤圃夫子命作限十

蘭陵先生諸瀛洲一生落拓無他求天生酒腸如
酒筍餽糟醲任所投不望從事來青州不望平

原官督郵高陽酒徒吾匹儔隨處俱可營糟邱阮
宣百錢拄杖頭空囊趙壹酬不酬意馬脫鬮飛輕

輶輿發直上崑崙遊天漿正泛白玉甌高揭斗柄
陳尊鹵飛瓊侍席雙成謳雲母窗外漣空流歸來

四壁司馬愁但有嶺鼻無鴉裘鄂君青翰虛衾襪

阿乞罷毘安足留長安青帘百尺樓天然人面
雪浮一酌甘潤滋枯喉再酌醅理宿疾廖三酌四
酌勢轉道百川灌河盈滄海蟬聯佳話不得休對
客炯炯停雙眸有時一榻頽然駒戰酒不勝拋戈
矛披靡敗北旗鼓收解醒誓欲復此讐世人識此
妙趣不悞天席地吾自由入我幃中君可羞誰以
荷插忝軍劉

喜雨

頑雲潑墨海波翻石走沙飛頃刻間颯爾狂飈驅
早飈沛然甘雨下塵寰河魚驟落移尊院天馬高
騰射獵山蔀屋此時歌舞遍應知喜氣動 宸顏

重五

林風乍捲黃梅雨薄寒晚透冰統縷昨宵簷溜滴
三更今日晴陽作重五朱顏久愧榴花紅客心蕭
條尊酒空閉門讀史亦漫與哀湘弔沉吾何庸伯
庸生兒被謗死田嬰高門稱有子富貴死生休問
天文章事業徒爲爾京國頻年已倦遊枯禪心定
氣含秋菖蒲艾葉知誰摘爲報江南競渡舟

奉送瑤圃夫子典試湖北

帝遣工師拔楚材梗柶杞梓識根莖三秋羽翼天

池起一位元良璧沼來得士最憐鸚鵡賦題詩應
笑鳳皇臺遙知勝地登臨處江漢榮光接上台

重九後作

有足不土西山巔有酒不醉霜花顏百年多病復
今日奚啻杜老藍田關去年古寺踏秋草今年旅
人仍潦倒藜床七尺仰屋臥萬事無如閉門好此
時長安一萬人憑高抵掌發興新斯須得失分虎
鼠嗔欲拔劍喜脫巾陰崖蠹天走麋鹿野日荒荒
蒿不綠清宵無夢奏鈞天久知身世鮎魚竹只憶
長竿剪紙旗少年風景嘆全非孩心一瞬已灰燼

書亭草卷七

五 大岳山房

客緒三載空天涯故山茱萸插盈把養疴却在金
臺下白雁當頭似箭飛過江應見登高者

寄陳棧客

五載客小山阻冢一百里朝朝望城郭恨不雙翼
起自爲京門遊隻雁度岌義骨肉痛離別關河渺
涯淚不見素心人常懷諸弟子或冠或有室余衰
可知矣當時坐臥處丈室烏皮几前軒亞梅竹後
圃雜荆杞池荒石不發茅允牆欲圯太歲前在酉
堂宇見治理近聞層樓成周闕煥丹綺塗墜斯爲
賢經營固其始獨有江臯客來問長安米懷中刺

已滅廡下居未徒每苦蒸花豬不如啖馬齒騎驢
動昔慨見蝎非吾喜文篆裊炕烟却灰罨窗紙三
霜蓑蒙茸九坂骨折毀茲闈復何益此事良可已
所恨日月短不得究書史君家縹緗富插架眩青
紫亟裝僮僕豪買轅買市憶從共晨夕欣賞燭
繼晷快心爲賦詩得意且酌醴慰君有佳兒萬卷
得所委誦讀日等身別來應倍蓰臨撫大小字曩
已窺衆體想今池水黑定悟晉唐旨阿買誠多能
阿咸豈不美由來畏後生庶幾紹前軌芝蘭秀庭
階萍蓼叢沼沚雲漢奮大鵬山梁集雌雉如余最
孱弱兩足真有鬼望岱不上山薄海未睹水頻年
傍風塵終日念蓬蒿誅茅斲數弓種菜求一噉忘
憂蔬食中寓樂殘編裏百年未可必萬事只如此
尚笑屠門嚼何時塵袂洗寄言太邱長吾行筮坎
止

畫亭詩草卷七

六 太岳山房

奉和瑤圃夫子試院呈同事諸公元韻

仙音法曲意飄飄屬和人停四座蠶工尹雅知荆
璞貴將軍嚴鎮楚師佻新從鄂渚開風會舊憶荆
荆布化條壬申典試貴州點筆虛堂心鏡澈滿天星斗夜
蕭寥

南金東箭恣選搜津逮真成江漢遊要選卿材歸
日下何爭賦手擅風流迎寒鳳闕瞻嶒嶸慰別鱣
堂話阻修只愧門墻雕朽質終應三徑伴羊求

奉和登黃鶴樓元韻

絕壁高江湧此樓荆襄勝勢快全收青龍戰艦空
遺恨黃鶴仙人不解愁烟月自堪尋往蹟文章誰
復占先籌披襟尚有雄風起把酒憑欄醉暮秋
十一月九日煮酒消寒俄而雪作因賦長句

并以志感

畫亭詩草卷七

七 太岳山房

虛簷浙浙戶晶晶漸覺嚴威逼酒錯卷幔忽教銀
海眩下堂頓作玉階行他時南國飛花勢客歲西
窗折竹聲依舊蘭膏炳明燭梁園賓友竟何成

卷石山房詩四首

余家有石歷三世矣洎余三遷其居輒移
以自隨比客都門圖以示同好并題四詩
索和焉

世業真隨歲月遷求源太嶽痛茫然先大父本姓許系出元詩
人北郭先生之後而諸泥塗老屋家三徙苔草閑
庭石一卷礪角不侵遺貌古點頭寧改此心堅飄
搖累汝相從久獨立風霜忍問年

少日呼名亦夙因黼初名蒨劉穆巷階前石丈喜

相親君真磊落不羈士我實登歛可笑人倘作窪

尊林甲乙朱充藥白失庚申此身底礙栖城市五

尺巖巒便爽神

隣園萬樹擁槎枒特漏晴陽上碧紗一徑喜栽當

戶竹三春常借隔牆花瓦盆酒滿風猶古木榻塵

空歲已奢却稱蕭齋留石供清言何必長公誇

羸馬年來困役車朱門蓬戶竟何如無由泥下尋

黃石山房去縣橋不數武且慰江干有做廬豪筆慚分三舍

饋囊琴歸伴一床書寫圖朱是雲林意牆角屏顏

世守餘

奉寄瞻園先生

三年京國眇愁余不向南州問起居白髮尚留衰

興在青山應笑故人疎消磨晚景能忘酒料理虛

名好著書我亦倦遊期息駕與君江上樂樵漁

題盧蓮麓畫冊

盧君筆墨佳毫末工黠綴結屋龍首南小樓滿蒼

翠興來隨手成妙處非著意始知澹蕩人雅趣別

有寄人生要適性窮達何所繫讀書豈有求此樂

具真諦餘或弄書畫不必定游藝隨吾性所適於

畫亭詩草卷七

八 太岳山房

道固無辰陰晴一日變寒暑四時備相對默自得

尺幅聊一試古有得名者要非畫工例直與天為

徒迺遂造其至若云意慘淡苦心入孤詣先生想

置之不屑競能事余亦樂渲染草草不成枝秃筆

或枯直亂墨忽翳翳偶如雁齒排復作蛇足贅見

者皆大笑者自不知婉幸聞雲林語聊以寫逸氣

質之霞浦翁當不嘆鑿枘

廣菴先生招集齋中賦呈二首

堵古荆扉亞塵空斐几清園林知市遠階草覺春

生薄宦隨時適為儒本性成高齋足圖史載洵有

餘情

寒催瑞爵屢人對玉壺清暮雪片時集春風滿座

生闕深窗自白香妙篆初成願誦幽蘭曲中余醉

德情

讀書詩奉和瑞園夫子元韻四首

傾囊買書史什襲供皮閣愚者競嗤笑此趣那解

索非其性所喻方枘而圓鑿豈知擁萬卷南面無

此樂博覽如聚珍研精比鍊鑊逢原在左右賢聖

相附著學海滿張帆心花靜舒萼酣春度彼岸不

爾便墮落側弁常披吟掉頭少籠絡誰歟燒凡鉛

畫亭詩草卷七

九 太岳山房

家火徒自鑠

帶經鋤荒坡下帷坐小閣古人不可見遺編尚堪
索山成一簣進井廢九軌鑿其功固無盡此道誠
足樂矧愚仗藥石割倦借千鎔倘非游詩書心迺
失倚着庭草被白雪簷花綻紅萼不須昧寒暑正
復任洒落兔園慨殘蝕鴻都自釋絡豈其洪爐中
滅沒聽煎鑠

牙籤亂風窗縹緗映雪閣我身儼蠹魚飽食不蕭
索生為混沌質稍解一竅鑿右史而左圖不疲洵
足樂董蒲抽矢鼓吳鋼厲劍鎔貫的挽正強吹毛
力味着胸真破萬卷筆已燦繁芻區區咳唾妙迴
如九天落昔言啓聾聵至理融脈絡舍茲務紛華
何異燔火鑠

愛寶求白珩慕榮企黃閣何如書味佳近取不外
索簡編多膏腴鑽研卽耕鑿頻年蓄畚熟盡室俯
仰樂當其孤詣處轉戰憂霜鎔豁然破冢出萬理
得歸着迺知淺嘗者正如花附萼一朝東風吹紛
紛嘆飄落富貴雖可求馬首受銜絡把卷從據梧
死灰豈可鑠

人日雪次前韻

今茲屆靈辰剪綵憶綺閣天公頗解事散花慰蕭
索歷簷竹乍低壘戶坏可鑿由來長安中惟有高
臥樂曩聞幽并寒被膚同利鎔只今舞六出麴與
和氣着麥待漁陽岐梅先上林萼九霄非杳冥萬
寶倏飄落哦詩笑僮父艱窘自纏絡應煩耿先生
搏雪助鎔鑠

八日晚復大雪再次前韻

風林呼饑鳴晚氣逼虛閣飛花大如掌豪賞酒更
索室中爐火添床頭甕泥鑿醉腸念往事古人多
苦樂或懷漠北瓊或揮淮西鎔功名與節義此物
兩依着迺有抱冲士蹇蹇壽玉萼世亦高其人雅
意固落落擁絮空凌兢撒鹽正綿絡餅餅休告竭
銀燭猶未鑠

已丑臘門寒食

寒塵照爛奏春色鶯燕都隨麗陽集今朝佳節憶
江南楊柳梨花作寒食踏青江上試春衣日暮紅
霞處處飛重門醉敲明月上新火未乞青烟稀跳
丸轉蓬兩無據客裏光陰總虛度高梁橋畔淅波
寬不到西隄盤馬處燁燁千條出漢廷眼前好景
付君平春城也復題新句那得官家辨姓名

畫亭詩草卷七

十 太岳山房

畫亭詩草卷七

十一 太岳山房

清明節感念先寵泣賦二首

舊種花山樹東風五度春
歸看應作蓋別泪欲沾
巾今古一抔土關山萬里人
何時拜墓下麥飯奠
吾親

細草清江路透迤到北邙
水圍魚港曲山對馬鞍
長高塚悲長逝孤墳哭短殤
此時惟老弟剪紙挂
枯楊

三月九日侍瑤圃夫子泛舟二關四首

小暖深波平黃鸝喚出城
花隨春色暮眼與汝曹
明輕轆謝車馬盤桓偕友生
飄然曳春服猶見舞

畫亭詩草卷七

十一 太岳山房

等情

碧柳官河曲烏篷倚岸邊
買魚供人饌沽酒待發
船春水生三月秋帆隔四年
前遊在 丙秋 鷗羣尙無恙
倚棹共洞沿

百丈疑江路陂陀花亂飛
林深來野客廟古問靈
如碧草無今昔紅塵有是非
底煩漁父笑吾欲臥
苔磯

遠郭輕陰合迴舟細雨來
平川紛蹴浪遠道靜飛
埃漫唱吳娘曲行持焚尾杯
南園花事近風日候
候台 時夫子有 豐臺之約

友人索畫大幅為題三絕句

織綉三丈鳳啣梭合喚扶桑大
繭羅送與湖州文
太守掀髯一笑襪材多
魔界誰為透網魚畫沙屈鐵足
驚吁世人盤礴誇

豪舉試問會叅篆隸無
紅牙碧串鬧華筵清聽何如幽澗泉
一片江南沙
鳥夢板橋流水認黃田

雙鴨

雙鴨來自野羽毛異山雞如何見
羅取置此玉階
墀猶然命儔匹空復相因依不鳴亦不食
越宿殞

畫亭詩草卷七

十三 太岳山房

其雌萬物判靈蠢托處各有宜豈不被惠愛失所
誠足悲天池有鴻鵠千里從高飛
弋人縱有慕矰
繳將安施嗟此細已甚物理固可齊誰云江湖性
而可樊籠栖

友人新製一枕甚麗戲贈以詩

轉側從虛榻因依謝隱囊
兩端真錯采七寶欲流
光繡被連朝日薰籠發妙香
空明團琥珀角粲覆
鴛鴦頗笑飄零客恒多息
偃傷倦時殘帙倚醒後
素琴張訝爾橫陳夜率君
上下床但能酣白墮容
易熟黃梁兔窟知難就雞鳴
正未妨曲肱吾自適

遮莫惱王昌

寓齋清晝聞友人讀書感賦

書堂隱几清晝長一簾霽色庭花香微風度響忽
清越有客倚枕聲琅琅悠然漸入無何有漆園蝴蝶
蝶真良友夢中萬事不關心醒後一編猶在手感
我脚躡搔首思昔年黃卷日携持閉門風雨燈殘
候繞砌莓苔花放時斗筲不儲空轆釜索逋時復
勞書賈餓死惟吟杜老詩興酣更作王郎舞天南
地北漫辭家遠道殘書載一車靈簡還依講堂樹
馬蹄不踏長安花玉山高處罡風起吹遍霜華明

書亭詩草卷七

古 太岳山房

鏡裏披襟抵掌奈爾何脫冠垂頭行倦矣君名如
梵如伏盧飽讀海外旁行書偶然遊戲混凡俗淵
淵金石騰清虛此間鶴蓋清晨出流波接軫趨雙
闕頗笑寒號鬧細虫那知脈望卷平餘髮疎慵我
已廢朝昏數卷差勝與外人樂天詩琴書何必求
王粲與女猶勝與外
人歸臥荒江望天末思君千里一傷神

題汪石潭春園燕坐圖

洛陽花木多於薺太湖巖石如聚米萬牛輦致作
邱山千金競買門紅紫洞房高館豬風和曲檻平
蕪暗塵洗壓檐松葉儼車蓋參徑柳綿承步屐綠

深處垂湘簾白日閑時拭棊几倦來雪乳烹七
碗興到霜毫揮一紙平生望此若天上大嚼屠門

知已矣展君圖畫迺大笑齊心同願有如此君家
六橋富春色湖山臺榭烟花裏慣聽粉院哢鶯啖
愛看芳林交燕尾忽成迢遞隔鄉園且慰遊遨依
帝里帝里遊遨競年少如余老大多愧恥尋春久
懶跨鞍馬得句何心艷羅綺眼前萬事等浮雲石
上三生付流水迺知一身少壯殊奚啻四序寒暑
徒當時不解走若驚此際空憐去如駛古來達者
具卓識大敞芳園趁桃李愁將寂寞負佳期怕遣

書亭詩草卷七

十五 太岳山房

歡娛及暮齒敢云富貴非願乎須信人生行樂耳
飄零我自少情思蘊藉君真有理理風流何必讓
古人生趣猶能調稚子却思鴻鶴上香漢豈有鳳
鸞栖棘枳琅玕披腹肯終斬箕踞科頭終漫喜茲
圖君亦賦閑情正恐琵琶渾不似玉堂仙骨自瓊
瓏天苑風光尤旖旎但教努力愛春華翹首丹青
致身始

別西軒竹

種竹空階尺土寬此君常得伴清寒忽嗟日暮門
初閉誰惜心虛節自完獨客琴尊應快意三秋烟

雨是愁端丁寧好養凌雲質別後風光別樣看

秋夜聞笛

何處龍吟起碧潭晚來橫吹興偏酣似抽嫋嫋黃
金縷誰剪森森綠玉簪疎柳新愁關塞北落梅舊
夢畫樓南自憐好句消磨盡白雁殘星總不堪

代送傅古巖先生赴柳州太守任

薰風度苑榴花酣飛紅落瓊流霞甘龍城太守醉
別酒四馬前引一馬駝太守來從晉陽曲傳車行
部騰驥足三公早佩呂虔刀百粵行隨鄭宏鹿蒼
梧重鎮水陸衝八寨扼要賓州雄洛懷久靜綠林
客狖獠已革烏蠻風公臨馬平膏陰雨會聽歡聲
呼傅父臥閣惟看屏石山吟詩不羨圖書府前輩
風流歧望深一麾出守促分襟驪歌赤日黃埃裏
卽是東山贈扇心

都門贈汪雪樵二首

一別三千日相逢非故顏鬢毛催老大歲月失寬
閑打槩龍關渡調箏虎阜山汪倫好兄弟清興憶
追攀

肯向黃塵老空餘白恰寒世途勞馬策心事戀漁
竿雙闕觚棱迴三山太液寬不才虛綵筆氣象謔

君子

畫亭詩草卷七

畫亭詩草卷七



笠亭詩草卷八

槐陰集二

補壽瑤圃夫子四十誕辰

天潢演苑華夫子鍾秀偉飛霞泰岱高

美早讀中秘書遂奉司衡使羅斯剪木管桐皖栽

桃李入為大司樂敬修教胄禮春雲雷壁官秋露

沾槐市維時峻彥升斯士譽髦起樹表中炬規流

音佩官徵大振覺世鐸旋職受書匱 王言詔維

允 帝眷誠未已小子幼孤獨杜門掩蓬蒿嗚呼

書亭詩草卷八

次岳山房

三十年流覽二千載鄉黨願自好賢哲未盡鄙敢

希介如石肯慕直如矢偶爾貢舊鄉蕭然來帝里

鷄鷓驚鼓鐘褐夫駭青紫一窺扶風帳雙進圮橋

履方欣負笈親更幸園橋邇再任得元良重恩及

弟子登堂與傳餐入室且酌醴造化培萬材長養


首凡卉倘其非失心得不報沒齒頃讀遂初集念

昔潘太史稼堂先生拔擢感文敏詠菴先生鏤刻在骨髓自

述性愚憊世故非所理轉喉輒觸諱往往被讒訛

文敏備燭照提攜出泥滓曾無投杼嫌空勞鑠金

毀士生於斯世難得者知己不忘涓埃厚况廼郎



謙吉

山似以上十二句潘太史語潘於太史賢詎可毫髮擬獨荷

剪拂殊奚啻文敏比容秋屆元日夫子躋強仕擬

進鄆縣泉會棹荆門亦茲當懸弧辰諸生補陳篋

糲也隨其行豈能徒爾爾上紀作範隆下溯受恩

始銘頌惟切身膚詞固可洗但有葵藿忱常依金

玉體何以酬二天歌風繼麟趾

寄胡玉田同年二首

分手秋俄半相思日更深遠帆歸興足虛閣別愁

侵去任催暹暮行藏費短吟南來有鴻雁一問故

鄉心

書亭詩草卷八

次岳山房

豈有尊鱸志難忘菽水歡謝庭何日到萊服拂塵

看雲樹金沙迴關山玉兔寒倘懷佳會好春色訪

長安

次韻汪石潭王小弁吳二田七夕燕集時齋

先生齋中有作中秋復次前韻

離竹檐梧逼早秋微雲河漢露華流好催鵲駕靈

星度別有鳴亭禊事修宋汪藻有天亦憐人容作

達主能醉客且澆愁那知大拙羈孤甚餐餌馨香

少獻酬

隱隱仙歌皎皎秋星橋空溯月波流瓊樓玉宇看

親切碧海青天悵阻修桂種一株原有恨杯邀三
客更何愁武夷山上成嘉會莫笑人間少唱酬

秋聲八感

竹風

修竹環秋閣迴飈動夕扉倚愁羅袖薄來恐故人
稀白日聞鸞嘯青霄有鳳飛尚能留直節風定綠
依依

蕉雨

久挂彈章未離披復此叢最難禁暮雨不獨怨秋
風大葉淋鈴下殘心掩泪中綠天沾濕盡題悵欲
書空

畫亭詩草卷八

三

太岳山房

孤雁

豈乏平生侶偏嬰矰繳傷一聲寒雨外片影暮雲
傍身世原寥落江湖可久長么絃何太急辜爾意
隨陽

病蛩

同是微虫類何堪一病成有聲依四壁無力到三
更北渚溥清露西堂息短檠呻吟憐宋玉空伴月
華明

晚蟬

不是長吟苦其如秋氣寒早霜侵翼薄衰柳寄身
難噫嘆傷齊女清高識漢官泥塗休太息好轉結
蛻丸

暮砧

眾籟清宵寂千門皓月臨試聽砧杵響中有別離
心塞古黃花成城高白帝陰相望一萬里何處寄
愁音

悲笳

舊識摩訶曲西涼一調遺可憐劉越石無那蔡文
姬此日登樓感他年出塞悲荒江蘆荻老忍向朔
風吹

畫亭詩草卷八

四

太岳山房

落葉

柴門高士宅倚杖聽蕭蕭秋杪憶春坼晴林驚雨
飄江山終有氣天地豈無聊何礙爲松栢凌霜自
不凋

登高次韻

百歲登高雖健在三秋佳節喜追陪好尋陶令宅
邊去還向謝公嶺上來天水盡頭孤鳥沒風霜高
處萬山開此間帝座通呼吸翹首應須酌一杯
賞菊次韻四首

曲曲疎籬細風吹開三徑菊花叢也能小學陶
彭澤半是詩翁半醉翁

林下相逢未恨遲霜前月上一枝枝最宜酒熟香
清夜恰是橙黃橘綠時

餐英那忍摘寒香留得疎枝對舉觴傲倖天公解
憐惜無風無雨過重陽

點染秋階整復斜醉來花下便爲家不知何與騷
人事也共春蘭一歎嗟

題畫

楚岸齊開紅蓼吳山已落丹楓憶着芙蓉江上扁

畫亭詩草卷八

五

太岳山房

舟有箇漁翁

盤白先生有魚筍之餽以詩謝之

案頭高擁千卷書先生一生爲蠹魚荒厨鮮菜廿

七種茹苦食淡味有餘百錢忍買花豬肉解嘲日

對臨階竹御羹官錦誠足豪冷炙殘杯豈云辱長

髮遠來致一筐入門已覺糟醪香橫陳赤鯁漬醢

醢更裏青筍霏瓊霜嗟哉世態久浮瀟量交誰見

豪芒忒苞苴只認張霍家輪蓋不投夷惠室多君

雅意真殷勤遣兒問字揚子雲草元亭下時載酒

且復小飲偕郎君魚殮可食酒亦醉不問人間往

來事籍糟甕醬入新篇爲報倉曹孟十二

次韻汪石潭同友人因樹堂對菊小飲

疎枝肯放落英乾把酒仍多唱和歡有味詩從真

處得無言花向淡中看最憐密友談虫臂絕勝仙

人食馬肝我欲南陽尋菊水駒眠何似醉鄉寬

望裏山巔復水涯依然塵跡滯京華一枝久作獨

搖草十月終留不謝花公瑾論交醇似酒放翁得

味薄如紗明年準赴雞豚社誰過柴桑處士家

金元宰屬畫書舫圖因系以歌

烟波平遠開苔雪鼓柁常從海鷗狎那知一葉小

畫亭詩草卷八

六

太岳山房

舟輕中有巨儒不朽業山人風雅慕襄陽法書名

畫常相將不須千斛駕艫編劇愛萬卷羅縹緗豪

商汗漫誇荆楚異書肯門波斯賈麻紗下里安足

多海外旁行更誰數憶昔共載沙棠舟書艫醉臥

隨江流山人曩在江陰予曾附舟至蘆溪沽酒對飲達旦迄今已十五年往矣都門

此際忽相見老大瑟縮爲君羞囊書不到蓬山路

挾策空傷羽陵蠹輪君長物足生涯金馬玉堂爭

一顧我媿龍山王孟端清吟珍重乞蘇韓山人他

日傳佳話便作吳興筆舫看明洪武初有吳興張山人筆舫一時鉅公

俱有題贈後王孟端爲補圖茲卷願仿其意

擬古詩八首

朝菌無晦朔蟪蛄無春秋吳靈祝馮生蠢動亦爾
儔上壽數九十下者命不猶同焉付墟莽長暮空
悠悠陶范更相笑顏跖各有求濁質一朝棄清名
千載收榮利亦已淡况廼尋釁仇天地有至理齊
物非余謀

卓女吟白頭班姬怨團扇東西溝水流炎熱涼颼
變四時自代謝兩心豈中斷尙憶攜手好終興棄
予嘆著簪匪難擲踟躕安足戀會聞婦人哭尙動
君王眷北海洪波深南山白石爛千載猶相思古
人心可見

書詩草卷八

七

太岳山房

古有抱關士酒外不知餘醉醒寡思慮縱意隨所
如復有步兵尉終日臥酒壚臧否不出口有才常
如愚我爲較優劣劉密阮已疎一死便埋我何必
哀窮途况多青白眼他人甘爾狙萬事可知矣阮
公其危乎

搽衡揣重輕秉續屬鼻息是名曰量交不學得此
術當其出肺腑金石申鏤刻竟可誓生死奚啻破
胸臆一朝反覆手擠之又下石猶然托款曲對面
爲鬼蜮終留公論在衆口見曲直韓劉固未朽請

君視邊墨

南山有猛虎磨牙欲食人行人盡惕息不敢攀嶠
岫豈知八閩闔化爲么麼身屏氣伏座隅倏爾爲
所攫吾聞獅五色神骨銅頭撐義渠出茲白首耳
同虎形斂犬與竹牛俱以食虎名寄言西方獸慎
重保爾生

太行稱嶄絕有人登其巔黃河天上來有人窮其
源人心無端倪萬變生險艱側足不可上勢欲稽
天翻宇宙自浩蕩寒暑相推遷所嘆白日暗敢望
黃金堅擲帽拔長劍高歌行路難歌罷三太息涕
泗空沈瀾

書詩草卷八

八

太岳山房

蓬生於麻中不扶而自直豈知一失所蔓延附荆
棘要其荏苒性本無挺勁質譬彼蒿蘿姿意與松
栢暱生長托旃幪青蒼借顏色仰高洵感恩趨下
已喪德深山有大樛樵柯作怪特不材析爲薪死
灰理亦得

負辰請周公拾煥猜顏淵古來嫌疑地不礙爲聖
賢觀過斯知仁失厚非徒然其黨固自分况復無
因緣廉頗思將趙樂毅志報燕拔血一相視肝膽
照萬年人事忽代謝陵谷俄變遷終焉抱區區戚

歎呼九天

初冬十二韻

朔見霏霏雪寒催烈烈風亂雲生不定落葉掃成
空憂屋聞鴉嘯粘窗作繭叢酒虛思激澗裏傲笑
蒙茸展帙眩從負哦詩苦自攻應人饒筆墨避客
久痴聾短晷移時黑新爐永夜紅下帷原落漠隱
几正真濛坐對疎燈暗眠聽畫角終夢驚綠壁鼠
書斷過江鴻歲序元冬裏功名清鏡中不堪搔首
問兩地總飛蓬

次韻汪石潭立冬前一日晨起有雪意與吳

書畫詩草卷八

九

太岳山房

二田家時齋小飲酣甚觀時齋指畫草書

雪意催成翰墨筵坐傾家釀煖青瓊菘葵味送流

年易元詩注時危人書畫才誇出手便豪士鵬

雙健翻離人天地一枯禪把君詩卷頻回首不羨

神仙羨醉仙

十月下浣六日柳家小集同嘯竹惺齋怡齋

孚尹是日為惺齋誕辰去嘯竹誕辰三日

也

翠幃青帘簇鳳城查樓冬市沸春聲一尊自可聯

閩越嘯竹原籍杭州四海休言盡弟兄朔雪頻年

遲暮感南雲他日別離情剪燈忍便匆匆去栖遍

官鴉畫鼓鳴時予寓內城先別去

為嘯竹作畫題雨絕句

富貴浮雲久信天人生無謂送華顛思鄉悵古竟
何益書畫猶堪了百年

邪甜俗賴少人知元箸何人接大癡染就洛陽花
滿幅徐郎不是費胭脂

秋盡得元復書因寄長句兼簡樂山南村

不寄梅花寄菊花燕河秋盡有浮槎數行猶見醉

顛字五載不歸江上家魏爾青山餘故業催人白

書畫詩草卷八

十

太岳山房

髮是京華幾時酒炙團圍坐古篆新詩着意誇

工摹漢印南村詩余最愛之

旅夜無聊同奚奴賭棋漫賦

永夜行窩一紙杯却同銀鹿門輸贏奕棋舊說長

安似劫殺徒勞國手爭笑汝雞虫紛得失知誰虎

鼠漫縱橫收羅殘局燈花落高枕蕭然客夢清

作畫送梁松齋之官巴東

小縣巴山曲清溪西瀼迴到川仍地近捧檄且顏

開松齋鶴選初得蜀之笑江以親老花柳吟詩閣

雲山作賦臺不辜明府意看取畫圖來

詩畫應張怡齋

高崖咽飛泉叢薄暗橫浦烟雲作意生筆墨本無
主大隱在朝市小隱在林藪昔賢酌其中發興我
亦久撫寫溪山圖便為歎血誓行將結團蕉選勝
遂夙志頗笑向子平結願婚嫁畢何如黃犢健及
此兩足力

詩畫應曾伯謙

吟詩拙于口作畫拙于手圖成漫題綴兩拙併一
醜少陵破萬卷下筆蛟龍走至今推詩伯衰然為
舉首前朝周東村六如師之久為少子卷書轉落

畫畫畫畫

上 太岳山房

弟子後迺知此兩途真以一樞紐如何茅塞胸竟
忘柳生肘塗鴉亂點筆歌鳥快拊岳兼之酬所知
披對愧顏厚我欲追古人古人名不朽候我更十
年未審可到否

仲冬蘆溝道中寄鶴軒舅氏

今古黃塵裏蘆溝遠道開市朝誰不戀車馬去仍
迴短日隨流水寒蕪沒故臺倘知蕭瑟意應為賦
歸來

卯石何年出牛車氣忽降三秋隔城郭丁亥春孤
棹憶鄉邦雲木森如蕪烟沙遠似江官齋重回首

寒火剪銀紅

吾巢三兄俸其夫人之亡賦詩八章以述其
哀余讀之為之潸然昔孫楚除其妻胡母
氏之服作詩示王濟王曰未知文生情情
生文覽之凄然增伉儷之重嗚呼古今人
能不相及哉世或謂人每篤於妻子忽於
父母余以為不然棠棣之詩言宜室家樂
妻孝而夫子極之於父母順然則吾巢之
詩豈徒篤夫婦之情而已哉吾巢屬余作
詩語別國盡其公車北上時與夫人別
元也自說成永訣矣傷哉圖成為題四絕

上 太岳山房

已歸泉死珠前因玉珮金釵夢裏身容易閨中有
兒女情長詎作癡可憐分手竟長辭芳魂一縷能
忘否雨高樓話別時
天壤玉郎一笑哈封侯夫婿劇多才生平有負生
花筆却遊黃門善述哀
花外樓院柳外灘高樓依舊對雲書書教回音
濛裏忍作周郎寫照看

有感

百代高名仰退之三年博士冗難治希苓那作昌
陽進肯戀諸生號館師

庚寅三日大雪次前讀書詩韻

元辰獻嘉祥微雪洒樓閣三朝大如掌積玉畫疆
索恭逢 聖人壽曠典郵耕鑿戴高率土歡聽舉
九天樂客冬緬會服大將斂干鏤木邦入版圖金
齒安土著歸我萬里師及此六出芻仁恩兼義澤
發育到獲落我為沾一尊醉舞融脈絡不須黃竹
謠餘寒已不鏢

書詩真卷八

十四 大岳山房

再次

長江凍扁舟携酒上寒閣江陰君山有寒閣東南三千里
此境香難索歸期四年阻世塗五丁鑿洪爐鑄萬
物犯形異苦樂躍冷夫如何迺必為錒鏤鴻雁爪
空留狡狴體安著時小童聚雪為獅子可嘆眼前客爭看
中夢念彼東郭園門雪梅未落縞袂倚瑤臺翠羽
翻玉絡何當夢羅浮凡骨一鍊鏤

賦得楊柳共青旗一色五言八韻得青字

帝豫千旗出陽和萬柳青勾陳趨上苑木德應圓
靈岸迴烟初合堤染雨乍零建旄連霧樹列幟失

雲汀不辨平林擁安知野騎停晴光凝翠帳春色
上係鈴草淺開金埒鞭輕拂玉翎遙看盤馬處一
碧正冥冥

賦得蟪蛄巢蚊睫五言八韻得蚊字

絕前蟪蛄細安栖仗此蚊負山原少見巢睫更希
聞結構秋毫銳經營夏屋勤侵眸隣洽比决皆宅
平分隱隱成雷處薨薨入室羣棘猴工遜爾林鶉
巧輸君窟穴休尋覓么麼自泯芴小言憑作賦莊
叟漫云云

初秋苦雨

書詩真卷八

十四 大岳山房

陰晴無主聽鳴鳩夜夜虛檐響不休白苧歌中秋
氣早青燈影裏雨聲稠幸過五月漁陽旱却作三
吳客歲憂去年吳中苦雨世事盈虛誰測識且斟濁酒破
羈愁

法源寺訪菊

法界菩提信手栽閑尋黃菊繞香臺徑多曲折逢
僧導花不炎涼喜客來容我逃禪須爛醉與君偕
隱莫相猜故園風景知寥落空費詩翁賦兩開

再陪瑤圃夫子法源寺訪菊

訪菊何曾野興闌重陪杖屨欵松關花真舊識情

原淡客是尊官意正閒妙供伊蒲香罨蕩伯設歸
軒秋色錦爛斑夫子買可知前度無聊甚贏得攢
眉笑老孀

寓齋閑居寄同學二首

日望餘霞散遠天西風庭院興蕭然壯心冷似瘡
陰雪老眼昏于土銜烟莫以尊鼻誇上戸何曾絲
竹度中年五陵舊是長安道幾輩雕鞍快著鞭
閉戸深山歲月寬阿誰詩酒任長安借澆塊壘人
誰識上薄風騷我則難蟋蟀吟成冬景短蝦蟆更
亂曉霜殘比來眠食還無恙兼得臨撫古字看

畫亭詩草卷八

五 大岳山房

庚寅十月惺齋嘯竹生日再集柳家

歲月真成羯鼓催柳家重訪鳳城隈良朋此地誰
常聚快飲人生得幾回題壁分無紅袖拂前飲有
壁當筵剩有玉山頽兩君好副懸孤志歲歲天涯
為舉杯

初冬潞河道中呈嘯竹

黃葉新霜重青山暮靄平五年京國夢今日潞河
行遠意隨征雁歸期訂早鶯再過應未卜不盡故
人情

張三皆齋中蒔菊數種兼有餉滄酒一瓶者

邀余過賞余以入都不果往

潞河擬訪張公子落日迴車一惘然不用更嗟時
命蹇菊花滄酒尚無緣

卽事

乞得光陰作散仙短簫腰鼓夜如年俳優我自慚
坊朔歌舞人能鬥小憐世事南柯從變滅風情北
里最纏綿要知細碾龍團味深院三更月在天

小集觀劇次集柳家韻

壺觴佳客晚筵催絳幘高燒四座隈為報美人青
玉案來聽天上紫雲回風光五載流如駛意氣諸

畫亭詩草卷八

六 大岳山房

公育少顏試問畫堂歌舞地幾時重覆掌中杯

季冬將赴中州同人餞別因留宿惺齋寓舍

再次前韻

把酒旗亭車馬催客程忍向白雲隈三過柳下心
逾熱一去崧陰首重回懷友豈須明月上成名休
待夕陽頽尚餘此夕連床話煮茗更殘數舉杯

畫亭詩草卷八

崧雲集

出都留別四首

江陰朱黼與持氏

漫向長安久寄居閉門終歲枕殘書問來米價吟
偏苦憶得蕝羹意有餘燕雀敢隨橫海鶴獼猴休
笑上竿魚那堪更作遊梁客却愧相如賦子虛
鴻都冠蓋蔚如雲中卷虛從上舍分臯庶賃春誰
卓識鮑堂侍講最先聞十圍柳惜桓宣武一席羶
寒鄭廣文極有深恩忘不得豈徒尊酒恨離羣

書亭詩草卷九

太岳山房

紅塵匝地晝冥冥人海人情已慣經照壁憐君徒
自整儲槽於我亦常醒天邊雲擁如衣白江上山
高入座清爽氣朝來堪拄頰不勞側足訪金庭
花市查樓醉五霜可憐白日去堂堂素衣未必緇
京洛中歲空辜負舊鄉歸去有書篋亦可別來無
恙老何妨也知未了儒生業苜蓿齋頭味正長

出都道中感懷卽寄同學諸子

五更星斗紛縱橫嚴裝促駕發 帝城彰義門開
曉光動高風吹我東南行我居 帝城二千日到
時黑頭去斑白男兒壯歲不成名旅食鷄栖竟何

益嗟卑嘆老古所嗤青羶幸未逢偷兒子美不忘
終南山雲卿豈負昆明池建章玉繩淡將沒何異
三山望京邑寥廓高翔謝尉羅洛浦錦衾從夫絕
渺渺寒蕪去路分湯湯汴水過河聞梁園賓客今
如故回首金臺隔暮雲

過椒山先生祠賦

清修天子何其愚青詞倖進多奸諛分宜相公勢
烜赫倒持太阿揮中樞舉朝結舌不敢發當時言
者真丈夫孤臣丹心照千古一疏浩氣留太虛龍
逢比干本愛主卑陶伯益非惜軀忠良自古無二

書亭詩草卷九

太岳山房

理胡廼賢婦爭區區祖宗天地有靈爽陰靈解駁
白日舒東樓棄市老奸貫先生九泉應嘆呼我行
京國過都會仰望廟貌心長吁忠奸錯莫國事誤
徐侯別白已爛魚漢唐以下不具論試問明社胡
爲墟可憐碧出萋宏血空照丹青泣鼎湖

慕容遺址

典午流離日鮮卑起棘城封疆終四裂氏羯遂紛
爭命世才難得知幾識自明遠懷江洗馬方畧在
承平

趙州

靜裏真知絕見聞南宗北派亦紛紜一燈古德傳
薪後蘿葡而今重幾斤

邢臺寓舍壁間讀姚友研丙戌之官武昌題
句

三更抵宿邢臺縣壁上欣看友研書分手五過遼

海雁思君獨飽武昌魚圖開吳舫波生處乙酉同寓金陵

友研曾屬寫春江歸棹圖醉憶秦淮月上初何事左官聞近日

燈前詩筆對躊躇

邯鄲道中題呂翁祠壁祠有盧生卧像壁畫書蓬萊仙境四字

好夢原難遇仙翁獨爾私盧生終不醒高枕更誰

書亭詩畫卷九

三 太岳山房

歌海外蓬瀛迥人間歲月馳相逢俱袞袞日暮竟
何之

學步橋

捧心西子妍媸判學步邯鄲巧拙分橋上經過成

一笑壽陵餘子正紛紛

邯鄲懷古

鎖鑰燕秦勝概殊邯鄲當日號名都揭來華屋懷

金印誰上常山得寶符公子翩翩誇六國佳人曼

曼列千姝那知說士縱橫日獨有窮愁道姓虞

渡漳河

昔年來遇高唐春今年去送薊門臘客思先歸江

上山行旌尚指河中邨捲地塵沙古渡頭漳河濁

浪自東流殘裘破帽西風裏昨日并州今豫州

湯陰謁岳鄂王廟呈王二十一世孫瑞生

湯陰舊識精忠里憑弔冤魂淚湧泉鐵馬當時趨

赤汗今牌終古痛朱仙北來戈甲寧無敵南渡君

臣實可憐太息六陵埋骨地冬青蕭瑟聽啼鴉

宜清早發

喔喔晨雞亂五更暗鐘霜外送清聲曉風殘月宜

溝驛不是屯田夢裏情

書亭詩畫卷九

四 太岳山房

響水橋

氣盡大石崗舉礮不可越崗下清流奔平地兩險

絕

淇澳

老智耄將及古人殊不然水隈修竹盡猶憶武公

賢

比干墓

在汲縣北

汲冢失古書殷郊有荒野巍然表岢碑萬古剖心

者

宿董家隄

隱隱垂楊汴水濱沙門蒼莽苦埋輪官聲半月間
牛鐸車脚他時識曩薪陽武城邊千里客董家陽
上五更春是夕立春明朝便渡黃河去猶望燕山憶故人

河口守風

一葦容刀勢豈寬人烟隔岸指相看風波咫尺不
得渡如此方知行路難

渡河

懸車束馬駕靈鼉陽武東南破浪過曠日中天沈
白壁衝颶萬里送黃河屏蕃王室常爲帶來往行
人疾似梭挂席一歌將進酒奔流到海竟如何

書亭詩草卷九

五 汴城除夕

汴城除夕

守歲塵初洗羈愁兩地生雲山彌北望日月滯南
征舊雨雙芝閣新尊古汴城却憐兒女意猶憶往

神京

新春席上奉呈栢山宮詹

羸膝正擬趁殘年恰喜魚緘遠道傳千里南雲消
別緒三更北斗挂春筵風塵只乞持杯老歲月偏
深把臂先肯負洛陽花事好追陪詩筆有餘妍

題畫

遠岫疎林逸興長旅人閒筆寫江鄉攜來少室烟
霞裏恰稱盧鴻結草堂

鄭州城下懷舍弟

別酒難忘兀兀時依然兄弟各天涯世人苦愛高
官職忍詠東坡馬上詩

成學

京索滎陽地英雄轉戰勞無言臨廣武得討走成
學自有真謀主空燒假漢高成名非豎子弔古莫
蕭騷

雪中度虎牢關

書亭詩草卷九

六 太岳山房

積阜峻嶒萬丈強虎牢飛雪勢蒼芒同雲宿霧連
關隘折戟沉戈失戰場草木春風無楚漢山河英
氣有關張腐儒千載猶回首立馬盤陀古意長

鞏縣弔杜工部

秦蜀終於楚粉榆實此存天生浣花叟地有土樓
村漢水遙揮涕邛山昔斷魂英靈表河嶽吾欲問
殷璠

白馬寺

蒼涼古刹接郊坰一塔巋然入杳冥東土當年來
白馬西方何夜落常星漢家陵寢今安在洛下伽

藍久未零此事機緣竟誰識春風雙樹幾回青

拜關侯墓

萬古丹心土一杯吞吳滅魏志難酬市恩尚有曹
丞相生子何須孫仲謀伊闕山川終屬漢洛陽魂
魄忍忘劉墓門瞻拜松楸下猶見靈風動冕旒

龍門

翠壁何年鑿龍門萬仞開禹功真遠矣川路洵悠
哉破險伊流出橫空嶽色來洛城回北望佳氣接
樓臺

香山寺弔白少傅得之字

書亭詩草卷九

七 太岳山房

一水瀉春色雙峰如列眉東風洛下來先上香山
陂精藍俯伊闕寺古人已非達哉白居易骨朽名
尚垂居士有禪悅他劫偕微之洛社今已矣文采
當付誰倚欄動清齋藉草興古思把酒酌空山千
載吟魂知

函谷關

飛樓高壓亂峰西天險差裁不可躋裂土自憑三
尺劍封關誰仗一九泥黃河北走聲偏壯紫氣東
來望欲迷我學終童棄繻久那堪霜鬢送輪蹄

二陵

崩崖圻地峻摩天出險穿幽勢倒懸四面雲山真
陡絕二陵風雨自淒然春催客騎關河外人望巖
居霄漢邊鐵馬金戈總銷歇獨留形勝閱千年

陝州

恒農郭外萬峰環分陝遺封俯仰間動地洪波漂
砥柱插天翠柳暗潼關美人愛子誰憐惜寶玉名
駒費往還只有兒童牛背穩笛聲吹過夕陽山

萬錦灘

小崖精舍背晴郊萬錦灘前花正飄繞足河流通
硤石侵眸山色對中條王官舊谷遙堪識處士虛

書亭詩草卷九

八 太岳山房

堂近可招却笑匆匆塵土客坐來清境不崇朝

硤石道中作

晴空卷浮雲萬峯插天際籃輿隘曠望鞍馬得快
意錦聯巨長蛇軒舉張短袂近如聚米成遠作潑
墨戲日行岡嶺間不復履平地依然經歷處向背
各有致緬想春秋雄屈指漢唐事追奔扼險隘千
載足揮涕谷中見村落羣木鬱蒼翠安居太平久
往迹更誰記半生居江干泉石愛閒懣三十有三
山興到時一至茲為中州遊得覽關陝勢崎嶇萬
古客寥落四方志世途從險艱吾心自坦易終當

就巖壑栖息證夙契

重過龍門

三春兩過龍門寺未必因緣遜古人沙鳥尙依前
日渡山僧仍候綠楊濱雲生佛洞丹崖改詩紀花
朝粉壁新前遊賦詩在二月十二日學得香山老居士不須重
現宰官身

白沙河驛舍見柳花

片响郵亭塵土稀滿庭晴雪撲征衣可憐太半春
光去不見花飛見絮飛

大風過臨汝

畫亭詩草卷九

九 太岳山房

移山虎豹不得驚龍奔十圍大木盡
顛仆石飛沙走郊原昏此間不雨百餘日四野來
牟望天澤沈霾忽結三日陰高風更作漫天劇送
我肩輿過汝州排空懸號勢轉遠更從峻嶺穿雲
出笑煞飄然一葉舟

郊縣望京坡墓

柱老卽山下白翁伊水湄更懷蘇玉局遙望小峨
嵎氣節三君敵風流百代師青山隨處好夜雨更
何悲

自昆陽至方城謁漢祖廟

昆陽遺墟曠平陸春草芊綿遍隄緣當時神武戰

王尋三十萬軍同日覆天風奔盪急雨傾屋瓦盡

震虎豹驚至今過者尙股栗况迺大敵金戈橫赤

眉銅馬驅除畢紫色蛙聲真一瞥秦州空起隗囂

官躍馬公孫更休說天命中興有聖人如雲蔚起

從龍臣絳衣大幘謹厚者垂旒祠廟經千春方城

南北介宛葉戰塲近與鄉間接扳倒井邊碧水流

蕭王城外千山疊由來佳氣聚南陽憑弔雄風說

漢皇末祚尙餘名世在西南遙指臥龍岡

臥龍岡謁諸葛武侯祠

畫亭詩草卷九

十 太岳山房

諸葛茅廬久更新清高遺像見宗臣商周達者有
其匹管樂輩中無此人鼎足三分誰繼統秋風五
丈獨傷神臥龍祠廟猶西蜀古栢青青百代春

博望驛

蒲桃苜蓿名駒肥叩竹菊醬佳種移自非張侯鑿
空出那識大宛大月氏冠軍驟騎功名起蕭然煩
費從茲始可憐得侯又失侯終成天子輪臺悔博
望分封迹已陳經過古驛轉傷神休將萬里河源
使悞羨乘槎問渡人

許昌道中

膏車隨駟馬大道許昌便新綠連雲候輕陰關雨
天贈袍留古渡射鹿記春田想見奸雄態歸風爲
慨然

朱仙鎮

痛飲黃龍府傷哉竟不然三軍空慟哭大將已南
旋歐馬遺管廢朱仙古鎮傳悠悠千載恨冤獄問
蒼天

夷門

大梁四月氣瀟洒輕裝東行駕羸馬我竊希風太
史公求其所謂夷門者信陵執轡過市中耳聞謾

畫亭詩草卷九

大岳山房

罵心益恭妖姬竊符宿將斃始信老朽非庸庸荒
城歲歲野花紫醇酒婦人長已矣千古幾人學公
子侯生何處爲人死

西陂六景詩奉同栢山官詹作

淶波村

雲木接郊郭風榭環沼止結構得古方爲園三分
水分讀去聲花時客到門繫舟綠楊裏

釣家

陸處儼舟居開軒足瀟洒終朝俯淪漣濠梁在檻
下風波雖云險不到垂綸者

菱梁

蓮葉浮東西虹梁亘南北拄杖納涼時銀塘淨如
拭方知周茂叔風月趣何極

和松菴

清梵落何處謾謾十八公幽人愛恬吟長臥深出
中撫之一盤桓歲寒惟爾同

緯蕭草堂

絡緯吟秋風蓼蕭長春雨故業餘百年高風已千
古頗笑於陵仲織屨徒自苦

放鴨亭

陂池作藩衛泥濘西復西花鴨少泥萍結陣爲水
嬉空亭得佳句不羨落霞飛

畫亭詩草卷九

大岳山房

陳州偏園奉同栢山官詹次壁間韻

未與梨花一洗妝四宜堂外綠陰香若教補入名
園記何必淮陽遜洛陽

元九題詩少輩流林亭欣賞喜同遊受風多爲偏
東面合種垂楊繞畫樓

雨中發下莊

簷帷無計掩淋漓浪簷溜聲中促曉裝百里泥塗真
滑滑一川景色正茫茫烟籠雨笠憐童濡水稻風

荷憶故鄉記取他年作圖畫襄陽兼有郭河陽

新息雨中度淮

風雨蔽淮岸小舟西復東迴棹中流南指不卽
從篙師頗罄力頃刻難爲功沿緣蘆荻洲得入桃
榆叢濃陰翠欲滴溪路塵已空過淮風景清况復
霽色融落日明遠寺晚烟逗疎鐘何當遇狂僧好
句題磨公

余邑君山舊傳春申君墓南城有杜康橋橋

之西爲劉伶巷巷盡曠野中有土塢然好

事者因呼爲劉伶墓頃來光州途次見有

畫亭詩草卷九

三

太岳山房

劉伶墓坊額而光誌力辨其僞春申君宅

在光城內蓋光於春秋時爲弦黃國春申

宅於此宜也而余邑君山得名亦在疑似

矣爲書一百字以俟正誤

我來浮光城如歸暨陽里劉伶古墓存黃歇遺封

是浮光本楚疆相君宜至止叅軍胡爲者荷插亦

於此吾家北郭山春申得名始豈其埋骨處遠在

清江沚城南一杯土荒唐更無理板橋浪得名深

巷累君耳古今附會事識者多所鄙光誌已辨謬

歸歎訂野史

好鳥

光州多好鳥聒耳不識名侵晨集高樹傍簷時
聲客居所居樓四顧風物清西池綠湛湛新雨漲
已平薰風動疎簾七尺舒桃笙我眠不覺曉鳥喚
眼始明嗟我傳食客感爾珍重情惜無歐公筆可
賦山鳥鳴愛鳥一相囑語言厲階生虞羅胡爲張
君子貴默成

倚雲樓次壁間聯句韻呈栢山官詹

浮光佳處擁層樓翠影紅霞四面收簷外鳥如呼

舊客座中人似泛虛舟弦黃茅土環盈掌吳楚江

畫亭詩草卷九

十四

太岳山房

山遠縱眸不用披雲登白歷高明猶得占清幽

莫道林陰多雨意今朝欄檻倚晴空青雲北引三

河外黃鶴南浮一氣中入洛陸機慚作賦登樓王

桑喜瞻嵩卷簾不盡琴尊興落日胡床嘯晚風

送邱安叔歸四明

新荷池館熟梅天送別翻教客緒牽笑我尙沾淮

市酒輸君先買越江船四朝老樹清陰在八月秋

濤遠信傳小赤壁聞長嘯處聲高雁落吳烟

自息縣抵寒凍集苦熱

暑溽蒸煩歎驕陽熾亭午長隄望茂樹柳聲鹿鹿

廡畝澮水如湯農夫汗成雨劇憐肩輿者奈此于
役苦西南鬢黓色習習晚風鼓雨氣百里外已覺
清肺腑人心異旦暮遠道困徒旅苦熱安足吟長
淮待鳴鷺

汝南留別栢山官詹二首

天中清暑理征鞍却憶雙芝話歲寒小草出山歸
已晚蓮花開幕別誠難幸逢好雨連朱夏那得孤
雲戀翠巒縱使少陵能發興幾時馳馬使君難
圖南六月尚飄浮未必巾車勝釣舟路識光山重
越境人從汝水各分流自憐羈旅非張儉誰負功

畫堂詩草卷九

十五

太岳山房

名繼馬周只有侍臣趨玉珮清聲常在鳳池頭

廟灣下舟

六載困車馬入舟如還家雖然鄉土異水木饒清
嘉洪河趨要衝列屋萬戶奮夢想不到處別酒斟
天涯登舟纜未解風雨紛交加不用苦沾濕想爲
滿塵沙侵晨發廟灣千里去路賒歸期固可期尙
待舒秋花晚涼坐篷底對月懷幽遐知有江上翁
遲余浮釣槎

洪河守風

四日桃花店七日洪河口平波自東流歸客滯南

走黑雲晚作雨碧漢夜沉斗晨光罨疎篷水氣上
高柳何以破孤悶卯飲傾濁酒醉來思臥簟醒已
失陵阜郵籤未及報解纜仍繫肘行藏洵如斯道
路更何有千里誰瞬息萬事耐遲久下水亦遣懷
吾將和杜叟

三河尖守風問隣舟馬堯佐病

洪河奔東南高風捲西北相持兩不下所難在行
客行客如浮萍我身亦匪石胡爲走萬里返棹猶
不力徂暑過潘鄉千艘遶河側誰遣呼唔人來就
魁儉列卓哉伏波裔鳶肩作火色不獲登凌歊伏

畫堂詩草卷九

十六

太岳山房

枕且一息想見津梁疲坦腹學彌勒豈知病維摩
精光炯相射龍眠秋風生滄江浪花白會當搏扶
搖回首笑倦翼

壽州

舟行一千里初見壽州山東引諸峰合西迎一水
環神臯銷王氣都會控雄關借得天風便長淮破
浪還

清流關

清流山高起平陸清流關險出深谷北望雲山萬
里青南浮烟樹千重綠洪河六月波濤寬暑風炎

雨來無端張帆直下一千里策蹇更歷三百盤古
祠山足闢幽曠紅牡丹花高一丈鳳嶺平穿卷霧
中羊腸竟出層霄上千戈五代紛如麻一夫當關
誰蔽遮淮西頰北勢蒼莽與王事業堪吞嗟山高
水深有如此天下治平洵久矣勝地還尋太守亭
清時那識將軍壘頻年遊子辭故山黃茅白葦塵
沙殷蔚然林壑忽到眼垂鞭頓覺心神閑我憶君
峰數間屋倦遊便擬清流宿不似坡翁莖買田山
靈莫笑行人俗

秦淮話舊呈春明條山

畫堂詩草卷九

七
大岳山房

征衣塵土未全消水榭逢君慰寂寥百歲爲歡知
幾日七年相見在今朝短簫紅燭新歌院老樹清
波舊板橋拍遍闌干重回首酒邊心緒正迢迢

作畫呈春明

三十年來歲月閑如何各自鬢毛斑平生筆墨不
稱意天許同看海上山時得流

憶余乙酉歲金陵返棹雨阻燕子磯借小峰

過永濟寺時有三乘和尚設茗果因作畫
娑羅樹下曾賦小詩紀之今秋再來已閱
七載三乘尙掩關作禪誦一見驟然口占

爲贈

翠竹銀沙夜月明重來江岸憶前生七年不到招
提境留得山僧識姓名

蘭陵山莊二十詠

得閑小憇

動靜俱有定不以久暫異我來風塵中亦復得小
憇

十笏山齋

芥子廓有容須彌不爲大丈室堪結跏如遊方之
外

畫堂詩草卷九

十八
大岳山房

片石居

米老出袖中英蓉鏹一葉有時膚寸雲滄然遍六
合

靜香廊

碑版蟠古嶼二王燦遺照長廊發古香靜者領其
妙

天光雲影

心鏡湛若空君子鑑於水面自有本來太清不滓
穢

綠天精舍

綠雲護周遭紅雨不沾濕學種萬本蕉閑臨醉僧帖

書巢

牙籤展風閣萬葉聲處處曲肱借一昔居然成拙場

新月廊

夕陽散餘霞碧落一鉤挂十二玉闌干中有天孫

畫

修竹吾廬

清談林下七逸興溪邊六不煩將筆書更訪東橋

書意詩草卷九

竹

從野書屋

俗便不可醫奈此和與緩讀書想古人庶以文吾

短

即是深山

寤歌出金石中有碩人在竟日做荆扉渺然塵壑

外

一邱一壑

漁樵在一室登臨不數武惜無顧虎頭傳神在

堵

問渠

天光與雲煬萬象一鑑聚活水不可窮源頭在何

處

無隱乎爾

跌坐愛逃禪猿之鼻觀足以我為隱乎如來是金

粟

小山均

老桂生幽崖奇書秘高枕底用學離騷為君賦招

隱

索笑臺

層臺坐晴雪一笛橫晚風傾畧媽然態疎香冷蕊

中

停雲

淵明念親友雅意誰測識開軒撫春醪此是柴桑

宅

橫秋閣

問道凌波起長天跨彩虹浮槎橫不渡恰傍斗牛

宮

沁碧廊

曲折度長廊箕踞臨盤石琅玕披瓊呈詩骨沁寒

碧

依漾亭

衡門可栖遲如牽小船往春風水正波日涉迺成趣

畫亭詩草卷九

三 太岳山房

畫亭詩草卷九

畫亭詩草卷十

江陰朱翰與持氏

海源集一

辛卯臘月七日舟抵清江浦渡河陸行至沐陽署歲行盡矣述事感懷漫成四律

西風五兩捲清淮捧檄嚴程去馬催燈火黃河冰上渡星霜白雁影中來已過午夜呼茅店漸覺晨光勁海隈此際扁舟曉寒重荒雞聲裏夢初回泊清江余先乘夜陸行

畫亭詩草卷十

一 扶輿山房

夕陽疎樹短長隄望裏高墉粉堞齊地入青徐平野潤海環東北亂雲低三門郭外成新市北門無十字橋邊改舊蹊不信田原如仰釜冬深沐水但塗泥

黃草人家列屋居顏垣猶得駐柴車來從壁沼漸師席住擬江臯卽故廬柿葉霜前頰却掃衡茅風底怯吹塵最憐學舍如舟小恰貯先生數卷書學舍小如舟東坡嘲子由句也余因勝其西偏容膝之所曰如舟小舍

綵仗東郊早迓神蕭齋風物亦從新小榭相酒非鄉味薄有椒盤作主人兄弟仍爲千里別家園不見七年春余以乙酉冬入都迨庚申秋始得旋里叢篁卷石山窗下

應念微官寄海濱

次韻黃貳尹苦雨

綠苔生榻溜聲多，博士庭前雀可羅。
風雨天淫勞，悵望陰晴春色悞。
翰磨江干拂露花，時別洛下沾。
恍夢裏過却，尚憶陽和張協伏泉洪。
淥足高歌。

城南會射詩 并敘

壬辰仲春時雨既集，邑宰率屬報祭壇。

壇禮畢會射於城南之高原，維時條風扇

和景物清美，觀者如堵，嗜燕飲談笑遂以

竟日，亦可見為政者之成民事神優優乎

書亭詩草卷十

二 太岳山房

有餘裕矣，爰賦一章紀茲嘉會，庶足垂示

將來云爾

如膏雨足，馳雲披列帳，購臯好會宜，明府停車馴

雉，集椽曹騎馬角弓隨，花間栖革欣多中，柳下行

厨，醉不辭小獵城南佳話久，尚留文采繼當時

有城南會 題詩敘

題查研北山長鑷白圖

昨讀先輩集，查補無用，唯鬚眉茶烟，鼻十載老語

供嘲，陪先生有鳳毛，鑷白如恐遲齊高，愛鑷髮蘇

子欣，拔鬚古人頗可笑，更有今人為風聞，寫圖曰

盛壯方及時，立談就功業，寧不豫券期，世故難測

識種種，堪嘆咨詩書，守清門有毅孫子，詒達君東

海濱，示我不朽辭，我生惜已晚，大集得縱披，緣知

過庭訓，五字儲英，姿圖中意行，趣岩壑，供清怡，勸

君勿更鑷，苦吟熬正宜，快心一掀，聶樂事，兩解願

他日鬚有微，更繼傳家詩

次韻研北山長鑷蘭

惜花誠雅懷，種蘭有同趣，千里載芳姿，先生計非

誤，如何背風日，蟬蛻謝塵汗，草木非差池，骨肉戚

平素誰為當門，鋤春風凋玉樹

書亭詩草卷十

三 太岳山房

中城紀行

淮南迫歲暮，淮北艱行旅，豈不懷役車，跋此息肩

所，敲冰渡長河，秉燭入寒渚，詢塗僵僕偵，招舟凍

人語，是時月在丑，紀候夜過午，霜風徹毛骨，曉氣

淡，村塢蒼茫千里目，蕭瑟萬家聚，沭河西北衣，茲

邑水為圍，東南苦窪下水溢，不可禦，恤民煩長官

隱憂，歷 聖主今秋復，蠲賑 帝澤足，舍哺頗慰

街，寒客依然適，樂土新墉吃，言言於此賦，爰處口

首凍雲凝夕陽，下平楚

胸山立石歌

扶桑萬丈升朝暎長風巨浪相吐吞
雲屯儼列城郭圍乾坤祖龍鞭石流血劃海作
門爲一室桂林象郡入版圖北築長城六王畢威
陽一炬三月紅五丈旗倒阿房官金城已失西山
西玉柱尙留東門東胸山山高石齒齒上有刻字
秦皇始載筆空勞太史書括囊含笑雄心侈凌兢
驛馬過胸陽羸氏山河漢舊疆更上靈臺望東海
蓬萊方丈正茫茫

次韻準提菴看牡丹四首

翰跡無任不聞鴉肯借祇園作魏家不是優曇空

書亭詩草卷十

太岳山房

色相天香開遍洛陽花

翻階取次賦將離猶幸東風得主持我是維摩老

居士不妨天女露清姿

看花處處聽敲門九十春光半不存好與人天留

供養利那三昧且頌禪

一樣看花獨後來羯磨合手乞分栽輸君妙展陀

羅臂寫入新詩爛熳開

題倪芸樵先生長松把卷圖

古人讀書不釋手如善飲者耽於酒端居適意浮

一白勝地會心酌大斗先生飲僅涓滴餘性癖乃

在百卷書坐臥在側行與俱竭來松下閑嘯舒喬
松微哦客把卷謾謾清音同近遠此時天籟發清
機何處更容青白眼嗟余廢學幾十年官程促
無腰纏賣書擗攜走千里那得松石娛清便黎來
先生好兄弟一驥天衢一藏器沐陽傾蓋如故人
讀書悠然想胸次吾生落穆稱書淫結交青松素
所欽何當作伴同攜卷得飲醇醪亦醉心

胸陽道中避雨村舍紀所述

直北湧海雲衆山不可辨周遭氣如蒸林木勢一
變風生土囊口兩脚走澶漫急趨道旁舍白點已

書亭詩草卷十

五 太岳山房

珠濺解鞍就蓬藿沾濕幸無患主人頗解事咄嗟

杯茗辦爲言五兒子讀書自羈卯比來苦饑饉五

載廢講貫去夏蝗爲災今春魃作旱積連迫征輸

支賑不及半指點牽蘿屋已作萊畦灌太息語未

竟落景逗遙岸噫氣不得平殘雨尙零亂揮手謝

主人行行發長嘆

重五節蘭畹明府招集靜鏡堂觀劇研北山

長賦詩紀事次韻二首

龍舟競渡不踰淮何幸琴堂蒲酒借綵縷有人呈

曼行黃魚無句入雄諧江陰五日供事黃魚入饌而沐陽無之故戲用杜句

陰晴暇日追陪近簾幙薰風小住佳便似中流趁
簫鼓差池鳧鳥滿瑤階

馮生安樂總成窩正及黃雲兩穗多佳節尚教留

雨澤長官何必厭笙歌明燈布席渾忘夜縱酒分

曹欲灌河比似古人嘉會少抽毫敢謝醉顏酖

越三日集山長齋中山長盃前韻次日招集

小齋因盃韻賦二首其一奉酬其一自述

浙閩風采照清淮賓王開筵逸興借地臘屢成官

閣會天涯同喜素心諧功名落拓閑相稱詩筆縱

橫醉更佳最愛花間容列坐不辭酖酌下層階

心太平巷方寸窩拓窗猶幸客來多偶分崔子哦

松暇且慰王郎拔劍歌時履齋下第甫歸沽酒那能誇綠

蟻得魚差勝美淘河只憐鞅掌勞仙尉投轄冰曹

一醉酖東園尅期行縣

履齋下第歸山長再盃前韻慰寄復和二首

征帆不見指黃淮大阮單車小阮偕履齋同遲我姪南回

十年非寂寞留卿雙足漫詼諧省臺袞袞諸君入

京洛翩翩公子佳底用輕肥美同學歸來苜蓿尚

盈階

青帘燕市酒成窩不似僮腸臘白多見說此中惟

可飲曾聞勞者合須歌瘦羊况味原居海白鹿淵
源已導河只有新知慚大雅負君佳句咏微酖

集東園少尹齋三盃前韻

射鴨虛堂遠沂淮高筵長夏屢相偕呼資含笑來

真熟微酒何憂事不諧雨過雞缸新翠發風開懶

傘小紅佳時以新磁行酒庭前盆荷初放巡簷記否暮春日一樹

碧桃花滿階

隔署圍屏鞠草窩彈琴時藥興偏多雅知閑裏頻

招客不信春來懶作歌東園久滿座高懷推北海不作詩

傾壺佳日對西河開領魯壺酒笑對劉公榮更期清蓮別西河劉少府向也

後會蓮花下酌汝清姿映水酖

集儀堂貳尹齋四盃前韻

到門沐水儼浮淮又向溪堂把瓊僭從事青州孤

客倦尚書麴部二豪諧山長少尹香薰荀令何嫌座中上戶

癯座上以酒與藥巴正自佳想見當時主黃早時苦

九寒宵催燭上堂階

由吾洞裏白雲窩乞與衙齋野趣多種得柳枝如

避地倚來桺樹足高歌署中老槐廣覆四屋山公遊處常為

客賀監歸時擬渡河珍重瓊壺番釀好華胥何似

醉鄉酖

履齋有餘饒之愧以詩謝之

碧盞擎來勝薄持起漫猶得古人遺桓元只合稱
逆客東替何妨號餅師槐葉冷淘原不減葱芽細
膾劇相思可知頭食南窗下麥隴青青又一時

庭前盆荷無花

亭亭淨植久相於徂暑終疑菡萏虛剩有碧筒供
醉把分無紅袖伴閑居薰風竹院蝦鬚外午夢茶
鏘鱗眼初最喜一枝新出水故園回首竟何如

東園齋中賞荷呈山長

春飢幻出火中蓮不用高攀太華巔盡展葉如池
畫亭詩草卷一 八 太岳山房

一角小舒花似月初弦座揮白羽搖湘珮酒滴紅
潮上粉鈿我幸得隨周茂叔風流何減古人賢

喜雨紀事

元雲遏重霄大火熾初伏歎蒸候中氣土潤屆暑
溽時宜大雨行况閱百日足稍慶來牟登尤望禾
黍沃下田勾萌枯高原生意感元龜圻畝滄野馬
填坑谷待澤庶一蘇瞻天盱萬目逢王已過霉離
畢反見旭害稼疑旱魃恤民繫司牧通行官文書
虔申道符籙同寅素協恭致齋謹沐浴清晨拜壇
壘爨雞紛四隩竟日沈陰靈作勢暑轉酷夜虫飛

堯堯曉窗響蔽蔽綠潤上階苔青添倚簷竹連綿
至亭午豐注藍溝瀆居人望修溜行子歌獨漉優
渥雖未周焦卷已解梏傳聞大江南蛟龍起泗泆
邑屋欲為巢連路須跨揭黃流自寧靜海水亦滄
蓄茲雨誠拜嘉所願緩後祿阿香未迴車屏翳尙
揮霖仍期集師伯餘罪真宰贖均霑合遠邇比戶
免鳩鴿冷暑非有司感荷迺彌篤蜚虫斷夏蝗雲
子飯秋粟余從同官後詠歌筆可續

曝書

丈夫擁萬卷何假專百城斯言洵豪舉意氣千人

畫亭詩草卷十 九 太岳山房

九 太岳山房

英吾生幼失學長廼以舌耕頗戀卷軸味毋廼力
不誠蹇躓出京洛扁舟過淮汀殘編如累重行色
為崢嶸自顧忽失笑宦味寒瓊清飢來豈可煮蚯
蚓空腸鳴長夏日杲杲發篋臨前榮忍作羽陵蝕
驅蠹猶一爭回首憶去臘棄捐非人情去冬之任
書以作
資不言即當賣俗諺傷平生諺以讀字半為
言半為賣也

賞菊

日作東籬醉秋粧亦昵人晚香真得地薄宦不知
貧小着催花雨全欲漉酒巾竭來幽興極吏隱喜
為隣

東園惠菊邀集小齋

插棘成新砌移花識舊牌種從仙尉圃分與廣文
齋蓋白初嘗蟹盤殮慣食鮭向餘彭澤興好友勸
酬俗

秋田觀稼

沐田賦下下十載九厄水夏麥秋菽秣藝稻每遭
毀今年秋水涸窪下轉肥美黃黍既修修赤穗尤
累累天意本大公地力有餘旨高原縱薄收屢豐
已在彼余亦寄食客望歲同一體時同會孫來輒
共田畷喜一身為鮮民餅罄蠶可恥農家幸有年
吾得歌樂只

畫堂詩草卷十

十 太岳山房

鳴雁行

一行天字生秋意嘹唳響落寒雲際自是隨陽有
素心人道南為稻梁計稻梁多處網羅密一片機
心暗中發圓沙野火動倏忽雁奴苦口叫殘月蕭
條孤館生夜涼殘燈無燄清漏長一聲兩聲斷遙
夢千里萬里迴離腸別離且休嘆世事多憂患射
影含沙正未知驚弓豈獨南來雁

墮戶

鈿爰斷細土水漿翻空庭畫鏤不足憂泥塗為經

營朔風率已厲北牖嚴寒生塞向可室處求安亦
恒情柔土鳥綢繆陰雨謀未萌補屋牽薛蘿幸我
婦子寧僅陽雖南服風土已別成菽麥烹飪足茅
葦簷牙平瘠土恒思勞庶可唐魏衡所嘆拙紡織
女手攬攬拳何當土室中束縑留餘明

九九消寒圖歌

蔡侯魚網如雪鋪連錢淡墨供描摹叢叢疎影作
五出云是九九消寒圖元冥肆威河海凍三陰已
盡微陽動候氣茅檐土炭懸塗花紙閣陰晴共濡
毫素梅橫一枝八十一瓣紛離離呵冰傅粉作渲

畫堂詩草卷十

十一 太岳山房

染課以日日為娛嬉此時衝寒見山意南枝漸覺
回陽氣何自移從北地栽却教片紙留根蒂閉門
爐火燒枯杼滿斟春酒如流霞階下爭敲太平鼓
案頭細數寒梅花臘盡春回春忽半青青梅子紅
英亂解唱頻年九九歌那知日月閑中換

次韻酬卜雨田立春日登泮城感贈之作

崢嶸閱萬態迫此歲暮心過淮發三聯駿馬驅光
陰寂寥官齋中喜聞登然音良友殊俗尚於世少
羨歆顧我東海隅披豁意氣深霜雪被階砌尊酒
開壯襟隻雁憶南度慰此蘭玉森勾芒催佳什投

贈如兼金家山不到眼春氣遙相尋繫余匏繫者
眷言懷舊岑宦學兩不遂華髮嘆匪今徒然愧往
哲聊和莊鳥吟

早發

雲破見落月真疑曉市燈白沙橫浩蕩黑樹立鬚
鬢老馬道猶識荒雞啼未會可知高枕客春夢正
情騰

次韻王十二春明清明日海州道中

浮淮漸海總飄蓬三月晴臯馬首東客路喜無寒
食雨異鄉悽斷紙錢風鶯花江館光陰逝蝦菜湖
莊興味空記否他時折楊柳白門春店一尊中

海州春望

此地吾師記昔遊山傳孔望已千秋消磨雷雨東
門石浩蕩天風望海樓斤鹵枯魚偏飼鶴閑官瘦
馬似騎牛莫春歸去真寥落幾樹垂楊到厚邱

食蔗芽

園官輕荒齋菜把不一送齋邊半畝畦長鑿尙堪
用連宵好雨足紫蔗勾萌動細抽白玉芽堆盤作
佳供三春走塵土櫻笋江南夢歸來學灌園期與
老圃共昔賢祇以異此物安足重悠哉緬西山清

名到今誦

官齋種竹

俗物不可耐閉戶信幽獨蕭然一尺地得種數竿
竹空庭破苔蘚小雨喜脈涿笋根壅故土薶麥散
一樹體物有微理惠養及草木君子見斯可對此
意亦足吾家荒江濱脩篁壓茅屋借問首蓿齋何
如簣管谷

雨中赴淮

沈沈昏極浦隱隱動輕雷馬踏春泥過人穿宿霧
來解裝如出險勞苦且傾杯尚憶黃河曲驚濤拍
岸迴

淮陰試院雲楣閣學出示廣彭城三咏追次

賀方回韻之作是日考古分賦淮陰古蹟

限次温飛卿過陳琳墓韻余因用古體次

賀韻三首應教

韓侯釣臺

鴻溝不足割楚漢分一戰大將建旗鼓聲勢走雷
電金刀鉞動珠囊開蕭張崛起韓侯來韓侯本是
垂釣客至今淮水留荒臺垂綸不是羊裘者追亡
急挽臨岐馬奔王封侯空彈丸假手縛信非遊盤

英雄迺爲女子賣始知來日真大難王孫徒自報
一飯噲等安得爲同官吁嗟乎高臺零落春放牧
長樂官中草空綠

漂母祠

中原轉戰爭雄長阿誰取之如反掌一竿猶自臥
淮濱底用直人起芒屨帶刀蒲伏一何懼忍飢常
釣路旁路此時國士誰見憐一飯得邀青眼顧河
陰日莫西風來潏洗人往生餘哀千金酬恩易事
耳施不望報何人哉王孫不歸奈何許報母何如
報漢主嗟哉漢寢寢鼠狐鼠尚有荒祠留漢土

畫亭詩草卷一

十五 太岳山房

劉伶臺

荒唐指點劉伶臺平蕪蕭颯生蒿萊若云參軍此
小憩應是荷鍤柴車來偏安江左日流血何用清
談同一轍河山舉日風景殊只有酒杯難訣別生
居沛國真故鄉千年勝地人不忘要知閉關有深
意豈以沈醉高名揚幕天席地亦何有登臺即是
延樂方大人一頌迺不朽名山好作糟邱藏

淮陰古蹟用溫飛卿過陳琳墓韻擬賦四首

韓侯祠

滴冤快讀史公文遺恨空留劇微墳一日登壇方

有漢千秋立廟可無君漁竿嫋嫋長流水鴛瓦沉
沉不散雲太息英雄生氣在何如孔費兩將軍

漂母祠

河干碑版合鐫文不用村墟訪古墳垂釣王孫真
大將知人老嫗勝英君永懷飽飯羞蘋藻空闕荒
祠枕水雲數十日間容果腹累他負羽去從軍

枚臯宅

誰將翰墨動星文頗訝詎諧異典墳爲憶家聲尋
故里不忘著作賦儲君馬卿巴蜀通淮水方朔平
原隔暮雲想見昔年遊處地雄才真足張吾軍

畫亭詩草卷十

十五 太岳山房

劉伶臺

荒基未得攷遺文可似吾鄉誌古墳江陰有臺上
劉伶墓
只應眠醉客幃中何事入諸君驅車荷鍤情如水
把酒凭闌氣似雲不比窮途常慟哭風流此地憶
參軍

題潘先生畫冊十二首

溪山愛荒寒結屋傍清沼疎樹秋風生書聲度松
杪

清水石磊磊平沙浩無際不是若耶溪張帆亦快
意

松古人亦古坐彈無言琴高山與流水悠然太古
 音
 何處得秋意霜葉紅於染負手空林中遙山望數
 點
 蒼山隔溪遠紅紫夕陽開恍似春風裏鶯疑蝶更
 猜
 蘭若萬松頂峇堯白雲罇俯視一氣中萬象俱在
 下
 無筆處有畫此事大不易吾知雲林翁聊以寫逸
 氣
 畫亭詩草卷十 十六 太岳山房
 危松如倚蓋遠山橫翠螺最宜清暑侯一棹浮烟
 波
 捫紙若有稜樂事得孤詣想見皴點時筆力破餘
 地
 柴門稻花香高柳大如席沽得村醪歸醉中問刀
 尺
 石棧鈎連處登攀杖屨遙無因駕黃鶴猶得見山
 樵
 不覺遠峰白時聞折竹聲更無訪戴者剝啄到柴
 荆

查山長送夜來香
 婀娜柔條引翠苔薰風得氣上呆恩最憐暑月添
 春意恰喜名香號夜來碎簇綠蛾燈下見橫陳碧
 王鬢邊猜紗綉皓月清宵永宵負芳姿故故開
 次端陽節韻答查山長二首
 暑雨梅風遠渡淮輕裝慣得好花借開編自覺詩
 情別承惠查拆襲應知酒味諧近從淮浦隔歲光
 陰真瞬息疎籬花竹尙清佳與君更敞香羅雪底
 用官衣捧玉階
 搔頭短髮不成髡勝事良辰興較多臂上五絛供
 劇笑眼前萬事付高歌濛濛野馬爭過隙日日閑
 鷗靜泛河何處求安心故在蒲觴樂得一宵耽
 再次前韻答查魏塘二首
 桐栢清源可導淮老翎飛處鳳雛偕古稱羲獻洵
 雙絕交在紀羣真兩諧洛日嵩雲遊歷勝經樓奎
 閣往來佳君家舊物瀛洲上誰道如天不可階
 葵葉榴花錦作窩蕭蕭修竹蔭偏多暫時把酒皆
 嘉會投契何人不雅歌桃印漫懸長命縷蘭橈空
 繫漢坊河老養那得臬羹味只合舖糟共客醅
 閱賑

寒潭清潦繞城闌落葉荆扉做四隣八九秋光開
過雁三千戶口見懸鶉但求地利高卑得敢望天
時旱澇勻額手楓宸恩澤遍村墟烟火足饗殮

九月八日自棗子埠回署見菊

古蕩西風捲暮塵城隅秋色隔經旬行看紅葉生
鄉思歸見黃花似故人馬上吟鞭敲自懶燈前疎
影對猶親明朝莫競登高醉湖海元龍氣久馴

初雪

宿霧光中白日斜海雲飛處雪交加春隄舊憶沾
衣絮冰暑新飄入座花種麥原田周萬頃樵蘇荒
徑尚千家清宵霜月愁相對懸屠寒林起凍鴉

八堰道中大霧

直訝高原步障開昏然走馬白雲隈車聲近覺林
間過人影遙從空際來已笑看花同老眼更教喚
水作飛埃而今萬事俱難卜未必嚴冬雪便催

松竹梅次韻三首

蒼髯歲月幾乘除萬壑千林總不如噴薄風雷通
海氣攀登泰岱問秦餘虬根化藥藏仙窟鶴骨支
巢切太虛我欲輕身須服食針毛猶得剪扶疎
何因綠玉發高枝上番看成已自奇千畝胸中寧

畫亭詩草卷十

十八

大岳山房

少味一竿窗外亦多姿輕搖寒碧塵埃淨閑坐清
陰枕簟宜却笑官齋新乞取千霄直上竟何時
鄉園遺報宋梅枯江陰韓園宋梅近已枯淮北何緣見一株
桃李與臺公論在冰霜心性入時無繁香鋪海銅
坑遠橫吹臨風鐵笛孤笑煞圍爐煨榾柮消寒九
九漫為圖

畫亭詩草卷十

十九

大岳山房

畫亭詩草卷十



畫亭詩草卷十一

海滙集二

胸陽宿薺坪齋中咏餅梅

驚疑紅杏是耶非 誰信穿簾玉蝶飛

意足一枝相對海濱稀 香生棊几寒逾發 水滿銅

餅淡自肥剪燭高齋欣得見 與君三載別巖扉

宿房山

薄暮客行倦 西風勢亦閑 林塘歸晚牧 茅店落春

山 塞北雁羣向江南 人未還 三更有明月 清夢已

畫亭詩草卷十一

太岳山房

闌珊

沐陽三咏

昭德寺廢塔

絕頂危將墮 枝撐復幾時 望中猶涌出 登處已全

嶽 鳥雀意何戀 風雷勢不支 晨鐘發深省 吾欲問

奎基 相傳寺為尉遲敬德所建 奎基法師敬德之

武廟古槐

生意殊未絕 婆娑相對青 歲深柯亦老 廟古樹多

靈 苔蘚沿虫蝕 笙竽立馬聽 莫增垂暮感 車蓋尚

亭亭

紫陽觀井

舊井何年鑿 仙源此一方 觀隨丹竈廢 泉引洞天

長石甃滋春 薛銅餅澁古 香往來漣水路 曾否更

逢張 張志載此井為張三

喜雨

高排閭闔叩 層霄呼吸能 通帝座 遙一夜暗風吹

好雨三春佳 日是今朝媽 紅乍覺隨流水 濕翠新

看接畫橋步 屣擬從田父 飲村村笑口說良苗

寄嗽江先生

啼鳥門巷繞 城隅落葉空 庭賦索居正 喜白頭驅

使健只愁青 杖往來疎 沾膺已盡西河泪 放眼曾

看東觀書 數字尚煩皇 甫筆應知古訓重 鄉閭

寄馮小峰

三家村塾笑 冬烘千里官 衙訝許同顧 我鬢絲明

似雪看人吐 咳遠隨風 秋帆載酒過江北 春浪騎

魚起海東大 嚼齧門知快 意此生俱是信天翁

寄湯問亭

惜別文場二十年 親情童稚到華顛 江魚奉母高

堂樂河鯉懷人遠 道綿薄宦光陰 詩酒外故鄉風

景釣遊邊更無餘事 相思切陳篋 今開第幾編

寄程鈞軒次來韻

出處何從話短長別離尤悵路茫茫依然江水通
淮水那得僮陽作暨陽回首朔南同聚散掀髯老
大莫悲傷多君尚有鴛鴦志絕勝蕭齋學坐忘

題畫呈倪蘭晚明府二首

一卷澄心展畫堂巒容山色兩蒼茫大痴粉本知
何處不是金華卽建康

丹青衣鉢一燈傳北派南宗信手難筆墨自來慙
逸品莫從清閨閣中看

又二首

畫亭詩草卷十一

三

太岳山房

深林茅屋碧溪灣江館幽居想像間試望桑墟湖

水上房山不是武林山

官窺水滿墨痕香半捲湘簾白晝長淡着螺青輕

着赭不妨名士笑吳妝

題畫

澆墨淋漓漫興成解衣盤礴莽縱橫畫師未必前
身是底用人間浪得名

秦淮席上次春明韻酬如臯吳梅原見贈之

作

哀絲豪竹醉朝昏十度逢君白下門脫帽風前成

一笑蕭蕭華髮及諸昆

吳綾粉本墨花鮮大令重歌打槳船記取石城吹
笛夜清風白月雁來天

題汪石蘭同年百松山房圖

江山佳處着詩翁絕勝天都第一峰薄宦尙能居
福地山房一百九株松

山房在北固山下石蘭云
山房之松實一百九株言
百松舉成數也

甲午八月自金陵赴淮雜詩十首

長干積雨坐清秋古渡連宵捲石尤不道歸心疾
於鳥却隨寒雁宿汀洲

畫亭詩草卷十一

四

太岳山房

漁莊燭舍可爲家鷗鷺盟心願豈奢一曲清江最

深處叢篁低碧壓籬笆

寒蘆衰柳影蕭蕭坐對西風看落潮忽聽隣舟一

聲笛滿江秋色到紅橋

揚帆獵獵破風行河轉三叉一葉輕却笑乘槎不
得上昨宵江月照殘更

佛狸城接清淮浦迢迢風迎白蕩舟若道儂家住

江北也應潮水向西流

張帆落帆瞬息殊來舟去舟紛相呼翻雲覆雨亦
恒事長年三老空嗟吁

鉤輅格磔鷓鴣天萬事都如水上船竹箭桃花真

一快只從身世送華年

舟中生日

纖稀薄御汗成漿盡做蓬窗坐夜長鷓鴣地新寒沁

詩骨此中滋味有炎涼

崑崙星宿幾時探酸棗金隄總不堪一百丈邊黃

水溢可憐風雨滿淮南

八月十八日河決老壩口

黃河水溢運河乾邪許舟行陸地難隔岸啣枚駟

萬馬青天白屋送狂瀾

春明過小齋賦呈二首

分羊秦郵道輕勦剔正難何期到官舍重得御征

畫亭詩草卷十一

五 太岳山房

鞍千里江淮迥三秋興味殘坐來情話久燭跋忘

更闌

滿酌君須盡為僚事可知風塵真夙伴書畫是吾

師首藉分東海梅花老北枝賦詩容漫與不負歲

寒期

題畫寄小峰

三年一握手後會又茫茫海角草空綠江臯梅自

香此生無住着吾道有行藏詩畫應相笑殷勤遠

寄將

黃軍管會獵余以事赴東鎮不與明日石翁

戴尹惠以薤兔賦詩一首

見獵原心喜于田我自東已虛從獸樂何幸割鮮

同八竅毫仍拔三驅屈盡空燔炮歌有酒聊得藉

羣公

題畫册十二首

蘭

空谷久無言芳姿自陶寫悠悠世世人誰是同心

者

松竹

一枝分嶽色五鬣記仙經留得蒙龍竹根邊覆茯苓

畫亭詩草卷十一

六 太岳山房

苓

杏花

紅樓夜氣中綠雨春江外憶着放翁詩深巷明朝

賣

牡丹

看花可療飢珍重春風筆如何有餘論斗大不結

實

雨竹

漠漠鎖春烟涓涓洗寒玉千竿濕翠流併作湘江

綠

蒲萄

絕塞風雲暗將軍膽氣豪輪臺如早悔那得啖蒲

菊

細和淵明詩洗研贖餘墨洒作東籬花不碍中央

雁來紅

白雁催霜信蒼苔浥露華寒山休遠上楓葉莫爭

蟹

書亭詩草卷十一

七 太岳山房

窗虛殘月落高枕夢初成不信霜絲上爬沙似有

蓮櫟

纖手閑時擘紗幘靜裏聞色香真兩絕點染會平

米山

淋漓烟雨圖借此丹青腕氣韻在生知吾道一以

題畫

會訪盧鴻舊草堂更尋潭水百花莊泉聲遠度朱

絃靜嵐影高懸翠幙涼少有人宜邱壑置多將心
與利名忘山林鐘鼎分天性老我丹青興味長

蕎麥

滌場朋酒老農歡行野還餘麥秀寒沾洒雪霜先
暮節消融渣滓待朝餐柔莖沁血荒畦瘠晚食充
腸小戶完為憶來牟念艱食黃雲黃里及春殘

哭子四首

相看一斛泪忍便付泥中已矣平生事傷哉半百
翁老人身世剝孺子命途窮太上忘情者吾能邁
古風

書亭詩草卷十一

八 太岳山房

薄宦誠何樂忘憂賴此兒漸能知揖客約畧解哦
詩弄物今隨窆殘書死竟離擬他披手澤始信阿
翁痴

十日無眠食全家失旦昏姊頻調藥餌母亟飼魚
殮竟闔葳蕤鎖誰呼詆蕩門雙親翻送汝顛倒更
何論

舊痛猶心割新生慰膝傍如何十年盡又見一男
鴈得免兒孫累應無嗣續望江流千里外空繞九
迴腸

甲午殘臘雜陰書感二首

逆旅原無定何因歲晚來三洲寒日下一棹斷冰
開事信殘生過人從短景催淺斟茅店酒容易玉
山頽

抱母嬰兒夫求仙姪女遙長生真不解短夢劇無
聊月黑孤燈淡霜清兩鬢凋望華門外宿譙鼓聽
終宵

莫子又二首

晚育瓊華值生拋泪眼迷夜臺誰保抱終日憶提
攜天地能無憾彭殤理可齊寒林有烏鳥乳啼得
雙栖

畫亭詩草卷十一

元 太岳山房

誰能金石固髻鬢暫時人一去輕毫末千般累老
親痛深無泪落望盡有墳隣更欲求丹果枯條豈
再春

得家信

吾弟新傳耗蒙莊運又慳無兒憐女幼失婦嘆夫
鰥兄老明頻喪家荒世擬刪皇天應不悞搔首泪
潛潛

憶妹

海角吾遊宦江干爾故鄉無家聚同氣有妹隔殊
方少小雙親別分離廿載強如何衣食計魚雁兩

茫茫

清江道中

微霰寒初集炊烟曉未然疎林含霧密曲渚帶冰
圓行路分哀樂流光幾變遷情騰風雪裏何必問
殘年

宿陶家店

寒雲結暮陰獨馬到更深草店呼方得藜床幸可
尋暗風迥遠夢凍雨碎羈心萬事皆如此窮途嘆
匪今

陶家店雨中早發

晚晚三冬盡泥塗百里長雨深靡腐草風急撼枯
桑憐從勞猶惜兒曹逝忍忘茲行洵無謂悲苦合
兼省

畫亭詩草卷十一

十 太岳山房

小除夕宿周眉仙齋中留贈

高館逢除夕歸軒慰此宵酒還餘臘味花已綻春
條微祿山難買殘冬日易消不妨同守歲冰署正
蕭寥

題八駿圖

穆王八駿骨已朽傳之畫圖閱世久金鑄范蠡纒
平原人乎馬乎竟何有浮雲驟耳真跡應御以造

父風霆馳何時松陰得放牧貌甚閒暇精權奇崑
崙之坡瑤水側仙苑天閑恣眠食粉本應從古帝
留畫師如山誰貌得千金買骨天馬來百金買畫
心疑猜將軍無人韓幹死鷗波之後何人哉畫馬
不知真馬在鹽車伏櫪都無賴善相方爲識畫人
求之牴牾驪黃外

七夕紀事

一幅銖霞稱體裁晚風羅袂下瑤臺笑他天上靈
星會却是無端駕鵲來

丙申元旦試筆

畫詩卷一

太岳山房

頭顱如許鬚毛斑未了殘書憶故山自信聰明原
不及韓昌黎五箴教云余年更無詩句可從刪
詩刪詩斷盆池春淺靈芽小粉院枝高老意慳知
自丙申年否蕭齋最岑寂時禽空復語關關

燈下觀書示凝之婿

惟誦猶如昔平生與有餘疎燈懷永夜華髮愧殘
書得失微名誤浮沉壯志虛草窗清不寐把卷獨
踟躕

舍弟回江陰贈別二首

暫聚難爲別何堪送所親弟兄俱漸老南北總傷

神此去須經歲相逢只暮春臨岐一宵雨未抵溫
沾巾

清貧惟汝共聚散幾回經細數無鵝鴨孤飛有鵝
鴛江帆懸寂寞淮月照零丁更莫談餘事空齋罄
酒餅

自題小照

胎化仙禽老態殊在陰猶望入懷雛誰知極目雲
霄意道是山人放鶴圖

題內人小照

黔婁先生貧不聊王郎天壤共詼嘲荆釵裙布亦
自樂膝前不見袞師驕中郎琴書貯一屋老夫詩

畫詩卷十一

太岳山房

句誰會讀一女終成巢上鳩雙童久作蕉中鹿丹
靑點染笑婦痴牽裾攜手信不疑要知真境卽幻
境七尺何有况小兒世人情累結習重落花飛絮
成何用骨肉三生自少緣悲懽一覺休談夢老婦
相看一鞦韆誠如所言萬慮捐遺挂更誰身後展
畫圖須趁眼前懸傾耳婦言能解意星星華髮卿
知未記說非熊得再生高吟獨立蒼茫際

題女兒刺繡圖

女兒學刺繡刺繡誠女紅剪裁費刀尺枝撐傍簾

櫬五紋理綵線十指分花叢三日紫鳳翼六日天
吳官金瓊映朝旭銀墻度晚風芳心聚鍼黹事理
觀其通女兒金玉體白地光明錦端居貞不字什
襲常懷懍言動比工作出手衆所品苟其一絲誤
母廼一幅瘦所以關睢詩聖女表殊稟貞靜幽且
閑凡百當自審我惜掌中珠不作階前玉母繡猶
可學父書不能讀男兒望補衮女兒供櫛沐刺繡
小焉耳大者關雎淑尋思在圖畫庶不負鞠育趨
庭更何人弁題汝應勗

題方禹東吟秋圖二首

畫亭詩草卷十一

太岳山房

野馬塵埃滿路岐幾人京洛素衣緇平生樂境不
多得茶熟香清點筆時

名園涿水晚涼新慧眼看秋卽當春未必維摩餘
結習桐花桂子證前因

喜得嘯竹書寄酬二首并柬惺齋

六年分手無人見千里停雲有夢探忽爾郵筒到
淮北歡然情話過江南潞河月白車初下燕市風
高酒正酣今日徵官各飽繫兩般身世更休談
哦松得地亦何求暢好湖山慰勝遊三竺晴嵐知
露冕一羶窮海笑登樓最傷骨肉同花落猶幸親

朋與歲留寄語范雲俱努力白波浩蕩有閑鷗

作畫寄嘯竹并題兩絕句

平生不識西湖面五十年來福命慳何日芒鞋青
竹杖東坡真箇在廬山

水光山色兩鮮新垂柳絲絲綰釣綸萬一湖干風
月裏扁舟想見寂寥人

惠張研圃湘南行旅圖

壺山入雲攸水深離離苦竹搖疎林鷓鴣啼處子
規叫行人日暮西風道萬古湖南清絕地雲沙極
日遙無際未擬閑尋灞岸詩渾如策蹇關山意

畫亭詩草卷十一

太岳山房

自中州回過關山西湖花柳同生長書畫船頭催
會寫關山策蹇圖
兩槳百丈牽江作宦遊淮陰尚結湘陰想陌上花
開波上絮浮萍大海初何與只憶幽蘭九畹香還
題廳壁雙松樹酒幔河橋古釣臺離情畫意兩徘
徊鞭絲帽影黃河北不似琵琶峰下來

賦八首

庭前雁來紅爲風雨所敗虫復蝕葉過半感
秋階花事久闌珊弱卉栽成借一斑箇是無聊供
點綴佳期留待塞鴻還

無端風雨忽摧傷插棘爭扶已臥墻頗怨天公太

無賴妬花心性到秋涼

高鼎天日照無多又是么麼聚作窠食葉食心誰

乘昇居然螟螣害嘉禾

三春佳日去如烟白雁橫空又一年看到秋深能

幾日縱無摧敗已堪憐

叢篁弱柳共婆娑天裊輕絲斷女蘿畢竟孤根隨

手扳少留顏色待如何

蕭條絳幘少雞人開遍江蘭憶比隣小着紅黃破

岑寂看他憔悴一沾巾

涓涓清露未為霜取次焦卷意最傷若種梧桐高

書亭詩草卷十一

十五 太岳山房

閣外又添秋恨到銀床

金風玉露總緣慳年少休誇老更艱小草出山真

似汝空嗟薄命是紅顏

紫菊四首

秋階花映絳帳舒比似泉明興有餘五斗折腰休

漫笑新分紫綬意何如

翠阜重樓嘆絕奇疎籬紺碧有仙姿灌花恰傍真

人井餐得霜英勝餌芝

曾聞正色貴中央頗有微詞到晚香金剪一枝原

自好却留魏紫鬥姚黃

細搗新薑恣拍浮淒涼雲物斷閑愁半開時候聞
長笛記取當年趙倚樓

陳八千來沐聽話故鄉感賦四首

十年成兩聚千里見孤踪玉樹郎君似冰衙宦興

慵壯心灰雪案情話逼霜鐘身世憑相問真疑劫

後逢

冷比還如故遺風詎不存鼓屠為長者呵導乃慈

孫碧水三春涸紅塵一市昏別來新氣象屈指聽

君論

在昔傳文範於君一輩先弟兄荆樹合大小竹林

書亭詩草卷十一

十六 太岳山房

賢分手多成夢驚心各問年螟蛉歌式穀痴叔絕

堪憐

客宦從吾老離襟對汝開千憂稜昔貌一醉有新

酷賣犬誠何益生穉只浪猜黃淮隔南北誰復賦

歸來

次八千韻二首

有客趑然至河干慰索居到看瀛海濶回望大江

虛物序方零落憂端且被除南軒對修竹差覺故

園如

濱海艱衣食飄零五載居死生真忽濶渣滓得清

虛事與少年別人應豪氣除倚闌聽吳詠歸釣意
何如

亡兒生日

碧草三年土真從面上生老夫猶是獨世事已全
更他日冰霜苦殘冬歲月清道翁勞述作泚筆若
爲情

雪後曉行高流道中二首

積雪門霜氣曉塗衣正單西行寒日背北吸海風
酸病涉應多感飢驅亦大難何人坐帷閣爐火酒
杯寬

書亭詩直卷十一

十七

大岳山房

錦帳絲絲暖重衾夜夜心極知飛雪厚只覺鎖窗
深鞍馬濃霜逼林鴉落照沉清尊已昨日珍重苦
寒吟

有惠潞酒乾葡萄者賦兩詩謝之

殘臘居然重碧拈未愁遠道麴車淹移封赤狄酒
泉轄從事青州博士兼華麝濃香樹欲滴躑鴉小
瘦坼休嫌春來千尺桃花水知與清歌一夜添
馬乳驪珠幾駘駝苞苴分得紫瓊珂雅宜冷署爲
乾豆却憶秋風老駮髮齟齬自知炎果別凝肌爭
識縹雲多若教滿酌龜茲釀拚取衰顏更一醅

雪凍逾月米價昂而薪尤踊貴頗有斷炊之

虞

水陸舟車更不過積薪奢願久蹉跎嚴冬寒五真
無那不爨清談可奈何囊剩一錢官俸薄買求三
倍販夫多山妻又報朝餐缺尙聽先生側弁哦

十月中臘梅盛開長至後大雪祁寒花則槁

矣

老友何曾改道妝冬暄相見鬱金堂全烘蝶翅風
細日忽凍蜂鬚雪月霜竹外松邊原得氣春回臘
盡可無香山園第一爲君惜肯讓南枝壓衆芳

書亭詩直卷十一

十六

大岳山房

書亭詩直卷十一

畫亭詩草卷十二

議古

江陰朱輔與持氏

海瀝集三

寄李玉樵比部四首

玉山風采最高巔管領聲華四十年畫省香爐今
得氣石渠巾卷昔隨肩新詩漢上題襟後舊雨長
安把臂先尙憶蕭齋寒博士不知身世各雲天
行青拖紫世爭看鐵研功成自古難一日科名三
對策半生南北幾登壇雲堂靜裏思行脚月地歸
來認廣寒未必閑人知此意故應雙鯉勸加餐

畫亭詩草卷十二

太岳山房

僮陽寄跡六年餘故友會無一字書天上星辰真
濶絕人間膠漆有乘除官詢郊子先師杳道訪由
吾古洞虛何幸清曹題手版相望眇眇獨愁予
鄭公不識廣文賤杜老應忘工部尊青眼高歌天
地濶白頭離恨雪霜繁蕭疎歷落世所怪俯仰揖
讓吾何言只有尺書藏弄好一時驚座得披翻

次出都留別韻四首上瑤圃夫子

六年回首 帝城居忍忘師門獨受書南北光陰
如一昔東西軒閣愛三餘曾栽竹木栖凡鳥飽食
神仙愧蠹魚忽漫枯槎泛滄海白雲萬里碧天虛

槐堂瑞氣藹春雲寵命仍邀 帝座分壁沼元良

三位職荒江弟子久尊聞遷官那識居官樂用邱

語入學誰傳進學文曾與執經遊虎觀當時鶴靈翰

若為琴

雲達杳杳一鴻真直訝鯤鵬語不經積歲車塵衣
久敝他時宮漏夢常醒高齋眼底文窗綠芳草天
涯書帶青想見扶風奏絃管清陰雙覆合歡庭履
堂前有合
歡樹兩株

海國春寒二月霜春風憶坐履和堂登龍有道為

仙侶浮蟻無功得醉鄉毀譽昔年聲氣別助名今

畫亭詩草卷十二

太岳山房

日鬢毛妨只應一鐸道人徇其沐三雍教澤長

太谷孟君索畫為題此篇

飛狐上黨天下脊太行孟門真險絕南來別有好
湖山翠擁晴嵐鏡波澈儂家長長湖山邊枕流漱
石屋在船踰淮橋迺化為枳寂寞四野無林泉翻
然孟孫九節杖遠駕颺輪踏青嶂遊岳君如向子
平揮毫我媿黃公望秋老汾陰旅雁回雲烟萬里
海天隈高堂素壁知驚詫剪得吳淞江水來

補倪雨巖釣溪圖并題

大鈞巨鑿東海底五十健牛餌真美白波若山大

魚來那知世有任公子秋風吹落梧桐花客心悠
 然就淺沙隱囊紗帽俱屏却似欲醉臥漁翁家龍
 影在淵渭水碧古來釣者推第一更聞帶劍坐三
 洲亦有披裘過六月諸公之意不在魚所寄則一
 意則殊君胡爲哉貌閑暇長竿欲拂青珊瑚解衣
 盤礴是真畫其釣莫釣何惹芥遊心常在物之初
 知拋名利浮雲外多君壯年意氣豪西江口吸千
 波濤君臣魚水在指顧終恐負此秋懷高我爲補
 圖空布紙不是價值後來史時彈長鉞歌無魚憶
 任清溪對流水簪纓蘿薜兩相妨笑爾垂綸水一
 方合讓芙蓉江上客扁舟歸去作漁郎

秋山紅樹圖爲吳蔭三作

丹崖翠嶽凌平楚歷歷磬頭清可數一道流泉界
 兩山不是羅浮暗風雨草堂客散花竹閑錦囊挂
 壁琴不彈丹青粉墨弄蕭瑟意興却在江南山棧
 毳席帽清江曲看花載酒平生足遠夢而今憶四
 腮高雲何日騎黃鵠羨爾軒窗映水開生綃三尺
 爲君裁秋風我欲尋紅樹布襪青鞋歸去來

題婁升齋藝黍圖

垂楊過雨連塍綠新漲拍橋畦水足布穀催耕秧

畫亭詩草卷十二
 三
 太岳山房

馬來良苗風裏移心目四民在昔農士并讀書養
 親躬爲耕井田廢後阡陌裂有土不到呶嗒生東
 樓喬孫最年少負耒橫經成二妙華黍南陔周雅
 詩力田孝弟漢明詔卷中風采真絕倫看君豈是
 田間民毛義不勞捧檄手林宗原識烹雞人我願
 歸山買一疋得霑微祿今餘幾笑煞冰壺研水清
 白頭猶自耕龍尾

虞姬祠

高樓飛閣開雲霞明璫翠羽顏如花夫君霸業在
 本紀獨少外戚留世家英雄青史不堪說美上黃
 土猶爭惜何曾垓下葬芳魂空有霜鋒污頸血兵
 戈轉戰生死同美人卽是真英雄咄哉孺子劉沛
 公戚姬廼以人彘終傳聞飛甍從空起靈爽猶能
 衛桑梓可惜重墮下相來喑鳴叱咤徒爲耳

過宿遷弔徐魯南先生

詩篇翰墨皆高格不獨文如泰華巔俎豆安溪真
 入室知交文定久忘年天南自昔稱多士淮北於
 今少此賢空有遺編記圭美虛無後嗣絕堪憐先
 著圭美堂集詢之宿
 邑人云後嗣竟絕也

畫亭詩草卷十二
 四
 太岳山房

皂河道中作

皂河道中作

東風挂帆正西指勢可瞬息行百里捲地奔濤撲
面飛終讓西來疾於駛綠陰深處肩輿輕扁舟迺
逐肩輿行依然遲速兩相及底羨獵獵風帆鳴世
間妙手誇能事自謂飛鷲有兩翅貪天之功為己
力安知人力皆天意君不見王子安馬當神助方
回瀾又不見馬少遊欵段下澤行復休乘風破浪
莫漫許按步徐行吾自主

望駱馬湖

去歲夏六月湖水正湯湯山雨復四合奔流歸六
塘經過沐陽郭漫岸欲灌墻來牟或漂沒半月驚
望洋今年湖水涸出瀟瀟涉滂聲如雷霆震復如
萬馬驟馮夷倘鼓怒其勢不可當洋溢乎遠邇方
得歸虛藏大河既南徙徐淮為險疆沐沂浸其北
兩水不相望諺云沂沐不相見相見成一片衆湖西南隅以時為
翁張沐陽居下流如釜窪中央溝洫不可復疏導
貴有方守圭急先務思慮宜預防

皂河早發

客路昧南北朝暉疑夕陽一川同岸白六月作秋
涼氣候僮陽似烟沙下相長徐山橫馬首曉樹影
茫茫

邳州舊城

秦經幾變城郭亦銷沉墜履知何處孤棚不可
尋風沙下邳道山色大河陰旅壁看題句編驚遠
別心旅舍壁間有碑

邳州荷花

方塘臨岸垂楊裏荷葉田田弄清曉
龍圖紅妝却羨華衣早昨宵塵土賺雙眸一角空
明為少留此似羅羅湖國忽請仙予止

彭城道中

奕望萬綠影沈沈清湖瀟瀟
積涼天憐子衣袂微寒暑氣漸
勞遠登心歸社石應恬澹海潮花
彭城懷古

彭城懷古

平陽起伏幾何知瀟瀟天濤入
赤伏聯聯波濤每發黃樓有年
河夕照波濤石方回象與在

黃樓

李生反黃樓今自方
城不用

誇東坡九日黃梅詩把酒對花容一獨自凭闌溯明德欲從神禹
問流沙

題徐長公破衣跣足圖

衲衣吾當披竹床吾合坐科頭理鬚髻赤足洗堀
堦野人但適性天壤我一箇云胡徐公子乃以遊
戲作鮮衣與怒馬見者避道過肘見而踵決去之
惟恐流結束偶殊異且暮分敬情恒情固如是一
笑不足唾世有飾觀者鮮不自誇大皮虎質則羊
衆眼誰識破高軒展圖畫我亦驚而訝於君爲變
相中已少纏裹若能現宰官亦設居士座譬彼大
上身說法無不可

畫亭詩草卷十二

七

太岳山房

約遊雲龍山雨阻不果

青山近接彭城郭白鶴曾依處士亭正擬薰風攜
蠟屐偏教急雨破銀瓶雲圍殿塔鈴猶語水落山
扉戶自扁明發樓陰渡河去三生石畔更誰經

告天鳥

告天鳥爾何爲草間不求活鼓翅拍拍冲天飛唇
焦吻燥初不惜意欲上告天公知告天鳥苦煩惱
曼倩餓死侏儒飽盜跡壽終顏子天張湯有後伯
道老告天鳥奈何許青天茫茫十萬八千里屈原

問天不語天雖不語天有主

燕子樓

十載空樓燕子飛冲天殊物詢知希白楊作柱休
相笑尙有春隨樊素歸

夜泊真州呈汪石蘭同年

蘆花楓葉思悠悠江北江南總繫愁兩槳寒湖辭
建業一帆明月過真州流年蟋蟀啼偏急世事蟬
螂轉未休誰向銀沙尋昔夢與君俱媿燕眠鷗

秦淮小詩次史堯賓韻四首

空江秋色片帆中又見清涼落照紅恰趁秦淮晚
潮入絲絲疎柳拂烏篷

畫亭詩草卷十二

八

太岳山房

碧水平沙龍尾灣嬌歌不是念家山傷心一覺青
溪夢只在詩人兩鬢間

好好會傳任洛陽新詩空賦杜秋娘而今夜雨梧
桐老在憶春風荳蔻香

吳霜楓冷荻花稀坐聽琵琶客總非錯認江州老

司馬酒痕零落一沾衣

秦淮水榭訪孔鶴莊家惠塘不值几上讀惠

塘小詩因留四絕句

重門剝啄幾經過怪是東籬步履多空負軒窗最

佳處不閉其奈主人何

秋水依然湛淥波仙家樓館隔銀河玉鉤簾影空
回首又是入天一剎那

離闌曉氣捲晴波珍重吳儂子夜歌老我心情真
漫與蘇州刺史意云何

子野頻年喚奈何春風秋月久蹉跎須知白髮三
千丈只聽紅兒一半歌

九月二十八日再過揚州晚雨懷石蘭

萍踪依舊放舟行磨蟻光陰笑此生久客帆檣揚
子渡新寒風雨佛狸城秋辭淮北人千里夢醒江

書言詩草卷十二

九 太岳山房

南雁一聲却憶汪倫分手處踏歌何限別離情

贈陳古漁

秦淮橋畔經過熟乍叩衙門識古漁四海交遊雙
鬢老百年風雅一樓居奚囊破錦原無價間氣中
典別有書檣散鄭虔還自笑何緣杜叟得相於

雞鳴山晚眺

絕頂浮圖樹杪攀雞鳴秋色擁屏顏魚鱗雁齒望
中盡犀甲吳戈劫後閑斥埃空連十廟汎夕陽猶
照六朝山東南天壘休回首終古消沉在此間

北極閣

城隅丹雘切高穹粉堞山樓四面通此地龍蛇蟠
傑閣當時雞犬識新豐一泓海水東流外萬里天
門北望中脫帽猶堪睇白髮蕭蕭木末起秋風

沿青溪至內教場

一曲青溪水風流憶頓家笙歌沉北里城郭認西
華舊刻名園竹新栽老圃花黃塵盤馬處驚絕護
巢鴉

寓齋獨夜

夜市河橋畫秋歌粉院春神仙邀上界笑語隔西
隣冷眼亦無謂歡場知幾巡天邊有明月空負白

書言詩草卷十二

十 太岳山房

頭人

屏山閣留贈非臺上人

閣外長江江外山天然圖畫滿松關忽招飛翠半
空落恰稱老僧終日閑色相定中諸念寂袈裟初
地夙緣慳那能結習都除盡獨對雲屏悟大還

登雨花臺

聚寶岡前送晚風聽經坡上望征鴻天高頗憶重
陽日寺古誰尋六代官半角虛亭空碧落四圍修
竹忽丹楓儘堪茅屋依山住又逐浮雲去海東

古漁招遊南郭小集長椿樓夜歸

小陽春裏晴郊外看遍僧房菊蕊殘曲逕通幽過
普德高樓買醉坐長干人烟城郭風猶古燈火河
橋夜未闌珍重元龍湖海意茲遊便覺百年難

次韻酬古漁見贈并以志別

直信傳書最感桓子雲身世太艱難熱腸每恨多
秋氣枵腹終慙負冷官起我論文孤月白與君分
手大江寒年來萬事渾拋却可奈離情別一端

秦淮作畫

攤燭河亭醉寫圖墨池雲起影模糊三更忽作秦
淮雨筆底精靈信有無時久不雨是夕忽雨戲成落句

畫亭詩草卷十二

太岳山房

為古漁作畫

入林更擬入山深小隱安知大隱心却寫幽居蒙
密意輸君蕭市自長吟

為敬夫先生作畫

木末高齋百尺餘更無塵迹混幽居白雲流水自
來去不礙山人閑讀書

次韻酬古漁見贈

水閣疎燈暗瑣窗清談蕭瑟憶荒江歡場昔夢三
生了文陣雄心百戰降日坐冰衙年閱七雪添塵
鏡鬢憐雙等閑俱是浮沉客却讓陳遵罄玉缸

秦淮寓齋旅夜有懷古漁

蒼茫真似宿江村客夜心情獨自論高枕酒醒孤
月落空樓風起一燈昏歌沉舊曲青溪水漏滴新
寒白下門此際相思莫惆悵黃河北去更銷魂

渡江寄古漁

扁舟一葉似輕鴻直上寒江巨浪中出套昔曾避
北客挂帆今得飽西風最高峰下午鐘香沙漫洲
前斜日紅為報行人安穩在長康破冢有郵筒

釣軒來沐贈詩次韻為答

柴車病僕走冰霜濱海相逢一草堂白水漁竿勞
問訊紅塵鞍馬憶清狂自憐遊宦心情減終羨家
山興味長歸思飄然君得計肯辜秋稼與春桑

畫亭詩草卷十二

太岳山房

畫亭詩草卷十二

畫亭詩草卷十三

江陰朱黼與持氏

飯雨集

淮陰漕院恭上德定圃夫子

國賦東南甲漕儲輓運勞襟喉開制府元老鎮神
臯舊列三台近兼臨六館高一從專節鉞幾度擁
旌旄撫馭雷瓊遍旬宣稂莠孳月澄珠海氣風靜
貝宮濤烏石方移檄黃河正復艚金章遲大吏王
粒會飛艘 簡命權虛位忠誠飭庶曹正供優百
萬積弊析釐毫澤喜軍民溥恩懷弟子切受書同

畫亭詩草卷十三

太岳山房

黃華咳明府俞夫人五十壽詩

赤縣荀陳宰清閨梁孟賓百年忠節舊一體德徽
新貽厥從江夏刑于媿有莘世家會賜帶女士本
無塵佐餒姑稱孝丸熊子戴仁寶看蒲穀貴捷聽
朔南頻大衍著初叶屠維悅乍陳月恒暉以日秋
早益於春禴翟仍為婦瓊璣恰應辰羣仙高會集
衆母兆民親王竿窺窗客琴堂在御人專城多內

助燕賀錫恩綸

施生慧中前索余畫付之裝潢家不知為何何

人持去裝潢者轉乞以償因戲題二絕

矣馬遺弓競嘆嗟好煩居士更塗鴉阿誰誤賞鮓
魚味合被旁人笑嗜痴

亂墨枯毫寫不休爭誇滿壁畫滄洲一樹神物應
飛去却愧當年顧庖頭

題畫

小艇穿溪捷平橋接岸齊人來舍南北堂啓瀛東
西簪冕輕蟬翼風塵信馬蹄買山吾夙願此境愜

畫亭詩草卷十三

太岳山房

幽栖

晚秋向陽僧舍

蒲團終日伴僧閒邊海風高客未還萬里烟波連
北渚滿城秋色對南山人懷細菊新霜外身在疎
槐舊夢間寺有老槐舊會商此不見風流石學士芙蓉江上
是鄉關石曼卿判海州身後為芙蓉城

西隅

四鎮周遭戶八千到門風雪壓鞍韉相看我亦飢
寒甚一例君恩乞俸錢

碧溪紅葉繞柴門絕勝仙源畫裏村獨立西風轉

惆悵夕陽雖好近黃昏

過宋家山

筍輿分遠色沙徑上平岡戶瘠秋畬少原空露積
荒高風盤鸛鶴淺水度牛羊指點峒崕北京華舊
夢長

重過徐氏山莊

迢遞三秋後經過七載前衡茆如避地喬木已參
天井識泉廉讓杯親酒聖賢卜居吾有慕知許結
隣偏

雨阻苗家寨

書亭詩草卷三

三 休岳山房

窮秋衝雨客小縣直西陲關霧迷黃草溝流漫雀
兒麥抽欣土潤葉落怯風披物色兼生態蕭蕭感
鬢絲

述異

四月廿二日狂風西北來拔木如靡草走石如揚
灰因之大雨雹雹大過芋魁茅屋飛鷺起瓦屋墜
粉摧皮骨破牛馬手足傷嬰孩居民駭喪魄掩耳
避疾雷須臾勢稍定黑雲東南頽起視我田苗糜
爛出根芟盈澆流湯湯積雹堆皚皚遲逾五六日
始見夷壘培曩聞特錯愕或恐訛言乖今來賑西

罔指點親見之久安耕鑿天此豈春秋災述異懷
申豐古論未可裁

塔山遇雪

塔山樵唱為流
陽入景之一

似以高標著翻於培塿行秋殘荒牧地風緊斷樵
聲石闕寒原迴飢稜古廟平漫天飛雪至不見雁
南征

與徐君別後二日復携酒至中途留酌口占

為贈

判袂已成別何期駕白駒主情同酒至客路為君
迂紅葉行堪把蒼山興不孤匆匆更東去落日野
踟躕

書亭詩草卷三

四 太岳山房

客夜

遠道窮於晚深村倦且投叩門如看竹高枕似乘
舟犬吠宵空警雞號夢未休清霜灑茅屋知到晝
樓頭

陳烈婦詩

孤燈總帳黯如漆清泪涓涓慘嗚咽霜刀落手人
不知一縷紅生頸中血同牢合昏經三年阿侯膝
下長齊肩傷哉兒天夫亦願誓以此身隨所天尊
孀堂上已頭皓截鼻何難對蒼昊隻雁然剩季

方九泉竟爾歸邱嫂輕生土風東海隅捐身殉夫
豈其愚卽非中府志激烈吾見亦罕憐區區賢侯
賦詩備彤史吾哀逝者筆再珥安定江夏繼誰子
潁川之門氏姓李

哭女

生兒不得育更復喪一女半百老夫婦相對惟爾
汝骨肉有分散百年豈終聚中途忽撒手抑鬱誰
與語女生十六載隨爺過淮浦五載依膝前婿來
相與處一載悉如合一載案常舉生女未百日婿
歸隔江渚一載不獲面長夜遽如許人生如弱草

書畫詩草卷十三

五

太岳山房

托命輕塵舞粲粲五日病駭作疾風羽道人多曠
觀忘情自太古荆棘挂敗絮若輩爲最得亡兒備
肝腸喪女割肺腑我性本下愚那解慧眼覩女生
不識家女死歸故土一世廿三載修短要有主誰
念孤獨悲仰天心自拊幽明泪同流鬼女傷父母

庭前桃李試花

拂簷紅杏吐一萼三尺天桃開灼灼紫燕來時恰
艷陽劉郎去後成蕭索蕭索還逢二月春薔華冉
冉度芳塵枝頭已化啼鶯血風底偏傷少女神紅
顏生比花枝好花枝不待紅顏老何愁種樹得花

運空負惜花常起早白髮禁春最可憐看花老眼
正悽然金鈴錦帳多情甚不向紅窗護少年

增至

何期終歲別重到作繆居事有非非想空應咄咄
書死生誠大矣兒女竟何如嗟爾黃門客青春泪
燕餘

試院作畫二首

文場曠墨上林巒絳帳旁邊擁座看不似東坡官
閣裏羊毫硃筆寫瓊環

拔幟詞壇記昔時飛騰手腕不知疲而今筆墨多

書畫詩草卷十三

六

太岳山房

無用只傍風簷作畫師

題潘均堂先生示兒畫冊四首

平泉花木繫心魂一笏傳家久尙存畢竟高人最

風雅寫將詩畫與兒孫

安排邱壑閑偏稱供養雲烟老更怡想見晴窗課

兒讀甲唔聲裏吮毫時

倪迂逸品大痴神二者能兼得幾人一筆何曾付

閑客只留手澤百年新

開函合浣薔薇露讀畫如觀索靖碑五十年華心

力盡空於天半望峨嵋

莫春荻莊雨中集次少陵重過何氏韻五

首

陪從勞場屋周旋倦簿書得閑招酒伴于野款精
廬桐立迎人鶴池浮啖絮魚莫嫌疎雨急好就釣
篷居

渡橋莎漸濕遠徑樹初移北垞如華子南園有客
兒雲生沈日閣水滿浸山陂憶昔晴遊處相望隔
短籬

襖飲當三月春光復幾時偶來俱作客老去莫題
詩濁酒粘花片輕舸絆柳絲陰晴倘多暇隨分與

董孝詩重卷十三

七

太岳山房

君期

軒窗翠深處偶坐興偏長高詠天三尺清言茗一
槍與居甘木石所願匪膏粱恰似襄陽帖山樵遇

上皇

重來稀舊侶彈指忽三年半折風前竹平添雨後
泉客遊皆宦海世事幾桑田待赴紅榴約經過恐
惘然

五月十一日雨中歸自淮陰中途漫述

泥深三尺黃河渡渡河北行雨如霧見說僮陽積
水圍歸來中道頻驚顛疲驢旋灣騎不成肩輿作

船衝波行僕夫高擎勢杌裡摺挂足縮怖有聲

然出險就平陸數武依然阻洄洑却愁及潮輿中

人東版承之手為軸最後水沒徐家梁牛馬不辨

流湯湯過者如遊倮人國長官捉船船奔藏僅陽

窪下如釜底東隅薄海三百里山河田水歸東流

六千頃地得治理湖東之口高比山尾間乃致心

腹患自來官司不暇問淫雨復值天心慳開封决

口不可塞浩蕩河流趨邵伯九曲頻勞宵肝憂一

方忍棄溝涂迹又報城河漲遠灘浸尋拍岸起驚

瀾黎民未卜秋禾實且莫高歌行路難

董孝詩重卷十三

八

太岳山房

寄春明

得鹿寧必真失馬詎非福恒人惜雞肋好鳥遷喬
木托君為比隣十載步芳躅擊柝聞於邾望影餘

幽獨飄風一朝會去若水赴谷羈孤已寡歡乃復

剪骨月俯仰宇宙寬萬物歸墟蹟冥然念身世白

日誰照燭君心老益壯氣盛壓場屋自來文字素

不讓酒杯速能不卑小官倘欲奪大齋三舍昔猶

避况今走才于棄置勿復道引領方遑囑庶幾

榆收慰以雙鴻鵠

响陽官舍贈上杜霞峯同年

山列屏封海抱城衙齋燕坐有餘清高吟本自推
工部余判何妨繼曼卿正喜聞官新入幕獨漸屬
吏舊同盟相逢似作雲安客麴米春波百稜傾

傷小僕

萬事都不料禍害及銀鹿辱焉一稚子無故挂於
木昨晚飯不竟投箸誰迫促三更滅跡影清曉
牆角人心具惻隱有生同鞠育若兒猶吾兒豈必
論僮僕茲僅少而慧役使隨率督條為鬼所弄念
之為鬼惡室須臾高明貪亂合茶毒真冥若無睹
氣餒不敢觸獨於苦寒士拍手挪揄熟厄我不足
較何至僕為僇汪綺聖勿傷我漫以詩哭從今破
錦囊負者更誰逐

畫亭詩草卷十三

九 太岳山房

八月二十六日甥妾生子余年五十一矣研
北山長賀以詩次韻奉答

敢擬商瞿得子遲漫誇仙果其矜奇且欣乃夢今
能驗安手蟠桃撥一枝半月前妾夢人授
一大桃吞食之
充問照社總休論湯餅猶然會一門莫笑旁人悞
相告計年緣竹合生孫時蓋有謂
余生孫者
不讀陶朱致富書一瓊何似佩金魚原知萬事生
兒足却嘆蕭蕭半百餘

巾箱故業素心知老去江花剩幾枝不用新詩嘲
小德濟夫著論待何時

半載江淮愜澗深那知浮磬誕高琳尺書特地傳
蘇蕙此是年來一好音

大士臺前得未曾去秋余曾以得未曾有許將暗
四字匾額獻大士佛座
笑比迦陵人間果有三生石又累前身苦行僧

胸陽寓齋題壁

疎櫺雪洞護新寒竹短苔荒卸藥欄黃葉打窗留
客聽青山入座隔牆看慚無實學程多士笑有虛
名攝兩官暫借高齋成信宿僮陽西望鎖雲巒

畫亭詩草卷十三

十 太岳山房

出鎮海門渡黑風口

十里經行犖犖堆臨河晚棹似浮杯山頭紅日啣
半角渡口黑風吹幾回便可揚帆尋海珮不愁無
路上雲臺豈知未了塵緣客只向征途得得來

過板浦

平原斥鹵漸為場鹽阜纍纍古道旁客指東南趨
板浦人誇都會冠胸陽懸燈茅店干門聚款枕篷
窗一水長却少吳娘歌歎乃錯尋歸夢入江鄉

舟過大伊山下

飛嵐曾望有無中忽傍巖崖送短篷東注一溪分

濱水南行十月打頭風山田待涸耨晚市船趨
商負販通稍喜人烟成聚落那堪溥海遍哀鴻

湖菴小愁

鐘魚不聽梵虛堂邪許傳聲度隔牆百丈隄邊窮
日夜千帆屋角若奔忙臨流慧目看塵劫入世浮
踪少定方悟得維摩微笑意達官居士費周章

再過湖菴坐雨

湖坊古寺劫來過坐聽瀟瀟響薜蘿積水平沙行
不得寒風疎雨意如何飄搖衰柳啼烏急蒼莽遙
天去雁多一酌村醪容易醉觀心無地證維摩

畫堂詩草卷三

七 太岳山房

望水

經徐漫海浩無邊自夏徂冬又一年陸地編氓皆
島戶橫流大壑是原田六塘舊識歸翰捷七閘今
宜啓閉便立法由來原雨得如何赤子嘆顛連

湖汭泛舟

汪陂千頃淨漣漪不動微風打槳遲望遠舟行人
倒影臨虛沙塌樹橫枝鷗波景物環溪勝魚斲生
涯傍水宜誰向洋洋歌泌水衡門幾處樂餽飢

夜投孟家廟

旅塘隔岸不通行喚渡溪邊宿鳥驚換得野航浮

一葉經過籬落逼初更疎燈破廟寒無夢獨樹空
階夜有聲此際飛魂向何處暗風吹雨到天明

廟中古柏

盤空天矯出高巔屈鐵垂金復幾年寫比法書真
瘦硬立如老鶴欲飛驚荒村塵土誰相賞古廟精
靈此可傳見說一株風雨拔獨留蒼翠豈徒然

新安鎮有嘆

飛簷萬瓦暗長衢客姓當時此結廬二百年來生
長地三千里外愁遷居故家豆剖瓜分後舊業花
凋葉落餘不是入門親見得何緣興廢動躊躇

畫堂詩草卷三

七 太岳山房

小憇村舍於案頭書帙中抽閱舊册一本詩

詞字法俱佳惜不得其名字但署號水村

圖印有謝姓歲在康熙中年感而賦此

吾爾清詩共小詞兼看書法妙臨池自然晉代多
蕭灑何必唐人不等夷金錯昔為朋好贈瑤華今
少姓名垂千秋寂寞俱如此短册閑繙鎮自悲

新安僧舍壁間有石頭道人不了畫樹石下

不置地屋在空中水中余慮其意有所托也

為補成之并題一絕

慈悲佛力付空虛誰拯羣生出沮洳廣廈萬間安

得庇且將陸地與人居

雙廟行

睢陽城頭礮火紅
睢陽城中雀鼠空
張公勁卒救不及
高呼南八為鬼雄
六軍倉皇走西蜀
馬鬼灑洞空埋玉君
王棄國如敝屣
臣子殺身猶不足
殺身無益去可羞
伊誰蔽遮功最邁
當時豈辦一死休
扶危志與汾陽侔
君不見崢嶸古廟表
雙烈朱旗天閃南
雷節階前屈膝爾
何人鑄得千秋賀蘭鐵

晚菘次黃華陔明府韻二首

書亭詩草卷三

三

太崑山房

做得人間百事難
阿誰擊節對蔬盤
滑隨雪煮彫胡熟
脆憶雲生棘樹寒
為我深冬留旨蓄
憑吾晚食飽珍餐
山家况味兼僧俗
何必開堂學挂單
向秀平生甘淡泊
王維齋供足清馨
久從老圃傳佳種
新得場師訂食經
下箸喜留霜後白
為菹不改雨中青
荒園踏破知何日
應笑頻年在兩丁

古藤再次元韻二首

削幹成條瘦一身
同為植物自超倫
蒼分松鱗千年鐵
翠引苔延萬古春
屈曲風烟餘老態
鬱蟠天地出高峒
相憐獨有青蘿月
石上因依久更親

幽蟉合以不材全
百尺依然走蠖蜒
化作一龍來絕域
生成九節自何年
高山仰亦隨時俯
繞指柔能閱世堅
白傅微詞應有諷
莫將銘戒悞饒鱗

小兒懷壽寄履齋作第三子履齋名之曰嵩

年賦長句為謝

呱呱提抱荷嘉名
雁序君家愧寧馨
樹有寄生為寓木
虫勞果贏負螟蛉
乍憐乳臭彌三月
敢覬書香借一經
徼倖希夷乞長算
叨陪鯉對待趨庭

己亥除夕

大半光陰變態窮
敢將剝復問天公
一千里外隻

書亭詩草卷三

十四

太崑山房

身老五十年前
百事空
客祭友隣
韓吏部再生兒
慰顧逋翁欣逢
除夕青陽
屆枯木回春
亦受風

畫亭詩草卷十三

畫亭詩草卷十四

江陰朱黼與持氏

續古集

庚子元旦

由庚觀物態開子見天心尙剪朱門綵誰抽白髮
簪宦情新釀薄詩卷舊交深待學西崑體驕兒入
妙吟

元宵大雪

佳節年年做玉京忽看飛雪舞新正別開皓月清
虛府絕勝春燈不夜城火樹著花成六出星橋流
水凍三更只應紅燭笙歌院禁得嬌寒酒面生

十九日

老大傷哀樂經過愴別離空餘謝庭句誰學杜陵
眉額點春花後燈分夜續時情騰又今歲往事忍
尋思

二月二日赴下相

積雨亦暫歇濕雲猶未開春林動佳氣綠岸無纖
埃適作遠行客言尋戲馬臺不辜挑菜節便擬踏
青來

初六日下相迎

鑾恭紀

仗發龍泉曉氣清峒嶠山下御街平飛黃冀
北空羣馬新翠江南第一程

聖澤自同

天壽承春風多傍

屬車生微臣更得瞻

雲日猶憶當年

賜錦榮

乙酉歲雨阻山塘宿顧氏高樓曾賦詩云沽

酒山塘雨居停許醉賦客心柔舫外吳唱

畫亭詩草卷十四

太岳山別

畫樓前香散重簾霧鐘沈萬樹烟明朝春

漲滿爭放木蘭船維時和者梁溪王春明

寶山范瘦生莊沅舸上海毛東山嘉定嚴

二如日月遷流索居流陽已十載往事都

不復記憶忽檢此稿如尋舊遊因次前韻

再賦其能無飄然身世之感耶

十五年前客於今閉戶眠晨星遶天末夢兩虎山

前泊岸曾沽酒登樓恰禁烟嗟箋漫展觸香已泛

虛船

春晚閑居二首

閑居真與性相宜，節物惟應野客知。
風急青梅懸樹少，雨稀新笋出林遲。
仰看飛鳥雲陰過，卧讀殘書日影移。
自喜蕭齋無一事，莫嫌官職負心期。
綠陰深處掩荆扉，落盡榆錢一徑微。
燕子日長無熟客，楊花風暖有生衣。
春於三月消殘夢，人過中年悟息機。
靜裊茶烟禪榻畔，此閒心跡未全非。

秦淮紀雨

三郎鼓聲半空墮，琵琶急節銀餅破。
玉碎雕簷萬瓦鳴，珠跳碧海長鯨唾。
桃笙七尺竹匡床，雨師夢裏驚羲皇。
起視西山日杲杲，却顧鍾阜雲茫茫。
秋田雲子方胎白，桔槔爭水無虛日。
喜瀉銅仙承露盤，只礙秦淮冶遊客。
打槳清歌雨不休，穿簾花氣又勾留。
三更唱徹吳娘曲，別有新涼入畫樓。

題黃海槎先生秋山讀書圖四首

淮海清尊已六年，白門相見故依然。
袖中一卷秋山意，知是三生未了緣。

隱几長吟復短吟，白頭未改少年心。
世間至味知何物，須向酸醜以外尋。

霜華點染上亭臯，秋樹根邊坐幾遭。
識得會心孤絕處，涼寥天氣萬山高。

絕處涼寥天氣萬山高

齋豚望走粉，耘回首家山隔暮雲。
苦戀一官拋萬卷，兩般俱愧不如君。

由朝陽門至龍鎮

舊識朝陽郭，川原古道旁。
松杉交晚翠，纓徑入秋香。
挂席知江近，看山忘路長。
若為歸計好，魚稻是家鄉。

龍潭中秋

客路看明月，天邊負好秋。
亂山如馬過，小市認家投。
燈火尋茅店，笙竽隔畫樓。
阿誰歌水調，江上有扁舟。

書詩草卷四

四 太岳山房

過江由瓜步至揚州

丁卯橋邊買棹成，帶江船放布帆輕。
當頭斜日侵波下，却背寒山隔岸平。
楊柳半灣藏古廟，荻蒲一道入空城。
今宵明月揚州路，何處重尋歌吹聲。

聞何寅照亡

十載金臺別，歸遺袁浦書。
自憐身更遠，誰料命都虛。
新婦津門隔，高堂故里居。
微官竟何意，天道足歎歎。

呂生士濟十四歲補泲學弟子員，赴庚子鄉試，以病歸卒於寶應。途次甫十九歲，聚婦

歎歎

一年耳哭之以詩

玉樹胡輕折尤憐旅殯回鵬誰演北徒鵬已座淵
來渺渺還鄉夢英英弱冠才心傷過吾黨何况一
門哀

哭馮小峯

行論文久不忘驚傳哀耗熱中腸畢生積學邀
半第漫世相思各一方憐我長貧筋力憊嗟君未
老鬢毛蒼而今果作千秋別目斷江雲泪幾行

次韻奉酬黃華咳明府留別三首

幾輩功名費濯磨如君經術古人過儒生未必操

畫詩草卷十四

五 太岳山房

刀拙能吏真須讀律多乍喜不齊來單父空勞虛

詔治朝歌世間倚重原非計今昔何須論唯阿

杭嘉餘讓姚江繼維浙多材可頡頏到此都如傳

舍客笑余似老釣遊鄉羌無風翻漠何徒暫驟霜

蹄道豈忘墨綬金章君故物計年報政日方長

委佩囊裳一例從不驚寵辱自從容即看宦海終

飛渡豈少專城足剖封世事須乘真處假交情誰

向淡中濃只愁鄙吝重萌處叔度何緣得再逢

庚子嘉平中浣三日諸同寅讌集小齋賦劇

餞別華陰明府賦呈二絕

重簾複帳護周遭把琰圍爐聚故交暫覺薄寒能
中酒春風指顧動梅梢

竿木逢場百態生舞衫歌扇總牽情休嫌不入吳
敵調便作陽關第四聲

辛丑元宵嶧亭觀察招飲感懷往事漫賦長

詩

城隅柳色新正破七日官梅早飄墮第一良宵太
乙祠人間勝事誰虛過華館欣隨秉燭遊哦詩讀
曲停清謳階前列炬鳴鴉散座上傳柑綠蟻浮酒
闌爆竹當空墜火樹銀花驚拔幟見鄉園不夜

畫詩草卷十四

六 太岳山房

天兼懷古汴追懼地江城簫鼓最喧闐獅吼龍騰

各競先黃昏飽飯聲如沸拍手兒童喜欲顛中州

昔日逢佳節大纛高牙燈火集紅燭千條接鼓樓

暗塵十里連相國果然風景似長安贏得繁華逆

旅看也識都門官市勝終陪清夜短燼殘十年沽

盡儘陽酒不養朱顏成皓首竹馬方牽繞膝兒春

燈誰識插花手餘寒鎮日捲風烟冷署冰衙恰靜

便老大渾忘遊碧落招邀還許醉藍田藍田世美

簪纓繼太行左右資環衛甲第生春擁故園辛盤

奉母承仙破男兒少壯喜飛騫何異分光在上元

萬象總輸春氣早微生空付酒瀾翻起撫闌干都
拍遍金吾何處催銀箭翹首青天一放歌月華滿
地明如霰

觀察次韻酬示再賦報謝

春宵雨歇曉雲破卯飲方招劉白墮忽傳長者報
瓊瑤紙長喜讀百回過拙吟聊寫汗漫遊醉中結
習成伊謳直緣佳味飫樓護不免躁氣嫌朱浮東
平先生岸幘墜當筵徑欲舉酒幟爾時頗笑文字
飲豈知筆力破餘地詞壇振旅聲闐闐大勇肯讓
小敵先徐行按轡驚細柳棘門灞上真狂顛書生
五十及暮節空憶壯年盛氣集英才敢望摧五字
善士差善友一國得陪徐樂與嚴安獻賦還同獻
策看繡虎才名終退避瘦羊博士已衰殘誰歟乞
錢可沽酒改罷新詩幾搔首投謝方成郊島篇報
章漫荷張蘇手霜毫吐光生紫烟碎金屑玉任所
便非驕褐夫錦繡段似惠貧子膏腴田香凝燕寢
焚膏繼兩行畫戟森兵衛自饒風雅追水曹底用
神仙披羽帔此都人士誇騰騫不識開寶忘貞元
文章政事熟兼舉維公健者一手翻落燈風定高
歌遍彈指桃花催竹箭珍重烏絲擘孟飯三春忍

書詩草卷十四

七 太岳山房

貧花如霰

澄江八景詩 并敘

凡邑乘志景務以八此俗例也不及數則
牽涉附會以足之殊為識者所鄙笑余會
閱一志忘其邑獨志其七蓋舉其實也吾
邑八景相沿於昔至蔡邑侯重修邑志別
為改訂然亦不免增飾一二不足為典常
也余辭家幾二十載一羶戀戀聊為衣食
計而先子釣遊之地無日不往來於心目
間爰就蔡志八景各賦一章山靈有知當
念余不忘息壤也其中時事之遷流境地
之興廢竊不禁感慨係之焉時辛丑花朝
沅陽學舍作

書詩草卷十四

八 太岳山房

蓉城曉烟 余邑為芙蓉城見東坡咏王子
城與人烟相繚繞少陵詩云千家山郭靜
朝暉日日江頭坐翠微殆為吾邑設也
喚起城烏影漸通明星欲落翠濛濛芙蓉百雉晨
光裏楊柳千門曉氣中江上樓臺方吐日山間鐘
磬早隨風他時更擬誇除夕烟火家家返照紅
石灣春霽 由君山北麓迤東至鸞鼻峯下
時桃花夾路山有仙人洞江濱多青紅石
子遊人載酒者咸流連其地不忍去復有

大石灣在長山北有天臺石屋諸勝以地遠人不恒到邑人呼此地為小石灣

東郊北郭選良辰踏遍晴陽到水濱芳草青添三月酒桃花紅漲一江春輕衫過澗疑雷雨短棹尋

源許問津吹笛看雲名士老空勞醉客卧苔茵

奎閣層雲興國寺有浮圖七級相傳建自赤烏年間蓋閣二千餘年矣直

文廟之南廟前為映塔池其塔玲瓏秀拔視他處為獨勝惟洛陽白馬寺一塔頗相

似余曾見之近聞余邑之塔口就毀敗幾於傾圮募捐之費半飽私橐可嘆也

火文明勝象開泮林前面七層臺映池塔自當

空挂歷級雲從絕頂回乍覺高標凌北斗却看佳

氣接中台如何初地嗟零落辜負黃金佈施來

書亭詩草卷四 九 大岳山房

巫門夜雨鎮山在東長山在西巫山居江水中在北如門然遇雨集至翻

夜聲益盛余少時曾往來於此今巫山已登平陸但北崖臨江耳

晚霧昏烟做雨成石牌東畔雜潮鳴四山風急聲

初下孤艇燈消夢忽驚見說滄桑漲沙路曾經信

宿住柴荆何時策笠歸休去穩卧江干老此生

揚子秋濤江入江南界自采石燕子磯過金焦山經吾邑之東北入海蓋揚子江為江之尾閘矣中秋後登君山望

江樓雪浪湖空驚濤拍案廣陵曲江未足也奇

百丈潮頭氣吐吞江樓縱目動心魂滔天雪色來

京口殷地雷聲走海門大有魚龍乘水勢不關風

雨失沙痕清秋高興知何極傾倒山巔五石樽

鷺峯積雪鷺鼻山一名瞰江山本黃山之支峯橫亘於江積雪未消狀似

白鷺伸鼻極相似

瞰江巖壑斷行踪積雪皚皚到暮冬青女長辭紅

葉渡黃山遙見白鷺峯沙寒水落仍埋石寺冷雲

歸不辨松疑是許由栖隱地依然太古六花封

前湖滌月前湖湖也今則池耳舊志載蔡烈女殉節於此鄉人即湖上建祠祀之祠左為女僧菴俗呼為七娘廟

廟有銀杏樹覆於城蓋祠與湖俱傍城也

剝水成池尚號湖湖邊清夜踏菰蒲波心皓月方

沈璧鏡面微風不定珠怖鴿繙經依佛火寒鴉集

木隱城隅獨留雪魄冰魂在邀得嫦娥作伴無

盤石流泉君山本無泉雨後山水聚於崖足好事者遂以泉聞於長官官

為建亭榭今已久廢

君峯靈脉來何處浮玉原知水底潛忽報天漿一

杓滿爭誇崖蜜十分甜神仙窟穴空翻動裙屐風

流自不嫌四十年間埋沒盡何從石隙辨貪廉

賦得華山松

巨靈劈太華萬古留仙掌仙人指爪種喬松至今

黛色三千丈蒼龍嶺上白雲屯擦耳崖邊月一痕

此松生長忘歲月但見羣峯以下萬樹羅列環兒

書亭詩草卷四 十 大岳山房

孫魏王之瓠容五石拙於用大笑無益斷得松身
作杖扶人間自有蓬萊客

華陔明府從吳門致書并寄長句過為推獎

次韻奉答二首

飛箋遠道落青春客邸猶煩屬念頻憶我胥江遊
跡舊嗟君茂苑別情新漢張京兆辭官日故李將
軍射虎人暫得閒中思往事一篇珍重贈汪倫
筆墨蹉跎三十春寸心得失悔常頻青燈未了長
吟苦白首方成傾蓋新江夏無雙仍作客功名第
一更何人司空圖詩儂家自有麒麟君家詩卷其餘
麟閣第一功名只賞詩

書詩草卷十四

七
太古山房

事合笑疎狂少等倫

春雨遣懷二首

不見燕飛拂短簷青衫朝暮寒暖兼三番風信春
已半一夜雨聲花未添清波入研動墨沼細霧出
鼎紫書籤老夫獨坐頗蕭索杯酒滿斟聊復拈
絕少新笋滿林生柳芽甫覺纖纖萌過淮百里殊
氣候今年二月多陰晴握別附書已半載不眠聞
漏當五更江南杏花足春雨良友此時空復情

十樓懷古詩

飛翼樓

鼓吹猶疑士馬趨卧龍高處小姑蘇謀非蠶種誰
存越勝歷東南竟沼吳山雨颯來飛角振江流暗
繞畫欄紆功劍目斷鴟夷去獨有孤墳葬大夫

清嘯樓

典午中原虎豹吞并州猶復困劉琨數聲長嘯孤
城動一夜哀笳萬馬奔祖逖同心曾起舞盧諶常
語豈忘恩獨留字字風雲氣表奏詩篇總斷魂

迷樓

錦纜牽來翠袖攜更煩妙手接天梯爭看花葉常
相綴自謂神仙到亦迷螢苑夜長憐閃閃雷塘春
盡草萋萋憑他死殉江都好不管虬髯起隴西

書詩草卷十四

七
太古山房

華萼樓

戡亂親經剪藥芽開元初政史臣誇未看拂檻木
芍藥絕好滿樓棠棣華興慶池邊俄雨泣延秋門
外忽天涯五王何處張幃幄蜀道歸來已破家

籌邊樓

衛公相業魁唐季先溯西川出鎮年兩道山河如
聚米一樓圖畫為籌邊傾危俱與僉王孫精爽還
從夢寐傳只有維州遺恨在塞垣衰草斷孤烟

齊雲樓

琪尾流離萬乘驅齊雲樓上泪沾濡
贅疣尙莖沉痾起孤注終歸博局輸
一代衣冠銷白馬九重官殿走妖狐
郎當莫笑三郎億得似聞鈴劍閣無

鎮海樓

四面湖山勢鬱盤龍飛鳳舞萃臨安
射潮強弩餘豪氣鎮海高樓足大觀
術士占星言果驗將軍衣錦樹猶完
而今絕勝繁華地蔓草荒碑試一看

百尺樓

朱拱雕楹錦作團閑中書畫醉中歡
那知大將干戈捷不待嬌娥歌舞殘
金縷提來誰點履玉笙吹徹獨凭闌
無端燈火焚樓夜卧聽潏潏泚水寒

梳裏樓

鞍馬爲家男婦優指麾軍旅共溫柔
春風忽度銀釵嶺兵氣猶藏梳裏樓
掃地有時臨大敵回心無處奏清謳
還聞廷草傳奇巧三殿何曾得並留

閩江樓

山雄獅子冠層樓法駕登臨百戰休
圭璧初沉翹海若甲兵已洗滌陽侯
高憑天塹金甌固飛渡燕師鐵騎
稠缺月照江風浪作空嗟帶礪負貽謀

十臺懷古詩

姑蘇臺

雲霞高擁太湖邊築自夫椒敗越年
美女纔辭浣紗石君王已上采蓮船
五千甲楯真毫末七十宰嚭在眼前
太息甬東終一去不看麋鹿走荒烟

黃金臺

國士千秋感遇深先從隗始得知音
報仇豈料廿八載買骨何妨五百金
春雨郎山仙藥長寒風易水夕陽沉
他年把酒悲歌處猶見荆軻一片心

野臺

常山北去接中山東矚烏丸到海關
直使秦王驚獐狀果然吳女炫紅顏
寶符早得歸雄傑雀穀飢探嘆老屏
截業九門誰更出亂峯如畫冷烟鬟

望海臺

築罷長城海上來已周南極又蒲臺
徒驚鼓浪神魚出不見求仙徐市回
方丈瀛洲風輒引金泥玉檢帝須開
阿房多少如花女盼得輻涼捲暮埃

戲馬臺

鴻溝割罷倒旌麾歸馬彭城控縱隨
九戰氣曾吞鉅鹿萬人敵亦仗烏騅
解鞍諸將爲王日馳檄空江擊帝時
畢竟英雄計疎濶那能臺下老權奇

歌風臺

擊布歸來父老俱故鄉高會劇慳娛卯金此日新
天子豐沛當年舊酒徒十面成功真一快四方無
事轉多虞臨風省識悲歌意應嘆韓彭不丈夫

朝漢臺

圖基螺道踏飛霞杳杳天低認漢家帝號幾人容
交竊賜書大度更誰夸一雙白璧臣何惜寸萬樓
船事可嗟剩有素馨三角市絕勝臺畔噪寒鴉

通天臺

甘泉宮裏見神京縹緲真疑近太清俯視蜚廉開

畫亭詩草卷十四

五 太岳山房

柱觀平看沈瀼滴金莖乾封謾說三年學中岳親

聞萬歲聲甲帳珠簾零落盡經過悽絕沈初明

銅雀臺

結屋譙東自不妨居然橫架舞堂皇故都宮闕無
衰漢亂世奸雄有魏王抔土生前多作塚諸姬身
後共分香却教片瓦留千古醺筆從人議短長

凌歊臺

新洲已震寄奴名避暑離宮帝業成兩晉亂餘須
偃息萬松頂上最高明中原北望心猶壯耕具微
時手自擎誰賦三千歌舞伎擗蕩風骨本崢嶸

聽蕭如和尚彈琴

拈花妙手拂朱絃一曲關雎正渺然玉軫金徽空
色相松風水月最清圓心凝丈室旃檀氣甲坼層
臺芍藥烟那得腸中置冰炭在家開土久安禪

畫亭詩草卷十四

五 太岳山房

畫亭詩草卷十四



董亭詩草卷十五

續古集二

胸陽僧院獨坐

南宗文公
香會
香會

桐枝發新陰槐葉叢古翠檐間一鳥鳴
置我如退院僧入定便出世澄然見心性合眼照
有會海溟節候別四月凜寒意來牟慮滯霖車馬
淹僕隸先生莞爾笑何事可預計支願望南山白
雲散無際

四月中浣十日同鄭子川王鵠亭陳月川履

書亭詩草卷五

一
太岳山房

齋飲胸陽陳氏書堂翼日藹亭招飲漫賦

長句

宿酒蒙頭又夙興邀登高館日初升已過風雨簾
堪捲不礙雲山几可凭紗帽彈碁隨客便玉簫按
曲記吾曾傾杯莫問簷花落醉裡狂歌笑少陵

題李少尹立堂淨香圖四首

四至堂前楊柳青暑風輕度綠莎汀蔗漿茗椀煩
織手一院荷香繞錦屏

青春朱夏競韶光去住隨緣雨不妨

寫圖時正得
解長沙在得

似蓮花心性好炎蒸三伏亦清涼

香山居士前身是詩卷曾吟繞郭花留得櫻桃多
結子不知飛絮落誰家

仙尉年來鬢已華湘南回首斷雲沙別開老眼看
溟渤雪藕如船十丈花

無子冬補
在沐陽

詩畫應劉明府

紅榴綻朱夏地鵬條已運整兼辭陽精覺清汗
拭今春港卧久數月廢編歸百藥不醫懶瀟絕到
筆墨劉侯畫佳紙常畫僅一尺我匪能事者詎敢
謝促飲酒然脫冠巾見微興仍剩爾曾任意置林
木信手捕踈除屋茅屋獨士靜布席借問此何人

書亭詩草卷五

二
太岳山房

定非名利客項為胸陽遊風洞探白璧濯濯擁重
山我我立怪石雲壑渺東海可望不可即靈氣愧
神仙息影就蓬萊真爽安足較皦然從吾適誰歎
補穢子勞形徒自役

送陳貳尹韓越歸梅州

松蘿花縣久寬閑湖海循良得賜環仕宦春秋三
紀歷科名甲子一周還到來僚友推前輩歸去際
會侍咲顏策杖錦江亭畔路希夷昔與列仙班

孫母許太孺人節孝詩

撫孤與保家婦節之大者芳型不概見蘭出孫氏

寡吾宗太岳後淑質儼儒雅結禱歸於孫一鏡中
歲墮孤嫠痛未亡熒獨無一荷維時家難與蚕食
意最叵破產遭不造推埋蓮奇禍憤泣訴官司始
得免顛播婦人無非儀酒食議厨下此如佩瓊瑤
徐行自婀娜若夫際艱危有如迫水火須臾蛟龍
吞頃刻皮骨楮提攜先兒女擁衛到簷瓦終焉脫
險出誰則安置妥迄今廿餘載沉沉一堂夥毋訓
燕詒垂天休積善荷積善非一朝存沒感里社荐
飢倉廩開掩路高原捨彌留抱遺憾祠譜阿未果
諸凡丈夫事尚計身後補哲嗣求不刊短章但翠

書亭詩草卷五

三

太岳山房

寫煌煌當途褒彰史徵諸野

聞家人夢中語余前生爲僧頗有道行余自

驗半生遭遇約畧相似感歎之餘記以長

句

五十二年素願違當頭忽爾破禪機壽星寺裡前

身在夏口村中舊侶稀風雨半龕虛傳舍雲山一

粥老儒衣伊誰乞食歌姬院莫向裴休辨是非

後夜復夢於室中高處取兩太篋啟之則玉

帶各一圍覺而語余因并記其事

不信傳燈老萬回錦袍玉帶尚光輝斜那忽復成

孤夢什襲何緣見兩圍顧我平生嗟骨相爲誰遠
想腸牙辨他時倘作金山客始悟前因有化機

王十二春明在贛榆日曾賦四無詩謂米也

柴也酒也錢也今復任虛江不見者四豈

矣沈贛兄弟之國而余久居泮陽豈有幸

耶爰和四詩以膏其概

米

大似淵明瓶罄年此風差不媿前賢婦來厨下巧

何益兒索門吏痴可憐紅稻有秋穰隔歲黃雲入

夏正盈阡先生氣得神仙迥碎數奇方置肘邊

書亭詩草卷五

四

太岳山房

柴

折桂堪燒有幾株終朝釜底斷吹虛季倫百萬蠟

足用翁子一擔吾不如焦尾久仄誰抱火勞薪知

味已無車隣家露積高於屋乞與荒厨捆載餘

酒

黃封敢望一壺掛紅友還教惹潤深徒手何來掃

愁帚空杯便是無絃琴未應北海豪情減遂覺東

臯官興沉指點青帘賒不得苦貧也動放翁心

錢

那解平生子母籌枉教姪女共縹緲周遭阿堵誰

自嫌蓬蓬蓬蓬久不留逐臭夫為青眼客絕交書
到游泉疾若兄大有炎涼態何必南陽問魯褒

瀟湘文選一百二卷壽詩重九日

蓬蓬蓬蓬蓬蓬蓬蓬蓬蓬蓬蓬蓬蓬蓬蓬蓬蓬蓬蓬
廿歲已閱三萬六千場賜金賜額 帝恩渥天知

地鄉姓氏香昇平坊下進菊酒再周花甲幾重陽

客院夢花和查山長

細參臍臍色正鮮高枝小穗亦翩然移來瑣閣虛

意外憶着滄江釣艇前孤米雲披同曠望菊花秋

影共洞然而今寂寞蒼蒼冷留伴詩翁立暮烟

壽詩重九

重九前一日自華沖抵海州界過訪武二枕

同年不復留贈長句

紅葉疎林夾岸長高風生息曉蒼涼垂沖去呼

涉難柳口東來見草堂遊跡田間人自遠關心藥

麥黍生香桂家驛子能留客却負蕙花堪菊黃

重九日渡清湖湖

作賦尊翁是大夫曩宴羣九播茶莫老來自歎才

猶盡只台為舟泛小湖

河決于首

河決幽天意人謀誰敢強水仍千里曲隈木一年

支黃運歸輪久東南措置宜如何煩
虞慮浩蕩念其咨

急溜河頻引平流淤更肥累棊憑作障奔馬忽衝

圍瓠子金刀破庚辰鐵鎖飛封人猶望邑誰遣過

郊圻

荷澤居誠下挑墟勢已張伏流誰淪濟略地莫觀

棠口塞荆隆廣河通賈魯長神功賜昭應古意豈

淪亡

壤接重湖溢山圍一領開全趨東郡水尤甚偏陽

災雉堞仙人島鮫宮漢主臺招覓哀守土闕海幾

壽詩草卷五

時回邑宰陳公麟歿於水陳舊者沐陽賦尹與余同官係閩龍巖人

客歲邛隄就重聞入夏隳徐民甚矣憊高堰岌乎

危東下久沉陸南傾未障岐漫工多緊急羽檄幾

飛馳

舊說徐僮接散材忽自今遠供獨憊履比戶正浮

沉食減饑殮給恩添棨戟臨束薪四十萬寢事已

勞心

已候天根見何當客水加深耕嬌宿麥解凍慮春

華埽岸沙仍潰芟梢料正除公私恐交迫結念更

無涯

普賑兼三省深恩出 九重皇天真雨粟災地得
歌鍾赤子誠能保官司職求供饋書思禹稷堯典
紀勲庸

行水原無事須教入池行防惟中策豫功以實心
成足用開泉府忘私理水衡求民宵旰切仰荅有
諸卿

萬里歸墟迥三山故道迷源會探星宿關莫阻雲
梯逐弱能毋急通衢敢暫稽安瀾清晏日拜賜慰
蒸黎

次韻許汪秋聖二首

讀書詩草卷五

七

太岳山房

名袂秋風度江樓別望舒前年中秋別於秦淮水榭余方騎馬

醉君亦玩鷗居世路九折坂生涯百本書白頭吟
與好佳句定誰如

好友似春色重逢柳眼舒感君詩外意招我畫中

居承示於紅閣圖坡老磨人墨惠墨兩笏洪喬寄遠書寄書浮未遠

壬寅清明淮陰紀遊二十二韻

曉霧聯吳客春遊出楚城柳烟遮睥睨花雨亂清
明岸繞如環轉舟移似葉輕啣波臺寂奠背郭塔
崢嶸離落添新色鷗鳧識舊盟圓沙停畫鷁深塢

聽流鶯闌小詩篇富意虛若槐溝梁塵昨夜曲人
語隔溪聲暫作名園別重為晚市行銀墻通巷曲
茅屋傍河平野徑疑開詔仙家悞問瓊不須經樹
歌早見候門迎几席原時拂盤飧得旋成鷓兒黃
欲泛雲子白初盛逆旅忘歸思斜陽促去程一篙
仍解纜半道忽聞箏賽社公車返登涯客意傾旌
旗連後隊燈火競宵征分手東西路褰裳旦暮情
疎狂餘故態童稚若前生此地相逢偶良辰樂事
并吟箋容漫賦譙鼓已傳更

淮河卽事四首

讀書詩草卷五

八

太岳山房

扁舟喜趁月華來曲巷朱樓燭影開不是分司新
御史兩行紅粉莫驚迴

彈箏十二總超羣不受東風蕩畫裙莫道淮南花
事了兒家柳色只三分

玉簫檀板罷登塲雉鳳清聲欲繞梁屢顧不曾緣
曲悞底須呼酒換周郎

香沾繡帕粉沾衣道是司空見亦稀堂上笙歌堂
下走三更都化彩雲飛

余三歲喪母二十喪父無伯叔近族同氣者
僅一異母弟一妹耳自余宦遊滄陽十餘

載妹已適遠鄉不相聞弟時來視余歸則

守廬合墳墓雖南北兩地實相依為命者

弟復屯於遇雨喪其偶遺子女各一辛夏

來署閱兩月回禮歲暮余得便復附書并

致數金以為卒歲計王春余以試事准

得去贖人還報則前書宛然弟已於客歲

十一月十二日作故傷哉可痛孰甚於此

余子方四歲弟之子七歲焚然孤雛孀之

來署撫之教之可望成立否耶長歌當哭

觀賦四章留示兒輩豈徒自為悼歎已哉

書詩卷五

九

太岳山房

臘盡春回望正殷忽看去札轉憶憤心驚隔歲人

長別信到他鄉語忍聞封裹未提仍入手羈栖白

鴈更難羣從今夜兩真蕭瑟何處新詩肯叩君

閱舍承田素願賒廿年前事委泥沙拋殘卷石誰

為主割却君山那是家余邑有君山故戶有新舍

皆負郭官無故土且排衙宵來不斷還鄉夢猶見

簷前紫咲花

弱息提攜到海隅儼然膝下傍嬌雛申胥問疾有

私否總角呼賦似阮無半百兒生方仰眾十一年五

一朝弟喪反遺孤相看昆季猶同氣零落宗支

庶共扶

祖父荒邱兩地存高頭記陸拜慈恩余生母

名陸家高頭何家蕩北尋魚去高頭東北數

朱氏祖塋在焉附墓於陳君人余弟之母

父暨繼母陳孺人附墓於陳君人余弟之母

妯娌山東問蔡村蔡村在泰山東南許氏里

更懸新相眼百年已失舊柴門白頭忍忘松楸路

不盡長懷付子孫

積潦留經歲洪流借去年週遭村臥壁借蕩市行

艇水氣全蒸兩人烟半在川類仍苦飢饉何處問

書詩卷五

十

太岳山房

東阡

二麥登場少三秋望眼空全沈鷓鴣粒不待鯉魚

風歲歉徐淮北波滔渤海東白頭談往事夷戎略

相同

菽粟青精貴薪芻主化糞一餐艱口食盡室置河

干耳燥飢牛斃聲哀宿鳥寒蕭條村落外民物豈

殊觀

稍稍高原出徐僮接界畏侵隄有盈縮受水判城

鄉七里纔留郭三隅正望洋循行煩大吏

聖意本如傷

繪象圖仍獻採民惠更施奔趨儼歸市負戴不喧
飢揮汗吹成雨聯裾障作帷均叨大生德興發類
官司

著令沿爲例推恩本在人青蚨費交易白銀失輪
圖眾口愁填壑羣胥喜筭緡由來具成憲斟酌慎
更新

賑事方開厥河工又起夫林麻停舊料畚鍤急新
圖給帑分年納資糧按戶輸桃花將報况未敢緩
須臾

海道諸流合漣河百丈疏正愁奔路馬豈但注龍
沮濁土隨潮汝汗泥隔尾閘不教成汗漫庶保舊
田廬

精衛能啣石麻姑見種桑濬渠求鄭白分水導淮
黃地出雲臺外沙連荒濱旁海又通百道一任築
宜房

食德飢何病成功水不災東南原澤國天地有春
臺治可籌三策仁能覆八垓堯民同擊壤鼓腹載
歌來

癸卯三月十日得次子再次舊韻六首
擊書已幸慰衰遲似續今應讀而奇乃夢熊應成

書詩草卷五

十一

太岳山房

別調鶴巢生卵護喬枝鳩妾復有

華髮蒼顏且莫論知非久愧聖人門學爲君子誠

無及抱子何時更抱孫

慶字重頌作悞書阿誰多養化龍魚憑君莫道見

孫福盡是人生憂患餘

雙團玉帶似前知未信烏衣寶樹枝老我寒梅無

恙在得看棠棣艷陽時

瓦狗泥車保愛深阿兄猶自弄珍琳却致弱弟同

嬉戲便作擲筮迭奏音

兩到雙丁數未曾麒麟不是舊徐陵六朝金粉誰

書詩草卷五

十二

太岳山房

誇美摩頂仍勞寶誌僧

再過黃樓

清風皓月黃樓上短棹經過迹已陳三百年來無

此樂東坡去後屬何人

袁補弔檐園先生

文酒歡場送一生飄零書劍竟何成空憐楚些招

魂處獨對袁江夜月明爲邑增廣生性常和晚年

貧甚一子爲何管并病卒負債甚夥於官時

夢大司空午塘先生治河駐清江隨園係司空督

學時識拔士也聞其事爲言于縣官得釋歸後數

年復携孫訪友清江病卒年八十餘矣友人爲經

紀其喪所著有滄園集余曾叙之繫記其警秀之

句錄于左金陵云江聲入夜鳴擊鼓劍氣橫秋冷

雲場燕子破云萬里奔騰迴燕嘴千尋
宮金山云萬派不歸歸漢流何自見蓬萊
坡云花鳥鏡中爭動觸雲山蕭瑟共來禪
驚秋光送見蝶飛不歸不歸不歸不歸
留客坐等送如詩人賜春日開屏云似我
保外家惟風及雨更相催秋日曉行云人
可及常理無歸無歸無歸無歸無歸無歸
雲見成敗歸家東李元雲人清雲雨今
明月浸波花雲吳香吳香吳香吳香吳香
急上波兒送吳香吳香吳香吳香吳香
新水波兒送吳香吳香吳香吳香吳香
照宿庚申吳香吳香吳香吳香吳香
送客到歸吳香吳香吳香吳香吳香
救浦德仍回徐州云吳香吳香吳香吳香
不生與家吳香吳香吳香吳香吳香
徑開三寺高佩吳香吳香吳香吳香吳香
來游與吳香吳香吳香吳香吳香

十三 大岳山房

東花園觀荷
曲水方塘落照斜
消暑許大金陵
雨響兼葭小遊
舊院弔馬湘蘭
孔雀菴中嘉樹
王雱青粉圍牆
湘蘭墨妙橫波
賜句美人名士

流花斷人勝一
有情終不願他
有嘆

前船打漿
家兒白紵
簾半上鉤
歌酒肉都無
秋不教苗
石頭城無
題魯珠石
八年長把
識得請從
太史編成
間有一語
許梅堂索
采藥名山
源路真見
銀臺絳闕
城小仙人
銀液犀株
時識三摘

十四 太岳山房

識得請從自在
太史編成列女
間有一語從教
許梅堂索賦
采藥名山幾度
源路真見桃花
銀臺絳闕接階
城小仙人何處
銀液犀株九轉
時識三摘蟻

仙風瑞弄一枝蓮華并朝朝
迥露鮮恍似洗頭猶
未了搓酥滴粉絕堪憐

見面輸心豈偶然再逢應待劫
灰燼十洲故是神仙宅
滄海知留不了緣

題魯讓泉盛唐山莊圖

羅含三畝宅杜老百花莊
兄弟皆東晉門庭在盛
唐江隨天地濶山與姓名長
憶畫菱湖意風塵久
渺茫研山會屬寫南莊圖此二十
年前事也讓泉為研山四弟

再題讓泉梧陰燕坐圖二首

無邊水木清華地須向風塵以外看
燕坐果然入

畫詩草卷五

十五 太岳山房

似玉碧梧疎影覆闌干

說項逢人已遍閱詩名昆季合平分
司空若解評標格典雅應堪位此君

題魯星村獨立圖

連洋書院南徐圃二十年來一夢虛
老去不堪回首憶客中欣得比隣居
清江碧海人依舊野窟閒

雲意有餘見說天都登絕頂蒼茫獨立更何如
如星村近為黃山之遊

題星村黃山遊草卷後

東坡昔作匡廬客誓不吟詩與轉
遊世上青山誰

冠絕卷中黃海已全收多君濟勝非無具
咲我平生枉好遊三十六峯休浪賦
神仙只合問浮邱

再題星村隨意坐莓苔圖四首

居士稱維摩踟躕入三昧倘散天女花
苔茵聊可綴

大有元中元豈無味外味友月而交風
幙天而席

地

却掃亦煩恩終淨不可唾朱門那得生
俗人何處

坐

真人想天際藉草意亦愜可咲倪雲林
針竿挑落

畫詩草卷五

十六 太岳山房

葉

次韻酬陳瓊庵三首

綠水青山一咲同百年豪興讓吾翁
相看大有顏唐容辜負交親氣概中

抹粉鳩盤一卷詩輸他三五少年時
對君出手真

羞澁比似容顏鏡裡知

鸞尾漁洋恐悞猜眠雲應是不凡材
三千世界恒

河數幾箇龍華會上來

孫雲階同年會索余畫閣數載矣癸卯秋復

晤於秦淮始克報命因戲題四句

一水一石何時忘十日五日不可量寫圖詎敢因
循甚博得相思日更長

星村索畫石門烟雨圖并題二首

一樣江干住水村陰晴兩地共朝昏知君領略空
濛意烟雨湖田對石門

蘇公天雪雲湖句趙子烟沙葭菼圖畫意詩情久
銷歇世間還有古人無

次韻酬星村見贈

鄭老頭先白徐陵管自斑萍踪大江上詩意早秋
間一水南樓接三更北斗攀如何燒燭短重與唱

畫畫堂卷五

七

太岳山房

陽關時余將旋冰

畫亭詩草卷十六

江陰朱繡與持氏

續古集三

甲辰元宵後四日西官田徐氏草堂題壁

送臘冰猶結燒燈火未空三冬無片雨正月又高
風節悞西疇麥春寒北渚鴻消憂村落酒且盡燭
花紅

詩畫寄霞浦盧汝中

葭菼蒼茫意秋原曳杖行浦帆風乍轉溪閣水初
平遠勢誰兼得幽懷寄一生片雲圖畫裏知到越

畫亭詩草卷六

太岳山房

王城

盧汝中余同館蓮麓之姪也自霞浦寄詩游
州兼索余畫既報以小幅并次其元韻為
贈

昔交蓮麓翁都門五閱歲成均老屋中談經得所
契繪事更殊絕簡妙微古詣題詩記疇曩未信抉
真諦別來十三載不了纏綿意忽傳范陽士恢張
鄙人技重惜當面錯復此尺書寄迺悉翁小阮一
時文行俯胸腸不相見感嘆吾同例嗟吾久沈晦
知雨不逢霽離羣愧素交神晤漸遙遞江山氣正

佳筆墨老將棄相知愛忘醜見獵心猶繫卷舒一尺許應笑塵藩離如何高樓客分袂遠隔世蓮葉翁策

樓龍首宗風故自豪流美企遐滋

成都形勝雄八區華陽黑水神禹敷東西兩川風景別古號沃野今膏腴呂虔三刀占在益壯哉王

尊車繹繹半通綬縮五千里采得芙蓉錦官驛蜀中治行文翁高佐郡未可稱閑曹坤維都會真險

塞盤錯利器君能操昔年小醜跳梁起威弧所加從風靡白狗烏蠻靜不譁天梯石棧平如砥川原

畫亭詩草卷六

二 太岳山房

稻熟萬戶殷嘉魚丙穴遊作羣長官公事隨手了

百筒傾倒顏微醺清才自昔多吟興醉拂花箋五色瑩却笑開元工部郎白頭幕府空高咏劍外迢

遙路幾重故鄉博士久龍鍾神仙臺觀知何處夢想青城第一峰

遇秋墅於程公橋卽次其旅夜詩元韻

東風吹作淮陰客繫纜程橋折柳枝恰喜故人同逆旅得於歧路話相思老能把酒頽顏解蹙欲扶

筇小步移時余方病足一事已輸餘莫問野燈茆店獨

吟詩

次韻酬秋墅見贈

韓山連水晤無緣頻歲長箋復短箋始信別離堪作賦不因貧病久相憐官經十載黃河曲閣想千崖紅樹前何限深情到僚末將詩應許萬人傳原詩

次韻秋墅題拙畫

千巖夾水趨萬壑淋漓大筆虎頭落古今妙手知幾人我輩真宜束高閣荒唐唐皴點長河隄白波粉壁吹不來梳頭題障有杜甫就背畫馬無龔開君家黃山勝白嶽滿腹林泉露芒角短幅何堪作卧

畫亭詩草卷六

三 太岳山房

遊向平枉奏雲和樂

次韻再和秋墅

姜橋花巷往來緣題得新詩墨尚鮮拂面紅塵芳草外搔頭白髮酒尊前郵籤記水多公事步屨隨風卽散仙又逐飛綿化萍去客心何以不拳拳

別秋墅後塗中偶作兼懷星齋

楚城二月促分裾一輛輕裝綽有餘共笑閑官清似水卽看行李少於車聽鶯春暖纔吳唱送雁風高忽草書憶着成連遊興好竹西過去又南徐

次韻陳古漁六十述懷四首

老驥何嘗載驟駸都從伏櫪送光陰桑榆應惜餘
 明照松柏能堅歲暮心過眼星辰忘檢點平頭花
 甲費追尋只聽金石歌聲出自是黃鐘大呂音
 晚境甜於啖蔗竿濁醪粗飯有餘歡百年我亦凋
 雙鬢半刺誰曾博一官書劍當時爲客倦刀圭今
 日避名難秦淮不作臨淵羨靜裏風波仔細看
 衡門陋巷久安之覓紙呼兒好賦詩健筆凌雲推
 庾信落花依草憶邱遲客嘲自有朱丹轂仙着寧
 無黑白碁悞謫塵凡千百載閱風元圃負相思
 塵埃物色豈相關炙轂談天碧水灣隨口語皆成
 典故滿家書已丐人寰香爐茗椀南朝寺竹杖芒
 鞋北郭山樂有素心知不棄便拋舊物伴長閑
 余久不能展墓每歲遣人歸省輒心忤忤然
 無以自安也頃讀珠浦郡尊清明日廣陵
 舟中有感之作不勝慨嘆因謹次元韻
 會聞相思地平山五清明豈知思家客抔土懷故
 坐一官苦匏繫鞅掌東西征春風淮水波挂帆復
 南行綠楊見城郭三月烟花迎逆旅遺佳節泪酒
 望遠晴兼含延陵悲蕭寺懸銘旌俯仰嘆今昔能
 不心骨驚豈無故人轍陌路蓋自傾豈無紅橋酒

章華詩草卷六

四 太岳山房

奈此清尊盈宦遊二十載哀樂中年生絲竹肯陶
 寫太傅虛前盟黼誦清明詩感念墓下羹麥飯久
 不奠華表誰支撐彭錢與殤子兩地交心忤青瑣
 理故物破研營拙耕鄒子真無歸千里傷孤爨司
 牧古君子點筆趨嚴程一篇忍卒讀咽愴空爲情
 屏封詩十二首
 月季小鳥
 不信東風占四時殷勤小鳥報花知折來若問秦
 淮海定悞薔薇卧晚枝
 海棠修竹
 碧雞坊下占仙姿賦手爭傳絕妙詞日暮佳人倚
 修竹何曾工部不題詩
 朱藤罌粟
 濃陰一架任天斜絡索當空冒紫霞貯得銀罌子
 合米不夢么鳳啄桐花
 鶯榴戎葵
 萬里戎王秘種移建章官裏吐花遲莫嫌百轉鶯
 聲老正是榴房孕子時
 重樓牡丹
 錦帳雕闌有幾家經過姚魏莫輕誇拚斟白玉一

章華詩草卷六

五 太岳山房

杯酒歲歲春風對此花

紅白荷花

瑤池樓閣出雲沙對侍娟娛羽扇遮想見十洲三島外空明何處着鉛華

葵紗海棠

新涼庭院瘦腰肢半臂紅紗喜共持若个有心長向日阿誰粉泪濕胭脂

紫薇丹桂

雲階清切攀枝近綸閣黃昏伴客長不是淮南紹隱士鶴聲先報紫薇郎

畫亭詩草卷六

四色菊花

東籬百種門清妍醉裏淵明愛亦偏莫向中央求正色當陽不是義熙年

秋水芙蓉

生長湖千理釣船別來鄉國夢魂牽涉江不采芙蓉去辜負秋光二十年

梅茶水仙

火齊競吐寧無態縞袂相逢總是仙畢竟百花誰舉首色香微倖得差肩

松竹梅花

花葉猶能保歲寒圍爐如向膽瓶看世間好友

膠漆莫恨丹青寫照難

兩得願藉怡書并寄詩因答一首
相逢為少留相寄思悠悠傾蓋真如故長吟正未休天然見王孟渺矣望曹劉知有會心處花開水自流

自流

光十二魚名流產也甲辰六月劉邑侯見餽僕久宦於流今甫一食之因賦一篇

沈城西行二十里官河旋折名新挑經過村落踏百步碕岸夾立圍林阜平波清泚遶其下涇不涸

濁沙誰淘此中鮮食奏暑月天然二寸如游鱗傳之邑乘衆所譽我未謀面徒心交如談龍肉不得食一柱空復思江瑤清晨打門走急遞盈盎忽見紛千條么麼混沌池文質備豈按時刻為摹描厨娘澆釜煮清水不用醯鹵資烹調團雲花色乳爭泛沒骨畫意牙不替今朝私訝食指動詎料此物登荒庖賢侯推食感惠愛頗笑鞭扑曾呼號

畫亭詩直卷六

前色今者暑熱道遠至則餒矣乃扑青而遺之

余生江干飽鮭菜煮鮓常饌口腹驕即今白髮隔鄉縣畫餅那得充飢枵未

河北來十三載甫得一嘗舒鬱陶東坡涉世本爲

河北來十三載甫得一嘗舒鬱陶東坡涉世本爲

河北來十三載甫得一嘗舒鬱陶東坡涉世本爲

河北來十三載甫得一嘗舒鬱陶東坡涉世本爲

河北來十三載甫得一嘗舒鬱陶東坡涉世本爲

口而我聊亦慶所遭物惟罕者足珍貴豈以鉅網
分卑高不材有無安足論投箸自嘆甘蓬蒿

胸陽次藕怡韻奉答

九點望齊州大海杯中瀉天風時一吹山雨忽罷
酒悠然發遐想浩歌可以寫得携鸞人句小謝詩
在把清微化雄傑雅俗判取舍方知筆墨事紛紛
盡野馬要君上雲臺一訪釣鰲者

題藕怡稿

飄然列子御風行姑射神人冰雪清三斗俗塵無
地着五言佳句自天成甘留諫果應回味修到梅

畫意詩草卷十

太古山房

花定幾生畢竟根原在何處阿瑛仙品不虛名
怡藕根名仙

忽見荷花

山城十載往來者牡蠣空墻到處家真箇滄桑今
古事海濱驚見一枝花

胸陽七夕

穿針樓上夜如何淡月微雲悵望多不見南飛有
烏鵲始知滄海勝天河

自錦屏山放舟至待鳧汀

竟日南風吹牽船過山麓透迤不得盡山盡河更

曲搖空有紅蓼望遠無平陸奔流曠野瀾下水歸
舟速世事多變易吾生隨所逐弦月挂沙洲繫纜
蒹葭宿

寄懷二首次月川秋日渡黃韻

黃河帆影送深秋茅店風帘古渡頭逆旅客如天
際雁得閑人似水中鷗楓經霜後朱顏改山在春
前翠靄浮無那相思隔南北鳳城臺樹楚江樓
形骸委寄一塵沙飲啄微禽望豈賒晉士折腰難
作令齊人彈缺欲為家鶴盤霄漢娟娟月屈吐樓
臺片片霞不負青天高着眼此生何處得長嗟

畫意詩草卷十

太古山房

李少尹招集賞菊

新霜不上倚闌枝風雨重陽已過時衙散正宜開
小麈客來還似步東籬金釵十二鈎簾見銀燭三
分隔座移定許餐英駐顏色白頭忍負菊花期

月川疊韻見和再答一首

官閣尊前把一枝故園采采更何時九秋涼後有
佳色三徑荒來無短籬鴻雁關山人契濶松筠霜
露歲遷移只應不作春花落素影清燈永夜期
隣人送菊僅得五本適會月川三疊前韻因

再答

蕭齋開遍幾多枝五柳同栽似舊時紙帳未能花
作枕无盆無蕪棘編籬愛憐稚子肩相亞珍重隣
翁手自移不共華堂爭爛熳深杯容我醉爲期

張貳尹齋中菊讌三疊前韻時貳尹夫人壯

回雨小星當夕因戲贈

粉院槎枒老樹枝晚香樹底雨開時送秋歸去猶
裁錦對飲呼來不隔籬把臂入林看未足爭妍列
屋寵休移雅知陶令留餘愛薄采黃花肯負期

沈陽八景詩

紫陽夕照

書亭詩草卷六

十

太岳山房

長橋東臥波古觀南背郭真人不可見井濞貯靈
藥晴原通曠望夕字淨寥廓日落丹臺空飛鳴有
孤鶴

流水漁舟

楊柳不斷青桃花偶然發河寬舴艋小水滿鷗鷺
沒習習聚斜陽蓑篷挂新月清景憶江村歸思動
超忽

塔山樵唱

岡巒不作勢破碎出堆阜平波浩無垠宿莽過隴
首牛羊春雨茁狐兔秋風走時聞采樵歌疑是負

芥叟

陳村晚渡

畧約斷長河印須招一輩行人曳雨三得渡正脚
尾柴門歸收入墟里炊烟起倚杖者翁閑倚柴門

秋水

下埠春潮

春晚山雨足合流東注海海潮擁岸濕下埠夢夏
倍百渠故道廢九堰先疇改方舟使曲久滄桑天
千載

孤山白雲

書亭詩草卷六

出

白雲滄然生山意不孤絕初浮松梢氣漸上客憐
欲遙空亘萬里遠勢飄一瞥舒卷太無心誰復觀
起滅

金湖落雁

浮國秋氣早西風下葦煙漂波散水邊花
綻江湖悲道阻霜雪驚歲晏旅多暮念欲合卷一
相盼

招德曉鐘

隱隱蒲牢鳴悠悠曉風送遠散二城聞靜震六種
動枯禪忘昏且廢塔無聲空響聽城外聲響然破

殘夢

甲辰九月二十四日得第三子再疊查山長

韻六首

浸尋花甲肯舒遲頻歲生兒便詫奇記得前春碧
桃放今秋又把傲霜枝

鼎立成行且莫論暮年猶幸鳳書門隣翁却有騰
踏意見說而今望抱孫

年來高閣度殘書葉葉縹緗飽蠹魚或可他時有
人讀也應屈指愛三餘

畫堂詩草卷六

十一 太古山房

面壁三花纔見苗芽時

生成天地荷高深頑石珍看似碧琳不望吾家有
英物底煩屢屢試啼音

熊兒驥子呼余弟差勝題詩杜少陵早囑兒曹莫
三嘆一瓶一鉢在家僧

王鳧洲之官汝陰索畫為題兩絕句

禮林風葉壓茅茨西瀼猶嫌結屋遲笑我得需微
祿久十年不足草堂費

瑯琊公子不羈才也指雲中下蔡來尚有平生許
大事圖書萬卷及時開

陳煥坡索畫

煥坡生性煙霞癖索我枯毫寫一斑爭似綠楊城
外住虛堂日對隔江山煥坡江都人

代壽四川李制府七十雙慶詩十八韻

駿業尊元老鴻禧錫大年風雲真異數日月正同
圓降嶽今生甫盤根舊是仙久持金虎節遙鎮碧
雞天制閭超三命崇階歷九遷都俞隆委寄協贊
懋旬宣百屬廉而法羣蠻靜以便天梯平作障樓
壁遠籌邊契合青冥迴謳歌黑水偏銘勳飛閣上
獻瑞畫堂前渤海清閨著牂牁懿範傳女宗宜象
服毋教得鳶肩肯構簪冠繼為霖杖國先翠翎膺
上爵黃髮金高筵北斗瞻佳氣南離接後賢慶知
忠孝積福稔倡隨綿彥博身猶壯方平像可懸重
恩邀 帝賚台鼎竚陶甄

嶧亭觀察五十壽詩二十四韻

柱石依 天闕屏藩近 帝都 至尊容舞綵大
衍會懸弧朱紫承家舊丹青接武殊安瀾昭世績
列岳紹前謨 簡擢唐觀察監司漢大夫雄關臨
伏馬高脊控飛狐參井躔交燦山河撫更腴白羊
通驛使銅虎偃兵符左轄方虛帝南轅並載塗胡

威無間絹溫嬌不裁襦奉毋香釜下爲園曲水隅
春畦桃正熟秋圃杖相扶萱蔭原詒厥荆榮自友
子綿瓜從雅詠撲棗與隣俱綠酒宜佳客青編似
老儒十年東海懋五秩北堂趨霖雨蒼生望官寮
赤縣需幾人堪表率六息亦斯須葭管三句動冀
芽八葉芩倚懷思玉燕侍座有金壺稱老恒言不
求雙舉世無身袍仍子服鶴榭卽雲衢顧念分西
陝會聞美碩膚經綸歸服政共企佐唐虞

畫亭詩草卷十六

大岳山房

畫亭詩草卷十六

畫亭詩草卷十七

江陰朱黼與持氏

吾過集

乙巳正月十六日長子懷壽復以痘殤

五十生兒作大宗七齡仍付雪泥踪可嗟老泪已

全涸不信殘年更一逢獨論慈親成訣別雙憐弱

弟少恭從因緣果否憑人說未是酬儂是悞儂

前余家有小僕頗聰慧一日無故自經越半月而
余子生洎今余子歿之日僕之母自畫見余子入
其室附其母而作僕之語爲酬夙恩
故留七年云因果之說真有是耶

淮陰訪星齋不值是日大風因題寓壁三首

畫亭詩草卷十七

大岳山房

翠幙重簾曲曲遮夢回羅薦滿塵沙東風邪解憐

春色狼籍西園桃李花

垂楊依舊碧於烟捲地高風二月天記得酒闌歌

散後懊懷心緒已多年

蕭牆宛轉積風埃小避迴廊立翠苔一戶楊花封

屈戍悞他燕子不歸來

上巳前一日遊葛園賦梨花詞八首

葛氏園林馬厰南舊遊會記朔風酣過此今年得

赴梨花約不負良辰三月三

相逢只問梨花信報道三分出短垣今日經過成

爛熳主人怪底不覩圖

繁英照日蜂鬚脆粉夢迎風蝶翅飄錯認梅花三

百樹嫩寒清曉虎山橋

海棠將謝絮紛紛陌上風光草已薰知是困人天

氣早故教清夢入梨雲

臘雪不作春多風一半花開一半空見說他時壓

茅屋舉家雞犬白雲中

溶溶皓月最宜人院落清宵別有春老我天涯更

相見綠窗香雪斷前因

摘酒名園一舉觴文茵芳草醉斜陽浸尋十五年

書畫卷七

前事洛下春殘為洗粧東晉構酒為梨花洗粧此洛陽故事余遊洛經今十五年矣

客路踟躕日易斜花時後會莫先嗟春風自是年

年在少佳原應為此花遺山詩重來未必春風在更為梨花住少時

春夜卽事二首

琥珀光濃掌上杯舊時聽憤紫雲回如何年老簪

花興便有紅顏解笑來

西園白月下空庭燭跋歌殘酒未醒忘却子規啼

夜半落花時候不堪聽

輓陳月川月川掌厚河書院教閱三載忽奉撤署溧水學官不一月無病而逝

哭之以詩

聚首經三載書窗日往來人從隔歲別計駭早春

回官舍榮朝權名場退夜臺淮陰聞惡耗南望尚

疑猜

恒化仍跌坐無言竟溘然死生同白首存歿一青

毡盡室他鄉痛時家室俱寄居滄陽相知泪點戀唱酬昨日

事賤簡幾篇傳

題林志亭詩稿

兼金汰沙礫萬鎰價尚輕璠璣破璞出白虹流光

晶丹山毛羽豐老鳳輪清聲新松含雨露千尺勢

已成箕裘有自來風雅本性生吾方愧前賢畏此

心彌傾

題李生詩稿

盆池開峯巒中有九華秀一拳聚岳色攬之滿襟

袖高風吹雲門飛瀑下雪竇天地恢大觀閉戶乃

罕觀海勢可短述驚人句先就因知述作者不落

陶謝後

題便面寄吳瑤田

欲尋北郭江千宅更訪東園雪後花二十年來飄

泊處片帆空自望天涯

久旱十首 乙巳夏作

久旱迎三伏恒陽近一年雪虛殘臘後雨憶客秋
前種麥真無地求霖不在天杞人憂未已日月幾
遷延

海上奇峯出林梢少女催漫空常作霧絕響不聞

雷永罷蛟龍門能無鴻雁哀連宵望雲漢天象自

昭回

百職疇咨遍鰥官獨雨師涉波渾不見潤礎定何

時厥壤無高下維星問畢箕空庭坐明月未覺露

華滋

畫詩草卷七

四 太岳山房

來牟空懷望菽稂在斯須稍喜一尺潤還愁半月

枯古人曾茹草農事莫瞻蒲尚有高明室陳陳朽

黍稌

異事紛相報河心大道行水泉今日涸海滄幾時

盈野馬濛濛色青蛙寂寂聲城隅看負汲沙上守

瓶罌

鑿井官河底羣爭一勺多已嗟珠桂久更奈水漿

何疏勒今誰湧肥蠶古未訛恐無生活計昏暮向

誰過

仰釜僮陽地今成覆釜居水鄉原薄海焦土欲為

墟督漕聞膠淺通黃不會澗一古形勢近西抃入

青徐

見說江為界豐凶迴不侔南雲皆上歲赤地到中

州是物閔天意維臣契 睿謀截漕三十萬一德

自周流 自五月後江蘇各府州縣亦報災矣

鞭石誠無益焚山總少靈長看日杲杲畧見雨冥

冥蒿目嗟何及麗眉嘆未經祈求悞童稚伐鼓走

郊坵

拜請餘何敢尊卑義最深 見春秋繁露 古寧無旱魃今

亦有桑林獻霖纔霑土滂沱卽雨金莫言天聽遠

畫詩草卷七

五 太岳山房

終慰渴飢心

次韻程玉棧山長不雨雜感四首

輕陰不成陰欲下未卽下徒然多雨勢天意難倚

藉風聞古宋中虫氓闕於柘 時河南柘城民亂 水旱降自

天求食禍乃迓濱海二麥地焦卷廢其把忍令饑

飢人衣冠與盜亞所以青齊公大戒為出舍

洿池網罟絕何處收魚租黃埃與岸積綠楊如秋

疎常時到壇壇過橋路正迂今茲數武便對面爭

駕車水涸急生活田荒無智愚出壇雲氣散四望

心長吁

神龍忽噓氣天矯隨變化風從青蘋起雨如白矢
射豐隆破柱響列缺圻天罅滂沱四野尼浩淼百
川瀉吾寧妄言之天監自在下

我欲居海隅草堂未卜築因循昔藉齋卧看書連
屋有客吳陵來巾車解其軸時逢亢陽赤苦厄良
苗緣多君甘霖才竹惠化雨速望歲可談天吟詩
如炙轂安知老博士把卷不能讀

大韻程山長靈官求雨詩

泰州遇旱輒早廟
廟有靈官者為之一空山長
會作詩紀其事余為和之

女魃不溺神潢乾將軍堊梅空作酸責躬六事舞

書詩草卷七

六 太岳山房

大雩不聞悠謬求靈官杭州降神有廟寺崇恩之
徒張厥勢天將廟前金作字

宋徽宗時有崇恩真
君姓薩名守堅靈官

姓王嘗從崇恩授符法稱為
降神於杭州附道士周思得
以法顯乃建天將廟

於禁禮官按律申彈刻明
疏見春明崇恩張虛靖天師
王宸林達靈林靈素

封達靈
君道君愛道不少爾時重道教畧喚風雷雲傳
之後世符籙盛鋪張傳會其術神豈知神道雖設

教正要人事回青冥靈官之靈幾何年藉官之靈
爭敏錢焦金流石官不靈君不見大河以北終歲

不聞滂沛聲

暑熱四首

清曉已煩渴鹿盧頻作聲何時去階吏終日對名
卿修竹栽偏少甘焦長未成相將白團扇便擬托
吾生

一室炎威逼三庚暑氣寬衣如火浣布食少水晶
盤槐葉淘空冷冰衙坐不寒何由青嶂裏跣足濯
風湍

却掃虛簷下黃埃漸漸空亂蟬喧落日高燕折迴
風浴想狂歌士梳憐白髮翁新涼消息近稍覺晚
霞紅

書詩草卷七

七 太岳山房

披衣中夜起紗幔已先開斜月穿簾入微風隔院
來草乾螢火絕宵短漏聲催小住清涼境何人得
味回

門人投卷附片紙訴述其飢歲之况幾無以

自存惻然憫之因敷陳其意得十韻

來日知大難啣碑奈何許日貧乃士常薦飢何以
處堂上無父母室中有妻子餅罄壘可羞樵荒火
不舉已嘆四壁立復鮮五乘與肩備吾不能啼號

計安所官司督文字握筆泪成兩腹儉歲更厄心

恒命誰主簞瓢顏子巷金石原思戶千古幾賢人

身經感徒侶

和玉棧效香山小樂府二首

蕭頴士奴

奴愛才非庸奴人不愛才奴不如鞭奴膚奴不道
主不愛奴奴何辜鄙哉學士東坡蘇相公之奴真
古愚生來只解呼君實奴有淳風主亦都

盧仝老婢

長鬚奴赤脚婢自是先生不曉事胡不早年偕侂
儷半間破屋洛城中煮茶日日聽松風奴顏婢色
將母同公然一婆皤然公玉川詩名得狂怪一婢

書亭詩草卷七

八

太湖山房

亦堪作佳話何必知詩似鄭家青衣問答傳千載

病足二十韻呈程山長

不趨人先落人後平生富貴兩難就尋常巖壑裏
不前五嶽真形更誰觀此足自愧真無能且復夷
然隨左右家無奴僕仗供億出接賓客煩拜叩晨
興燕坐亦偶然嚮晦息偃乃幸遭周旋計共五十
載勉副厥職罪可宥云胡一朝成跛倚籬條戚施
并爲痲積來憂患事已極更遭摧殘勢相狃移之
跬步全體艱治用百藥諸說湊寒因濕鋼引腰膝
血不筋附滯營腠湯液入口導恐遲膏膠切膚效

豈憐膏時力疾強才予不信沉疴多宿留半百何

堪斑杖扶三年未遇乾艾灸今夏六月暑太甚西

窗夜敞惡風逗天其抗我病一新足不任地病勝

舊門前剝啄各強健枕畔呻吟嗟老瘦太上誰能

絕往奈此身未便辭奔走足乎有鬼不足責病以

補靜庶其壽白髮蒼顏望玉門丹砂赤箭求勾漏

肯如墜馬流花翁只笑稽康養生陋

林頭廟

北去秋將盡西來路更深斜陽開曠野古寺出高
林乞食聞鐘響投崖見佛心上方瞻眺遠何以慰

書亭詩草卷七

九

太湖山房

飢歎

西閭極邊

落日章倉道西風大樹莊空園猶伐木比戶盡求

糧聞失塞翁馬愁驅下式羊山原通直北何計畫

降疆時東民過流界甚衆強梁者或徑驅田間牛馬以去

登塔山

登臨只數仞亦可望平原流水先冬潤徐雲入暮

昏近山皆瘠土空戶不成村何暇嗟興廢頽垣說

舊屯

次韻慰鹽城夏生

塵封研席度新寒兩載羈栖強自安世有窮途泪
堪灑君如高士菊能餐鳥啼落日荒巢遠雁叫西
風蕭羽單好待春光照隨瀆放歌行路豈終難

望下相

馬陵八百里南注宿遙城稱業心何壯黃流氣自
平天高飛隼沒煙迴暮山橫不盡蒼涼意風林落
葉聲

宿薛家宅子

七年前過此指點荻邱山秋晚恍如舊老來殊未
閒新霜柳初變小屋菊猶斑憶得鄉園樂歸歎早
閉關

畫堂詩草卷七

十

太岳山房

可嘆

朱夏虐於魃元冬恥在曷掃糝千頃草移野草之
細實見周
王敦荒木草鄉間婦女盡出落寶幾株槐或取
掃取以充穀食俗呼為掃糝槐
子磨之蛛網皆逃戶鴉衣到稚孩重煩有司告庶可
濟天災

長至後一日喜雪

終年不作雨得雪在陽生久渴初逢飲長酣乍解
醴舞花舒宿麥潤土慰新耕一語因風寄移梅出
短楹

雪中赴山家蕩

林梢一夜朔風催五里溪塘雪作堆可惜詩人灑
橋上不曾跨得蹇驢來

坐雪南州草堂題畫芍藥二首

漫天六出灑瓊瑤別墅冬深萬木凋一卷忽看紅
芍藥儼然雪裏有芭蕉

壺小絕勝東風發尾杯

雪晴再題別幅二首

晴陽雪後映窗紗待放階前綠萼華誰乞吳郎寫
生筆留春花先嶺南花

畫堂詩草卷七

十

太岳山房

點染冰綃綴舞衣天生麗質欲翻飛腰肢未覺新
寒重借得春風金帶圍

余春間喪子鬼洲自嶺上致書相慰頃聞秋

問鬼洲亦喪其子蓋與余子同一歲生者

爰賦詩寄之

短札方遙慰新哀忽遠傳愛深同歲育驚絕一時
捐白髮無餘事青雲有壯年誰羣知未久寡過庶
吾先

夜歸

半日歸途遇三更野徑荒朔風侵似水寒月照如
霜罄室棲殘瀟驚危警四鄉稍看燈火近行客尙
傍徨

大風途中作四首

黃塵動地起風勢浩無涯凜慄卽長道啼號知幾
家冷煙銷土銼老屋捲籬笆行役吾何憚周餘自
古嗟

狼戾常豐人民生醉飽多渾忘天地德不覺歲時
過飢饉忽驚告拋離奈爾何紛紛可憐子猶金甌
邱阿

意亭詩草卷七

三 太岳山房

菜色寒催斃枯腸喘不延真成溝壑轉誰問道途

捐商后爲犧日周王澤骨年卽今過古治一物忍

顛連

禦盜愁茅屋防奸到菜畦諸村交白梃徹夜攪烏

栖湯海刀會帶淮陽粟可攜蒼生幸自愛德意古

今齊

哭陳蓮峯

與君相交少至老與君分手何草草一彈指頃二
十年萬事消磨故人少去年附書問起居不得報
章求里問今春書到不可讀那能再過黃公壚尔

生弱冠爲孤子與君相倚手足比彈缺馮生詎有
家分金鮑叔真知已周旋桑戶幾春秋忽指燕臺
賦遠遊從此微軀作匏繫江雲河水空悠悠余今
鬢髮已霜白起君九原應不識嬌兒三索總髻戴
老翁一官乃雞肋君家猶子勝已生舍館早得呼
孫名一堂笑舞貧亦樂細數甲子君方盈與君相
期歸作室疎燈滑酒如前日轡迹頻年憂患多優
游通暮歡娛畢已矣平生遂止斯更無良友共心
期飄零書劍垂垂老未下他生把臂時

意亭詩草卷七

三 太岳山房

意亭詩草卷十七



畫亭詩草卷十八

秋鴻集

丙午正月二十三日生第四兒

瑞錦還相送依然在孟陳何殊一歲別

酬火樹過佳節梅花向畫樓客春風景改歡笑又

從頭去歲正月十六日有詩

賦得夢筆生花得通字

彩筆曾相授奇花吐夢中一枝蓬蝶化五色有神

通宵映珊瑚架春添翡翠叢華胥傳賦手毛穎奪

畫亭詩草卷十八

太岳山房

天工太卜占先吉仙才寐自聰齊梁金粉豔揆藻

更誰同

賦得接葉暗巢鶯得巢字

綠幄疑無路金衣信有巢構時從葉接結處恰枝

交出谷林仍密遷喬竹可苞友生呼築室灌木久

詠菲燕處會堂上鳩居慣樹梢何如繁蔭裏栖鳥

樂春郊

余學中士周履蘇孝友性成行端而志正兼

精於醫凡見請無不往者以故津人士莫

不推仰倚重之今年夏大疫疫斃奔命六

月十三日與余同觀劇於劉邑侯之堂酒

罷別去越日而病假余肩輿以歸三日後

問耗則履蘇死矣年僅五十耳嗚呼余居

沐十有五年往來稱契好者不一人而履

蘇為尤至今已矣為賦兩詩哭之

猝有驚心事真無會而緣肩輿三日去總帳一宵

懸大疫人方賴微疴爾不痊傳聞瀕城郭婦孺亦

潸然

與善天無貳修身命有原如何同羽化空自望鸞

駕把酒成長別焚香不返魂元享今寂寞奇字更

畫亭詩草卷十八

太岳山房

誰論

送杜霞峯同年旋蜀

六年忘分締心知忽報春波遠棹移任郡休聲留

渤海養疴深意屬峨嵋雲開萬景歸時見風引三

山去後思從此薛濤箋上字好憑江水到天涯

賦得程表未裏得融字

憶甲寅歲淮陰試院彭雲相閣學命此題

有未審所出者為賦一首

妙選柯亭質精傳哲匠功程參原各遺裝裏不從

同擬指看如故虛心美在中有筠留本色無碍抱

丹衷內外成新製吹爐協化工一聲愁石裂三弄
得春融尚待瀟湘綠疑翰林鶴紅知音開梓棧好
繼馬扶風

丙午閏七月九日自袁江過秦郵道中作

河通淮堰堰通湖洪澤東連變社趨急溜奔如江
出峽危樁浮似海乘桴彭門舊說魚龍免瓠子曾
聞竹木儲自古防維賴預計諸卿何以冀輿圖

再過揚州感懷

慣逐秋風旅雁羣揚水關外又斜曛寒潮灣口添
三尺明月揚州只二分紅豆相思鳥與雪青山舊

畫堂詩草卷八

三 太湖山房

約碧天雲尊前記唱江南好留取衰顏一醉醺

再登金山

神樓仙館老風煙憶上蓬萊閱幾年塵海定中山
是佛大江東去浪浮天行跡日月隨流轉世事魚
龍得意偏依舊披襟發長嘯真如塔頂白毫邊

栖霞道中

挂席新渠一水通西行直指最高峯蒹葭隔岸薄
聲靜楊柳連隄嶺翠濃萬古江河原浩蕩幾人名
利肯從容何如此地求靈藥托命長鑪斷古松

薄暮登攝山

樹杪飛嵐接暮霞上方宮殿隱槎牙鐘聲已出空

微香殿前還穿石徑斜千尺香巖留貝葉一瀟秋

瀾笑說花太虛亭畔期他日絕早來看金背鴉

黎齋夫子七十壽詩

金厨名彥玉堂仙開裴從今八十年天遣蘇湖留
靈範人知鄒魯有其傳圖書東壁常璀璨杖屨春
風久靜便獨負師門慚報稱惟能歌雅侑華筵

瑞萱詩

鍾山書院秋日萱花盛開足徵 太師母

北堂之慶爰承 命賦詩

畫堂詩草卷八

四 太湖山房

玉露迎秋湛金萱映日輝草分通德里花煉老萊
衣延壽先黃菊鍾靈應紫葳敬效同杖屨千里儂

庭闈春旭隨時共歡心到處依香窈承藹藹講席

對弄弄樹北遙堪獻如南近不遠方知純孝意徵

瑞讀書碑

補咏鍾山書院桂花十月再放二首

淮南一樹小山幽兩度花成兩季秋自是先生無
隱爾故應雪案有香浮

梅花嶺上記先開那解嫦娥另樣裁小試陽春真

法力比中金粟拜如來

偶題秦淮亭子二首

秋烟著水碧生寒，獨倚高樓燭影殘。惆悵綠窗人

靜夜不教輕拍玉蘭干。

經過誰上鬱金堂，綺袂休窺半面妝。便隔紅塵三

十里，墻東依舊住王昌。

同陳古漁遊報恩寺訪展公和尚

居士龍邱長精藍，祇樹林邊餘葛相。得何幸遠同

尋，槍悟禪一指禽，參佛妙音與君捐。俗累常隨願

師琴。

浪跡

卷之六

五 太岳山房

浪跡常為客，端居且放歌。有山依白下，無水入黃

河。高閣朝朝倚，輕舸故故過。更誰同逆旅，對影醉

顏酡。

花市

慣步南頭市，頻看北里花。桂綫圍月影，菊已散霜

華。採摘入如簪，飄零寧可羨。何言滄海上，歸去少

仙槎。

三藏禪院

塵海留常住，瑜伽有辨香。千秋朱雀會，一塔白雲

藏。合手原無事，圓頭可坐忘。龜中有老僧，若求清

淨界竹栢摠寒結

丙午鄉榜江邑，得十人，嘗以志喜。北榜又

十五同科，捷書名最上層。前明成化壬子科，江邑

堂有同科十人，已過三百載，又見一時升龍虎，英聲

繼江山，佳氣增。嗟余倦場屋，數榜亦歡騰。榜發時

全適在

海州自前明萬歷後，迄我朝未有登榜者，揚

生鈍於今科，得中式六十九名，為賦兩首。

海山今古摠蒼茫，數百年來引領望。終有啣環董

雀報宏農，從此破天荒。

卷之六

大 太岳山房

癸科夾谷聲蜚董，丙歲胸山簡得揚。可惜僅陽諸

弟子，寂寥空負讀書囊。

曉晚時有使

曉晚山如黛，催寒葉待黃。客程綿遠道，人意戀斜

陽。錦字百無謂，刀銀珠米將。過江知好去，清夢送

舟航。

紅蘭詩三首

平生空谷劇相知，幕地花神點染奇。不是春光借

桃杏，國香別有好風姿。

高齋得味滿床書，點易花前曉露濡。真箇同心契

蘭臭不須涓滴更研朱
粉壁誰堪妙手誇
湘靈結佩有明霞
何當乞得東坡筆
朱竹旁邊一幹花

秋盡

已采陶公菊仍吟杜老詩
南山空得見西閣不曾
離放棹由風信飄忽
忽雨絲淒涼一回首
去住兩相思

晚雨

商女鳴箏歇吳兒畫
樂闌樓臺暗燈火
風雨隔秋山
寒惜簷梧落愁
輪岸柳芟濁醪
吾負汝不是酒

書亭 卷十八

七

太岳山房

杯慳

四言四首 補錄

南山峩峩江水湯湯
白日可匿逝者其亡
搏人則虎搏粟則鼠
人不可食粟不能取
我懷楊朱泣然路岐
我懷墨翟哀哉素絲
大鳥不鳴大河不清
羲皇無為至人無名

蟬 補錄

吸露餐風不作癡
超然濁穢已長辭
無心苔響同蛙亂
有客尋聲立馬遲
漢苑池臺殘暑後
隋隄楊柳最高枝
方老去猶回首
絕妙斜陽得句時

長江秋老荻花遍
閱憶三十年前鶴峯先生
以此題試士曩時所賦
今忘之矣客中念及
因復成篇

滿眼霜華動旅愁
蕭蕭叢薄未度劉
何會悞種鷺寒雁
亦復低飄趁遠鷗
故壘蘆花同處老
溇陽楓葉一時秋
相看忽洒臨風淚
記取沉灰有字留
九月望後三日同陳古漁
由東花園散步至南城遊
石佛院登周孝侯讀書臺
賦此二篇

石觀音院

書亭 卷十八

八

太岳山房

秋色引幽興出門愛清暇
小巷入町畦荒園問葦
樹沿緣南城隅登頓赤崖
罇琳宮羽客閉石屋大
士借云有智井存鎮毒佛
力藉悠哉蕭寺基渺矣
傳聞咤間效兩京記妬后
中宮逐殿井一怒投趨
救已龍化因之祠井上乃
與懺泉下胡云鹿苑剎
便作龍天舍攀援上高閣
四眺飛簷亞青山晚霧
深紅葉新霜乍城闌忽過
秋院落宜銷夏證往亦
偶然希來幸無謝 流傳院即南梁蕭寺舊址今有
德后所投處故以此鎮之考太平廣記引兩京記
云靜后因忿怒投殿庭井中泉趨數已化為龍毒
痰衝天上人莫敢近帝悲嘆久之因冊為龍王便
於井上立祠此與南史所載小異然此院非殿庭

明矣再考釋典梁皇儀叙因懷悔后往業面
作所述后事舉同今人漫持此儀可笑也

孝侯讀書堂

改過聖所予折節賢最優兼能殲物害今古一孝
侯當其橫行日氣概無九州忽聞感額告變化如
龍蚪有蛟不足患有虎不足憂我亦蛟與虎舍我
其誰讎全歸不辱親除惡為民休大勇奮迺决孔
門希仲由蕭然讀書堂千載土一抔上有高城圍
下有枯栢樛使君慕徽烈翼亭企前修吾懷鄉先
生如作陽羨遊劉穆菴先生守江寧時作亭
其處孝侯余郡之宜興人也

書亭詩草卷八

九 太岳山房

陵韻賦寄一首

蕭齋話別幾經年見說回車亦快然得信石城如
把臂余時在洗塵江館好開筵敢談雞口非牛後
莫問齊統與鄭綿他日仙島霄漢裡不知孤雁海
雲邊

客中晤杜雲莊於秦淮水榭雲莊余研友于
馨嗣子也憶余同于馨少壯徵逐論文把
酒靡夕不共泊于馨成進士分符江右驂
五馬余亦匏繫海濱絕不相聞者十餘年
而于馨已勤勞謝世矣旅窻剪燭與雲莊

談往事不勝今昔存沒之感時雲莊將有
西安之行爰賦兩時為贈

總角嬉遊競笑諱傳才會讓乃翁誇功名分手成
飛絮歲月回頭有落花黃土鴉峯尋地脉青春驥
子走天涯相逢水閣談塵夢贏得桃樵兩鬢華
黃菊丹楓故里閑征車何意不辭艱舊家公子爭
傾倒前路知心好往還北塞雲鴻過渭水西風鞍
馬指潼關倚門正復勞慈母歲晚歸來一解顏

題杜雲莊所藏便而畫冊十首

周廷策

漢雲初起日沉關山雨欲來風滿
樓萬歷甲辰七月為與卿妹丈寫

書亭詩草卷八

十 太岳山房

前山雨未來樹勢盡西偃疎簾卷清簾惜此高樓
晚

下文瑜

山水丁未秋日畫於
依雲山房為傅老詞翁

筆墨閑中淡雲煙分外深相將叩茅屋蒼翠落疎
林按江南通志文瑜字潤南長洲人工書山水不
名一家吳梅村有書中九友歌文瑜其一也
朱白吳中景物四時嘉入夏九詩
花午夢醒來無箇事納涼敲奕試
新茶戊子巳日畫并題似
禮老年道兄教正樂園朱白
凌波閣似秋映水桐如洗吾吟襄陽詩露竹風荷

欽 式 鳴 先生

落 議 得 渾 厚 溫 翠 涵 空 濛 不 逢 梅 道 人 如 見 石 田

馮 易 雲 中 千 空 秀 淡 上 一 亭 試 黃 道 無 人 談 飛 有 欲 回 八 分 書

鳳 氣 弄 晴 碧 平 澗 帶 秋 漾 溪 山 浩 無 垠 好 景 空 亭

上

陳 道 復 芙蓉 秋 鳥 白 陽 山 人

江 花 發 秋 豔 沙 鳥 若 爲 春 不 作 蒼 涼 色 娟 娟 別 有

神

劉 元 稷 溪 山 老 樹 丁 巳 仲 春 仿 趙 文 敏 爲 題 翁 先 生 大 亭 劉 穆 菴 畫 得

畫 詩 卷 八

工

丈 待 詔 正 脈 故 筆 下 無 一 點 塵 惟 平 共 判 生 念 切 而 弗 逸 從 事 於 此 也 春 晴 可 喜 訪 迺 翁 冷 菴 漫 題 紀 興 衰 滄 海 漁 漁 武

揮 洒 極 自 然 手 腕 見 胸 次 策 賢 寫 意 作 正 復 勝 工

生 鑑 山 水 癸 巳 肇 秋 鳥 似 度 野 大 師 墨 政 梅 花 菴 主 鑑

提 萬 開 烏 目 攀 安 有 太 常 世 間 名 太 守 誰 似 輞 川

王

主 原 禪 甲 戌 莫 春 好 秋 仿 董 子 人 筆 意

大 痴 不 可 作 麓 蓋 今 掩 關 焚 香 洗 筆 新 意 在 富 春

山

馬 扶 義 欽 秋 蓮 圓 元 賦

秋 蓮 意 滿 洒 想 見 馬 子 白 裘 陽 有 虎 兒 潑 墨 最 生 色

十 里 江 梅 詩 爲 李 壽 翁 賦

獅 子 窟 中 大 佛 菴 普 提 版 作 梅 花 龕 吉 祥 安 隱 勞

夢 想 艤 舟 猶 憶 尋 江 潭 春 江 醉 石 飛 燕 子 觀 音 門

西 跨 十 里 雪 海 香 團 放 鶴 林 霜 眉 人 識 盤 根 李 載

酒 看 花 百 歲 期 高 風 莫 笑 拜 梅 癡 他 年 更 訪 磯 邊

樹 不 作 將 軍 牧 馬 兒 古 漁 金 陵 聞 見 錄 舊 有 十 里 江 梅 在 燕 子 磯 之 西 田 一 將 軍 來 遊 蹂 躪 麥 隴 農 夫 遂 斬 伐 殆 盡 近 今 梅 花 莫 古 於 獅 子 窟 大 佛 菴 普 提 版 若 吉 祥 寺 之 拜 梅 菴

畫 詩 卷 八

士

安 隱 寺 之 老 梅 徒 存 其 名 而 已 太 岳 山 房

一 次 讀 譚 辰 山 宿 海 上 作 躍 冷 日 鍊 鉞 此 金 不 可 用 大 千 恒 河 沙 天 地 戲 轉 弄 聖 賢 與 神 仙 無 緣 得 隨 從 紛 紜 身 外 累 畢 世 成 一 閱 功 名 更 可 嘆 誰 與 馬 當 送 昏 昏 五 里 霧 眯 目 墮 沉 霧 識 字 憂 患 始 有 生 病 已 中 徒 然 假 筆 墨 何 以 爲 世 重 繁 維 素 心 人 相 關 知 癢 痛

守 風 燕 子 磯 過 承 濟 寺 訪 三 乘 上 人

斷 渡 顛 風 十 月 寒 江 頭 三 日 小 盤 桓 未 知 天 意 竟

何 似 只 覺 人 行 到 處 難 落 葉 打 門 尋 野 衲 危 磯 臨

水問漁竿此間果有前緣在首寺修篁再細看

留贈三乘上人

山路經行熱重來一弄迴石尤還作合燕子未誰
何十笏談塵笑三生悟利那應知江上寺解脫有
東坡

二十年前三乘會索余畫未及報也茲來丈

室談次索紙筆為作小幅并書四句

筆墨因緣二十年再遇還復記從前忽忽敲點維
摩室也了三生未了緣

燕子磯曉發

畫詩草卷八

三 太岳山房

夢醒篙師喜共招五更放柁出江遙東風甫倦水
全落殘月未沉雲半消曉色漸分黃葉柳波光遠
送赤欄橋不須惆悵經三宿吩咐淮流長短潮

龍潭舟中晚雨

忽復雨聲急翻教歸思慳漁燈隱瓜步粥鼓隔金
山江海方迴棹淮揚未度關瀟瀟蘆荻岸遠夢夜
關珊

新河口守風

臨江又不渡作勢北風豪仙客重千斛儒生輕一
塔鈴同聽語關路獨憑三屢黃衡寒酒惟餘舊

粗袍

曉渡

虹尾潏潏響沙頭漸漸明片時容對渡千里可兼
程江靜無豚拜洲寒有雁迎掃霜茅店外卯飲且
深傾

自邵伯鎮至高郵

居闌傳古鎮河水似高江拍岸聲逾壯通湖勢未
降遠程艱旅食寒信促歸艤太息秦淮海無緣老
此邦

十月寒甚再過露筋祠

畫詩草卷八

四 太岳山房

秋暑祠前過歸來感聚生徒嗟負山力不聽聚雷
聲節烈隨時見窮通任運成也知冰雪裏一樣著
芳名

高郵

早淺秦郵郭汪洋楚社湖萬家浮水面孤艇上城
關魚稻今生計隄防古要圖如何懸尺寸風浪沒
菰蒲

得風半日

亦有張帆候何殊下水船蒼溪過黃橋白帝送青
蓮吾道半塗廢天心一瞬旋幾時行處好百丈不

勞奉

夜宿淮關口

香香魚關鑰寥寥犬吠村時平無暴客吏隱少晨
門折響流波亂星光速火昏依然成旅泊心事不
堪論

丙午七月十日河決清河南岸府第廬舍水

深六七尺北冲王家營東潰安東城郭尤

甚至十月塞口復舊歸途經此為賦長律

十八韻

積岸高於堞奔河併作流宴安冬殺水緊急汛防

書詩卷八

太岳山房

秋淮浦當衝要彭門控上游一隄圍駱馬百里逼

揚州交會憑襄運浮沉却壅湖洶瀾須固距分道

即淹留洩尾疏方暢堅中峻可憂歸輪原有處沉

誰豈無由策許陳中下功非仗應酬成規皆妙算

足料實良謀倘乏薪千億兼無土一抔旁觀徒束

手當事但凝眸倒灌湖愁溢旁穿戶莫抹盟津何

以塞隣國若為仇 予帝 恩誠渥宜謀計必周

生靈關重大陰雨傲網繆金鑑常 臨照元圭定

刻鏤通天星宿海終付谷王收

舟至袁浦則輿人以過期不至輒回復焉旅

店三日

相望還相左時哉不可言程途已滯滯儻從又類
煩莫咲墮頰馬終拘局趣轅雲霄竟何礙老鶴尚
騰鶩

齋中手植木瓜一本踰十載矣向為菴竹所

困爰盡伐之然花而不實今冬從金陵携

歸數枝殊不佳且有腐者頃讀山長酬陳

根堂見贈木瓜詩因次韻作荅

種林簷前經歲月抽條竹底剪檀藥已看花試海

棠艷不見香生山舍寒好友惠投微亦貴歸舟攬

書詩卷八

太岳山房

載遠尤難何時一樹垂垂摘滿貯清馨醉夜闌

姬人生日適有梨園遠至戲書長律用東坡

贈朝雲韻

誰教笙鶴下瑤天正及簪花兩鬢元六甲靈飛方

記日三生圓澤久談禪董毅成有徵歌會綠萼華

無出世緣人事儘來堪劇笑且敲檀板唱遊仙

羊尾酥炙薦以豆粥餉之玉槎山長惠報長

歌遂次元韻

學官有常饌苜蓿榮於花素餐十五載白髮盈梳

爬菜園踏破得幾日爛頭熟脾紛交加終慚身廁

大夫後無故不殺誰從擊猶能日糴太倉米磨菽
作糜調乳華垂涎花豬肉泔粒不參豨水澤堅彭
亨凍折長鬚蝦忽逢三百破羣出封尾行炙維其
嘉敢同玉粳薦左右致煩毛穎相驚譁君憶燕山
遊曩余亦辭家擊鮮預西獵飲酪充南茶爾時羶
香不識味悞視美穀如邱麻老來嘆想盤馬地野
火燒盡回萌芽悠哉身世久獲落斷壘劃粥殊未
涯蕪蕪亭子無此樂莫以割瘦啜冰衙乘田委吏
爲貧仕解嘲於我夫何嗟今茲餉遺豈免俗計我
負腹則已者如君言語妙天下遜情勝概矜修姱

書詩草卷六

七

太岳山房

長公放翁不可作匪我爲政憑君誇

送范懼齋出塞

國手其如曠眩何驚傳嚴譴已 恩多愁吟孤嶼

澄鮮句時以守遠委陰山救勒歌出塞只應談

失馬 賜環仍可聽鳴珂知君學力竿頭進好末

殘書載駱駝旋蒙 恩放 贖免行

得庸竹張秋丹次書答奇

蘭亭稱李塊無端六息扶搖得再轉妙術原從三
折臂神仙自有九還丹極知時事須能更至竟民
生賴長官山月湖雲勞夢想不因梁酒隔迷憐

得小弁濟寧道中書答奇

何時衙散越山隈不解燕河又往迴人事十年驚
一變遠方雙鯉喜重來丁酉會得書 兼寄還書册尚憐鄭老如
絲鬢忍負王郎拔劍才莫便臨風重搔首桑榆還
照好樓臺

復次小弁舊題卷石山房圖四絕句韻同寄

兼柬嘯竹

青苔白石了無痕皓首天涯把一尊寄語瑯琊舊
公子更休重問草堂村故居已易主人卷 石不知流落何處

燕河同載出都裝又報車驅岸草荒正是寒風催

書詩草卷六

七

太岳山房

木葉可憐征戍憶遼陽小弁同嘯竹出都北浙時 得怪齋信中途舍舟從陸

半角弁山小結廬故園歸去定何如誰言花月調

歌管不及風塵走簿書

獵碣鴻都久別離舊遊如夢鬢如絲何當更話巴

山雨不負西窗剪燭期

山長惠宣紙一幅并書一絕句云敢說人情

半紙輕鄭處三絕舊知名一簾香雪娛清

畫多少豪情付楮生讀之惶愧因次韻爲

謝

鳳錦龍綃一咲輕只應紙尾學書名畫燒筆研三

太息敢道前賢長後生意謂前賢有藏心堂無
不致下筆但於紙尾記歲月者各而已

臘月望前三日招同江石林先生雪中小飲

漫賦

雪片如蝶舞酒人駢馬來屠蘇滿壺注樽袖一爐
煨短髻笑全白高歌能幾回无益君試看梅意又
春催

雪齋詩集卷六

十九 太岳山房

畫亭詞草目錄

江陰朱黼與持氏

紅豆集

小令

十六字令二首 望江南一首

點絳脣二首 女冠子一首

浣溪沙四首 昭君怨一首

菩薩蠻十二首 秦樓月二首

柳梢青四首 探春令一首

金鳳鉤一首 南鄉子一首

中調

畫亭詞草目錄

太岳山房

臨江仙二首 蝶戀花三首

似娘兒二首 醉春風二首

祝英臺近三首 洞仙歌一首

轆轤金井一首

長調

滿江紅五首 燭影搖紅一首

念奴嬌四首 琵琶仙二首

花犯一首 永龍吟三首

綺羅香一首 望湘人二首

霜葉飛一首 沁園春四首

賀新郎十首 白芩一首

畫亭詞草目錄

太岳山房

畫亭詞草目錄終

畫亭詞草

江陰朱繡與持氏

紅豆集

小令

十六字令 楊花

飛好逐春風東復西隨郎去切莫下郎衣

前調 秋螢

輕亂燕空階滅復明西風急黑夜落寒星

望江南 贈別

江南好分手畫橋頭千樹桃花萬條柳縱教離別

畫亭詞草

太岳山房

也風流底事便多愁

點絳脣 春閨

鶯老花殘畫屏開處愁無那綠雲暗鎖梅子枝頭

大 頰倚闌干終日薰香臥黃昏過羅幃一箇背

着銀缸坐

前調 客中重九遇雨

曾摘茱萸昔年豪興三生了雨疎風峭吟附花知

道 望斷龍山千疊秋雲繞參軍老地殘烏帽幾

個人年少

女冠子 賦死

高簷腦後錦帶斜分左右擁眾髮便我蒙頭帽由
他截耳風 最須憐粉項乞與護盤龍可笑吳枝
別剪貂茸

浣溪沙 夏日

一枕相紋曉睡濃鳴蟬催起尙惺忪
曉聲已度 簾櫳 紅粉汗消蕉葉雨
白羅襟惹藕絲風日長
心緒倚欄中

前調 秋海棠

恰向瑤臺罷晚妝一天清露浣衣裳
只愁高燭剪 寒霜 我是樊川今再世
重來賦與杜秋娘憐他
故態不尋常

畫亭詞草

二 太岳山房

前調 謝題

碧蘚寒埋玉虎深胭脂紅褪粉墻陰
更無蝶宿與 蜂尋 還是春前心性
類一番沉醉到如今涼蟾
猶自影沉沉

前調 秋夜

撥盡沉灰香未收停燈獨自上簾鉤
紫簫聽斷月 當頭 金屈戌搖新
瑣闌玉闌干繞小紅樓消無
聲處最憐秋

昭君怨 別意

隱隱迢迢山水短短長長亭子斜陽一抹是江南
望歸驢 有約今朝重見繡被篝香薰過半窗明
月又黃昏掩朱門

菩薩蠻 金陵感遊

寒城一角孤烟碧淒涼古寺無行迹回首綠蕪遙
斜陽下板橋 方塘流水滿鳴咽鳴絃管呼酒弔
荒邱傷心十四樓

前調 閨怨

黃昏聽徹隨風笛金荷照影雙雙立十二玉闌空
羅襟掩泪紅 樓臺如水浸烟月相欺甚怪底阿
儂家偏開夜合花

畫亭詞草

三 太岳山房

前調 閨意

輕頰淺笑都休了相思一夜愁春老零落隔簾心
慙慙鬼病侵 羅衾何繫戀慣掩殘妝面無處說
深衷還須到夢中

前調 寄章石渠

嚴城鼓角倦人別銀燈綠酒都堪惜醉裏正相思
重關半掩時 無聊偏歲暮依舊山中住山外北
風便新詩好與傳

前調 大西堂韻八首

村行落漠看山碧高天四望蒼涼色兩袖對風垂
羈人那處歸 人生竿木戲若个鬚眉勢杯酒客
中卿可言無二三

伶俦八歲偷窺鏡生成十五憐雙鬢新樣怕雷同
眉山點翠重 妝樓春事晚鍼荷開奩滿刺繡賭
蕭娘紅雲捧玉皇

千金不就長門賦臨邛市上追歡處滌器是良圖
王孫失意無 藍橋消息斷好事因中見六曲畫
屏非殘霞想舞衣

畫詞章

四 大岳山房

十年鑿石磨孤劍長安馬上誰相盼揮手竟何言
歸來獨掩門 陳編堪下酒抱甕虛無有結舌定
雌蟬銷聲只自憐

五更聽澈譙樓鼓春宵雨暗秋風苦夢裏自驚呼
飛魂禁得無 窮途休浪哭烏止于誰屋及溺嘆
蓬廬傷心賦載胥

人間天上都難道數奇并禍高堂老素鞵痛摩娑
王褒泪正多 一腔瀟血熱酒盡空明波換骨少
金丹偏需趙壹錢

栖遲那有衡門下八絃何處尋盧舍欲覓老人壺
塵緣得過無 歡來應折屐我亦東山客不值一

文錢離騷敢問天

白衣蒼狗胡爲爾吾生變態看如此獨立叫蒼茫
吳兒豈木腸 前緣休恨錯作馬須羈絡落拓度
年年千秋渺渺天

秦樓月 春暮

春何意新權片瞬新愁繼新愁繼酒醒夢斷一番
憔悴 綠楊枝上東風起秋千冷落朱門閉朱門
閉飛花庭院困人天氣

前調 贈歌者月兒

畫詞章

五 大岳山房

人兒月圓圓十五春時節春時節燕雛鶯小也難
憐惜 清新眉嫵瓊瓏舌塗妝稍髻風流絕風流
絕笑伊兒女不由分說

柳梢青 春閨

海燕巢空湘簾畫靜斗帳春濃帶困成愁因嬌嫩
懶睡意朦朧 鸚哥慣是欺儂又學語頻呼小紅
驀地驚心芳寬無着好夢匆匆

前調 題歌者錢郎松竹流泉小照

碾玉無瑕凝香有影懶隨堪誇錯認嬌妝官黃未
褪指印些些 臨流小住爲佳愛翠竹青松蔭斜
結歲寒盟和郎三个不欠梅花

前調 辛卯新秋題秦淮水榭

桂權初收雕闌重倚
衰柳新秋萬里黃塵十年清
夢付與東流 蕭蕭華髮盈頭雅不稱聽歌水樓
只合持杯呼來明月一話前遊

前調 丁酉再次前韻

翠蓋齊收黃花爭放已到殘秋說甚劉郎元都觀
裏前度風流 休憎桃葉溪頭冷落盡笙歌畫樓
為道吳儂心情老矣倦狹邪遊

探春令 地坑

牆陰砌畔箇中裝
遍石家銀蠟掩重幃不放輕烟

畫亭詞草

六 太岳山房

襲更何處霜風入 繡鞋紅褪纖纖容步香塵休
怯試回腰好向氍毹立只算做春陽路

金鳳鈞 新月

如何把將殘比那得似初三纖細斜陽纔下小星
未見憑向遙天摹擬 滄溟曾有仙槎繫垂釣罷
銀鈞忘記今宵看處秋河清淺影在落霞空際

南鄉子 又雪天東坡韻

一半朔風收更蹴冰花水外洲歷斷溪橋枯木折
颼颼索米人歸雪滿頭 好景問誰酬絕勝燈明
碧漢秋但得擁爐煨芋熟休休儘臥哀安有底愁

畫亭詞草

江陰朱繡與持氏

紅豆集

中調

臨江仙 秋夜

繞砌疎桐篩月影畫樓簾幙風輕水沉香度碧雲
屏倚闌成小立無語數寒星 滴滴花陰清露重
隔牆初罷調箏闌干敲遍不聞聲空餘虫響急相
伴到三更

前調 過惜園

畫亭詞草

七 太岳山房

簇簇蘼蕪埋曲逕蒼涼烏雀餘音重勞行客一追
尋琅玕空竹院鈴鐺舊禪林 水月臺前春水濶
倏然明月波心風流散後罷登臨笙歌憐寂寞詩
酒恨消沉

蝶戀花 春晚聞詞

蝶拍鶯喉郎醉處花底迷藏肯便容春去碧草橫
塘深幾許垂楊送我濛濛絮 理鬢薰衣真自誤
可惜凝妝樓上頻回顧望遍烟花偏日暮小闌干
外章臺路

前調 贈歌者

錦瑟年華織柳態步上甃甃眉眼都無賴怪底尊
前紅袖在婷婷嬈嬈真難賽 似水柔情歌舞外
板金尊斗地成禁害只恐榆錢春可賣綠陰在
負東風債

前調 渡江

鐵甕城邊催放槩日夜江流遲我乘湖上一葉輕
舟平似掌布帆半幅還無恙 夾岸寒烟搖宿莽
斷嶺橫山隱約難名狀拜盡江豚掀濁浪高風更
下黃天蕩

似娘兒 石城

畫亭詞草

八 太岳山房

客夢落江洲正西風撲面颼颼六朝王氣銷磨盡
千年龍虎一雙獅象幾點沙鷗 輟權獨夷猶望
清涼草木深幽驚心戰鼓聲何處石頭城下頻頻
浪打莫棹孤舟

前調 旅思

隴首亂雲寒正羈人逸思無端青楓烏柏爭蕭瑟
殘霞欲散晚風又起莫向闌干 四顧盡蒼山近
樓前流水三灣樓頭剛聽新鴻到夕陽天外平沙
衰草何處鄉關

醉春風 客思效西堂體

憔悴風塵面拂拭愁相盼深村放眼獨盤桓羨羨
羨一室妻孥三分竹樹滿園雞犬 幾曲青山遠
白水江南岸知卿打疊夢魂來見見見落日殘衰
嚴霜瘦馬夜燈孤館

前調 旅次西堂韻

薄酒衝愁陣愁日偏餘閨蠟梅窗外又殘冬悶悶
悶把劍頻看敲壺欲碎橫琴空枕 五岳排方寸
事業雙蓬鬢挑燈讀史最難平恨恨恨石勒三閭
弓傷李廣免哀韓信

祝英臺近 春感

畫亭詞草

九 太岳山房

捲殘雲消宿雨相望遠天暮傍水誰家繞過綠楊
縷小門半掩還開依稀倩影恰風送歌聲輕度
黯凝佇此曲往日曾聞啼痕尙堪數今我重來檢
點舊愁緒早又明月臨窗春星當檻問此際那人
何處

前調 初夏

繡簾低香閣靜蛾黛爲誰結點袖楊花歷亂舞殘
雪一雙乳燕歸來萋萋芳草早過了江南三月
甚時節試望林外烟蕪遊絲繫情切慵上妝樓鏡
裏見紅靨看他團扇新裁羅衫初卸去撲取滿園

蝴蝶

前調 寒夜

晚天低平野濶風色冷高樹看盡栖鳥宛轉定歸
處草堂寂歷無人熒熒燈火總添入黃昏愁緒
更疎雨點點滴向心頭經年事何據空對孤檠百
感任交乘更教喚起哀鴻敲殘寒柝似恐怕夢魂
飛去

洞仙歌 題金桐園小照

長衢官路走雙驂流汗赤日行天暗塵滿正炎蒸
溽暑襤褸紛紛似醉客落井眼花撩亂 有人攤

畫堂詞草

十首 太岳山房

素册箕踞科頭高蔭疎桐俯清漢此境比泉明小
臥羲皇北窗下鳥聲呼轉便一任喧傳督郵來諒
五斗那能折腰相換

轆轤金井 聽雨

短夢催回聽瀟瀟閣外雨聲多少轉枕舉帷剔蘭
膏燄小難禁禁料峭和一片蛩吟衰草不似從前梧
桐無賴新寒報早 依然繫情未了奈空階長夜
由他飄洒料得兒家更誰憐悲情而今猜道都只
是啼紅吹到做盡秋聲飛來旅館招人驚覺

畫亭詞草

江陰朱黼與持氏

紅豆集

長調

滿江紅 雪後夜雨次張安國韻

積雪晶明黃昏後翻成雨意渾不似玉階清露銅
壺秋水滴盡總於銀燭下飄來更墮霜花裏想箇
人此際定何如淒然耳 拋不得珍珠細敲不得
瑤釵碎只當年舊雨尙留餘味白屋許教波作溜
紅樓肯放鄉名睡記昨宵雪月兩交光人千里

畫亭詞草

十首 太岳山房

前調 湯陰謁岳廟次武穆元韻

裂膽披肝衝冠恨悲歌未歇猛提起金牌詔促風
波禍烈直抵黃龍拚痛飲歸南北斗迴星月竟何
來馬首一書生言深切 青衣酒羞難雪朱仙鎮
身隨滅嘆山河從此天傾地缺百戰空餘臣子泪
六陵長酒君王血感忠魂萬古擁靈旗依天闕

前調 丙戌都門寄南二首

可笑吳儂驀地作燕臺孤客幾會慣三千里外等
閑經歷朔雪邊風都過了塵埃野馬誰禁得走長
安卓午火雲高單車出 蓬萊上瓊瑤闕瀛洲畔

神仙宅有罡風激箭不容凡骨遊子已攀紅日近

帝鄉仍似天涯隔猛回頭縹緲望江南傷離別

豈有田園且容我衡門栖息好伴取凝塵半榻殘

書數帙已失佳兒成撒手尚餘嬌女能依膝看閑

窗罷繡午陰斜教拈筆 吟幾首瀾翻舌耕一研

窮酸業便冬烘無恙也由人說亂想腰金衣換紫

那知足爾頭先白待何如拂袖早歸來燕遊畢

前調

登江韓園有宋梅一株瘦削如屈鐵花時畧綴數蕊古意絕倫曩在都門曾作長歌寄懷比來沐浴聞其已稿不勝悵快爲賦此詞弔之

十載風塵訣別了東園古樹更休問蕭牆側畔著

畫亭詞草

三 太岳山房

昔深處處士自然堅晚節美人竟爾傷遲暮嘆孤

根五百年來成虛度 春城外騎驢去清溪曲

眠琴任記暗香疎影竹籬村鳩鴉怨山空明月夜

雁回人遠天涯暮待歸時呼酒酌平蕪梅花墓

燭影搖紅 春陰

珠箔沉沉翠樓十二春雲重鶯鶯瓦上綠苔新補

綬重簷空未是紅肥綠擁却耽悞鶯簧巧弄過春

社了燕子歸來泥融畫棟 掩抑窗紗象紋不透

湘簾縫起來無力試單衣只有薰籠共拚得韶光

斷送更誰管垂楊新種禁烟時候門草心情都成

春夢

念奴嬌 中秋大東坡韻

掣開玉鎖彩雲圍住蟾蜍踪跡今古山河渾不

老試認婆娑寒碧此夜江南方塘似鏡萬里芙蓉

國有誰管領好將佳境遍歷 堪笑對酒悲歌乾

坤逆旅也作秋風客我向嫦娥尋舊約天上人間

今夕一曲霓裳三秋桂子去便驂鸞翼披仙往矣

幾聲何處長笛

前調 秋夜風聲

此秋聲也依然到舊日歐陽處記說啣枚驅萬

畫亭詞草

三 太岳山房

萬失盡波濤奔赴雨脚星沉雲頭月黑更比當年

苦淒涼無那忍教獨掩朱戶 莫便從此蕭條離

人還待熨貼寒衣絮一點孤窗燈火小空仗銀屏

遮護來自西南去應東北問是誰留住猶憐四壁

草虫唧唧如訴

前調 雨中登金山絕頂讀夏桂洲和東坡大江東去詞因次元韻

呼來風雨恰憑仗磨洗江天雲物踏破空濛攀絕

磴立我浮圖半壁霧重南徐洲昏瓜步更捲蘆花

雪登臨對此頓傷千古豪傑 驚聽裂石穿雲魚

龍長嘯萬里狂飈發鐵柱冰車轟四面一點牙檣

明滅客子摧心舟人促渡篷底寒毛髮山靈笑我
不會留待明月

前調 次韻答查山長

吳儂何似似東風吹斷惜花情緒紫燕黃鸝都過
了只有將歸一句錦瑟年華青雲志氣萬事輸儂
伍無聊詩畫且消日月閑處 多謝毫素深心脚
踟搔首感喟從傾吐浴日燕雲成昔夢也算劉郎
前度微倖逢君頹唐縱酒百歲原難遇人生行樂
好春空怨遲暮

琵琶仙 水南菊花

書亭詞草

十四 太岳山房

寥落池臺喜重見林下蕭疎情性憐絕濃淡丰姿
東籬笑相認秋正老西風滿院又添取一番新病
可記當時迴廊畫檻涼夜人靜 忍忘却擘蠟烹
鱸幾回向江南占佳景只嘆荆扉黃葉似吾生落
梗誰更管霜花露蕊倚碧苔何限清冷說甚高士
風流昔年三徑

前調 感舊

惆悵東君又貽我二十四番風雨厭池羅袂啼痕
佳期渺如許花信晚干卿何事更腸斷謝家庭戶
曲巷橋邊垂楊門外多少情緒 枉拈取銀粉吳

箋總難畫春風杜陵路容易剪燈深夜共啜嚼松
語流不盡清溪一曲剩隔牆紅杏高樹記否寒食
清明踏青遊處

花犯 紀遊

試春衫飄然滿袖東風過幽巷綠尊傾罷趁碧漢
高橫纖月初上灣環幾轉銀墻傍重門記惆恍啓
翠幙箇人相見風流初度訪 蠟盤絳臺步罷
雙鬟誰似汝娉婷模樣倚錦瑟歌喉轉碧雲凝向
休漫怪酒人狎客爭擊節當筵同跌蕩向賺得綠
筠佳筵新詩和畫賞

書亭詞草

十五 太岳山房

水龍吟 端午

斷雲吹雨瀟瀟麥秋已過餘寒峭閑庭枯坐蒿萊
深處戎葵花早角黍曾嘗綠蒲休剪一尊難酌問
今朝重五獨醒迺爾還只怕靈均笑 扼腕平生
潦倒肯埋沒人間年少滄溟萬里鯨魚堪掣神鱗
堪釣何事頻年絕潢斷港落帆輟櫂更輸他兒輩
中流競渡龍舟猶翫

前調 題王炎菴獨立圖

眼前十丈紅塵幾人獨立閑無事拋殘烏帽吟髭
然處藩籬天地四十年華三千客路昔顏猶似又

萍踪攜手秋燈展卷還識得偷然意 醉盡長安
酒味也都算神仙遊戲懸來肘後何須金印奇方
堪試只料壺公箇中常見溪山故里早橫空塞雁
南飛時候先生歸未

前調 餞別東園少尹席上賦

酒兵毋陣轟然寒香堂上開襟熱聽殘玉漏燒殘
銀燭千觚未絕老子南樓興何曾淺不須明月問
胸中塊壘澆餘幾許渾不是窮途籍 莫嘆雪泥
鴻迹算惟有交情難割從今判袂越禽代馬再逢
何日燕頤功名鳶肩際遇此章重出記年來遊俠
朱家老矣好逢人說

畫詞畫

共 太岳山房

綺羅香 別意

白水干灣青山萬疊畫就相思地面微倖情騰上
馬糝糊近遠猛記起笑靨羞蛾又勾取愁眉泪眼
似珠鞭再叩銅環飛魂已在瑤臺畔 如磐風雨
淒絕便青山白水都教遮斷由得梧桐窗外和愁
分判當此際薄酒殘燈想兒家繁絃急管更休道
羅帳香濃夜寒春意暖

望湘人 次韻答于磐

笑浮萍斷梗湖海歸來故園臺榭蕪絕細雨連天

落英滿地已過殘秋時節塞雁音沉嶺猿啼苦衣
鴉愁結走霜豪詞客情深直恁雄心摧折 尚有
劍聲瘦骨儘卷袂頻敲不堪嗚咽信碧玉韜輝值
得雙趺生別好事多磨浮名何用枉費一番收拾
但天頭牛斗光騰試認豐城劍鍊

前調 丙子于磐秋捷次前韻

愛秋花爛熳無數容華艷陽輸此佳絕冷露無聲
高風有意吹過重陽佳節靈鵲千羣天香四吐燈
花雙結聽朝來邸客傳呼屐齒何人全折 自是
君身仙骨向碧落遙聞曲聲清咽笑明月團圓會
照當年泣別素韞憐吾青衫卻汝朱紫憑君輕拾
想長安獻歲花繁掩映琴囊劍鍊

畫詞畫

七 太岳山房

霜葉飛 邊思

黃沙白草蒼茫地飛塵千里如掃羣山橫走玉門
關路入長安杳落照裏孤城閉早垂鞭四望高天
小何處動邊聲是虜栗胡笳錯認牛馬悲嘯 總
去獵獸平原堅弓勁矢愛試犬猛鷹矯酪漿桐酒
割鮮嘗只當尋常飽都不管霜嚴風峭此間今古
憑誰道漢帝朝秦皇代塞上風雲將軍潦倒

沁園春 水南

客有幽居遠避塵囂流水孤村見窗外差栽石皆
姓米座中歌嘯榻自懸陳菊栢丰標梅蘭臭味花
與先生共一身添清響有松風入戶欹枕時聞
余踪笑比浮雲只相對頻年亦爽神信錢可買山
不霑微祿書教種樹未息勞筋好友良緣衡門小
築便是吾廬結構新閑庭寂問誰來看竹有箇閑
人

前調 卽事

何以賞心狎客偕來水南草堂正一葉初零梧桐
未老千竿積翠修竹成行過雨樓臺新涼天氣列

畫亭詞草

太岳山房

坐其間闢綺窗珠簾卷看畫屏秋色銀燭秋光

懽呼已罷飛觴聽四座吳歛韻繞梁愛絃索新聲
曲翻變徵琵琶妙手調雜清商宛轉歌喉琳瑯拍
板洵是諸君獨擅場流連處早銅龍點點玉露瀼

瀼

前調 髮

若箇人人螭首天然青絲迴殊看垂手八盤粧成
螺樣深官一尺染就鴉雞明鏡開奩香雲撒地我
見猶憐况老奴回頭處怕瑤釵膩滑纖指輕扶
宵來委卸羅襦更粉項垂鬟襯雪膚恰似從枕畔

因依繡褥散來帳底撩亂流蘇半挽猶鬆全拋待
理此際心情覩得無紅窗曉有檀郎珍重拂拭瓊
梳

前調 腰

無限風姿楚楚纖腰崔徽後身想調酥捏就繫裙
不起佩蘭薰得壓被偏勻爲着誰儂昨宵今夜錦
帶圍來減幾分雕闌外恐輕風吹折小立傷神

會經甫歛歌唇更翩若驚鴻舞態頻訝黃蜂花底
乍含甜蜜綠楊隄上未到深春束素休猜回身敢
望十五盈盈忒可人黃昏後許香囊暗解悄地銷

畫亭詞草

太岳山房

魂

賀新郎 盤腸懷古

斗大江干地憑記取百年遺跡殷頑愚計困守孤
城牢不破敢拒千羣鐵騎漫談笑重圍深際徹夜
悲歌山月黑猛聽來憐盡聲如鬼三日後登埠矣
吾生幸值承平世嘆蕭蕭秋風蘆荻難尋故壘
指點寒沙斜照外一派江濤怒氣問今古滄桑餘
幾猶有自頭開父老說當初繞屋青燐起會酒遍
荒原淚

前調 君山懷古

霸業烟銷矣上危巒幾回搔首吳頭楚尾太息英雄多妙算何用李園女弟竟不料棘門詭計在然從前羞玳瑁問三千珠履今餘幾總付與殘陽裏

江山滿目都如此看何處田文趙勝信陵公子

只有一杯埋俠骨衰草黃雲陰翳倚誰讀模糊碑記斷谷荒崖成結局笑浮光也說春申第望江漢

渺無際

河南光州有春申君故宅

前調 金陵月夜

斷續譙門鼓正天街寂寥清夜高歌獨步百尺樓

臺簾曠靜一片寒烟籠住更休問秦淮商女碧水

畫亭詞章

辛 太岳山房

平沙迷舊夢便重來杜牧無尋處空盼絕畫橋路

回頭猛憶風流王記當年新聲妙伎終宵歌舞

若箇江山輕薄甚拚却荒涼如許但明月高懸千

舌我欲三更呼庚信恐嚴城尙有金吾怒哀不盡

洋南賦

前調 盡于殘

陡絕中流住走長山觀音門外屹然雄據鐵鎖千

尋牢繫定不爾直教飛去儘挺立危崖終古兩點

金焦門戶近信東南半壁吞吳楚試曠望艤舫處

天空海濶真如許笑從蘇探劉事業旌旗戰鼓

百萬縑繒銷滅盡總付寒濤煎煮算只有英雄最苦我向春江欲醉石看扁舟自在歌漁父渾不管瘦蛟舞

前調 咸舊

剪燭西窗下那更問十年往事三生舊話玉軟香

甜春似海消受眉梢眼罇都只在尊前燈下小巷

朱門風月勝記墻頭紅杏花初謝人定後殘妝卸

前塵昔夢空悲詫最難言鶯兒燕子芳魂俱化

回首青春真泡影早度綠荷朱夏問何處停雲臺

樹夜半無人私語好怪吾生未遇卿先嫁只落得

畫亭詞章

辛 太岳山房

秋風罵

前調 重九江樓作次西堂韻

看到黃花矣正新涼層雲閣外長天秋水須信人

生佳會少只問重陽有幾又安怪牛山掩涕我亦

多愁如宋玉但持螯把酒會拚此况不是滿城雨

鼻端出火風生耳更無人題詩戲馬送君千里

自古登臨饒勝槩笑煞伯與王子直恁說當爲情

死此日詩翁還健在插茱萸醉倒藍田裏搔短髮

整冠起

前調 次顧梁汾生日自壽韻

萬事應知矣算分明大都八九不如人意筆底年
年描不盡依樣葫蘆而已便道是撐天立地也解
吾生如夢幻像虛花浪蕊從春寄那倩得風扶起
繁華過眼浮雲耳偏羨箇官花壓帽錦衣歸里
比是銅山錢庫滿傲煞風塵下士又誰管街談巷
議到底酸寒供一笑問千秋幾箇從頭記枉負却
凌雲氣

前調 疊前韻

彈指千秋矣笑乾坤移今換古都如無意着我微
軀隨落拓一粟滄溟而已只算箇蜉蝣天地激箭
罡風吹汗漫便神仙也向紅塵寄踏不盡劫灰起

書亭詞草

主 太岳山房

人生八字安排耳看分途蟬鳴一葉鴻飛千里
熟讀離騷拚痛飲卽此居然名士請刪却儒生未
議若問前生金粟化又何妨再受如來記試領取
旃檀氣

前調 題拂雲詞二首

除夜金華客最無聊紙窗燭地不堪今夕几上拂
雲新樂府展卷閑消岑寂頓忘却離悰南北秦柳
蘇辛渾一手信此才天授非人力從快讀燈重剔
筆絃細語瓊酥滴欸飛揚將軍綽板霜開電拆

兒女英雄憑說法便是津梁彌勒依認做蓬場作
劇蘭畹金荃歌過了送殘年漏盡東方白虛遠夢
感疇昔

我亦狂吟客記他時移宮換羽等閑朝夕月上吹
簫花前酒點筆不愁孤寂幾曾管貧富南北比似
休文真虎鼠但當車也逞螳螂力會放意恣爬剔
而今塵掩蟾蜍滴嘆吾生琴心劍氣久成頑垢
忽把青綾珊瑚軸見獵欣開羈勒是老繩重枚兒
劇懷古思鄉堪一笑擘烏絲忘了顛毛白余悞矣
歲非昔

書亭詞草

主 太岳山房

白華

客中遇雪次柳耆卿冬雪元韻

四天垂六花舞林梢浙瀝飛梅捲絮漸漸漫漫霽
幕早糝糊隔溪無數亂山碧佳絕笑當年護道是
胡鹽拋擲驚心遠空瓊海銀濤一色塵白龍敗鱗
殘甲縱橫跡 堪惜金荷蕊燦錦帳爐紅箇中情
味惟有深杯消得誰料傍蘆花向蛟龍宅匆匆拚
了却瑤臺萬里凍雲欹側倚遍江樓四顧茫茫迢
遞鄉國只聽西風畫角頻吹息

畫亭詞草

謙吉

紅豆續集

滿江紅 刀箭

海錯空誇畢竟讓銀刀第一正沙外東風吹浪江
魚先出破網恐教同切玉粘鱗刺愛如團雪看清
姿脫水淨無瑕芳鮮絕 休列腹絲腸潔休大嚼
針芒密禁當筵鹵莽老饕喉舌湖莊卑宜居下品
盤殮妙可過三月記流脂膏沐助烏雲吳娘髮

水龍吟 河豚

畫亭詞草

太湖山房

更無春雪餘寒滿船網得河豚美雄雌誰辨彭亨
鼓腹如蛙怒氣兩刺睛腫細除油膜雙拋魚子遂
鮓文剖正約分十八座不到添薑豉 最是琳腴
雪比愛嫩乳夷光堪擬勻圓幾片調酥入口流膏
猶漬蘆荻初芽柳花未放宛陵空記檢炎皇本草
江陰人食煮長江水

探春慢 燕笋

破凍聞雷調酥着雨山園土豚初迸林外千竿籬
邊萬箇一夜龍孫穿稜正燕笋舊壘聽細雨綠窗
入靜喚教攜取長鏡不管露華沾脛 青箬歸來

悉屏愛珠得瑤簪數枝爭堂嫩過菱菰滑同蓴菜
恰佐午餘清茗何日塵緣了更參叩禪師門徑玉
版填胸三生重見心性

念奴嬌 鱸魚

垂楊港外看江船起網漁師驚哄料得魚身愁觸
撥圍圍隨習不動黛淺侵髻腴多滿腹照眼銀花
湧筠籃入市嘗池寒玉爭擁 遙想嫩笋齊蒸圓
鱸同煮纖手親擎送頓頓黃魚真自槍別有鮫宮
殊種紅藥翻殘青梅摘後寄遠糟徒用儻陽十暑
故鄉佳事如夢

畫亭詞草

太湖山房

齊天樂 松茸

嶺松花落風飄處平鋪草根近遠利暑逢秋荒蕪
過雨蒸氣亭亭成片枝撐寸短訝青葉如錢紫雲
團繖悞入仙山采芝獨自杖挑遍 林間種多細
辨只蒼髯生化供太常饌小着晶鹽粗分肌縷一
吸清馨何限磨菇慣剪怪北客爭誇五臺靈嶽是
越東施效顰空自覩

徵招 黃雀

西疇秋老霜初下離離黍禾齊熟啅雀正添肥憤
低飛平陸虞羅張一面膜烟起裊長竿竹落葉林

遠蕙花隄上細柳盈掬 村釀恰新篔故人到幾
層尙留殘菊脆炙喜堆盤笑黃雞味俗糟醪固小
甕寄眠腊天涯朋族似扶共倚杖柴門競齒牙清
馥

滿江紅 蟹

稻熟湖田便是爾橫行世界能攤劍星沉月黑憤
穿溝滄絕少寸腸偏得意生成八足真無賴閃青
燈一點斷中掄爬沙在 黃封拆銀杯隘紫薑搗
銀絲鱸只須多美產監州休拜尊滑鱸肥風乍起
橙香橘綠秋如繪問涼宵客夢阿誰邊清江外

畫堂詞草

三 太岳山房

秋宵吟 梅花

那能種樹數丈吉貝開花空想中原土有草本敷
藥古終盈壤吐蒲葵挂栗椽朶朶雲堆雪晃爭看
取女手機織夜燈車紡 織就機絲鋪白氎裁量
新樣更無侈願但得牽離不恥溫袍做好是江鄉
儘屈指西成收比黍饒怕秋來枝葉堪憐風雨傾
倒悞長養

清波引 蠶豆

麥秋梅雨恰留得黑雲點蕊震雷驚耳莖花鎖如
此節候到槐角一樹垂垂堪擬乍經眠過銀蟾綠

陰下摘鮮喜 金風客歲記分種纔罷未度春
先熟商飢客正美轉車且休問待趁來牟儲待只
看烹菘供養愛青青子

踏莎行 春草次汪秋聖韻

小暖催萌餘寒偷歇平蕪誰染春顏色紅樓一夜
雨聲中曉妝暈入眉痕碧 綺陌朱塵蘅皋香雪
踏青歸去無消息萋萋那得不關情畫裙拂遍花
時節

瑣窗寒 梨花次汪秋聖韻

蝶粉微沾蜂鬚輕颺漸催鶯老珠簾垂處一片梨
花

畫堂詞草

四 太岳山房

雲夢曉正惜騰懶近芳叢錯疑仙李初開到誰道
是另樣丰姿淡入菱花清照 寒峭相思情記當
年人面衣巾綦縞黃昏院落十二闌干暗遶想而
今門掩青燈綠陰斷岸流波杳也教結子怨東風
問含消多少

瑞鶴仙影 金陵寄王十二春明用姜白石韻

綠波池館清秋夜嬌歌倚盡絃索玉山頽處銀鈎
斜挂翠樓西角離懷最惡記同把玻璃淺薄往來
問經三十載心事付冥漠 誰信秦淮客一枕遊
仙夢中歡樂畫簾重捲繞雕梁暗塵猶落試問王

即可等箇洲邊憶着望迢艇子兩漿忍負約

金貂換酒次韻酬陳古漁秦淮尚書夜話印送還沈之作

話舊當得暑憶前秋斜陽南郭遊踪何許日月都

從闕裏過老却秦淮烟樹更休作傷心人語白髮

簪花吾自笑看秋風吹變章臺路零落盡紗籠句

嗟君擲帽狂歌處便待學觴浮金谷罰君如數

第一詩翁光潦倒枉獻窮途三賦漫說箇殘年射

虎太息詞壇飛將老也須隨醉尉呵呼去讓李蔡

侯封住

前調 再次前韻呈古漁

畫堂

五 太岳山房

來往隨寒暑算人生光陰過客忽忽如許若得黃

金醫白髮誰種白楊風樹說不盡華胥夢語半世

名場荆棘絆到頭來別有康莊路休仗着驚人句

相知傾倒忘形處剪青燈天涯聚首豈非前數

圓缺陰晴明月在邀得蘇髯同賦底用笑蟬蚋如

虎世事須知真亦幻看飛蓬又逐秋風去一切法

回頭住

前調 辛丑夏再次前韻寄懷

客歲逢殘暑記河亭闌干同倚秋光幾許雪乳初

翻曾說餅正值雨鳴高樹又趁着寒蛩細語點點

俱添離別淚挂輕帆徑指邗溝路消受得懷人句

經年望斷停雲處感飄零天南地北其中有數

何況文人多命薄便擬長楊奏賦也只是拈毫畫

虎賣藥韓康埋姓氏老鄭虔醉即揚鞭去隨爾我

因緣住

畫堂

六 太岳山房

畫亭詞草

江陰朱補與持氏

紅豆續集

念奴嬌

淮陰侯被難蕭相因馳書托孤於南
海尉作作討以地在廣西與廣東接
壤世為土官子孫繁衍作縣姓幸用
韓之半也順治初蘇州司李吳百朋
之父字思穆為粵西縣令避行山峽
見少年將軍廟英風雅概敬而拜之
時有土官率共族人稽首稱謝云神
即淮陰侯子并述原委且舉相國與
作書及作所賜勅諭以示吳甚以
為異此與張大齡支離謬誤所載同
見淮安府志丙午孟冬同杜雲
莊寓齋談往因賦此詞弔之

畫亭詞草

太岳山房

楚歌四面奔重瞳駿馬名姬休矣不仗淮陰三尺
劍那有斬蛇赤帝雲夢成禽未央流血烏盡良弓
藥千金報母到頭其奈雌雉 畢竟相國飛書問
鬪南粵逃得英雄子劇徹佯狂誰可遣此容惜亡
姓字趙氏溪山韋家茹土古廟留天地蠻夷大長
酬恩應笑劉季

前詞

余自閏七月赴金陵歸寓至十月
畫樓清曉驚報道昨夜三更飛雪怪底新寒欺客
被恰到小春初一鵝酒黃消貂裘黑徹何處因人
燕秦淮烟水忍忘殘暑時節 指點月榭風亭輕
衫團扇真箇猶前日轉眼迴頭都不是舊地花飄

燕秦淮烟水忍忘殘暑時節 指點月榭風亭輕
衫團扇真箇猶前日轉眼迴頭都不是舊地花飄

六出江海孤踪秋冬半歲容易光陰擲好須歸去
看他牕外梅發

賀新郎

丙午再次舊
詞呈古漁

幾度南樓暑又今年新涼過了新寒如許可喜故
人還健在促膝墻陰高樹聽多少蟬聯絮語滿地
秋花秋已晚指城隅更走長干路尚記得旗亭句
而今回首經遊處剩一片斜陽衰草亂山無數
紅粉成灰名士老感舊不堪重賦那再論雲龍風
虎只有長江淘不盡儘滔滔日夜東流去誰障得
狂瀾住

畫亭詞草

太岳山房

水龍吟

次韻譚辰山劉
河舟中風雨

此生知己何人白頭握手成傾倒忽忽別後霏霏
雪念新寒初到一樣飄零兩般去住三生未了喜
秦淮高閣重尋舊雨且消得閑煩惱 聽說劉河
輟柁湧波濤渾忘昏曉吾衰甚矣乘桴難再殘編
空抱我亦如君貧原非病片言相告但當歌對酒
風幡不動儘堪娛老

更漏子

秦淮夜雨
次飛卿韻

緜新詞彈別泪憐絕箇人才思鴻影亂菱花殘晚
風江水寒 秦淮樹空樓雨只有離情最苦酒醒

後畫簷聲孤燈一半明

柳梢青

補錄癸卯秦淮水榭三疊前韻
與皖城馬堯佐瓶水史不載深溪王
春明同寓此今堯任已故木巷久不
晤春明遠任廬江分袂又數載矣

碧漢雲收西風潮落又遇深秋人物都非山川依舊歲月如流

高歌脫帽搔頭好記取青春倚樓

海角天涯眉間心上有箇同遊

前調 丙午四疊前韻

帶誰收瑤環不斷好夢經秋院落宵深紗牕霧

倚簾影波流 行人燕子磯頭解纜去江紅枕樓

垂老心慵浮世踪跡故國神遊

畫堂詞草

三 太岳山房

採桑子

月中山長至冰不數日即返維揚
時訂余同赴金陵因填小詞報謝

秋時候櫻筍荒厨茶未就乍得相逢又過紅橋

柳中 秦淮清淺文酒風流知不遠悞約同遊

讓簷花十二樓

減字木蘭花

今歲金陵之行出於不意而山
長借行之約反不如願歸沐
談不勝慨嘆承示
小詞爰次韻奉答

玉珮蓮花珍重不見音書相送人生去住信天翁

笑孤鴻 同是黃楊樹子閨厄今年馬齒可憐東

箭與南金兩無情玉珮軒蓮花街山長
附信於此竟不發也

〔清〕張開東撰

白菴詩集十六卷附一卷

清乾隆五十三年張兆騫刻本

中丞惠瑤圃先生鑒定

白苑詩集

棗存園藏板

序

余嘗存之楚攬祝融荆門湘
離洞庭江漢之樹時離瀟蕩
愛其雲物煙雨迷離變化
山禽澤鳥幽冷娟烈離騷

白苑詩集

序

九歌之意惘恍遇之以為其
文章必稱是也徧索之得蒲
圻張君白苑之文白苑初以
制義名家前朝國初諸老
未之識也既而泛濫於詩話



古文各體老不得一第欲極
遠游以吐其奇前登衡山躡
武當闕太室少室未及也喟然
曰遂古之勝起於西北乃東
晉攀恒上太華之巔俯瞰

白苑詩集

殊游

二

昌黎悲咽之姿不啻井底
耳嚴冬禮五臺踰鴈門出
殺常口徘徊大青山之麓而
好於明妃之墓十二月陟恒
遂游 京師觀

天子之宮闕循西山下天津
至於東齊宿留蓬萊閣者
四十日掉舟泛海島瞰日月初
出波濤騰沸之聲色自冬徂
春客岱山之頂四越月而後

白苑詩集

殊游

三

下所至大書刻石還謁孔林
邳嶧凡古賢聖君之烈士貞
女之墓蹟必吊而誌之為古
今詩賦銘頌文不下數千首
矣君初不持一金坐獨輪車

所遇壯其志喜其文者則轉
送逆之一僕中道去遂獨身
間開載書數千卷辛壬癸甲
屈折走數萬里其愛古怵惻
出於至誠表彰幽逸尚諱忠

白菴詩集

朱序

四

厚至謂明妃必不貳節其性
情之摯怨苦百折而不悔也
君之詩溯源於漢唐而有
山川奇偉之氣助以詠歌太
平無抑鬱蕭瑟之致然則

其中之養者近乎道矣抑吾
獨恠古人高山之上深谷之中
常恐千秋萬世名湮沒而不
稱豈所謂三不朽者必如是之
汲汲歛歛君浮雲富貴脫履家

白菴詩集

朱序

五

室而獨不忍忘情於是者以
歎其蓄於中者有不能自
遏者耶吾聞五嶽三山經
真宰含靈氣不獨其名尊
也君歸而常羊乎青山

唐朝歌夜歎海嶽之妙與
神俱存口不能言書不能傳
東囊萬卷如塵如雪如雲如
揚於大塊之間斯君之游也
肉矣於其將歸一言以為贈

白苑詩集

朱序

六

乾隆甲午冬十月大興朱珪
拜誤



詩不次格即遇而變予幼嗜為賦因
并嗜凡之詩其情隨吏遷者歷二可
按廿曩余讀隸靈岳山館月碧鐘清
泊然自遠輒多飄洒冲東之什既而
捷率宮歷館閣揚詡煥漸為繁富
後乃撫關中移大梁

白苑詩集

朱序

一

簡命入楚繡鎔煙袖山川雲物止助寄
懷壯闊綜予生既作寸心默驗其轉
竟不同而哀然已成快矣將質之稱
舛和張子白蕤春骨所考鑑而己不
更得今廼讀白蕤文集旨趣把印而
自以自念其白蕤者明經僅以學博

終其遇抑稍奮百然其性情高淡讀
書於蒲陽之雲峒數十年不亦於得
告故為詩脫去珍域融怡自遂不殊
余靈巖山館時定白蕪游 京師亦
曾與臺省諸公鬪擊鉢之吟競探駟
之句揆辭雄所足抗蕪許又未嘗不

白蕪詩集

畢序

二

隨所值而變也余識白蕪於關中是
其遊西岳之始也抵白登吊青塚
踰太行歷恆嶽登泰山望東海陟嵩
叩而歸極其所也輟通寰宇而衡山
接壤几席間物耳其縹緲襟期混茫
蕭什洵足包孕海嶽以視多鞅掌馳

驅限於方域者倘乎遠矣余賞白蕪
之詩既自印而又以滋愧也雖然白
蕪學人也九其游咏吟嘖皆發於性
情之純粹而不可假飾者也以多幼
而嗜訛稍窺於溫柔敦厚之教徵之
白蕪諸作言藹而行端不悖不求而

白蕪詩集

畢序

三

夙眷何如也吾即執白蕪之詩以為
世之數訛者勸
乾隆己酉臘八月鎮洋畢沅弁山氏
題於武昌節署



叙

蒲圻張子白尊以詩古文名家四十年無所求合於世而獨嗜遠遊天下名山巨川無弗至者道見巖壑苟有異輒欣然又不必圖經之所載往逞舍舟獨行或五六日而返或十餘日

白純詩集

胡序

不返舟人利其值亦不之怨至於荒墳陟殿及古戰場英雄遺跡未嘗不徘徊顧盼對酒沉吟衆人環視之不知其性情之所悲喜也所至必有詩愛山水故詩多不忍棄昔庚申辛酉間夏觀川先生設教江漢一時人才

宿學競歸門下余於是初識白尊蒲圻之士來者潘子斌年最少因言李表南及白尊之後弟伯翹皆素齊名方赴公車不得見後三年余過武昌先生既歸居同人皆散乃於八月十五之夜行於黃鶴樓邊月光滿地四

白純詩集

胡序

二

顧空虛逾坡見人影有聲喧然即而視之其箕踞微笑者白尊也狂呼而劇論者伯翹也余識伯翹自此始丁丑余在京師得寒疾三日不蘇伯翹子斌日夜坐床隅已而開目視左右扶吾肩者誰也應曰吾伯翹也問曰

賓陽安在賓陽者白尊之字少時所稱故猶記憶庚辰余在武昌表南為余言白尊五六年間遊匡廬泛淮海河洛至於嵩邙今復南尋五溪是秋白尊從湖南來問之果然自是十年余在京師不知白尊所遊處去年余

病歸車次襄陽望鹿門在咫尺聞白尊設教於此至則白尊去且數月或言遊武當或言復尋衡山未詳也今年秋余就醫漢口白尊來訪余得讀其近年所作是時白尊彙集付梓人趣余為之序且曰爾日將西遊華山

恐數月不得歸後此見於何處余因念表南子斌先後下世伯翹以學官寄石首而白尊乃曠然遠遊任其意之所便何其樂也天下山水從古皆然而獨能不負所遊盡發其胸中之蘊老而且不倦其志之所趣不可阻

耶抑天之厚於所遇自遂性情為人之所難得者耶余自少奔走困頓於風塵波浪不知幾千萬里雖有絕勝輒匆匆過目不得休息故詩不多見而農樵負販日往來山水間又不知所為樂其言亦無當於吾意何也無

所得於胸中非山水之靈之所能感發也白蓴言蒲圻多佳山水勸余歸老焉余聞而愛之蒲圻近在二百里尚不能遽往願以異日况其遠者乎幸不幸為何如也然則讀白蓴之詩者鮮不慕其所遊矣世之以白蓴之

白蓴詩集

胡序

五

遊為迂且怪者白蓴勿與之言詩也乾隆三十六年秋八月胡紹鼎拜誤

張子白蓴稱詩吾楚垂數十年顯而大府羣僚隱而僻祠廢宇緇衣羽客之流遠則通都大邑文學之彥近則里巷販夫汲婦無不知白蓴之為詩人者白蓴非自侈其才以邀譽也抑其性情纏惻冲夷善感隨所吟哦洒然皆動故不知其然而然而稱之者有同聲也吾謂楚自國風變而為騷屈大夫以幽藹純確之性情眷眷君國託於美人香草國殤山鬼之屬以致其惆恍惓怛之思往復湘沅佯狂澤畔當時如女嬃漁父卜巫皆一見哀其修文而憔悴則其所以感人者亦深切矣今白蓴之詩白蓴之性情為之也白蓴之性情吾見其宛宛然

白蓴詩集

杜序

一

然於家庭昆季邱園談宴以及童僕洒掃之間綢繆而不竭至於帝寢王陵古碑斷碣忠孝俠烈之蹟則見其慷慨搜剔歎歎憑弔或訪其後裔或修其祀力有所限且懇懇至於流涕若夫名山大壑幽林積水則見其倘羊恣適澹泊忘返矣而交游故舊之侶列酒聯吟之地纏綿融怡依依終始當零落衰謝之餘尤三致意而推挽恐後焉唯其固結於哀樂將發之先勃見於目感神游之會性情之流露不知其然而人皆喻其所由然此白蓴之詩所以可稱而稱之者由楚迄於吳越齊魯燕趙秦晉之郊并建窮邊大漠足之所至而名亦

至足之所不至而名亦至也楚騷唯以性情之獨至而
綿繇亘亘驚耀千古遠裔荒陬咸知景慕一切浮藻繁
聲莫得儼焉故吾楚自六朝唐宋以還代有詩人而或
弼於詞或嫻於律或雋於調探諸性情率天者厚如我
白菴離騷以後一人而已憶辛巳壬午間白菴往來予
家其著述已富繼而游踪所屆筆墨益侈迨辛卯迄丙
申海嶽歸來行卷充斥庚子司鐸蘄水辛丑遂捐館舍
矣戊申予客鄂城值白菴三郎菴溪昇一巨箱至叩首
曰此先子詩卷也乞刪存之將以付梓予尤為白菴生
平所惓惓者其何忍辭故披之卒業擇其尤雅而復論

白菴詩集

杜序

二

其詩如此至菴溪英年卓邁喜遊游善詩賦嗚呼白菴
有嗣音矣
乾隆五十三年歲次戊申夏五郢中愚弟杜光德虹山
氏頓首拜撰

蓋聞腹筭備娜嫫之與其氣自華梯航盡山水之奇為
文益壯是故司空博物劍重豐城公子出遊詩經萬戶
自風雅而後漢晉以來作者代興騷人林立凡皆含咀
卷帙緼釀煙雲抒厥性情傳諸簡策者也然或雖聲人
跡僅傳茆店之吟月落烏啼空有霜天之句而未能振
衣萬仞濯足滄溟窺天地之高深得鬼神之情狀縱繁
著述莫贊幽明唯吾鄉上雋白菴前輩白馬書生青錢
名宿楊烏九歲早悟元經杜預髮齡便通左氏魏墳魯
騁一覽無遺金匱縹囊五行俱下學擅邵公之富雲駕
濟飛胸羅昌谷之才天驚石破而且高情邁俗至性過

白菴詩集

盧序

一

人忠恕弗離於懷愠喜罔形於色職勤扇席白雉依櫺
慕切居廬青鸞降樹韓康則舅甥不別陸機則兄弟同
居江浦遊燐藉季路片言為重先生嘗客湖濱夜聞松
見哭作文祭之立止
根野老望林宗所至如仙先生讀書洞中維特價重登
人望之如仙
龍名能渡海蒸輝麟館給筆削於春秋先生修靖州通志
諸志及訂各名家
集帷下鹿門繼絃歌於鄒魯先生掌教鹿門為夫連城
山漢東諸書院
之壁不沒崑岡照乘之珠詎淪合浦以先生毓靈江漢
振秀荆衡固宜萬里長驅九閩直上樓成五鳳畧刻八
轍奈何軒冕無情文章憎命志和隱於簞笠仲蔚屈於
蓬蒿半畝青園碧鎖五株楊柳幾畦麥圃紅堆百樹桃

花坐水洞以鳴琴踞雲崖而着屐風窓雪案檢韻玉堂
月夕花晨浮觥石屋輿情悵其不出士論惜此長貧然
而先生方寵辱無驚泳陶自得欲立言於不朽覺投足
之皆寬承吉釣鰲爰有四方之志公超採藥遂興五嶽
之思始則命駕匡廬拏船鄂渚行雲野鶴人來彭蠡之
濱片月輕帆風送滕王之閣抹孤山之暮雨盡入毫端
捉五老之朝霞都歸袖裏由此停橋鐵瓮繫纜金陵尋
幽於黃葉却頭訪勝於烏衣巷口過石城而懷古劉夢
得獨握驪珠坐梵刹以譚禪蘇子瞻長留玉帶繼則虎
牢書至萋嶺佻來作元稹之銘遠求居易誌鄣泰之墓

白菴詩集 盧序 二

遙聘伯喈記水兩太守遣人走涉溪水於二十七卷見
講洒蓮花於三十六面承泰寺詩過禱於二室筆埽陰靈
見黃陵彼仙門歌成白雪坐有暮歸來歌頌迺換鮪穴迺擊
陽城迺出輟轅迺瞻伊闕搜神有記韻流宓女之津擊
壤成編紙貴洛陽之市已而潭尋鈎鈎州江沂芙蓉州
爰過武當先登天柱歷斑竹入蒼梧泛洞庭涉沅澧了
翁講學之鄉茂叔談經之地賦湘靈於江上神鬼助之
而弗能弔屈子於湖濱蛟龍守之而不去於是典衣載
酒挈缺囊琴聽雨黃陵立銘南嶽訪已公之茅屋日落
荒林岩見詩公披鄴架之牙籤煙沉故宅峴詩霞丹書綠

字响巉搜大禹之碑峴嶽仙棗靈瓜朱洞覓西王之
蹟洞詩高踞祝融絕頂九千丈氣槩何雄有瀟臨雲
巖諸峯七十重回環相向中見既迴單車出楚瘦馬游
秦紫氣東來闕開四扇白雲南望櫻接三壺櫻詩馬山
人留高卧之廬仙客有隱居之谷古洞則名傳毛女懸
巖則跡印巨靈經藥圃而憶王暉望博臺而懷衛井攀
車箱以采入披賀室以捷登石磴雲梯半天回首杪樞
仙掌一棧盤空翱翔乎落鴈峯頭牙于乎洗頭盆畔發
幽光於玉井頌潛德於華巔諸古蹟皆有題咏玉女贊
呼救無書不下昌黎之泣驚人有句真如太白之豪中

白菴詩集 盧序 三

有上山山家有太白豪下若迺紀勝九牙山太白搜奇太乙
山終南看花杜曲深德温泉摹碑窟之遺經探輞川之別
野灞橋雪滿驢背高吟柳市風和鶯林獨步以及啓當
道而繼姬公之緒贊中丞而修古帝之陵以劉呈修歷
代陵墓百餘處及立姓尤宇內撫為美談而關中傳
與張橫渠五經博士之類尤宇內撫為美談而關中傳
為盛事且夫蘭臺之府舊隸曲陽渾源之山亦名大茂
恒山一在直隸曲陽一在要其扼天下之背脊藏趙氏
山西渾源皆名北岳一在要其扼天下之背脊藏趙氏
之寶符固能作鎮朔方著靈北鄙在昔虞帝曾座元圭
此日恒陰猶存古碣控封龍以西峙帶滙水而東流崩
岩嶺岢峴磴磅高矣窅矣堂哉皇哉先生由嵩而衡

而華福地已登其半用是自豫而秦而晉危峰直造其
巔老樹撲天落寒聲於翠雪見翠雪詩芳祠留月飛紫蓋
於晴霞見紫霞詩寄清高於棋局琴音見琴棋詩索香冥於
霖泉芝峪紫元武詩少府倘遊仙之館賓至如歸使君
分濟勝之金幽尋不歇凌風長嘯五千里夙願能償把
酒酣歌十八題留詩都過他如嘉賓賢主並轡連鏡酒
喚犀樽碧草青苔之地笛吹牛背曉風殘月之天紀勝
晉祠籠紗千壽甲午在太原與蘇木史園公作平原十劍
遊之與夫歷鴈門之險循虎口而遙上五臺窺紫塞吊
青塚踞白登乘輿而來崎嶇第一泐名以去豪放無雙

蘆序

遠接
天生始為立石無碑况又訪舊蒨門觀光督元輪蹄輻輳
天衢冠蓋聯蹄近瞻
帝闕名齊三影執牛耳以登壇酒列八僊倒兕觥而潑
墨駭客以從遊為棄詞林以識面為茶西山留對雨之
篇卷幔樓有看花之咏入都有與此尚書晚嵐曾光祿
作忽思海岱遂至蓬萊親曉日之蒼涼諸公相偕和
顧見觀潮起則天吳九首噴雪吹風雲開則瀛島三巔
浮嵐隱翠田橫山下請龍女吹簫新秋海上漢武板前詩有
鯨人擊鼓見新洗塵瑤於丹崖鏡石詩有搜珠璣於禪子

秋渴詩十日請於龍宮錦郭花城刁生萬狀一篇附於
髯叟青銅丹火榜足千言見海市詩原序因復餐秀色於龜島
沂流光於洙泗入昌平之里得見宮牆登詩禮之堂如
聞絲竹唐槐漢柏勢躍虬龍夏鼎商彝燦陳殿陸林寢
蘊琴書之氣鬱鬱佳城真珉舍道德之輝煌煌
宸翰備羅勝蹟洵屬大觀爰別尼山而游躅突花開洞
口樹是三株春到人間湖開一鏡蕩沙棠於歷浦騎款
段於華不溟渤新篇人爭借錄西南舊草客共傳觀遙
動山靈預成夢兆命賦三在濟南夢泰山神乃吟梁父上
叩天門躋孔子之崖詩履丈人之阜請置身日觀詩有放

蘆序

眼泰巔則見涇涇濛濛林壑幽也高高下下峯巒稠也
郁郁紛紛雲煙浮也潏潏淅淅泉瀑流也松屏對立仙
鶴游也石隴低盤樓客語也孤碣之高舉者紀勳猷也
荒臺之叠峙者蒼神庥也攷古燧於七十二君增岱史
以三千餘字載賦一篇先生乃摩崖揮翰榮錦零珠泰
山銘並書學案大草聖之稱于斯爛矣向平之願至此
愜焉夫遊山以嶽為斷觀水以海為程有先生之游方
知宇宙之大無先生之學莫搜山海之藏總計雲踪歷
徵雪爪蓋刊銘贊者四十三石而閱星霜者三十四年
若夫季鷹動蓴菜之思敬夫有公輔之望盤堆苜蓿官

是閒曾座擁皋比人來冷舍非第吟風弄月願養天年
固將說禮啟詩奉揚德化聿新贊序泮壁生輝司輝新
敝創葺芸亭雨泉紀勝建亭曰其或綠楊礪上窺活潑
於鳶魚有時白石山前僧詠歸於童冠行為世範品實
人師沛水諸生欣逢懷約齊安多士爭奉橫渠至散粟
而恤族黨之飢與捐緡以濟友朋之急唯仁者壽得聖
之和胡玉樓作賦之年適五穀相秦之歲桂旂霓輶投
筆以行酒國詩城題箋而逝先生正會客吟生徒飲泣
里巷傳春素車以至者數百人生留而莫者幾千里嗟
乎杜陵野老客路吞聲潼罕鴻儒酒壚滌器不逢荀勗

白蔭詩集

盧序

六

誰知牛鐸之音因值蔡邕始辨爨桐之響先生不幸而
遇塞正幸而文傳賸馥殘膏沾丐後學良金玉施布
寰區名貴虛襟公卿倒屣即今輝煌梨棗耀山河雖
云楮墨之靈謂匪遊遊之助哉煥風欽山斗未覲芝翁
充豫羈栖亦切凌雲之興東西奔走頻聞說項之名慕
墨塌於華陰益淡企想披青箱於僧舍恍似卧遊好出
於心玩不釋手辱承升子耘溪情淡今雨誼能通家伯
諱開樹公與先生仲榜雲水八章淵源世業私溪有詩
試華二草紹襲先猷華游草社結陽春時稱雅集與今
有除夕元且偕和請作得交開府備悉中書不見夫坡

喜親叔黨頃復忘子剪陋出先君子海嶽之篇命撰駢
辭寫十五國風謠之概詞原莫贊分不可辭因參行述
所詮兼仿年譜之例自知繁冗愧潘岳之誅文義取周
詳當宇文之翰札焉爾意所未罄亂以四章其詩曰
五嶽亘終古滄溟溥千秋天地自寥濶人生多耿憂
不緣軒冕累斯為稻粱謀有志苦未遂百感相雕鏤
歲月駛如水滔滔日夕流身死華屋在富貴風馬牛
向平真奇士魯連亦罕儔或歷諸峯頂或從東海游
知仁各有樂淡然寡所求先生更蕪之山水隨紛投
芒鞋遍天下詩卷滿神州扶桑訪梅福雲崖揖浮邱

白蔭詩集

盧序

七

白眼空塵俗五月常披裘卓犖棄萬有何知公與侯
悠悠山上雲白衣變蒼犬森森蓬萊濤時淡亦時
淺陳搏卧華陰墓碣生苔藓漢武覓長生海角空停
輦升沉任自然誰能求苟免不如拄杖遊錢盡衣可
典天梯雙屐登風波一笑遣駕公黃犢車鑿坏謝冠
冕不為薜荔吟不逞雕龍辯伯牙兩曲琴唯向吟鬚
撚宇宙總蘆盧林泉恣睎眄回看營逐人直如蠶在
繭公姓播鮫宮公名鑄絕巖始知有才心貧賤勝尊
顯巢父安一巢壺公栖一壺未免與世絕得免而
守株豈若釣鰲客斯人同惟娛橫磴躡幽邃漁築游

江湖宦情非必有宦蹟非必無周流十五國歷磨歌
謠俱北有塞上曲南有巴客歛東有梁父吟西有邠
風圖子牟懷魏闕異代心相符以茲官冷舍不吹濫
祿筭虎皮坐膠序執贄皆名儒兩泉滴清響海岳見
真吾至理叅太極希顏如敬夫攤書發長嘯洒然脫
塵拘 昔聞海嶽名今披海嶽集海嶽神仙人雞羣
驚鶴立華陰恍見之華陰始讀石刻孤高不可及全豹苦未
窺企想增於邑叔子來秦中遺編猶滿笈示我青琅
玕夜雨孤兒泣豪吟動鬼神牙慧誰能拾連朝佐卧
游躡足常千級五嶽路其巔帝謂通呼吸茫茫大海

白菴詩集

廬序

入

波儼若乘槎入我亦癖山水煙雲半所習五屈子登其三何
似摩崖碑銘贊遍刊緝片石已千古况復繁篇什歎
息語叔子字字金壺汁
乾隆戊申人日年世姪黃安盧煥鏡亭甫頓首拜題於
青門開元古寺

白菴詩集總目

鍾祥杜光德虹山氏選

姪孫 潤繕寫

卷一 乾隆壬戌年至乙亥年計一百七十九首

古體五首

騷體十六首

五言古五十一首

七言古十二首

五言律三十三首

七言律二十八首

白菴詩集

目一

五言絕六首

七言絕二十八首

卷二 乾隆丙子年至庚辰年計一百四十八首

五言古十一首

七言古十七首

五言律三十八首

七言律二十五首

五言排律一首

五言絕五首

七言絕四十八首

雜體三首

卷三 乾隆辛巳年至癸未年計一百四十一首

騷體一首

五言古二十一首

七言古十六首

五言律四十八首

七言律二十一首

五言排律一首

五言絕一首

七言絕三十一首

白苑詩集

目二

雜體一首

卷四 乾隆甲申年至乙酉年計八十五首

五言古十六首

七言古八首

五言律二十一首

七言律十二首

五言絕十首

七言絕十八首

卷五 乾隆丙戌年計一百一十八首

五言古二十一首

七言古十一首

五言律三十三首

七言律十首

五言排律二首

五言絕二首

七言絕三十九首

卷六 乾隆丁亥年至戊子年計一百二十七首

五言古十二首

七言古十六首

五言律四十一首

白苑詩集

目三

七言律三十四首

五言排律二首

七言絕二十二首

卷七 乾隆己丑年至庚寅年計九十八首

騷體十三首

五言古一首

七言古十六首

五言律二十一首

七言律三十五首

五言排律一首

七言絕十一首

卷八 乾隆辛卯年計七十三首

五言古十二首

七言古十五首

五言律十六首

七言律十三首

五言排律二首

五言絕一首

七言絕十四首

卷九 乾隆壬辰年正月至八月計七十七首

白鏡詩集

明四

五言古十七首

七言古十九首

五言律十六首

七言律十首

五言排律一首

七言絕十四首

卷十 乾隆壬辰年九月至十二月計八十四首

五言古七首

七言古十二首

五言律四十一首

七言律十首

五言排律一首

五言絕二首

七言絕七首

卷十一 乾隆癸巳年計一百三十八首

五言古三十五首

七言古三十四首

五言律三十首

七言律十八首

五言排律一首

白鏡詩集

明五

五言絕一首

七言絕二十八首

謠一首

卷十二 乾隆甲午年正月至五月計七十五首

五言古六首

七言古五首

五言律五十六首

七言律三首

七言絕五首

卷十三 乾隆甲午年六月至十二月計七十五首

騷體一首

五言古十六首

七言古八首

五言律三十二首

七言律七首

五言排律一首

五言絕四首

七言絕六首

卷十四 乾隆乙未年正月至七月計一百零五首

古體八首

白藏詩集

目六

五言古十五首

七言古三十一首

五言律二十一首

七言律十七首

五言排律一首

七言絕十二首

卷十五 乾隆乙未年八月至十二月計九十二首

五言古二十七首

七言古八首

五言律三十五首

七言律五首

五言排律一首

七言絕十六首

卷十六 乾隆丙申年至己亥年計八十五首

五言古二十九首

七言古十六首

五言律十八首

七言律十三首

五言排律一首

五言絕一首

白藏詩集

目七

七言絕七首

先君子八歲知詩十三即有詩名合生平著作幾以萬計多不自檢點曾於王耐菴司馬署中失去一千二百餘首及零星散遺不可勝算故三以前無一存者自壬戌至丙子叔父還序公收而藏之編為號九三十二卷丁丑以後諸味每攜行笥卒卯將遠游北齋恐其復失亟請藏之家先所請并收回叔父先年所藏諸本從此遍歷海嶽詩益富丙申還家丁酉戌居幽蘭山己亥歸青園精力漸衰鮮所作庚辛兩年間有詩亦不錄稿

故詩起自壬戌止於己亥計存四千九百首有奇
辛丑冬 先君子以壽終蕪陽學舍櫬歸後北騫
掩淚檢遺篋若干卷編次先後泣請叔父選其精
要者冀授諸梓北騫連年旅食四方叔父以年老
多疾竟未披閱丁未春北騫自晉歸覓得江右梓
人族中諸父兄咸促選訂方將啟卷不意是年秋
叔父下世時北騫入關中今春旋里既痛叔父之
不存復歎詩集之未就維思 先君子生平文章
知己之存者則有 中丞畢秋帆先生 宗伯朱
石君先生暨河南 呂寸田安陸 杜虹山兩世

白苑詩集

目八

叔諸公皆遠阻關河獨虹山公近在數百里內五
月北騫攜全稿買舟赴鄂過武昌適遇公於黃鵠
磯頭來數日訪友不遇將返北騫備陳來意公欣
然曰是吾願也憶子先君子癸巳濟南病亟語人
曰異日訂吾詩文以傳者還亭虹山寸田也茲可
以慰好友於地下矣雖然其事甚難千秋之業訂
於一朝不可以苟且其事之成否遲速若有定數
使子來稍有緩急皆相左矣今日之遇豈偶然哉
命即日齋稿旅舍閉戶謝客雖炎蒸盈室蚊蝻在
體弗之顧不一月而選竣共得一千六百九十六

首詩不分體以年為次彙為十六卷卷後附當代
諸公酬贈之作總計八冊命潤姪騰繕以授劔劒
其古文賦銘諸體儲待後日補刊竊北騫魯鈍不
能讀父書倘遺澤莫守獲戾滋甚數年來奔馳南
北每於舟車風雨中未嘗一刻忘之今工落成區
區之意藉此稍抒萬一謹呈海內 諸公唯冀賞
鑒稱厚幸焉乾隆五十三年夏五月男北騫靈手
謹識

白苑詩集

目九

白苑詩集卷一

蒲圻張開東賓陽氏著

男兆騫編校

春仲吟 壬戌稿

月望兮春仲步中庭兮安誦風習習兮揚襟耀華日兮
鞞琇乘穀旦兮差駟馬爰翱翔兮黃鵠下載騁兮蘭皋
復亂流兮蕙浦邀遊冶兮偕舞埃坳蔽兮污吾車獨幽
居兮愁苦懷家兮屢別伯氏遠兮心如結草廬兮蚺蟻
滿山兮菲菲春母莫兮花稀德不修兮年衰主人兮賓
賢晉瓊漿兮玉盤沃予髮兮膏吾顏將攜往兮青山松

白苑詩集

卷一

一

陰兮中谷盼黃花兮江涓誓不信兮終然疑憂易老兮
無期聽鳥鳴兮嚶嚶綠萋萋兮繁卉生嗟身後兮寂無
名

會沔陽禹刺史謙齋殿薰巡江堤獲雉兔歌

公乍勘漢水今復巡江濱我來遇草塗岸南無居人江
潮滔滔已十分橫堤一線如牙齧雷電鞭箠鼓滄溟蛇
龍戰爭交水雲野老吞聲訴不出天遣雉兔與公聞雉
何介兮兔何狡但願隨人不計巧昔有巢穴今解居昔
饒稻梁今不飽與人得之獻公側不用弓箭傷毛翼五
色豈照空林輝三窟渾見江水黑衆力苦盡追俯看獨

白悲文囿多雉兔梁王顧鴻麋古來安危先物氣不到

君前却到誰迴憶戊申歲浚洪竟成海公來十一年氣

運纔更改喜公早發常平倉旋請旋發不相待不俟朝

旨范堯夫矯詔出粟汲長孺蘇君且施杭州樂神禹何

須祕景符感此湧泉皆普救今恩況足及禽獸我讀公

詩泪千行野物不言天茫茫儒生對之空斷腸

又

我看此雉乃是文明之君子曾愛羽毛甘餓死我看此

兔乃是狡獪之小人百計用盡不藏身我看雉飛正如

陵山燕一起狂風天不見我看兔走又如商羊舞朝朝

白苑詩集

卷一

二

愁霖滴下土轉看雉似周郊之鴻鴈何以安堵永無患
我看兔乃月中玉魄之精光太陰金盛水洋洋百物之
靈多出奇莫非造化陰陽之所為不到君前却到誰

黃鶴樓玩月歌

仙人踞坐高樓上江頭皓月遙相望月起山高江水平
空亭獨來還獨往仙棗懸壺千年杖長江濯足萬里池
何處月光人不見自掩明鏡阻佳期秋風吹月細欲語
清輝碧露流白羽自入世路多紅塵仰恨玉女見無因
欲攀雲梯不可得下山江月照何人

月夜送禹崧少歸汜水

鼓角麗譙入暮聽送君月色滿郊垌豫州此去沙塵白
楚塞還看草木青鹿影趨庭計近日鴈行歸路繞明星
洛陽花發春如錦繫馬何時問北亭

江漢

江漢沈沈南國是經坦彼周行君子是程漢其深矣江
其盈矣溯游從之靡有窮矣

鳳皇名山峨嵋其下維鵠鵠即黃山淑人君子德音如玉春陽

燦兮華爛熳兮顧瞻城闕中心愴兮

出自東門以望洪山洪山悠遠道阻且艱衆人由之我

心憂煩優哉游哉行與子還

白苑詩集 卷一 三

古潭歌

古潭之下水洋洋望高陵兮木蒼蒼昔時涉兮雨其滂

子乘輿兮我馬黃懷德音兮今不忘

臨途 癸亥稿

明知前路去仗劍故徘徊天逐江無盡舟移山又來青

春變綠野白首立荒臺旅鴈歸飛北淒淒為汝哀

月夜舟中

清溪寂寂夜無聲獨望長堤草色平欲指天涯何處宿

柳間明月傍舟行

山雨

長夏山鳩轉百迴茂林絲翠撲書臺彩吞野水虹初落
白響遙岑雨欲來粉壁新從苔濕上蓬門正傍竹陰開
涼風宜向高樓望坐喚家童濯酒杯
游雲烏亂晴空見滴露虫鳴薄暮聽澗水低流平野濁
苑墻高出半山青十年浪跡生蓬髮萬里孤煙宿草亭
長嘯幽篁人不識杜陵還有少微星

夏日山居

車馬辭新使陰晴訊老農葛衫經日爽藤枕納泉空捕

蝶拈輕筴羅禽結小罍浮生無好計願借一颺風

深山宜養病微舍易除塵草長無餘路垂行不避人間

白苑詩集 卷一 四

愁消濁酒煩暑及清晨仰見飛鳥集悠然寄此身

雨來山乍白雨去山還青草上無人跡竹枝穿我庭烹

瓜先薦食釀麥遠聞馨日匿亭暉暗飛飛有照螢

秋夜念故人

大火西流隱夕陽虫吟宇下動秋涼松濤靜夜風翻急

竹影空庭月落長徑欲登山勞遠望還將披簾見餘光

衡廬指向雲關外江水無聲野草黃

蜀女怨

君若發西川到家不兩旬君昔上東川攀援道阻春君

視三春路曳踵若比隣兩旬可還家相視反愁春昔日

為君婦相敬禮如賓出門共攜手百笑不一嘆偶離三五日心垂如釣綸聞君欲西往牽衣淚沾巾親朋來祖道妾自撫心顰暗祝當道神旋風吹回輪潛告值日星莫久違昏姻詎知一朝散棄妾若埃塵兩老為黃土小姑適他人羅裙蔽瑩域買產事蛾螭封木皆拱手新人已再嫁鄰家媪早死叔公衰且貧去冬有書至裂帛不盡陳四月積冰判想子出漢津七月西風動想子下涪陵三更停校望聽巷吠狺狺乃今雪滿戶寂寂嘆沉淪忍剪青絲髮何用絆此身只恐郎來日陰房起暮燐

月夜懷山居

白菴詩集

卷一

五

忽別東園路青山望渺然疎雲同一色皎月自孤懸滿壁穿蒼鼠無人掃綠錢江流春欲盡閉戶是何年

春日懷山中十首選四

燕來時節久熟視不曾驚浮草春塘亂雜花野徑榮田塍多酒氣市路少人行晨起乞薪火營營何所爭四望山如郭登臨輒有芳綠苔蒙皓石白鷺踏青秧樹翠朝連屋溪聲夜到牀雨餘生木耳游女攜傾筐嶺頭明月出松影翠濛濛烟繞三林寂楮林叢林楮花殘百日紅樹蘭初吐始有起幹者至三月蘭乳鷓尚驚風門外長流水烹茶信不窮

登山吹笛好清響入雲端兄弟年俱少山林興未闌每依春蘚坐不避夜風寒只合山間老依稀見草壇

五日汜水觀龍舟遇雨歌

古復城西洗馬池水滿平蕪柳如絲共乘小艇穿橋出龍舟鼓角爭雄雌岸上楊柳是誰家兩鬢斜插石榴花風舞輕羅臨古渡流映新粧若朝霞二十四梳苦相追壯夫怒臂兒女嬉須臾雷霆震太清天上又見真龍垂剝木浮沉張鱗甲烏雲驚地咫尺迷可憐忠魂招不得誰識城南與城北齊行浪涌千山傾尚有二舟闖不息翻身跳躍搥鼓急手執紅旗當波立亂雨紛披落船窻

白菴詩集

卷一

六

林間滂沱胸支濕胸支輕羅生晚涼復上高樓望茫茫羣舟忽然俱遠去對此餘興猶低昂

江亭

萬里秋風似箭催江村晚眺獨徘徊龍吟白浪驚寒窟劍拂青霜繞舊臺遠樹煙平隨野亂孤舟日落傍天來十年客邸衣衫冷長嘯冥陰一霎開

早霽登快哉亭望雪

寒戶久寂寥孤亭何岌業枯枝猶鳴風隙地存故葉殘雪餘高山清光炫眉睫日出岫不高霧斂江相接醉顏冲幽襟暖暉增粉堞朗然淨無塵虛懷安所挾曉鴻初

發渡長江詎能涉

雪堂玩月

衆山清欲融一江淨於素初月入我懷好鳥集高樹風
微出疎篁沙明鶯宿鶯臨城望太清披襟解沉痾寒蕪
尚輝映幽響相流注凝然萬象虛遙見孤棹度安澹自
容與粹明生怨慕母為思南樓空抱向誰晤

六溪夜別兄友梅開楚再覓舟明早發江口甲

子稿

山溪共泛到江頭又踏清輝上酒樓此去前途休憶我
年來處處是孤舟

白麓詩集

卷一

七

憶昔遊

日落清溪泛晚潮長堤一望不勝嬌而今又作他鄉客
只有春風到柳條

秋江

南風江水赤北風江水黑只有秋江清遠照行人色

三江口阻風

自歷虬龍慣不驚西來風揭半天鳴三朝未盡連三暮
二浪真堪當一城文字於人既病拙江湖何地不身輕
篙師豈是尋常技猶待來朝天霽行

無題

春燕秋鴻本自雙美人無語撲銀缸却憐十載前秋月
猶照當年舊綠窻

小船

寸管生涯亦可知小船與我正相宜為來秋水風波少
遙卜家園景物遲桂樹全開當面蕊菊花莫老上頭枝
晚風斜日江汀靜重訂青峯一卷詩

離相思

當歌慨壯士對月懷美人美人在瑤闕壯士在風塵風
塵與瑤闕幽思渺何極歌既不成聲月亦空有色嗟子
奚不來俾我長太息願言離相思恩愛恐難測

白麓詩集

卷一

八

崎嶇歌寄弟伯翹開林 乙丑稿

前日崎嶇走江路百呼舟人不肯渡英雄每有錯折時
良馬亦多中道駐如子豈復論清才世眼昏昏復誰顧
胸中憤自起波濤獨立山庭忽秋暮以此念之傷人心
無言幽憂漸成痼山人嘗約采黃精林深不得開烟霧
應有好事在千年惜哉平生皆謬誤近聞學書楷書成
且為一寫青神賦

百子亭

百子亭高花木稀猶來野女鬪芳菲玉欄干外春風起
錯認當年舊錦衣

鄂城喜謁王耐菴夫子雲翔筏中

良工得大木餘氣在深山心力三年瘁西南萬里還迫
來詢使事喜近見

天顏雨雪魚飢渴今知泊漢關

萬木盤囷下千夫力所成棧連箐穴險纜壓楚江平簇

錦分猗域鴻材拱

帝京近聞從事李能解小蠻聲

鄂城期不至報已下江南

皇宇當新造臣心無二三沙洲隨白鳥雪舫載黃柑本

易親民俗山林豈未堪

白苑詩集

卷一

九

黃鶴中秋月危欄日暮憑秋公自湖南至者不才空

外落感名被中丞獻賦通官省望仙接武陵龍門春水

遠昨日復重登

晏中丞一齋夫子斯成以終養歸里古體六章

呈別選二

蒼蒼大別山滔滔江漢湄千里游子返萬里歸臣期嚴

霜夙戎旅慈旨發熙怡鴈行歡侍輦喜色湧征旗諸公

方祖道僕夫盍逶遲昔歲登臺閣前歲遷戶部還南識光

儀德音深莫莫乃今令人思神齋游巨海文鸞集高枝

崇階屢叨對何云未遇時

庭柯鬱青青風霜浸以白舊燕反故巢惆悵失寒夕儒

術雖不尊所珍猶接席文華豈如人中心介於石解珮

出蘭馨濯髮以光澤夜夢禮天仙瑰璋神家廓賜我空

中書金檢魚琥珀披頌見千年靜晤親如昔長嘏呼雲

端泥塗自阻隔石室亦有經金門詎乏策以此卜行藏

風雲生咫尺

踏雪歌丙寅稿

正月二日走山路雪深六尺冰堅涇沿村掩扇誰復開

百鳥不飛巢何處攜囊小僕行猶遲十步九停三五顧

千喚萬呼始隨身主人無衣為汝護去冬大雪橫江干

白苑詩集

卷一

十

憔悴獨倚江邊樹即今那能待春回出門常早歸已暮

却憶屋後古園梅朝朝玉蕊含不吐近林松栢多黃死

又被北風拔根起可嘆花柳正當期後凋之材尚如此

伐缸中冰為金魚換水詩

煌煌錦鱗安硯硯池水實嚴凍苦不移存亡安可識素

心隔綠波寒意想春日草閣昔栖遲林垣差整飭彩禽

鳴高條金魚蕩微澤上有紫荊花下有青苔色啟戶通

幽風濯泉潤衆植屢歲暮始歸羣望悵所失靡草委墻

陰敗籜漬水黑感滋感雪凝力解層冰裂玉綆汲井華

活流足游息誰能忘情生吾獨甘飲食

夜泊六溪寄兄書 六溪江口名

江水春漫漫我行亦何促昨日與兄別汪汪淚含目送
過楓樹林寒風吹吸敵當前無一言中路憂反覆短檠
信手書長箋苦不足急詞少溫和餘意恐難續明日江
頭酒今夕店中燭

赤壁放舟次日雨阻感舊

東坡亭散新詩客西塞山寒舊釣臺二月晴明三月雨
連年一度一花開

舟中春望

樓船春望倚朱欄雪後輕風未解寒水向東南流不盡

白曉詩集

卷一

十一

長江青草路漫漫

登廬山歌

春日遊廬阜晴光衆巒現海嶽萬重雲巨靈開生面我
從澗道跋絕巔乾坤煙雲皆幻變北指九江南鄱陽東
西水國浮蒼茫紫霄重封丹書穴白鹿趨銜青芝香萬
杉栖賢交摩盪雙劍三峽穿石梁百道飛泉陰風涼懸
巖吹落千丈長橫衝倒瀉無泥滓其餘流波走八荒大
海洋中蓬萊立萬化滾滾歸天閭須臾玉女降瓊宮手
把三十六芙蓉浴罷天池排雲髻仙幢寶蓋爭相從精
神朗朗暮霞散招余浪游空虛中臨別矯首默不語扁

舟斜日大江去

宿九峯寺

朝望雙劍峯暮宿九峯寺纖月瀉泉聲松濤吹袖裏明
燭移開寮空階自徙倚巖懸碧雲端中宵妙音起幽花
舞迴風餘香落靜几笑問老僧年容光何幼美只如廬
山茶只飲廬山水

九江權使唐公英招宴觀劇

春風持節九江城秀水佳山盡有名塵網解通廬阜面
芒鞋許聽雪兒聲高年圖籍多餘興曠代風流萬古情
却教踈慵還卜夜不辭關柝擊殘更

白曉詩集

卷一

十二

小姑山

不知何處着飄飄自我對影浮春夢孤踪託素波乾
坤憐汝小日夕悵余過臨眺扁舟去蒼茫奈若何

江洲偶步

舟中閒坐日江畔獨行春仰看綠楊樹回頭白髮人

登識舟亭

千里輕舟漫入吳虛亭遠色靜蕪湖乾坤東去分清濁
江漢西來混有無垂柳長依春水濶斜陽一帶暮山孤
蒼茫迴首家何在飄泊天涯海上鳧

雜興

湖上草青青細花亦何黃黃花炫人目青草道路長

過采石磯夜夢與太白遇寤成七言二首選一

龐眉大袖出天閑可是初年舊玉顏信有仙風通八極
醒來春草滿三山何人更換金龜酒今日重逢白鷺間
案上杜陵詩一卷滄江蓬鬢靜相關

望仙辭呈耐菴夫子

王喬乘鶴至飄然下瑤池世人每習見骨裏含清姿顧
余鬢蒼皓藥我返華滋妙音發真竅俄頃生冰肌招搖
蓬海路同駕青虬螭掖入升元圃耳目豁頑痴既授紫
金丹將子無歸思小道自忖度逡巡踞隙詞昔侍天帝

白菴詩集

卷一

十三

側奉命掌玉卮一朝失傾碎謫世成孤兒彌月無災害

大士降靈祇夢出錦鱗鯉輪指貽我慈先考生時有白

上衆見之知為先王父所供奉之應也後余我慈再拜

受命名迺曰奇初嬰本靜美僮婢戀光儀三歲瞻白雲

幽慕蕩逶迤五歲好植竹七歲能對辭八歲至十五恃

怙兼失悲疾喘泣坵隴野卧集魑魅子十六七歲時每

草澤中夢有山既活與世濶獨居起憂疑登彼巉然山

兒與之集守下臨千頃波朝飲澗松露夕餐璧月脂二九潛巖穴八十

歲辭外家歸盪懷天風吹歲年自矜賞不願通塵滯

開茅山洞讀書宗族悅材藝式念先澤微趣迫成嘉禮天性少昵私近

來叅幕下離緒亂夢絲望道仔肩重還丹日月遲百年

安窻窈清芬鬱茵蘄罪戾未蒙寔安得守壇壝終當脫

障海猶來追吾師温温寶鼎火氣氤駐累愚

閏三月四日風寒甚雨雪金陵舟中感賦

兀坐船牕清似臘飄飄風雪冷於秋王孫自去憐芳草

季子重來整敝裘早日笙歌催暮景故園桃李入新愁

吳中春袖嫌輕薄莫捲珠簾繫玉鈎

大風中觀劇

雲陰池館乘遊興日澹笙歌起暮哀風韻瑯瑤天外落

嬌娥冷耐月中來清波皓齒搖朱舫白蝶輕花舞鏡臺

白菴詩集

卷一

十四

更唱陽春聲逾遠滿城簾幙一時開

閒步偶作

三山門外半荒蕪野老由來識故都沽酒未云行樂客

牽舟須到莫愁湖已將花事遲春夢空抱冰心在玉壺

不待秋風歸思切青峰白水自尊蒲

春日懷茅山兄弟

朝踏山雲暮水濱蕩遊那復惜精神深舟看月消長夜

異地逢花似故人玉枕不隨江上夢金陵况是客中身

芳園興劇煩歌舞直為離愁負此春

謁孝陵

鍾山望岷鬱城北草眠阡龍虎張天表氣象儼地觀
矚憑俯入肅趨景曼延彤霞幕黃屋石獸吼碧泉穆居
皇威遠霽近天顏前殿中有太祖像艱難戎衣就文武經緯懸三
百肇王造九重薦上仙紫禁雖北徙玉體自南安長廊
倚絳邈幽房閉寒盛朝崇封域典祀備專官
自康熙中撫修葺設二監官以同守令禁牧樵蹶蹶中原道
廡江上田車馬行不息松楸聲凄然

長林寺

為愛長林寺門迎溪水旁春歸深院去花剩美人香寺中
有真美人花遠客尋空樂停舟借晚涼月明隨緩步柳影綠

半流詩集

卷一

十五

蒼蒼

金陵懷古八章選二

渺渺秦淮濱其上多幽竹昔有鳳皇遊下有鴛鴦宿婉
婉笙歌清年年春艸綠流景忽奄馳逝者驚何速宮恩
朝露晞新人顏如玉寂寂景陽鐘今已在靈谷
景陽鐘初發萬戶開曉妝未覲君王面迨迨翠蛾長夕
宴華林園朝捧芙蓉香奄侍排青瑣大吏啟蘭堂營營
私人第聯翩驄馬行長江卧紅龍吸吐引官牆泫泫花
間露歷歷樹上霜時序一迴變恩威詎有常

偶步江堤得小庵

晚風斜日着輕衫游興飄然得遠探誰念花殘猶有蝶
可知桑密久無蚕微行不禁充閒客幽竹偏能結小菴
憐汝自將鐘磬好五更清韻在江南

過揚州

花開四月未曾休雲上珠簾水上樓過客莫教愁折柳
春光不肯去揚州
淮漲滌環起暮涼垂楊兩岬繫蕪航紗牕自立春風面
不待荷花出水香

官河曉發

野屋鷄聲夢不通直從溪口望矇矓水經斥鹵多沉黑

白純詩集

卷一

十六

日近蓬萊早放紅石開吞流連北渡葦航牽纜滯東風
扣舷何用傷離楚二十年前賦海鴻丁未秋後作海鴻賦

登鹽城城

長夏清涼暮色催平原蕭瑟望高臺鴈飛不到愁天盡
山斷無峰入海來萬里蒹葭低落照孤城煙火避荒苔
自傷留滯東南地漢水瀟湘何日回

城頭晚步

扶搖風作漫天吹瘦骨單衣強自支幽草水鳴鹽漬遠
元雲鳥入射波遲莫愁嬌燕生邊地儘有春花未老時
他日輶軒應並采海隅憔悴在新詩

吳船行

吳船好女兒招招復笑語客從何方來不向姑蘇去

畫扇歌贈劉石池

江漢劉畫師為我寫輕篔下有冰肌元妙之美人上有
壁輝流天之明月照林疎容美人含出沒素練隱躍
透瑩光墨痕濃皺浮陰白初把天外清風揚再搗手中
綠雲散綠雲靉隸垂蛾眉清風飄颯寒玉骨五夜環珮
聲琅璫三春池塘夢恍惚昔我游青山青山之神秀如
雲華如雪日夕下山頭峰迴路紆折令我十年憂心結
或在洛浦之南湘江北海水茫茫萬千里今欲求之安

白苑詩集

卷一

七

可得秦鏡自團圓齊紈母遽裂連年客路風塵多賴汝
展轉消炎熱人長生月不闕請君遠俗氛重新生顏色

君山望海歌寄鹽城幕友

我昔欲登西岷山窮觀江水之所出我今直躋君山巔
江水滔滔注海窟龍角撐青天魚口吐紅日二語參乾坤
中所作
渾涵都是水山浮鼇背三萬里颶風吹動搖空虛中原
乃在西南隅倏然蓬島現圓窳懸委輸下有元珠伏上
有列僊居仙子舞袖散芬垢元珠流光照天書對茲胸
臆蕩碧沁人世局促何區區芒鞋倒踏滄洲路寶劍斜
掛扶桑樹寄語射陽諸君知蒼茫回首隔煙霧

五人墓

既登千人石復見五人墓千人有聚散五人無新故烈
魄已黃泉英風起青樹生死曷有常悲歌滿行路至今
碑碣間不容眠狐兔

崑山謁鄒三丈康仲紹南

姑蘇夜泊木蘭舟却指橫塘景上流絃管新承仙今日
風塵遠見玉山秋白純夢接三江水黃鶴天高萬里樓
此去東南濱海岬凌虛更欲問滄洲

復登金山歌

登浮玉兮望蓬朶抱明月兮濯素秋有美一人兮在中

白苑詩集

卷一

七

洲遨遊天下失其儔江水浩浩兮歸海流

元旦次日宴雙溪樓中丁卯稿

遠客無繇禮高樓見太和題詩乘此會酌酒為君多花
木含青翠江山入笑歌溪邊煙水好何日復重過

遊靈谷寺

白果前朝樹蒼苔古道生無塵雜日影徐步逐泉聲孤
鶴凌高塔春雲滿化城色空全不着鐘磬自相鳴

喜得家信

歸心懸日夜未見却迂遲無病能為客當春嬾寄詩燕
還巢屋宇草萋近亭池計數東風便母庸感別離

溪行適雨至

雲橫野浦山全失風過長隄雨復斜何處停畱沽好酒
令人清冷憶梅花兩年春滯江南路一渡寒鷺海上槎
為謝市塵車馬跡便將小艇欲為家

題寺壁

僧亦竟不來客亦竟欲去夜深無人知月與花相語

九江道上感賦

谷風吹雨濕春衫千里波濤一葉帆路過潯陽回首望
暮雲芳草憶江南

歸舟望小姑山

南苑詩集

卷一

廿九

背立如古佛面顏若春女只在此江中凌波長不去

青蘭篇

戊辰稿

陟彼高岡春日載陽我疾孔瘁將復來望鬱鬱青蘭雜
于衆芳求之不得使我憂傷

我有旨酒言攜之酌既醉且歌亦莫我與日之夕矣憂
我父母逝彼英雲將歸無所

青山謠

山有人兮餐紫芝泉涓涓兮鯉魚肥四山寂兮桑者歸
峒神遊兮春月輝玉簫奏兮幽靜微伊誰聞兮縹緲吹

浴蘭

日出兮孔陽雜佩兮鳴琅水泱泱兮流芳玉池兮蘭湯
撫長劍兮驅不祥神續紛兮既降邀彼美兮惜浴朱顏
兮髮綠衣白雲兮倚修竹風之來兮穆穆臨別兮大道
摻子祛兮留瑶草醉不醒兮客辭生不樂兮空老祝子
兮千齡澹吾慮兮守吾貞百福集兮長光明

黃鶴謠

臨樓檻兮八風揚江與漢兮浩浩茫茫吾將歸兮白雲鄉

秋霽野望

客館長秋雨黽勉獨幽居朝出北門外藏瀝盈城渠霽
光蕩平原培嶁相鬱紆千里清風來淒其襲我裾古道

南苑詩集

卷一

三十

梧楸老豈不念蕭疎復上高樓望北有神農墟

秋日漢東院中作

苑苑深院柳葉葉侵黃衰蕭蕭庭前客秋風相追隨元
冥暮色來入室靜無疑先人遺卷軸旅食空所攜浩蕩
聖哲間千載與心期躊躇不遑寐起問夜何其

北風吹河漢英雲澹如雪有月出雲間宮牆臨天闕穆
穆德容邈時聖像遷流光依恍惚景仰實在茲努力靡

弗竭徘徊晚桂榮願言追餘烈

中秋飲劉卓山園乘月復登白雲樓

前秋涉海隅去年事江城踪跡隨流月復此瀕水濱主

人數要我盤餐費佳珍三爵辭出戶憂醉如相并肅肅
整襟帶顧步得毋傾屹彼西墉上孤峰且憑陵悄見白
雲盡虛懷仰太清

白雲去無所秋月與常期斯樓今已矣雉堞徒見之昔
人觀典冊天光耀四垂流盼百代間俯仰信如茲浙浙
好音作有鳥栖高枝遠澗蕩明滅幽籟發參差旋歸命
吾侶良會及此時

山中人

日暮兮林清高峯兮鶴鳴虎豹咆兮石粼粼樹隱蔽天
兮不見人

白菴詩集

卷一

二十一

山中人兮顏如丹飲瓊漿兮被石蘭載白雲兮自往還
千里兮思君不得見兮憂紛紜將欲傳兮靜者聞
夜深雨兮澗風作濕淅淅兮松與柏夫君不歸來兮何
日樂

月出

明月出兮東山隅有美一人兮佩瓊瑤風蕭蕭兮自容
與

漢上呈耐菴夫子五首選一 已巳稿
是歲己巳孟春司馬從西征之役即日就道不及
見東既適隨主書院四月聞告終養 太夫人將

行卒弗允迄六月歸過漢上作此呈之

昔日刺漢東差馬三萬匹去秋署隨買拔本列上襄翼

翼服 王國 詔云歸弗用壯士復同歸楚兵返彛

陵曾不着戎衣婦子持弓矢相迎歡且悲亦聞我司馬

言旋迨有期漢上春渚綠蘭芷望萋萋

南山篇寄李二蓼灘標

鬱彼青南山其下多叢桂桂枝何糾紛南山忽已頽念
茲老成遙邈矣高風逝仲子自金陵春江返溶澗既崇
爾宮觀和諧及昆弟仁親以為寶榮名馬足貴世闕尚
文飾喪禮久荒敝我將從沙田蓼灘居愴然懷杜杖

白菴詩集

卷一

二十二

唐縣鎮至紅花舖口號

唐河東渡日西斜暮宿荒村賣酒家醉過隨陽店名三十

里桃林一路到紅花

棗陽夜行至草店口號

東城夜發氣蕭疎草店行來霜未除自愛空山生寂靜

一輪明月一輪車

寶城春遊行 庚午稿

寶豐元日及三日散步城南併城北天暄稍覺客興舒
雪融初見流水活水一派自青條邑西與君直度三
公橋北橋在城外却逢香車塵不動檀板銀箏爭相邀嘈嘈

雜雜轉暮聽斜陽烏啼楊柳青安得西去商酒務洒然
吹我春風亭

亭在商酒務宋明道先生監酒稅處

望嵩
汝陽東北指登封靄靄雲山千萬重不識崧高何處是
馬頭早見兩三峯

雨宿少林寺

途次經中嶽浮踪及少林芙蓉生暮雨古柏覆春陰五
乳在何處孤雲共此心山僧渾不識靜夜聽龍吟

登嵩山頂夜歸

岩嶢峻極上仙門少室娟娟太室尊華蓋垂天張北斗

白苑詩集

卷一

二十三

黃河劃地鎖中原雪殘萬樹春初綠雲落千峰日未昏
漸覺吹笙鸞鶴夜松間明月碧無痕

馬上回看少室

雪消春路下雲端六六芙蓉秀可餐中有一峯天外立
金盆玉女不勝寒

畫馬篇贈呂二十二仁元

仁元公濟即寸田有存

仁元者方伯松坪先生之子也松坪既沒家日清
約仁元英年淵秀志量恢達嘗與力園承為古文
之學余觀山至青要乃舍兼旬相與論尚而踵明
德焉既返臨別取辭間畫馬以贈遂賦是詩

策蹇趨京洛晚愁與日墜三朝來青要恍惚觀騏驎泥

馳卸玉珂翠楊繫金轡昔時入幕府馳騁若游戲將御

多賢良圖繪從標異縞紵結方伯濡毫獻者二

方伯者此即其一有一於辟間拂拭轉相遺方伯當赫爚

王命三錫畀四牡齊鳴鸞蜀隴徧燕冀祭戟未停驂邊

關迎大吏下視諸駑駘旁午敢軒輕東南阻滄溟江干

歌賣騎見松坪詩草神驩亦不前將軍為流涕秦晉獲赤羸年

邁日以瘁置之羣騶中負鹽尚願顛流盼八極表開展

發長喟天風起翱翔大道遙所至懷德敬共持攸徃信

能利

白苑詩集

卷一

三十四

雨中洛陽贈董十一松園

驅車嵩嶽下重度洛陽城平子曾傳賦江都本舊名春

花會始吐香醞醉還傾信宿兼風雨空懷弔古情

汜水觀黃河

天中出大伾黃流渾春日浩浩天地來滄溟杳無極蛟

龍恣餘波風雨協紀律涇渭伊洛同翕受從天秩冥心

觀崑崙湛淵含消息一本千萬殊汎瀾憂不測誰為砥

柱中於昭以明德

雙井值雨

挽車九岡道一軒復一輕東角雲如蓋翩翩靈雨至雙

井有荒村暫駐借相避農人方呼零憂老我田穉我歸
亦孔棘敢以勞從事命僕開素緘述行聊自記清風起
茅檐忽見槐柳翠

齊安贈同宗虞溪鳳鳴 辛未稿

疇昔中丞識俱受知在楚國稱二張君館魯三南我席
太守黃晏殊歸彭蠡晏以終崔挺除南揚崔後起官
游衡文藻去來若參商客歲秋風清邂逅及武昌高懷
拔氛俗青雲生激昂扁舟一來訪與子慎行藏潛龍蘊
幽壑飛鴻凌天翔古人貴自立焉能混塵芒聞君諳經
義咨索遠未遑稍待風波定歸構青山堂

白純詩集

卷一

二五

卧病齊安贈葉東臯

溯游倚赤壁客病居臨臯感君覲面初傾懷與同袍至
語沁衷脾疎財等豪毛亦云夙遘疾從遊心所勞以此
閉經閣秋色高蓬蒿言携海上藥天風滙怒濤仙雲不
可接江水猶滔滔

早登斗姥閣

朝閣來看江水流白雲黃鶴共悠悠梧桐葉上秋風急
吹落人間萬種愁

六月病起自家趨謁耐菴夫子旬日復還臨江
並餞黃鶴樓二首

崔嵬鳳皇山滔滔江漢水我公既云還奚為復來此南
國有騶虞文明承天紀侯度一靡輯藩維安足倚司馬
昔去楚頌聲尚盈耳青谷病餘人飄搖悲且喜不見又
一年春門舊桃李

六月徂炎暑我公薄言歸素心人共見赤日揚光熙爭
錢黃鶴上四國瞻羽儀各懷遺稻梁黃鶴已高飛毅核
猶在席長征得無飢勺水思至德清風舞葛衣

聖天廣仁孝可以慰庭闈

岳陽城上望君山十二青螺夕照間為恨東風吹不去

白純詩集

卷一

二六

空中只有暮雲還

夜問賈太傅祠

昔遊曾過洛陽祠今日重尋湘水湄太息猶來卑濕地
治安空憶少年時寒鴻天送春江遠芳草人歸夜月遲
世事茫茫千載後黃昏竚立不勝思

春日湘江雜詠

湘流一派繞東湖野女尋芳日未晡客恨不隨江水去
春風吹綠上平蕪

東風吹過洞庭西雲裏數行歸鴈啼二十五絃彈欲亂
不堪芳草綠萋萋

五歌

余客長沙孤踪跋涉見其山水清瑩古之怨慕懷
思多集於此有觸於中流連往復乃作五歌

水僊

僊子居兮元宮佩碧玉兮倚芙蓉時夷猶兮波中玳瑁
兮衡堂鮫綃兮綺室藻繪兮文楣蘭流兮素壁鏘浮磬
兮蟾珠金龜兮錯飾虛澹兮含光神淵兮幽默日始耀
兮晶瑩霞五色兮紛綸靈之來兮如焚百神擁兮清氛
乘蒼龍兮渺然去雲駸駸兮作雨不得見兮心悲目徒
悵兮遙浦崖幽兮鶴鳴海水汨兮波冥冥呼印須兮無

白麓詩集

卷一

二十七

津

美人

有美人兮江之渚倚幽蘭兮白雲下渺千年兮不知處
薰蒼蒼兮時一出天風蕩兮見顏色含如玉兮揚如雪
延修領兮盱天末我欲濟兮江水深洪濤湧兮語無音
將余意兮援素琴忽亡覩兮慟幽襟思容儀兮采瑤草
心惆悵兮傷遠道中鬱鬱兮不能言歸貞正兮母自老

鼓瑟

洞庭秋兮水天一月初波兮湘君出鸞帔兮翟禕虹霓
兮垂帶嬪御兮星陳旌旗兮霈霈挾寶瑟兮雲中張廣

莫兮凌空怨無始兮樂無終獨抑鬱兮揚天風初調
江浪平再發兮綠雲生二十五弦兮心神傾鳳皇兮
悲鴻鳴南望兮蒼梧北瞻兮幽冀往如疑兮復若媚路
迢迢兮不得至音塵沒兮薄遠峯降寒露兮傷人心丹
木萋兮思江南

送遠

天盡兮草青萬里兮孤亭長江兮煙樹重岡兮鬱霧鳥
去兮雲中客臨兮岐路川有舟兮原有車野曠曠兮任
所如君既兮行毋徐彼僕夫兮安知余初相識兮甘
如醴遠別兮若流水送之兮南浦歸空山兮夜雨惜

白麓詩集

卷一

三六

幽懷兮未言忍含情兮終古

鈞天

天地淑兮百物樂六氣均兮中聲作一元綱緼兮泰階
平日月光煦兮草木屯萌民無天札兮物無幽塞愁苦
不識兮靡有淫忒至人是則兮鳳鳴雖難奏洞庭兮有
凱其風吹揚八極兮萬國同乘龍御天兮望高雲此音
寥寥兮終古無聞

長沙歸舟阻雨

湘西門外拂衣還南嶽陰冥未可攀曠代蕭條同屈賈
春舟風雨自湖山涓涓峒口桃將浪漠漠湘林竹已斑

去住嘯歌雲霧裏揚帆何日一開顏

三山磯元夕次日晨起作

來時鹿角分除夕歸路三山是上元可嘆兩年佳節度

孤舟夢不到青園

嘉魚發權至省口號

晚風魚嶽嘉魚西城山名放舟行春水蛟龍夜不驚一瀉長江三

百里天光直泊武昌城

壬申 恩科贈省元素仙宗昆同宗

論文江漢日矯首立狂瀾同學爭先舉孤懷計所安螭

頭一步近鵬背九霄寒持此未能釋空中羨羽翰

伯範詩集

卷一

二十九

余自歸青谷送君躋紫垣皇華春載道幽竹晚開軒時

築青山書室行矣文章重自茲車馬喧盛名期不負千載見

心源

魯希明淳走人催赴鄉試并餽物東以答之

遙望清秋日高風感寂淪我將謀野處君甞別京塵明

月寒新桂青山老故人詢知愁病減時得奉慈親

崇陽即事癸酉稿

驅馬崇岡暮靄餘到門征色倍躊躇初逢父老猶如夢

况在凋殘未有書地僻盡知耕鑿好年荒自覺禮文疎

從容握手堂簷話五世從前得共居

立夏前一日遊青雲洞

黃岐山上青雲峒碧溜聲中白日斜偶與老僧相對坐

不知春盡已飛花

三月按譜至栗柴港

朱華吐陵麓碧草奄河潏燦燦忻連枝萋萋念同根三

月渡北渚青黃曼平原培塿天黓黓恍惚見煙村父兄

並矯首稚子兼候門謂我遠年客促促計所殮春酒罄

餅疊野菽謀雞豚起立再辭謝道在親與尊我聞星北

宗邑居偕弟昆伯子忽不祀仲叔此築垣或近習稼穡

或以寇來奔初星北公兄弟五人同居縣城其長子國光無嗣次子家光三子煥光前後遷此

伯範詩集

卷一

三十

中葉有聚散故廬今尚存

繫我初冠時膠庠始備數族人嘗招游華裾經此路二

三兄及弟各能肄章句秉燭盡夜談秣馬清晨渡及此

二紀來風煙同朝露流光一何忽春草生壟墓白髮吾

亦老朱顏不如故伯也僅獨存往蹟或多悞土瘠難耕

鋤嗣無憂嫁娶共歎生計慮安得禮文具我問古懿行

荒庭日遲暮東房有娶婦終朝自織素至地母親氏時五十五有奇

昔聞星北宗孝友稱大義卜兆揆陰陽月塘得佳地厥

考萃精英諸季高門第星北為月川公第三子月川營其地嘗類其力共第婦房五

較流風邈難溯感事遙傳記當時有二孫奇章茂才推

連袂典型一不振文藻漸凋敝先鬼何德怨近跡競樂
悴老成出深畫苦口誠相勵公瑩北復被侵赴控往調
劑我來久和平茫茫稽世系飲酒頌同懽關弓獨垂涕
人生感戚戚無傷昔者惠

東望大崖山雲西望長江雨自我喪童僕淒淒行且阻

甫至已滂沱連朝傾蓬宇驚傳兒女病時俱值麻症延

朦腫隔南浦老翁常與親少長時偶聚生死聞殊方絕

續見故土竊憂十年後茲事竟草莽廣搜錄新知參衡正

舊譜叮嚀告吾族禮義持衰戶近構青錢閣母遽老農

園我歸溪漲發呼渡愁無侶是日當清明叩壟空延佇

白純詩集

卷一

三十一

四月按譜由行將山至直口

我行方橋路中宿行將山山石高峩峩返照見柴關入
門問童子取火鑿舊顏諸父久凋謝孫穉疊成班老兄
聚懽飲握手嗟時艱吾祖十弟昆冢君獨遠宅雄心關
林莽忍使蔓草沒憶我二十年馬首重雲黑去日一迴
顧滄桑不可說樸直近代風詩書古人澤孝秀與力田
恪恭瞰先業子規夜深啼來朝從此別

行將出西北有山名雞冠相距二三里族兄得雨田雨字

疾馳轉紆曲遙隨落川本以幽蘭支遷徙此荷年束

令二子見深知母氏賢十歲稱內職十五善文翰二十
茹冰蘖白首終無愆我昔千里樓高風揚清妍我昔葺
浦乘大節經手傳掀惟一拜謁中道以流連

遠望方橋行行問直口逶迤磨盤山層石若城塔恐

以擾同宗匪我無與馬孤旅念奚囊同心勸奔走崎嶇

已重研塵汗迸蒙首竟日及門廬族人事隴畝壯丁驅

四方耆老無一有童婦鮮記識載籍亦殘朽木主分堂

筵邛壘辨左右周詢集眾徒繕寫還自究耕織愛共勤

鰥寡傷獨處太平修禮讓勉力為人後

日瞻黃岐峯雲雨連天末三月值霪潦禾苗遭凍折四

白純詩集

卷一

三十二

月谷風寒溪漲損二麥舊穀將種補貧農憂耕輟嗟我

同族侶母乃廢阡陌村釀何自來况當已瓶竭年凶百

禮荒庶以免飢渴老母恤我勞倉皇視鬢髮是時天霽

炎中心增煩熱青雲拓鴻濛黃岐山有青雲峒元崖含宮闕石

溜若漏天飛花如散雪感茲春暉盡翱翔且怡悅

小婦掠芳草野蠶出飛蛾五色何焜耀攬此發浩歌桑

葉已辭樹繭絲未成梭自我祖崇陽綢繆經故里名字

忘弟昆邛壘混祖妣文獻兩無徵焚亂不可理我聞古

關疆榛棘雜桃李亦聞古懿行精鑿殺糠粃單心錄所

知無喻我先鬼臨別有詬誶登堂正倫理武昌開鑑乘

醉素成祭禮開鑿居省城時歸相留復未久晨趨歸車

閏四月廿後按譜至月塘莊

去年秋風清落葉下江鄉今夏四月閏炎曦渡河梁行
行渴且飢古樹生陰涼中道有媼舊邀我承穀漿疾趨
近邛壘佳哉鬱蒼蒼大江匯溪漲夕照侵林塘昔與我
親宗登陵及秋嘗小大各醉飽侃侃陳大綱支派荒以
遠世系誰能詳眾議推藐躬謙讓懼弗違重任以茲屬
各自返村莊當時燕笑地雲陰遠虛堂老兄聞出戶喜
色動相將顧瞻先靈在竚立心傍皇

白菴詩集

卷一

三十三

萬木樂同林萬馬樂同羣並驅一不前使我憂思紛昔
時祀魚山山德全志通兩公為祭參差有二墳德全
與志通父子始著勳冠蓋經鼎革筆墨已盡焚孟子維
九思仲子維九文公出通同居月塘下尚供石頭軍時
中興號秩倫奕葉復不振達人罕知聞族侶若飄箠獨
茲服文君月塘分九文構室倚溪壑努力勤耕耘如何
歷七世不睹羣所分白首相問切踟躕暮庭曛
如彼同根木千枝每蕭瑟如彼同槽馬獨行鮮仇匹服
文雖老成往事輒遺矣木主多不藏稗編寡所識徒縉

百年契錯伍相比櫛此分皆從契約名字稽田廬兄弟
辨堂室執有權虛無參旁協紀律渺然精思通鬼神牖

幽容晨夕憂靡寧心首迸交疾既糾宗派譎如達字冰
之類無徵古墓實如德全公父子及祖妣族子頗英
達服文季館歸聊共質豈不憚艱阻漏十猶掛一湖濱
風雨多蒼茫愁無日儵忽屆天中勞人方未畢

勞人方未畢款款供重餐細鱗佐盤菽新釀衝薄寒愁
霖未云歇密雲隱諸巒浩浩江湖來松竹雜鳴湍豈不
懷遠歸心竭事未殫言采蒲與艾行路傷艱難姊氏及
諸子羅列罄所權綱紀甫成帙次第經繹緒太息千人

白菴詩集

卷一

三十四

業獨以累單寒即服空名竟何往念之摧心肝月塘分諸
耕鑿有至樂禮義振凋殘且復課孫子似續舊衣冠我
將辭先壟拜稽肅庭闈烟水不可極扁舟去漫漫

十有一月按譜至崇陽北門畷

古稱崇陽縣遠介三苗國與蒲唇齒交山川實偏仄匪
我為同宗奚以來此域十月議始成冬月行且棘霜色
桃花岡風陰柳口側峻峯夾幽壑陟降香難測馬首仰
天青人影懸巖黑驕然石梁開飛濤驚喘息童僕疲且
飢徒步傷無力寥歷望烟村黃昏隱城北
繫馬塘邊樹叩門驚早睡老翁呼兒童或有遠客至然

燈出空堂羣視趨且避恍惚識我名倉皇陳坐位襟襟
別尊卑問年伯與季入室見諸母短楫環爐熾餉僕盛
饌糧秣馬解鞍轡山菽佐重殮村釀增薄醉草榻夜何
長晨興莫能寐周旋誠吾人各盡恩與義
翌日升堂階散戶出並趨諸父載拜謁卑勿同揖呼面
目不暇辨儀文安可拘顧我自孝孫端坐中門樞敬奉
高曾靈收族歷山隅羅列諸木主啟櫝字模糊拂塵還
浣拭錄本訂荒蕪此歷諸弟皆先賢
龍巖譜稿互証尚留前朝籍遠紀
從猶湖兵燹存典禮貧賤多鰥孤嗟我此邦族毋為鴈
與鳧

白苑詩集

卷一

三五

飲流莫忘源析薪莫傷根芸芸萬千類同姓古所敦在
昔雙橋宗維我月川昆長子有拱北厥生維四孫家孫
遷泗水三四來崇村俱從直口峒分列黃金園北門取
地名賢
嗣有君先振興美且赫藝田千畝獲課子一經存子洞
達南
一門以崇籍
列郡學乃入深山圃或向平江奔屈指五世前與我共
稽古勞幽獨集衆煩手口豈不恤微軀恩義母爾負骨
月道路間數日權聚首方外徵考妣異宗繼姑舅其出
其南
姑因便達遠方遠有往平江者東
寄講式今開列來訟知匹偶其徒南
其
聚其氏時以疾書幸無遺庶以免奔走稚孫編竹爐老
訟來縣得之

嫫飯染糗城中舊廣文開筵傾旨酒惟以聯宗族避遜
及媼友倦餘一騁懷晚日登陵阜
少勇刈棘薪少婦事機杼老人飼牛歸誅茅葺敝宇各
云歲已暮春釀充秬黍旬日山景清連朝斷雪雨小大
齊牽袂臨岐請延疇染翰光蓬簷題名傳素楮別此何
時來聞關恨修阻我聞懽復悲蘊真發要語食力服先
疇窮經敦古處曉色肩輿來溯游木蘭渚是夜宿
蘭泉莊

葦園歌 甲戌稿

白苑詩集

卷一

三五

葦園主人曾相識我行蘄春秋瑟瑟蘆葉蓼花鳴悲風
白沙翠竹映晴日到門二水相周旋未問主人先問園
夾道花間堪騁馬雙池橋下自通船離亭別院不一處
累石列巒生雲烟橫翠櫻櫻見遠山出亦舟舟亭
名之亭何冷
然憶昔夜渡龍江水龍江即龍眼磯
在蘄州江中姑蘓維揚爭蘇靡
日過臺榭數十座西走洛陽八千里畫棟雕梁非不多
蕭散安得與茲似詎知咫尺即仙源却悔浪游傷心魂
今年羅邑頗小警官兵上下若雲屯近鄉居民鳥獸散
主人長嘯烟花村李庭歌兒夏檀板梁苑詞客傾金樽
以此左右俱鎮靜風清月落休關門是年羅田馬
變新人多遠去
葦園主人日與賓朋樓鶴都督長官時投宿車馬蹙蹙
來歌其中衆聞之乃定
吏卒喧草閣傳檄作章奏南達荆郢北幽燕

天子不好武空谷老翁高自眠禽鳥見人猶啼樹羊牛
下山敢觸藩亦有凋傲擬修築深心所託皆完全傳經
一子架萬軸誦詩斗酒誇百篇茅山巨鼈樊湖編巴河
藕切素玉盤使我欲去還留住契賞得不滋幽懼惜哉
子雲獨寂寞歸卧青峯閉山閣

龍門歌呈劉學師萬青選

龍門宮牆蔽青天左右羣峯環百川中有魚龍含雲煙
欲上不上心茫然憶昔王公宰蒲城夜夢劍衝斗星精
化為雙龍游太清卜之天下觀文明再占大人得虎變
英奇歷錄眼中見白尊弟昆俱少年並拔重霄凌風翰

白純詩集

卷一

三七

夢卜明年因創建龍門書院於是時大闢龍門宮工師
登壇呼棟隆有獵射虎西良中學弓壯兒氣如虹一矢
初發正當胸昇至公所光熊能公給賞錢三十萬今秋
獲者定捷獻少公上梁口得虎因以祭其獵者獨舍弟十七
充鄉薦大索闡中稱遺憾弟名公充同考官同事開余兄
制府中丞秋月明蒐羅為我悲遲鈍招入江漢濯清波
漢陽司馬揚高論後王公選漢同知每達官傳檄長吏
迎東奔西馳車塵瀾回首龍門隔滄海青園松筠遙相
待近擬構育吾師近從襄陽來雄談荒山生光采明月
臨池舊習家黃金築臺自郭隗師自京必選必有本原資羣

材元禮之門今猶在我聞春雷震聾痴龍乎龍乎安可
知

東王氏諸表

我住黃山陽君住青峯側聚族聯婣舍東西若鳥翼比
年吾同鄉猛獸恣殘賊草堂卧復趨孤懷恒惻惻惟君
負高義罷勉效微力徧告及閭閻羣農憂稼穡蒼茫百
里間獵人阻殊域籌畫既多方往返增太息送君出虎
穴時往臨湖延獵路極香馬首層雲黑忽聞嶺頭哭使
我涕沾臆怨積青山陰望斷湘水北咄咄此邦人存亡
安可測五月獵始來童叟走匍匐臨夜喧呼聲雷震動

白純詩集

卷一

三十八

顏色秉燭擊神鐘執承薦血食壯夫氣桓桓銛鋒耀光
飾寢處同廟壇攀援共荆棘大索經十日陵原杳無得
晚出薄荷泉推薪日已昃傷哉逝者魂寧為生者德肝
膽各自知悲涼含古直暮亭謁邑宰山月影西匿所言
不盡陳借箸空筆墨我將別鄉井愴然念故國林落秋
風高願君竭衷悞野人匹公侯窮居思社稷憂樂萬物
情先民良可則

過沔南趙宅贈東僑叔姪

晚泊麻濠渡朝看野屋烟到門風欲雪盡日酒如泉詩
禮聯姻舍舍弟伯趙江山各遠天十年來往數陵水此

茫然

水郭浮翬地飄零感故家君門敦孝友野處近桑麻荒

圃猶傳社清溪自浣紗簪纓何必慕即此憇烟霞

怨懃問予季憔悴倚青岑乍別東牀日遲回北闕心伯時

直至今同會不武昌約不果弟婦幽賞繁園林昨有江城約淹留

佃農寬自賦侍僕久無逋歲晏輸梁菽晨興得鴈鳧庭

梅寒欲吐檐鵲喜相呼天霽江南近蒼蒼山一隅

湖平長見月木落易為霜感此動歸興空山結草堂白

雲松桂隱綠雨蕙蘭香不厭沿谿遠扁舟過石梁

白純詩集

卷一

三十九

伯牙臺同李太史然山金臺諸君餞耐菴夫子

古音鮮相識古道鮮獨行大別有高臺伯牙渺無聲漢

陽舊司馬蕭然旋旆旌太史儔侶俱列坐何賓賓臨餞

秋色來援琴時一鳴我至日將暮林風生晚清感此聊

復醉暑氣亦已平

贈陳二丈道川

種樹先培根采華掬其實蕙哉欽義門累世秉至德夙

譽標雲霄聯駟耀阡陌高舉引孤霞天地湛清白君子

紹徽音虛鑒朗如雪抱美既允藏貽穀亦靡心蒼蒼喬

松陰馥馥幽蘭澤願言思不忘先民以為則

舟中悼季姜十首選二

白沙洲下蓼花汀大別山頭日已暝獨掩青衫愁不語

教人腸斷望江亭

秋月秋風度漢津孤舟孤客自傷神西良湖水明如鏡

不照江樓送別人

漢陽晤彭棟塘以詩見贈

不見彭君久清齋獨往來一從司馬餞無復上琴臺壬申

三百首贈我袖中回秋與棟塘諸君餞王司馬師於伯牙臺各有詩大雅空流水高風落酒杯新詩

東危二魯楚應奎成進士歸里

白純詩集

卷一

四十

山谷聞春捷京華幾日歸遙傳充館翰且自慰庭幃馬

齒虛同列余同龍鱗得早輝寒江聊聚晤別路易多違

冬日同程庸夫大中遊葦園因贈其主人

晚日出山郭聯輿到葦園風霜天忽暮花木意含暄秉

燭開三徑稱詩始一言由來幽賞處更不數平原

飛觴臨苑旭枕石倚山晴池淨魚疎影竹幽鳥聚鳴孤

花寒日麗古木夜風清欄外低徊久因之感舊盟

贈同學李大理齋必然

李君家住雨湖村斗酒招邀得共論本草自傳先世澤

寒花猶吊昔人魂其六世祖著致其曾祖兵憲公初耕以

志李 躬親菽水歡承母座對賓朋好弄孫醉後更勞相
送遠暮雲疎柳過東門

傷犬行 乙亥稿

昔我偶出門僮僕常隨後僕長忽已逋小犬輒前走遇
羣輕狎侮不量勝與負我歸先已歸喘息白主婦我自
遠方來迎跳環左右知我遠方去十里不回首日不妄
吠人夜長為我守昔我好登臨時攜盤與白不呼自相
從雄心越林藪跌坐醉草茵傍眠當吾肘俟我餘興畢
分僕餘所有取給不在多欣然向我受促我早且還夕
陽下陵阜兩載歷邛園嘉賞驚鄰友臨宵候踰局露伏

白純詩集

卷一

四十一

遭虎口是夜雞將鳴疾風薄戶牖日出啟蓬扉百喚尚
在否蕭然籬落靜虎跡見隴畝行止不自安中心增料
擻衆為我歎歎四顧還自咎保聚媿無方猛獸恣吞噬
東南悲士女西北傷童叟涕零不能言摧折門前柳海
葵詩猶重黃耳思亦厚貴人以賤畜吾何愛一狗

雨中遊赤辟三首 選一

晚風經古渡晨雨泊江村赤辟千年後蒼苔一字痕山
含雲氣濕石激浪花奔獨立空濛望興亡安足論

重陽前五日阻風龍口適故震澤令某留錢

兼晤尹表舅

吳都歸去薄公卿龍口江干過客情籬下花含彭澤艷
座中酒比太湖清不須介紹通新刺兼得風波訂舊盟
尹舅昔同事 江漢書院 此別重陽天氣好臨高相憶武昌城

黃州霜降前一夕劉某邀飲同諸廣文

齊安夜雨秋蕭騷偶得故人傾濁醪座上孝廉禮數濶
郡中學博談鋒高千杯儘許盡鯨吸十指爭能分蟹螯
却笑子瞻辭客後扁舟獨自歸臨臯

重遊涓水雜咏 選五

襄江灣水曲如環幾轉輕帆下漢關可嘆襄陽好兒女
年年送客渡頭還

白純詩集

卷一

四十二

長江堤下道人橋匏子灘頭水漸消舟客日行三十里
酒旗都掛綠楊條
漢口舟移涓口津三河水接兩河濱千迴百轉從前路
舉目何曾一故人

太白樓西望碧山讀書遙在五雲間當年自醉長安去
流水桃花今不還

青龍潭石矯如龍十里釣灘泊晚風夜半羣鱗戲新水
深山不信有漁翁

隨州荅金刺史

尊鱸已動秋風興公以八賓館何緣竟日留自愧當筵

推贊傳那堪別路識荆州漢東故苑新櫻閣前王司馬始立書
藍修治乃江左歸帆近斗牛為憶六朝松石在幾時重
作鳳皇遊往客金陵座間有再游之計

白純詩集

卷一

四十三

白純詩集卷二

蒲圻張開東賓陽氏著

男兆騫

自鄂城將至隨州旋往靖州丙子稿

是春隨州復延主漢東講席與夫已在省候久至
典衣相望於道而靖州牧請脩州志刻期走壯吏
賈聘二千餘里抵予家不值乃又趣迫至省惆悵
有作

漢上生徒惜舊期渠陽刺史感新知北與耐耐中途苦
南使堪禁遠塞疲黃鶴白雲空在望厲山湘水竟何之
文章寂寞邛園老萬里靈聲轉自疑

白純詩集

卷二

武陵道上憶弟伯翹

曾指淞江路春風可去無武昌期不至孤棹渡南湖
南湖雜咏

三月天風下洞庭百川春漲杳冥冥孤帆自向西南去
愁見君山一片青

溪南溪北春流水山後山前日掩門綠樹蒼苔交白石
不知何處是桃源

鄉思山上年年淚滴入龍潭化石無相傳有婦人望夫立此山淚入龍潭化為文石昨夜漳江風雨後愁雲吹散洞庭湖

白馬渡頭波似雪綠蘿峰上翠如嵐沿溪一斤桃花雨

又逐東風到客帆

十里桃源泛水溪沅陵路出武陵西春山盡，無人語

不耐巖禽只亂啼

雨歇辰陽積翠收奇峰怪石亂人眸飛流萬壑從天落

時啟蓬窻作卧遊

觀音山石起嵯峨羅漢溪南夕照多古寺孤峰相對遠

千年明月照青螺觀音山在江北岸南岸諸峯向之名羅漢山又上三十里有青螺峰上有明月堯

馬首名巖西來樹色陰白龍巖下雨沉沉飛鱗壁立三千

丈更有鷹呼作暮吟

響水名洞流傾水石隈陸離山色似樓臺更來白面名巖光

白苑詩集

卷二

二

如粉獨對滄江落日開

漫尋二酉舊藏書碧水丹山夢已疎巖壁上有石刻四字大阮溪邊

曾作宰而今歸釣石潭魚謂石潭莊叔父海來

石壁茅檐三五家桐膏鐵冶自生涯溪頭跣足蓬擊女

不解春歸有落花

南湖東望憶湘君水碧山青擁白雲日夜子規啼不住

分明都向客中聞

伏波曾制五溪蠻銅柱天南盡漢關書劍蕭蕭江上客

太平不信有荒山

桃源峒紀遊歌

春日牽舟桃源縣山似烟嵐水如練飛源何處問舟人

四顧茫然耳徒亂起沽豆酒白馬津又買魴魚綠楊岸

命僕烹魚蕪酒來百棧蓬頭且交勸眼觀舟子已酩酊

野老攀談不旁眩指點蒼涼五里許雨餘泥濘足力便

舟子鹵莽與勃發持杖扶我若飛翰是時三月春欲闌

綠陰濃處紅爛熳無數桃花幾會開微風吹落千萬斤

桃花樹下有人耕枝上黃鸝競清轉長松幽竹侵我衣

嫩草新柯香撲面官霽石磴與雲升露淨苔茸行轉戀

過仙橋頭復銜杯基枰座遠共游行相傳古松下名案為仙人對奕處蒼壁

積鐵儼門封顏公鑄題隱可辨石壁橫刻顏公素人古洞四字九節菖蒲折

白苑詩集

卷二

三

板龜半畝池塘影蔥蒨池中所產見洞志池當峒門路不通罅竇

懸巖覺洞旋不知峒中更何似峒外已忘秦人變日暮

舟子竟不歸隨我踏入清虛院自言五世慣操舟往來

山溪今始見

壺頭山歌

壺頭山壺頭山千仞壁立有誰攀漢代馬將軍曾征五

溪蠻蠻人戢帖心膽寒一朝失籌算壯士為汗顏清浪

灘頭浪聲翻將軍戰艦不得上五月炎歊恣息於此間

猿兒挑戰如猿戲貔貅百萬空自閒自古勞人任怨功

臣得罪謗譽摠如環傷哉英雄氣蓬勃內讒外侮終陰

艱馬革裹屍莫絕域至今孤魂招不還深峒巨蛇吐雲霧望中暮暮靈旗耀邊關有誰攀壺頭山

初至渠陽見刺史呂柏巖先生宣魯

中州寥廓宗文獻南國蒼茫問典墳漢使星槎天上落江鴻書札夢中聞嵩山洛水曾為客歲庚午遊河南道訪時柏巖令江華峒雨溪煙始見君不惜湘沅采蘭芷敢將野蔓助清芬

五都督招飲

戟門綺席望飛山銅柱金尊洗容顏刺史行招千里役將軍坐鎮五溪蠻黃梅雨散荒城淨翠柏風清畫閣閒不厭迂踈猶卜夜南樓時醉月明還

白苑詩集

卷二

四

渠陽志館與兩廣文二首

驛使蒲輪屬遠謀廣文圖籍備徵求漢唐官制通諸夏叙搆夷傳有二州前在唐為吏叙搆二州之境舊志載南此州自喜鶴山能化俗尚看龍劍說封侯荒邊亦是同文地倚相何年筆可投

伏波遺蹟此登壇文靖齋居借築翰亦魏了翁講席時嘗居此山七十年來多軼事嘉靖志修自康二千里外有儒官庭花日散苗猿峒州及屬縣皆有苗塞草春餘首著盤旅食從容清鑒在冰心常對玉屏寒

詒同館諸友四首

邀荒近接楚郊墟五老名山峯環一曲渠四邑綴旒分版

籍葛天柱縣亦隸靖并今三戎裁割隸軍儲舊五開關鼓及靖州三衛今本衛裁入州五開關聖代即今推後彥時來咨訪倍躊躇

湖北春舟泛武昌天南舊紀見渠陽夢花對客三千里盤欒兼屯二十鄉城倚蠻雲連日夜座看溪雨變炎涼戎邦良翰徵文獻休道相逢是夜郎

鄧將飛山碑未殘伏波去後幾登壇明鄧子龍為黎靖恭楊家刺史因犀錦宋土人楊通鑑的狀始列為誠州刺史其後柯入且蘭項襄王遠正嘉納土貢于通遠仍舊位舊入職官志幸逢今日笑彈冠蒼涼關塞親圖策何有人間行路難

白苑詩集

卷二

五

一水湘江故國情閒忙點檢話邊城箬林深處雲猶暗芸署香來日正明豈有文章矜世艷自將冰雪照人清龍門司馬平生事指計新編達帝京

遙送通道于明府歸金壇于諱文駿進士時同聘于陰通道志

嚴疆久著絃歌治刺史同招檣櫟材乍到鶴山經信宿却傳琴板通道賦歸來詞壇羽翼三珠樹宦海波一酒杯我欲南來相問切羅濛煙雨未曾開蘇滌

送寧判官遷建德令寧山

作客初來同楚塞餞行便說上吳舟此時宙佩堪相憶秋日揚帆可自由勞吏幾年親峒俗近家千里勝蓬邱

天朝垂念邊關重奉簡東征未白頭

館局集書志如林

國朝以來多冊籍內務武英稱東壁

天子旋頒方伯藏辟靡分疏泮宮澤雕工翻板律從寬

天下車書通蠻貊膠庠箱軸十夫擔郡國記乘五馬索

時舉徽取然粵及鄰屬諸志共參證太史楚紀若邛墳前明吾邑廖鳴吾先生著中丞新編護

緜帛湖廣總志分省後巡撫楊公另修湖南志州牧本出文獻家官廨每成圖書宅

大清會典自京師五千里載輜車迹三通綴後元明書

廿二史乘歸指擘揚家魯魚借橫陳巖疆蟲篆謀野獲

判官舊署積如山我來一望頭應白

白苑詩集

卷二

六

即事貽刺史

著作原經史參稽並古今芸香行處滿苔跡坐來深列

籍千年事孤檠五夜心天涯文物會不惜共追尋

刺史文為富諸書鑒與衡還窺陳迹悞獨稱此心平偶

見猶嫌滯微疑不掩明官衙同學舍清切古人情

追紀前明世襲邊疆武弁姓名

前志創於萬歷間多指揮千戶百戶等官每載一

官姓名下小字注父某祖某曾祖某時甚不解迨

國朝康熙二十三年續志則竟刪除其祖父之

名而萬歷以後缺而不書疑者久之一日考明史

著太祖世襲邊將之文心始瞭然既仍前志補增

又言於刺史刺史遂懸示自是武弁子孫有先世

劄符功票投驗者無算一月之內追補入志凡數

百云

有明高皇定天下平靖海內歸戰馬邊城戍卒亦何多

將士襲封殊不寡舊志書銜頗載名續編盡削奚為者

赫赫當初血戰功寂寂青燐竟長夜子孫更歷幾百年

紛如落葉與飄瓦撫卷悽然且復疑旋繙明史良非假

刺史懸旌揚高壙一時投籍躋門屢跪陳功券並封章

將軍大印如渥精重為登書數百人史官應耐求諸野

白苑詩集

卷二

七

徒步訪侍郎山遺址

倚門峯在望出郭路何長古徑無人跡空山有侍郎林

寒穿日影石淨拂雲香聞說觀亭下蕭蕭一草堂

卧觀渠陽水利圖異同三日

萬疊誠州山一綫渠江水圖繪各異同源流分經緯此

事關田功恭觀良有以

飛山鄧將軍詩碑歌

豐城劍氣高青雲其精化為鄧將軍即豐人將軍提刀起行

伍又自揮翰走龍文天生虎豹質直驅犬羊羣飛山立

馬一雄盼浩然長歌天下聞蛇蟠鷹攫神鬼駭五十餘

字何續紛惜哉稗編曾不列武勳舊志祇今一榻挂壁消陰氣

陳僉事東閱武塲碑記詩

昔愛昌黎淮西碑鏗鏘幽奧金石詞後來文壇繼者誰
僉事手筆竟為之披衣朗誦將臺下秋樹蕭蕭鳴萬馬
仰歎飛山鄧將軍並有車攻繼風雅

閱開泰志見 晏一齋夫子試院暨李二蓼灘

過王龍標祠諸味哭而系之以詩有序

一齋夫子嘗提學黔中其詩四首作於黎平試院
開泰故五開衛隸湖南靖州雍正中撥入貴州省

白純詩集

卷二

八

改開泰縣屬黎平唐代為龍標縣即王昌齡謫尉
地土人為立祠識其墓蓼灘十年前從漢陽司馬
王息廬師奉委採點木往復其處因有過龍標祠
墓詩開泰修志者並采錄焉東自乾隆丙辰受知
於司馬甲子復為中丞一齋公所特拔皆生平隆
遇當司馬黔中之役攜蓼灘諸子吟嘯箬峒東不
及與乙丑之冬一齋夫子以終養去楚悵悵以書
致東於江蘓提學崔公幕時值司馬督運江南復
同游覽今晏王二公俱謝世崔亦早逝蓼灘吾邑
清俊既日僕僕走京華吳越間而東以渠陽刺史

之召天涯知己千里來游適輯靖志旁搜得此追
維曩昔南北各天幽明珠域涕不自禁卷為之
淒然時丙子五月之十六

遙夢天南幾處來淚眸吟想復登臺輜車空有皇華奏
司馬先同梁木摧一代文章知己盡百蠻風雨路人哀
蓼灘最愛龍標尉自賦招魂亦不回

閱武塲二首

日午城南道將軍校獵歸野平三楚濶天盡萬山圍高
森合秋氣降臺對夕暉清風溪峒爽為我一吹衣
極目關河遠還看碑碣深雲臺推鄧禹汝明將露檄數陳

白純詩集

卷二

九

琳僉事陳慷慨登樓賦栖遲報國心鯁生無寸補醉過暮
城陰

五老峯

春渡重湖水秋登五老峯廬山真面目天外列芙蓉望
野雲歸岫聽濤鶴在松市村人不見浙瀝有鳴鐘

桂香閣

碧水環青嶂青林見紫薇桂香空一望萍跡未曾歸日
晏留僧飯風清上客衣遲回山雨作晚過釣魚磯

秋日同馮孝廉五峯城上眺覽

四郭雲初淨萬山今始明秋風聊一望落日照孤城地

僻崖猿戲天空塞馬鳴早知殘暑退因過竹林清

耀武傳飛將興文有侍郎版圖歸內史天地入邊荒白

鶴三秋老青蘿山名萬里長鬱葱佳氣在不用說蠻鄉

飛峯當夕照并鬢翠參差遠掃狼煙靜空回寫影遲銅

鐸楊女廟俗傳楊文廣之妹宜娘子在儀智
高遊此壘銅鐸中鳴則火災見箭板竹郎祠舊類有一
種名箭板

昔竹郎即所傳女子流于避水有竹節流入足間有聲
刺之得一小兒携歸以養因姓竹遂為衣巾侯者何日窮溪峒奚囊

盡載詩

此闕臨書院東城及泮宮一江環似屏五老矯如龍故

物餘樽俎新庭問鼓鐘精學五遷新建甚得地
而禮樂器荒廢已久斯那多俊彥努

力事雍容

白苑詩集 卷二 十一

聖代敷文教儒生敢壯遊天隨書斂曠風散岫林秋自

作觀亭客宋程子山滿塔當構觀亭親文靖
亦請靖理修之植芙蓉於洲上真輕定遠侯芙蓉誰

氏苑吾欲渡芳洲

觀都督大閱二首

曠蕪森莽莽白日耀高標將軍常游獵閒暇多逍遙一

旦傳羽檄馳驟凌雲霄甲冑兼步伍弓箭各繫腰闐闐

伐鼓聲意氣動旌旄旋馬如轉軸驅人若奔濤天際遠

寥濶秋色風蕭蕭勝朝列萬騎明備兵
衆多減兵尚英豪自古

邊荒地所重在驟曉

清晨出長巷將士集橫街都督未升座馬步分兩排既

登幃幄上銜枚靜喧極材官跪授麾大纛懸將臺虎賁

畫皮文鷹揚走盤徊馬蹄與人跡行止有定表夕陽澹

巖谷和鸞聲皆賞賜計等秩踴躍爭銀牌諸軍各努

力有苗何畏哉

九日雨

重陽日度渠陽雨遊客興如歸客難飛寨暗聽楓葉隊

坐裊新製菊花團時詩
未放三秋風月空回首萬里關河一倚

欄遙指青峰何處是洞庭波渺白雲寒

九日後同館周黃諸友人邀遊翠雲峒

渠城西北路遙色隱蒼蒼夾道森幽柏層樓接上方秋

白苑詩集 卷二 十一

深霜葉老雲淨露華香林外郵亭影征塵度夕陽

地主招游久山僧待客來先州學周李二子的僧
松勝整理林壑已月餘誅茅披岫藪

摩宇落莓苔白鶴千年去滄江萬里迴吾鄉邊圍歷岑

寂一時開

紀載真吾事流觀亦此心不辭山徑險已覺寺門深野

蔓連霄漢谿雲變古今迢迢行路者誰為感長吟

不厭臨高望秋風遠塞聞驚心鴻鴈隊絕跡虎狼羣老

樹蟠蒼壁孤鐘下翠雲醉歸回首處佳氣尚氤氳

翠雲石歌

翠雲峒裏一峯石藤蘿蒼蒼擁千尺突兀困輪自靈透

地老天荒不相識八百雲夢九江濱鄂渚湘山萬里客
手操寸管天下游搜幽探險良不惜老僧指點巖竇開
摩壁塗朱開素顏請君品題出聲價醉面誰盼何斑斕
當時猿兒嘯林樾蓬頭赤脚走懸絕怒挽强弩仰天射
披山之力安可滅伏波魯經武陵渡章惇又開梅山路
鐵騎金戈白日橫邊塵不入翠雲樹古來賢豪今為誰
將軍飛山空殘碑惟有此石鎮長在夜深老柏清風吹

李千總贈雙方竹杖

聞說君山方竹好驚看廬阜杖頭饒廬山有異竹僧
海光寺製為杖幾時拄
過桃源峒明月攜歸白水橋並犇獸成龍虎甲圭稜懶

白苑詩集

卷二

十三

琢鳳鸞簫金貂寶馬如相借不及相扶萬里遇

雪霽飲呂廿一介亭公因話別並答諸贈詩

佳詠婉長贈幽懷難具陳只歎無盡雪猶照未歸人眼
識愁薰病心交遠獨親趁添新水足聊及故山春
折柳期沅浦聽鴻向洛陽重來初覩面此去轉迴腸詩
禮因官舍頃篋且異鄉時廿四頓幸往長沙廿
二仁元以北開留京扁舟吾豈別舊
業莫相忘

介亭送別舟中

暮夜辭官閣慇懃送野濱孤舟雙涕落萬里一歸人竹
樹青山老江湖白髮新分攜猶未去矯首立風塵

城外陰風接天涯此際分行燈明不定譙鼓暗相聞早
去緘金鑰春來看翠雲有明年同遊
翠雲洞之約郵筒清酒足莫恨雪紛

渠陽舟中次日再答介亭

吁嗟介亭何多情昨夜送我出東城寒陰凜冽不肯去
銅譙鼓角已鳴更移時入城城欲閉今早開城天始明
手持紅絨詩一卷令我抹眼夢還驚孝廉馮君亦並至
臨風讀作金石聲呼童煖酒復共飲船頭擎杯當河傾
王維唱盡陽關曲江淹賦從別恨生憶昔我去滄海濱
人送長淮萬里清我昔曾出成皋道東門擁餞車不行

白苑詩集

卷二

十三

一別十年音書絕牛馬奔風各前程况此與君數月會
那將長恨悲生平人世自古有離別但願常懷白水盟
請看西牕梧桐樹空階明月疎枝橫

暮雪舟過會同陳明府邀留不得遣人齋鵝酒

流漸臘月下江皋岸上遙呼不厭勞信有冰壺含玉液
驚看雪斤亂鵝毛陳遵自喜常投轄張旭何能一染毫
不為使君偏耐冷那曾白雪曲中高

溪行至桃源

春來峒口花如雪歸去山門雪似銀咫尺神仙不可見

寒江空自問漁人
武陵江上雪霏霏
葦浦舟中客未歸
獨對金真遠自勸
桃源一路故人稀

湖中雜咏 丁丑稿

天水涵清色 江湖多白雲
神仙不可見 風雨乍相聞
夢入蛟螭窟 心隨鷗鷺羣
塵途空自苦 名利日紛紛
東西湖水濶 幾度遍津涯
龍女愁芳草 漁郎誤落花
野荒潮似海 舟泊岸為家
何用問牛斗 張騫自泛槎

辰沅道上

沅江一片月 照我入荒溪
鯀尾_船聊相望 蛾眉空自低
白菴詩集 卷二 十四

崖陰千樹合 潭影萬峯迷
靜夜孤舟泊 寒光不到西
偏側沅陵道 山崖即水濱
石窠餘隙土 嶺末有耕人
日午桐陰密 秋深糝子勻
近聞增賦稅 婦女日摧薪

發辰州

客館嚴朝食 征帆轉日西
故人情浩浩 別路草萋萋
沙鳥乘潮落 崖猿抱樹啼
不堪長柳鬱 烟雨渡盧溪

辰溪

辰溪山稍豁 黔壑浪猶驚
水碧丹崖暗 山青粉堞明
野煙燒草色 灘石搗衣聲
簇簇芙蓉蕊 誰云似錦城

洪江一帶陸行

一線村莊路 紆迴東復西
溪神橋閣聳_{土人好供神橋上} 野社石
龕低犢飲巖 泉卧雞栖屋
樹啼寒砧多 浣女跣足不沾泥

日隱高峰暮 雲收晚屋晴
茅簷藏石穴 竹筧落泉聲
圍鵝行相亂 塘魚看不驚
涼風時一發 滿路稻香清

禹子疇來靖 一月候予不至
遂去將過沔陽及
我來存園 余阻風湖上
益遲至始得聞悵悵
作此並寄呂仁元

令兄北去汝南來 我渡渠陽却已回
青草_湖波濤愁放棹
紅花煙雨憶登臺_{沔城紅花堤為高公生祠}
應傳桃李春城發_{謂伊兒高少成}
白菴詩集 卷二 十五

進莫問蓬蒿舊閣催 三蔭遺民思召伯
且休叙佩一徘徊

成皋揖別出東門 迴首車塵掩淚痕
早雨人從高處冷 斜陽樹過路旁昏
十年貧病增詩卷 萬里飄零剩酒尊
寄語同遊諸好友 可能重會一峯園

寄懷馮五峯湖南觀察使署

洞庭湖水碧天齊 君更東來我復西
舊院梧桐秋夜落 月明萬里一枝栖

荅刺史呂柏巖有序

余昔與力園學博 遙以神交 庚午春正會青要之

麓與其族子仁元尚論風雅迺出故方伯公松坪
詩草就訂於羸臺時相巖仕我楚之南亦相遇也
松坪為柏巖弟仁元以父方伯早世而族伯力園
旋以老疾卒於家遂舉所訂稿緘寄其伯父江華
署中柏崖感且竒以書來報後遷誠州刺史復東
帛為詩聲傳千里誅歎不忘及丙子二月余赴漢
東山長之聘使人以修州志見召追至武昌中道
返棹溯重湖五溪始得一晤往復兩載郡志乃成
以俟叅校余自惟文辭小技歷陟卿尹之庭二十
餘年而精神感召不假推許惟茲獨深既又念柏

白純詩集

卷二

十六

崖出中州文獻之宗足以修明典禮而老於吏治
余將築青園以卒吾業尚僕僕風塵間亦可慨也
爰效古體用答前休

去年浮江漢言趨夢中澤星使自南湖重跡過我宅湖
游及武昌行止轉跋踏平生未覲面開函見衷赤恐以
心所知遂成千載隔既辭漢東道旋泛洞庭船桃源路
杳靄並江波蕩駘木末羣湍鳴雲中萬峯列來此密箒
雨去此寒溪雪歲序易遷流間閱傷遠別往復幾千里
孤踪無跋涉豈不憚艱阻願為知者竭
二月入湘浦四月來渠陽風雨乍相見邊城何蒼蒼稱

詩崇世德說禮贊明堂柏巖著詩草清心聽未畢新乘謬
主張文獻兩無徵讀禮說十卷每荒唐公餘希會謁同事謙弗
違正襟坐明鏡獨步疎空廓典型綜經籍山川究遐荒
夜倚梧桐月朝拂芙蓉霜遞歸歲已暮重來秋始涼病
餘怯羸弱炎蒸摧肺腸豈不念微軀古道今不忘

昔我游嵩高徘徊河與洛征車及青要羸臺侶白鶴力
園古君子萬里神交錯病中聞我來植杖懽跳躍上觀
天壇影下窮龍門壑新渠引蓮池春華耀林薄迺弟方
伯公遺草屬訂權令嗣有仁元丰標美綽約好古敦同
心承命堅所託不量撮土微移以增泰嶽使君令江華

白純詩集

卷二

十七

偷然閉亭閣我亦從南歸東存名園居寂寞
瑤琴鳴室中響應飛鴻度丹鳳翔天際爰集梧桐樹日
月殊東西十五遙相顧迢迢一編詩濯濯瀟湘露我
九疑丈招予五溪渡嘉詠遲未報芳齡淹復暮側見趨
庭賢時凜寘筵賦先生著述才鬢為邊吏素我亦雜風
塵羞效駑駘步安得從空谷圖書披煙霧古人重修能
聞道及早悟他日青山歸臨風生慨慕

贈三巖李千總戎寅稿

千戶李廣之別宗何代來勦竹多同漢書李廣即侯有明都督
名震起瑤人呼為金脾李靖州都督君長九尺面如鐵髯

如劍戟開邊色本是龍精舊子孫千將鎮鄒光臨門乾
隆五年苗縱突令兄入穴身慘沒

天子羽檄命元戎十萬虎賁捷如風楓門荷塘皆經寧地名列

陣馬千戶叩頭將臺下左右但聞叱咤聲誓不殺賊不

反兵眼見兄屍寸腸裂手戮百苗刀不折時請命張經畧廣河刺腹

剖心祭忠魂戰袍灑盡血淚痕哭攜骸骨歸邛龍精英

天地皆震動當時同難張與王張文英王宗江後以力戰陣亡義軍一躍掃

黃桑名營朝頒祭文宣林莽家卹白金各百兩 詔許

立祠長安營 恩襲一子何光榮猶子初冠充百戶干

戶積憤一朝吐我訂野史述新文肝膽照人幾如君他

日得遂封侯願投筆誰為班定遠

呂刺史招賞蓮忽見花心吐出數蕊因作瑞蓮

蓮幕風傳尺素來驚看千葉起重臺粉香高湧黃金粟

珠露深含碧玉杯老近天仙還醉舞閒隨山鶴自裴回

君家舊日芝堂瑞今曾祖忠節公注孝經時定生芝十八並後刺史兄弟十八人多貴而能文敬作人間

萬種開

鶴山苑牆外虎傷二馬歌

洪荒禽獸天作暴益火燎空世再造殷末獷得復逼人

周公振策驅虎豹古來人力可回天渡河之事亦偶然

近時蒲邑多猛虎食人數百如吞九屍殘林莽行路絕

狂啞及我青山巔白純怒起升高閣山下一呼千人諾

騎馬直到湘水濱三請馮婦為我搏裂雞宰猪祝廟喧

山谷震動鼓鐘作夜垂邑宰經山亭手陳治虎十六畧

蓬頭跣足逐衆走長鎗短劍耀林薄母為兒哭妻為夫

伏跪道傍視錯愕十日擊刺虎遁奔巢窟窮搜訖索

五月天旱獵欲歸我亦飢驅長江棹立門望野吊幽魂

酌酒三杯淚俱落詎料出山不旋踵又聞偃鬼返故壑

此事鄉鄰尚待我可憐窮神更為虐前年春雨越重湖

渠陽傷殘等我蒲去年入城噬營馬今見二馬死墻隅

一馬股脇皮肉盡腹內肺腸已全割其一斷頸食不得

樹間但見血模糊却憶昨夜燈昏黑城上啞啞多啼鳥

四更馬蹄驚我夢乃知為虎所捕驅將軍英明刺史賢

八百貔貅守窮邊萬國太平士女樂獠人吹笙雜管絃

自將利鏃搗虎穴何用斤埃掃狼煙鶴山先生且吟詩

攘臂不似青山時

送張子歸偃師幕友歸長沙

鶴山一夜滿城霜君發渠陽向洛陽更有同行中道別

武陵東去是瀟湘

東劉石池

白純詩集

卷二

十八

白純詩集

卷二

十九

一別漢江五載餘滿湘鴻鴈武昌魚南來北去三千里
不帶渠陽一字書

盆梅歌東馮五峰

客邸看花似流雲久住花落亦傷神偶然開時客欲去
名花那惜離別人昔我初來渠陽道邊城蕭蕭花事少
芙蓉江上墜秋波梅花亭前空蔓草却聞楊家九十翁
園林數行列芳叢有客貪賞拔其樹至今愁怨滿東風
我與此翁頗相識去年曾經照顏色絕口不言心所愛
恐以閒情失舊德故人臘月長沙來小盆紅梅已盡開
邀我月明同一醉銀燭金尊立徘徊座間聊述楊家事

白純詩集

卷二

二十

主人誤解其中意本是平生慷慨交詰朝將花早見遺
今年春冰懸城岡萬樹瓊珠開明妝對此朱顏偏灼爍
猶覺餘香繞我旁期待花盡即轉送僮僕苦嫌花盆重
移置竊山紅藥欄清興還作羅浮夢忽忽歲暮不得歸
又驚梅蕊吐芳菲稚兒旋里生徒散好友山頭來亦稀
終日閉門如僧舍惟伴冰魂銷長夜試問主人何時閒
踏雪共飲梅花下

元宵歸鶴山歌已卯稿

刺史堂中夜醉歸千門火樹揚光輝肩輿一過人爭開
獨見空山燈影微隻身徙倚山窓下北風蕭蕭吹我衣

却憶腹稿疑恍惚醜暗索是耶非去年舍弟寄我書

愛我詩文等珠璣請少擱筆惜才思閒坐不任心自違

夢想青山幾千里滿園桃李空芳菲何時重觴太白酒

幽居且下江都帷當前刺史衡鑒密惜此殘卷充蠹飢

時搗有詩文數十卷不得就訂相廢銅譙四更方畢草凍毫一折不可揮山下

猶聞金鼓聲山上惟有雪霏霏古來清寒非人境傍梅

讀易知者希宋程子山先生語靖有傍梅讀易亭

鶴山栽花口號

花苗春翠嫩如嬰况復移根別處生舊土且隨新土合

與人同有故園情

白純詩集

卷二

二十

深崖宜露殿宜風雪在崖西日在東但得陰陽相濟美
百花都放此山中

東皇一夜到江濱綠葉紅英色未勻等得百花齊結實

不須更問種花人

元宵前三日喜得伯翹書

前春酌酒上長安馬首青山不忍看老向邊陲裁野史

新傳宮殿備儒官魚書地僻經年阻鴈陣天遙送晚寒

聞道金門能獻頌何時攜手五雲端伯翹考得成安宮教習

原把總連獲三虎歌有序

原君名一彩性直而氣烈遇事不避艱險必期有

成乾隆五年攻白水峒通通水猛嘗負傷殺賊獲
所劫橫嶺巡司印時大將張經畧以下俱賞給銀
牌洎論功多推讓於本營副將姜以贖罪而原尤
自率樸魯不為調持至今淹滯外委亦可慨也靖
虎患日熾衆皆股慄原獨奉委出獵一日三虎並
殪官民稱快獻虎之日多蒙賞譽白菴自鶴山見
之至夜造門以賀乃出向所給銀牌若干於是既
歎其勇又感其遇故為之作歌云

三月花發渠陽城滿街人擁金鼓聲皮冠芒鞋若雲集
長鈞短劍當日明肩舉三虎黃斑文材官嗚嗚來山村

白菴詩集

卷二

二五

借問何人姓者原騎馬直上將軍門將軍開門傳令入
笑插金花紅錦幡隨後山虞并捕卒各賞青錢給肥豚
出賜先道鐵錢驄士女觀者騰如紅轉過都閫刺史宅
賞齋俱與將軍同兩年虎噬人無數朝朝野哭聞岐路
去年踰城食二馬城兵黃昏不敢顧材官奉命西出關
誓不殺虎身不還割牲飲血百神禱攘臂懸崖千仞攀
遙見五虎駢出沒持鎗呼人搥窠窟老虎中傷走且號
羣向草菅疾奔突材官放火燒長峽三虎一時同被獵
其一長子大如牛割腹猶見人爪甲二子五尺長如猞
舌如刀鋸牙如鋒山中百萬生靈促長成母乃肉食空

只此立斃三虎命須臾已救萬人功古稱十子制兩虎
抗壯那與君爭雄却憶近日城綏變槃瓠殺八劫印掾
經畧都督列行營材官股穿苗竹箭帶箭飛斬猞人頭
手抱官印軍中見即今青燈光閃閃還照銀牌十數面
請纓不數終軍賞下車空作馮婦羨原君且懸射虎弧
邊城終須烈丈夫

花女墓歌有序

乾隆己卯二月與州人士為詩會出東門一里讌
集於梓潼宮一名桂香閣道旁遠見一小碑有花
女二字弗覺也歸憶前一夕夢有老人吟詩云環

白菴詩集

卷二

二五

玉寄幽宮山花滿路紅飄零二百載誰識在江東
若隱合其事嗣後詩會屢遷他處及五月復集於
此遂與同人并老僧披榛棘導至墓所其碑半為
土掩僅見萬門花女四字又命小僧鋤土以手摸
之乃睹其全為萬門花女允淑之墓旁刻雲南某
縣人係明萬歷間靖州儒學所立因考秩官志明
教諭中有萬邦樂者係雲南人殆即其人歟但花
女疑即教諭之女不知何以碑稱萬門而不稱萬
氏或為姬妾似又不得以夫加允淑二字之謚事
起夢幻蹟則存真乃書拾遺以質刺史刺史採其

詩且將以附壘墓焉自古幽芳湮沒荒蔓者曷可
勝道哉爰為作歌以廣其意

梓潼宮下花女墓林花飛落滿谿路殘碑剝刻塵土封
蔓草茫茫誰知處我來初階不闌意恍惚昨夜夢中事
夢中老人自吟詩環玉飄零堪流涕五月重經及墓庭
摩苔撥土觀且記旁注明季舊儒官中有萬門允淑字
雲南去此萬餘里秩官所載母乃是飛山訛傳楊令公
銅鑼浪說宜娘子眼前真偽人不知我將幽情述刺史
憶昔幼充外家傅春昏窓外鬼哭訴來朝作文弔湖濱
荒塚水面銷煙霧黃梅客死鮑叅軍近時土人平其墳

白菴詩集

卷二

二十五

舍弟適之告邑宰始建坊表揚清芬事出辛酉黃梅楊公文士只好
矜華飾詎有精忱通鬼神可憐寒毡閨閣裏同是天涯
行路人花開花謝春復秋花女歲歲渠江頭子規啼盡
枝上血為爾還增故鄉愁人生天南與地北生不相逢
苑相識安得元珠照幽明對茲花女心惻惻

已卯季夏將歸自鶴山是日呂介亭從京都以

粵西縣丞用路過渠陽即作口號為別

北去南來一萬里新官舊客半年中已過梁苑逢兄弟
時廿二廿四俱在大梁書院更到渠陽省老翁符剖桂林象郡日帆歸暮
浦鶴樓風倉皇斥語各分手春燕秋鴻那得同

洪江

洪江乍泊問歸舟近指松雲雨乍收日暮涼風吹客袂
五溪烟水是新秋

湖中自嘆

幾度揚帆過洞庭秋風鬢髮已星星西湖楊柳東湖竹
對我年年不改青

登冷飯州廟

波面起樓臺西湖萬里來秋風楊柳渡落日洞庭開窓
色空三楚鐘聲下九垓孤帆感留滯臨眺一徘徊

與姪兆鼎武昌客舍

白菴詩集

卷二

二十五

三年未見汝送我下江城信宿家人別飄搖旅夢驚新
婚尚未定故宇日將傾惆悵離巢鳥曉曉向遠鳴
頻年懶懶學今喜却能詩年少無荒業愁多乍解願友
梅先子樹先元植梅園中喜吟咏其下因自號友梅子芳草謝家池奔走昌黎老
攜游或有時

過舊館

碧蓮湖畔是誰家故館重經日影斜借問主人何處去
秋風猶發舊時花

黃州訪胡大牧亭不遇

晴川分袂十經秋銅柱金門萬里遊今日歸來林下問

菊花空自落黃州

登雲峒荒涼有感因遣劉執圭開除山上路澗

五尺兩旁疏水溝令不崩潰為記 庚辰稿

三十年前神仙宅烟雲寂滅游人迹辛亥之歲持長鐮

武陵峒口始開闢蚪蚪滿架瑩滿囊荆竹為欄石為屏

千峯萬壑列翠屏春花秋月照瑶席空中晨聽鳳鳴簫

座上宵吹龍吟笛置紫山頂天平頭兀坐箬窠苔印蹠

提筆高觀文畫來抒懷狂笑詩頻劇神娃采藥青林岡

見青神賦王子捫蘿黑石脊嶺土人名為黑騰季母尊酒玉蘭攜

玉蘭婢名婦母馬夫人念山中讀書清苦時造齋酒餼 中郎鑪煮松花食胡麻麟脯琅玕

白苑詩集

卷二

二十六

香火素冰桃碧藕色朝霧瀟湘烟雨圖夕陽蓬島瓊瑤
飾冥探元妙五千言醉掃薛濤十二幅一卧幽巖雲幾
重獨歸暮澗雪三尺本隨野鶴共逍遙自擬天仙被降
謫豈料萍踪涉世途翻牽惹帶充塵客大官電鑿日邊
呼諸宰星馳夜半檄情然下山不得還將去出門竟何
遶海氣獄靈盪心宵車塵帆影搖精魄逢人只道眼光
青回首那知鬢髮白滯乳陰濃蝙蝠驕荔藤涼淨羣牛
息蝸涎蝶粉鬼神疑虎嘯猿啼天地逼着履間行困泥
塗攝衣偶過礙榛棘牧兒樵婦且逡巡惡木驚湍更偏
側舍弟齋房畫已陳近時基址草仍塞 弟伯勉幼作山房制
圖全開青園基址俱

味今年書帛滯江東三月鶯花留現北 是年數乘遊歷
以先望書未赴 燕集

芳園歌遠梁徘徊故路淚霑臆茅慘澹費經營開徑

荒蕪差整飭磽确磨若砥平蒙龍修剔如弦直兩涯

瀉水誰能傾九仞為山漸可陟鳥道今堪駟馬驅蠶業

終藉五丁力從教雲路接階梯聊引山妻親指擘即此

介然得並由後之來者視吾則

首夏偕諸兄弟紫竹宮燕集仍分闕字為輪飲

之會

春尊惜已空入夏轉寂寞同人集竹林懽言繼交酢炎

日覆重陰迴風生幽薄側足履青苔持筴捲塵籜淨石

白苑詩集

卷二

二十七

列几筵深巷隱簾箔綠影浮杯濃虛涼歸袖博蕙草襲
餘芬插華新映灼洗巾懸枝檻解衣忘束縛園蔬聊自
摘井漂亦可酌輪流各隱射次第相糾索念我行路人
安得長叩壑顧瞻林中鳥朝夕共棲托

駢集行

歐隼短黑稱鐵翅搏擊百鳥同刀利有時巧轉亂流黃

百鳥聞之却驚避我有半畝竹林清朝朝暮暮相雜鳴

竹鷄杜鵑山鸚鵡畫眉反舌黃鶯聲朝如旅客呼羣去

暮如鄰人歸共語嘈嘈枕邊常不休寂寂數日竟何所

乃知雙隼巢梧桐大葉高枝凌天風雌者伏卵雄者叫

使我林鳥杳然空喚兒上樹相追邏驅走傾巢卵盡破
冲爆連發響雲霄雄雌徘徊不敢過是夜卧聽起披衣
一鳥潛報羣鳥歸好似周宣集鴻鴈又若姬公驅虎犀
時哉山梁君莫遠梧桐生竹實肥鳳凰千仞仰德輝飛
而下之百鳥隨鳴鵲之族爾何為

七姪兆觀送我車埠途中作

昔遊古復州攜子臨江渡秋風從此來春風從此去分
手二十載奔馳各異路文字少有成不復長相聚家居
幸數月出門即回顧子猶抱清懷送我遵故步晚涼動
芳襟翩翩吟佳句席地坐青苔銜杯蔭綠樹童稚喜追

白純詩集 卷二 二

隨勸酬申孺慕王君空登樓金陵王典嘗釀酒 蕪子感舊賦
蕪子者亦在車埠昔與姪 渡河往復每為吟餞河干 旅館夜何長孤燈驚早寤雞鳴理
行裝曙光消宿霧停舟復飲酒解纜尚獨駐人生須努
力安得同朝暮

江漢書院呈院長胡大牧亭

春華易為紅秋月易為白氣候殊不齊遭逢安可測昔
游江漢庭復臨晴川陌塞棠采其芳徜徉心所識會言
觀之子清波照顏色蕭散同衷情詞章守先則蕩舟時
一來去住忘形迹青雲高在天素馬悲鳴側彼此不得
意西風起殘荻深中舊孝廉單車獨挽轡一聲開鴻濛

九霄驚霹靂仰首天衢橫坐嘆泥塗隔夫人攜諸穉竹
輿趣相適我急渡漢臯緘書空脈脈舍弟困公車京華
聯羽翼十月典衣裘清霜共寢食我涉南湖南君羈燕
臺北索離萬餘里夢魂俱杳默飄搖遺我札開視淚霑
臆貧病尚交加况我久幽仄猶勸役科名吾道終不厄
當君奮臂時風雲生感激藻鑿收奇英修明耀史冊此
中闕文運寧為一身責奉 命已南還仍存太史職高
天鳳凰儀絕塵騏驥德伏櫪待牧芻借枝聊棲息去年
寓齊安寒菊動遙憶銀漢泛張騫赤壁空蕪賦今我自
尊湖堂階幸可即廣庭陳大義微言解幽惑五月江風

白純詩集 卷二 三

薰羣籟生嘉植虛明啟四牕吹揚通八極俛視發長嘆
曷為傷抑塞

院西荒草既除登亭子喜而有作

苑村浸廢蕪草木成林莽有客登亭臺主人共嚮往呼
童急剪除或僕勤修攘小墀修平舒蘇杖轉豁曠時來
生晚風日暝恣幽賞對此景光清劃然心目爽斯文爭
蔓延俗士矜標榜安得破天荒更滋時雨長同行獲我
師歸以命吾黨

院西新月將墜與牧亭對飲有作

織月懸新曲香醪續舊歡炎氛隨日下清影繫林端移

座還相戀銜杯覺未闌十年今夕會即此別離難

賦得鮫人潛織

未見鮫人出深於織女潛冰銷光滌滌玉指影織織月
牖涵青浦風梭度素縑捲雲天錦爛帶兩浪花添曉映
千江麗晴銷六月交經綸含未了工苦倍相兼海國文
章在

龍庭寶氣占莫教珠淚落清坐水晶簾

西苑納涼客言桃花魚甚異而李二蓼灘又稱
唇樓海日鯤魚之奇併作長歌仍呈蓼灘並
院長牧亭

有客來東湖為言桃花魚桃花原非魚蜀江三月桃花

白純詩集

卷二

三十

水瀉入巽陵千百里灑落迴瀾生容與飄飄水面若錢
楮與水一色浮清渠隨波跳躍無所拘以手握之仍空
虛過時易地全不有莫非浣花溪上之流餘是時涼風
遶庭除滿座聽者咸驚吁蓼灘解衣正磅礴高談自昔
東海居令叔將軍鎮海唾手挽長弩射鯨鯢春夏晨颺
海氣黑天吳馬銜紛陸離城卒飛報登樓起神斤鬼斧
安可為初見一方若屏幃或三或五各分向轉眼天地
非人間隨風變作千萬狀上有城市隱崇臺瑤宮貝闕
青玲瓏玉女冠帽參差見羣仙游戲空中巖然青天
吐紅日天空海濶杳無踪將軍携上蓬萊閣若木雞鳴

銅鉦作夜半日出天欲光五色詭疑瞻錯愕海如碧玉

霞如金鴻鑪造化相煎鑠身抱欄干立不住霞光照人
皆顛撲六鰲背搖三山傾萬怪吸納羣陰薄日輪浮沉
飛沫濃洪濤三升如三落須臾颺風吹岸失長鯤旱死
不得歸海門骨同巴蛇成叩陵髻甲森森若雲屯土人
剗肉游其腹仰視穹窿日月昏我笑此魚奚不化為龍
霖雨天下稱大功又問何不化為桃花魚泛泛中流任
所如人生欲作方壺瀛洲客小儒見者空拘墟

寄粘鶴山堂壁九絕

有選四

庚辰夏六月遠渠陽曹生瑜來鄂城會於黃鶴樓

白純詩集

卷二

三十一

下忻感進臻自丙子春應刺史呂公召輯州乘戌
已兩載復充鶴山院長之役朝夕弗倦種竹栽花
脩治垣壁多所培護其後倡為詩會聲滿林谷去
年閏六月將歸蒲邑夜別渠江相與臨流設餞醉
月誦詩而都閩曹公亦鳴驂送我握手惓惓至今
不忘本圖再晤以續舊歡奈身為繫匏泛若飄萍
今曹生從都閩至稱呂公解組志未開雕五峯新
掌教鶴山而詩會暨同學諸子猶念我不置炎夏
江干倍述銘心之語羈人中路聊作感舊之吟共
得九絕迫不及分寫因總書一紙另為折法寄粘

堂側并遥鑒馬

刺史驚傳返故林書成未刻轉浮沉殘碑姓字幽閨夢
猶繫天涯一寸心寄馮五峯及志館諸友

一曲飛山萬壑鳴別離邊月斷腸聲如今都解陽春調
寄與南風到鄂城寄詩會諸友

渠江夜別猶朝望曹子來時感去踪聞道門墻還似舊
桃花開後有芙蓉寄學中諸子

昔年瞻拜魏公祠千載斯文信在茲剩得殘燈光未盡
空山夜雨讀書時寄學中諸子

白堯詩集

卷二

三十三

夏十二聲初以深農夫子服闋將之京補官過

江漢晤院長太史胡大牧亭而余適寓此憶

別者二十年矣皆同學好友座間為之感賦

郎官禪服望龍鱗太史登壇拂塵塵新碣共傷無一字
先是深農師遺命勿作行述而牧亭方入詞垣余又遠游不聞訃墓誌銘表俱無 舊堂相對有三人春華

秋實期他日師堂聯有春華秋實參天之句 白水青山負此身子家山二十

年來尊酒會不堪送別暮江濱
與東湖胡勤緒懷蜀中之勝

絳雪堂邊爾雅臺襄陵城下錦江迴桃花魚水春三月
欲泛萼湖一棹來
蜀傳望帝楚襄王巫峽荆門萬里長十二峯連十二碣

不知何處夢高唐

過清淨菴一帶花村

絲花朝忽暮老僧春復秋摘出佛子手知上誰人頭
竹籃賣花兒銅絲穿花女朝從花間來暮向花間去

花蕊今夜摘花童明早催可憐千萬朵不向樹中開
風來花有香月出花有影除却影共香清淨當自領

秋發武昌之沔口號
水上游雲幻作山隨風吹去復吹還只須跨鶴凌空住

一笑人間何處攀
秋日雨中白菱湖見荷花

白堯詩集

卷二

三十三

野浦秋風裏荷花渌水隈我來偶一見舟去轉徘徊烟

雨無人識蕭涼空自開客心搖落處憐汝復登臺
湖中苦雨謠

釣魚灘水潺潺斜風細雨蓼花灣溪魚不上釣漁翁空
自閒不如歸去江上路關門煙鎖綠楊樹

莖葉蒙莖花稀苦雨使我莖不肥莖莖鮮我熟紅莖充
我饑摘來烹之薪又濕莖青轉向釜中泣

稻花香稻子黃黃時雨漬生青秧郎欲刈沉郎足妾欲
刈濡我裳不如同歸守空屋飽在眼中飢在腹

復還武昌

鶴樓晚霽出沙陽龍口嘉魚江口名晨風到武昌十日周迴七
百里江城一望似還鄉

見書院芙蓉有感

舊院風清去復來泮池秋月自徘徊芙蓉不解人憔悴
猶似當年滿樹開

清淨菴答杜虹山光德

新詩贈我出花間君住構山自竹山杜本竹山人後遷安陸郡為問當
年稱大杜秋風今在玉門關令兄方伯嘗同學江漢時而在既平委清軍餉

庚辰關中紀

聖壽恩波渥天高院日融幔紗圓印月香篆曲隨風不

白燕詩集

卷二

三十四

惜飄零後還分雨露中鳳凰詩正好秋色在梧桐楊題

梧桐

共喜中丞在德音和且平百官勤所執萬眾寂無聲次

日傳加飯清晨有和羹鹿鳴歌野食何以荅吹笙是科

十三十六三日皆加肉飯一

萬舍方沉寂千燈瑞色重高樓微見幟內院似鳴鐘不

寐聞仙樂瑞居被月容未須感遲暮猶幸及躬逢

萬壽燈歌十五章選四

王母羣仙捧玉容千年羽鶴萬年松蛟龍不敢行雲雨

夜夜銜珠照

九重

萬綠千紅織錦城龍吟鳳吹疊歌聲但聽父老傳三祝
莫問元戎報五更

黃鶴樓頭秋月輝空檣燈火隔紗圍瑤臺金闕人間見
環照當中是紫微

士女分途里巷安千門秉燭萬人歡中軍不用傳呼令
並馬閒行帶笑看

過城西

還見當年太白樓金泉碧水抱城流夕陽松竹明沙岸
何處逢人不是秋

白燕詩集

卷二

三十五

晚霽

桃花名岩煙雨翠如藍晚霽斜揚一葉帆吟得青蓮詩百
首東風吹上釣魚潭

雲杜

雲杜平疇多稻梁參差竹木見村莊老人繫犢眠煙樹
稚子穿魚坐石梁藍葉秋陰深似黛薔花朝露皎如霜

舟行莫厭灘頭淺酒店風吹兩岸香

九月初五出隨北門馬上回顧何孟升

諸生曾送北門城何子猶扶馬上行自過十年人未改
西風回首不勝情

官亭題壁

單車一僕十年身洛水湘山萬里春今日漢水楊柳樹
秋風猶送舊時人

柳林見桃花盛放

風和日暖柳林頭九月桃開滿樹稠馬首自隨蜂蝶去
行人不信是清秋

陸行早發

驚濤乍別轉風塵一宿荒村天又晨纔聽雞聲連野屋
已隨鴈影度河濱露花曉帶將殘月霜葉初如半醉人
聞道神農生此地巖樓尚有古先民

白苑詩集

卷二

三六

九月初七過古唐城懷舊

北征曾過洛陽西歸渡南湖到五溪九月重來山頂望
穆陵關上鴈初啼

九日荅唐城諸友

重陽常作他鄉客數過還知此地真覽景關河悲獨遠
論文難黍喜相親孤山黃葉天低樹澗水白沙月照人
良會不辭終日醉浮名又過一時新是日開榜發

月夜厲山望姜海南歸唐城

驢驢橋上送行杯鴻鴈沙頭傍馬來五十里村人盡宿
獨憐孤影月中回

與戴伯明宿周生書舍

花溪草閣滿牕書晚日連山到舊居半醉論文人靜後
一輪霜月滿庭除

車中東寄李二立夫元杏

白兆東來木葉飛雲中一過舊人稀停車城北聊相問
君自江南何日歸

病目漢口東書院胡牧亭李蓼灘

江夏淹留共夕晨漢東別去隔音塵未云文字難知已
偏覺盤餐累故人安定應歸深院月謫仙好踏上林春
近來潦倒成盲左過眼浮雲看未真

白苑詩集

卷二

三七

生辰舟中病目命輅兒脫稿

流光思往日重度此江濱自信年為客空留月照人煙
波愁漸老弟姪遠來親更有痴兒侍團圍共夕晨
不知冬日出遲睡隱隱曠病日違朝酒看江怯晚風孤
舟憑去住別渚問西東聞說六溪近故園有菊叢

白菴詩集卷三

蒲圻張開東賓陽氏著

男兆騫編校

夏日遊徐氏林園十首有序選五

田頭徐氏山水庭除幽潔可愛主人啟龐魚雅與
吾族為朱陳之好心跡倍親而從兄印侯暨族子
祥男又居相接也疇昔自家蘭泉莊來流連日又
今忽忽十年矣炎夏茂林率多往復彙成十律呈

鳳安鼎存諸丈兼留別

洪下洪在崇
嶺之交水淙淙山光夾岸濃雲纏黃葛寺雨洗石櫺

峰繡幙鈎新月芳屏畫古松偶來煩暑滌浙瀝五更鐘

白菴詩集

卷三

一

峻閣臨丹嶂幽房隱碧梁桃笙披午倦竹枕納涼虛漫

洒洒河淚謂八節
九節休陳北闕書羲皇高卧穩天地一蘧廬

世俗交情薄吾儕道味恬新齋懸木鐸古籍擁牙籤月

靜常移榻雲飛不礙簾良宵期作賦鎮南新居六英書
屋有沈月樓因置

酒素何以答青繚

拂扇喬松下風吹嬾不勝踈籬穿徑竹古樹渡溪藤素

蝶陰常集青魚夜欲騰奚童爭宴客乘月弄池罾

落照澹澄波幽風發浩歌掃塵人影靜濯月竹香多杯

露紅蕖茵衣雲翠女蘿吾生渾醉夢愛此復蹉跎

題十弟秋實開桐茅齋

盛夏山氣暄石潭轉幽仄日夕生清風古松聊憇息行

行度野梁四山忽如塞中有讀書聲茅齋近始識冷泠

碧泉流芊芊元崖側飛翠落檐苔游鱗吸硯墨溪涼遠

泛青雲陰虛含白惠連此栖遲天地藏几席吾家多林

麓宮觀耀阡陌與妙不可窮奇賞即咫尺官然月出光

與子坐磐石

過烈婦周氏墓坊坊在鴨兒湖口山下

小沙洲上多啼鳥鴨兒湖口日欲晡浩浩秋水滿平蕪

屹屹石坊橫衝衢借問題者何人乎烈婦周氏閨中模

當時青春二十餘自謂偕老長懽娛豈料奸人逞私圖

白菴詩集

卷三

二

給夫觀劇夜醉連隻身匿影驚門樞暗室燈滅語糝糊

烈婦心知非其夫兩手拒門得潛驅敢再侵犯從墻踰

誓將弱質填溝渠新淦王公蒞我蒲鋤惡旌善天下無

市人一呼千人趨齊禡奸魄遂伏辜烈婦屍浮色如朱

淄泥不染波不濡聯鐵密縷結羅襦以茲全保冰雪軀

見者掩泣聞者吁王公作誅大義敷進士黃君垣名出京

都綵鷓金龍耀林陬抗聲朗誦羣聽孚衣冠羅拜陳生

芻公舉事實列朝疏

天子詔下荒山隅立石表墓禁樵蕪萬古綱常一女扶

我來對此幾踟躕酌酒三杯羞當壚水涸石爛草木枯

烈婦之節安可渝

舟中看鸚鵡二首

賈客經淮北靈禽出隴西綠毛容易鍛紅嘴不須啼迨
遞撞關入飄零楚塞攜船艙終日夜嘆息共雞栖
跳躍不辭倦微軀好自珍容光誰似汝笑語欲同人水
涸銅池急風搖玉鎖頻江干霜露冷且去問前津

漢高縛信處

漢臣不善終漢主不如始秦人一失鹿未知向誰死楚
項既無成淮陰安足恃天意注飛龍驅將若犬豕封王
一何愚相國徒拊耳一旦受束縛英雄氣俱靡不見大

白菴詩集

卷三

三

風歌幡然思壯士

女兒港

雲夢志載伍員過沈女自溺處

伍員奇男子慷慨報父仇倉皇出楚關恐人洩所謀溪
頭浣紗女懷沙輕自投漂母一飯恩王孫千金酬如何
一鄂師瀕水空悠悠我來經古渡秋色滿林邛當時吳
未泐悲哉嗚夷浮人生德與怨誰復問東流

遠遊篇呈李二立夫

策蹇出東郭白日長太息故人一揮手悠悠安可臆立
夫雖同學心會面未識游宦歷江南我已歸楚北去年
夜光池驅車過閭側兩目病楛盲緘詩空默默及今始

一見開懷露衷悞聞我海嶽來惆恍神欲即清言出浮

埃虛襟蕩幽惑誓將挂冠去臨風生羽翼與我驂虬螭

汎覽周八極

少微臨西昊太白光何長昨夜視明月顧影心徬徨文
章俗所賤星精有奇芒仙子招我游雲中見衣裳高蹤
凌九霄遐觀藐萬方妙響發金石鸞鳳鳴鏘鏘知者絕
希少耿耿思不忘脩然去塵壒牽袂結同行青鳥報王
母赤日采扶桑三萬并六千哀樂齊倉皇所以古之人
乘雲達帝鄉安能久齷齪與世混茫茫

理絲橋

白菴詩集

卷三

四

我聞虞舜尚帝女瀉洎觀型乃農庶又聞孝子董君降
天姬理絲橋邊弄機杼人間女兒乞巧多金針繡閣爭
笑語願配富貴誰家郎到老那識機中苦

晚桂和陳三西峯

正烈

菊過重陽節桂餘晚日芬新詩纔一見昨夜正清聞碧
樹飛寒露嬌娥倚暮雲低徊良可摘庭月白紛紛

臨別有以詩質余者悵悵不得一言於舟中代

作口號記之

張子此去何時還新詩再訂城頭山蘆花秋水高吟去
一片孤帆天地間

葉家灘阻風

西風吹漢水客意獨躊躇何處沽黃酒隔溪有白魚畫沙耶作字看鴈不成書纔入荆門路相知况索居

陽春臺

朝望郢城郭暮上陽春臺陽春曲已散臺下空草萊楚山互繇渺漢水自滌洄晚日耀林麓秋色傷我懷大雅不復作象響爭繇絲豈不傾人聽古調空爾為所操欣獨得與物翻成悲天長入遠岫江清澹夕暉好風從西來飄飄吹我衣颺颺翠柏樹餘韵何希微

蘭臺

白菴詩集

卷三

五

名公游卷阿宋玉登蘭臺臨風一詠咏婉妙何多才秋色從天下羣籟生悲哀城郭今如昔楚王安在哉披襟獨惆悵悠悠千里來

橘山迤東南漢水經西北楚野雲泚泚高天望無極美人隔秋波采蘭盪桂楫惜茲時不遇含愁淚霑臆佇立一流盼愴然念故國

宋玉井

愛仙不在山懷人因及境我行郡學宮中有宋玉井流風驅俗塵寒光鑑雲影芹藻媚華滋庭階生寂靜昔賢亦有言汲古得脩綆寥寥呼多士同來吸清冷

早登元佑宮三峒閣

烟柳池塘散五更蓬萊宮闕望三清海中日湧蛟龍氣天半時鳴鐘鼓聲南邨祥雲歸北斗西來碧漢遶東城洛陽曾過元元觀萬古仙風共此情

莫愁村

昔游江南路秦淮生春燕上有石頭城下有莫愁湖郢中莫愁村石城西北隅洛陽一女兒容華久凋枯芳名在人世吳楚爭相留我來心惆恍蕭然倚林邨何如鄭交甫二女得同遊解佩忽不見漢水空悠悠

謁故明顯陵六十韻

白菴詩集

卷三

六

明紀迄中微世宗初發秀還延夏祚新乃復周邦舊夙出郢城東徐趨漢渚右我我天子岡陵北有天子岡藹藹松林岫舊為松林山莊景彼顯陵遙於子純德祐風雲互杳冥山隰靖改稱純德亘連複慘澹見重闈威靈驅百獸豐碑龜首昂盤柱龍鱗走海馬怒將嘶天神雄欲關葆幢蔽狡狴鈴鐸搖鴻鷺將相並崔嵬馳騰皆跪伏匠心侈詭疑鬼斧矜雕鏤雉堞曼何長鳳池深轉透周環繞甌瓠與行通滲霽淥水澄金橋蒼苔蒙碧甃纒驚鶯飛仍觀芙蓉覆煙籠夾御河露滴承宮漏谷響若笙竽波紋旋縠縠肅征儼鬱葱窮盼徧延袤隱現亂殘紅高低列錯繡下藏魚鳥

游上薄星辰宿聊躋崇樓望誰從閱隨觀千年王氣銷
昨夜雨聲驟璀璨耀玲瓏飄零浮沫湫泉臺草森輦
道寒花簇澗澗蔓葉葳蕤園荒多橘柚野農植稻梁村媪
儘耕耨飲犢或當前牧羊隨向後收成飽數家租稅供
元佑陵畔租掌于元佑宮不計天恩深但愁地力瘦春
陰啼杜鵑落日戲猿狖令我增悽愴顧人翻純繆當時
祥所鍾建國符應授桐葉寵分封棟華悲忽衰四旬竟
早凋興王年四卒九五屬冲幼大禮議紛拏盈廷喧詛呪
張璪定一言嘉靖撤諸奏獻帝追興王蔣妃登皇后爛
然玉册陳俛爾瑤章就太廟特隆稱幽宮遂傑構鶴霞

白苑詩集

卷三

七

紀尚書尚書李時紀瑞碑有末兔彩傳鑄籀避卒禁樵
蕪分官嚴斥埃清塵表獲丹薦食升芳臭湯沐八千田
驕駟十二廐奇葩相間開重償爭先購寶器嗣君藏典
文尸祝讀匪惟彈志誠庶以答高厚漫羨五陵豪獨推
三戶茂貂璫競北來鸞輅勤南狩冠蓋盛荆衡詞翰資
輻輳朱門衛故都黃屋併華胄繹終交鳴珂聯翩兼綰
綬香車擁陌阡驄騎拂瓊瑋豈等外藩尊直傾內帑富
宸居擬聖明侯甸歌仁壽百度制衡鈞六經潤澤漱公
卿每闕遺老宿輒匪救日月鑑空懸乾坤衷在宥遷移
幾百齡莫饗無餘豆鉄鉞摧頑童雷霆勦巨寇昔遊者于陵上

偶作樓語忽見神將持錢來刺明季雖淹榛棘業永藉
熊羆守歷數古今來誰為功德懋楚平莫善終秦政安
知究欽維洪武謨敢謂中興陋憑吊此山河曠觀茲宇
宙蕭條愁漢原寂寞悼文園櫟社朝濟濃蘭臺暮靄逗
嶺暉漸宵沉柯賴疾呼吼躑躅且迷離低徊良反復貞
珉恒不磨回首光如畫

郢中寄寧夏司馬杜霍麓官德。時署新設安西州事駐肅州
十月郢中客仰天臨高邛陽春歌未畢有人到蘭州蘭
州肅州相去幾千里我有故人今在此盧龍元兔夜月
寒羌笛邊笳悲風起

白苑詩集

卷三

八

朝廷開邊崑崙巔甲兵洗淨天河水寧夏司馬何壯哉
落落舊儒生十年佩盡黃金印一朝醉傾白玉杯霜花
不染鬢毛黑自古封侯皆奇才白苑浪跡半天下眼中
所過空塵埃安得勒銘燕然石作賦軒轅臺手持寶劍
心徘徊玉門鴈書何日來

荅同宗澹菴先生初居江夏冒岳姓與東前後書題者自司鐸宜都復其本姓與杜氏世為文章姻好俱自竹山遷郢中座間叙始了然
江夏聞翁還異姓漢東記我舊題書却尋杜甫兼通譜
為愛花溪亦共居晚火旋魚千歲鹿時為鹿寒波新跳一

雙魚歸來陶令常呼客盡日何緣醉草廬

杜三鶴南初舉子太占未半歲神骨異人喜而

作歌 鶴南即紅山

太占生來方五月神采飛揚摩天闕元虎夜夢當庭闌

此夢兆 詰朝一嘯清風發方面隆準目瞳瞳虎頭燕頤

神駿骨令我一見驚絕倒光芒射人森毛髮令翁昔稱

支公馬手挽強弓雙鵬下翩然作賦凌雲霄萬斛珠璣

空中灑即今弱冠出人頭對此應遜後來者吁嗟乎杜

氏都督以下七世皆同居飢共饘粥寒共初一人朝官

分鼎食百口懽騰氣充廬太和上蒸星斗聚武庫甲兵

白純詩集

卷三

九

文昌書偉哉英物宏先烈名位豈肯同區區

楊恕堂有斷絃之慘蕪值遠別詩以慰之

何處鼓盆江上聞幾人豪曠得如君即今仗劍凌風去

一笑紅塵是白雲

呈杜敬菴理前輩

西征人萬里時霍亂南極望三台文字山中老

詔封天上來漢江浮桂棹秋月到蘭臺更有鳴陰和鶴南

賦詩 清聽十日回

杜敬菴前輩喜余詩贈以青緞帶黃楊帚柄端

硯千層貢白紙太白芽茶湖筆數種口占賦

謝

束衣長繞青虹氣持柄輕麾白塵豪一匣泓生銀海凍

千層練捲玉山高龍團落水傾鴻漸兔穎飛霜走薛濤

敢以巴人邀盛賦我將攜此返林皋

立冬前一日留別鶴南之荊州

平原十日此淹留臨別空餘一夜秋我讀君詩似明月

漢江相望到荊州

杜敬菴前輩私典衣餽臨行以虹山告我始

覺已無及矣乃於船頭記之

孤舫行將別兼金受未安但令遊子醉不念主人寒

白純詩集

卷三

十

紅山兄弟劉丹峯送西門橋上竝立口占遥答

天寒雲暗石城邊送別橋頭各黯然共倚西風愁不定

蘆花如雪滿前川

初抵荊州雪

安陸薄寒初作霰長湖嚴凍已成冰雪鋪草市連沙市

風送江陵下武陵野樹瓊花飛片片浮圖玉笋影層層

仲宣自欲依劉表賦就高樓客未登

荊州懷古十二首

郊郭

郊郭蒼茫問故宮金城粉堞氣如虹蜀江波浪垂天險

秦塞風煙匝地雄萬馬逡巡三海北城西北有三海昔人猶水以拒敵
孤臣涕泪兩門東離騷執而東門之可蘇古今王霸爭攻守讀罷
離騷恨未終

章華臺

十里沙堤逐馬來章華猶指楚靈臺寺餘雙柳沉香井臺遺址今為章華寺寺東北有沉香井池泛千蓮濯露杯相傳池陂種五蓮花開多宴費於寶劍瑶琴春餞別朱簾畫舫暮雲迴可憐搔首鶯花地清切寒鐘到草萊

襄王墓

太暉山下楚王墳高觀鳴鐘寂不聞山在西門之北五里今為太暉觀墓

白苑詩集

卷三

十一

在觀西旁浙瀝疎林悲暮雨空濛野浦望朝雲松楸日射麒麟影霄漢風飄鸞鶴羣誰似九疑南狩後蕭蕭斑竹淚湘君

孫叔敖墓

叔敖荒塚望依遠親見新碑傍釣磯寂寞千年傳楚相由來一薦重樊妃西陵翠柏栖春鳥東郭白楊下落暉聞道劉昆祠畔近野人同祀奠芳菲與劉同祠

龍山

龍山西出郡城隈尚有恭軍落帽臺十月臨風還獨望千秋過客亦多才荆門樹色雲煙合巫峽江聲天地開

楓葉菊花相對晚青峯白水却歸來

庾羅諸賢遺跡

甲第文昌見蔚藍唐段文昌醉過一大第曰我他日為亦廢為湯尋庾信與羅含承天龍象黃金塑掩地精華
碧玉函南郡歌聲虛夜月馬融絳帳臺在城東西山爽氣隱朝嵐王子猷嘆朝來爽氣處滄桑愁對漁翁老日暮垂竿白小潭潭出白小魚故名

高井

高井荒涼不可尋朱欄碧甃想沉沉月光自照明珠佩雲影空寒碎玉簪高王兵至給宮人鑿與井上鳳沼花

白苑詩集

卷三

十二

陰春盡散龍門柳色雨猶深離騷望龍門鶯啼燕語年年度泉下分明怨不禁

南城

南城舊倚仲宣樓襟帶城濠繞碧流黯黯芙蓉沙市月蒼蒼蘆荻渚宮秋將軍威定三分鼎詞客名輕萬戶侯鳳逸龍蟠千氣象青蓮何處識荊州

關廟

漢借荊州勢漸張關侯秉性自忠良氣吞魏國兼吳國魂斷當陽與洛陽離亂君臣同一德倉皇戎馬定三綱興朝封祀隆天帝赫赫聲靈在故疆

曲江櫻

九齡遠謫此郊墟
李漢猶然問得如
宦蹟幾人傳去後
櫻名異代見當初
川原夢想流風在
城閣登臨暮靄餘
自恨兩公俱杳沒
路旁指點徒歎歎

息壤

荆南禹甸幾千載
息壤相傳頗不經
豈有蛟龍藏石積
偶驚畚鍤走雲霓
今年靈雨三時暗
冬日浮天萬里青
却怪城頭埋未盡
瘞在南門外
我將投此歸滄溟

張太岳

太岳經筵總太師
汪陵心迹有誰知
往來官府招尤地

白苑詩集

卷三

十三

成敗伊周濟難時
一代元勳明主惑
百年清論史官遺
予房子韶皆名相
獨有先生身後悲

章臺折柳行

公子驅馬章華臺
美人手捧黃金杯
挽轡馬下淚盈腮
欲飲不飲心遲徊
且折楊柳君莫哀
春風去還復來白
馬去幾時回
年年折盡章臺柳
千枝萬枝君莫數
長亭短亭車馬喧
東吳西秦紛回首
大風一起沙塵昏
寂寞閨中閉戶牖
黯黯行人到何方
青青柳枝還在手
不傷折伐多但愁
離別久何日早歸來
共飲章華酒

荊州雜詠十首選四

沿溪青葦綠楊多
一水東南到便河
盡日乘舟遊冶子
恨無人唱采蓮歌

蜀嶺參天萬木蒼
商人結筏下瞿塘
自經夔府千重險
安坐荆江一帶長

城南城北塚纍纍
中有王陵沒字碑
萬古千秋無限恨
蕭蕭翠柏晚風吹

虎渡秋高鷹欲飛
龍山草長兔兒肥
荆城一片西關月
常照將軍醉打圍

石首晤廣文周展野

白苑詩集

卷三

十四

夜出劉郎浦朝登周子堂
高材猶苜蓿雞羽盡鸞皇
薄游風塵老荒城
俎豆光繡林
山尊酒會憶別在江黃

苦水謠

水滔滔水滔滔地不厚
天不高正月霖雨連
六月四月瀆我麥五月飄
我苗七月焦八月潮隄防
決奔洪濤十冬月水不消
民曰我居無室廬衆口嗷
嗷我生將何聊上官左右
曰國有慶典不可告以凶
汝且從容有司曰吾下以
庇民而上奉公上則怒下
則訟我其何從天子詔曰
國有慶民有殃二者并無
所妨予觀南方其水湯湯
嗟爾大小臣工其發予倉
帑救此窮氓乃以成

國家之慶大吏來羣吏從旗如雲船如龍嗟有司跪泥
中迎者復在郊送者未出宮大吏來羣吏從旗如雲船
如龍嗟有司跪泥中大吏曰我食蔬一盤飯一筒餘無
庸有司跪曰恭惟大人辱臨下邑雨雨風風年荒歲不
肥地瘠黍不豐其敢不供大吏却曰我則無庸僕隸曰
我主其飽爾民而乃餒我理則那凡一家賑幾口每一
口分升斗負者歸飢者走官飲水吏飲酒

過監河

冬日猶停水寒波疊作山堤殘同缺齒柳老傍衰顏矮
屋人何去孤村鳥自還客行方未息世路此多艱

白純詩集

卷三

十五

聞道今年苦謀生事益疎何田堪種麥積水且無魚薪
米連朝盡市塵向晚虛
聖恩勤賑卹應已到穹廬

監利道中憶鶴南

詩囊自作畫圖間秋月扁舟冬始還江漢二千三百里
逢人却愛杜紅山紅山別號

過李大紹唐宅却寄鍾祥學署

前過鄧中杜老伯玉井蘭臺浮大白十日沉醉不得歸
詎意官墻即咫尺去路投刺望君門蒼頭茫然等行客
却笑當面失相知轉眼錯愕瞻阡陌須臾三郎氣顯昂

倉皇欲挽行人迹我自風塵弔古來聊謝數語見平青
君本成均老俊髦何年端坐廣文席大郎弱冠捷南宮
墨綬銅章治湘東二郎孝廉亦磊落風格四郎應俱同
君不見古人書田治半畝千鍾萬石安足數不羨玉粒
豐所願培植厚今君奚不歸來理故業何為鹿鹿逐升
斗意中人杯中酒人不相見杯在手醉歌草店霜月明
曉發影挂城頭柳

蓮子口泛舟至沔城

蓼花洲畔晚風清蓮子堤邊落葉聲愛泛輕舟十五里
斜陽疎柳度漁城

白純詩集

卷三

十六

謁禹公祠

獨出東門日已西憑欄落葉滿花堤慈鴉不解人何去
揚柳池邊空自啼

十年兩度謁公祠王中丞河以入名宦事屬黃千載遺
型尚在茲一浣風塵香未了荷花夜夢月明時

新堤夜泊訪鄭別駕

郢都新別駕漢學老司農畢節程公好程諱則明萬畢
京華舍弟逢伯翹自北歸寒雲迷赤壁暮雪隱青峰相善

燭聊相訪江村夜半鐘

花朝聞兆觀姪獨行湖上有詩壬午稿

雞冠山前花欲放，鴨兒湖畔草初青。遙憐小阮多吟興，不逐春風到東亭。

暮春與石潭家人言懷并索去年遊覽諸詩草

晚日渡東州，殘春履幽谷。沿溪落野花，餘暉懸古木。恐不及門畿，匍匐轉促疾。行拂汗液炊，煙見林屋親。我輩季偕愛，我老諸叔童。僕聞我至，惟跳出秉燭宿。釀注杯紅嫩，筍摘盤綠笑。問來何遲旋，悲去已速去。去年歷春夏，茲堂時往復。骨肉偶參商，憂煎中熨獨。獨吟不成聲，何以當歌哭。曠遊涉郢都，陳跡搜書麓。秋風楚王臺，堅冰漢水曲。一別數千里，飄飄安可續。隻身窮冬歸故園。

白純詩集

卷三

十七

尚羈束所得詩百篇，聊抒愁萬斛。即今一回首，遙憶恍在目。沉醉似波瀾，濡毫信手錄。愁苦無好音，齒莽當急讀。幾日仍辭別，低徊倚松竹。

喜伯翹勤課諸弟，姪夜聞誦聲不休。次日作此示勉。

竹牖隔花枝，書聲徹夜遲。甘心飢饉日，苦夢別離時。詩禮吾家業，孝廉老國師。青園尚未葺，暫媿此奔馳。

暮雨宿熊鳳占酒舍

熊本舊家為余母族時種柳叙叙覆土乃得陪飲并感而記此

急雨逐村墟，飄風到酒廬。鳥歸庭樹亂，星出野雲疎。麥

龍催花種，匏尊醉草書。故家文物在，吾亦愛耕鋤。

過烏林磯懷古因宿潘四星時旅館見芙蓉星

文詩文諸遺稿感而流涕主人進酒再三醉

後并答

野航橫赤壁，斜日下烏林。天地風雲靜，關河草木深。故人千里夢，文字百年心。岑寂江皋夜，悲歌雜醉吟。草閣風燈暗，苔磯水幌明。天低平野色，樹遠江聲宿。酒銷塵壒香，羹和膾羹來。朝堤柳折，惜別主人情。

古桑歌為趙東僑作

麻濠溪上趙氏宅，古桑蟠屈鍾地脉。半邊摧剝半蒼榮。

白純詩集

卷三

十六

斜長丈餘圍，二尺榮如老龍。弄輕烟，剝如殘蟾抱缺月。當時開荒風雨廬，種柳盈堤桑滿陌。曲薄飢蠶啜，聲幽林華日柔指，摘青枝綠葉不自保。春陰秋霜轉蕭索，冰縮夜寒閨中身香繭。歲賣江南客，借問種樹人何去。空存孤幹倚牆碧，天子繡黻坐明堂。后妃親蚕治官掖，元黃機杼公子衣。懿筐微行游女迹，後世稚兒皆統絳。垂暮反不得衣帛，君家甲第列市廛。那有桑麻植間隙，迴廊複檻護苔茵。珍草奇葩照瑤席，此桑潦倒年復年。零落惟見老人惜，吁嗟乎老人淳樸世所無。感食梁肉被羅襦，留取故物遺孫子。會看成都八百株。

雨中同陳卧村再飲趙氏亭上

高亭暄日氣乍雨得微涼倦客初捐扇同人并舉觴窗
櫺雲鳥暗衣帶露花香不為扁舟興終朝此醉鄉

趙佃人刈麥飲其主並延席中口號

今歲麥秋生事微來朝端午醉人稀汝家幾口且分食
田主多情自不飢銀贍玉醪何處得青蒲翠艾莫相違
盤餐村市多煎味我亦醅酌未肯歸

六月初武昌始雨

四望日多雨及時到武昌簷流漂井陌溪漲下渠塘古
廟龍蛇暗高城草木蒼官司隆報賽客即得清涼

白純詩集

卷三

十九

東杜虹山為襄陽崔君索酒

去年恨不到襄陽鴨綠江頭酒正黃借問武昌何處有
請君為我索崔郎

秋闈前一月熊明府學麒將攝篆蒲圻即辦諸

生試卷及筆墨徧給寓舍愛名重士傾倒一時為作長歌紀之

熊公卓犖名家駒少年挾策揚天衢西吳孝廉東吳居
高懷爽槩熟可如何緣橄催臨我蒲蒲邑諸生集江隅
武昌相逢初上車是時江月清蟾涼風棘苑飄素裾
公賜貢卷三百餘筆排千鋒斗牛壺墨浮五色鳳鸞書

諸生拜受珍珠璣一朝頓令士氣舒大儒德量包寰區
六合萬籟同吹噓撞鐘擊鼓舞盤盂不待鳴琴塵自除
元元本本經術儲手握雲雷造化驅即看霖雨徧河渠
龍門豈得長為魚

過王司馬故署

司馬空庭去不歸烏衣門巷雨霏微舊時梁燕皆無主
江北江南各自飛

同陳西峯發蔡店至武昌

桂樹秋風別酒卮河南湖北久相思莫教漢水飛流下
纔得同舟半日時

白純詩集

卷三

二十

客舍

頻年尋客舍客舍何處有華屋人氣驕窮巷物色醜安
得清虛庭置我琴與酒昨日得幽栖蕭然見環堵上有
櫻如岑下有室如斗獨飲復長吟月出當戶牖清風時
一來披拂不用帚主人樸且真庶幾良可久豈料忽遷
移飄搖難自守倉皇辭我行旦夕挈家口欲問新主人
未知賢與否捲囊命僮僕我行亦恐後四顧天地間青
園有半畝

鄉試後再過清淨菴候杜紅山聞其令郎太占
場已策馬促歸矣

棘苑還相見花欄空自過方期陳北闕豈料去西河麟
鳳世無匹桂蘭秋倍多客堂狼藉甚吾亦涕滂沱

漢口晤曹丈納川

棘園同令子籬落見耆英正有鳴陰鶴能忘出谷鶯花
枝懸夕照木葉下秋聲欲訪鍾期宅蕭蕭漢水清

鄉試同弟伯翹從子兆觀兆院兆衡武昌即事

春日山中會秋風江上壇諸郎秀眉髮六弟苦詞翰時索
字及詩文過我分梅汁因人送藥丸劉石池以補心丸
者甚衆相將煩暑退努力共加餐餽我因分給諸姪

白純詩集

卷三

二五

極詩無奈愁多興有餘近園聞茉莉攜手一躊躇

八月已聞杜虹山有殤子之慘九月接其書謂

其大兄寧夏司馬暴卒蘭州驚惶流涕為賦

輓詩七章

昨日虹山去遙天秋水長那堪雛鳳泣并作鶴鴒傷東

野書悲切西秦路杳茫人生無定處回首淚千行

邊塞西風急飄零下漢津百年長逝日萬里未歸人弱

弟親扶襯孤兒舊別娘先以浙藩入邊其側室高堂垂

暮望去住一沾巾
長城榆柳色白日風蕭蕭成卒烽煙靜君王羽檄招遠

征懷杜預無計返班超一斤江城月難窻久寂寥

同憲二百輩慷慨獨逢時一舉驚鴻鵠重霄九羽儀漢

槎天路絕湘竹野雲悲歎息孤飛影高空望轉迷

征戰平成後功名壯歲年

聖朝將大用中道已全捐劔戟天山外碑銘瀚海邊平

生矜遠畧未得勒燕然

天官名自重方伯事空聞黯澹西湖月蕭涼北闕雲秦

姬朝奠酒宛馬夜悲羣不道關河遠同來欲弔君

地關新沙漠天垂古玉門高歌臨閣苑孤節上崑崙秦

棧三推轂楚招一返魂行間詩卷在生死不須論杜兄

白純詩集

卷三

二五

作擬古詩及樂府

東鶴亭介夫兄弟

詩寄鶴亭與介夫白萼秋盡未歸蒲漢江日夜東流水

不及郎官酒一壺

天將雪劉石池以舊袍假我時劉衣亦僅矣書

此志慨

十月逢君衣自單感君脫贈畏君寒明年花發長安去

回首春風不忍看

臘月將歸陳司馬晉齋正勳兄弟留撰兩尊人

墓誌銘

鳴琴江上發餘悲客聽淒風向晚吹仲舉不辭徐穉榻
中郎敢作太邛碑三年涕泪雙回首萬里關河一展眉
為問春郊馳馬使何時尊酒共追隨

冬杪宿胡二孝齋書樓

齊安太守吾相知扁舟赤壁清江湄往來陽邏但一過
太守別去今為誰前有松湖陳道川後有孝齋胡勉茲
道川好客名家彥玉照亭鐫雨山詩月明桂花三十樹
我來醉吟秋風吹勉茲適我青山雨邀我滿酌黃金卮
素懷芳樽共傾倒來不揖迎去不辭當犇雄文振江漢
主司高拔羣英推三舉進士俱不第淹滯十載無權宜

白菴詩集

卷三

二十三

欲覓百里花封縣願貸千金富家兒輿至都門病忽作
策蹇負還空爾為丈夫心胸飽珠玉星斗光酸海嶽安
明年春啟懸寶鑑如君才思豈終遺即今白菴老明經
僕僕猶將走京師他日貂裘換美酒我為繫馬君為炊
請看江頭楊柳色歲暮冰霜能幾時

立春日舟過大軍山

大軍翠靄逐江開山色氤氳欲放梅南望青園三百里
輕帆今日共春回

賞花吟十二首選三 癸未稿

和風吹暖滿平原客過山亭日正暄峒口天桃紅一片

行人指點是青園

麥浪青青菜蕊黃桃紅李白柳蒼蒼春山一望環如錦
醉點朱顏是海棠

山上花簾水上樓小沙春月盪輕舟宣公堤畔遊人醉
纔過垂楊古渡頭

與姪兆觀登雞冠山望雨後游雲

晚日逗殘霞餘霏散暮嶺纔凝粉堞光復照青山影過
水落空明隨風生幻景因滋夜氣清頓覺春衫冷

車埠行有序

歲在壬午余叨陪鄉貢今年擬北上入監二月過

白菴詩集

卷三

二十四

車埠訪諸戚友迴憶兒時束髮鳴騶遨遊斯土前
輩謬推文藻羣彥爭相吹噓始漸大成復希晚遇
聲猶載道文不絕吟奈遠涉天涯形同泛梗歸經
里巷跡若飄風時忽遷流人多凋謝感山陽昔年
之笛空平原十日之杯茲主金君羽侯園林繫駒
既已信宿投刺並得周旋景物增新情懷如故因
敲夙好迺奏斯篇

車埠小沙陽春水春風楊柳間桃李碧澗東遠八百家
青山西去十五里憶昔髫齡趨勝遊滿座老宿稱佳士
竹溪廣文萬先生柳堤吟詩蘓季子注目光燄高雲霄

屈指聲華孖金紫詎知弱質不早榮轉傷英姿多夙萎
載筆公卿氣獨豪銜杯海嶽歌未已扁舟匹馬偶一過
鄰翁巷女爭相視久客乍驚華髮巔故人半入黃泉裏
即嘆世事忽升沉昨得明經雜悲喜綺筵猶舉舊日樽
芳草還留昔年履金子下榻傾詞翰待我揮毫紀終始
感此信宿復延賓請為慇懃謝知己楚塞幽隱誰見招
燕臺咫尺吾將仕

牡丹花下獨酌

上巳浴蘭湯逾期延花節桃枝已謝紅李萼空隱白忽
見紫牡丹照我青園宅朝日出翠陰夕泉含香冽曩昔

白苑詩集

卷三

三五

侈邀遊故里常蕭瑟江南醉名都洛陽騁國色地隨時
並遷人與花俱別鸞鳳不成聲杜宇空啼血且盡一醉
懽忍令羣芳歎

春日接杜虹山書去臘奔兄喪至自蘭州兼述

所歷山河蒼莽萬餘里詩境為之一變

涼秋西去暮冬還聞道招魂度玉關匹馬日馳三百里
詩囊直過賀蘭山

羌笛平沙萬里程琵琶露作邊聲可憐荒塞無人處
空有西風一鴈鳴

壯遊恨不到關西愁倚青峯白日低春水漢江書一札

故人墓草已萋萋

洪山見女李氏

膝下諸兒女汝余最憐惜結悅已三年婉婉常如昔去
年汝歸寧我猶江水隔汝母念汝病撫摩連朝夕稍覺
容顏光竹輿送還宅我歸歲云暮恨汝不親炙新春復
迎汝花下手加額汝辭不得來遣僕反相逆湛湛風雨
中見汝形乍瘠鬢髮尚焦燥倉皇拂膏澤顧我亦無言
啼笑含哀赤汝婿雍王裔霜帟影獨隻焚焚連憫函門
事交促迫汝力雖不支庶幾免怨隙迴憶處子時數步
不盈尺衆聲輒喧雜汝默自潛釋汝母善酒漿汝喜侍

白苑詩集

卷三

三五

几席牕幽隱紗明衣敝留鍼迹自汝出閨閣羣穉多狼
藉我入自外來心懷汝所適昔送汝于歸路經山雪白
今此路杳茫茫花落草空碧信宿忽別離含淚情脈脈我
馬既東馳汝立瞻阡陌黽勉好事人毋為傷遠客

答代祭寺僧索題

春逐馬蹄名湖水旁風吹新店酒來香老僧正有瓶中
趣却得吟詩醉夕陽

古松連理歌

洪山李宅兩古松連理交柯根骨同縱橫攫拏矯如龍
誰能睥睨辨雌雄雌者拳曲盤虺空雄者附背批心宵

中有氤氳元氣通枝葉散布皆春容上栖鸞鶴走鼠蟲
斧斤雷霆安可攻霜皮雨溜老穹隆萬古千秋青濛濛
吁嗟乎南宋雍王夫人始受封左右丞相世其功子姓
列屋洪山東必有神物天所鍾六百餘年猶蕃穰我來
繫馬夕陽紅浩浩翠濤凌天風人間蒲柳一轉蓬松乎
松乎誰能窮

晤李三涵清

下馬問君居蒼茫到野廬驚心俱老大執手共躊躇宿
酒清尊滿春花綠樹疎佳兒懼侍側鯉對復何如

登芙蓉山歌悼潘六子斌即芙蓉

白菴詩集

卷三

二十七

陽春三月水滿陂大羅小羅涵清輝上有芙蓉碧參差
石巉峽兮光陸離繫白馬兮陟崔嵬我所偕兮傾金壘
有美一人兮隔天涯招之不來兮我心悲哀江南兮草
萋萋春寂歷兮獨自歸

偏髻山

往昔憇西園開門見偏髻及我青山居西南擁屏蔽泛
舟大江流煙嵐何綺麗愴恍數十年鬱葱橫胸背凝眸
窺一隅移步失全勢良辰得同人竟約臻絕詣巉石背
人歌叢棘當道翳既悔遽欲返共強申夙契稷稷古松
濤虛岫生搖曳仰視復攀蘿邪逸薰捫桂乍出杳冥中

乃睹人間世嶺側谷如盤瓶與穀共真炊薪聞苾芬坐
苔覺深細乘醉忽躋臨疾趨混次第始悟餘境舒頓忘
前力敝危峯立嵯峨孤松轉蒼翠遠水夕照明天風吹
脩袂

長松閣放歌行有序

余昔游西園見廖三丈廷箴軒風豁度卓立塵壒
之表嘗宴於長松之閣曠焉忘返跡其心懷惓惓
惟優崇文士貽謀式穀以昌厥後實其生平寄託
宜於勢利泊如也是時諸嗣君茁起翹楚相望未
幾學成名著各有所樹立焉而先生已長謝人世

白菴詩集

卷三

二十八

不可再睹今者復尋舊館追念昔遊感日月之流
光景門闌之逸範周還髮鬢觸所欲言遂作放歌
陳於廡壁

廬山西南長松閣風吹松子千萬落長松摧剝今安存
松穉藹藹若雲屯憶昔閣上仙人酒西園濫觴挾北斗
一吸千尊詩百餘不貪黃金只愛書當時行事頗迂闊
諸郎峻嶒俱俊拔懷中嘉甥宋客山廿年呼兒不忍還
碧池龍騰紛紫霧華館鶴栖三珠樹太學月亭揚高文
長卿凝甫連冠軍月亭清瘦如削玉半醉微吟湖水綠
雄談酣歌數長卿走馬落筆黃河傾都成費宮佳弟子

更誰瓊筵稱高士凝甫丰標美少年銜杯不語興翩然
惟有成思喚不醒白日青苔石為枕吁嗟乎富貴浮華
等塵埃竇氏五桂王三槐世人眼前爭榮貴蒼涼不解
栽培意天道人事亦渺茫廖門文藻世其昌我過空庭
後駐馬餘風櫻松林下

夜雨過雞冠山謁伯母歐太夫人有作

節撫孤零日年經八十餘霜帟披女史玉匣檢兒書鶴
髮歡無盡龍章寵不虛春郊風雨夜駐馬問庭除

暮雨遊湧蓮庵

冒雨尋樵徑游雲逐馬蹄四山如倚壁一水自成溪虎

白菴詩集

卷三

二十九

渡泉聲咽龍宮樹色迷蓮花香妙處踏盡不沾泥

春暮遊大沙洲水阻

策馬依純浦浮舟似若耶幽篁籠古殿芳草掩平沙仍
見金身在深知碧海遐吾鄉清淨域自媿阻天涯

月下吟

月明馬上自吟詩湖水逶迤歸路遲行過青山十五里
田歌相和到門時

雨中遊白龍寺

山雲藏怪石池雨下幽林翠巖雙飛錫清流一洗琴行
迷驄馬跡坐聽白龍吟為問茅菴在蕭涼共此心

公安道上雨歇望青山

公安蒲邑地名

驟雨散林臯奔流下溪井夕陽出霏微古木懸暮影澗
澗水田間歸馬不可騁餘光乍明滅暝色含虛靜回首
望龍池白虹氣炳炳孤征傷杳冥前路發深省西北有
游雲糾紛變俄頃揚鞭問僕夫乃在青山嶺

見金山圖

楊子江心第一峯金波湧出玉芙蓉天風萬里吹圖畫
散作人間夜半鐘

飲八弟汝南海棠齋舍感叔父衛書醉吟之處

古木陰濃覆苑牆山雲溪漲望茫茫停杯不解人何去

白菴詩集

卷三

三十

只有春風醉海棠

幽蘭積雨十二首選六

昔年雷雨怒一夜湧羣蛟辛亥幽蘭山在起古佛虬龍
窟危櫻鳥雀巢驚心懸石壁孤夢繫林梢却愛楊雄老

蕭涼為解嘲

健僕晨牽網橫波忽漏魚那能貪市鬻且復共山蔬
葉披雲摘菊花帶雨鋤座中同客慣不用嘆歸歎

慙慙憐小阮令我却忘歸避濕頻移榻驅寒早下幃階
留清澗滌枕傍白雲飛纔得題詩罷開門即釣磯
來往稀人跡終朝自閉門閒時防虎豹到處宿雞豚露

濯新花蕊雲蟠老樹根却疑天地外別有一桃源
閒房偏易懶神駿趙公遺家有子掛壁人驚晉登山我欲
騎圖書朝露薄林壑暮風吹更復聞喧雜簷籠語畫眉
黃鶯啼不倦枝上雨淋淋毛羽憑兒指鏗鏘和我吟空
山眠未穩流水坐來深欲作幽蘭賦徘徊綠綺琴

五采吟 五日雨中作選二

提籃采竹葉乃在溪南浦寥裳不辭遠將以為角黍短
幹簇半羊叢葉含幽雨千載離憂人與我同凄楚終日
不盈籃泝流復延佇

我行水峒波言采青山艾山風吹艾葉翩反何旆旆莖

白菴詩集

卷三

三十一

直如我瘦飄搖惜無奈援手掇其芳可以解心毒雲雨
忽杳冥野蔓牽襟帶

山居長歌行 有序

壬午既被歲薦今夏遂免歲試聞督學朱精刻為
文命題險仄姪兆鶴哲兆得連舉邑庠兄弟諸子
之應生童試者歸述場題輒欲搦筆復陳故態並
主月課以續春正之會蓋余自列庠後即司家塾
族中駿發殆無虛歲即余客館四方旋里居稽亦
無虛日誠以夙好世業本於天性而其責有所不
能辭故也頃又覽會墨元魁所著亦出所見兩日

之間并歲試生童兩題青園月課一題六藝俱成
俾弟姪輩脫稿往復叮嚀於是溯家學之源流漸
來茲之績紹遂作長歌以致意云

六月山居頗幽寂紫竹陰籠如翠幕白菴披衣坐深林
涼風掠耳聲浙浙去年鄉貢下江城赤日紅雲恣炎焱
今此歲試不得與紛紛爭投廣文檄三十餘年老頭巾
一旦跳脫等塵滌昆季齡齡多能文放我山中成瓦礫
連朝走馬報兒童兩姪英名標類璧其餘諸子早歸來
母以得失判欣戚吾家詩禮本淵源真材寧為章句溺
高曾以來集俊髦 子待春官霍霹靂 幽蘭 蘭

白菴詩集

卷三

三十二

泉著作手廟廊泉石分壘壁 曾祖諱文光號陽菴年十四列邑庠與子
待瑾光公蘭泉瑜光公幽蘭 古博真茂才伯仲之間齊
環光公為兄弟文尚古雅 辟易茅山十祖八紳士尚有奇童悲淪汨奇聰祖達燕
之以早以曠愛而妻城步學博 海崖公鍛鍊文詞同金
錫我 祖不第亦早世公諱達可年十八與諸 莪莪一
脈存樗櫟中間諸父殊疎濶微軀趨庭遵故迹十九叨
列弟子員九人聯翩相絡繹與兄開甲弟開一開林姪
為九人皆太學妙選各超羣長風萬里生肘腋六弟伯
翹捷足登天空不肯受羈勒近世海內稱鴻儒落藩門
墻並伏櫪宋人有藥手不龜或為水戰或泮泮海崖明

經甲子週踵其後者猶弱踏伯祖以歲為城步司新種
芙蓉滿池塘葉朱華含寶葫松竹堂中充問師雲水
峒邊鋪講席即今青園再主盟百中之技連破的聞道
學政尚精嚴場屋積習皆清剝命題割裂并枯索見者
驚惶誰能覓却思坐卧閉不去有如罷兵輒好敵據鞍
荷戈自誇雄龍盾烟烟露鋒鏑又聞上苑桃李花飛向
南郊半蕭檄何日新墨出人間望之九天垂虹蜺趙瑟
秦箏美人彈天球玉磬仙子擊清濁雜鳴不同音下士
遙聽後感激縱橫落筆幾千言吸取天河水一滴我將
持此叩金門安得山中人賞晰回首谿徑自蠶叢青峯

白菴詩集

卷三

三

層巒舊所歷

喜姪兆鶴遊泮詩二首

祖母貪書到暮齡課兒書傍紗燈青尚存大父垂三代
親見童孫授一經戲綵有人瞻色笑黃何日荅幽冥
青山芳樹年年發對此秋風晚更馨
玉堂舊宅並西遷諸母還同阿母賢月下詩囊爭自解
雲中機縷為兒牽獨憐木葉風先悴偏愛蘭芽雨後妍
三十年來雲峒闕莫教一日負薪傳
十弟岐六開模四旬初度兼值長姪哲兆新庠
合而成咏

季弟清如玉猶兒美且文盛年當立德弱冠已超羣花
擁諸昆集芹多小阮分吾儕終日醉佳氣倍氤氳

將入都晤王六鶴書別後有作

白菴老友王鶴書十年不見病何如不狂不痴神自如
似此游魂蕩空虛我走四方路盤紆招君不來為躊躇
只今蔓草奄庭除蓬鬢跣足坐荒廬送我出門目長肝
懷辭未吐情有餘平生怒罵眾所疎故人一面還如初
乃知稽阮本容與世途不平生崎嶇紫芝黃茅玉女鋤
閨苑元圃仙人居安得置汝白雲壑下視塵壒皆禽魚
塵飛冥冥北上車臨別執手徒歎歎

白菴詩集

卷三

三

忽得靖州賀樂菴書

明月渠江饒客還桃花青草路徑桃源夢潺湲不知尺
素來何處猶似當年在鶴山

季母廖太君遺孫兆琢兆振所書大字見賞歌
以美之

二郎三郎持粉版手書大字照青眼涼風獨坐紫竹宮
斜日光射白玉簡祖母廖君八十餘喜見雙孫皆能書
慇懃遣來試一顧令我起舞驚懽呼二郎十四方婉孌
據榻不避千人面長畫鉅點開心胸那讓玉堂舊中翰
故居為明廖
太史山齋
三郎十二氣橫秋捉筆不動神繆綢有時

堅瘦如削鐵風骨絕肖喻南州諱達茅山數十佳弟子
學書多從還亭始還亭每攜南州字滿座臨摹各相似
我聞周宣石鼓莫辭靡又見禹碑岫嶠峩峩史篆程隸並
奇譎晉唐工雅世所宗老夫風塵走南北到處摩挲學
不得即看兩郎興高蹇皓首鴻文仰天極

復過默然菴王一丈南溪出示手輯周易悔前

匆匆別去不及早呈

易學推王弼誰知自一家孤心懸月窟分手即天涯復
觀圖書秘深憐鬢髮華空庭同把玩坐嘆日將斜

積雨後飲徐七念亭牧愛亭望月

白純詩集

卷三

三五

雨歇林泉夜色闌松風竹露不勝寒為憐一斤西亭月
纔得遊人醉後看

秋夜懷呂柏巖

何人善識青萍劍待我閒調綠綺琴疎竹月明常獨夜
高梧秋色亦多陰溪風峒雨三年夢洛水嵩山萬里心
北去著書應未老蕭蕭魚鴈總浮沉

伐梧桐二首

梧桐逼立屋檐風起大葉鼓蕩欲傾墻屋議者久
以伐之為得余惟幼時所植不忍傷折又以近年
驅隼去後鵲巢於此伐樹則亦有傾覆之患至是

不得已伐之乃愴然有作

墻下梧桐樹其上有鵲巢北風夜深發鵲鳴聲嗷嗷巨
葉吹旆旆修枝何翹翹傾側壓我梁簸揚若奔濤宵眇
山條暝元穹天正高竦聽不遑寐予室亦飄飄計欲伐
梧桐恐棄汝所勞汝勞汝不恤樹顛覆汝巢我與汝為
鄰無巢汝何聊

春夏日多風秋陰日多雨窮冬霜雪飛淒淒殺毛羽予
室既欲傾汝巢安得處衆人為我憂僉言伐此樹已物
難兩全倘忧心無主入門獨咨嗟倚戶復延佇傷哉執
柯人不得還顧汝初伐汝驚啼再伐汝遂去寒空山寂

白純詩集

卷三

三十六

寥汝栖竟何所

家久無犬適有母犬自外至逐之不去因名自
來及臘日產二子喜而記之

爾果何方至慇懃喚自來貧家雖不厭故宅詎相猜飽
吠當門戶寒眠戀草灰空牢時出入勿用巧安排
旦暮依人慣生兒竟不歸頭顱易長大毛毳並光肥每
夜穿窬警連年虎豹稀樊籬免懶散為我伴荆扉

席間贈李朗邨

館舍初歸日山村及暮年呼兒環几席與我論詩篇濁
酒當風夜青燈暗雪天文童通世好空谷一甃然

白純詩集卷四

蒲圻張開東賓陽氏著

男兆騫編校

元宵前一日雲峒課會三首

甲中稿

霧雪披谿徑惠風生蕭條自我登石室萬山列瓊瑤宿
春既已備晨趨早見招啟冰剪園蔬滌塵開甕醪願率
我族侶衣冠及垂髻筆擢春花妍胸摩凍雲消修詞去
陳迹含意若新苗清燕娛暇日喧歌轉良宵勉茲朝與
暮吾亦事遊遨

先人嘗詒穀累葉守一經幸得同區域山水秀且靈貨
殖恒苦拙耒耜亦勞形蒼訟與戲逐畏此非典型小子
白純詩集

卷四

一

昔受命抱書入巖扃孤禁風雨夕空山坐冥冥饑來不
可守游跡若浪萍回首瞻故道所悲蔓草青春陽如相
待會及此芳齡

去年肇嘉會文詞多俊特是時春月盈清輝恣賞識勝
地惜不常樂事安可極自計負鄉貢秣馬望京國遷延
尚留滯乃復親筆墨羯鼓散餘寒華燭耀幽仄秀者堅
骨幹樸者增潤飾勞人每千慮愚夫或一得孤鳥將遠
颺徘徊顧林側

雨中謁白石顏公祠

顏氏雙忠天下奇三公同祀亦傳疑弟兄心跡標唐史

煙雨摩挲問古碑祠有邑先達魏宋碑記野樹蒼茫春澗發巖花歷
亂暮風吹行人指點雲山裏白石高光正陸離

二月廿九日天始霽獨往麥園觀桃

山園如錦復如霞可惜中無賣酒家他日長安相憶處
春風不數上林花

族中生童赴科試者皆冒雨去感賦

霏霏細雨故園春此別江城柳色新回首千株桃李樹
看花開却兩三人

兒童近解踏泥行各帶奚囊好自輕共上扁舟流水便
長江一路有啼鶯

白純詩集

卷四

二

積雨兆鵬姪過舍坐話

屋漏聽如注山雲望不開幽林浮鳥雀虛室動風雷倦
理新詩卷愁空舊酒杯蓬門終日閉感子復頻來

重整薔薇架歌

窗外陰濃多薔薇東風吹暖雨露肥長條柔蔓日正午
綠葉朱華揚光輝朝看如錦暮如醉任人攀折無時稀
好客笑迎照顏赤羣婢爭插滿頭歸炫爛使我心煩熱
忽驚片片蝴蝶飛十五日日落潯溪千枝萬朵成紅泥
紅泥漫矜胭脂色水流雲散東復西憶昔伐竹支作架
坐對青山待花謝去年冰雪擁柴門竹欄橫斜皆傾卸

即今花開重整頓時時來飲花樹下

春暮望觀音石

龍塘西入兩峯陰落盡紅花綠樹深忽見金身三百丈
天風吹作海潮音

山後隨意所至得詩五首選三

不知何處去山外即青園峭樵人憇溪深浣女喧楊
花飛亂陌筍籜墜荒垣四月農忙候相逢且一言
懸巖合作壁歌樹覆如檐澗響穿花塢林陰曳酒帘雲
含峯疊疊露綴草纖纖竟日深山裏囊詩自可添
蒼山翠欲滴夏日轉清微古木黃鸝轉芳叢白蝶飛巖

白純詩集

卷四

三

花輕落帽徑竹漫牽衣我欲沽村釀長吟醉不歸

東賀宋四客山修選貢并令即新列弟子員

誰道文章識者稀寂寥我輩亦光輝一身輻輳掄三貢
是年客山當歲為提學先
擬舉優貢今以選拔特錄千里躑躅決兩闌鄉試自南還自北
靡靡同去好同歸知君不待龍頭老並見青天紫鳳飛

食麥

吾廬連佃宅種麥補春糧積雨低頭綠初晴滿眼黃輕
鏹光剗日細碾淨飛霜食力知甘苦山妻應早嘗
遠澤聞猶漬高原色正枯經時牛不踐盡日鳥頻呼
有禽
枯者寢薦分寒暑鄰春問有無量餘堪作酒佳節醉萬蒲

春王祈麥實后稷頌來牟蕞爾無多地居然亦有秋園
荒容容嬾廩闕望天收歲為除
原故云却笑爭升斗何如濟范舟

園花感放命兒折取分送族人

園花三五樹散漫千萬枝一本紛蒂萼五色迸旂旒獨
坐顧不樂同翫安可期寂寂發懷抱含情亦何私呼童
歷微徑攜筐出幽籜遴選各有度攀折良不辭辨色既
精詳稱量乃平施昨夜雨聲聞常恐驚披離旦視如新
冰清光揚早曦團團花間露藹藹林中姿已增寶鬢華
還注玉瓶滋為歡豈長久流賞及芳時

白純詩集

卷四

四

疇昔好遠游輕棄故園去故園花常開十年不一遇佳
辰阻間關幽夢牽風雨望者空倚門零落惜無數豈無
客邸綠名花驚我顧榮豔過隙駒芳醪委岐路乘間偶
歸來族人招相聚燕會每多因寄贈或有故旁枝給童
婢餘英及老嫗以茲煙花濃扞我衷情素四時變流光
悲興隨朝暮願此五畝園春風長在樹

雪峯寺

雪峰千仞上天外見村莊巖水穿厨壁松陰覆殿廊池
蓮青漢雨畦稻白雲香我欲謀耕鑿空居倚梵王

兩宿雪峯菴

卷在
山麓

急雨下雙了蒼茫問宿家炊煙浮野竹飛瀑散林花樹
杪寒鐘歇雲端晚飯餘東山清興在醉笑着袈裟

晤吳一丈向方與山齋即別之港口驛

吾邑艱科目深山老宿儒文章俱慘淡氣色未凋枯野
館秋風樹官亭細雨蕪相逢言不盡且復問前途

蓮花峒

華池飛一瓣玉女此翱翔古徑絕人跡空山有妙香林
煙多杳靄溪水獨清涼我欲相攜去孤峯倚夕陽

聞尹大鄉貢均雲尹二別駕均霖稱西南之異

述之以歌

白純詩集

卷四

五

尹氏兄弟遠來歸行踪自言西南夷白純鄙人頗好奇
入門請為陳其詞叙州別駕仲氏宜奉簡西藏天竺陞
成都以西鄰龜茲一萬幾千官程期百有旬日單騎馳
山狠水險不可支中有火燄藝屨唐王請經或其遺
夷人風俗禮義虧不畏

朝政服佛規活佛生來清膚肌法教靜淨心慈悲南北
兩尊奉為師中朝無吏國自治乾隆佛生二歲兒二十
七年登壇壇口誦經典無滯疑音若海潮貌若芙蓉繡
日月旌虹霓黃金獅豹白玉螭
天子遣使金帛施諸王羣臣皆拜稽殿上活佛坐不移

所生父母亦如之香稻素麵充餅飴王臣供給責所司

大官焦勞小官疲行役五年形披離仲語未訖笑指揮

豐眉修額垂垂頤侍童亦是佛象儀鶴慶郡守歷滇池

伯氏廣文相追隨袁江麗江氣不齊冷熱烟瘴交魁魁

雪山千仞凌天躋望之寒慄侵心脾萬古不化青琉璃

我聞西南有狡狴日行萬里捷於飛將欲乘之窮須彌

安能效燕雀飲啄栖樊籬反笑大鵬奚以之九萬里而

南為

晚過宣公堤懷王六鶴書

獨行思不樂堤上望何長樹色明秋水蟬聲亂夕陽千

白純詩集

卷四

六

迴經此路一面即他鄉慷慨悲王子奄奄閉草堂

過李二時坪聞其誦聲喜而有作

烏林夜渡月黃昏堤岸蕭條半掩門隱隱書聲風不斷

故人家在綠楊村

過吳別菴

駐馬食青草倚林玩落霞涼風生客路斜日到君家古

壁猶懸劔新毫可夢花壯懷終未了吾亦望京華

遊大崖山

木落萬山空大崖橫天闕暇日一攀臨石峯何岷岷環

歷虎豹巖中有蛟龍窟鉄橋隱流澌古洞含霜月夢游

幾十載煙雲生恍惚李子昔登壇白沙來閩粵妙論亦
不傳芳踪已淪沒尋盟豈無人荒榛惜未伐誓將歸青
山抱書嘯林樾徙倚虛高樓江外清風發

感弟松皋開一大崖讀書處

大崖遺跡舊時經弱弟翩躚屬妙齡一自落花流水去
更無入上鐵橋亭

僧笠菴來青山

落葉滿階除飄風尚不歇忽聞遠僧來空山坐明月

湧蓮菴池上望月

明月出松間清池一往還夜深人不見獨自照空山

白燕詩集

卷四

七

山中樵語

花落有人憐葉落無人惜本同枝幹生人心自不一
果熟人爭食花開人爭折折者母傷枝食者母棄核
霜液百果熟園丁謹護持夜深香裡啖君睡那得知
健婦恒傷飽弱女恒苦飢山中有落葉聊與子為炊

冬夜乘月登雲峒

山月如寒水松風生晚濤偶從青澗上忽與白雲高海
屋金螺液天壇玉兔毫蓬瀛吾有托無復事塵囂

馬嘶湖歸塗遇雪口號

湖岸紛紛雪滿天歸來馬上醉張顛梅花借問開何處

笑似襄陽孟浩然

即事東寄田頭畝姪兆熊

蒲谷早糯烏金色石杵春作白玉屑瓮缸麩和發瓊漿
寶甕煙燻濃琥珀新店蕭邑蒸酒蘭陵香五七量參交融
液女奴纖手青泥封九日成丹十日碧五色紛綸落銀
瓶一吸清瑩消塵積黃精綠橘盤饌供令我心和顏光
澤城中芳醪吾諸父山間陳醞數徐宅酒有昔十餘年者去年鯨
吞三百壺主人貯稻千餘石臨別慷慨復多情開倉舉
脯良不惜歸釀朝朝醉芙蓉夜抱霜月照吟席天寒歲
暮樽盡空家家歡呼宴除夕當時小阮亦有言日望東

白燕詩集

卷四

八

南徒倚壁即今路遠那得至坐對梅花嘆何益

正月渡江過拜風臺題壁乙酉稿

醉整綸巾笑武侯千年遺像在江頭我來瞻拜閒無事
自有東風送小舟

宿張子宅

黃蓮張卓衡平生纔一面昔在刺史幕閱文殊清鍊擬
冠童子軍主人稍更換以此竟沉湮孤心猶酣戰五十
名未成妻子生厭賤屢問感舊知寄音每遙勸近割河
陽州列籍文泉縣老氣輒高騰頌白稱俊彥聲傳大江
南令我伸夙願正月度烏林茅廬古濠畔停輿訊野夫

瞥見日下炫蒼茫著新剝再拜抒積悃是時經水荒十
室九不爨賀年禮俱廢比戶無懽譙二子市魚鰈入山
易米饌穉兒授章句出見獨婉孌典衣備宿酤焚舟供
朝膳刺史久謝世孤客徒汗漫文字一偶然千載夕與
旦送別復佇望春草生江甸

別黃蓬汚陽山名

日出黃蓬隱未明東風送客作愁聲春江寂寂周瑜塞
古木蕭蕭魯肅城劍戟何人談往事漁樵幾處覓餘生
烟波蔓草成孤嘯九十九峯恨不平

題王氏小齋步辟間元韻

白菴詩集

卷四

九

水閣懸花圃煙村結草廬閒時邀客酒及此課兒書嫩
柳青陰合香萋綠雨舒江南歌一曲他日憶何如

花間聽黃鶯初轉

不識春何處翩然懷好音隔花驚曉夢一轉下芳林露
濯黃金纓風調綠綺琴年年偏愛汝何必鳳凰吟

雨中問兄衡員開銓病

暮雨空山寂春陰小閣寒寒惟經一問攜酒且相看病
減銜杯好勞多曳屐難童孫代相送慎勿出門關

寄姪兆燕秦州

十年曾不到青山萬里羈人長未還滿眼故園桃李笑

春風獨在玉門關

江亭天外望秦州漢水滔滔入楚流我欲西來沽美酒
故人長恨未封侯時同學杜東麓以浙藩降安西州牧將擬西遊會已卒

徐十七官五

在郊同劉三繩武

承祖訪我東存

園不值轉宿繩武家泊歸次日追留已不及
矣悵然有作

穀載栖遲一草亭孝薦乍過出山扁花能引客應多艷
竹不留人空自青竟欲追攀乘早日那知踪跡似流星
周章白水橋頭望徒對劉郎促酒瓶

弔王隆吉棟國墓歌

白菴詩集

卷四

十

青山日落悲王子孤塚自向青山裏寂寂山陰鳥獨鳴
斤片花飛逐流水水有迴流花復開王子一去長不來
髮妻生兒俱早歿白頭紅顏皆塵埃憶昔同學青峯院
我方總角君始冠令兄青峯老閩師爾我後先兼遊泮
嘗聞雲洞破天荒君抱書度黑石岡誰知深巖藏爾骨
至今殘燈空山堂青峯先生忽衰老兩年春色生墓草
傷哉趨庭亦無人萬古千秋同煩惱我欲撫劍叩帝閭
骨肉何罪文何冤九天之上九地下顛倒靈旗為招魂
夏日取松命諸生結涼棚講舍前
伐木丁丁度隴阡深松簾簾翠如煙且將直幹為撐柱

細檢繁枝覆領椽栽柳斜垂陰自合種瓜旁引蔓相牽
炎曦不惜經營苦時有清風到講筵

石塘看蓮歸途別有所見因為發歎

微雨飛林翠雲陰澹漠晚日步石塘芙蓉已零落孤
英出水中餘波難久託豈以時光摧折者愛苦博轉見
小池明沉青藏幽薄鮮華照我顏含媚隱深萼童子采
數枝攜歸耀山閣乃知煩囂地精魂易銷鏤空谷有佳
人千載自縛約我欲徑相從煙寒變翠幙

城中儀一淑 諸父分賜香醪賦謝一絕

瓶傾久不上青山歲歎何曾一醉顏咫尺蓬萊仙掌露
白菴詩集 卷四 十一

天風吹落到人間

遣兒賣五色金鳳花并雞冠未開者亦五色分

送城中諸父口號

德輝五色映朱欄移入城中露未乾更有芳心含欲吐
家雞併作鳳凰看

李二夢灘復任竹溪教諭意將老焉感其別時

途次作楊花詩十首并柬我及弟伯翹愴然

自成一絕

愁吟孤客別天涯薄宦荒溪欲作家自恨故園千萬樹
東風不肯住楊花

步月筠心堂與伯翹弟坐話

明月出山松素雲澹池水幽人戶半扇芳英拂淨几佩
鈕偶一臨粉廊光如洗天宇何次寥澄懷亦無滓衣帶
自翺翔蕩漾復徒倚夜靜發妙音林樹秋風起

命兒灌園中花

小園亦有花參差自成列無意加培植隨時吐顏色感
興各殊因跬步一偶涉花若向人傾對之生怡悅每當
風露晨殷動手不輟乍見忽憔悴秋日何烈烈萬物皆
生機屬者情所切及此早攜瓶母使清芳歇

兒童好嬉游老夫偏多事吟罷掃竹陰花間列坐次常
白菴詩集 卷四 十二

念蔓草生蕪穢憂不治汝母持長鐮朝夕時亦至我復
善經畫畦淨若列肆每摘露華香先照我文字汝輩皆
親睹如何膜外置種蔬適予口種花養予志

力補堂口訓

汝祖依農圃小遷此龔莊昔為龔氏里宅祖妣出相國愛種棉與
桑生兒不早貴門戶久荒涼二人夙謝世兄弟倚巖墻
巖墻不可守糊口逐四方形影仍孑立出入互參商伯
氏忽歿沒游子奔故鄉凶氣侵我室乳雛空雕梁我羽
既不豐我巢且飄揚野雀穿我檐穴鼠鳴我牀蝸牛蟻
我壁蜥蜴雜螳螂棟折壓我祀楠斷墜我廊宵雨驚崩

潰寒風增悽愴一木本難支况爾千萬瘡東成西旋毀
高墜低轉昂孤衷自計畫微軀獨奔忙斲彼松栝幹鉗
以釘鏘鏘塗以黝墨色敷以桐膏光竹頭兼木屑砂石
并鉛鋼暇日備所需及時用者良竭瘳差整飭是曰力
補堂既定爾巢居還憂爾無糧捋茶號中野啄粟栖禾
場噉噉俱待哺歸飛路何長爾曹聊飽食我飢復遠颺
一舉三回首百慮牽我腸長大辭我去莫念昔所將令
我拘邛園辛苦獨自嘗屢值風雨至中夜起徬徨去年
堂棟傾卜者指為殃敗瓦若散葉朽椽誰能當疾聲呼
前雛莫肯顧我旁晨起召工人伐木心惶惶四顧勞拮

白純詩集

卷四

十三

据三旬奔踉蹌功竣奉祝辭告神迓百祥豈不憚艱難
何以薦馨香豈不厭煩促何以延賓觴豈不異後嗣且
以安糟糠吾家多官觀積善有餘慶嗟此惇惇子終當
逢吉昌手口時並作羽毛漸凋喪即今暫離別補葺恐
弗遑殷人堂構喻周公予室傷小子竚階下終身思勿
忘

喜杜虹山來武昌

醜

不見鶴南久相逢恨轉多愁吟添骨肉時丁內艱且多故遠夢入
關河三載江城路孤帆漢水波書隨人共到那惜醉顏

安陸劉丹峯張亦樓新授選貢省邸并贈
二君風雅士齊選錚錚離賢早日登雲路秋風下漢川斯
途殊逼仄遠舉亦超然一別青山老觀光共此年
贈鄧二靜堂任穀城廣文
十載京華客重來鄂渚逢野航邀首藉江雨看芙蓉久
別顏光好饑驅宦興濃襄陽他日去攜手太和峯
讀杜虹山諸傳記喜而有贈
傳體左氏文滔滔紀載龍門揚波濤晉魏六朝風日靡
唐宋八家昌黎豪帖括晚出氣勢分神出鬼沒矜兒曹
中間奇材亦間起得其貌者皆皮毛時藝手筆求清潔

白純詩集

卷四

十四

明代太僕今靈臯縱橫論說毛西河碑板文字呂澗樵
此事濶落幾百載山中夢想心寂寥足半天涯屢搜索
舟車鹵莽空自勞安得元氣貫胸臆洪如海嶽輕如毫
吾友拳時能追倣近聞卧病不可招虹山桓桓驚我目
西南一柱青天高
與虹山坐話尋送別歸安陸
令兄官方伯遺田三百畝但有四月糧一空俱掣肘如
何今春夏粒米同珠數况復多殫殮尚供百餘口叔氏
補冷官閉戶仍株守老翁客江南季子日搔首泛舟迎
鄂城望斷江邊柳誰意中道錯返旆轉奔走信宿言未

終太息空袖手義門仗英豪勉力為人後

省卿會徐十五子敬學昭十六子毅廉昭俱以

清才見知上官而不免為俗冗所累時庶母

弟與庶母唐氏別居漢陽草寄一絕並約同

赴鄉試

白雲宮昔才徐氏齋名外即塵寰試取秋江一洗顏風定好經鸚

鵝渡月明同上鳳凰山貢院後山名

晤襄陽劉二慈明樸武昌旅舍時新選鄉貢

令翁吾邑老師儒今見即君偉丈夫並喜高秋鵬路遠

不慙他日鯉庭趨銅鞮沽酒吾將訪玉笛吟詩客正呼

白菴詩集

卷四

十五

消得武昌清夜月桂花香處一踟躕

乙酉秋闈即事

碧樹朱旗遠鳳龍門秋色靄蒼蒼中丞頻賜三朝飯

前撫軍捐俸三日

仍賜早飯一餐

估客常供五夜香金陵客贈予

提挈竹籃勞

弱弟弟伯翹為聯福桂苑引諸郎謂香兩次幾曾欲踏長安月暫

駐清輝照武昌

闌中雨霽

微雨風開見楚城翠雲丹桂露華清倚欄散飯千聲鬧

垂幙焚膏五色明簾外旌旗龍虎拔樓中簫管鳳皇鳴

自憐寂寞煙雲裏猶指天高望玉衡

中秋闈中同人賞月二首

天空桂院望氤氳招飲何緣得共羣杯酒正如明月滿

燭花初報夜籌分清歌霓羽齊雙管醉看蟾蜍接五雲

自是中丞新韻合天風吹下碧霄聞

矮屋酣歌已却寒監臨賜餅萬人懽院中寂歷齊褰幙

天上嬋娟獨倚欄五夜銜杯空自賞十科對策有誰看

元龍司馬聲名重設道文章際遇難

喜杜虹山復來武昌

昔年謾說黃金臺今日還留白玉杯笑指櫻頭仙子鶴

天邊飛去忽飛來

白菴詩集

卷四

十六

遣主人觀榜

夜漏喧千戶秋光又一新可堪瞻獨步或恐是同人

重九前一日送高仰山歸安陸

秋風匹馬去洋洋客指楠山有北堂漢上茱萸多作酒

留君不肯過重陽

萬子年書舉鄉試第二因述往事歌以贈之

辛酉以來募元手十科不肯降相售升降飛揚等浮埃

夜看精氣貫北斗中間賞識每殊因往往相值多在後

昨宵張榜探魁元忽得君名還疑否却憶甲子晏中丞

五千卷中搜遺文縱覽楚北誰第一置我馬呼揚清芬

盈城大官開蓮幕居然自列鸞鳳羣興國刺史再拜下
延之西堂萬軸陳州故新集授經并鑿童子試傾心定拔
奇偉人以子頭角笑崢嶸詩文擅場雄冠軍刺史曾遭
州人侮裂榜聚訟猶紛紛是年提學頗峻覈郡邑首薦
牒空聞齊安飛檄促余去太守倉皇心如焚我自披帷
懸冰鑿砭砭亂玉安足云武昌十城八士逸錄者江夏
萬與君須更黃州皆駿發一時主人同懽欣可知小試
亦有數過眼黑白總能分指顧乳雛生鷗翼空負扛鼎
輕龍震二十年來東西奔那有大冊稱典墳即今闡墨
尚平實高材何緣超塵氛仰天長吁復笑語為予一曲
白範詩集 卷四 十七

歌凌雲

與陳三西峯 正烈

江漢水洋洋秋風夜始涼故人相對坐不覺已重陽

九日題進士陶雲嶺 鹿 遇館舍領聯却用工部

六字

渡江風雨望城巒為訪陶公一徑寒函丈正如天上坐
遠峯都向霧中看問誰戲馬同傾酒笑我登龍未着剝

館下為陶武庫 寺為黃龍寺 却嘆白衣成往事東籬空有菊花團

與杜虹山約同往漢上俱候黃鶴亭子已而皆
悞

漢臯孤客自揚舲空對斜陽草色清明日相逢君更晚
黃昏猶在望江亭

額公橋懷熊芝岡先生

城南臨秋渚題橋紀額公

熙朝總制府側聞揚清風老翁稱勝國壯士亦何雄微
時經此渡落日帳途窮舟子不肯顧瞋怒駭魚龍名成
雪前憤叔建標鉅功我來憑欄望懷古傷遺踪誰為湯
陰祀不受汾陽封斯人同逝水千載氣如虹

杜虹山贈劍歌

虹山楚中烈丈夫俠骨駿彩昂天衢漢客寶劍持相贈

白範詩集

卷四

十六

黃金鑄包紅氍毹我為開匣君試舞寒鎚不動神跡躡
惜哉鑄工少鍛鍊頓使英雄發長吁憶昔好劍得魯鈍
十年奔走塵糝糊近聞苗人善琢鐵賣刀買牛皆全輸
渠陽將軍真愛我遣使搜盡荒山隅孤行海嶽幾萬里
乾坤一笑成迂儒即今對此頗於邑滿堂顧我色獨殊
豐城光燭久埋沒雷煥不遇空泥塗張華一見心賞識
世眼昏昏何其愚自古神物天所命必有靈氣造化扶
君家雙鋒懸古壁干將鏌耶誰能圖慨然解佩江上別
夜雨化龍今何無

為何孟升索所寄梅四種

昔我漢東道木落已十月有人為我言梅花四種俱奇
絕綠萼萼如翡翠毛赤骨紅於猩猩血宮粧似粉淡掃
蛾眉而不污玉蝶淨素而輕姬又若迴風之舞雪當時
未經開令我神游空虛想顏色諸生徧搜羅覓之連根
撥置之方竹籠繫我還車轍奈何旁觀發咨嗟嘆路遠
天寒摧折此名葩不如安放何子庭圃俟來春相送歲
時定不差那知河干一別幾十載人與花都隔天涯徒
使我夢魂繚繞離緒紛拏却未知幾時歸我青園裏風
高月出寂歷無譁身披鶴氅手執流霞環睹續紛坐對
牕紗何必看十里江梅轉過庾嶺更泛羅浮海上之靈
白純詩集 卷四 十九

槎待我清吟高舉洗盡鉛華應作羣玉山頭第一家

惜別行贈杜虹山

惜別復惜別送酒江上客相別在今朝相思在今夕
不愁今夕思但愁何時會江漢此分手寒風吹衣帶

雜興

昨日即騎馬今日即徒行騎馬氣何高徒行心始平人
生不得志難為俗眼驚
玉人自天成君看無顏色竊見新寵婦翻倩為粧飾知
遇良有時何怨亦何德

答周某

少小平湖路今秋獨見君遠游從太史晉師黃岡萬先生奇賞在
高文天迴飛紅葉江虛澹白雲繫舟勞一問塵壒任紛
紛

小年會三兄印侯

白鴈西風別伍泉青峯東望不勝憐朦朧盡日幽蘭雨
纔得相逢是小年

郡守彭公臨蒲問東於龍門書院感賦

朱簷寒日出郊垌沿路爭傳是福星熊軾江城秋月白
龍門山館夜霜青重來瀟岳迎花縣是年安邑侯復任久卧揚雄
隔草亭聞道臨風相感激一時傳問老明經

白純詩集

卷四

二十

白麓詩集卷五

蒲圻張開東賓陽氏著

男兆騫編校

乙酉冬吏部奉旨專用科舉人數第伯翹應

丙戌會試兼與此選詩以餞之丙戌稿

新詔崇文吏深山起宿賢便催花縣令仍作玉堂仙畫

閣梅如雪旗亭柳弄煙春風三十度猶得及芳年

與表弟賀五邦寧館舍夜話

別日傷鸞鳳同時感脊鴿前年別後聞有斷註之慘長兄亦并謝世兩兄仍共爨

一子更傳經酒醅浮春綠燈牕徹夜青風塵愁未息重

見此郵亭

白麓詩集

卷五

一

高嶺聞新孝廉周丹山天度赴春闈至武昌病

歸適其父病革垂涕望不至及歸甚慰藉而

孝廉已愈矣蓋其天性感觸然也時宿其家

因賦其事以記之

水口地名春陰暮雲臺山名夕照殘俄驚遊子返并向病人

看千里神相召百年夢亦安功名他日事努力盡餘權

蒜子嶺

蒜嶺如蔥嶺行人膝在頸上嶺日方中下嶺日已暝

人住溪水下行天頂上不見客行來但聞溪水響

答茶坑諸同學

時為王學石先生商刻四書文

主人驚問客奔喘未能平跋涉薰風雨文章託死生茶

泉聊解渴橋粉易為羹相彼同林鳥嚶嚶向遠鳴

茶坑連日雨中即景

積雨長留客炊煙促酒杯醉吟眠草閣嬾步逐山隈石

徑籠幽竹巖垣點翠苔春分林樹密纔見一桃開

嶺雲高礙日林雨亂隨風嫩筍穿茶徑春蔬滿竹籠書

聲溪響外樵唱鳥聲中伏枕增詩思幽栖興不窮

危峯不可陟歸路問平原山色猶蒼澹溪聲半吐吞行

雲十五里避雨兩三村倏睹青青麥知余過石門

雨中宿巖頭寺

白麓詩集

卷五

二

暮色寒巖岫春陰覆殿極寶陀宋丞相李綱題巖頭明曰寶陀巖碑尚存行未到燈

閣坐分明素茗和雲煮清鐘帶雨鳴深山人不識慙息

此游情

客勞方就枕僧敏却能詩僧敏言出示所作肯令陶潛醉真成惠

遠知瑤階飛瀑布玉澗下亭池寺前有玉澗橋幽賞冷冷意春

宵未覺遲

虛響生陵谷雲香拂袖襟重巖天外入一榻雨中深憶

我登廬阜還如宿少林庚午春遊少林寺忽驚孤夢醒寂歷海潮

音老僧誦經不輟

巖頭僧融旨以詩文見質尤異其文歌以贈之

佛祖初來寂無言李唐以後文始喧其人清慧發妙論
往往交通名公門我過巖頭暮色昏見爾詩文開心魂
貼括漫衍儒流渾如何緇衣見真源六經精義若泉翻
八家法度今尚存左圖右史供吐吞豈徒舌是青蓮根
着芒屨攜匏樽幾時隨我塵途奔東游蓬萊西崑崙天
上落筆驚雲屯藐然一笑空乾坤

杉坪

溯溪尋桂渡冒雨到杉坪雲氣因舒卷山光乍暗明
脂桃口濕翠黛柳眉輕盡日吟詩穩春風促馬行

由崇陽過分水坳暮雨宿周廣侯家

白菴詩集

卷五

三

叩戶一通名登堂始叙情山從分水出酒為故鄉傾
知為蒲崇
分界處花雨迷春色松濤落夜聲京都車馬熱感我獨
南征

題石人泉

蒼石自成人巋然立泉井苔蘚蒙衣冠野望若引領耳
聽碧泉流日月傳孤影行人自來去斯人年何永石亦
日以堅泉亦日以冷人亦竟不沒相對成三隱

由崇通二邑歸途口號

南遊雋水萬峯遮輕着肩輿逐徑斜曳杖行携雲外酒
摩帷坐看雨中花巖僧問字多書竹溪女知名亦款茶

自笑吟詩三百里春風吹徧野人家

猶湖莊會諸族人

重山走東北朝日出猶湖道逢蒼顏叟下馬立踟躕借
問乃同姓轉口問征夫征夫姓所同名字還自呼聞名
輒驚駭執手共懽娛揖我入廬舍餉我列盤盂牽馬繫
廊下為我秣青芻登堂序昭穆造室親媿嫗傍宅喧書
聲畫鏗炫庭隅塾師我族孫遠來開蒙孺吁嗟十幾代
音信亦杳無及此不一見母乃空塵途

出門望原隰山川何莽莽溪北有茂林馬上驚遙賞疑
我古先壟謂始祖必貴公
及姚徐氏心游兼目想再拜詢諸父僉云信

白菴詩集

卷五

四

不奕揮毫陳祝辭焚香致稽顙父兄為我前童稚隨我
往喬木發新榮天日失光朗叢柯栖象崔山勢若巨蟒
俗呼黃蛇
出洞形念自西江來胥宇托茲壤藐躬治家秉紀載憂
愴恍所重清本源支派惜未廣茫茫雙塚間迄今始瞻
仰

昔我未來日始祖降靈儀老翁為我言嘉夢先吉期昨
夕新貴子我冠臨宗祠與人爭迎昇象力弱不支翁起
為祝告天帝鑒文詞祝詞云詞翰班馬連業聲憤德字安邦文
安天下出扶祖子文先以崇族人者命眾
齊奮臂從旁併扶持忽忽出祠宇飄飄升雲霓今見汝
顏色恍惚夢中時我聞心慷慨逡巡轉憂疑束髮讀父

書泣杖稱孤兒壯遊老塵壚羽毛空陸離安得凌風翔
德輝耀堂基

晨起思割豚夜靜爭脫粟我本澹泊人何以當梁肉春
芳摘園蔬嫩筍抽林竹朝饔并夕飧聊與共饋粥顧不

諒區區盛饌反謂瀆臨別無以贈搗藻標空谷時書聯
馬復東行湛湛溪水綠冒雨薄門畿通名徧村屋二三

兄及弟謂大年昆季秀潤迎我目開篋出文字倒樽傾醪醖慙
勤諮世系先民有遺錄云所傳有先世詩家寄語慎勿忘纂譜

或可續新樓多貯書行當大吾族大年新營樓更收購書財
撫撫山下田猗猗澗上桑自我祖疆場竹木青且蒼聲

白菴詩集

卷五

五

鬢隴頭半芊芊水中秧煥煥曲簿蠶織織女成行桓桓
諸婦兒執斧伐遠揚青枝漸希潤綠葉盈傾筐飢蛾愁
未飽吐絲恐不長男耕方待盍趨走并倉皇如何苦春
作為我供酒漿我醉辭過歸送者增悲傷俗敦孝友摯
情盛禮教防先人數百載願作鄭公鄉

丙戌季春邀諸兄弟姪輩青園讌集

薔薇萬朵總同根芍藥連業帶雨痕林下筵開朱露綴
池邊座拂紫雲屯花枝日影披油幕竹葉風香落酒樽
八十老兄偕弱弟何緣相聚到蓬門
綠葉朱華覆紫巵尊卑序列各參差兩行几席圖千樹

三代衣冠集一時徑草烟柔含遠黛簷花風緩駐遊絲
自憐五十年來久皓首怡怡春正遲

園

次日命內人迎季母諸嫂及弟姪婦復讌集青

芳園樂事叙天倫筵席依然更復陳風雨深閨三月暮
清和小苑十朝春同行諸媛分昆弟上座尊姑列主賓

自是青陽臨此地一門俱作看花人
尋常來往各相當分袂離居似異鄉野墅獨開三徑靜
林亭恰有百花香菱菱緝葛清宵短冉冉鋤棉白日長
轉盼女紅閒不得莫教岑寂負春光

白菴詩集

卷五

六

塘畔薔薇花纏柳枝為先兄友梅子所遺覽而

流涕遂賦二絕

薔薇朝蕊露團團楊柳池塘日未乾不識種花人何去
春風時送路旁看

青園昨日酒筵陳獨別芳顏十七春兄於庚午年卒欲語孤兒還
掩淚恐驚滿座看花人青園讌集姪

園中花放不斷至於煙窗門隙皆見喜作八絕
記之選四

環簷繞屋列芳業瓦上橫斜萬朵紅閒睡五更天未曉
夢魂都在百花中

朝朝羣婢擁花園萬紫千紅折不殘更有黃鸝深處宿
一枝銜出上欄干

嫩蕊柔條百尺繩每緣高樹自相憑時蓄微月於十姊妹等
花字亦經桃橙樹抄東
風不解花無力吹上枝頭第幾層

青園爛熳總長春獨坐苔痕拂錦茵日暖紅塵飛不到
百花香裏一詩人

澗水遶竹林外激湍可觀內人置酒其間因作
行樂詞三章

林落生幽翠積雨乍晴曠置几當澗道引觴臨潺湲曲
如浙江流湍同巫峽翻綠岸多修竹猗猗似淇園娟娟
白蕤詩集 卷五 七

濯露花又若浣溪軒飛瀑懸絕壁瀾漫入平原乃知曠
達士天地歸邛樊會心良不遠靜觀已忘言
流水去何急我心空自閒滔滔成白水混混出青山疇
昔好遠涉風雨阻間關良辰且留佇開樽漱幽蘭浮醖
經石瀨濯佩結雲鬢安得同心人為我洗塵顏好風從
東來清波相與還及此不云樂鬢髮亦已班
溶溶自逶迤悠悠向遠流轟轟起盤渦滾滾蕩浮漚我
欲置一芥飄然以為舟上下無定處與世同優游未言
謝塵壒去去往蓬邛古人惜白日秉燭恣夜遊飲酒聊
自樂臨流可忘憂如何徒拘束感此復淹留

車埠雜咏十六首 選六

西南偏警挿芙蓉偏警芙蓉
二山名 委宛東來水上龍日暮小櫻

新雨後白雲飛盡見青峯

皂潭秋水蓼花風兩岸漁舟繫釣筒更有月明搖粉白

清歌纔出綠楊中

曲沼煙波鏡面開菱花秋月好徘徊畫船寂寂雞鳴港

無復遊人歌舞來

湖口山頭烈婦墳李日舊
妻周氏 碑坊煙樹共清芬貞心一斤歸

磐石湖名湖化作朝朝水上雲

磐石湖堤七里遙蓬頭樹影對蕭蕭昔年王子同遊日
白蕤詩集 卷五 八

吹面春風上柳條王子詩大
微字鶴書

春深溪漲掩平蕪楊柳斜風綠滿鋪欲問青山烟霧隔

倚門愁見鴨兒湖湖名

有螢食瓜苗

爾非螟螣類益我凶荒年腐草翻為虐青苗亦可憐方

將歌嗒嗒那復望縣縣生事託微渺長鏡意惘然

桂陰蟲滅後瓜蔓爾空初飛食誰能捕潛踪竟莫除痴

兒窺徑隙老婦輟耒鋤北牖銀缸暗休來照舊書

去冬送別兆熊姪有明年春水看桃花之句并

約印侯兄同至已而愆期四月田頭面賦一

絕

曾約青園醉酒卮去年臘月一絨詩即今人面還相見
不及桃花欲放時

徐六臻舟為余辛亥同遊洋而早卒四妹能勤

家課子詩以美之并示勉二甥

女弟清操比士行並占兩姪婉兒長男學第五册次女外

甥書傍寒機月中饋九分晚閣香舊日青衿芹藻潤春

風翠帶鶯蘿長為憐三十年前友獨自清吟鬢髮蒼

刺錦為詩囊歌

我聞天孫組織紛元黃日月星斗羅縹緗又聞織女機

白菴詩集

卷五

九

杼成七襄碧漢銀河耀天章文昌座中校書郎染翰侍
立玉皇旁丹文綠字誰可藏寶積瑤函韜寒芒一朝得
罪謫遊荒奔竄塵途空茫茫海角天涯繫詩囊風飄雨
零色不先徐君一見為斷腸夫人妙手世無雙玉纓懶
自製霓裳金針不肯繡鴛鴦外元作綠內朱裝慘澹經
營何其良我將攜之觀萬方湘娥巫女心惆張上為
天子奏明堂下為野客咏山房秋水芰荷白雲香百年
懷抱永不忘

竹林歌贈徐大鎮南

十二疊嶂萬竿竹主人命工選林麓大刀劇伐似裂繒

小刀刮磨如削玉製作矮榻何光瑩片如鑑平匡如軸
輕滑有如藕根白細潤又如苔痕綠休羨燕殿招涼珠
漫誇吳宮冰縹縹歸真堂中日焚香千倦閉門聊獨宿
見我掀枕笑相迎慨然欲移青山谷安得長睡夢不醒
北窻薰風自往復

歸真堂雜咏十首選四

客問交游亦頗疎白雲綠樹是吾廬塵飛不染衣衫淨
閉戶朝朝自讀書

松花竹葉落飛檐夜靜焚香半捲簾忽覺階前清影亂

一鈎新月露纖纖

白菴詩集

卷五

十

碧雲深處結亭臺白日重扃長翠苔見我笑迎歌杜甫
蓬門今始為君開
大阮高懷小謝吟疎雲朗月共披襟慈闈遣婢呼兒去
半在荆花半竹林

牧愛亭雜咏十首選二

江南河北路曾經萬里歸來愛此亭池上春風吹不盡
一回芳草一回青

夜靜亭臺漾碧空百年心跡有誰同我為過客君為主
都在青山綠水中

龍門泉歌

獅子巖石龍門泉上有高峯挿青天幽竹蒼藤生雲煙
下有羣龍洞中眠鱗甲不動深窅然含珠激薄怒噴涎
峭壁盤渦驚迴瀾陰風鼓盪雪花團浸人肌骨白日寒
農夫灌稻幾萬千其餘流波為百川可惜山狹尚無田
滔滔直入湖海邊天地浩渺出窮淵物大氣威相周旋
如何涸轍望眼穿對此荒谿空流連

過崇陽北門畷族人

到屋雨滂沱門前挂笠簑婦歸多杵麥兒出半鋤禾四
月閒人少十年往事多自丙子至今丙戌却憐毛髮變相看轉蹉跎

白菴詩集

卷五

十一

蘭泉莊龍雨大作醉咏八首選二

駿馬將何去艤艤安用哉門前成海若樓上即蓬萊鷗
鷺游無定蛟龍鬧不開青園千萬里何日賦歸來
曼桷常飄沫虛堂不受塵蒼鷺喧啞客白兔靜依人夢
短因驚漏炊遲更待薪吾生隨造物誰復問迷津

桃花泉阻雨雜咏

臨水煙波濯酒卮當牕把玩獨吟詩風吹萬點桃花雨
似過秦人古峒時歲丙子春冒雨遊桃源唐類公携其石曰秦人古峒幽蘭別業自成家時族兄伯勝自幽蘭往還此白酒千瓶注紫霞笑問青
山人何去雨中日日醉桃花

題洪山靈濟寺

六月洪山寺靈光出五臺師修行五臺山枯禪龕下坐塵壒路旁
開野水秧蒸日巖雲石碾雷東南雨未到颯颯遠風來

幽蘭道上驟雨至家即景

幽蘭驚雨暴踰嶺及蓬扉霹靂檐豚躍飄風谷鳥飛水
光雲欲澹山影翠將微行指青園路蒼蒼綴夕暉
西來六十里暮靄出城隅顧僕行將倦無錢酒漫沽月
華雲靄黓草色露模糊叩戶覺清迥涼風響碧梧

寄懷省城陶六雲嶺

江水西來浸碧天青山北望正茫然黃龍寺裏秋風客

白菴詩集

卷五

十二

不得吟詩似去年

雲後館黃龍寺旁去年嘗賜咏於此

避雨梅隣寺

急雨過梅湖因風泊岸隅繫舟尋客舍炊飯借僧壚白
浪隨高下青山下有無年荒秋易老前去采菱菰

舟中

武昌三百里獨泛一舟輕帆影亂雲日江光變雨晴山
隨新漲動機雜晚雷鳴名利非吾事風波未可行

漢上苦熱行

漢口室如甕望天井底光炎日蒸下濕沸沸如煎湯人
生趨名利如蟻聞羶薌但求心所欲不顧身被殃隔江

有黃鶴何不臨風翔

豈無脂與粉徒汗冰玉骨豈無沐與膏莫沃青絲髮豈不矜繁喧反以增炎熱走者肩相摩坐者趾相接何不蕩蘭舟空江望明月

昔我家居時竹樹藏書屋上有清風吹下有碧澗浴輕衫何翩翩緩帶聊結束故人一紙書使我傷局促誓當謝塵鞅行馬返空谷

陳三西峯長郎以江夏童子首薦列於庠詩以勉之

古稱弟子員受命先師始采彼穎澤芹申以釋菜祀世

白菴詩集 卷五

十三

俗矜顯榮高談每卑視局促小成人方進輒自止二者各殊趨儒術漸波靡君家舊江州德星耀門里甲第交聯翩棣萼競光燁令尊早馳名三十已筮仕返旆歌蓼莪傳經及桑梓汝自風塵來神骨如秋水一出超人羣連袂成佳士吾族諸子弟參差并序齒是日開黌宮冠蓋擁都市登庭鳴鼓鐘啟函披圖史逮此方歲年肅然陳古禮努力策前途欣懷繼世美

漢口問王耐菴夫子家消息

生前無一報沒後已蒼茫五馬歸彭澤孤舟渡漢陽萱常凋落日太宜人柏節勵秋霜維配問道移花好清芬黃氏惹

菴堂繼立

不作清蕪吏寧知孝友恩薄田供寡母遺命散諸媛百折無他志三孀守一門師臨終命繼娶黃終母事二妾任他遷奉同守志平生旌節義

惟此峇幽魂

司馬西江路蕭蕭漢上秋士林同悵望文字竟誰投琴鶴千年別煙波萬里浮獨留孤客淚空酒仲宣樓

晤劉廣文歸自靖州稱鶴山書院所植花木尚茂長諸生培護不懈感賦一律

江夏初歸鐔渠陽欲泛槎偶逢今日客猶數昔年花雨露根常沃風霜鬢易華吾生憔悴甚春色滿天涯

白菴詩集

卷五

十四

與徐十五子敬武昌坐月

皓月掀素幃清光浸瑤席眾星出袖間澹雲宕層巒手摘夜來香心含秋水碧美人若飄風輕塵為故迹良辰不可期幽懷共虛白

營營市中塵入夜漸銷滅侍女浴蘭湯膏沐潤秀髮所至多淄汙豈不憐玉骨景清漏始長天曠思微發紈扇寂無聲空庭有明月

荷華已凋紅桂蕊未放綠前後不相待含愁倚江曲念被素心人俗冗尚碌碌微吟感舊音子敬昔多古詩今甘散秋低徊空往復千載亦有名振躬自結束

秋日食西瓜

西瓜能降暑腹健亦宜秋白露經三日紅漿倒百甌市
兒猶重價野客正淹留老向青園去東陵學故侯

江中風雨暴作既覆舟忽泊岸乃作水仙歌

秋日漢江平如掌中流笑起蕪天浪湛湛雨聲東北來
狂飈迷離皆失向簸揚孤艇一葉飛忽在水底忽天上
黑雲紛拏雷電奔鞭撻魚龍噴江豚我欲破浪海底開
龍門龍門萬怪列雲屯我欲攀雲九重叩天關天帝幾
幾何其尊我曾觀四方走中原東游滄溟西淮漢北逾
河洛南湘沅足踏龜鼉憶周穆手弄牛斗泛張騫何況
白菴詩集 卷五 十五

蕞爾咫尺地奚能使我墜沉昏霎時風迴泊岸村市兒
笑我濕衫禪竹輿舁至故人宅西峯解衣傾金樽水中
之人何自出仙乎仙乎歸來魂

送徐子敬之石首書院並東廣文周展也

繡林江上舊書帷秋水荷花照客衣聞道瀟溪老周子
吟風弄月未曾歸

武昌晤馬五鳳頴館舍因亟勸刻令祖給諫公

詩文奏疏諸集

國朝文獻數君門給練丰裁動
帝閣盛業誰堪追令祖遺書能不望賢孫江城寂寞稀

親友容館蕭涼似野村日暮瓶蘭香未減秋風坐對欲
消魂

秋日見荷花

日澹揚紅萼天寒出淥波當時不相遇臨別空如何雲
澤秋風急水鄉荒草多似離傷士女無復采蓮歌

周貞女詩 江夏周仁女

鄂城周氏女許字張氏子張氏通漕舶子忽中道委女
時方刺繡聞訃驚欲死家人為解脫女始有生理欲奔
江浦喪茫茫春草裏欲弔江浦墳未知竟誰是冬月漕
回空同母渡江水再拜謁舅姑臨江設祭禮哭聲震天
白菴詩集 卷五 十六

地慘容慟神鬼遠欲守夫家側身奉甘旨舅云我多男
船頭集船尾姑云我多媳不須汝服使豈無伯與姊子
子不我以豈不戀諸媛顧我不相似僉勸女且歸偕母
返門里素髮日在頭朱顏日凋毀如彼風中花飛片落
泥滓芳心抱故枝含英不成蕊又如水上萍飄飄無定
止寸心起柱石屹然鎮波靡願終百年軀不易一日始
憶昔締盟日姓字託空紙懷此貞木心根深不可徙生
前面不識沒後魂相倚我聞三歎息望風瞻彼美安得
輜軒來江皋採芳芷

晤李二立夫

我入雲夢平聲野君如冰雪清庭階孤月色衣帶遠秋聲
虎子巖風落即今尹子文虎乳處龍鬚潦水平邑有龍窟湖流連因夙好三
過楚王城

雲夢道上寄慰王半畝先生廷鴻

太史高懷且自寬西河淚眼莫教殘謂令蘭臺有子披

圖籍槐閣諸孫擁鳳鸞往日瑤童傳錦字辛巳贈秋風銀

膾落冰盤即今遙望春長在猶解當年范叔寒時范二主館事

食西瓜歌荅張醫師

我不採東海三山神仙藥亦不去西天佛國清涼臺但

願一年西瓜三萬六千枚日剖百枚金刀開一吸紅霞

白純詩集

卷五

十七

五千杯吾友西田真愛我朝朝買盡雲中街過客解囊
傾金壘銀河倒瀉何壯哉笑殺淵明太白空飲酒東籬
長安皆塵埃那能得此瓊漿玉液之清味吟詩颯颯天
上來

忽見李二西田館課題頃成三篇以目病不得

書呼令即紫溪口授記之

慣有詩文癖矇矓托渺虛心花愁不斷腹稿意全儲左
氏盲成傳伏生老授書他年同遊覽倚馬莫躊躇

中秋日有以桂花贈西田者西田遂挈榼就其

地賞之折取多枝以歸

秋風城外桂花黃朝日分來到盡堂轉笑主人收不住
一枝引出滿園香

輕衫緩步逐香來自帶茶鐺與酒杯行過林塘三五里

蓬門煙樹一時開

醉折繁枝滿路歸花香萬藹襲人衣可憐今夜團圓月

却恨庭前影乍稀

中秋與李二西田賞月兼為明日留別有作

明月出海渚徘徊雲夢澤入我懷抱中照此瓊瑤席素

娥凌空虛叢桂倚深碧挾瑟發妙音天風何蕭索霓裳

舞蹁躑去來杳無迹人世稀所聞哀情含脉脉佇立青

白純詩集

卷五

十八

雲端徬徨獨太息千載不可期會言及良夕

窈窕天無極熒熒夜何其小屋正三五河漢澹希微避

近日以晚白露沾我衣感燕不可久樂極生傷悲今日

頃水東明日頃水西一去千萬里安知何時歸執手登

高邛秋風草離離但願素心同長共秋月輝

再和西田賞月原韻

連朝不肯去安州正待今宵素月流一代高風歸北海

十年清興在南樓滄江玉笛吹黃鶴碧漢銀濤捲白鷗

安得乘槎泛牛斗與君長共百千秋

東寄余元亭

城樓仙子館城西門為木白樓野艇道人橋踏雪詩相送登雲路
已選宦遊多歲月故侶獨漁樵落日停車問秋風舊酒瓢

與同宗小還京鯉漢東學署坐話

齊安太守舊賓客恰當壬戌遊赤壁丁卯搢篋王司馬
東坡重來還如昔二公去後訪故人往迷扁舟繫君宅
一別天涯等萍踪十年相憶不相逢我泛長空南湖月
君騰扶搖北溟風舍弟挾策屢不第春去秋歸如孤鴻
詔傳面試金鑾殿同君備員咸安宮

帝視九齡好丰度命爾秉鐸司漢東漢東郡中新弟子
白蕪詩集 卷五 十九

半是庭前舊桃李昔時司馬遷黷宮又開藝林蒸多士
東帛招我登講壇種花鋤雲拂淨几馬帳回首二十春
龍門激濤三千里今我見君如昆弟諸生見我親骨髓
桂花宮殿高吟哦楊柳池塘並徙倚斯文自作一家人
道義之交貫終始君將報最到何方我亦翱翔無定止
鴈南燕北語中途安知後來復奚似

漢東雜咏五十首選八

雪藕冰梨碧玉菱銀盤為我解炎蒸青煙竹裏新烹茗
又過當年古寺僧
周廻泮水抱城流夾岸垂楊好繫舟遙看碧波千尺影

月明初上鳳凰樓

紛紛車馬度平橋翠雨陰濃望轉遙共道王公親手植
春風莫折綠楊條

衣冠客舍日盈門鄉市逢人酒滿樽獨上高城揮別淚
十年司馬未招魂

安居州西西望白雲間馬鬣龍池未可攀日見峯頭出
湏水十年恨不到洪山洪山有馬鬣龍池

連年水旱迭稱凶小麥輕棉可禦冬莫教兒曹失耕種
深山自古有神農

羅子城南酒更馨朝朝為我注銀瓶漢東西去襄陽路
白蕪詩集 卷五 二十

莫問長亭與短亭

經行舊院倚欄干手把桃枝拂袖寒却憶栽時連夜雨
年年花放與人看

丙戌秋希崖兄主祭諸先壟先擬東撰 高曾

以下祝詞各肖其功德及期將至留滯漢東
感賦東寄

秋風湏水上遠望東南陵霽日明華耀祥雲隱鬱騰吾
兄司俎豆先壟肅嘗烝具識馨香徧深知典禮增文詞
浮旅舍功德擬 高曾夢定欣猶作魂歸悵未能低徊
晨馬過輾轉暮欄憑何日同追撰千年簿記登

九月十三夜小還以重陽送客不得共游乃攜

諸同學乘月登鳳凰樓讌集

重陽分客路明月共遊遨東壁文初集撰齊東閣南樓興

正豪林陰通野徑池藻淨塵翳邂逅多仙侶蕭閒得冷

宵步緣丹閣上身與白雲高倒漢迴天鴈飛星落海鼇

標有冠清兮冰玉片光散鳳皇毛桂露沾香液松風捲翠

濤凌虛方倚檻望遠更傾醪杯沁陶公菊盤堆王母桃

吟聲飄律呂笑語動鈞璈何處調絃管無人亂刺嘈主

賓千載契萍水一時遭慷慨憑吳劍蒼茫接楚騷登臨

懷往跡感王夫感激為揮毫願以崇明德因之解鬱陶

白龜詩集

卷五

五

以瓶載酒命僕隨所往即飲因再題白雲菴

銀瓶攜酒到誰家路過白雲日已斜獨坐吟詩人不識

秋風重醉碧蓮花

厲山李氏適劉早寡生二子俱歿後被讒見逐

及姑復之如初以孝終又繼立嗣為夫後於

其五十也詩以美之

十九清操直至今柏舟渺渺幾浮沉憑空風作千層浪

到底波澄一片心寡鵠飼雛空鏃羽孤花結木已成林

爭傳人歷冰霜久會見

皇恩雨露深節婦例以年滿五十得受旌表

武昌別弟季鴻開萊及諸姪至漢東

芳草分江渚秋風入漢舫水歸魚浪遠霜落鴈聲高白

髮羈朋輩青山羨汝曹朱欄石室淨何日共清醪

謝生成珠冒雨來安居館舍

前送浮纓橋落日時那堪寒雨獨追隨最憐一夜孤燈

影纔聽鷄鳴又別離

詩文應酬累月不暇有腹稿不得就因步北郊

嶺頭四望得之

論文門如市藏身苦無室散步北郊外恍惚如有失崇

岡獨登眺四野風瑟瑟舉首竟遠天平眼舒落日萬象

白龜詩集

卷五

五

窈然空孤衷誰與匹景物增綺思心機含妙術拙哉曠

下士硜硜徒執筆豈知虛無中神游歸太乙

戴子伯明周子道清過安居館舍

厲鄉並轡到安居冬月晴光澹水渠二十年來成老友

天涯猶共一牕書

座中戲贈吳郎

吳郎飲我苦內熱飛觴往來不停輟酒氣炎炎騰心胸

那有清涼餐冰雪沉醉扶我出西堂眼見屋角挂斜陽

誰家苑裏烏桺樹纍纍赤實明珠光枝高十丈不肯落

上有羣鳥爭相啄嗟哉主人何不仁賤人貴物乃薄惡

我為作歌復垂涎吳郎吳郎伐桂之斧今可劇

醉卧瓶梅下歌

漢東城南寒初重朔風吹雪亂相送騎驢一似孟襄陽
把酒又如李供奉爛醉高卧梅花下窗外雪色射梁棟
半醒殘燈漏微光榻上花枝虛影弄不知此身在何方
但覺枕邊香暗動淡粧綠衣無覓處偷然自入羅浮夢

太華歌贈趙進士一杜士梅兼呈屠觀察

我聞蒼天西揭黃河東金精削出蓮花峯拔地特起八
萬六千丈巉岉竒詭參元穹下蟠龍門砥柱之神鼇上
迴玉關不到之飛鴻巖蔽日月卧蒼龍萬古煙雲青濛濛

白菴詩集

卷五

二十三

濛長晴積暝常不見仙人掌上生芙蓉有時宿雨天下
霽俄現五指金光炯炯耀瞳矐華池之巔碧蓮叢根如
雪芽花如紅夜半月竈香露濃羣仙戲舞清虛風呼風
吸露五内徹令人長生貌若童玉女洗頭金盆中手摘
蓮花自修容明星環佩絕世而獨立愁視人間艷色空
我昔北臨河洛躋印嵩慨然命車策青驄行至青要山
呂氏宅與人遠巡不敢從吾友寶山李立夫自稱年少
經此入西雍當時征鞍亦暫駐但見仙掌恍惚隱現之
神工又有浙藩杜霍麓謫戍安西清軍戎我將偕之崑
崙軒轅臺舉觴王母白玉宮一旦邊庭失壯士十年使

我路不通近來茅昌搖青太史王夫子見我高談氣何
雄遽欲作書華陰主云是潼商觀察老屠公惜哉南轅
北轍不得去白日滾滾紅塵封如何白帝嚴秘關每夢
靈光盪心胸關中古往今來名利客未知所見同不同
雲夢趙君新出春官第仗劍西指斗牛衝我作太華歌
為君餞行踪請為稽首山靈下又向觀察為我道微衷
他日定有昌黎興屠公今未老那得攀援狂號令我悲
途窮

舟過浙河飲沈五酒甚佳復攜送舟中

桃花潭下波千尺竹葉尊中酒十分笑殺碧山李太白

白菴詩集

卷五

二十四

當年獨恨不逢君

讀西峯玉珠篇別後却寄

玉珠者楚中名媛也德容音律冠絕一時藏身二
十餘年未有匹者西峯因某司馬得見故有是作
余感而賦之

江漢自古多麗人岷陽晴川照青春忽傳玉珠獨絕世
一掃粉黛空浮塵深閨潛藏若什襲含嬌不肯當風立
待價三十虛無人天地為愁神鬼泣君不見浣溪花箋
薛校書茂陵煙雨病相如又不見銅鞮聲唱小大燕一
在襄陽一在吳誰家司馬能竟得那惜千金傾城國却

恐相逢不相知錯認江南與江北我讀君詞想容儀素
練彩毫生蛾眉錦囊詩陳銀管咽安得携之雲中吹
琵琶青衫兩寂寞我亦低徊停江棹桃花洞口春水深會
當一笑臨仙閣

喜徐十五十六表第七樞並葬省城東門外杏

花村

河間徐司馬溟南鵬翮舉劔凌雲霄交游傾海宇一
旦失上官位喪命亦殂夫人扶旅櫬諸孤并族旅落落
故園墟嗷嗷栖江渚延賓脫簪珥訓子截機杼卓哉仲
叔賢十五行二江漢稱翹楚冢婦郡守孫十一居長娶武昌我
十六行三章公諱培基女孫

白純詩集

卷五

二五

姊及甥女所生俱不辰猶子失所主從姊通司馬姓其早世僅遺一甥女連余氏生二女而歿
瑤臺羣玉姿吹簫諧律呂紅塵不受侵白雲去無所表三
林清華如仙當居白雲宮一時德容詩詞絕世亦以屢卒後有記真集藹藹蕙與蘭飄飄零風雨夫人
感內傷玉顏寧久駐游魂寄蕭寺不得歸蒲土白鶴與
青鸞朝來暮復去二子顧悽愴泪涕悲故處稽首先靈
側卜兆東門圃並厝安諸姬豈惟報父母一代聚聲華
百年光林塢我欲乘素車白茅為縮酒春風杏花村仿
佛蕪湖浦

徐子敬飲以衡酒因憶昔遊長沙郡守呂南村

見贈感賦

武昌東渡漢江平衡酒還如湘水清十載長沙呂太守
如今歸去洛陽城

四更發杜家洲

雞聲聞野岸曉起促帆歸殘月猶隨棹輕霜欲上衣天
空飛鴈絕江濶渡人稀遙望東南浦青山影翠微

白純詩集

卷五

二六

白苑詩集卷六

蒲圻張開東賓陽氏著

男兆騫編校

正月十一日先約諸弟姪雲峒課夜奔崇陽道

上作丁亥稿

人心如穀種乘時當秀發甲中懷新英文機興勃勃去冬勞人事精華易汨沒新歲多燕飲酒食亦戕伐趣此朔氣先漸瀆春水活自恃老農勤心力靡不竭培土莫墜芽植根莫揺末微雨從東來谷風起條達我去經泥塗我歸見明月良辰誓不易誰謂甘飢渴

春雪最盛摧壓紫竹宮逐日整頓已而作歌

白苑詩集

卷六

一

春陰一夜青山白堆砌瓊瑤二三尺連朝冰凌日影藏蓬門壅塞堅如石可憐園花凍不開轉嘆徑竹半摧折我欲刷伐愁無力呼童持鏡為決裂掃除地皮見青苔爬梳枝頭揚翠葉扶持顛倒萬竿直蒼藤赤繩交盤結是日天霽夕陽明晚風蕭蕭起林樾羣鳥歸來復營巢我亦草亭待新月飛鳴鏗鏘和我吟靜坐聽之生怡悅

聽諸兒擊鼓

茅山正月始歌舞三尺兒童善搥鼓或來或去集堂階隨處聽之稱聖手鑼鼓碎鳴若點兵戛然忽止開部伍小鑼三聲大鑼一鼓從中間參二五緩如孤蟄跳池塘

瑟如羣鴉噪林藪三緊三慢如對敵兩軍衝突交鋒弩須尖手柔氣力微悄悄人馬徐遁去霎時追騎旋如風風馳雨驟香無處嗟哉此技亦何神翻笈年少不及汝而今老大一無能空學詩歌安足許要知此理自相通且住鼓聲聽我語

草亭落成邀宗族月夜讌集

我昔多為客倦游思栖托常與花竹親胸懷有餘樂敞廬三五間風雨將零落編花結臺榭交竹隱簾箔宵然坐虛冥幽抱對寂寞宿鳥時一鳴寤歌亦偶作飢驅出門戶園籬易蕭索昨從遠方歸蒼蒼營草閣

白苑詩集

卷六

二

撐柱若空亭蓬蓋若扁舟春風歛白水影與青山浮自我經始日薦歲戒勿休采竹兼僧舍誅茅及鄰邱宗戚重嘉惠慷慨成我謀坎坎老農人為我束綢繆元宵功既畢明月出深幽古人勤秉燭及此良夜遊

棲遲未一旬理裝復遠涉二月春猶寒徑陰尚積雪手把青蘭枝含涕情脈脈念我久栽培與爾忽離別好鳥藏春聲嬌花懷顏色連朝天霽開香溪水活活相期不相待咫尺為契濶他鄉諒豈殊故園我獨悅前輩幾諸父參差諸弟兄依依及總角藹藹花下情去年此園中看花杯共傾今年遠游子花色未分明宿酒

聃已具野菽並雜陳曳履苔印綠懸燈林影清酣歌復
笑語管絃何錚鏘盡此今夕懽斜月倚參橫

諸弟姪數十人再置酒草亭讌集

昨日壺觴復共傾良宵景色轉幽清不辭紅燭煙光亂
長照青園樹影明李氏瓊筵非一處謝家芳草亦多情
依依莫問前途事携手花間過此生

季鴻弟暨諸姪冒雨送別茅山嶺

青山朝霧送行時愁倚亭欄花信遲洒涕不如林外雨
風吹猶上故園枝

泥塗佇立各霑巾杯酒何時共夕晨回首林巒俱杳靄
白菴詩集 卷六 三

青峯樹杪一行人

題六溪店壁

細雨扁舟下六溪嫩楊初拂翠眉低東風不肯留人醉
吹上征帆直向西

花朝舟中對月

白沙洲明月共徘徊寂寂春江獨舉杯分付東風過漢
水百花兩岸一時開

雨歇將暮泊黃荆口晤李二立夫一宿即去感賦

秋月城頭別桂柯故人清興復如何江行不斷孤舟雨

溪水新添一尺波晚泊蝶隨芳草渡晚來鶯送綠楊歌
可憐一夕成幽夢回首雲煙隱薜蘿

過同宗曉山青陽即席賦答

殘冬別去鄂王州芳歲重登太白樓煙草漸鋪湏水岸
桃花初放碧山頭行隨絳帳三春接坐戀清尊半日留
不惜金龜遂卜夜釣魚潭名潭下月明舟

恭讀 樂善堂全集

天子綜文武乾坤照陸離萬幾常鑑古百代獨敦詩采
徽星雲爛風含草木滋清霄聞遠籟初日仰高枝瀟洒
真淳雅贖歌總妙詞獨慚樵牧咏遙隔鳳凰池
白菴詩集 卷六 四

漢東寄酒讌諸兄弟姪草亭二首

湏水多芳酒清齋已暮春每當風雨夜空醉別離人望
道思同席停杯淚滿中故園花爛熳寄飲一相親

千里兒童返一尊到幾時亭閒應寂寂舟去莫遲遲老
婦傳新盞嬌花夢故枝仍同懽讌集好寄別來詩

僧自省紅紫牡丹盛放新製圍欄掩護寓目有作

紅粉朱顏照滿林禪房曲徑畫陰陰花王常住多香國
佛子真成不染心古殿風迴雲影暗重欄日障露華深
清宵別去敲鐘鼓靜掩山門何處尋

儲三培風攜盆蘭見贈

故園香入夢感子忽隨身幽室如相待空山若有人窓
深新受綠座久澹忘春別去見明月因之一沈塵

雨中懷耘香溪亭

臨波_名風雨似飄萍空憶山溪一草亭隱隱山從雲外
濕萋萋草入夢中青薔薇萬朵紅拖地龍竹千竿綠染
庭自恨少陵常作客灑西終日掩柴扃

綉毬花

幽芳含綠萼素艷出青苞皎皎雲翻葉團團月上梢玉
顏堪一掬珠露莫全拋自賞風流質終朝尚繫匏

白菴詩集

卷六

五

戴子伯明五月初四來臨波草堂論文終夜不

休明早告別不可留因感賦二律

鳴鞭來野館劍馬繫他槽坐試天中酒談分夜半膏昔
年存戴禮明日感離騷朝露蕭蕭去相看有二毛

題畫呂仙

黃鶴磯頭曾作客岳陽樓上似逢老仙風不用丹青手
萬里天空見白雲

牟珠湖看蓮歌

我來湖畔看蓮花但見蓮葉滿路遮_{時取者}蓮葉半焦復
半濕蓮花空對水中泣可憐綠盡花獨紅不待零落悲

秋風秋風何日採蓮子又掘蓮根入秋水安得盡種太
華池萬古千秋無人知

示騫兒

攜汝來千里離羣已半年父書燈影共母病夢魂牽旅
沉煩衣食家傳在簡編畏人論世系慚我獨稱賢
憶昔同兒歲舌耕覓遠糧外家雖相國孤子遠還鄉苦
力追堂訓薄遊歷海荒飄搖誰似汝出入總門墻

內人報新移亭子薔薇花放如故牡丹亦感喜

而口占

為恨芳林不共看書來一似倚亭欄薔薇亦解合新土
白菴詩集

卷六

六

依舊花開賽牡丹

李二西田家居訓其子姪詩文皆有法紀時姪

奉年十六邑試童子第一遂列庠次子芾尤

工詩

英齡筆挾廣陵濤窺見淵源北海高池草都成蘭蕙質
家雞并作鳳鸞毛十年林下心偏細千里雲中氣自豪
更愛幼郎奇絕處蒼茫獨步涉風騷

雲夢柳塘早眺

孌孌東門柳陰陰拂曙城况經昨夜雨恰對曉風清衣
帶雲俱綠池塘日漸明長條吹不盡因見故人情

過黃香墓

漢代黃香葬此邦南州徐子亦心降黃公沒徐雅不遠千里送葬見雲夢志尚書
千古傳安陸鄉祀於今徧楚江原籍江夏郡安陸縣今安陸與雲夢江夏三縣並祀鄉賢祠高塚
路旁還自並夫人同坐今名天下本無雙我來憑弔停車望細
雨斜風度野石

自雲夢肩輿返郡城李二立夫以馬送騫兒數

十里及僕歸途次大雨

雲夢城壯雨翻盆白晝迷離似夕昏但去安州十五里
且投曠野一孤村兒還倦馬拖泥靴僕有餘錢問酒樽
總為故人情緒切崎嶇前路莫深論

白菴詩集

卷六

七

雲夢道上聞程大奉時任清溪令

文吏來燕北官軍出楚西應趨諸葛峒且過伏波溪野
浦園林在荒山琴鶴攜遙情飛片楮慎勿厭卑栖

繫舟柳林避暑因命舟子携盞小飲

白日依林樾綠陰覆酒杯影隨孤棹靜香逐細風來慣
坐親幽鳥閒眠拂嫩苔千年荒蔓裏宴笑自今開

德安書院晤陶雲嶺

小舫隨侯澤高齋郎子城畫梁喧燕語碧樹落蟬聲詩
谷桃花艷即桃酒杯竹葉清由來江漢客彷彿舊時情朝牧

教江漢書院拾余
寓馬時為諸生

避暑愁無地消閒別有天城雲濃作雨階草翠如煙緩
帶飄吟席輕幃拂講筵人生萍水會暫此一流連

獨望請仙館空傳宰相林謂許蒼涼俱異代憑弔是吾心
晚日橫渠業秋風彭澤吟看君當早出不戀菊花陰
共欲杼幽抱同來作遠游相逢如萬里一別已三秋雲
淨山中峒月明江上樓故鄉煙雨隔何處有歸舟

雨中登昭明臺

古稱帝王裔崇文貴徵實陳思既善作昭明復善述戎
馬日控惚風流生暇逸一朝延名英百家歸紀律量洪
纖並納鑿空衡亦密我來臨高臺寒雨風瑟瑟蕭條望

白菴詩集

卷六

八

層雲香靄聞芳蕊緬懷已千年修葺愁無日斯人不可
遇行當返石室

夫人城

自昔忠勳家男女多俊特運籌出深宮侍從皆羽翼朱
序守襄陽敵人來相逼母氏料敵情城潰必西北率婢
及民婦踴躍捍封域一夜起重城須臾果退賊誰謂粉
黛姿能保金湯國壯哉夫人謀諸婢與有力我聞木蘭
軍英雄殊無匹夫人功在守木蘭戰則克千古尤奇事
非人意所測客行臨荒邱徬徨長太息碑亦不能銘泥
亦安可塞只今風蕭蕭秋草含青色

出襄陽南門攜酒問習池所在就飲其地醉歸

馬上作

升陵不在高臨川不在廣願言追昔游安得羈世網晚
日耀華裾清風飄塵鞅道逢軒車來翛然矜獨往寒甃
湧碧流空谷發幽響自古名勝區奄忽委草莽茲池久
留傳

興朝開滉瀆毛子亦善書碑詞聊駐賞池館經康熙初年重修
毛會建作碑記并書醉
歌澹忘歸山月餘清朗

將游武當為觀察張公篋椒聖治留掌教庶門
自駕單車入紫霄武當何期中路便相邀唐廷並譜千秋

白菴詩集

卷六

九

鑑漢殿曾傳七葉貂歲暮鹿門徵聘促天高仙洞夢歸
遙芒鞋竹杖登壇席努力文明翼

聖朝

登九宮山返同宗景軒燭留飲

與君攜手碧山亭落日寒煙楚塞青莫問高陽池上飲
銅鞮歸路倒銀瓶

楊大廷選贈酒

鹿門香滿正開罈便飲高亭晚日酣不信樊城霜月冷
梅花春已渡江南

答景軒

鹿門深掩寂無譁敢謂淵源共一家寒月獨鋤荒徑草
春風自種滿亭花即春頻來手札堆青玉景軒來札以數
十計至此答每接容
光醉紫霞豈是仲宣愁作賦登樓空悵漢江涯

東李二蓼灘竹溪

詩寄楊花欲斷魂前年寄楊花詩
十首極悲慨春風不語怨荒村却憐漢
水寒流急不送愁人下鹿門

遙聞叔父泮思藤謝世既哭之三日紀以詩

貧賤多離別死生為奔走連年悼諸父存者安可久老
叔八十餘曠達堅清守春日辭出門青青墻頭柳送我
岐路旁舍愁不回首五月兒輩來乍見問安否叔父寄

白菴詩集

卷六

十

我書苦病速衰朽八月兒還家費錢為買酒豈知七月
凶一滴未入口仲冬始聞音痛哭羣友文采不庇身
棲遲難半畝膝下兩諸兄婚嗣遲所有同胞諸仲季西
川莫援手同堂數十人分烟殊林數往來每繼談子處
屢掣肘憶昔操觚時期望傾北斗注目仰青雲傷心失
黃耆小阮自能文大阮非不壽感激抱憂慚遭逢嗟老
叟先德積應長諸父培亦厚太和充門閭微青間戶牖
正直天所鍾嶽嶽高曾後
穀城會族中諸弟
少時羣嬉游同集青峰宅如何一分手天涯成遠別條

忽數十年音書每寥濶面目憶始真兒女懽相接弟婦
出他鄉見我尚羞澀朝割肥豚烹暮呼斗酒熟醃菹好
黃芽沁齒清如雪幼弟乍追陪著字亦秀傑先人培本
根榮華經累葉艱苦復再造流風安得歇忠厚天所佑
通勉勤職業且謀衣食資還念詩書澤攀留數晨昏辭
去情難決並送漢水頭極目悵孤楫

樊城寄杜鶴南

日把青山寶劍鐔三年解贈未開函秋風因過襄陽路
纔有音書到鶴南

顧東崑崔他山餞別

白菴詩集

卷六

十一

別錢寒堂酒盡樽樊城歸渡月黃昏來年春水鴨頭綠
又泛輕舟到鹿門

臘月答儲培風

襄陽路轉鳳皇臺又見城頭送客杯忽得安居詩一紙
肩輿夜向雪中來

十二月廿八之夕歸自襄陽諸姪暨姪孫輩迎

於塗次

暮夜勞諸子窮年媿遠迎肩輿休獨坐提火且同行拂
袖風塵色登堂笑語聲芳樽傾一醉暢叙已三更
今年餘兩夕元旦隔三朝歲事人俱靜春愁酒易消歸

遲翻暇逸坐定轉飄搖惟有林亭會頻來不用招

臘月廿八夜抵家內人秉燭指看園中諸花

遠客看花似故人勞卿指點倍傷神客來客去愁中老
花落花開夢裏春小閣青陽須共醉長鏡白日未全貧
梅香竹影還如舊留得餘閒待此身

正月二日閱呂二十二仁元寄書及詩驚柏巖

刺史沒遂痛哭作歌紀之戊子稿

去冬襄陽歸已促新安寄書不敢讀元旦慶賀齊喧呼
詰朝開緘盡一哭昔駕中車青要山村平生神交見力
園卧病強起惟十日東去成學空招魂力園手訂松坪

白菴詩集

卷六

十二

詩數卷江華仙令遙相羨星使名作夜郎書馬帳延登

鶴山院先力園請訂方伯松坪詩既訂仁元以其稿送仲父柏巖江華署柏巖

渡南湖君亦歸庭苑桃李長芳菲錦匣還稿齊安守柏巖

守季子匏村氏二人南來不相值離騷恨逐湘江水先仁

各蕭然地北天南音書絕那堪刺史歸黃泉讀禮說著

一百部敬麓詩藏五千首兩事待訂屬何人海天寥濶

竟誰有柏巖寄讀禮說百本折衷精當屬子參吁嗟乎王司馬晏中

丞柏巖力園更友朋雲霄寂寞鴻鶴息風雷不使蛟龍

騰傷心相知日益寡借問報書何人也茅亭一宿杳無踪令我洒淚青山下

新正叔父儀一招宴因與諸父商助發兆姪婚配

樂日忽生悲安居亦念危鬱葱連理樹零落獨孤枝感此芳春宴能無百世思瓊筵承醉飽願得共榮滋

家人述去年瓶中紅梅花久不謝至四月條成二寶眾以為異口占記之

世稱瓶中花浮艷鮮堅質去年折嘉梅玩賞良有日自我出門巷征途弗遑恤如何久不凋歷夏成兩實歲暮

白菴詩集

卷六

十三

客子歸家人共忻述躊躇然疑恍惚聞香客入道本難期天工安可必追維此平生坎坷屢蕭瑟賦性又迂疎不解種殖術每覘身所經續終生岑寂百花隨我出羣芳隨我入省躬累愆尤孤衷恒憂惕與物戒傷殘遇寧後迪吉族類偶沾危終夜如疾疾脫與空在懷眾望殊多失一掬此生意藹然抱幽室

春日與姪兆觀登青峯因覽豐潭山形勢

緩步踏青山層層擁玉鬢花風輕入袖林日遠開顏綠樹巖千疊清流一灣王侯誰不慕獨覺野雲閒將之襄陽與諸弟姪耘香亭話別

共倚朱欄白日暄依遠無奈此亭軒鹿門花柳還相待不盡春風在故園

將行內人置酒牡丹架下預賞請季鴻弟陪飲

不道天香吐晚春爭將春早送行人花如有意應傳笑酒自無言亦解擗把盞似開三月宴憑欄須絆百年身惠連最愛芳園約華萼樓前共夕晨

過車埠補祝金母七十歌

自古懿徽稱陶柳今聞金母踵其後昔我曾過宣公堤賢聲流傳徧萬口耐嘗暮宿愛吾廬開堂設餞傾大斗既為脫珥陳賓筵又能提壺滋蘭畝佳兒一洒薛濤箋

白菴詩集

卷六

十四

風韵翩翩不停手虛心結交盡文人善氣逢迎多良友去年高堂七十秋錦屏詩列八百首鐘鳴鼎食非不榮那得文章光且久我來縱覽發長吟舉家歡呼還進酒人生養子須讀書不在富貴在賢母

買蕪行

夜泊萍洲青草生岸上兒喚賣蕪聲正月蕪長纜盈寸十錢便購三百莖憶昔江邊好兒女春日尋芳携筐筐有時凶荒待充飢一家活命全賴汝去年盡向他鄉奔十室九虛今安存又聞餓死不得食空見青青滿江村洲頭小兒連根掇少婦去葉常供客賣得幾錢換米歸

我亦吞之不下咽

謁廉訪使朱石君先生二首

內翰提刑屬鉅公外臺召見盡春風明經皂帽衝庭入
太史朱衣夾路通烏府雲開千帙錦鰲峰雨洒萬花叢
從容叨對平生望願得封侯未許同

京國浮名動遠思蓬扉靜掩媿新口幸至楚嘗行隨滄海
風塵老歸倚青山夜月遲旅館逢迎多異地雲霄願盼
不同時庶門西去猶搔首芳草秋江會有期

花朝晤杜鶴南

市宅貪春夢羈人愛早行入門驚病色幽室有琴聲細
白苑詩集 卷六 十五

草生雲砌飛花拂露楹芳樽終日醉揮手不勝情

謁杜敬菴前輩

漢舉過謁別荆州萬里征人得壯游給札兼垂新免穎
賜金况典舊貂裘時贈紙筆兼天邊日暮猶青眼江上風高
未白頭季子雲霄鷓鴣健望顏還醉玉山秋

哭同宗澹菴先生

昔年江上醉芙蓉笑倚蘭臺碧玉峯自愛千秋追二老
封許社老向那堪別路失同宗傳經已慰青雲望待詔終當紫綬
封令即亦樓選貢可是扁舟重泊處春風芳草憶雍容

送景軒同宗歸山石

那堪春酒別離間二月征鞍出楚關折柳重城經漢水
看花一路到浮山景軒浮山人事緣兒女兼相迫詩過風塵好
自閒屈指北來鴻信早高亭明月待君還

喜觀察使張公辦兵差時禱雨輒應

監軍控德禱龍神一夜甘霖滿漢津赤日久懸千里望
綠陰初覆萬家春隨車禾麥都沾露走馬干戈亦洗塵
笑指湛恩波及處鹿門柳色倍清新

四壽堂詩為叔父儀一七十併呈

叔祖元氣渾包絡完璞天然無雕琢德配太湖鄒夫人
靈孕四叔聯花萼長叔膠庠儀一公言坊行表稱鉅宗
白苑詩集 卷六 十六

醉面盍背山嶽重長髯蒼嚴森虬龍仲叔清瘦寒玉骨
有時揮毫弄秋月眼如流星眉如雲飄臨風見鬚髮
又若三叔酷愛文章子一試輒冠軍手把古編坐幽室
撚髭提壺常微醺季叔美髯吟佳句含芳咀華不肯吐
日高三丈醉猶眠琥珀杯覆薔薇露青蓮樂事誇天倫
當時豈盡百歲人不知羣季更何似那能滿座皆長春
世稱香山會九老商山并傳多四皓安得齊出一門賢
同乳所生並和好髦期不聞詬誶聲終朝相對銀瓶傾
驥子龍孫花間舞白姬鄭婢階頭行吾家成周敦敦孝友
奕葉承繼俱仁厚不營濁利受清名不墮卑趨登上壽

即今長叔古稀年雪藕冰桃開華筵諸叔進爵賓從獻
便是崑崙游羣仙

兄衡員八十歌

茅山兄弟七十人纜數吾兄八十春春光渾渾山氣鬱
穆然想見古先民昔我孩提兄已壯十年天涯各分向
我方披衣泮水中兄正策馬燕臺上歸持佳兒若掌珠
慙勤從我案頭書朝捧清茶夜攜酒松風竹月臨牕虛
當時我輩俱年少列坐青衿爭談笑玉女峯高仙人吟
富貴浮華安足道誰知轉盼痛西河我亦為兄涕滂沱
口含飴并手作字咏咏兩孫交摩呵別後征人走南北
白菴詩集 卷六 十七

同巢栖鳥傷折翼蒼涼故山萬重雲一番見面一悲惻
忽看長孫新成婚去秋又報生重孫見我喜抱學兒語
不用藜杖扶出門自笑年少翻不及昨日登臺怯崇級
却羨清晨離浴盤科頭林下迎風立吾兄之前誰為兄
與兄同脰皆長生鬚鬢漆黑顏不變至今耳目全聰明
側聞夙疾瘦入骨心機如火光迅發如何勞極神偏腴
執禮兢兢恒不越君不見觀音石屋多白狸雲溪千齡
產元龜中有靈芝並三秀兄且前行我相隨

藍玉圃過訪賦答

匹馬從東來孤征亦壯哉纔經炎帝峒獨立楚王臺雨

燕投書幌風花送酒杯相留聊信宿懷抱一時開

隨州張子過鹿門

漢東旅客別還家雨後無塵日正華倘遇故人相問切
春風亭上看新花

哭李二蓼灘

鹿門花落鳥悲啼聞道先生老竹溪前日寄詩情款款
春風洒涕草萋萋百年車馬交游絕一代聲華烟雨迷
回首龍標憑弔處芳祠長在夜郎西昔蒙滄海野中弔王龍標有詩悲咽不自禁余感笑
蘭泉山舍讀新詩余幼時聽家叔司馬詞壇並見口後十餘年多在
仙吏幾人千載會冷官一卧十年時自從別去空相憶
白菴詩集 卷六 十八

何不歸來竟爾為寄語郎中諸子弟招魂都唱竹枝詞

同弟季鴻姪兆敦游習池月下騎驢歸鹿門

我醉習池日已迷季弟酌酌小郎疲蒼茫月出峴山閣
依稀似到羊公祠道士開門驚相揖笑殺山公無馬騎
佇立解衣何磅礴古槐清風當人吹覓得三驢并村僕
扶我上鞍軟如泥一驢前突一驢却蕩漾斜迤城南堤
驢背吟詩都不穩顧影乍昂還乍低太守庭前躑躅過
市兒爭看鹿門西

方伯閔峙庭先生督軍襄陽過賢母祠席間呈

二十六韻

停輿欽懿範繫馬入幽祠延佇殊良久咨詢昔所知迴廊流盼昧隔幙見光儀瑞旭升朱檻文星耀彩旗始驚方伯至敢列侍臣隨一介叨陪席諸生引拜墀濫承觀祭聘謬廁黨庠師假道留滕館臨壇撤董帷時假鹿門書院先官行署故遂干戈忻載戢禮樂景重熙素辭鳴金石虛宥宿鼓聲圖開花自放客散鳥相窺投筆懷班策題銘想漢碑滇南烽火烈薰北羽書馳楚塞當中道荆藩控四夷千軍趨峴首萬馬飲江湄

王命經徒御天威靜虎羆寧知宣武力尚復注文詞公關桂苑清風坐苔階白日移監軍三月令視學十

白菴詩集

卷六

十九

年期出當掌煙塵外冰心藻鑑垂從容嫻大道造次接芳規雨淨絃歌潤雲含草木滋勒勳麟閣會敷化鹿門時古柏文翁植祠後為前等甘棠名伯遺山亭今仰止德望有餘思為獻高陽酒還陳吉甫詩

聞胡大牧亭典試雲南路過襄陽感賦

帝服南溟遠文星北斗臨風塵驚一過車馬有餘音玉鑑千秋望冰壺萬里心無為誇貢獻象齒與南金

鯨浪昆池湧鷹揚楚塞騰

王師勤戰伐國典重賓興材以邊城壯風迴漲海澄栖栖六月道慎勿畏炎蒸

海內稱知已寥寥復幾人艱難纔一遇會晤已無因殿閣文章老乾坤鬢髮新鹿門歸路便攜酒漢江濱

襄陽龍舟歌

襄陽五月逢三五官軍渡盡江南浦不聞龍舟槳鼓聲但聞比鄰呼疾苦亭長齊控太守門龍舟豈徒弔忠魂今年病疫人多死請驅厲鬼馮夷奔大官許開三日禁一時五舟恣游騁壯夫怒臂伐鼓喧兩人揚麾千人勁城濠繞城十里長夾岸楊柳穿橋梁昨夜微雨添新綠娘孃風吹菱荷香五龍五色旗幟匹龍鱗人衣皆合一二十四橈浪花掀天光宵黯雲陰黑此時羣舟鬪不休

白菴詩集

卷六

二十

觀者輻輳同山邨病叟扶杖跳出戶村婦束髮競搔頭將軍持箭分部伍城下男子城上女操舟諸兒同嘻嘻憤不關今戲不侮誰家巧作采蓮船湘簾不捲橫江煙亦有拳帷善歌舞輕流急管相周旋忽傳將軍放籠鴨銀牌繫頸飛城破翠毛滄濤勾出沒坐看羣舟爭奪劫何人捕獲最稱雄解取銀牌掛當胸船頭酒筵常供給一吸千杯氣如虹後今掃除山澤鬼甲兵洗淨天河水萬國太平任嬉游我亦蕩漾煙波裏

立秋日送光化陳司訓赴鄉試兼便道省親

官兵南去淨塵氣先承辦峴首新秋正送君玉照亭今極山

歸天上坐丹花香入袖中聞多桂鴨頭綠水三更月鰲背
晴暉萬里雲年少廣文經細柳桓桓直欲掃千軍

贈襄陽郡學師李鶴灣輝烈歌

去年驅車上太嶽道逢襄陽李司鐸細雨斜牽薜蘿陰
秋風初剪芙蓉萼李君留我不肯住手指紫霄黃金閣
騎馬送出銅鞮坊解囊又傾鸚鵡杓須臾白馬條來追
追傳觀察遙相約本是乾坤浪游人那堪冠帶更束縛
方城自古稱名都賢侯風流善著作廣文先生亦有名
何為苦向途人索蒼黃不辨促肩與劉子慷慨更衣襖
觀察一見若平生請登鹿門掌繩削木落天寒欲何之

白菴詩集

卷六

廿一

春風亭院且栖托淨樂宮稅供膏肓明春花發凌秀嶠
迂濶故態還復蒙遽坐經臺脫芒屨鹽齏不負十年心
焦勞敢輕千鈞諾今年春夏頗早暘征南兵馬經繹絡
大官監臨小吏馳文武公解交紛錯講堂權充制軍府
祠壇聊懸山長幕多材廣文兼治戎安得餘閒任揮霍
我輩生徒闢幽居鋤草栽花自吟酌忽聞兵去返舊宮
翠竹碧梧眼虛廓夜夢魂飛秋天高七十二峰當空落
醒起茫茫獨倚欄忍使山靈長寂寞雲散簾捲江波清
倩君彩筆標林壑

復上蘭臺

襄王宮闕盡尚復見蘭臺過客今猶昔雄風去不回秋
歸江漢淨天落雨雲開神女亦寂寞空憐作賦才

七夕同弟季鴻舟中值雨

孤舟停漢浦兩宿隱天河久別都忘老秋風早見多楊
林生暮雨蘋末動微波小弟呼同飲家園憶若何
我猶趨鄂渚汝且入菴湖青谷虛亭在丹花結蕊無江
濤羈客壯山色病妻癯身世萍蹤裏終當聚一隅
賈錢為諸姪備鄉試卷題其緘
鹿門前日餞諸生並贈青蚨為送行况我自來聯一本
羈人能望羣英月宮風散千花樹雲峒天開萬里程

白菴詩集

卷六

廿三

可憶頻年文會處金每年正月約請弟姪雲峒會講休將蘿薜負簪纓

鄂城秋日聞潘四行甫五月病卒於家並感其

兄子斌早世慟而有作

秋風江漢起吹落小芙蓉潘居山有大芙蓉云峒今兄子斌別號芙蓉故云好月凋雙萼
愁雲鎖萬重安仁稱老壽靈運感遭逢我欲招魂晚廬
山羅湖山名夜半鐘
才橫天所忌質弱鬼為殃人世真如夢吾生亦不祥奇
篇經老眼曾以詩文見質故篋有餘香地府精靈在修文藉二郎

初雪

莫信長晴日翻疑昨夜霜林柯新曳白檐隙迥生光宿

鴈迷前浦羈人感異鄉
紀童忘乍冷印跡踏池塘

杜虹山文書遲悞有滯秋
闌雨夜悵然有作

臙脂山下芙蓉雨青石
礪邊楊柳風為恨陰雲吹不散

倚闌獨望月朦朧

鄉試第一場與姪兆觀
兆衡同號舍喜成三律

龍門分手各匆匆矮屋
懽迎二妙同聚先生酌酒渾如花

萼下吟詩勝似竹林中
好牽闌幕通檐月多熟爐香接

座風三十餘年成曠會
春園上國總融融

未必提攜力不勝爭來
收拾最精能勸題甚照三竿日

此場發題最遲冒雨還傳五夜燈
薄暮加衣憐小阮謂姪來朝賜飯

白菴詩集 卷六 三

有中丞是科撫軍待士優初龍頭莫便矜
相屬萬里長風并可

十度摹元老歲華如今
出手未曾差自留松柏孤枝秀

却羨芙蓉並蒂花青味
熾窺晶鏡此字不用眼鏡後楷書白頭

倩整角巾斜他時顯晦
誰能定機杼文章正一家

二場方伯閱時庭先生
點名停筆起問書藝風

格期許首薦喜而口占

鹿門青眼到龍門公臨鹿門書院因得相識首點朱衣
氣象尊大座中丞

懸日月左司方伯動乾
坤五千獨異鄉人目第一深銜

國士恩不待題名便感
激風雲盛會有誰論

二場與宋客山同號舍
夜飲有作

君從北院轉南闌似此
家鄉遠客歸便出香醪分小酌

不辭高燭盡餘輝樓中
清吹風初落天上丹花露正肥

請看頭顱能耐老可將
白髮問朱衣

三場客山仍同號舍

每嘆家居會面難那期
棘苑得重惟瓶經昨日何曾減

月到今宵竟欲團雲漢
兩枝垂袖裏天人三策在毫端

中丞出院還傳餅攜手
仙亭醉未闌

過舊主人

舊館逢夫子愬然脫左
膝吾貧良不惜汝餓更難堪四

白菴詩集 卷六 四

顧俱無侶多情昔所諳
傾囊聊解渴獨對酒家慙

榜放後戲東邑中諸友

寄語諸君只等閒昨宵
風雨度江關龍頭龍尾都難見

留得孤雲返故山

去年新安呂子過我不
值聞靖州牧柏巖已沒

及見六溪店壁書仁元
名為之流涕因并題

壁

洛陽孤客鴈書稀曾到
青山掩夕扉此去竟成千載別

不知能得幾時歸徒逢
旅館詩題壁每見君名淚濕衣

湖北河南車馬息人生
相好莫相違

丹桓開樸七弟王公祭事適西馥開棠四弟病

卒左右支持形神並瘁祭畢復與余共秉家

政實所嘉賴詩以美之

英齡樸老佐諸昆喪祭何堪聚一門正自傷心趨舊壘
偏教掩淚弔新魂兒童盡罷擄戲僕隸都知矩矱尊
惟有吾家根蒂固百年重見此曾孫

督學胡公題贈祖母賀太君暨姑母沈節孝二

額報者至遂乘竹輿同至沈宅并感有作

天降孀娥寒門集並倚玉樹空中立白露結霜水成冰
生來豈復關學習祖母十九未止人七月孤兒淚痕濕

白菴詩集

卷六

廿五

纖纖弱女亦在抱錦綉千縷重襲桂萼蘭芽穉可憐
西風蕭瑟吹太急誰料女嫁春不長紅絲割裂白苧緝
果贏負子思何深柏舟並列衛姜什珥筆雙傳邑宰乘
心懷遺芳手共拾王夫子立有合傳後修志并錄之披瀝遽欲達九閭天高雲
深呼不及此事寂寥數十秋輜車洒翰清光泥揚綵鳴
金驚山隅羣兒懼迎老婦泣乃知當年冰雪腸散作人
間春翁翁

過經輔開權弟有贈並商幽蘭舊宅事

惠連風景復何如漢水歸人記舊居採藥春眠雲洞庶
敲詩夜聽石潭魚秋來山稻堪為釀雨過學蘭可自鋤

更說幽人田宅近林間計畫一躊躇

金塘即事別諸弟姪

羈人千里問幽蘭一路肩輿掩淚看總為高曾存矩矱
何勞族侶進杯盤煙花故宅餘香在霜葉疎林夕照殘
佇立金塘回首望青峯相對憶漫漫

喜姪接兆新詩種種俱佳得曾叔祖蘭泉公之

遺即席賦贈

大沙高唱感唐篇曾見大沙寺客堂刻蘭泉公春遊詩中有潮音震醒千家夢花影搖回兩岸春之句祖武孫
謀信可傳夕照西齋名新吟三十首一時風韻滿蘭泉

聞女李氏病亟恐不相見余將遠涉內人並不

白菴詩集

卷六

廿六

得往而次媳亦命在須臾因覓兩竹輿攜內
人同至洪山為一夕之會

淑慎真吾女遭逢命所為喜聞今日會病減一時危父
母俱相見死生終自離啾啾雜絮語執手勿長悲
半日聊相聚終宵竟未眠輿人方促去病媳且危顛涕
眼雙珠落慈腸兩地牽孱軀送出戶再晤是何年

石門古柳歌

石門古柳三人圍肩輿一過驚見稀橫枝屈曲蔭百畝
直幹嗟我撐雲霓九天風作聲浙浙飄颻夜雨空山飛
白日中天轉頭末疎影不肯沾人衣山間萬木同根柢

如何孤標獨矜奇不知何代經雨露何年霜雪交披離
盤錯抑塞乾坤老輪囷蕭索神鬼疑匠石駭顧却且走
手操斧斤無所施

帝京路遠莫能致民家得之亦何為從來材大嘆無用
留與萬古清風吹

山下答童子

山下逢童子笑顏揖我前邀迎非里舍親故亦纏絲隣
媪爭投飲與人勸息肩人生感相識何必姓名傳

逐犬行

小犬隨我三五里回頭一見輒掉尾揮之以肱令還家

白菴詩集

卷六

廿七

若迎若距張兩耳轉過山頭去復來僕夫叱咤竟不止
忽忽潛遁寂無踪又從間道遙相俟我揚鞭箠示之威
將身顛仆隨地委再投以石終不去但願相隨不畏死
爾何不歸守邱園奔走他鄉寧得已我為歎歎復哽咽
林落一嘯悲風起去冬今秋聞我歸懼跳如出雲霄裏
只今僮僕杳無人獨經千山并萬水不知此處到何方
茫茫前途更奚似老婦每念傷人心微物多情亦如此
人生驕兒息成仇頑兒遭斥反目視我呼小犬且同歸
入門從容語吾子

夜醒聞姪兆奕書聲喜而記之

青山落木晚風清宿鳥捎林夢復驚起視寒燈光不定
隔溪時送讀書聲

哭姪兆書子亦殤

竹根并折筍松子不成秧爛熳干花裏蕭涼一草堂青
春悲仲氏白首送諸郎弟開一在同能行三列邑序
早世子二長兆棄亦歿拂淚題詩句
斯人或不亡

次媳喪為內人解恨

本欲完兒女翻來累舅姑勞心終莫補好事不如無白
雪梅空冷青春草自枯人生隨造化不必淚傾珠

別內人

白菴詩集

卷六

廿八

栖遲數月各匆忙別後還須自主張祖薦全資鋤圃力
兒書分借紡縈光酒因送我偏能醉花不留人亦自香
看過山亭回首切願教兩鬢莫飛霜

喜徐天隲新列邑庠

河間搖落寄江城司馬流風屬後生孺子才堪追伯仲
令孫名亦動公卿瓊花枝上春光麗玉筍林中露氣清
為待滋培齊結實故鄉相望有餘榮

車埠別騫兒

稚髮纖纖逐馬行橋頭回首又孤征他年好繼琴書願
一附青雲萬里程

沙湖漁口號

大婦撐船接小姑船頭船尾自相呼門前不斷長流水
渡過沙湖更白湖
湖邊烟草兩三家婦倚蓬門夜績麻莫訝西風吹作雪
前村一片是蘆花

雪中醉吟皆不起草將及安陸而酒告罄矣因

東杜虹山

瑤臺玉女捧琅函詩酒千章酒百罇安得知音同一醉
陽春臺上杜征南

聞後過杜虹山

白菴詩集

卷六

七

一曲知音寡千秋和者難荒臺一悵望古調不須彈雪
淨蒼天遠風高白日寒淹留安可久握手發三歎

我本名心澹為君駐眼高孤身懸了了百口待嗷嗷海
濶傷鴻翼謂金天空落鳳毛腰間橫寶劍意氣尚英豪

寄騫兒

屢命從吾出翻憐汝母孤猶疑矜乳犢轉恐負慈烏旅
里琴書潤風塵淚血枯臨岐三嘆息行止為踟躕
髻齡書作種旅館客為家聚首踪無定分心鬢已華天
風歛古木月露洒新花但得靈根在吾生信有涯
寄衡員希崖兩兄刻海崖公制義

累世崇文菴流風到海崖明經空外翰夙草尚沉埋祖
武身為代孫謀眾可諧荒江思舊澤此事屬吾儕

與張亦樓杜虹山夜飲

不惜金尊盡深知玉漏長同心當此夕分手即他鄉
忽年將暮依回夜未央吾儕隨造物計日報春陽

典衣行

漢江朔風捲雪濤孤舟薪米空寥寥鄂中虹山氣何豪
招我入門醉醪醕是時百口聲嗷嗷手解紬服典金刀
昔年晚劍風蕭蕭又換征衣歸林皋安得杜子凌雲霄
一掃人間淨塵囂仲輕裘須綈袍了了之義安足高

白菴詩集

卷六

三十

虹山亦樓俱贈酒舟中

連朝阻風雪我行亦孔久醉吟雖復多家醞竟何有悠
悠入郢中踟躕空搔首杜子攜盈尊宗人載滿白遙指
襄陽郡計日良可數野館寄梅枝驛亭折楊柳人生天
地間到處須朋友

小年

為典寒衣送客錢烹豚藝酒共懽然揚帆笑與舟人語
今日江頭是小年

杜呂兩太學生歌有序

戊子冬杪既與杜子別獨坐扁舟念其高風偉抱

炫人心目又憶河南松坪公子清華妙詞冠絕羣
英一產洛中一居漢上與僕契好殆十有餘年雖
在輓近之際亦所稱天涯知己千載奇逢者也兩
人生長清門為世華胄甫及髫齡即納名太學攷
歷代朝制品第優崇近時體卹下情率便宜行事
不拘一格然當今秀傑之士多出其間動掇魏科
推重一世兩人良不多讓顧猶踟躕躊躇場屋不得遽
與諸君子吐氣揚眉抑恐溷跡泥塗尚不免為俗
評所儕伍也故特表之以著其實且以卜將來云
古來名重大學生近時得者翻自鄙百金一入司農部

白菴詩集

卷六

卅一

尺牘便稱辟雍士紉綉子弟坐得名屠沽儻父喧誇市
亦有華胄騁青雲徃徃捷足越泮水
國朝名儒或間出令人駭聽還驚視吾友安陸杜虹山
洛陽仁元呂公子仁元丰遂瓊瑤枝秀眉朱顏清骨頰
四代臚列春官中八座聯翩雲霄裏今高祖忠節公維祺官太傅曾祖兆琳御史祖履恒少司農父守
曾方伯皆進士出身王氏外孫謝家郎孟津青要鍾奇偉書宗擬園
詩力園文製治古澗樵美羸臺天半落吟聲牙籤金章
侍女史青要宮所居山名治古少司農文集澗樵令叔祖光祿文集羸臺令伯力園所構仁元嘗師事力園又侍妾識文翰屈指乾坤復
幾人殆與班曹相昂峙地北天南音書絕柏巖力園皆
長逝伯巖靖州刺史仁元親伯父虹山都督小元孫鈴閣中間春風起今高祖守

法蘭朝都督祖世安陸郡司理人理以選貢舉孝廉慈悼江南葉夫人並產珠胎雙麟趾伯
兄矯矯青海龍今元官德舉進士任浙藩仲子桓桓蒼山兕幹長五尺目
雄眦斃行齊下辨亥豕胸羅萬卷賦千言涵涵波瀾生
清泓又能力挽五石弓一箭雙鷗皆墮死兩人年少登
膠庠方伯之子方伯弟天下名材數二三大兒小兒誰
可比惜哉塵途驚駘多忍使蕭索迷駮駟我為作歌一
品題拭目並驅騰萬里

白菴詩集

卷六

卅二

白蕤詩集卷七

蒲圻張開東賓陽氏著

男兆騫編



元日襄陽郡學博李鵠灣邀同僚龔翹山李荷亭羅沌陽陪宴即席賦答嗣後輪次接飲各贈一首己丑稿

天集耆英際此辰庭軒淑景一時新青毡雪散千年酒絳帳風迴五日春前臘月廿七日春共笑杯盤傾北海徐看花柳滿東津東津漢漢上地名文壇今古稱佳會莫問江亭餞別人

初一日羅沌陽纔飲屠蘇又木瓜是日飲此酒廣文珍錯亦何奢鑪烟半燼談

白蕤詩集

卷七

初換日影添長醉未斜傳令不須依舊譜趣春正好看新花荆州故有羅含宅那得賓朋樂歲華

初四日李荷亭

一笑春風釋冷官何曾首肯入冰盤將軍好士偏辭酒是日戎府邀諸學師飲以陪予俱不赴野客逢君亦飽餐祀戶全消門外雪香楚正月初三日祭門神即古登堂都散袖中寒延平清苦猶酣暢老大誰云行路難

初五日龔翹山

南宮初出振師儒何幸招邀滿座隅飲比長鯨同泛濫行如孤鶴獨清癯外翰清署仙供茗中饋虛銜僕典廚

時今大尚未獲醉咏春風歸興好不愁策馬路崎嶇

正月鹿門書院別諸生四首

先賢生長此名都三郡人文列座隅常訪淵源追嶽麓每懷風韻近蘇湖單車一過驚觀察厚幣頻來感宿儒丁亥秋游太和過此為張觀察所留後有加禮冬去春還臨漢渚低回今古獨踟躕

春風亭畔刈蒿萊花柳參差手自栽天下慨然為己任吾鄉能不望人材寒燈暑茗筵常集夜月朝霜鐸並催余製一木鐸於春風亭右晨擊令諸生齊起

前年與馬送東舉雪裏書傳廣俊豪副使開緘飛羽檄將軍假館旌旄旄丁亥冬張觀察以僕馬送至唐縣鎮雪中致書請檄三郡縣各送後秀入院張公得書即行迄明年戊子監軍大吏多假

白蕤詩集

卷七

二

書院為還移草閣炎天靜獨捲湘簾夜月高勘校自憐形盡瘁如今相憶得辭勞

奚囊載筆徧天涯聚散斯文總一家春日漸辭將去鴈別時猶惜未開花全消塵坱心方淨飽飫經書氣自華聞道新官多獎激橋頭回首莫長嗟

屏裏門外望張采亭舊櫬之處雨中愴然有作去年猶得親君墓今日空來弔客魂一抹荒郊青草色瀟瀟春雨落黃昏

與亦樓留連觴咏有日時擬赴國子監並假道吳中謁梁方伯余復有志縱游山海遂贈二

律以壯其行

出處分中道淹留共夕晨山川真愛客花月可憐人冀
北爭先日江南及早春別離吾亦慣獨羨有慈親
井里心偏狹天涯路豈遙高風凌海嶽孤月傍雲霄有
信傳青鳥何心戀黑貂江邊楊柳發計與折柔條

安陸城河淤塞殆百年居民食貨不便客亦罕

至屢議疏濬未訖而寢時新太守慨然與諸
鄉紳約眾願出萬金舉之且歲大歉邦民得
工作錢少舒其困而余泛舟訪舊并省十里
之勞極快事也喜志一律

白菴詩集

卷七

三

獅子溪開三十里龍飛橋湧萬金川漫言郡郭通商舶
已散傭民買粟錢種柳千家依渡口看花一水到門前
他時青翰還相訪明月輕波正渺然

閒步李氏新園

曲徑層臺入翠蔥朱欄粉壁照玲瓏魚池細葉留春水
藥圃輕鋤待好風儘許林亭孤客坐忘將姓字主人通
芳園樂事空相憶且得消閒半日中

贈黃丹亭琴歌

司馬贈琴挂青園廿年不得彈一絃每登伯牙臺上望
故人心跡俱茫然憶昔扁舟溯漢水玉井蘭臺興高舉

欲訪白雪陽春曲秋風沈寥空山川元佑宮中梁道士
胸貯冰玉凌雲烟絲桐楚中推第一幽微澹窅妙入元
却恨當面竟錯過轉聞黃子得真傳引我靜室聊三弄
兩人對坐默不言其時杜子立遠聽彷彿冷泠鳴清泉
但覺懷抱了澄澈那有俗慮牽心魂自經別去塵途奔
二子亦老荒江村宋玉高歌久搖落道士司馬今安存
因嘆古人誰可及成連遠遁伯牙泣我欲從之蓬萊山
天風孤嘯海波立

春雲

春雲瀰漫多變態人傳根柢生滄海立若城郭影參差

白菴詩集

卷七

四

墜如宮娥垂襟帶東風無力吹不開條去條來無定在
却復旖旎浮太空轉過湘波遙相待欲雨不雨巫山青
但見一抹寒眉黛徒自撩亂傷人心含愁脈脈江天外

江岸芳草行

昔從江上來今從江上去幾日東風吹綠染盈江渚孃
孃欲生雲萋萋忽作雨遊人不動驄馬嘶落日翻照白
鷗舉可憐扁舟此別離不得為汝少延佇行行前浦還
復多天涯何處不似汝

二月獨坐巢雲閣感昔年讌集同宗澹菴前輩

謝世杜虹山又他往不值

石頭城上倚高亭曾醉黃花倒玉瓶今日故人何處去
春風愁見草青青

再題巢雲閣二首

高閣臨江上虛亭起石頭天花飛檻入水月抱城流身
世俱塵芥乾坤一浪鷗欲知清淨處心與白雲游
曲磴行無盡層巒意轉孤江聲生遠樹天色落平蕪極
目傷千里幽懷滯一隅陽春追古調此際獨踟躕

次日亦樓見壁間題詩感傷復置酒愴然并答

天地如空亭人生若過客但將回首望倏忽往昔故
酒猶在尊故人不同席尚有後來者春風共朝夕

白苑詩集

卷七

五

怡園牡丹歌

天下牡丹數洛陽我見北邙空荒涼又嘗泛舟江南浦
名園不過三十樹何如襄陽朱老翁手植百本揚春風
高者丈餘低五尺或為紅紫或黃白迥不遽灌瘦不溜
天露土膏相和宜其餘雜花堆滿架兩翁對飲花樹下
大翁一吸三百杯小翁醉去還呼來醉眠花葉醒同掃
兩人俱向花中老龐眉赤頰照花叢終朝嬉戲若兒童
去年大翁醒成病小翁扶起復共飲客到懶散不着冠
但令兒郎接引看花間齊列青衿子諸郎和好與翁似
邀我石磴坐不歸把盞侍立並追隨圃蔬徑豆摘供宴

踏月夜送鹿門院我家兄弟數十人安得移花長青春

聞傳大經畧領軍過襄陽

三公親相國九錫大將軍南伐新膺命西征舊策勳和
鸞鳴楚甸花柳靜邊氛峴首人加額願公早捷聞

小醜鋒方銳中華氣不驕 天威周召虎

王命漢驃驍仍用蠻人力兼平漲海潮途間望顏色班
馬自蕭蕭

為高貞君杜氏五十作

義門幽閣一完人豈謂于歸五十春侍病不曾三日面
懷盟已許百年身居然似續稱陶母况爾芳徽接孟隣

白苑詩集

卷七

六

班氏勲猷曾女史請旌更別動楓宸

典衣作武當之遊

漢水淹三月南風逾十朝春深人意懶日艷草心驕應
謝樊城酒真輕季子貂蒼茫天一色太嶽未云遙

滯雨

一葉襄江五日關連朝風雨不勝寒烏鴉東望雲烟窟
白馬西來水石離舟子提壺頻進酒村釀烙餽每加餐

乾坤空笈歸瓢笠漫道名山會面難烏鴉武當廟名即世傳元武烏
鴉引路處白馬河在襄治西五

里十

襄注乍霽

晚霽凌江上迴風薄小舸纜牽隨野岸篙刺逆春潮碧
澗丹虹落青天白鷺遙何須苦留滯羽客坐相招

穀城放舟又雨

野闊天長暝江深雨乍昏孤蓬淹歲月一笠老乾坤不
入龍潭險安知帝嶽尊張騫泛牛斗應得見河源

雨中遊淨樂宮

淨樂宮稱帝子都九重殿閣抱城郭西天王母疑升降
東海蓬萊定有無但望紫雲橫碧落猶傳丹詔列元符
春風細雨消塵劫古柏蒼蒼似畫圖

雨宿迎恩宮

白燕詩集

卷七

七

虹橋新漲暮潺湲望見山門客似還官道自行塵壙外
仙宮只在雨雲間霏霏爐篆人俱寂隱隱鐘聲夢亦閒
四十里來纔洗足芒鞋更欲問前山

過遇真宮

橋頭西望遇真宮夾道林陰流水中鵲嶺自生春草翠
仙臺時見落花紅徒傳丹竈人何處故剝銅碑像亦空
即張三丰修真之地前明遺宮
編訪不得後以銅碑鑄其像佇立道童頻指點飄飄襟帶有餘風

草店道中

古柏重陰覆面青悠悠驅馬碧雲亭羣遊仙鹿尋常見
百轉春鶯不斷聽剡水人行清似鑑武陵花落翠為屏

何時一結茅菴住盡日幽林讀道經

早起覽玉虛諸殿亭有感

帝座天壇春草深宮東南有
祀真武壇丹垣萬疊隱幽林松蘿入殿雲
牽碧龍象橫階日碎金炯炯珉碑同拂鏡冷冷玉澗似
鳴琴華陽道士歸何處愁見芙蓉涿水沉

冒雨宿紫霄宮

元靈峯前列紫霄即展旗峯
石色黑空濛烟雨望迢迢星池全注雲
中露禹跡真成天上橋宮前有日月七星等池前有禹跡
池為禹導山所經之虛橋因名榻下雷輪穿
澗底衣間虹帶落山腰清吟一曲誰相和時有仙人弄
玉簫

白燕詩集

卷七

朝雨觀南巖宮

南巖風景本仙家磴道盤虛未有涯古殿雲涵甘露水
春階雨灑碧桃花殿前有
甘霖井石堂高踞三清上金劍空懸萬
仞斜俗稱石殿巖上插
劍望之金色爛然我欲折梅尋舊跡飛昇臺畔隔煙霞

過黃龍峒一帶又雨

獨愛登臨興自孤朝朝瀾漫問前途千年洞鎖燒丹竈
萬丈繩懸賣藥壺昔修真者多居古洞萬仞上各賣
藥於從若懸繩者以錢投之出谷蕭條傳柱史
提籃烟雨憶麻姑黃龍黑虎多幽險此去朝天路有無

辭早行太和道中

萬仞峯頭天始光空中樹色曉蒼蒼但聞衆鳥春相語

不辨何花風自香露浣林罕常漸瀝雲牽衣帶故翱翔
人生都在紅塵下浪說神仙事渺茫

釋太和宮

峭壁南巖入太和遙瞻帝座自我我因知天上星辰近
却見雲中草木多金闕朝霞生碧海琪花宵露濯銀河
徘徊峯頂飄孤興每有仙羣共嘯歌

新樓

路轉天池上碧空九卿峯色翠蔥蔥重樓捲幕迎朝旭
隔澗吹笙度晚風綵服龍蟠瞻帝座香旛鳳舞引仙童
蒼茫孤客生悲惻似是崑崙白玉宮

白蕪詩集

卷七

九

新樓夜景

十二層樓得盡攀清宵獨自宿仙關池光星劃青銅鏡
山影風搖碧玉鬟谷湧松濤聞鶴唳天懸蓮炬照龍顏
為憐一榻無多處已在雲霄萬仞間

過三滴水巖

滴水巖邊蹊徑橫南巖西去更空清喬松千尺無人憩
幽鳥羣栖時一鳴竚看林花雲裏色行聽澗水石中聲
誰能車馬長為客不向深山起道情

四月朔一日五龍宮牡丹盛放

參山武當名烟雨度芳辰四月名花照眼新不計客途來

幾日始知仙館自長春青龍池上初披露玉女峯頭一
浣塵停杖蒼茫聊駐賞桃源回首是迷津

寄騫兒病後

諸兒不愛書汝弱復多病何以振家聲相依惟母命身
隨世共浮義與恩難併望遠發愁音及時當自省

寄內人

我入汝亦勞我出汝益悲我好遊海嶽汝悲守空幃一
去千餘里安知何時歸念汝日憔悴恐復無見期誓當
即歸來母使生別離往往游興發渺渺天一涯園中多
花木賴汝相培持願言築草宅坐賞莫相違

白蕪詩集

卷七

十

遥哭程大拳石

世傳君久死今日始聞真宦病歸鄉里交游失此人功
名心乍了詩酒會無因瀆水東流去何如淚滿巾

吳翁文在年七十杜門不出因期一晤轉答以

詩

落日城南戶半闌綠陰庭上見朱顏只緣過客渾多事
惹得孤雲又出山

七竹酒筒歌有序

丁亥隨州以竹命匠製酒筒三一題曰醉竹二俱
題曰白蕪行酒皆鑄於筒腹今又製四筒一曰杖

頭瓶一曰一勺香一曰太和湯一曰花下竹奴乃併而歌之

隨州街頭多巨竹蒲圻巧匠削如玉前年製筒列成三一人可携一人擔攜者醉竹一尺五擔者行酒三尺九昨日眼見千个青四筒首作杖頭瓶杖頭尺二堪繫杖其餘三筒各殊狀烈酒少注一勺香醇醪渾涵太和湯太和春園宜醉月一勺好踏寒郊雪其一花下稱竹奴隨我看花不待呼有時良辰兄及弟朝朝侍從花下醉我將載之漢江歸早稻新釀問山妻出門高歌入門笑那有愁腸牽懷抱但願筒中長不空飲酒之樂樂無窮

白苑詩集

卷七

十一

過蘆陵主人固留七日有作

停輿歧路側杳靄問蘆陵雨淨孤烟直泉喧眾壑增修林藏屋脊蔓草結溪塍恍惚門墻在後前到未曾日照新堂壁懼迎舊主人濡輪憂未雨投轄及清晨夏木全消暑秋山不受塵林巒吾亦喜鳥鵲自相親

聽郢中說琴歌

郢中琴譜中州調元佑道士得微妙道士梁氏名書城往往獨抱懷古情南游偶經江都宰適逢琴師千載會琴師大興徐越千道士再拜覓真傳手傳十九真法部天地正聲飛南渡晚年道士復入都旅舍無人懸枯梧

取之三弄鳴商羽室中人聽淚如雨急走出問爾為誰我是當代琴師兒如何爾聲似先子是時越千已早死兩人握手哭斷腸京國四方為淒涼書城弟子學業替得其遺者杜黃輩越千之父尤絕倫自稱古浪之老人老人生長當勝國那識江南與河北又聞明季田貴妃音叶大雅並關雎每坐深闈奏明月激楚揚風驚莊烈帝謂汝音從何來婢子有母教不才帝頗惆悵疑他授妃密遣人迎其母鳳輦入朝髮皤皤一曲六宮低青蛾六宮春暖皆怡悅帝嘆此聲真妙絕御賜金冠碧玉簫天高重聆白雲謠飛燕掌上空善舞雪兒麗詞安足數

白苑詩集

卷七

十二

其後何人能嗣音煤山突岫黃河深綠綺朱絃挂幽閣美人何處尋寂寞妃母亦隸大興居徐氏母乃蓋其徒此事杜子陳委曲黃子一彈不肯續由來古調知者稀近代所傳是耶非我欲訪古追無及宋玉高歌湘娥泣

題杜大霍麓子杰扇頭歌

汝翁昔同游江漢聲如洪鐘目如電縱橫文壇仰天歌連拔兩闈皆捷戰奉詔歸娶天子郎黃蓋朱輪都人羨當時大廷佐銓衡走馬吳越開方面龍驤虎嘯風雲從誰為鸞鳳生羽翰解組初上西湖船瓣香直登南海殿南海大士降金童手執蓮花

香滿院汝翁奉檄出秦關家人懷珠走楚甸紫塞滄江路茫茫地北天南不相見我昔見汝尚在抱不見汝翁淚交泣先靈麗澤時尚未舉子乃涉海博祈普陀巖及廟宣陳氏有孕已降字及司馬卒於蘭州子生並未得見如今十齡能讀書向我索詩為題扇男兒及時早成名都督英豪方伯彥我為摩頭復長歌義門之後光素練

答郢中諸友

郢上諸君真愛我十千斗酒爭相沽不愁白雪無人和還作秋江送客圖鄴下才多比七子洛陽紙貴傾三都却嘆郡齋摩詰畫落落尋梅空自孤

過潛河

白蕪詩集

卷七

十三

野花無數亂飄零空屋都成水上萍惟有堤邊楊柳色秋風猶向路人青

沙湖蘆葉雨瀟瀟萬頃烟波一望遙莫道水荒禾盡沒年來生計是漁樵

靈壽杖呈安邑侯洛德歌

春風吹雲太嶽上千變萬化各殊狀中有四龍影盤擎仙人賜我靈壽杖再拜捧出金殿門還家紫氣羣相望一奉諸父一從兄閒拄青園常來往更攜一杖入城西直躋公堂拱北嚮我公宰蒲十四年簿書勞勞神獨旺大官檄下東西馳披星戴雪紛擾攘山驛駿馬三百匹

那惜鶴髮侵塵塊我願持此歷朝端稽首天子還嘉貺又願功成返故鄉山東父老交揖讓不待長跪謁公卿自作深山老宰相其一野人強自支載酒孤吟任放浪他日蓬萊問仙踪滄海波浮幾千丈

與族人夜話

人圖田產貽子孫子孫何厚兄弟薄豈知兄弟本同根一榮一枯分花萼轉看兄弟又子孫亦或榮華或凋落我家先人萬頃田首置祭田供烝初每值邑中歲大飢四方流民聚山壑正陽蠲穀一萬石助賑天朝盡傾橐公諱拱璧字正陽事戴湖廣通志義民傳曾祖隅菴並英明煮粥活人

白蕪詩集

卷七

十四

蕪施藥事載蒲圻志官軍走馬紅石團老成一言千兵却昔紅石事逆官令開於上吏遣武弁及甲士往治之過邑城先曾祖呼馬前曰此鄉愚無知不足為亂可持檄安撫以定幸如其言後其地男婦千餘人皆踵門泣拜曰君活我無數命成

食稅兩百年子孫衣冠忘耕鑿不犯官法不欺人共處深山敦渾噩傳至白蕪獨顛危園林秋風起蕭索飢來驅我出里門吸露孤吟游海嶽入門便數杖頭錢置酒兄弟花前酌有時典田代完糧有時典衣寒無著但願家富我自貧亦願我貴人俱樂公藝已同九世居西銘直包天地廓范公義莊規矩存一卷留待其人作人事力挽氣數窮忍栖荒村老寂寞徒媿先祖與古人中夜

依徊立草閣

酒德歌呈叔父修遠

先人釀酒幾萬石散作曾孫百千席大者賓祭小燕酬
累世不聞沉酒僻諸父三十有六人嚴君獨能浮大白
雨中曾醉佃農歸泥塗不見履齒迹外家宴賓歡若流
一吸百朋獨岸憤却看家飲但三杯餘瀝分兒面俱赤
兒孤喜呼兄弟羣春園醉月良不惜滄海日汲狂瀾消
竊恐酩酊事狼藉如今酒德誰最佳惟有阿叔稱鉅伯
阿叔太和貯心胃與物無爭常自適善氣微笑春風和
古質長含先世澤前有仲父治宗祧後有羣季理田宅

白苑詩集

卷七

十五

內媿司徒李夫人瓊瑰雜佩鸞鳳帝先疇芳稻三百畝
早不乾枯澇不溢白水蒸濡松花香青峯鬱沸蘭膏液
麴蘖不重米不濫啣杯不留亦不迫有時開筵列主人
有時着帽充賓客有時兩老逢生辰子孫羅拜庭幃闥
四郎捧觴諸孫酌侍坐滿堂皆悅懌平生不入酒家壚
偶醉不用奚童掖不學供奉浪呼仙不效吏部貪成癖
令色令儀自端居一醉一醒朝復夕我擬玉池芙蓉枝
根漾秋波華露積只今七十樽不空朱顏綠鬢還似昔
小阮好遊輒高歌走馬長亭金錢擲歸愛竹林風月清
每來持杖傾琥珀

茅山亭遇遠族人

似是同宗認未真山亭相望轉相親忙呼且住通名氏
細問方知隔里鄰不厭荒涼聊伴宿倘堪麤糲即前陳
天涯來往多兄弟半作悠悠行路人

秋雪吟十首有序選三

乾隆己丑秋大旱十月初二日始雨初三日雪深
至尺許去立冬前七日眾以為瑞時與諸弟姪林
亭游賞席間擬作秋雪吟亦往者所希聞也既依
限韻成律又冀開廣臆見即事抒懷得若干首為
倡

白苑詩集

卷七

十六

一夜秋聲萬谷寒清晨玉雪撲迴闌袁安未必即高卧
蘓武何緣得早餐野館壺觴烘短楫邊城貂貉擁孤蠻
孰如曳杖呼兄弟踏盡園林好共看
經秋亢旱不曾寒忽見秋天雪滿闌蘭葉未凋珠共佩
菊英初落玉同餐霏霏粉蝶迷朱戶漠漠霜鴻下翠巒
寄語浩然休迫促尋梅漫向此中看
戴雪披裘未覺寒閨中熟酒到亭關鳥栖香柚黃初墜
人倚幽篁綠並餐明月澹浸澄野水涼風輕捲起層巒
即今南渡登衡嶽銀海光搖萬里看
將遊南嶽別季鴻弟

游山性僻已成貪又自襄陽入楚南兩袖春風歸太嶽
一帆明月照湘潭韓亭待我披雲上禹篆同誰踏雪探
最是追隨有弱弟空將別餞醉沉酣

車埠過別姪兆觀并率姪孫至琰金日洽及鸞
兒攜榼飲宣公堤

携樽經渡口堤柳尚青青晚日坐相勸冬風吹不醒侍
從多小子席地即長亭為問今何往瀟湘入杳冥

湘中十三歌

湘水行邁心境澄清感而成聲與風俱遠蓋南湖
五歌之續也

白苑詩集

卷七

十七

涉湘

風蕭蕭兮洞庭湘水兮瀏清懷佳人兮遙浦駕桂棹兮
南征朝發兮石溪夕余望兮黃陵迴波之浩淼兮野
曠漭而欲暝百川趨而日下兮愁宿莽之含青

湘有蘭

江湛湛兮虛明清風起兮揚舲靄白雲兮山下上有蘭
兮青青歲既宴兮遠別憂衆芳兮乍歇披余襟兮相羊
感幽芬之微發且舍舟而旁索兮思紉汝以為佩不遽
獲而遷延兮愛林光之斐翠卒悵惆兮希微夕陽謝兮
山幽昧子不來兮誰采水涵涵兮歸滄海恐遲暮兮無

期空躑躅兮余將待

迴風

日曜兮瓊宮靈之來兮龐龐乘蒼螭兮驟雲虹張紫蓋
兮捷如風候中道兮景從顧余目兮來降驚迴颺兮歷
亂卒旋車兮忽變懷偃蹇兮莫伸遂終古而不得見

龍女

天青兮野草溪絲兮流藻秋風兮始波客獨行兮中道
有美一人兮清揚食郊兮羣羊嗟長號兮不返含睇泐
兮淚浪浪良辰兮邂逅之子兮云靚懷尺素兮不得伸
願君子兮代奏啟馮夷兮幽宮蒼衣為介兮紹通命鮫

白苑詩集

卷七

十八

人兮縹緲車其雲兮馬其龍問淋媛兮安在倩使君兮
留待祝千載兮長相懽結同心兮無悔

聞瑟

日與月兮代謝天寒兮曠野雲水兮孤舟客獨處兮中
夜有鳴兮音音鴻鴈墜兮魚沉懷佳期兮無日羌離別
兮傷人心

鴈南飛

燕山兮楚水與君隔兮萬里衡以北兮湘之陰九江浩
浩兮廣且深集羣雁兮流音秋來兮如客春將去兮又
別來無人兮去無聲中獨處兮淒絕

南浦

若有人兮湘之浦望若雲兮空中舉條而來兮忽而去
顧余愁兮默不語逝將從之兮聊延佇雲浸浸兮杳無
處

日將瀾

建牙櫓兮揚錦帆歌嫋嫋兮湘之南耀寶劍兮黃金鐔
扶幼艾兮沉酣流波兮激灑音隨風兮宛轉視女醉兮
朱顏酡白日西兮將奈何

湘江月

雲霽兮天末碧水兮皓月姣人出兮清輝發初若揚兮

白苑詩集

卷七

廿九

長吁卒含睇兮愁予爛流盼兮上下乃隨波而容與君
升兮高陵妾側處兮幽湄長相思兮不得見抱明月兮
獨歸露浥兮叢蘭鳥潛栖兮芳樹語絕兮遺音澹逍遙
兮自來去

夢珠

帝濟江兮珠沉淵夜氣兮燭天水空明兮皎爛然帝命
龍兮銜照入我兮懷抱寒芒鑠兮劍光清驚夢魂兮明
耀我寤索兮渺無得沉之東兮湘之北儻變幻兮澹空
仰上天兮雲五色

禮衡

宅義叔兮南鄉赤帝坐兮明堂氤氳兮軒鼎儼藻繪兮
虞裳涉九江兮歷修阪瞻危巒兮道阻遠懸日月以為
旗兮集龜鼉而設棧采芝草兮沃瓊漿苾其芬兮揚玉
醞仰龍顏兮望天門吉神護兮罔象奔與嶽齊壽兮繁
子孫

漁父

乘青舫兮被綠蓑蕩夕景兮揚素歌烟波兮空碧渚風
兮沙白水嵬然兮中有石宛游鱗之微脊得不驚兮失
不憂與鷗出沒兮任去留終此生兮何求

還瀉

白苑詩集

卷七

二十

天濶兮後君水盡兮南雲倚修篁兮哀涕隕鳴錦瑟兮
空聞為民勞兮身沒徇荒裔兮遠閨闈龍蛇馴兮雲夢
平百物康兮薰風發君獨忘兮故闕妾盼兮望江月
思瀉汭兮擷蘋蘩薦寢食兮侍君門樂莫甚兮新為婦
悲莫切兮死相奔崔嵬兮歷山春鴈鳴兮關關丹木萋
萋兮南原鬱蒼龍而上天風蕩漾兮開芳顏乘白雲兮
相與還

湘中歌

長沙雲麓即衡山七十二峯相連環行人盡日渡湘水
不知身在衡山裏我問舟子亦杳然山靈不語生寒烟

有時蒼蒼搖我日月明影照湘水綠

宿嶽廟銓德觀

衡陽暮鷺入東準閒挂孤筇未覺勞日落山空羣鶴靜
夜深風作萬松濤朱陵峒外鐘初歇青玉壇邊月正高
計與道人峯頂望來朝待我一揮毫

謁嶽廟

赫赫炎光拱帝京崇堂肅穆曠鮮明寰中蚪蚪傳金簡
天上星辰動玉衡早日龍蟠松柏影宵風鶴唳鼓鐘聲
五千年紀南巡路猶許山人持杖行

衡雲歌

白菴詩集

卷七

世

衡山鬱勃雲能變山頭初生如匹練蒼漭四合渾青旻
轉眼失却衡山面衡山之巔千仞高雲湧天半翻洪濤
衡山之溪萬丈深雲填海底落潮音劃然峻嶒數峯黑
恍惚蓬島波中立須臾島移波盡傾洞庭南溟皆一色
我欲蕩漾冲虛間渺渺湘靈愁無極赤帝噓風為君開
天空獨上望日臺

寶善菴

香爐烟拂小橋菴古木蕭疎掩石龕軋軋溪流聲不斷
行人坐聽絡絲潭

雪夜宿上峯寺

危峯何處是古殿伏陰霾雲路牽風入天花帶雪開冥
心空色相孤夢起樓臺萬籟此沉寂寒鐘幾度回

登祝融峯歌

祝融拔地九千丈五嶺九疑環相向夜觀南極老人星
朝看東海紅日上上有游雲青溟濛若晴若雨西復東
天風吹散忽不見寒影倒落洞庭空我來尋訪神靈處
王母湘娥皆在御竟欲挽留道中情赤帝乘龍杳然去
煙霞峯望李鄴侯宅

煙霞峯望李鄴侯宅

自有烟霞契何須覓嬾殘牙籤千古事鼎鉉十年官故
宅今猶在斯人再見難媿予多齒莽矯首此林巒

白菴詩集

卷七

三

雨中望嶽嶺

嶽嶺峯頭禹王碑蚪蚪書法鐘鼎詞禹貢山經出同時
神韻與義絲支離篆畫盤結走龍影史籀李斯大小兒
八年形勞智力疲一宿嶽麓衡山陞明裡神鬼開壇壇
蒼衣夢魂驚馮夷金簡玉冊來天扉精靈豈是人所為
功成告廟肅典儀鴻文不令人世知萬仞巔崖懸屢屨
二千年來知為誰韓愈好古揚雄奇惜哉兩人未見之
天地迢遙烟雲迷蕭瑟榛荆沉虹霓樵夫探得郡守窺
天棧雲梯矜鈞捷墨榻一出風雷馳遂使乾坤增光輝
憶昔少游江漢湄大別禹廟何卑微大別晴川閣旁禹稷廟前餘開有小碑晚登

嶽麓觀欽崎摩娑諸圖多詭疑豈知真本原在茲後儒
摹倣皆膚皮我欲攀躋雨祁祁山精水怪百獸圍乃歎
秘寶不可希使我仰首復低垂

南嶽放歌行

周子昔作衡山令招我南遊攬其勝近聞周子解組歸
命僕為我典秋衣載酒獨辭青園里買舟竟涉東湖水
是時冬月揚輕帆西北風轉南山南十日遂抵衡山縣
越宿直登赤帝殿朱陵峒中王母春清虛閣上魏夫人
鄴侯康侯兩書院李胡未張卷香爐烟霞皆絕巘萬松飛濤
百道泉上有祝融講學於此高青天道人扶我峰頭望翱翔九千

白蕪詩集

卷七

三

七百丈日暮齋居宿上峯天風怒號來空中一夜寒沫
吹作雪阻我南荒歸不得具文禮神神為傾五更天開
星斗明晴霞倒射當戶牖奚童煖酌三杯酒披裘徑趨
望日亭禹碑璀璨琉璃屏乾坤蒼涼渾無際浩浩胸懷
生摇曳萬里雲海若平波千峯水面浮青螺懸崖玉樹
瓊華色枝頭還綴蛾眉月風起林杪聲琳琅日炫變成
琥珀光一片空心冰壺貯置我清虛在何處昌黎祭嶽
山雲開那能躋峰立瑤臺雪裏朱張屢卜策短衣匹馬
殊蕭索人生富貴徒羈縻窮荒坐老亦何為青春嘗走
太和道一年兩嶽可周到是年三月遊武當天下幾曾絕世座

萬古千秋今何人

倒划船

搖搖一葉去如還雙槳無風亦自閒正似惟篷車上坐
回頭好看過來山

春日木蘭寺十首選四庚寅稿

不識木蘭寺但聞蘭若香到門雲樹杳入座雨花涼
影懸孤峭鐘聲落翠蒼緇衣無俗染意想已俱忘
幽齋隣佛座壇坫儼儒師時僧梅跌草閒披卷拈花笑詠
詩晚趨廊鐸警宵誦院鐘遲我欲借僧舍因之一下帷
惠遠真無酒淵明且待沽寺不造酒自詩早林攀筍短去年秋雲

白蕪詩集

卷七

四

谷采茶腴午倦閒方覺春深醉欲通晴陰隨坐卧晚唱
問樵夫

江南游衲嬾勾住本無根偶卧雲為枕閒歸月到門青
花香佛子幽草弔王孫更復傳支遁追摹一返魂弟泉

僧影澄請題半碗園贈十四弟仲立

屋矮閒偏曠人癡靜亦安
花眠可摘檐樹坐相看獨
夢雲樞榻微吟鳥和欄
惠連稱俊逸養翮在林端

送安邑侯遷建昌郡分守奉簡入覲

健驥飛騰入帝京春風餞別此山城古人解組歸閒

日時公年
七十

天子分符仗老成，賴有精神真鑠鑠。無多案牘自高，清
浮橋一帶東門柳。白髮髭髭望裏情。

每見山衙孤月懸，衡門相望更瑩然。共稱心跡雙清地，
偏照文章五色箋。驄使促臨惟半响，龍門虛召亦多年。

常延為龍門
山長年未赴只今矯首西江去，不聽琵琶送客船。

閏五月宿石峯寺西閣

山樹鬱蒼蒼，樓雲掩夕陽。斜風吹暮靄，遠雨送輕涼。地
僻豈俱寂，心煩靜亦忘。清宵明月出，倚檻看流光。

與內人偶刈薪黃櫨山憶舊樵徑又別松枝令

白菀詩集

卷七

五

其長成林蔭為將來藏骨處遂志二絕

青林赤日汗沾巾，我執長柯汝負薪。四十年来湖海客，
依然峒口一樵人。

小小蒼松發嫩枝，他年瘞玉此山時。何期百尺霜皮老，
時有清風滿樹吹。

贈七姪兆駿新列邑庠生

松竹堂前讀父書，弟姪時姪父東南與焉慈幃斷杼十年餘。
弟姪時姪父東南與焉慈幃斷杼十年餘。

池塘獨秀生春草，華萼聯輝照舊廬。大阮一聲
歌並和長風，萬里望還舒吹噓。不厭今無力，四十年來

似昔初

問錄遺消息慰未錄者

門墻又錄兩三賢，尚有英齡望裏懸。時姪兆駿等俱發出而弟
開種姪兆衡哲兆接兆等俱可

補待若使桂花攀不盡，留將秋色待明年。

大壺潘姓人造傘能以油紙作詩，字日照之皆
見喜占一絕

辰楮為衣竹作枝，連行字列影參差。日光隨我行相照，
一步間吟一首詩。

辰楮為衣竹作枝，連行字列影參差。日光隨我行相照，
一步間吟一首詩。

白菀詩集

卷七

共

白純詩集卷八

蒲圻張開東賓陽氏著

男兆騫編校

正月十三日雲峒課會喜雨後晴朗辛卯稿

行鉦驚虎避凡會日五更鳴鑼時夜多虎故云坐燭待雞鳴望峒雲猶暗登

壇日未明露香浮墨瀋霞彩動臺英童叟勤來往崎嶇

路已平

舊業長千載新花又一年晴光搖草木雲雨淨山川刺

報春闈客是日新孝意李涉山來家詩吟古峒仙園亭歸宴好醉月共

清圓

靈壽杖奉獻吳太夫人

白純詩集

卷八

太和靈壽遊仙杖疑出蟠桃王母枝聞道十思懸寶鑑

太夫人嘗以清勤訓而英侯願將一拄到瑤池潘輿南渡看花日曹閣東

征作賦時最是陽春稱有脚不妨相望步遲遲

二月送弟岐六之三水縣

久歷塵途老客顏新春送子度間闕諸郎撫卷年猶壯

一僕擔囊路不艱漢時西來經渭水周京東望隔梁山

相期楚苑三秋報應待幽風七月還謂姪哲北鄉試

觀姪兆夔杏林春燕圖歌

我昔春遊江南浦百花未吐飛紅雨滄海紫燕從東來
環繞枝頭鳴且舞彩翼斑斕不獨栖豐頷呢喃爭共語

明粧佳人倚朱欄翠袖香風空中舉歸來二物頗希濶

寂寂山村徒延佇幾時燕燕入我門屏間又見生芳樹

老眼驚看似吳中當年煙景那復睹却問何人善丹青

小阮手筆能敷布靈心秀穎自天工不用畫師兼畫譜

對此沉吟一垂羨含毫不言義有取高堂日麗錦繡業

細幕風寒參差羽又聞曲江開瓊筵走馬看花鳴珂路

良辰樂事何其多及此韶華春未暮令我銜杯極恣賞

不望江南望庭宇

送孝廉戴有山廷杞任歸州學正

屈平高唱楚西隅絕世風流今未殊

白純詩集

卷八

二

天子銓衡歸甲第吾鄉冠帶感師儒巫雲峽雨神堪賦

絳雪春風錦作圖乘興他時偶相訪扁舟可似剡溪無

葦園

敝廬倚頽垣踈籬不可支促促五畝園花竹憐參差西

偏頗寥濶廢壞并傾歌難豚朝狎入盜賊夜潛窺頃復

聚巖虎衝突恐不時比屋恣畜牧詎詳成支離我戒傷

鄰里况忍及宗支人情多參商緣自失防維前月買松

幹昨日批竹枝縱橫間結纓斜曲交護持傭人儘工緻

顧我亦倦疲豈不厭煩屑一情萬事藜宴居思遠惠安
坐慮近危狂夫驚樊柳老圃即吾師制身自檢束與物

乃無違

牛鞍山答吏人

宰官捧檄勤獵虎兩年四鄉頗安堵一旦官出虎縱橫
白日食人任吞吐吏挾官票卧山城獵韜鎗戟歸村塢
蕞塘老婦知不知牛鞍融髓汝可睹去年獵户來我山
山虎逐逐空一顧家家薪米輸供給虎仍踞山爭嘯聚
今年兩虎奔巖洞天驅凶頑投網罟是時三月農人忙
齊罷耒耜急追赴鑿石熏煙衆並趨田荒麥爛風復雨
寧忍餓死填溝壑那肯將身充虎肚山間好友壯其謀
同集三朝并三暮汝從何方乘醉來嚇令山人勿妄取
白純詩集 卷八 三

我有獵羣酒食爾輩安得操鋒弩山人一聞心膽寒
不畏虎威畏吏怒以此衆潰若山傾白尊感激為吏語
汝欲索利自專功反使英雄氣為阻自古功成一言暴
朝臣誰識邊將苦獵貅血戰汗馬勞刀筆文吏恣弄舞
不張國勢長寇仇不養鷹鷄飽狐兔天下太平汝為殃
徒令凶殘縱林藪南山有虎北山狼峒中之物安足數
汝且歸去亦無傷我將下情白汝主

寄許石雲御史伯政

相思山上獨相思却恨相思相見遲解組自成高士節
談經未許俗儒知白尊幽竹竹即紫竹無人處湘水巴陵有

夢時別後每懷商著述御史注經辨義最繁尚未盡刊臨風一寄望中詩

醉歌贈馬再亭法忠

馬卿滇南萬里來漢上一別十年杯醉後仰天發清嘯
始知人世皆塵埃挾貨遽欲贖三黨傾囊那惜賙同儕
范公義莊不足異孟嘗好客何有哉君不見青髮未燥
兄弟判黃金用盡交道衰富兒促促守財虜懷抱莫肯
向人開又聞貴人棄如土浮雲漫空不作雨壯夫俠骨
天所成此道寥寥望終古

贈三祝歌

高嶺南來日已暮僕夫借問投宿處忽見竹樹隱巖扉
白純詩集 卷八 四

二三少年如夙晤揖我西牕銀釭明把酒披文珠璣傾
寒夜空山一朗誦鏗鏘併作金石聲大祝治名大裁剪成
錦段次祝譯名大端莊又幻變却看小祝登名大氣蒼蒼提
筆直走當人面時執小技亦有神六經鼓鑄繪其真不
解近樣爭塗飾每將脂粉徒汚人吾邑手筆能抗古潘
子千三名星李翔九名正偉哉一門集三英青眼高歌
望牛斗

漢口渡江晤杜虹山

盈盈秋水隔天河江面微風起白波日落相逢言未盡
東山明月照人多

漢口旅舍忽見去年河南鄉墨第七名呂碩亭

喜而有作

十載音書絕今宵見此名柏巖遺舊澤芝圃發新英柏巖尊翁別號又令高祖忠節公法孝經堂生之九十八輩後其曾孫十八人卿薦者十七選貢一進士二售世文寧貴傳家望

不輕秋風經兩度翻恨別離情

昔我好遠游望君天一涯一出千萬里恐復無見期譬

彼同林鳥分巢各自飛子行集珍木我行經荒陬去住

隔南北鳴音和者稀偶然中道值須臾成別離此去凌

霄漢仰空見羽儀何時復歸來白日亦以馳山中有芳

白苑詩集

卷八

五

草行與子療飢

沈寥秋雲高澄霽碧天宇美人中夜出明月生江渚長

河倏暝沒南山多幽雨獨立想容輝渺渺在何處誓將

駕飛輪持筴驅煙霧瞭然還虛空四顧寂無侶白鶴唳

長天清蟬鳴在樹雲際有芙蓉飄飄翔玉女浮塵不可

居我將從茲去時擬遊華山

武昌遙輓鄧二田

承餞蘭臺幾度秋蕭蕭漢水入江流人生自古多離別

獨恨相思未白頭

秋江送客客心寒今日重來得盡惟共倚江亭獨不見

思君只向畫圖看歲已丑秋過安陸杜江山黃伯子兄弟李東石及高嵩諸友人留飯十日二田與馬臨別作秋江送客圖各

味有題

晤金太史曉堂維也來自鹿門書院

俗士奔衣食清曹擅薦揚人材原不陋師道竟何光彩

筆凌三館洪鐘動四方他年驅馬過重煥此門墻

武昌晤鄉試諸同人

交游滿天地關山阻來往幸逢此秋闈期晤良不爽念

昔同學人白首遙相望或者登青雲亦或歸黃壤子弟

重故交晉謁紛揖讓又若舊生徒數郡多吾黨同堂久

別離分道時見訪濁酒每共斟新文復并賞面目半踈

白苑詩集

卷八

六

潤姓字兼恂恍本以趨名情翻成慕義想人生感意氣

慎勿辭勞攘

八月初三夜送李東石歸安陸

城頭新月似蛾眉遙送清光照客卮同是江亭離別恨

相留不肯到圓時

漢陽鄒緘齋諸表留宴數日即席賦答

叔子臨江渡秋風懷好音緘齋在兄弟九人中行三能詩先之武昌見訪偶然一握手

遂此十年心小苑丹花色虛牕翠竹陰為吟新韻久明

月夜何深

醉壽歌贈廣文李肇唐

漢陽郡師吾老友朝朝擊鐸不住手少年選士拔秋闈
首荷一官何自苦不愛膏腴萬頃田但將一經相傳授
大兒弱冠捷南宮作牧渠陽等太守時州列次兒孝廉宰
海陵牛刀小試差可睹湖南江南三千石老翁祿養非
不厚我問老翁曷不歸更云二子尚待哺三郎砍桂立
當前季子采芹亦隨後春風寒毡一片冰灑盡蘭蕙千
百畝我嘆世人何其愚積金買田誰能受却笑老翁亦
何貪那把詩書作良賈即今疊誥從天來紫鳳白鶴耀
庭廡暇日方繕柱下藏故人忽傾卽官酒明年七十猶
朱顏醉寫長歌為君壽

白純詩集

卷八

七

金粟菴聽榜答杜虹山

時豔爭花草雄材踞虎龍那能娛衆目且自返孤踪攘
攘新亭酒蕭蕭古寺鐘吾將從此別矯首太華峯
共識浮名薄惟君有老親韶華非恨晚菽水正憂貧皓
月霜三載青天仗一身長歌當斗酒看爾出風塵

金粟菴夜聞葉星池鄉舉第一

十科摹擬未曾工運會滔滔亦不同安得圓如新望月
可能清似廣寒風丹花雲墜當頭上金粟天高落掌中
總唱君名無復問西牕一笑酒杯空

張介夫榜列十三名即席口號

唱盡十名始見張一時姓字滿城香慙慙寄語江頭燕
夜半雙飛渡漢陽介夫家漢口雙飛

與鄒臧齋兄弟暨王淨友琴臺晚眺

落日照高臺秋色澹迢迢同人一顧盼千里風蕭蕭夕
景互明滅遠山若波濤浮嵐縈襟帶業桂結層霄曠野
浩無極獨立當飄搖餘音亦以散新聲競自調懷古無
相識使我心寂寥

哭張亦樓

亦樓當盛年誰謂忽凋喪芳顏若朱英秀眉同玉朗連
娟方伯家列籍辟雍望何人傳此音我聞驚惘恍此人
白純詩集

卷八

八

豈貧賤子身尚骯髒汝翁與杜父恩義交倚仗結鄰從
竹山聲華出林莽杜氏耀朱門汝翁懸絳帳宜都自我
臨崇臺奇文共忻賞事在老成倏云亡筑筑憐汝狀我
復入郢中春風蕩蘭橈聽汝抒愁思疊起如波浪匏繫
不能安遠游為惆悵遽辭老母行忍別妻孥往弱女瓊
瑤姿為我屬攸相束裝走京華聊以資俯仰送我西門
橋春草綠漾漾橋水東西流回頭轉相向蒼天非不高
大地亦何廣如何俊偉人抱窮守鄉黨我我九門尊炎
炎青雲上如何令游魂不得返故壤汝女我為字汝兒
舅所養謂山汝觀當歸來親朋為汝奠嗟我遠離人不

得視汝壙汝母賢且壽報劉終不喪地北與天南何處
還相訪人生奔名利誰能脫塵網我將乘浮雲不作人
世想

留別葉松亭

胡公字牧三十年往復葉君宅天下賢主人江上多賓客
賓客共倡酬清風生瑤席我來輒飲酒風景如疇昔人
生感遭逢奄忽阡與陌今日堂中履明日車前跡回首
望高亭江波秋月白

九月舟中夜坐感雲夢李立夫起復望都令程

抑谷宰垣曲江夏陶雲嶺宰新鄭漢陽鄒

白純詩集

卷八

九

筠谿調大名孝感夏聲初郎中黃岡張虞溪
尹邨鄆張小還起復均州學正周小四郎以
故衡山令待復陳駿亭以教職遷舉縣令胡
勉茲孝廉候選俱在京邸慨然有作

雲漢漠漠天邊鴈風晚蕭蕭水上蘆屈指故人半京洛
獨留孤月照江湖

隨陽店宿陳氏宅即事

土屋風迴靜霜階月到明停車逢舊館下榻有陳生酒
沛傾匏勺燈花落瓦檠論文吾不厭今夕路旁情

太平鎮

太平關外路茫茫唐子山頭別楚疆此去洛陽多舊友
天涯猶得比同鄉

題店壁

茅檐土屋滿塵沙終日炊煙不煮茶一夜西風槐柳樹
輕霜散作路旁花

車中明月歌

車中人月中影十日不受饑五更不受冷蒼竹酒甌攜
在腰紅氍毹囊繫在頸時過道旁古人踪高歌一曲揚
清興曾感胸中不平事濁醪三杯澆空淨君不見紫貂
金蟬大官榮雕弓鐵騎將軍令顯晦各隨時窮通亦有

白純詩集

卷八

十

命誰似詩狂與酒聖布衣自著單車騁可惜無人繪我
圖天邊明月為我傳光景車中人月中影孤月孤輪天
地間萬古相照情無盡

板倒井謁漢光武祠

西漢玉綱委南都佳氣開炎光緜歲月白水動風雷寶
鼎雙龍象戎衣一草萊真人乘景運列宿降雄材蕩滌
妖氛盡扶持天地迴芳名堪俎豆大烈豈塵灰三國猶
宗爾千秋亦壯哉皇基經咫尺皇基在帝廟見崔嵬蔽冕
丹黃在冠裳左右陪靈威騰畫壁恍惚出雲臺廟詳圖列
古柏凌霜戟清泉濯露杯淵源餘潤澤瞻拜獨徘徊二十八行

過子路問津處

浩浩宇宙內茫茫此關河聖道方淹塞滔滔傷如何停
驂一盼問遺跡久消磨晚日臨清流寒風生微波古人
不可見望道徒蹉跎

避風遵化店歌

南人畏風猛如虎北人怯浪險如龍自笑一身兼南北
常往常來風浪中我為呼風語風伯吹我車輪行無迹
但吹雲霧莫吹塵長見青天與月白

遵化店早發

昨日驅車渡汝水避風止宿遵化里周南汝墳歌文王

白純詩集

卷八

十一

高碑大字立路旁當時成婦伐條肆踰年不得見夫婿
近來

天子命南征羽檄不調中原兵去年緬蠻皆拱服萬國
車馬盡安息鬱鬱官道楊柳青將軍按轡過旗亭千家
軒睡掩門闕獨駕孤輪逐曉月

月下謁頴考叔祠墓

我行頴水濱上有考叔墓落日向前村停車復回顧忻
逢賢主人好古若夙晤然燈望高邛皎月出幽樹宵閣
開虛暝華光耀庭宇豈知一杯羹長留千載慕人生重
忠孝令我獨來去夜深鐘磬鳴淒其遠歸路

洧河店稱陶雲嶺清而愛民喜志一絕

洧河聞道宰能清長葛風傳便有聲不用碑銘與圖像
為官最愛路旁名

乘輿濟人歌

漆洧河邊高碑字記傳乘輿濟人事孟子譏其不知政
孔子稱其有道四如何賢聖一家言書籍並載竟純戾
大才不學管夷吾小惠無道齊陳氏乃知立說不在茲
一勸一懲為風世當時與人歌誰嗣田疇水冠兼定制
截然都鄙秩有童豈有橋梁未修治或者天時一偶垂
拯溺聊作權宜計固哉小儒徒拘文誤將遺愛滋遺議

白純詩集

卷八

十二

我來驅車二水間晴光淥波澹溶清行人熙熙若坦途
誰為匏葉商揭厲却恐溪漲忽傾圯令人轉思濟輿意
我為停車重低徊流水滔滔斯人逝

寄呈陶雲嶺

潁水何年別昔雲嶺掌教德安
余館隨州錢於此中州此日行聞知新邑宰猶
是舊儒生文字天涯老風塵眼底清緇衣歌好德並見
古人情

鄭陳人歌

新鄭自子產墓外唐有裴晉公墓在縣西北三十
里宋歐陽文忠墓在縣西二十八里臨洧鄉勅葬

建寺守之蘓轍作碑記陳文惠父子墓在縣北三十里吳正肅墓在縣西崇義鄉碑文俱歐陽所撰至於呂文正墓在十賢祠呂正獻墓在縣北三十里王曾墓在縣東北三十里曾亮墓在縣東三十里鄭居中墓在縣西南十里又魯宗道墓在縣西北二十五里俱奉賜葬五代周萬陵慶陵順陵亦皆在其境內焉山川荒渺今昔殊觀乃合併作

陳人歌

唐裴晉公平淮西昌黎碑字驚龍螭韓文繼者廬陵起高碑鴻文見蘓子兩公俱葬新鄭鄉又見二碑出歐陽

白菴詩集

卷八

十三

一陳堯佐一吳育赫赫炎宋稱鉅族王呂諸公御賜碑五代三陵高雲霓可憐金蠶與石馬如今寂寞荒林下君不見自古王侯將相一轉蓬白楊蕭蕭生秋風惟有文章在天壤時吐寒銼驚萬丈

新鄭感白樂天流寓

三唐風始降洒落見香山好看青衫淚空成白髮顏聲華餘館閣文字老間闕借問誰相識行吟獨往還

鄭東神槐碑行

新鄭東門古神槐屈曲盤礴凌高臺城狐社鼠不敢過野鶴海鴻相徘徊幹圍四合長二文羣枝槎枒青天開

剝腹玲瓏若龕辟中抱古碑迷蒼苔當時邑宰禱神雨劃然霜皮走電雷垂天雲煙生樹杪一霎滂沱徧九垓此碑已載前明事此樹安知何代栽功在生民澤在物誰憐老幹立崔嵬碑石不爛樹不朽神乎神乎天所培既列諸詩新鄭店壁因題其店為白菴詩館東門小閣連東里自構詩歌亦自題漆洧城南蔡水北就中權作浣花溪

新鄭東店口占答胡牧亭有序

是年秋七月將遊西嶽與牧亭遇漢口葉氏觴咏月餘時牧亭北上余九月由隨州覓車於十月始

白菴詩集

卷八

十四

抵新鄭意牧亭之久去也會陶君雲嶺赴省其家人館余東門客舍朝夕遊覽得詩四十餘首書粘店壁自題曰白菴詩館牧亭亦主其館見而驚之曰吾以白菴在太華峯頂矣雖然天下豈有兩白菴哉因呼從者一會喜出望外就席即飲暑中復餽酒食懼談竟夕及五更牧亭然燭作詩云華嶽西來已數旬每懷岐路隔風塵乾坤不腐思歸客漆洧偏留欲濟人好句穩從閒處得交情老向別時親殘尊更酌同相勸曉日紅生大海濱余臨別不及稿遂口誦答之云

詩館驚傳有白尊高軒御史笑相親天風不盡秋江別
杯酒依然屬故人

過宋故都

西洛承周祚中州肇帝居五星占象緯萬國集舟車地
關儒宗社天呈宰相書華夷綜正朔文武翼皇輿繼世
功全盛重興典並初威分藩鎮殺禍燼黨人餘北狩仇
難雪南遷樂未舒平原皆寇盜故闕已邛堦弱主殊多
擬權奸竟莫鋤行成和議定坐惜武功虛始信山河固
終知卜畫踈烽煙連塞馬塗炭及池魚豈不炎光赫誰
為蔓草除於今幾代謝弔古獨歎歎

白麓詩集

卷八

十五

陳橋

黃河東渡望迢遙野水荒陂草木凋偶過煙村沽酒處
行人回指是陳橋

開州謁先賢子路墓有序

辛卯十有一月十一日出開州北門十餘里遙見
古柏蒼鬱及近前有碑當道旁字刻微渺不可識
有二叟坐碑側問之答云仲子墳語音聽未確乃
迤邐而入見林蔭中多碑碣其一碑大書深刻紀
之甚詳乃得其真蓋仲公有三墓其一在州南之
長垣縣縣故蒲邑為仲公宰地後人感其德化取

其衣冠而葬之也其一在州北清豐縣乃鄰境聞

其風教不能忘而為之墓域也其一即此處為古
戚城實其結纓被難之地故墓尤為真確從夾道
碑轉北有堂有壇堂有詩碑壇有碑左右皆列石
獸又進古柏益多且大四圍幽寂令人寒踈其上
塚高二丈濶圍三十餘丈塚前高碑大書衛國公
仲由之墓前明楊儀所書也余既拜謁低徊良久
日薄西山樹陰幽闇行吟二律先數日不得古蹟
憑弔中懷悵悵至是且痛且快是夜宿疙疸廟浮
一大白並以酒賞與人遂然燭脫稿

白麓詩集

卷八

十六

正學長兵戰雄才歷賤貧孔門真烈士衛國有忠臣野
色寒冠佩林陰肅鬼神停車一下拜滿路為清塵
百里連三塚千秋此地終血沉疑化碧燐烟欲成虹使
客碑銘在曾孫廟祀同斜陽松柏樹不肯作悲風

大名逢冬至席間答鄒筠谿

昨夜風飄醉月觴朝陰輕散日初光官衙夢覺三竿後
客路驚添一綫長不道葭灰能報令應催黍谷已回陽
主人自有吹爐力多少春輝在貴鄉
自大名宿舊魏縣東關獨坐

風寒旅館對孤檠殘月蕭涼照魏城槽馬草枯驚夜齧

村雞霜白報晨鳴百年無夢能常醒五嶽當胸自不平
吟罷倉皇須命駕滿鄆更欲賦西征

車中語余振石

汝本故家兒我作天涯客道旁有古碑千秋存遺跡與
人多鹵莽一過良可惜當前不相識回首嘆何益

雜優歌

邯鄲兒童善戲謔拋毬打頭自相搏劍盤為花竹為莖
手持竹竿擡花萼連竿層累出雲霄仙人掌上露華濯
竿直如箭射天空又作游絲牽風弱隨有雲梯起虛漠
窈窕翻身脚底著狡兒如猿抱脚伸綠梯步趨顛倒作
白純詩集 卷八 十七

超然直踏雲梯巔滄海層樓蓬萊閣高低蕩漾水雲騰
鳥自飛翔魚自躍又如風吹太華玉井蓮翩躚不向人
間落九霄上八極邊我欲從之步虛挾飛仙何必塵世
局促徒拘鑿

登叢臺

趙國久蕭索崇臺入杳冥登臨聊一盼城郭已千齡日
落西山紫天高北海青亭池還似舊無復嘆飄零

迴車巷

相如不畏秦乃畏廉將軍相如位在將軍右將軍氣憤
若雲屯以茲生感激歛手成功勳卒成刎頸交同心終

不分爾惟不爭天下讓爾惟能避人皆向嘆相如誰能
如不見邯鄲南門路至今尚有迴車處

樂毅墓

幼讀報燕書慷慨生幽慕丈夫一許身能令山河固北
上黃金臺東雪青齊怒後主忽聽讒新人反間故遁跡
投他邦策勳感異路伍員出楚疆閻閻非不遇如何賜
鵬夷空逐江流沂賢哉望諸君尚有邯鄲墓

醉答道士朝真

黃梁閣上醉斜暉紅藕池邊客夢稀借問仙人何處去
西山空有白雲飛

白純詩集

卷八

十八

讀虞溪五經彙叅草本歌

我昔涉風騷未敢問經術賢聖交鼓吹纖毫判得失吾
弟胸藏慧明珠目光青腫如點漆縱橫牙籤堆滿牀一
覽過若流星疾十五之年稱通儒經窮十三史廿一二
十以後叅羣書馳騁藝苑誰能匹大官傳呼每咨詢高
庭奏稱不遺軼上觀漢唐下宋明綜理衡數歸紀律義
黃渾沌眉睫開天文河圖掌中出絳帳清閑手自編簿
書陸德口猶述楊雄草元鄭家箋司馬傳紀獲麟筆每
抽一條尋端委獨坐冥心探渾沕崑崙倒翻黃河傾五
經源流疏論畢發覆鑿險不辭勞何年彙稿俱成帙吁

嗟乎此乃天地之寶精諸子守之慎且密我願急須付
梓人水火盜賊為憂恤惜哉商莽奔走間頭白茫茫看
無日又恨不得贊明堂汗漫紅塵污腰膝我為清歌揚
雲端子作秘書藏石室必有神鬼相呵護王皇琅函賴
汝弼君不見劉向行修動天人青藜杖頭光太乙

寄周四丈展也

繡林歸後尚朱顏先司輝石首繡林邑中山名驥子征車亦暫還映川為街山令嘗被
我渡湘江聞父老清名畱得在衡山

邯鄲夢李氏女報園中牡丹將放驚寤記以詩

寒城雞始唱淒淒忽見汝孤檠影明滅餘響猶聞語汝

白苑詩集

卷八

十九

從何方來辭我復何去昔我治青園蒔花山欲雨汝為
持輕簑披雲獨停駐有時坐花間夕月兼朝露汝自執
芳瓶侍我吟新句自汝歸洪山李氏所居地名春花耀林圃念汝
不得還家人涕如注元冬草木凋黃河冰堅互故鄉幾
千里花開在何處不惜跋涉艱含笑為我訴聽罷牽我
腸終當銘汝墓春開過其墓擬作伴記游魂逐飄風悄然悵岐路

別虞溪弟之秦晉

平原樽酒足權留無那西風動別愁二十年來重把袂
三千里外一登樓壯行不惜車裘贈老去真成海嶽遊
為喜臨岐天霽好未須霜雪上人頭

行藏無復嘆時艱燕趙悲歌轉笑顏吏治終傳碑碣上
容心多在水雲間三台照耀常懸待五嶽羈畱不放還
他日閒居期共賦扁舟明月望東山

再別虞溪

立馬城頭萬里孤邀畱百遍始分途臨行縱盡千杯酒
送別還看八陣圖虞溪熟諳陣法前征緬甸京兵過邯鄲獨用八陣分列今征小金山復檢之因送余往觀馬羽檄
軍需勞孽畫鯨囊詩卷費踟躕時軍需急皇猶與論不休又促命數人分勝遊未敢許賦能辭
明年踏破華山屐回首春風憶故都

車過彰德府城南為韓魏公故里復入城瞻拜

祠堂

白苑詩集

卷八

二十

南宋元勳顧命臣伊周伯仲此經綸朝中文武無雙士
天下安危在一人幸有豐碑傳錦里欲將芳草薦明禋
墓田書冊今如故漳水城東憶轉輪
春草亭臺晚玉香公構有五香亭在大名府魏公聲猷滿巖廊江山靜掩
涵輝閣閣在黃州城南為公少時讀書處天地宏開畫錦堂每過昔賢多繼
緒時逢岐路一徬徨人生富貴無相負自有清名在故鄉

湯陰城西謁岳武穆廟謹遵

御製詩碑原

韻有序

是年十一月余既於朱仙鎮謁公廟作二律詩弔

之矣至是復經其故里見碑刻詩記甚多其廟中
前亭詩碑則乾隆十五年 御筆也讀畢遂入
廟拜其像旁有擊磬贊禮者詢之則公嫡嗣孫也
年五十名芝字瑞生余復拱立就而揖且問焉云
公裔在杭者最多餘皆散處河南荆鄂間其在湯
陰者丁男寥寥六七十人而已有一二列庠生其廟
有公文集係乾隆彰德郡守某所重鐫者廟門有
秦檜夫婦及奸黨五人鐵像皆械跪觀者多咎撻
之上臨以八公之神旁立陝順像蓋當時禁卒私
負公屍而葬之且識其墓并屬其子以為他日追

白苑詩集

卷八

二十一

封祭享之自故義而從祀之也邑令某撰碑文亦
佳時輿人促之行余益徬徨不能去夫公廟祀徧
天下其奉 勅建而重大者有四一在吾鄂州誌
其戰績之所經一在朱仙悼其班師之地一在杭
州表其死節之處而此則其父母之邦也瑞生稱
公生於城東二十里之周流村余恨不得往視之
於時日暮黯然柏陰凜慄恭依 御製五韻口
吟一律蓋忠憤感激固不嫌其重繫云
經冬兩度拜公祠忠孝天生信有之正氣全開天下望
靈魂一返故鄉時東村桑梓依然在南渡江山已不支

讀罷

宸章三太息清標還與後人期

湯陰縣城南十里謁扁鵲墓

我聞秦越人靈丹受桑君隨俗為變化海內稱奇神妙
手能令病者起不能使人絕病理病去若長生扁鵲亦
不死君不見秦皇漢武好神仙古惟黃帝獨升天東海
蓬萊西閭苑足跡不到空茫然世間非無不死藥人欲
如火交相鑠君縱有方拔病根血肉之軀終作惡可惜
君竟卧蒿蓬庸醫殺人何其凶我不服藥但飲酒醉來
陶然天地中

白苑詩集

卷八

二十二

宜溝驛南半里謁先賢子貢祠

衛士歸東魯高明聖道光學能恭一貫性可會文章故
里瞻容範荒郊有廟堂迴翔庭廡下漫擬及肩墻

虎牢關別禹季平

昨日欲同車今朝仍分袂從此各天涯英雄亦下淚

除夕至橫山即事呈呂仁原四首選二

秉燭觀顏面鬢髮忽有鬚風流猶故態淹蹇一長吁樂
事文尤富憂時病未癯廿年仍舊館及早醉屠蘇
故老多凋謝清門賴獨支近來增氣色終得遇良時明
日新正酒春風半夜詩天涯經五度殊減故鄉思

白純詩集卷九

蒲圻張開東賓陽氏著

男兆騫編校

拜呂柏巖刺史樞堂壬辰稿

聚散如朝暮愴然思典型人歸春草徑鳥宿舊林亭澗
水含餘綠巖光帶晚青老成日凋謝吾亦歎飄零

呂澹園詞文學博銅雀瓦硯歌

我聞漳河銅雀瓦百倍端硯爭聲價珠玉屑搗紫泥精
相傳珠寶摩挲
因以碎屑為之斑斕五色照臺榭一朝零落散人間修若風

飄秋葉下曹公短歌何蒼蒼陳思七步擅騷雅豈知蘇
華俗所珍翻令高調和者寡貴家兒購不惜錢那能賞

白純詩集

卷九

識辨真假臨漳廣文呂澹園文獻系出大司馬故府清
寒無長物秋水胸懷獨瀟灑露篆連桃花箋首若盤
傍珊瑚架却走頽垣掘數尺忽見金星炫幽夜袖歸鑿
成半畝池興酣研墨任揮寫捲堂十載積滿塵猶剩光
鏗四壁射必有靈氣騰蛟龍此物豈當淹荒野感君分
手持相贈我欲携之歌太華

追痛呂廿一介亭有序

余與介亭兄弟聚晤靖州論訂詩文參差宛轉殆
四閱寒暑矣已勿歸蒲介亭夜送舟中明日清晨
又來餞別贈答之作俱各載詩集時柏巖以年老

清宦無以為家計介亭亦值壯年鄉試不售遂援
例入廣西縣佐心懷於邑余既不復再晤每查仕
版策獨不及見昨過汜水始聞居粵不久夫婦并
歿為之心慟今歸葬已六年矣子玉峯名嗣温年
二十已入庠食廩餼可立致科名同懷弟碩亭既
以庚寅舉於鄉子嗣浩年十九尤魁梧嫻詩文時
應邑中童子試已拔取第二則又為之悲極而喜
動也介亭氣體敦和情懷悱惻不應早歿其學詩
古文雄厚有精力可繼先業惜哉其遺稿存而待
梓閱之愴然中有贈余及送別諸詩是可傷也已

白純詩集

卷九

往跡雖遷初情難已乃記以詩

西粵渠江去何時返故村十年空一問萬里弔雙魂玉
樹孤兒立丹花弱弟捫為憐遺草在尚有別詩存

夜與呂仁元論近代詩古文數家因記其畧

古文中州數侯生昨日又見王北平名源北平人北平清婉甚
熨貼侯生縱突誰能并太僕古淨亦頗濫詩格老當稱
阮亭往往遊山多幽趣惜哉弔古乏高情東南近代張
氣識角立門戶失權衡武功寡寥數行志如何對山蒙
大名從來世俗鮮真鑒名士一呼千人驚又或挾私好
抵牾不則執古為定評此理此境難言說不如掩口且

勿爭呂氏正學文章族與我訂交金蘭盟前之作者見
根祇今有仁元發精英元髯朱顏冰玉朗雙瞳炯炯秋
水清天文地圖胸中貯諸子別家眼際明手羅橫列三
千卷舌戰直下百二城我持所見不敢吐懷抱一夜為
君傾安得海內如君輩十載共此青燈檠

廣愛寺觀滴溜泉

何處問僧家深溪一徑斜懸巖聽玉漏碎石落冰芽明時
水來樹暖初栖鵲山寒未放花同遊誇謝屐不必嘆迴
車與人以山
改廣歎

香山寺

白純詩集

卷九

三

金碧非前相華嚴復舊踪摩碑尋九老倚檻看雙峯鳥
語松亭石人聽竹院鐘平生幽賞處春色最從容

遊龍門歌

龍門之山石崔嵬劃然東西相對開乾坤混沌忽擘裂
伊水滔滔空中來當時禹鑿石骨枯何人鐫作萬佛圖
高低大小巖窟窟古色斑斕形魁梧後魏李唐真好事
山靈不死皆浮屠我自賓陽名峒翹首望更有金身高九
丈則天詩刻頗詭拙攀援不得徒惆悵却走東岸日曛
朧微笑摩呵轉相向沿溪徑到看經寺石峒蓮花香中
放大士中坐旁四列二十九祖各殊狀看經寺內石洞中有觀音坐蓮像共羅列洞辟

者二十香山亭閣隱蒼蒼入門但覺靜妙香白公去此千
九祖百載屏壁遺文何輝煌白公修香山寺記 國朝河南督學湯右曾撰 數刻於屏板翰林汪銓書

天子庚午巡河洛駐蹕題詩神飛揚御製詩 龍池鳳樓 推美白作

交掩暎至今巖谷生華光東山一呼西山應鐘磬并發

聲鏗鏘松濤石瀨幽澗作隨風宛轉若笙簧借問九老

在何處令我倚欄為低昂九老畫像 俱不存憶昔洛城逢董君周

鼎柱史觀龍靈獨恨洛橋水衝決每自立馬寒山雲白

尊搜窮海嶽秘肯許名山只空聞賓陽客遊賓陽洞青

山人拜青山墳余字賓陽與洞名遠合又余居青山而白公葬處亦曰青山始嘆二十年未老

山水待我揚清芬洛西公子亦豪爽驢背吟詩終日醺

白純詩集

卷九

四

渡河宿石渠北岸

前村無處宿且自息孤征水戽沙堆暗風燈草屋明倒
牕窺月色歌枕納河聲聞說來朝路崎嶇不可行

自石渠至垣曲四十里皆危險荒涼

河邊山似削怪石杖頭斜人挽連猿臂車牽出虎牙驚
心風吐谷炫日浪翻沙更嘆輿徒餒炊煙有幾家

垣曲東程柳谷應璩

遠客瞻華嶽尋君阻太行翔風歸洛浦春日渡河陽去
由鄭州來垣曲至獲嘉西山阻夢裡新花縣雲中古帝鄉相逢勞
車不得行 遠渡比水至新安

跋涉萬里一詩囊

瑶臺峯 在夏縣東五里即禁為
尚留佳氣望中開曉日英雲撲面來莫訝夏王宮殿盡
陸離山色似瑶臺

巫咸父子故里

巫咸商太戊時相其子賢祖乙時相夏縣人瑶臺
山下乃其故居舊曰巫咸里又曰巫咸谷後改為
商相坊今為商南里有以為吳人者非其地有祠
廟禱雨輒應明知縣石可久有碑題道旁

中興商室兩巍然太戊延昌祖乙年忠蓋心絲三世澤
纘承道濟一門賢猶將姓氏名山谷尚有神靈作雨煙
白純詩集 卷九 五

自是經書多缺畧豐碑留與路人傳

陽城故里

城字亢宗夏縣人縣南十里地名柳口谷即其居
處也今猶稱陽公鄉後人立祠於此初城讀書條
山及官諫議大夫每簡默不言時政得失昌黎嘗
作論以諷之城不為動後陸贄為裴廷齡所謗德
宗怒幾不測諸諫臣無敢進言者城獨力爭贄得
免於難而廷齡卒不得為相城之力也廷齡由是
日摘其短復令落職出為道州刺史卒不調乃老
死焉良足悲矣余拜其像遂稱詩云

道州刺史老邊疆諫議於今見廟堂韓縱有言還救陸
裴終不相亦全唐心中自具風雷烈天下羣瞻日月光
御史碑文誰共賞但稱柳谷是公鄉

忠清粹德之碑

此夏縣司馬公墓碑也六字係宋哲宗御篆文則
學士蘓軾所撰及紹聖初章惇蔡卞等目為偽黨
謀發公塚哲宗以許將言不從乃仆所立碑仆碑
之頃大風走石羣吏莫敢近惟一匠氏奮斤前擊
俄仆碑下死碑額以御篆獲存金皇統中碑座龜
跌之間忽生一杏螺枝盤屈邑令王廷直謁墓見

白純詩集

卷九

六

而驚異因掘土中得斷碑分為四石并其額跌石
共六敬壁間明御史朱實昌選石照刻立舊跌上
冠以御篆原額乃復如初

我聞司馬溫公碑雷霆神鬼相扶持忠清粹德乃實錄
立者何人仆者誰當時仆碑大風起走石飛沙皆披靡
羣吏逡巡莫敢前一匠已向碑下死豈知寶物終不刊
杏生跌座蟠斑爛此事沉淪百餘載邑令掘之敬壁間
碑文四石俱破拆又并額跌為六石有明御史易貞珉
大書一通天地白君不見章蔡朽骨埋荒渠公碑高聳
凌天衢東坡鴻文還復覩但恨不及東坡書

平陸道上見百里奚故里碑

五殺大夫百里奚蒼涼七十八關西空憐骯髒逢新主
不道虞虢有故妻富貴他鄉人已老英雄回首路全迷
虞廷璧馬同灰燼何用豐碑向此題

虞阪 在平陸縣東北七十里戰國
策伯樂遇騏驎同驢車處

鹽坂上路陔陀轂相擊肩相摩馳驅馬走駱駝中有騏
驎亦蹉跎伯樂不逢奈若何

尋樂園歌呈杜太史舫山 若拙

昔我春遊江南路萬紫千紅堆滿樹名園日過數十家
走馬花間題詩去單車北來花事稀逐逐黃埃亂紛飛
白蕤詩集 卷九 七

潦倒訪古一停轍那有筆墨生光輝平陸太史能尋樂

金門揮手歸山閣瞻依御史愛日堂追隨明府聯花萼
太史年四十餘與兄滄江
全俱請於養御史砥峯公忽聞遠客城東來重門秘扇為我開

天桃嫩柳含芳穉白鶴翠鸞交徘徊登樓山色淨如拭

入峭壁光寒欲雪靄靄迴廊春雲深令人一坐心神激
人生富貴欲何為蓬萊仙子安可期衣錦還鄉兄弟好
林下之樂無盡時我嘆此樂誰能有呼童滿酌杯中酒
天涯塵途一偶逢醉把瓊枝為君壽

女媧陵

在閩鄉縣西北四十里黃河濱唐天寶十一年六

月大雨晦冥失其處乾元二年六月之夕忽瀕河
人聞有風雷聲及曉見陵湧出上有巨石石上有

雙柳后本風姓故號為風陵堆

舉祿神后望迢遙萬古幽陵久寂寥風起波臣常擊鼓
月明龍女自吹簫補天丹竈寒雲窟絕地黃河斷石橋
五十清絃太悲切莫教雙柳日蕭蕭

桃林 在閩鄉縣南一帶即
周武王放牛桃林處

潼關東望渺無涯草色經春未發芽聞道放牛成往事

至今人說有桃花

思子宮 在閩鄉縣東北二十五里漢武帝戾太
子避巫蠱之難自製回英其履後武帝

白蕤詩集 卷九 八

追思之遺
作此宮

中生負醜毒伯奇歌履霜自古讒言間父子皆殘傷
去若霧消復見天日先生者發恚憤死者已茫茫不見
思子宮千載徒悲涼

王濟宅

在閩鄉城內東關按濟字士治晉鴻農湖城人博
覽墳典嘗為羊佑所器重累遷益州刺史太康初
以平吳功拜輔國將軍尋封襄陽郡侯初置門第

寬厥人問之曰吾將以羅弓戟也後果如其言

高門何必羅弓戟舊苑偏能貯典墳今日邊城荒草裏

殘垣誰自識將軍

二月初五日將之華山留別石半峯 致光

鼎湖宰官清且閒令我一見為開顏常想千佛坐花裏
闕也黃花吟 偶呼羣仙對酒問青春相逢轉相別白雲自
有千佛喇

入潼關有作

雍州爭據帝王宮萬仞巉巖一徑通莽莽燕雲三塞北
蕭蕭風雨二陵東黃河裂地蛟龍伏華嶽掛天虎豹雄
幸際太平閒作客吟詩自愛入關中

同州雨呈李松村 長青 郡守

白純詩集

卷九

九

華雲靄靄覆河津忽覩高城草木新秋老郊蓬方出楚
自去年九月所 盛四省皆早 青回隴麥正歸秦蝗災半盡三冬雪兵氣全
消萬里塵 時開征小 金川捷音 太守亭前頃作記一時喜動路旁人

三月初二日雨後初謁華嶽廟有作

余夢遊華山幾數十年矣既歷萬衡諸山計欲周
覽客秋循環訪古已三千餘里於今壬辰三月朔
始抵華陰將陟三峯之巔而遠眺焉臨風作賦以
述恒岱二嶽俾石室雲壇皆有文字時天雨久霽
而復晦期卜吉旦乃極遐觀先期謁廟季春二日
午後乃登五鳳樓正對華岳三峯出沒於雲煙風

露之間最稱縹緲奇勝由此層累而入古柏夾道

蒼蒼中有海棠紫荆花參差於萬綠千青之中而

帝座巍峩豐碑疊陳左右蓋不待躋其巖巒而知

其氣象懸絕也遂賦一律粘於五鳳樓上

五鳳樓臺覆雨煙重門春色隱蒼然祠傳漢武求仙日

碑載唐封祝聖年翠柏朱花雲裏現金盆玉女望中懸

乾坤五嶽將遊徧願得乘風最上巔

初五日天霽升嶽華陰張明府 雲從 多給輿馬

僕從並攜布數匹繫腰前後推挽氣勢獨見

雄壯

白純詩集

卷九

十

清風蕩幽壑旭日引高巒駟馬何躊躇十夫氣桓桓策
馬歷修坂升輿臨潺湲天氣既和煦衆情交暢惟樹志
宜堅卓委意即踴躍潛默資神力颺忽出雲端以此登
高興曷云行路艱

五里關

五里驚傳第一關石門已自隔塵寰華陰道士今何去
只在山間與水間

道旁見木刻希夷卧像如生

洞口桃花幾度春一溪碧水淨無塵世間奔走皆名利
不解空山有卧人

張超谷後漢張楷字公超有道術能作五里霧
公超好道術能作五里霧霧來滿山青霧去山如故我
欲叩巖扃林深隔溪路

希夷峽

圖南真高士蕭瑟懷幽虛力辭天子詔獨與白雲居巢
父猶飲犢子陵尚釣魚何如高枕卧清夢入華胥不列
凌煙畫不上封禪書以茲脫塵網羽化凌天衢峽中有
香積相傳藏故軀或者竊其骨世人亦何愚縱然貴骨
相精神安得俱遙望不可即終古徒歎歎

杪樾坪

白苑詩集

卷九

十一

繞入桃林路又經杪樾坪山色圍如畫水流空復清顧
我默不語幽禽時一鳴坐看飛泉落起與白雲行

寥陽峒

在青柯坪右鑿巖壁為之面斜對北斗坪諸峯左通西峯懸巖數千仞

側徑通巖壁幽散到客踪高光涵北斗空翠落西峯
藹藹多芳草蕭蕭一古松無人勤供奉風擊自鳴鐘

聖母殿假寐

忽睹金容靜踈簾日影斜巖風飄桂子水月浸蓮花
憇憇因成夢長生亦有涯乾坤隨坐卧何處是吾家

水簾洞歌

華陰洞深三百里黃金精液白玉髓中有瓊宮並瑤臺

千載無人窮其底山腰洞門高丈餘但見五色祥雲起
洞旁昂立石仙人丹青冠帔真相似太華之巔玉井源
南匯二十四潭水飛瀑直下三千丈忽注洞口戛然止
却從青柯巖裏出星散珠聯白纒纒奔溪瀾翻落渭河
繞到人間浸泥滓乃知玉井即玉泉誰辨源流與終始

玉女峯歌

南峰東峯蓮花萼中有玉女何綽約千迴百轉不得見
窈然含睇藏虛閣山上朝雲日濛濛欲雨不雨如輕幕
我為拄杖洗頭盆玉池香露銀河落白馬一嘶青天空
萬古千秋想寂寞當時不曉神靈意龍衣鳳冠爭炫鏢

白苑詩集

卷九

十二

却向危巒倚石樓天寒風吹翠袖薄

仰天池

南峯頂上名蒲池生九節菖蒲其西最高處皆石
頂上有池名太上泉俗謂之仰天池此又高於南
峯正頂十丈有奇為西嶽盡頭處稍東有石門南
向望三公山俱在眉睫間門外西旁有一小池即
黑龍潭門內東壁石如削上亢下縮余勒太華銘
在此

我觀太上泉獨注南峯頂倒涵碧天光時過白雲影可
惜一池水千載無人飲

登華山四首

峩峩太華山渺渺臨天極周迴數千里於茲漸可即孤
懷自高寧扶挽資衆力出入雜晦明行止兼喘息盡日
緣山窟面辟恒幽惑華山凌削經山腰山巔皆不見頂屈伏陟危巒惘怳形
始識側身立雲端揚襟生羽翼悠哉道云遠信有神靈
掖劃然人間世手摩青天色

崑崙西北來河漢日以東氣化驅萬類往復涵涵中夜
色倏暝寂朝旭已曛曉起視倚巉壁爛然見芙蓉竟欲
縱馳逐偶至輒復窮乃知足所駐絕地凌虛空含笑發
長嘆舉觴醺蒼穹人世多阻闕天路自相通我有數行
白藟詩集

卷九

十三

字藏之白帝宮

時勅太華錄凡八十八字

乾坤一俯仰萬物時出沒獨有靜觀人懷抱涵清越太
始渾浩浩剗削何突兀巖石落松濤飛瀑散珠屑醴泉
洗我心雪藕沁我骨蓮花和我顏五內蘇香馥玉女正
淨粧陽阿坐晞髮冷冷調素琴窈窕美明月徘徊不能
去怡惆仰天闕
白帝出游衍羣庶發華滋金光恣炫灼翻隄何陸離侍
女乘青鸞將吏駢紫螭如花復如火颺舉隨風馳空中
奏笙簧宛委生清悲顧茲遠遊人笑問來何遲酌以白
玉醴嘉惠瓊瑰詞子良有夙契錫符觀四陸我為謝靈

既仰盼不可期

荅華陰張明府

君不見華山之高五千仞李白搔首青天問又不見韓
愈投書呼救援至今猶傳華陰令我本五嶽浪遊人對
此心魂頗遠巡感君駟馬矜逐送十夫昂藏山神傾百
尺大布纏腰腋推挽雲路九萬級上山最以太白豪下
山不作昌黎泣仙人白驃使臣槎古來壯遊數吾家他
日長安倘相訪醉把玉池青蓮花

雨中弔伯夷叔齊墓

朝渡壺口東煙雨寒春月上有首陽山下藏義士骨世
白藟詩集

卷九

十四

人飽亦死夷齊死不沒此事關天人匪徒高名節太公
深契識武周無言說聖賢分經權各求心所悅我來千
載後空谷聞芳烈駐馬一迴盼清光尚恍惚風吹草青
青誰能辨薇蕨

望樓巖寺歌

在蒲州府東南二十五里皆中條山中兩名寺萬固樓巖並清麗萬固自昔李唐開

樓巖更從北周置隋文帝奉瑪瑙供唐人多標貞珉字
不數宋代金元碑猶傳吳生吳胃繪畫事吳生落筆便
有神况是達摩西來意或者摘蘆渡江情不然少林面
壁勢惜哉煙霧雨冥濛桃花香靄不得至盧李盧綸李益

諸君皆有詩使我周章獨遲改

蒲坂行

此道逢程柳谷而記之也余昔在雲夢李立夫家嘗與柳谷遊今十二年矣柳谷既遣人至同州相接已至蒲州東鄉蒼茫一晤故有是作

我騎驟君騎馬相逢不識俱不下君騎馬我騎驟回頭一望轉相過十年來相見晚昔雲夢今蒲坂

登蒲州城周眺鶴雀樓新移城上因憶幼時所

誦白日依山黃河入海之句慨興書壁間

華嶽東還古帝仰高城立馬望悠悠鳳凰無復來新閣

白苑詩集

卷九

十五

鶴雀空傳有舊樓藹藹桑麻含夕照蕭蕭蘆荻似深秋青峯萬里家何處獨見黃河入海流

六金人

唐開元金人二在永濟縣大門外左右對立高四尺乃元宗幸蒲時臣民所鑄以獻祝者又宗大中祥符金人九四真宗所鑄以祀后土者今存

唐主西遷成遠代趙家南渡亦多年金人不改當時意猶拱蒲城落照邊

發蒲州東門山行

蒲城按轡踏春風別有林村一徑通盡日鳥啼花落後

吟詩都在綠陰中

宿河窰

在中條山之中屬夏縣境有邑庠生某者門前古木流泉閑寂幽渺見鄰邑宰官客至亦禮迎之并加綺席將置酒固辭不能止也

躑躅中條暮崎嶇尚未平人踪迷樹影馬首逐泉聲古畫千年榻春醪五夜藥倏然盤谷意頓覺夢魂清

程小兒歌

我觀河東世家史柳氏兒郎何俊偉解州柳氏自南北朝歷唐將相文人一家相繼凡五百出入將相皆虎豹懷抱英華多蘭芷中條孕靈幾

白苑詩集

卷九

十六

百年令我手披書不已忽聞牕外黃口聲呼我先生蹶然起且呼且應復笑看垣曲程君小兒子眉如玉刻膚如冰神格不與他兒似前年九月始懸弧今年三月未

萌齒傳聞隔河黛媚峯秀擁東南產麟趾山最貌秀屬河南翁齒傳聞隔河黛媚峯秀擁東南產麟趾山最貌秀屬河南

翁強仕蒞山陬思在生人罪不死即令圜圜空無人訟

庭春草連街市出門羣送入門迎憐君只飲清廉水西有泉經清廉村亦名清廉水

陳氏德星耀子孫于公折獄大其門但願程君重培護何必柳氏獨高論

前二月同州郡署得垣曲令程抑谷書三月華陰得閿鄉令石半峯書四月初五日垣曲得同州李郡守書并得新安呂仁元書喜志一絕

故人西北未曾稀到處相逢客似歸別後不愁音問絕郵筒徧作鴈羣飛

遊浮山蔬園十首選四有序

蔬園者大名兵備觀察使家嵩麓公之所構也觀察自年二十有二由兵部車駕司員外遷本部郎中以丁外艱旋里及起復天子知其賢特授

白純詩集

卷九

十七

直隸大順廣道歷四年復丁內艱時三十有七歲迄服闋遂絕意仕進日葺園林與兄弟諸子之家居者以泉石琴書觴咏為樂令冢嗣贊椒君年未四旬由雲南太守擢吾楚安襄鄖兵使嘗聘余為鹿門院長加意培植禮節優隆士人多懷恩焉時聞大名高風輒為慨慕今以覽古至山右兼赴方伯朱公之名追維舊好迂道溯從下至如歸繫駒有日乃得覩園中花木禽魚泉石書史圖冊之勝徒倚歌吟揮毫成帙列於廊壁以備鑒觀

連朝風日烈昨夜雨膏滋下馬涼生腋開門綠到眉宿

雲合藥園新水注蓮池園西有蓮池又上有金魚池在鏡心亭右亭閣參差裏高低望轉疑

重山青似畫一水碧成圍石斷亭相續林深路轉微分畦花並笑隔澗鳥兼飛坐看雲煙豁崇臺藹夕暉百畝多涵井園丁響轆轤水環陶令徑煙煨阮兵厨羽曲蜂相和牙牌鴿自呼沉酣吾欲寐天地一蘧蘧

舒嘯東皋地閒吟小洞天在園東問安花下使游戲橋中諸子時來問安園中或學使來僕與某及同鄉張某年皆鬢髮經年留住園舍以舒談笑松並連枝秀蘭攢九是年冬與今夫人六晚妍十雙壽多或出人生輕富貴何處不長年

解夜過國士橋在趙城縣城南即勝讓伏橋下刺趙襄子處以智伯待以國士力為報仇故以名橋

卷九

十八

荆軻刺秦王豫讓殺襄子智力雖不足豪俠真無比支離變形骸天地疑神鬼卓哉襄子賢仇讐亦知已解衣任三擊不與秦王似我來世上過恩怨成流水秉燭劍光寒森然見國士却恨負心人含羞惜一死

韓侯嶺嶺在靈州境最高而險嶺脊有韓侯祠祠後有韓侯墓高一丈有奇周七八丈碑碣題味甚多

韓侯之嶺高千丈千夫逡巡不敢上韓侯之嶺立萬馬萬馬跛陀不敢下嶺頭上有韓侯祠祠後又有韓侯墓鬚眉仍如生英魂還震怒山峻馬易傾功高身難固一人封侯萬骨枯更請封王奚為乎不如縣上孤介士年年寒食吊荒蕪

早發張蘭鎮

昨夜張蘭雨潛消滿路氣輕陰含早日涼意似秋雲露
沃沙輪滑風微野草薰平遥空濶處詩思最氤氳

介之推

介山亦何長縣上在何許子然不忘親之推乃仇主兩
人清介行復共介山處只見介山雲只作介山雨

院

喜呂碩亭新成進士歌並東令兄仁元荆山書
隋唐儒家重進士呂氏太傅延孫子太傅御史歷司農
光祿三代皆南宮光祿司農子並擢一少司農一方岳

白純詩集

卷九

十九

方岳之子稱仁元年少頭角何嶄然靈皋老眼驚俊彦
許成五世進士傳方先生與呂氏為仁元潦倒二十秋渠陽
刺史傷窮愁介亭碩亭好兄弟與我鶴山論文執介亭
一官亡粵西刺史歸卧橫山溪地北天南魂夢絕但聞
碩亭凌秋月去年不第滯京華零落栖遲已忘家自誓
揣摩趨時手舊袍忽染紫陌柳惜哉便令作宰官光祿
玉堂獨高寒我看題名遥相羨故家子弟今又見夢月
巖深蟠青雲萬斛珠璣傾龍震從此仁元益努力荆山
古鼎摩天色

雨後同人觀晉祠池蓮歌有序

白純詩集

卷九

二十

晉祠出省城西南五十里地屬太原縣其山勢蜿蜒
蝨疊起前為懸甕山下清泉瀾翻山海經所稱懸
甕之山晉水出焉者也周成王剪桐封其弟叔虞
於陶唐之故墟詩唐風所謂賦蟋蟀者及叔虞子
燮父改唐為晉因晉水而名之也晉水高而汾水
卑春秋智伯決晉水以灌趙襄子城至北漢多用
此法其泉分為二一日善利一日難老日夕滴溜
池沼瀾漫又分為十餘道灌稻田千頃南阡北陌
芙蓉相望其山上有唐叔祠祠有唐太宗御製碑
其泉源上為聖母祠宋勅封為禱雨之處亭閣參

差橋梁宛轉沿溪古柏夾道濃陰歷代帝王齋宮
迭建名臣歸老別墅宏開與夫騷人韻士之儔歌
風浴日經數千年不絕蓋三晉一大名區也屢與
藩幕諸友計共游觀卒以雨阻愆期至是天霽遂
備輿馬往而造焉觴咏其間絲竹之音風迴流轉
蓮花千萬明淨如粧客稱此地風景勝於蘭亭而
茲會沉酣抑且超於逸少矣銜杯飛興爰作歌云
昨看太華玉井蓮玉女折去三千年山靈雪藕根不死
化作石蓮光爛然我欲擷佩愁無力西風吹落汾河邊
唐叔古祠林泉好王家樂事風流傳長亭短亭架溪壑

南池北池相糾纏，瀾翻渾涵成大澤。千頃菘蕖明娟娟，六月炎熇忽降雨。萬斛珠璣傾九天，天遣阿香浴花魄。五色彩虹吞長川，三日甘霖十日露。一掃浮埃皆盡捐，濃脂膩粉洗不脫。豈知朱顏更新鮮，紅房滴餘瑪瑙渾。翠蓋波盪琉璃盤，東山月出如粧鏡。美人冰罷清可憐，夜深花睡寂無語。又聽橋頭鳴管絃，秦箏趙瑟吳越曲。何人醉倒花中仙，我輩及時且行樂。天涯風月何因緣。

晉祠雜咏十五首選四

板橋嫩柳綠如絲，芳草萋萋碧玉池。誰料夜深雲雨作，溪旁多是女郎祠。女郎祠即聖母祠

白苑詩集

卷九

二十一

山下平疇數十家家，門外欲浮槎。南風吹送香難辨，半是荷花半稻花。

溪邊列樹翠雲封，澗草汀蘭一杖筇。行見溪頭小兒女，綠陰深處看芙蓉。

剝落唐碑紀戰勳，詞人題咏亦紛紛。千年歌泣空迴首，化作朝陽一片雲。朝陽一名一片雲

晤陳西峯晉陽客舍

君歸何早出何遲，此會蒼茫亦太奇。幾日秋風汾水曲，去年明月漢陽詩。三關天遠官猶壯，五嶽雲深路轉岐。不惜夜酣桑落酒，相逢便是別離時。

咏池中獨蓮呈方伯朱石君先生

子子芙蓉枝亭亭，出綠池衆艷已結實。孤芳且自持輕霧，隱幽色遠日揚華。滋願無塵壙，侵懷此素心。期美人初一笑，顧影成參差。君試回首望相並，復有誰羣。懽意未愜，獨賞思自清。豈不傷遲暮，所託有餘榮。靈根自潛注，偶為知者傾。稠人寂無語，虛堂涼始生。夜靜倚纖月，澄波蕩微明。別去勿復道，悠悠抱此情。

晉陽送舊永濟李端夫

春日辭蒲坂，三月同垣曲令程秋風報解池驚傳新刺史憶別舊游詩寵秩天驄出行踪塞鴈隨時將遊五臺過鴈門琴依鹽澤

白苑詩集

卷九

二十一

近聞解州鹽池亦有之，槎泛白雲遲。整作郎官會，空懷過客厄。倘逢垣曲令，為我寄相思。

遙題馮孝廉有堂

晉祠池蓮香藹藹，我昔游賞君未會。於今太原始逢君，蓮花又隔煙雲外。聞君繪圖貯燕臺，君坐磐石對花開。北路車馬紛如織，眼底茫茫皆塵埃。風吹汗漫汚顏色，逐利爭名何為哉。君具清心借妙手，為我指點空徘徊。此去講堂懸長幅，臨風好憶周茂叔。時為孟縣院長

晉陽呈方伯朱石君先生百二十韻

壬辰秋七月月魄三朧胸，晉陽辭方伯清風渺何遠。昔

我謁江城公旋赴河曲賜書及鹿門殷懃煩老僕感公
數邀畱岐路空往復我去漢水濱獨居青山谷高光占
北斗少微隱南陸各在天一隅眉睫動相矚四顧神傍
徨五嶽填胸腹游蹤半寰區何為終裹足去年乘秋風
散髮任幽獨六合同古今孤哀寫歌哭臘月邯鄲道寸
楮遞呈瀆徑過銅雀臺憑弔淇源澳遙迤獲嘉西太行
阻輪輻先在邯鄲寄書稱歲內可抵公南渡趨廣武舊生憐信
宿北水為詰朝黃河灘除夕青要麓呂子疑天來開建明
雙燭呂仁刺史遺我書汪汪涕痕續呂刺史柏巖先聘修靖
昨至其家始見刻本并以余詩文虎牢落日蒼龍門春波綠還造
盡入志又望余不至惟憶有詩

白苑詩集

卷九

三

夏王都轉蕩風陵渡又兩二月馳潼關三月躋華嶽馮
翊太守驚同州府鼎湖宰官熟友人石半峯會留我不得住垣
使來何促誰知公有命飛檄徧徵逐使者語未達驕驃
久羈束先正月過垣曲程抑谷赴省未遇及至同州遣僕馬沿路追及其人
由中條雨濛濛雲態變寒燠竟舍長安衢驟驅臯落隩
披函見公書山城射春昱河浪激長嘯喉梗不能讀是
時飲程子齒目侵炎熇東道經神山觀察觴遠族過浮山
舊主人耶襄道張贊其尊翁公復劄邑令輿疾指星夙五月升
大名公於留園十有八日公堂見我笑如玉公子暨令婿樊城手一握別袂忽五
年嶄然驚頭角再三勞繫維老馬齒已禿高軒張鉅文

倦眸駭遐矚始讀公撰詩話及銘乃知鴻典冊謙光徒掩覆五
夜聞清哦萬卷堆案牘朝拈芙蓉香夕餐瓊露沃圓月
懸虛廊寥廓獨躑躅洪度若湖海野性猶鴻鵠低徊不
能寐願言為公告僕家本土夫累葉衍清淑祖妣秉芳
操母氏出華轂熊相國禱祀大沙洲夢賜金鯉浴大沙洲在
河中其寺有銅觀音先母祀八歲泣慈雲十五慘喬木零落依外
家瘡癢解醒毒慷慨奔故鄉谿訝闢巖屋初開雲結心守
元冥漱慮被塵俗采茶自作炊烹泉自相掬青神被襟
帶雲松風謾謾有神俛仰發清哀坐卧凜齊遜甫試列
邑庠弱冠司家塾當時負礪矻矻科名等碌碌每歲投棘

白苑詩集

卷九

三

苑羣望喧樵牧引領即雄飛甘心寧雌伏擬賦屈宋姿
募策賈董局頗願樹功勳微思報生有太息古人稀恥
為青史蹟屢薦不一售懷者忌寵辱規矩堅先民僥倖
戒時錄故人早輕肥生徒多梁肉魁梧亦間拔所樂非
所欲滄海明月珠煙島涵鯨目颶風捲迴沙乾坤駭剖
副大鳥一夏鳴遠翰齊振翮抗論大官庭濫分國師祿
精研覈典章澹恬親首肯衡經定剪裁織文綜機袖禮
殺班衣冠花圃芳郁郁湖南子山梅程子山論漢東神農
穀江女翠楊歌夜郎密箐祝巖叟并溪童慣唱狎魚鹿
自我僭虎皮厭人爭雞鶩主位多名宦勝地徵嘉卜淹

留辭弗允數數傷傲麓殘帙飽脈望荒窟巢蝙蝠計歸
借山妻辛若刈原菽蔽雨支數椽軒風厥四填念昔愁
家園好古敦孝睦按譜申紀綱息訟消刑獄瞻依我父
兄樞僕我伯叔倡酬我弟昆詩禮資膏沐梓樽置惟欄
課草牒牀褥春煦明山房集校爭相勗兒戲嚴擣蒲奴
朕懲詆詆古人廣任卸德行兼二六百年老鄉鄰世世
無怨讟廟社醮牲醪虎狼厲鎗籠飢溺醉幽魂乞丐分
饑粥急難走匍匐同心力並勦更擬同善亭朔望宣雍
穆向擬構此亭於青園與鄉里諸孝友正直勤儉諸條一第終軾軻萬事總頻顛撫躬一
款歎顧影特聳轟浩浩宇宙寬安為利名桎橫覽周王

白菴詩集

卷九

三五

傳縱探山海蘇空天駕飛輪隨地因轉軸東折渤海桑
西倚瀟湘竹北臨燕然山西征隴與蜀銘碣鎮巖巖吟
濤搖海瀑囊括貯精英返爾藏岩匱飄飄若孤雲輕紋
成緇穀蕩漾天壤間有時霏霖霖細潤安足滋餘輝待
晨旭佇立華林下整我舊巾幅文字一小技千古揚高
蘇庸耳醜齊芋壯呼誇秦筑我公定正聲天地皆清肅
盪舟澧沅幽懶珮蘭芷覆佳期惜遲暮流光嗟飈倏音
緣知者竭衣為好人暴恐不常在御拳拳膺所服幸逢
文治日賦命有伸縮公生五德備儀羽飲鸞鷲真精貫
台鼎元氣無滲漉四國沛甘露萬類含芬或允矣翼

聖謨宜承皇天篤庶幾古明良宏維天下福

冀寧觀察使徐公警峯浩見東若有夙會因荅

以詩

徐公見我開胸懷飄然凌虛天上來自言同侍玉皇側
隨風誤墮入塵埃君着烏紗我戴笠許我車前一長揖
楚天南來江水深巫女歌罷湘娥泣仙人呼我白雲間
游戲五嶽與三山相逢若問驄馬使醉此金龜何時還
贈馮九瑤峯乘乾歌

我讀馮郎雙松歌骨節離奇神婆娑武侯古柏千載後
少陵鉅手誰能摩君家大樹將軍裔近代驃騎鎮運河

白菴詩集

卷九

三五

馮郎秀色撲眉宇往往畫省揚清哦同學朱子稱詞賦
芳豔新看出水荷異哉馮郎松柏質行間每見氣番番
前日走馬渡汾水秋風投鞭起盤渦即今束腰不盈尺
持箭駐立朱顏酡落日控弦眼愁集一發穿楊疾如梭
乃知儒將班定遠書生都傳馬伏波吾友牧亭與霍麓
將門子弟雙玉珂山中赤手搏虎豹潮頭強弩射蛟鼉
兩人之力俱矯捷當時操翰皆聯科胡牧亭令祖嚴陸總兵官
御史杜宗範聯捷進士官浙江
布政使今高祖為國朝都督馮郎韜弓且休息滿架圖書重搜
羅古來大材兼文武我欲學之奈老何少年豪氣今猶

留別朱四習之錫經馮九瑤峯兼答送行之作
君居燕山側我家湘水湄意氣一感觸山川誰間之不
愁中心隔但恨會面稀人在天地間塵與風相隨莽莽
行路人牽衣復何辭願言各努力及茲春盛時大樹易
為陰甘露易為滋昨夜星歷照此瓊瑤卮送我羊腸
坂袖中出新詩立馬望邊城茫茫天一涯八月鴈門陰
秋風草離離九月黍岱巔海曙生寒漪豈不傷歲暮去
國自遠遯青山如不老他日吾來歸

別史一蒼言北蘭并答送行序詩

史氏漂陽侯世膺刺史職何年去江南子獨居冀北我

白苑詩集

卷九

二十七

自入太原塵途偶相識曩者驚虛聲漸次親筆墨初親
不經意再三目屢拭寂寥含真精幽莽無雕飾驕驕塞
馬馳不肯受羈勒又若掘蒙泉河海倏滿滂源流涵清
潔滔滔杳無極乃知苦零丁性靈久抑塞朱公發驚嘆
引伸信有力顧我亦何私開懷見四國邊風吹襟帶孤
花照顏色送我出闕門愁吟心惻惻我歌行且答竚立
忘語默人生各自立何必長相憶

晉陽方伯署中答給諫朱繡叔先生玉烈

方伯座上高青雲一家龍文光紛綸道是晉陽老山長
呼我山中樵牧羣憶昔兩公持南節一播春風一秋月

玉堂司臬氣容驄馬衡文鑒毛髮先編故朱公精核制執督
學楚北極清峻後南陔朱

國朝百年文運隆近來時趨亦不同吾楚典文稱作手

後有朱公前陳公辛酉科陳星齋
先生典試湖北陳公力追陳卧子朱公

清如錢吉士百川波靡眾流狂對此一泓消泥滓南崖

朱公學昌黎浩浩元氣傾淋漓安得中原長並駕使我

仰觀全盛時

出太原北門陳孝廉東序馮九瑤峯王大蓮菴

史一蒼言陽曲盛明府兩公子僕馬追餞十

里亭

白苑詩集

卷九

二十八

長亭車馬雜飛塵綺席金樽觸眼新却笑太原諸兒女
爭看五嶽一遊人
諸君南北各天涯對此離筵共一家送我莫愁秋塞冷
無邊綠柳與黃花

白苑詩集卷十

蒲圻張開東賓陽氏著

男兆騫編

九日忻州九龍岡讌集答魯刺史壬辰稿

驅車入秀容州城內即古秀容縣城挽轡陟危峯地濶蟠雙虎自石嶺關而北州境有虎頭山二

軒豁數百里天高接九龍趙襄非舊域韓獻此遺封州為韓厥其屬縣定襄為趙襄子墓宿館因張仲昌祠文為邦識魯恭開筵千俛上置

酒列賓從座擁東巖石牕憑北闕墉街杯杼慷慨落帽

感遭逢雨歇朝雲散風會夕照重是日邊榆霜未染塞

菊露偏濃香靄歸晴檻鶯鴻帶暮鐘人閒柶雉堞世泰

靜狼烽海嶽遊仙夢登臨過客踪太平歌既醉萬里樂

白苑詩集

卷十

熙雍

趙襄子墓

晉國趙襄子清濁亦可議身出危亡中每能料情勢當

時滅智伯漆頭為飲器用報灌城役先殺守隄吏讓讓

復報仇汝且謹相避持匕追橋下解衣任三刺殺之成

其名國士揚高義即趙城國士橋代王汝婚姻夫人汝兄弟如何

并屠戮所貪惟土地只今東門墳蔓草為幽閉尺土竟

何有殘碑敗行字人死萬事空始悔生為利不見摩笄

山愁雲不成髻摩笄山在定襄東南即代王夫人摩笄自殺處又一在代州

有聾僧號心忠者呼之不應却為我指示諸山

我苦多聞見爾妙在不聞笑指千山裏山山有白雲

宿保安寺後閣是夜十五月食至天明始復悵

然書壁

高樓臨月闕古刹入雲端影背青銅鑑光沉白玉盤水

晶天亦杳金鐸夢難安醉罷清涼石終宵復倚欄清涼

御題水晶城三字在保安寺院內

白雲寺

我愛白雲寺幽虛世所無石峯森寶髻山頂儼浮圖紅

紫秋籠殿清泉日到厨松風花雨裏自有一文殊康熙

即題松風花雨之類

白苑詩集

卷十

過棲賢寺答僧道迎者

棲賢古刹隱雲關忽見緇衣揖路間笑折青枝頻指點

夕陽影裏小匡山寺門前有二大樹蒼翠如柏因命折一小枝其正殿額曰小匡山康熙中御題也

九月十八夜雪次日題顯通寺壁

曾憶家園秋雪詩前四年十月初二日雪尚未交冬因作秋雪詩北來風景亦相宜穆

王黃竹歌非遠在代州佛子冰花笑在茲霜未降臺飛玉

屑風因落木轉瓊枝珠宮貝闕清無滓似我讀書古洞

時

巖頭村一帶溪柳如春

紅衣翠袖小兒童巖屋嬉遊日正融自是秋風吹不到

肩輿時出綠楊中

楊七郎墓在紫時縣西十里吳頭村

按楊業生七子宋雍熙二年業死於寰州之戰子延玉亦沒焉後詔褒美恤其家子六人皆予官則延朗延浦延訓延環延貴延彬也延朗即延昭所謂楊六郎者也延昭居長而行稱六則不以同胞序次可知七郎或幼或長俱無致豈即與業同殉難之延玉耶

代州多傳六郎城繁峙忽覩七郎墳楊業七子見宋史六郎延昭列長子六七知非本生行先有延玉業同亡

白苑詩集 卷十 三

不知即是七郎否忠孝兩全應不朽我酌路旁酒一杯愁雲萬里青天開

鴈門山

盧龍勾注勢崔嵬一綫中通鎖不開山北山南何處是峯頭時有鴈飛來

遊白人巖聞山夜行有虎宿潘氏莊

僕馬行將倦林巒日已西驚喧馮婦虎媿食丈人雞野樹青燈出山牕綠酒攜農家多樂事吾亦愛幽棲

次日雪即事題潘氏房壁

四座俱無侶孤吟却有詩烘牀燒榻冷樹看琉璃野

老懽相飲羈人醉不辭清光幃闥淨坐卧白雲邊

嶧縣喬明府鳳崖喜所作遊山諸咏因贈詩次

韻奉荅

乾坤浪跡真鷗侶闕塞吟聲逐鴈飛自是山人多漫興由來海客本忘機千年寂寞追皇古萬里蒼茫指少微却道使君能共賞不愁相識路旁稀

鴈門行贈施刺史有序

鴈門古稱關塞之雄阻也潼關劍閣莫能抗衡乾隆壬辰余登西華將次恒岱遂渡河覽三晉故蹟歷五臺嶧山並觀朔漠期逾關而造焉會代州刺

白苑詩集 卷十 四

史施公以英年進士老練邊疆政治和平吟嘯風雅綽綽有古人之遺地角天涯叨茲嘉會晴空輿馬任我遊遨良千載一時矣自念一介微軀縱橫萬里西瞻崆峒東泛滄溟南盡朱陵銅柱之鄉北窮涿鹿白狼之野行歌自得險難不驚益深藉朝廷之威靈迄於無外而二三賢大夫之德教有以漸摩使之然也聞之代志之不修者殆二百年邊境人文日闕書院闕如刺史朝夕惓惓以二者為急務美哉斯舉其圖有成乃作鴈門行以廣其志且以昭國家之曠典云

自古關隘數鴈門代為咽喉胡為唇雲中形勢天下脊
其餘八州皆肢臂紫塞萬里關一綫盧龍飛狐鎖中原
秦漢以來虎狼踞百萬貔貅星雲屯長城將軍郡太守
領袖北方何其尊功臣名將決生死中外呼吸爭亡存
譬若驅羣禦海堰蟻穴不封鯤鯨吞鴈去鴈來天寥濶
壯兒仰射落黃昏豈知上林飛不到尚帶邊書血淚痕
我朝開關幾萬里四十八家稱臣藩戍卒不上白登
寨飲馬直窮黃河源代州刺史老甲第
天子寵命作屏垣揮翰鳴琴鎮沙漠談笑風流傾樓煩
不知十月邊霜苦但覺滿地春風温我行天末始一見

白苑詩集

卷十

五

慨然升堂為倒樽五臺崢嶸山隨指顧千仞巔崖走輪轅
道逢秀士差可喜山剩殘碑誰能捫武人投戈思祖父
宿老抱書付兒孫諸葛蜀漢紀載缺范公蘓湖文教敦
兩事百年關興廢刺史經術見本根大儒策勳太平日
蒙恬鄧都安足論

平陸七歲孝女詩

緹縈方稚齡上書能救父曹娥年十四捨身當潮怒平
陸呂氏兒婉婉七歲女父死母欲嫁牽衣涕如雨不道
母心違但念父身苦父亦不能憐母亦不知處薄暮聞
路人弱質委墳土回看牀頭枕血痕不可親幾諫復誰

聽嬰魂渺無所廣文老馮子親見為揚詡如何治邑乘
遺芳竟莫舉我行且停車思之傷肺腑將手摘蘭茅蕭
條出蓬楚凱風與蓼莪此外宜續補

代州演武塲二首選一

將軍無好武刺史為經戎施公捐俸重修廳畫閣新霜白旗亭落
日紅并兒常挽月代馬不驚風修飭百年事昇平紀鉅
功

施刺史留觀劇行

刺史堂前明月光紅燭高烧夜無霜紛紛旌旗戰塲色
滿座煙雲為低昂主人獻客復長揖哀絃促管何太急

白苑詩集

卷十

六

闕然一霎杯盡空月到中天還獨立

登鴈門關戍樓二首

天地分中外關山自古今高風寒漠漠影落日暮雲陰馬
駐邊庭色鴻飛故國心巉崖橫絕處獨踞一長吟

危峯秦郡塞古廟趙將軍秦始置鴈門關左總拜上有李牧廟地洒千年血天

吹萬里雲琵琶空有曲鼙鼓總無閒休效燕然石題銘

紀戰勳是日作鴈門銘寄代州施公刻石

宿廣武在鴈門北二十里

廣武山頭月空庭白似銀天涯不厭遠猶自照行人
途中憶施刺史却寄

代州刺史宅久住竟如歸每載游山酒新裝出塞衣朔
風人北去明月鴈南飛別後郵筒便音書未覺稀

宿山陰城在鴈門關外之東去廣武六十里屬大府

廣武東來路平原夕照明雲中聞數鴈天外見孤城客
倦風初定官閒酒易傾最憐圓月好相伴有餘清

謁王文端家屏祠因答裔孫振祚烜祚

復宿假宿山房文端讀書處真端士前朝老尚書直聲登宰輔累疏定

皇儲下馬瞻遺範雄獅守故居文孫相問切握手一躊

躇

道路徵文獻邊庭有幾家干戈餘典籍族里半桑麻禮

白苑詩集

卷十

七

寓衣冠肅芳傳俎豆嘉勗哉言不盡前去日將斜

夜渡桑乾河

日夕渡桑乾鴈飛一水寒暮雲低馬首初月上輪端北
斗孤城挂西山遠岸蟠河汾千里外獨見此清瀾

檣臺在馬邑城西北隅高四丈有奇登之則城外山川悉見故李衛公觀星處也

馬邑荒城裏衛公尚有臺星辰高朔漠天地小蓬萊察
象通邊氣興王仗將才千年人不識臨眺一徘徊

金龍池馬歌

池清而深涵曲繞鄂公祠之東南水向東流潺湲
有聲水性暖隆冬不冰蓋靈湫也相傳池出二馬

衆莫敢近惟敬德能馭之卒助戰有力府縣志皆
載焉余感之作歌

金龍池水桑乾源清如碧玉聲潺湲中有神龍化二馬
一驪一黃何軒軒偶然出水驚奇特朔驄代騮無顏色
神采天矯骨森張窮邊壯兒騎不得將軍一跨捷如風
天上又降真神龍龍廷虎將推第一徃徃衝突巢穴空
十萬重圍救天子百戰百勝殲羣凶將軍善稍兼善避
亦是此馬成其功功成還朝汗流血禁城始解黃金勒
江都錦纜三萬匹母乃肉相徒驕烈後來寶物爭貢奉
此馬此人俱無用百年育材在精良千金買骨誰為重

白苑詩集

卷十

八

君不見廟廊泥馬立池頭仰天欲嘶寒波湧

宿右玉後所舖賈店樓中晚眺

落日孤村外高樓萬里空川原多牧馬天地一飛鴻野
咏無人和鄉書何處通浮雲山欲盡畧與故園同

過殺虎口二首選一

兔毛一綫水邊界此間分中外皆皇上乾坤一白雲新
詩當虎嘯古劍倚龍文却笑唐人懦徒然赴朔軍

出殺虎口

殺虎口前風烈烈忽然為雨忽成雪雨雪和沙漫天飛
咫尺山頭迷車轍御人呵氣凍成冰我獨抱心堅似鐵

急呼滕六與風伯何為淹滯遠行客須臾窅然天地清
把酒坐着星光白

吊明妃墓十首選四

美人不可見寥寥遂終古昭質自無虧所傷在知遇昔
見篋中圖又聞曲中譜情悵神欲即佇望江南浦游魂
竟何之不得返故土獨立盼邊城飄零各歧路
微風本無迹孤月空有影念我漢宮人憂心獨耿耿豈
不幸君恩遠離君所命君恩不可希天命當自凜求媚
素不工抱恨將誰省譬彼餅中水安得還故井
漠漠白雲飛不到我故鄉悠悠黑河水不流漢宮墻莽

白苑詩集

卷十

九

莽漢廷使音書不我將翩翩南征鴈不與我同行生當
長相思死當永不忘

青青墓上草鬱鬱生游雲草葉雖凋萎根芽常清芬盪
手蒸爐煙載拜宣祝文愴愴倚河側藹藹凝夕曛千秋
萬禩後天地一孤墳

歸化城醉歌行

北順義王三娘子忠順夫人獨駐此有明萬歷十四年
歸化名城從茲始當時寵命臨邊藩後來相沿為通市
我朝開疆窮八埏四海一家同腹裏康熙之間小不
靖穴窟偶然生螻螻

白苑詩集

卷十

十

天子親征妖氛清高碑鴻文功德紀將軍都督揚兵威
觀察司馬詰姦宄至今安枕七十秋但見風物增繁靡
城外何所有青山松柏黑河煤平原麻麥蕪秬秠武夫
賣刀今買牛狄女煎酥還炊米城畔何所有此方皮褐
積如山南來金帛若流水騾馬駱駝交奔馳華人夷人
聯鄉里城中何所見崇福延福多比邛華嚴經塔青天
浮崇福延福兩寺名華嚴經塔在東城金人所建黃衣赤衣諸喇嘛都着貂帽紫絨裘
大師龍宮藏不出其餘騎馬當街頭街頭百貨頗炫爛
奇裘陸離驚人眸富商鉅賈夾第宅萬家煙火何綢繆
高館酒幟紛五色推牛刲羊傾百甌乃知窮邊有此地

令人却憶古豐州我亦解衣醉盤礴六合之外皆同遊
太平好作吟詩客何須求封萬里侯

望李陵臺

君嘗望故國我復望高臺今古一相弔英雄空自哀邊
風何處立漢月幾時回惟有天無盡年年秋鴈來

朔平呈郡守方澄湖應清

太守高居古塞營遊人更過受降城為逢野館通符節
先驅即伯於馬邑野廐迷縱覽口外並帶青塚因致書札不道邊庭款送迎青塚雲間孤客
淚黃堂天外故鄉情平生文字多懷古湘水南來又冰

征往年游野湖多題咏

喜晤余孝廉勁齋昌祖朔平郡署

大湖南北今疆處都在東湖百里中我過蒲山新店望

君家湘水小橋通巴陵方若在臨湖南動居臨湘人在蒲圻之南從蒲首至新店渡河即勁齋萬里居矣

孝廉不逐歸鄉鴈郡守偏逢出塞總印為故園難一面

天涯翻與故園同

將之大同方大禁余勁齋徐敬亭並馬送行郊

外因登風神臺

邊城同作客送我復登臺日色三關遠風聲萬里來憑

欄聊極望繫馬故遲回獨指東南路鄉心未覺灰

月中望牛心山秀銳可愛是夜宿牛心堡

白菴詩集

卷十

十一

暮入翠山裏脩然碧玉峯野虛雲淨寺村遠月明鐘平

湧稜如削纖粒翠欲濃車中時隱現吾意息塵踪

左雲道上冬日楊柳皆青驚成二絕

雲城冬日出旗亭忽見東郊楊柳青自是行人天氣好

寒風不遭到邊庭

猶疑柳線拂征輪誤信東風逐遠人更有前村沽酒店

乾坤何處不陽春

石佛寺歌

武州山頭石窠寺元魏供佛真奇異始自神瑞終正光

結構精工經七帝高宗一聽曇曜言那惜黃金開天地

鏡空五所何玲瓏一兩一佛從位置高者穹然七十尺

六十尺以下為次後來十寺二十龕陸離參差萬佛備

神斤山鳴白日昏鬼斧石裂陰風吹當時法駕入龍宮

巖中常見天花墜洛陽新都準代京大長秋卿白公議

今春我從伊闕來兩壁劍利絕相類誰知原本武州山

却由雍豫轉燕冀忽見大佛起嵯峨山神鼓力雄巖巖

櫻升三層始平頭洞濶十尋方舒臂西旁三龕亦頗同

老僧指點得其四伏者彌陀張口笑揚者大士愁顏媚

動如海波傾浮島窈若山鬼藏幽隧丹獅白象欲攫人

金童玉女自游戲千態萬狀五色迷蒼茫不似人間世

白菴詩集

卷十

十二

乃知帝王神力俱泥塑木雕空矜施拓拔宮殿已成塵

千年茲山傳遺事自古何物不消磨今之艷稱昔所廢

情哉諸龕久荒涼丹梯摧折不得至却恨香山本風流

安得元公作墓誌文章興衰亦有時停車雲岡徒遙企

大同度明府律齋先生即席奉答

累世旌旄擁翠華孝廉早赴使君車堂傳仙圃三千實

令祖公并太翁皆官內座擁邊城十萬家塞鴈雲中驚非度河

魚天外賦南嘉時蒸黃河相逢尊酒勞相勸攬轡名都醉

日斜

段文昌墓在大同府東八里

荆州大厦人來去雲郡豐碑字有無千載文章韓吏部
一時聲豔總凋枯

宿下華嚴寺

東閣香煙靜半輪山月寒獨行空寂歷相看欲圍樂客
思隨僧定鄉心耐歲殘五更鐘磬發清韻遠欄干

陽高早霽味雪

城頭雪色映朝霞早逐郊原日正華人面光寒臨玉鏡
馬蹄輕暖踏銀沙肯留平地湏書字若化清泉便煮茶
却看前村風滿樹參差零落似梅花

雪中同高漸磐錢茂遠游盤山

白苑詩集

卷十

十三

我聞盤山天鎮東參差獨懸百丈峯中有石罅一水通
洒落山頭清溶溶今來大雪持杖筇高君策馬氣何雄
並繼錢郎當風衝載酒滿車鏡相從開軒坐對青玲瓏
將手醉攀玉芙蓉空山窮滅希人踪萬古千秋誰與同

蕪武廟

十九年來事已非蕭蕭白髮拂征衣邊人不解空遺像
猶問君從何處歸

答大同慶明府

大同車馬紛如織十丈紅塵飛不息中有獨遊五嶽人
每問山川無相識北國貢獻羣駝鳴西征將帥羽書亟

宰官朝送暮復迎那有閒情探幽仄卓哉慶公高意氣
選車簡徒載酒食銜杯憑弔古皇墳立馬遠看邊城色
任我十日恣游遨歷盡山南與塞北吁嗟乎穆王神駿
張騫槎近世茫茫安可得人生欲作雲霄客會當凌風
生羽翼

答大同郡守吳公

漢廷吏治數吳公寰宇山川首大同地接南江浮彩鷁
魏蕭涼問故宮每為遊人勞顧盼不辭踏雪徧雲中
十二月望夜宿懷仁對月

白苑詩集

卷十

十四

萬里天邊客孤城月又圓相隨長此在不盡是今年雪
淨冰輪滑風高玉鏡懸姮娥能耐老歲暮獨娟娟

十六夜即席答懷仁五明府禹亭

覽古懷仁縣空傳劉晏莊山雲籠鵝鵲河水鎖鴛鴦
一曲明月滿庭光

答應州蕪牧伯

東吳風月下江陰西晉詞華見竹林
刺史金城多氣色遊人木塔一登臨
三山空憶千年夢五嶽高懸萬里心

坐讀佳篇兼旨酒為君惆悵費沉吟

卧車

應州東指渾源城獨駕輕車古驛平布幙四圍塵路隔
紗牕夾照雪山明荒村呼客行猶醉倦馬牽人夢不驚
聞道天邊元嶽在掀帷一晌望中清

恒山十八景

步雲路

由礪峽東北入山和徑也蛇延百折鳥
鋪板土崖下為恒河石缺處即以木橋文上
六里渡河水邊東向入山門

不知恒嶽在一徑杳冥冥澗水翻元谷礪峯鎖翠屏

白苑詩集

卷十

十五

有翠屏峯高三千丈
水出焉礪峽又在其內
人行且復停
人依雲作履路轉石為橋
惆悵殊難測

翠雪亭

亭在九天宮右今廢通志載亭下為自
孤亭不可識空翠落寒聲雪燈風微掃冰橋水晴鳴山

懸空寺

在礪峽上為非石門戶相去尚十五里
峭壁如屏幃懸空不着根峽迴雲卧榻天倒月窺門佛
影浮苔色鐘聲落水痕山僧真自在別有一乾坤

望仙臺

在翠雪
亭下
山腰平廠處却指望仙臺紫氣眉間出青雲足下來虛

宮常窈窕別路且徘徊從此升蓬島飄然更不回

虎風口

在山腰險處此為升嶽
之半風如虎吼故名
誰來聞虎嘯到此却驚風濶吹千年鶴巖懸百丈紅
松無地立絕壑與天通不用肩輿力憑虛指上宮

得一菴

在夕陽巖東徑險仄榛棘交橫行者五
清泉號得一結菴於此
國朝康熙間尚存後端漸
竟入孤菴裏嶽崎未可攀絕能窺嶽頂已自隔塵寰棘
苑圍蒼樹苔階點翠斑人傳魏道士去此不知還

夕陽巖

在岳之東琴棋臺之左與菴
霞洞相連返照可觀故名
拄杖看東嶺迢迢挂夕陽崖虛舍五色木落帶餘光倒

白苑詩集

卷十

十六

影銜懸壁歸雲落下方不知人世內煙水已茫茫

紫霞洞

在舊殿東有紫霞元君祠門外懸流
界道拖素如練石壁數端蕭蕭成珠
紫霞飛不盡何處覓元君泉漱明珠佩風飄白練帶芳
祠留皓月古殿宿寒雲日夕鳴鐘磬依稀洞裏聞

元武井

在白菴觀左不三丈地有雙泉出泉一
並洞今以
亭覆之
不信真龍隱虛亭有二泉屈伸元帝令甘苦道人傳竭
澤非關嶽為霖亦在淵至今觀井檻颯颯起雲煙

白雲堂

在會仙府
東中有洞
雲去堂仍白雲來山復青山雲無定態堂壁總空靈棧

結盤成徑巖穿罅照庭洞宮栖息靜萬籟一虛聽

元靈宮此為北正殿歷代皆祀於此

灝灝通元氣乾坤奠此宮地凝千歲雪天散九霄風正

位陰陽合移封造化同興朝釐祀典赫奕仰無窮

石脂圖在嶽頂東乃五色石卵所自結方可四兩晴嵐斑斕隱

非嶽東巖頂石脂五色圖草煙紛錯落松蔭雜虛無晚

日光搖炫春花錦砌鋪襄陽笑米帶拜倒不須扶

振衣臺在元靈宮左從澗道旋上可百五十步故地

振衣千仞上茲臺亦有名風牽衣袖入雲觸杖頭行仙

白菴詩集

卷十

十七

洞層巒迥恒河一帶明憑高吟眺罷爰曼舞松聲

紫芝峪在恒衣臺上多舊松根蟠石為昔人采陽弗獲及九月勝守臣求於源恒山得十二本見朱萑探元芝記

開道紫芝好長鏡試往尋氣占林壑外香出水雲深老

樹盤根雪空山落葉陰神英十九種不辨到於今恒山有神草十九種服之可以變世

通元谷張果居恒山蒲吾縣鄉里後隱中條常乘白驢止則折疊置巾箱中見之已數百歲復成驢失唐太宗高宗屢召不起武后呂之賜山伴死如女廟至此名今石上有驢跡

恒山張果老唐賜號通元入谷人空去騎驢跡杳然白

頭終有日丹鼎是何年我欲乘槎望道遙列上仙

琴臺在今會仙府西北崖不滿半弓舊琴臺於臺上已而村落霞之琴歌清吳春波之曲編山俱響見山西通志

碁局尋常見琴音却杳無清風松引和素月鶴來呼二

女容何妙孤桐韻欲枯為憐山下客碌碌老塵途

集仙洞在天峯石屏上數十仞下有集仙府

帝座臨無地天峯獨自尊空心懸海島遠脉落崑崙石屏

待吾捫上刻有巖峯首派四大字八洞爭先赴羣鸞喜共屯重霄笙鶴會峭壁

太白祠祠在懸空寺下今恒山志載有太白手跡先過此不識迨歸始知其處

華嶽青蓮語恒山太白祠相隨俱有跡那得竟無詩八

極真神表千秋豈夢思余丙寅過果石磯夢太白今年遊西北二嶽皆共登眺處不見題味益失之也殘碑

銷滅盡應有再來時

北嶽長歌行

雁門之東五臺北恒山槃礴何峨嵒雲中蜿蜒三千里

內包九州外無極巨靈鼓鑄力沉雄慘澹幽虛寒顏色

寂寂與窅深窅栗天宮蒼渺下界黑中涵太乙第一泉

要妙澄泓香難測矯然峯起翔羣龍晴雪光爛青芙蓉

雲雷鬱蟠山不動日月出沒冰淵中不辨乾坤與萬類

但覺一氣渾溟濛我遊五嶽餘泰岱顧此一嘯凌天風

虞帝元圭今已沒趙氏寶符久成空何人揮毫作銘賦
千秋高懸元帝宮

渾源州吏目蕪端臣置酒恒山賦荅

少府多清興仙宮道路長行厨經野館駐馬引山觸石
磴開筵淨松濤落酒香登臨如此勝何處有蕭涼

遥荅渾源州嚴刺史慶雲

夢裏名山識主人誰知訪古入邊塵長憐車馬期偏促
老愛關河約未真元嶽文章歸使節先朱方伯期作北嶽賦付州志余時已構銘及三聯皆存
刻以待白雲天地逐飛輪人生好會多成錯寄此詩傳萬
里春

白苑詩集

卷十

十九

驕騾

驕騾不肯行有如鄉村子入學驚衝突持杖輒逃徒數
日被羈勒稍能就方軌四足削似鐵兩耳張欲抵奔馳
亦安妥豈不稱駿偉御之得其方橫行可萬里

靈邛東南諸山歌

車早過靈邛一里起蘇豆至東銀叙嶺二十
五里皆峭秀奇絕不可名狀乃感而作歌
靈邛東南山嗟我銅壁古酸青天磨奇鋒排列千萬狀
日出照耀光太阿有時綠雲相繚繞碧水紅蓮清婆娑
車輪目送渺無際看過銀釵還復多當時趙武頗奇俊
浩浩英風凌山河即望山下藏骨處靈乎靈乎今若何

東有趙武
靈王墓

招柏望金芝白石嫫姑諸山歌

招柏村名在廣
昌縣東南村後
有金芝山白石山皆石
者皆疊疊嶺妍可愛余
午秣馬於此望而作歌
招柏東山揚金芝日光蕩漾何陸離數峯攢簇如花萼
欲含欲吐心歲蕤隨有白石相對起稜稜高軒紫鸞儀
後有羽林森劍戟前有玉女雙逶迤轉過山南還復見
手指斜陽立參差嫫姑西望一相笑青山送人無盡時

過倒馬關

一綫通天隙懸車似轆轤巖風吹倒馬峽日射飛狐

白苑詩集

卷十

二十

武弁雄關

武弁雄關踞輿人狹路呼山間通商取有驢騾負貨
者輒擁擠不行故先呼為
號中原千萬里過此得長驅

白純詩集卷十一

蒲圻張開東賓陽氏著

男兆騫編校

二月廿一日與胡牧亭宴曹光祿慕堂宅是會

為紀學士曉嵐錢宮詹坤一翁太史覃溪程

吏部魚門皆鴻才者彥雅論竟日又江左羅

兩峯聘善畫為余作游五嶽圖悉曹公主之

即席贈長歌一首癸巳稿

曹公鼎相好文墨朝朝鴻儒傾瑶席滿座龍雲三萬斛

那許山人充上客龐眉修髯揚春風錢塘宮端老錢公

把我詩卷發長嘆賞鑒亦與曹公同紀公翁公兩學士

白純詩集

卷十一

一如鸞吟一鶴峙紀公善讀書籍百物胸腹藏武庫程中書

端坐微笑胡御史忽來遠客為改容驚傳畫師羅兩峯

兩峰說鬼竦毛髮紀公談禪開心胸乃知天地無不有

搜奇都入曹公手興酣但覺靜者翁朱顏不藉杯中酒

我游海嶽老風塵何緣都門得相親羅師摹神真入妙

慨然欲貌五嶽人標題紀公歌首唱同聲吹噓青雲上

時紀公已歸詩為備諸公並
作即擬畫寫於羅繪遠遊圖却指泰岱望滄溟臨別矯首獨惆悵

答紀曉嵐先生三律並依原韻選一

盛世容疎懶高材任奮揚鯤鵬從瀚渤蘭芷在沅湘老

友還相集春風好共翔河間多古籍何日寄衡陽聞公入

時覓古
書數種

答曹光祿慕堂三首選一

豈無浩氣動山河每有幽思繫薜蘿春草芊芊隨地滿

晨星落落照人多一身形影相追逐萬古登臨一嘯歌

實有好音勞繾綣畫師顧我復如何謂羅兩峯

答曹光祿兩公子錫齡夢齡即用見贈原韻

君不見洞庭左吞瀟湘右沅西衡嶽煙波涵萬有東游

江漢下滄溟昔為少年今為叟浮名那求合時宜馬遷

謝安吾慕之文字不窮必不古山川不險亦不奇前年

雍豫歷并燕憑弔都邑與林叩匹馬縱橫萬餘里乘風

白純詩集

卷十一

二

直欲凌瀛洲光祿相遭長安道公子英華皆老到詩禮

庭前雙鳴珂琴書以外非所好昨日贈詩遠游人素箋

清韻相比倫但期努力同稽古世俗之口徒津津

喜晤楊恕堂都門臨別歌以贈之

恕堂父嘗為易州牧多才而晚年暗躓無以為家

恕堂負傲個素慕余十年前客安陸杜虹山宅雖

值貧喪之頃猶備酒饌邀余造焉從此遠別走西

北後得館於禮部郎中懷公家其子亦旋往依之

余數問乃得晤以後往復不一及別以敝裘質三

百錢飲余遂贈以歌

吁嗟乎噫嘻丈夫七尺之軀何拘牽天空地濶海無邊
中間魚鳥溷游相周旋大鵬扶搖搏九萬神鰲禹門擊
三千君不見易州楊公子豪氣逼九天荆楚浩浩一揮
手匹馬衝風走幽燕當時別蘭臺兒生悲斷絃我遊海
內兩茫然昨日繫馬都門問君居不知與君分手幾何
日但見兒今十三年奇文終一遇高談驚四筵相逢况
得主人賢孟郊不老王維幕李白長在酒家眠且飲酒
復流連君脫敝裘為我沽一瓊頓盡三百青銅錢

荅魯侍御贊元

荅魯侍御贊元
荆州魯御史慷慨扶經濟獻策雖不行懷直心未墜昂

白純詩集

卷十一

三

昂天驥材安能久羈紲論文高青雲縱目無人世見我
海嶽來衣帶生雲氣發篋吟詩篇舉杯呼同類燒燭夜
何長狂歌忘夢寐吾黨有斯人聲光滿天地感茲一尊
酒願為抒夙契
昔我游江陵匹馬踏晴雪弔古三太息浩然千載絕春
風仲宣樓秋日叅軍臺當時不相遇長歌歸去來浮游
宇宙間所見皆塵埃與子一邂逅懷抱今為開勳華與
文詞樹立無摧頽子駐青雲上我乘白鶴回別去勿復
道悠悠何人哉

柯太史禹峯 招飲即席話舊

武昌山僻邑大冶多名公 興朝余相國太史柯禹峯
禹峯昔未冠秀色青芙蓉弱弟九齡姿並時稱奇童我
齒差強半借試鶯郡公 辛亥武昌郡守張公三試大縣摘覆十名
柯年十五弟開楸九歲俱四賜酒饌而兩
幼童同席另置
一處皆特拔 是年采芹藻而我欣相從弟年方十七捷
步秋蟾宮公車亦屢北老馬西復東空山理故業不盡
感遭逢相集若林鳥望君高雲鴻珥筆承明廬操鑑著
我中 嘗典試廣
東山西 我行歷京國恍見舊容招我斗酒會高
談氣猶雄懷抱出佳兒春芽含鬱葱憶別幾十載流光
何匆匆黽勉敦文藻著述仰宗工他時歸錦里蕭蕭問
草蓬人生貴相知出處安得同

白純詩集

卷十一

四

題家比部確齋登岱圖有序

確齋樓霞公第六子也公為樓霞令生子六皆貴
其第四者號疏園為大名觀察使年三十七以內
艱歸里確齋為秋官大夫年三十二亦同歸遂栖
遲不出疏園長子篋椒君為楚鄖襄觀察延余鹿
門山長嘗稱兩老人兄弟山林之樂篋椒君既叙
余同宗並傳聞於家歲壬辰余赴晉陽過浮山疏
園父子迎於家居停幾一月因得觀確齋東遊紀
畧一冊時確齋以其子菊坡君官刑部員外年最
少乃出而相為引翼之今年春余晤於都門則并

稱其傳聞於家者依依若骨肉而愛山水喜咏歌
有同契焉乃出其登岱圖見示蓋嘗攜菊坡與姪
菊田及同宗梅溪登泰山望海已乃繪一手冊而
綴以東遊諸詩仕宦而樂林泉人之所難何況遠
舉余歷恒華諸山正欲東遊以畢五嶽之願既觀
其記復覽茲圖喜而作歌豈非導我先路者耶
我遊五嶽餘泰岱行將從之觀滄海扶桑紅日霞紛綸
啓樓元陰雲霞鍵中間突起三神山颺風波蕩空搖曳
上有貝闕翔羣仙下有魚龍驚百怪白莖浪跡海天隅
蓬首芒屨經皇都西征已披東遊記北來又見登岱圖

白莖詩集

卷十一

五

乃知吾家老司憲何須前遠問征夫司憲胸懷本灑洒
四八之年歸田舍弟兄六人皆顯官惠連芳園歌春夜
振衣忽躋丈人峯朗吟繫馬秦松下菊田梅溪並追隨
朝曦瞳矓眼光射即今菊坡小曹郎婉孌亦是從遊者
不知歸來復幾時老翁顏面猶如赭昨日貽我棕竹杖
又為我整杖頭瓶不用高軒與駟馬但問泰安沿路舊
酒價海水浩浩千萬頃直取一滴當胸瀉七十二家金
泥玉檢今安存歷歷封禪太古碑秦漢風雨久凋謝我
欲搜羅發精英歸來別倩丹青寫

棘院小松吟

家確齋司憲植小松於京邸與菊坡君俱相繼為
秋官且族中任司憲郎官主事凡八人皆以忠厚
培持不枉刑一人而喬梓藹然相與慈孝之情亦
可見矣時座中屬咏遂稱二律以美之
誰種秋官署孤松滿院陰纔扞春翠色已抱歲寒心地
近風雲接天高雨露深他年羣鶴和應作老龍吟
奕葉聯榮茂靈根謹護持松蟠丹筆錄丹筆刑部故事棘老白雲
司入徑非荒日司憲早年致仕為坤園之樂干霄待挺時謂菊坡願言崇晚
節世德務長滋

白莖詩集

卷十一

六

即書其館舍
雲夢之澤方八九魚龍跳波衝星斗前有子文於菟開
其先又有無雙黃香踞其後中間屈宋揚清瀾襟江帶
湖環左右近世割土存其名叢爾一區等十畝比里吟
聲出桑麻千家書燈連戶牖官無貪墨士不諱一經蓬
華能獨守孝昌歸漢地脈分安州蘊藉文風厚雍正中以
漢陽府雲夢人文甲第乾隆壬辰傳科甲許君秋崖拔塵垢
日盛述為德安之冠染衣春官接舊槐今太翁前騎馬玉堂看新柳隨得程君
並挾策殿前一發射鵬手內廷執戟稱股肱
天子賜翎加元首兩人年少耀京華分道揚鑣誰能偶

始嘆人傑地俱靈尺幅經緯無不有龍湖雷震汲龍門
虎巖風生驚虎賁三楚精英百年集倚相觀射今猶存
我過都城歌二允書之廳壁光曩尊

擊棒歌贈胡九郎仲武

於戲牧亭乃是元戎胡公之大孫御史突起將軍門御
史能文兼善武曾張空拳當萬弩有時擊棒碎千人十
年胸藏不出手昨日指點試九郎端坐目授神飛揚初
踞半作合掌勢轉掃蛾眉為低昂單騎雲過孤蛇觸八
面風迴羣龍翔戛然忽止嗟獨立天地日月皆在旁惜
哉腰力勁未快舞蹈踉氣猶喘且少停待復安閒由

白菴詩集

卷十一

七

來百技經習練我聞天下拳棒祖少林三那緊王即觀
音此法傳與人間世唐僧羣賊能盡擒即今廊下看法
相魁偉但覺陰森森庚午遊少林寺見三那緊王像立
助見太宗碑至今學山僧拳棒者皆集門下牧亭言此
法受之觀者故今起首以隻手作合掌勢口唵那緊王
是始知變化無端妙龍蛇都出蓮花心赤松白雲鬼谷
子兵法縱橫從茲起九郎讀書雖不多曾祖英烈尚可
繼近來
天子征不庭百萬貔貅揚邊鄙老夫投筆一無能遠望
封侯頃萬里

靈泰山履歌答家司憲確齋

華山恒山皆有履一出呂子一程子河南呂方伯公子
仁元為製華山履
常山履俱有歌作兩嶽登臨又經年泰山之履空茫然
東郭先生踵頗決昨日眼見長安客朱履寶屨照新春
青鞵布韞今何人吾家秋官善營度選材精良為我作
底拖玉雪白光瑩上蟠烏雲一林青却將押縫銜微綠

苔痕松濤走相逐堅如鐵石輕如雲齊俗桃絲徒紛紛
脂青齊間桃花開時有垂絲長二三尺者採之練以松
脂織成履人爭購之時桃花正放又往山東故用此乃
知美人心要妙不用文繡奪天巧我將浴沂舞春風獨
立蒼蒼丈人峰

白菴詩集

卷十一

八

九棘知何處誰移照柏臺槎枒同月瘦顛倒逐風摧過
客行無礙呼童掃不開故園松竹夜藉此一徘徊

清明陶然亭讌集

京華冠蓋指郊坰天府文昌引客星賜火煙輕隨柳陌
流觴水曲到蘭亭九衢遲日鶯初轉萬里春風草盡青
不厭狂歌少留駐欄干醉倚未曾醒

錦囊歌答懷振南

新詩忽照新錦囊朱絲百團五文章借問何人能製此
禮部郎中懷公子公子翩翩最能詩春風花下發妙詞
却比我詩瓊瑤佩山川煙雲為藻繪此物多出大明宮

緋袍金帶安足同自我登臨徧海嶽到處逢人為我作
晉陽方伯青花綉大名觀察紅羅綸代州應州兩牧伯
元嶽黑河同一色安得海日湧曠曠霞彩直射當心曾
七襄機上天孫織光華殿前龍火服元氣烟燼發天葩
卿雲日月歌光華我將收拾歸林舍萬古光搖青山下

晤李太史雲門漢有贈因問杜虹山消息

鸞鳳翩翻禮出紫霄春風玉署見丰標實承太史魁鄉籍
令翁亦以
領解館選
威奈辛置第六後
開主司亦深悔之幾奪三元冠本朝辛卯會試雲門卷已報元七日倘不更
易則三元可修為國朝百餘年之特
著述虹山在兩載音書悵寂寥

白純詩集 卷十一 九

長醉歌贈劉孝廉良山楚峻

君不見杜康造酒劉伶飲萬古東風吹不醒又不見太
白一斗詩百篇張旭三杯草聖傳自恨學書不及我家
顛醉吟却如青蓮仙長安一過胡御史同鄉又見劉孝
廉孝廉傾尊興已酣御史開到第幾鐔汾州烈火光炎
炎潞安佛指青如藍曹光祿家比部昨日贈我酒羊膏
香酪出塞北甕頭春色浸江南潞酒有以佛指柑作者確齊家
司憲有甕頭春與光祿羊膏皆
佳美余所尤嗜者
惟汾酒不相宜且復酌留清談不知何處鶯啼楊柳樹與
君更約携雙柑春將去客欲別還把花枝照顏色此去
泰岱滄溟間他日相逢難再得

浮山諸石刻歌贈家十六弟菊坡道源

菊坡弟吾確齋公之子也時為刑部員外年二十
五靜秀可愛昔確齋早年致仕即携菊坡登泰岱
後歸浮山叩壑畢歷菊坡年未弱冠悉從之每出
筆墨酒茗之具皆備嘗五六日不返有所題咏輒
命菊坡書之即鐫於石一邑幾無隙地已而以菊
坡宦游來京徧刷諸刻積而成秩不輕以示人余
至此乃得見之玩賞不忍釋手爰贈之以歌
浮山高材桑維翰手操柔毫磨鐵硯當時覽鏡七尺軀
獨恨不及一尺面系維翰浮山人形短醜當臨鏡嘆曰
七尺之身奈何不及一尺之面又誓

白純詩集 卷十一 十

以磨穿鐵硯乃改我過故里見遺碑吾家贈公棲霞建
園登進士卒如願我過故里見遺碑吾家贈公棲霞建
年過浮山西門外桑及霞光那昂諸碑皆其所立棲霞
公子皆好文秋官更復恣游衍策馬直登泰岱峯拄杖
踏盡神山句浮山一到處題詩即鐫石便呼佳兒新脫
名神山腕丰神彷彿松雪榻圖記摩挲史籀篆伊昔從行十九
齡大書秋官何老鍊秀眉脩幹陋桑君文墨翩翩吾家
彥不愛野鶯愛家雞令我一見心驚眩羊欣好看白練
裙伯英終標凌雲殿張故惜哉我苦不學書天涯鹵莽
空汗漫秦漢古碣煙雨深老眼模糊還能辨即今勒銘
五嶽巔醉吟一揮色不憚安得結伴載奚囊再使乾坤

巖光爛

都下見杜紅山鶴南初集有感兼聞去秋有湖

南之行

長虹五色照京華空望橫山天一涯不是陽春歸鴈少
秋風吹去落長沙

贈畫師羅兩峯歌兼送別之山東

兩峰手眼世所無偶然擲筆鬼神俱一卷橫抹窮幽寂
百鬼之精皆全鋪不用張牙并露爪靜看但覺心驚瞿
自書所見非妄誕始知肉眼空模糊羅兩峯畫師畫皆絕技乾坤萬
怪填胸臆只借水墨亂塗污二月逢君光祿宅為我寫

白菴詩集

卷十一

十一

遊五嶽圖單車一笠天地間我善記吟君能摹當時諸
君並題咏滿座擊節齊懽呼數日追尋不得晤達官大
索竟促去忽來吾家老司憲袖挾岱宗森煙樹為確齋公作登岱圖
醉酣潑墨五指飛半天龍蛇落風雨呼童摩研紙盡空
置我迷離在何處惜哉又向山東道強留掉臂不肯住
自古好事多差錯那有奇材終不遇我為作歌一餞行
丈人峰頭且延佇時有候遊泰山之約
春暮都中作家信感書二律選一
三年作客已忘家萬里都門老歲華豈有交游通海內
無端歌哭寄天涯關心月冷溪亭酒園中叔香溪草亭嘗與兄弟觴咏於

此過眼風飄驛路花他日歸來問消息張騫自古好乘
槎

遊潭柘寺宿下院

倚杖尋幽寺停車到下方望山青靄合聞水白雲香野
色餘春草鐘聲半夕陽都門塵暫息一夢入清涼

潭柘寺題壁

羣峰開虎口一滴走龍涎日影千花裏濤音萬樹巔林
巒坐欲暝金碧看爭妍最愛吟詩處臨流一灑然

過通州

帝里輕裝逐野郊漕官舊貢入包茅河邊南北鄉音雜

白菴詩集

卷十一

十二

天下舟車客路交而後煙浮青麥浪晴初露綴綠楊梢
却愁奔走無休息空羨深山有鵲巢

過天津晤尹丈衡峯祝太守留旬日有奇即事

贈別

昔年守牧輔神京今看并州竹馬迎野館盤餐將父
老海門揖讓集諸生那愁白髮貧兼病自愛青燈晚獨
明時亮律門院長笑指岱宗經此地登堂猶見故園情

遊芥園因訪了允禪師不遇題壁二首

散步出西郭平郊望芥園清風林下細好日座中暄柳
暗觀魚沼花明舞鳳軒宸遊曾駐蹕遠眺及河源

偶訪高僧跡空聞去白衣時往白衣菴但知今日到莫問幾時歸看畫迷秋樹僧雲坐出秋山紅葉國甚佳聞香澹夕暉迴廊多徙倚相對已忘機

讀汪葑圃見示唐太宗御書屏風歌并遊鴈山

詩十二首遙有此荅

按唐會要正觀十四年四月二十二日上自為真草書屏風以示羣臣筆力遒勁為一時之絕其屏風凡十一幅皆絹本上雜繪禽蟲水藻之文至宋淳熙間祝寬夫公濟氏見於其從兄季平家云得自北人之南渡者真書已亡祇存草書一幅寬夫

白菴詩集

卷十一

十三

手為臨摹而其真本還之季平并為之跋後季平攜游輦下真本為好事者攫取而去及嘉泰甲子餘杭縣知縣王允初懼其失傳遂將寬夫摹本勒石元延祐間知縣王昌見此碑於永安寺因遷立縣廳乾隆壬午知縣陳夢騏葺署於廳壁中搜得此石榻送臺使時葑圃見之乃作長歌以紀其事又嘗從制府蕪公入閩由大荆驛抵芙蓉村葑圃愛其山取道獨往卒為程限所迫不盡其興歸坐輿中就心目所記覽者若大荆山老僧石石梁庵雲峰寺靈峰諸勝淨名寺僧拜石龍臭水靈巖寺

北溪芙蓉村等處得五律九十二首葑圃汪姓名彭壽不慕科名嘗客鹽司署適見予時菴四首深為嘆賞既又書示所作好古愛山諒有同情故賦此遙荅不必面晤也

貞觀御書屏風碑鼎盤詞章龍鳳姿流傳宋元僅存一真者并沒摹者希乾隆餘杭見石榻搜之縣廳光陸離葑圃山人耽好古手摩口誦三歐歎前有祝氏善摹倣今有汪氏重品題浩浩千載斯人在山水得不揚清輝惜哉鴈山行太急匍匐走吟松蘿濕大官車馬非不多主人翻為僕御繫煙雲杳靄紅塵奔高士不來山鬼泣

白菴詩集

卷十一

十四

我自往復天地間孤鳥獨飛還獨集讀君游詩倍惆悵仰首空倚青天立

途次寄紀學士曉嵐先生

新詩一首付行囊將之泰岱曉嵐先生預劄泰安萬里天開海日光回指玉堂清不寐青藜夜照校書郎時奉勅

天津城望海

望野空無際乘槎到客星鹽光搖海白柳翠湧天青萬里俱蒼泮孤鴻獨杳冥自憐懷古意身世一浮萍

天津雜咏十五首

楊亭驛路畫橋鋪細草輕陰日欲無十五里中青不斷
北蒼風送下南沽北蒼至南沽十五里

燕雲割裂可曾還十六州沉朔漠間近日汪郎能辨史

宋遼分界瓦橋關錢塘江沅水界宋史燕雲十六州分界最確

皇船鵝裏宿龍舸白衛沙頭水不波櫻櫓何須渡渤海

甲兵直欲洗天河皇船鵝在天津關口白衛二河水同會三岔河入海

賢王祠畔香林苑天后宮前燕子龕一派藍田千萬頃

行人呼作小江南

十里垂楊影畫橈金吾舊識錦衣橋西河岸上孤雲寺

夜送鐘聲落海潮金吾橋舊錦衣衛橋也孤雲寺在西沽北

白菴詩集

卷十一

十五

放淤築壩運河通水窟今歌樂土風若數書生徵吏治

端推相國老陳公陳榕門先生為觀祭時著有放淤記

鈴鐺閣下稱稽古竹垞堂前記曝經誰似郎中能浣俗

吟詩猶愛此林亭天津西郭有稽古寺有藏經閣一名鐘閣朱竹垞為記見曝書亭集

五網天寶近長安未得形鹽入眼看數日炎風煎碧海

銀沙吹出水晶盤明萬歷鹽法志明初分商之綱領者五天津近京貢鹽多出於此

龍王靈鎮大河邊擊鼓撞鐘海上船共喜南來風浪穩

潮頭直送廟門前龍王廟海潮至此便止

北河岸接南河岸大直沽連小直沽一片青青楊柳渡

愁人明月照長蘆長安客話楊柳青地近丁字沽四西多楊柳故名又明月沽亦水名

河抱城西御道寬芥園新閣倚欄干最憐楊柳春風綠

只待

君王馬上看是年春駕幸天津觀河沿路修飭芥園在天津城西三里擬為接待駐蹕之所

東王公宅已成塵方伯張園誰問津近說西村查氏苑

不知何處種花人明御馬監王之俊家天津時都人稱東王公以別司禮監王承恩也康熙二年駕幸其第張霖天津人任福建布政宮室聲伎最盛構有開津園等處城西有查氏花園今亦未見

海嶽詩屏列草堂徐家公子轉吹揚天涯骨月成漂泊

何處相逢十一郎十一郎余表叔徐怡村司馬之長子十餘年不返嘗往來天津徐總河家蓋表叔今天津敘門同宗今尹衡峯姻丈欲觀徐游覽諸詩購大紙彙書六

白菴詩集

卷十一

十六

割麥匆匆又插禾津門麥隴穡畦多南方有鳥催芒種

不逐遊人渡北河鳥有呼麥枯者其呼割麥極禾者蓋未有也

去年繁時觀秦戲今日潯沱到海門客恨不如流水急

春潮早過子牙村潯沱河源出山西代州繁峙縣之秦之下流其東西兩岸俱名子牙村蓋因近太公釣臺而名之也

靜海道上風雨驟作

霹靂眉端下冥冥日已昏邊風挾雨擲海浪逐雲奔躍

柳翻新綠流沙失舊痕林巒驚返照過去一銷魂

盤古溝

青縣盤古溝上有盤古廟乾坤始開闢川原幾劫造義
文猶稱晚禹功安足紹世代已滄桑傳冊空名號士生
千載下何由窮元妙

滄州鐵獅子歌

滄州古城鐵獅子千載荒郊獨雄峙身長丈六橫九尺
首昂四丈半其尾苔痕斑駁紫銅紋蓮盆漏浸甘露水
張口西向望長空四脚齊駐穿地底腹中人行如洞壑
頭上星垂若冠珥風吼喉鳴雷霆轟雪消背負青天起
吞吐日月一彈九睥睨犀象直犬彘即今鼻兄頗殘缺

白苑詩集

卷十一

十七

到老安知天地做元氣閭闔開洪鈞祝融煎鑠青金髓
九龍下墮萬怪奔羣帝猙獰啖百鬼君不見金人銅駝
化飛塵土木形骸真棄屣禹鼎峩峨周穀盤自有神靈
護終始海枯石爛煙雨多夜深霜華開摩齒

滄州即景

海西青縣入滄州藹藹南河向北流茅屋蘆林三百里
一年風雨一網繆數百里皆草屋而蘆葦最饒故每年拮据甚便

拾麥謠

小麥熟家家足人有田我無粟眾婦笑一女哭纔出門
離骨肉眾婦勸汝勿哭往年水壞我屋前年早飽蟲腹

我若死空碌碌今年好徧地穀田主賢不我諳多盈筐
少盈掬人一飯我一粥朝一餐暮一宿便是我輩清平
福

初晤歷城李明府蘭皋燕

青要呂氏舊相知展轉因依亦有期岱嶽客經嵩嶽路
歲庚午遊嵩山辛卯壬辰復絕其履洛陽人賦渭陽詩新安呂氏本世交與今曾聞仙
寫飛蓬島自泛星槎入海湄不數君山同一望蜃樓絕
勝昔年時丙寅登江陰君山望海但其地未有海市今來奉

解酌吳泉歌

酌吳泉在省城外西南隅 東巡行宮在焉周圍

白苑詩集

卷十一

十八

皆墻垣殿閣樓臺橋梁甚盛泉三孔湧出如輪高
二尺許池方八九畝其水環帶泉窟之西皆石筍
下皆洞壑東流橋左西北波衍瀾漫望無涯淡多
藻荇蒲葦焉魚長數尺嘗潛躍游泳於苔衣水帶
之間康熙乾隆 駕幸其地 御製俱有詩刻碑
亭東迴廊壁嵌小碣無算多歷代名人所題味余
盤桓竟日不忍去奇其衝突乃作歌又作和韻二
詩所謂言之不足而長言之長言不足而嗟歎之
者歟

濟南七十二名泉城西酌吳推第一不知混沌何時開

但見波心高翠律或言洪洞裂地十道流禹乃掘土塞
其七至今三孔怒不平朝朝咆哮蛟人室又云星宿蒲
昌海眼相交通濟源王屋翻不盡斜穿黃河之底東海
出母乃鰲背龜折鯨口張女媧石破軒鼎沸浩浩乎上
有蒲葦羣芳萃洲渚下有魚龍百怪游渾沕溯之何自
起窮之無終畢何以擬之得其術至人蓄德本沉宏藏
之淵泉深密栗發若風雷神且疾君不見鈞突泉根天
源搖地脈天地成功亦不有分布百物生顏色萬古涵
滔杳無極

讀 御製鈞突泉詩碑恭紀一律並遵 原韻

白純詩集

卷十一

十九

碧水揚 宸翰春波照畫旂一源通宿海萬斛倒珠璣
鶯浴風翻扇魚吹霧濕衣神龍欣布潤常帶雨雲飛

華不注

昔聞華不注今始見離奇一柱當齊鎮三周老晉師泉
飛珠洒落石削玉參差自去華山後亭亭愛爾姿

月夜泛大明湖

夕景澹微波蕩舟入淪漪蒼蒼蘆中人藹藹水中坻徑
往歷脩澗忽迷東與西葭葉亂我目菱花牽我衣菡萏
含欲吐采者將為誰暝色蒨幽寂晚風動參差仰盼明
月光倒瀉青天輝星辰出船尾鳧鷖傍酒卮潛魚驚澄

刺鳴雁生清悲漸覺湖面濶終被林陰翳何處遊冶子
織歌舒逶迤聲聞人不見韻流意俱遲緩酌不辭醉久
坐亦忘疲襟帶有餘馨懷抱無塵滯人生日苦短莫問
夜何其寄言同心侶行樂當及時

歷下亭

澹蕩湖心裏蒼然萬古亭煙波蕙杳靄天地一空青人
隱蒹葭渡月明鷗鷺汀從來多眺味吾意在滄溟

遊千佛山值雨有作謹遵 御製原韻

濟南望南山鬱鬱含靈秀出郭見眉端驅馬始相就中
有千佛寺攀援若夙遘舒繚俯平原窈窕入層岫惜華

白純詩集

卷十一

二十

何惹龍洞壑轉雕鏤谷風吹微雨石苔生青緞獨立倚
松濤孤音聽澗竇涼輕衣袖薄露淨林芳漱宿鳥寂不
鳴叢木陰自茂城雲倏空盡野色紛錯繡既窺名山藏
還誦

王言富行樂及餘閒幽賞隨永晝寄語山下人此意誰
能副

謁閔子騫祠墓 在濟南省城東門外五里

不仕季孫易承歡後母難優柔稱德行辛苦倍歌篋古
錫傳蘓記有蘓頌演高仰憶石棺臨風重下拜迂道獨
盤桓

謁伏生墓 在鄒平縣東北二十里

周末有老子秦後有伏生兩人皆壽考抱古懷高情籍亦不盡焚儒亦不盡坑斯文天未喪乃復降斯人碩果無全食奇寶不終湮鼉錯不曉義女子為傳聲妙諦出閨閣微音動公卿古書河女獻漢志班姬成此事關造物豈曰非精英我來搜遺軼信宿度鄒平停車詢故老指畫得前程躑躅東門道悠悠向北征晚風起林薄落日照荒榛既傷傳記誤轉愁暮夜驚入堂瞻儀範侍側欽娉婷東南仰其祠西北拜其塋倚村隱深靄摩碣含微明聊執一瓣香願成千載盟去此復長別回首暮雲

白菴詩集

卷十一

十一

橫

海車行寄李蘭皋 有序

癸巳五月十九日出新城之張店行三里許適溪漲暴來風雨驟至急牽車高嶺避之水忽環注與村落人家俱阻隔不通少頃茫如大海直溢車輪天色已暮雨復不止惟有十數行路人亦悵悵無所之俱赴車前以油幕覆之相依永夕余亦鼾睡聽其浮沉而已明日天霽水消乃遣其村之強有力者得數十人曳車泥淖中乃抵岸又以三人負余而前互相夾持遂棲於店舍亦奇險之一遭也

因作海車行以寄

歷城李侯真壯邁送我遠遊觀滄海載書攜酒出東門白日登車極無外一霎海風吹雨急九天雲垂波皆立疾驅高岡水四圍雨聲砢礮驚濤滄亦有行人路徑絕端奔車前爭投集孤輪夢觸蛟鼉荒郊夜號神鬼入乃知咫尺即蓬壺問象暗索來天吳閃電為鐙雷為鼓龍女怒擊馮夷呼此時翻學驪龍睡鯨目鮫淚空有無寄語李侯知不知世境有平必有陂那能萬里俱坦途但看來朝天氣豁海底揚塵桑田枯

望牛山

白菴詩集

卷十一

二十二

牛山高且長淄水達巖壑下豐上微纖至今尚濯濯古無不死國登臨偶然作人悲我亦悲人樂我亦樂誰能長流涕千載俱寂寞

望猗山

牛山一何高猗山一何小牛山已無木猗山且無草不見射獵人相遭猗陽道

淄水嘆

人莫不飲食知味固鮮能飢渴情為驅醉飲慾易騰所

以明心人志慮貴淵澄一自易牙去誰知淄與澠
淄河弔齊桓公景公暨齊宣諸王墓

我行渡淄水高塚何纍纍停車問故老塚中人為誰故老為我言此皆齊國主東有二公墳西有四王墓孰為四王墓威宣及濬襄孰為二公墳桓景共一岡五霸皆稱雄千乘亦云富一旦白日徂終古成荒土登山歷崔嵬草木無餘輝不如下山去路旁有遺碑

題寒亭王氏館有序

癸巳五月廿四日過濰縣之寒亭寒為古伯明之後即寒浞使其子澆滅斟灌斟鄩氏者故縣西北五十里有斟亭而此寒亭在縣東三十里地名經數千年不改洵為最古是日午後暫休於王氏館

白純詩集

卷十一

五

舍可再行二三十里適庭除頗幽潔小苑中點綴青蔥且植穉竹一尾涼風軒舞余佇立久之乃謀主人願假一宿主人忻然下榻氣識冲雅殊不類凡館人因詢其家世與令翁洛詹俱早列庠主人為翁之次子名中立未有字余擬之曰仲端號曰竹亭顏其館曰鳳栖遂成一絕題之壁間
斟亭驅馬到寒亭舊恨千年空復經却為主人栖不去
小園深愛一叢青

荅昌邑曾明府谷亭
漢川人由孝廉歷任博山調昌邑
遠道經淄澤同鄉見漢川聞聲傳兩邑訪古得三賢有縣

伯牛肆及子游子齋遠蹟馬紫琴堂下人歸蜃海邊那堪勞信宿更益杖頭錢

昌邑讀趙秋谷詩集

滄溟氣何豪秋谷風亦薄誰似王新城冲開善彫琢

伯夷待清處

伯夷聖之清待清亦有名自持孤竹節終抱采薇情北海行將老西山死亦榮兩年經過地何處着塵纓去年三月過首陽弔夷齊墓有詩

荅即墨崔明府送遊勞山

入海無常客隨山見主人二勞良不遠三島亦何地

白純詩集

卷十一

二四

志魚鹽集即墨多鹽而無官商風傳虎豹馴謂童恢馴虎使君能好我

何用嘆迷津

遊勞山初宿修真菴

幽村古道院翠竹隱千條當戶開花運隔山聽海潮石龕傳柱史峯頂是王喬山有王喬崗坐對諸巒暮攀躋正復遙

登太平宮

下馬尋松逕雄獅吼石聲山蛇驚客避岸蟹逐人行海中蟹多僻淨煙嵐繪門深薜荔縈老君真有洞吾欲問長生

宿華嚴菴值雨題壁三首

萬松迷石路，叢竹掩山門。高閣飛花雨，空階落翠痕。峯陰天日靄，樹色海雲昏。座有佳僧話，華嚴好共論。不道栖禪地，由來生隱心。孤檠崖鶴伴，一榻水龍吟。摩詰山中畫，成連海上琴。登臨吾亦倦，且此息塵襟。中宵驚雨驟，六月轉清涼。獨坐白雲下，閒眠青草長。海天同一色，林瀑有餘香。故人問踪跡，蒼蒼亦渺茫。

海上美人行

海上奇花朝鮮新，天邊騎馬見麗人。金鞍青絡出雲霧，珠佩冰綃絕纖塵。是時海風起蕭瑟，六月寒靄欲作雪。骨如玉削面如丹，白日滄波照顏色。此地荒涼何處來，

白菴詩集

卷十一

二十五

巫山之陽湘江北，天高水濶路何長。迴首不見空太息，

海上吟

茫茫青海碧，天開萬里凌空亦壯哉。一片浮雲飛不盡，東風吹上小蓬萊。

田橫島

漢王齊亦王，齊亡身亦亡。亡齊雖項氏，豈為漢王降。田橫烈丈夫，成敗安足量。避難栖海島，聞台走洛陽。中途既自頸，二客並摧傷。其徒五百人，慷慨皆激昂。血洒鯨鮑窟，魂飛蛟龍翔。普天悉漢土，此島猶齊疆。千載英雄跡，不肯變滄桑。

福島 在即墨縣東南十五里相傳徐福入海求仙住此故名 神仙縹緲望三山，徐福當年竟未還。此去海天長寂寞，空名留得在人間。

將往上清下清巨峯一帶中述為海水所阻 勞山林薄何靈微，遵海而南路遙迤。海風吹雲山之陲，驅馬欲從水瀾瀾。興不可極吾將歸，

勞山歸途雨中憇茅舍 避雨因茅屋空堂亦可眠，無聲聽不覺遠色看蒼然。野老愁經夜村兒喜，近前誰為驚客夢。飢馬喚寒煙暮雨過不其山，望鄭康成書院遺址

白菴詩集

卷十一

二十六

髮齡夢想鄭公鄉，老大追隨到海荒。雲映詩箋花似蕊，風牽書帶草猶香。六經蔓衍開三徑，累代薪傳在一堂。回首青園歸未得，泥塗瞻望獨徬徨。天將吾道幾時東，西入關中見馬融。萬里青山同暮雨，百年絳帳此春風。曾無表識談經地，實有修明翼聖功。俗學奔馳安足道，蒼涼心跡問誰同。

田單

單齊之疏屬，燕樂毅攻齊。下齊七十餘城，獨莒即墨不下。毅並軍圍即墨，即墨大夫戰死。邑人共立單為將，會燕惠王使叔騎代樂毅，單乃身操板楯。

妻妾編於行伍收城中千餘牛為絳繪衣畫五彩
龍文束刀刃於其角灌脂束葦於其尾鑿城數十
穴夜縱牛燒葦端壯士五千人隨之牛熟怒奔燕
軍所觸盡死傷燕軍大敗殺騎劫齊七十餘城皆
復以單為相封安平君

樂毅智勇人兵法奇且橫一朝攻強齊直下七十城即
墨獨不下並圍得無傾田單縱火牛衝突奔燕營驅人
先驅物用火勝用軍物怒得死力火捷奏奇勲須臾陷
城復遂封安平君全齊當尸祝即墨安足云

漢三王

白苑詩集

卷十一

二十七

漢室王陽震大名誰云迂濶老儒生傳經丞相駿王光尤
烈種德司空崇王節並清當代同心推貢禹中朝舊識有
匡衡於今即墨同芳祀又衍琅琊一派榮

經沽水浮木行

即墨沽河里人某見河漲中有浮木欲往取之乃
徑跨其上則鱗甲齒齒然其人知其為龍急呼其
兄於岸語未畢隨波去瀾漫無際水高於頂而身
不沾濡瞬息往返數里三至大沽河皆望橋而返
其人以手捫之蒼苔徧體螺螄入鱗中時開閉窺
其肉紅白而膩為之摸凜搜剔意若甚適者居水

中凡三日夜自分無生理因思母而慟至失聲龍
乃騰身擲之墮岸上則萊陽東北界也行乞而歸
母哭之已兩旬餘矣人謂孝思所致

村人貪一木不知乃是龍一跨森鱗甲水行捷如風呼
兄籲母嗟何及以手摸龍龍不疾人生貪利反致危人
窮返本終歸吉君不見緣木人哀號急神龍憐之登彼
岸還見老母倚門泣

出即墨晚景

炎蒸籠暮靄晚照護殘晴雷轉千峯暗雲開一鑑明黃
泥歸犢跡青草亂蛙聲朝夕沾濡裏牽車何日平

白苑詩集

卷十一

二十八

招遠道中

野陌朝陰楊柳枝涼風輕漾日遲遲綠窻深處人相望
似是春亭送別時

白馬鎮夜聞紡聲

白馬行將夕紡車忽有聲隔牆聽不斷歌枕夢難成慘
澹鮫人淚纏綿織女情新詩裁未穩賴爾共殘更

海鏡亭觀日出歌

蓬萊城中月欲低五夜走馬出關西將軍重局開邊禁
遊人高閣聞天雞是時海天渾一色蒼幽誰復辨南北
忽然東方陰火吹倒煮碧海青天赤霞彩擁日驚瞳矓

欲上不上翠濛濛我方端坐為把酒金輪炯炯當心胃
乃知乾坤真要渺銅鈺一鳴天下曉人世夢寐那得知
義馭不停生煩惱朝朝暮暮自年年扶桑虞淵一轉旋
三皇盤古今何在對此流光空茫然我攜長繩向海若
橫繫中天常不落願留韶華春復春萬古高吟蓬萊閣

蓬萊杜明府雲亭文輝置酒蓬萊閣與諸同鄉
讌集

岳陽黃鶴兩仙樓未若今朝此壯遊故國天涯同一望
使君杯酒自千秋金龜醉倒雲中客紗帽閒隨海上鷗
回首江鄉俱萬里不知何處是歸舟

白苑詩集

卷十一

二十九

蓬萊古體七章選四

憶昔髫齡日夢與白雲遊形神不自束羽翼凌天浮仙
人授我書不與塵世謀西極崑崙崑崙窮滄海流中途
忽迂迴羣象相糾繆願言揮手去白日空悠悠
天際淨纖埃水上含宿霧中有三神山隨風自流注羣
仙奏鈞天玉女紛紉素翻蹀我游將子無歸去延頸
復徘徊霏霏聞香雨愁睇轉迴瀾窅然失故處
世人日苦短仙人日苦長我觀營營者日夕徒奔忙倦
游終自返貪心亦無量神仙豈難致嗜慾已中傷長生
雖云樂閱世多悲涼不如隨造物雲水共相羊

白雲常在天碧水亦在下日月自東西春秋相代謝氣
化一流遷塵埃與野馬古人不再生今人無休暇獨立
空亭上秋色何灑灑臨風一高歌千載共抒寫

海上新秋

蟬鳴驛路到蓬邛白髮蕭蕭海上秋袖捲涼風三島入
杯隨碧浪一天浮驚看鷗鷺盤空勢漸覺魚龍澹遠游
笑問行踪何處住分明指點是瀛洲

絕域烽煙望裏消無邊秋色與逍遙高麗野水添新漲
長白山光帶暮潮高麗在蓬萊東南相去不過千里遠
東正東只五百里海水從東南入天
少海風起蛟人時擊鼓月明龍女夜吹簫張騫故是乘

白苑詩集

卷十一

三十一

槎客不假銀河渡鵲橋

蓬萊閣承左子理齋暨幕中張王二客前後迭

送西瓜笑答二絕

東海西瓜枕可眠瓊漿玉液味何鮮感君勝似安期枣
不學神仙亦枉然

又見方平散紫霞纍纍似到蔡經家如今東海蓬萊淺
變作桑田盡種瓜

訪秦碑無存慨然有作

嬴秦李斯功德碑刑名作詞後人嗤豈知小篆文兼古
照臨東海生光輝禹貢殷盤變羸莽响嶮石鼓參陸離

天地文字闢氣數後來作者何希微龍門傳贊孟堅銘
追摹只數韓昌黎歐腴柳勁俱不逮東坡縱橫何能為
我來訪古幾萬里五嶽三山窮荒遺傳聞此碑久剥落
二十餘字亦亡之殘石空留太守署令我躊躇為歎歎
自古寶物天不沒終有靈氣化龍螭儒生欲展經天手
徒憐滄海白日西此事二千數百載寂寞水濱今為誰
漢武帝望仙樓在縣治之西街今為鼓樓其遺址也
東來紫氣幾千秋百尺凌空海上浮永夜譙聲驚鼓角
無人知是望仙樓

蓬萊閣吟詩

白菴詩集

卷十一

三十一

乾坤一空亭古今幾何時我作蓬萊客獨吟蓬萊詩初
吟旭日正東出鸞鳳鏘鏘若木枝倏然太陽照寰宇百
鳥和之聲參差再吟霞綺紛陸離華日中天光四垂青
螭為車雲為旗軒皇宓女並旖旎三吟窅然天欲暮海
水汨沒生清悲羨門安期別惆悵龍神嗟我來何遲君
不見太華巔東海涓古來幾人相追隨獨往獨來獨高
吟白雲飛去無盡期
海上明月歌
海上皓月對蓬萊波光掩映中徘徊初似寶劍墜秋水
轉如玉鏡臨粧臺水流東海竟何去月過西天還復來

人生歲月同流水入海滔滔終須止人心那得比月輪
出海猶照千萬里

鏡石歌

丹崖山頭古鏡石橫濶尺五從二尺對面斑斕琉璃屏
斜看光含水精壁空中雲物明纖毫人間鬚眉判黑白
此石原產廟島中何人取置海神宅鏡石亭傾碑徒存
遷移又貯蓬萊闕世代滄桑幾百年獨抱精靈長不沒
海雲散盡青天空夜深水寒生明月龍女晚粧出幽宮
千古高懸照顏色

翬磯硯歌荅杜大載萬

白菴詩集

卷十一

三十二

翬磯島石可作硯良工斲成眼中見理質雖麤內含精
金星歷錄光爛熳日月沫淘水波紋翬龍吐吞蜃氣變
此物由來亦有神鮫人捧出不敢玩杜公令子善藏拾
珍重不用珊瑚換自我醉吟千百首慨然拂拭飛長翰
龍王宮蓬萊殿但取波中石一片臨行洗墨歸繡囊此
去岱宗標銘篆

蓬萊閣清晨把酒觀日出

晨興一舉杯獨立自徘徊大竹鳥名收雲盡扶桑抱日來
天青歸浩淼海上樓臺醉坐霞相映沉吟更不回
蓬萊閣雜興

高閣遷延作卧遊幾迴欲別轉淹留主人情共長流水
孤客心如不繫舟夜月朝霞杯底度天光海色座中收
乾坤蒼渺知何處自信前身一浪鷗

臨行海市忽出喜次東坡韻

昔聞海市凌虛空樓閣參差有無中東坡十月來作守
抗詞直叩龍王宮須臾幻生千萬狀始嘆奇文奪天工
我來夏盡正清秋天冷水落蟠蛟龍匆匆致禱即欲去
此事終當輸翁誓將不見必不返蓬萊主人氣何雄
是夜大雨天早霽朝雲詭疑不可窮錦城繡屏排東北
奇花光照波融融轉眼明滅無定相蓋亦元氣之所鍾

白苑詩集

卷十一

三三

憑欄縱目驚且快天於蕪公寧獨豐陰陽造化相激盪
洪鑪丹火鑠青銅一掃空淨變霞彩我為作歌揚天風

韻味洞天巖

洞天巖在蓬萊縣東三十里海岸巖石之下巖壁
陡削至下忽窪約縮三尺有奇長五丈許其上覆
屢石皆小竇千百水滴如絲冬夏不絕山東通志
載於蓬萊縣諸山之首縣志十景所謂漏天銀雨
者也杜君每促余往觀之遂與其昆季諸子同遊
其處歸途馬上有作

豈是銀河下太清倒翻碧海轉相傾初晴雪化茅檐水

永夜風牽玉漏聲萬縷齊腰還自細千珠落掌不曾盈
却疑牛女前宵淚猶見潛潛未了情

羽山

日出東南道岐峯見羽山黃熊終自化滄海幾時還父
子分功罪乾坤識聖頑人傳蹤跡杳憑弔不須攀

別杜明府

天風吹客東海邊道逢主人驚神仙走馬直送蓬萊閣
日出蓮花發朝鮮遲徊佇立海市亭蛟蜃結撰空中懸
為我醉倒三百壺解囊日傾五千錢為我買盡東陵瓜
瓊膏一吸五內寒為我磨礪羽山石彫鏤銘字青琅玕

白苑詩集

卷十一

三十四

為我遠致高麗木橫酒詩篇生雲煙人生斗酒誇意氣
分手東西各茫然那能心胃貯今古海天寂寞相流連
君不見沉碑潭前杜征南躍龍津畔張茂先世眼蒼黃
渾不解此事相識在千年

杜母盧孺人節壽詩

安州杜母盧夫人子子秉義肫肫仁十九芳齡歸杜室
倏忽五載別青春懷中孤兒方四歲手把郎書傳流涕
兒才十九歌采芹廿三之年欣折桂中間疾患多憂疑
田廬荒落煩支持三十五歲作宰官潘輿迎養東海瀕
母子四年不相見羣孫爭攀笑婉孌宰官跪道慰慈顏

千山萬水經州縣夫人到署立雲屏但願賞人不用刑
每聞呼號一入耳倉皇竟欲踏官庭獄徒分賞多酒飯
病傷醫藥愁來晚自將赤子置腹中氓庶痲痺皆在眼
以此宰政益和平到處都傳杜母聲只道柏舟堅苦志
誰知荻畫揚高名是時華堂慶六十斑衣兒舞老人泣
汝父一去四九年那得並看汝成立士民懽呼獻青螺
珠蚌光射金巨羅方平麻姑走相賀節母之籌今何多
已見 榮封來鳳藻又報清節陳旌表我從海嶽探奇
詭却得江湘拾芳草

萊州北道柳下買葡萄歌

白燕詩集

卷十一

三五

去年索駝見邊貢方伯堂中嘗餽送此物一從大宛來
遂令中國人爭種曇霄榮稱珠帳名唐天寶中沙門吳
得枯蔓一枝持作杖因植之遂活高數仞仰視坡仙喜
若僂益房實磊落紫瑩如錦號為草龍珠帳坡仙喜
作龍鬚頌乳蕪詩若欲滿盤引龍鬚世人只好貪肥濃忍將
清涼棄無用昨日啖盡東海瓜別後渴塵頗煩冗何期
陌上荆釵女家貧難為甘旨奉筠籠羅列待行人輕車
一過寒光動呼僕轉擲青銅錢為我新添碧玉澆是時
秋色冷蕭蕭門前征馬紛控縱却嘆朝朝空相守日晒
風吹鳥雀弄遭逢好客罄傾筐微物由來知者重

掖縣道上

茅屋人家各自莊柳林兒女列成行溪頭添得扁舟興
風景依稀似沔陽

四知臺次昌邑翟御史瓚韻

臺在昌邑縣城東北隅漢楊震由荊州刺史遷東
萊太守道經昌邑其昌邑令王密即震所舉荊州
茂才者後人慕之乃為建臺

曾過華陰里去年過其里墓有詩今知東海名清蘆新郡守暮夜舊
門生古廟秋風寂荒城夜雨鳴何時來皓月千載照心
清

答德州魏孝廉印溪夔龍

白燕詩集

卷十一

三五

東海一何廣泰山亦何高丈夫生此地得不稱英豪南
豐門下見魏子辛卯出昌邑令曾君門下修髯雄談誰能似丹花窻
中多少年黃金臺畔獨高士感此酒酣發長歌秋風一
笑千萬里

遊法慶寺

偶步出西郭平原見鬱葱佛歲千樹裏僧出百花中曲
徑牽衣露高樓倚杖風閒時揮翰墨不羨紫紗籠

再過臨淄即事呈喬明府升菴

五月渡淄水齊都悄未歷矯首望邛陵延頸三太息駕
言入東海寒暑倏更易仲秋返臨淄停驂日已夕城中

謁宰官清談若疇昔慷慨一開懷倉皇恣攬轡立馬牛
山巔酌酒壘與宅平原風蕭蕭逝者長為客遽欲起崇
臺欣然留片石願以芻蕘聞庶幾循良績悠悠行路人
好古敦所益時與喬君而陳牛山且建堂祀太公以

檀臺

簡公樂荒淫高臺置酒頻君王戒長夜矧乃醉婦人禍
萌茲已伏姜氏將為陳但知酒常滿不知臺易傾至今
蕪城下芳草為誰春

員半千故里

員本姓劉因慕伍員而改其姓又生有靈異家之

白苑詩集

卷十一

三十一

先達以為五百年而始降故又名半千章邛人見

縣志

司馬相如慕蘭子半千亦復慕伍員因名同名尚假借
以名易姓何拘牽蘭子怒擊秦廷上司馬稱賦漢宮前
伍員報仇殊英烈半千擒詞多秀妍兩人相倣不相類
四人千載名俱傳士之立身須有本母使姓名徒空懸

病中呈李蘭皋二絕

東海歸來望泰山胸中詩思湧潺湲濟南暫駐因微病
却得清虛一日閒

朝眠旅館日焚香無數山川夢裏長笑殺古人留我在

不愁萬古竟荒涼

答泰安朱郡伯思堂孝純枉駕有序

今年春過京師紀學士曉嵐稱泰安郡守朱出其
門才華雅瞻書畫精良有尊公之遺風蓋尊公諱
淪瀚嘗為楚北驛鹽道江漢間多所題咏曾憶戊
午冬余居江夏署中朱公內遷以百韻詩別楚中
僚友王耐菴師令江夏明日置酒黃鶴樓為餞欲
和韻以贈其行而苦於錄冗不暇及乃夜屬余作
至四更稿成耐菴師喜甚遂以丈紙然燭書之至
是得識其梗概三月臨行曉嵐學士因致札泰安

白苑詩集

卷十一

三十一

郡守且書一絕句於書緘云到處青山汗漫遊偶
逢知已便相投衙官早與通名紙好寄新詩共唱
酬四月晦抵濟南擬觀趵突便躋岱宗適歷城李
君送遊勞山東海蓬萊杜君又留觀海市往返凡
三月返至濟南已中秋前一日矣微體中寒紀札
將做時郡守來省李君以其札轉達之叨承枉顧
爰荅斯言

帝城初唱萬吟屯指轡東溟日正温遂有仙曹稱地主
都傳太守擁天孫泰山一三春花雨羈燕市五月薰風
入海門還到濟南方整履翻鸞熊軾響嚶嚶

皇華韻洒楚江濤齊魯之間見鳳毛拄杖已經諸嶽徧
登堂便接泰山高周迴萬里隨孤鶴自過千峯駕六鰲
聞道風流兼繼美平生意氣亦多豪

濟南再晤同鄉蔚孝廉柱新任鉅野令歌以贈

之

鉅野東門麒麟臺春秋靈氣千年開即孔子獲麟處東
塚又聞武城舊基址並古武弦歌之聲尚未衰當時文學
言氏子割雞牛刀馬用哉後世不解學道意翻令一笑
生疑猜紛紛矜才并使智坐致元氣日傾頹吾鄉蔚君
揚峻采新矧光照風塵外五月遭逢濟南城臨別匆匆

白純詩集

卷十一

三九

去東海八月君從鉅野來昔為儒生今為宰治必師古
見本源聖賢之論終不改感君開筵醉秋風明湖好月
還相待五月月夜同及此載酒弄扁舟薰葭蒼蒼歌宛在

晤石首曾孝廉西齋杰理問舍弟伯翹消息兼

留別

舍弟嬾作令青春老石首檄催亦屢下幽憂空獨守著
文有餘閒揮翰不停手自我恣遠游三年窮奔走一好
臨海嶽一愛栖霞畝鬢齡雖離別未若今茲久高天望
南鴻垂淚傾吐斗君從石首來相見顏色不感君述近
狀神光薄戶牖君本至性人精意含醇厚東國需材急

南原歌薪槨策勳當世先接跡古人後故鄉二三侶天
涯一杯酒聚復遠征秋風吹楊柳

答東運司陳丈省齋及令嗣霞軒送來館舍忽

往蒲臺遣人餽衣物促有此作

華髮滄溟吏青春驥子才秋風傾歷下夜別去蒲臺東

帛重筐入挑燈五字裁天涯此分手何處一遲徊

九月留別李蘭皋叙次始末得五十韻丁酉冬

所鐫西園刻燭
唱酬集即此韻

昔我生幽谷松蘭互逶迤上有青黃峯下有雲水谿讀

書既不就應聘復何辭曠懷游八極高吟滿四陲庚午

白純詩集

卷十一

四十一

觀嵩洛容華方壯時董氏北道主洛陽董君為策馬東都

馳側聞李方伯歸櫬從安徽清閨呂夫人手抱十歲兒

倉皇不相識徑去天一涯力園呂廣文恐死無見期星

夜走僮僕驅車橫山波闔門驚遠客老人開新願東返

虎牢關南歸黃鵠磯靖州呂刺史招我游五溪四年復

長別南北空涕洟辛卯乘單車坐探西北奇縱橫秦晉

間金石碑銘垂中道經河南老成多凋衰力園相繼臘月

度洛陽舊主掩重扉董君除夕澗水北新安新春華山

西同州李公署晉藩朱公命飛檄來兼騎挽留百餘日德

音沁心脾冀寧徐觀察徐公名浩甥舅進繫維五嶽缺

恒岱四國尚燕齊丹三陳夙願露巾忍分離送我出太
原孤征徧避夷由五臺雁門出殺虎口外作書濟東道和陽陳恐我失
所依前年入新安今春來京師仁原與碩亭同為君致
詞豈知廿年前口誦心所知先在新安呂仁原致札蘭亭會京邸復致札而蘭亭面晤若鳳一見遠開顏曠游昔猶能脩述余庚午游嵩洛之作
並舒眉載酒勞山巔昇書東海湄李君先購山中以倫稽攷往復不易車寒暑再更衣與人與僕夫三月並追隨攬古七百餘樂此竟忘疲還醉中秋月復啜重陽醪縫人換舊帙雅吏繕新詩先在即墨車覆水中衣書皆讀盡勝副本鵲字披古柏雕板舉香梨水陸八千里輪圍

白純詩集

卷十一

四十一

百夫移以向所味均矣泉諸詩用大香柏刻而懸之又
詩以資極天岩嶢峯我為孤筇支太古荆榛壟我為灑酒
危如躋太華址岳弔女秋風為我車白雲為我旗松脂
與胡麻玉女為我炊太平閒日月關塞無阻羈快哉此
一遊天意非人為感君千載心畱別萬詩惟時書海嶽
遊山海詩十之二三樂願言崇明德及時樹華滋駿聲
大紙幾二十幅以贈
紹先烈懿訓欽慈闈君出朱公門取法良在茲朱公南
試河南蘭他日青山下悠悠慰我思
舉舉焉
十月雪酒炭將盡李蘭皋復遣使迭送口占賦

答

紅壚碧酒自追惟獨對詩屏雪滿欄時寫海岳詩屏
擁微温常在手瓶畱餘瀝不曾看舊毡忽益三更煖新
窵重消萬谷寒若令洛陽君早出何愁僵卧有袁安
謝運使豆莊生辰見避戲贈長句
天上壽星天下見我酌北斗仰天勸地中壽嶽萬人尊
我望南極祝融殿南岳為壽岳祝融吾家果老中條山
我曾追尋蒲吾縣張果桓山蒲吾縣又逐羣仙東海濱
安期羨門開華宴上天下地誰能藏塵埃煙霧皆可辨
如何膠萊謝使君絕跡不令人一面街頭車馬簇如屯
此風吹裘寒欲戰某山之巔某水涯我將跨鶴窮搜徧

白純詩集

卷十一

四十一

人生行歌天地寬宦游周迴車輪轉三萬六千幾何時
但逢佳辰即游衍莫愁官清囊底空海屋新籌今無算
登城呼君且歸來濟南賒酒不須券
病愈答臨胸俞明府開甲歌
蓮花玉女揚清眉蓬萊仙人游嬉嬉招我空中攜手歸
嗒焉神往形支離是時東海起羣龍一夜扶搖驚天風
霓旌雲旗走相從飄然送我青帝宮帝謂斯人善賦作
高置瓊瑤凌虛閣十二青娥紫鳳箋三千翠鬢鈞天樂
帝謂臨胸神仙宰服食不用人間藥但出囊裏萬芝春
溶溶鍊玉液返金童一洗塵埃汨沒之舊容朱履輕隨

芳草路青節直柱丈人峯三萬六千日正東乾坤五嶽
炯炯照我光蔥籠

答呈山東學使李文園 中簡古體詩四首有

序

癸巳初夏余覽古至山東時吾叩李公視學茲邦
聞有遊五嶽者遽欲枉見以試濟南不果而傳言
於歷城尹李君蘭皋亦導余以蓬萊東海之
遊故弗逮也臨行則又授意蘭皋俾之勞山二者
并及經三月始返居兩月病作至十有二月愈遂
之泰岱是時諸公多相識垂盼者恐煩起居弗敢

白菴詩集

卷十一

四十一

請謁公乃慨然命駕造旅舍並名宴內署醉月而
還翌日擬裁詩奉荅稿未就而公又促臨攜咏袖
中并具贖儀三辭不克感德謙光令人感焉無以
自處讀其詩文皆古質潔清東既感相知之雅幸
生 右文之朝竊見風教日隆而習尚不一自惟
謹守先正規矩者四十餘年每充齋長輒諄諄示
人顧力薄身微如輕風細雨未能周濟公屢膺
簡命歷掌文衡望重鑑清足式浮靡則尤不能不
賴主持者之釐定也病後拈毫臨岐懷想直抒管
見願注觀焉

鳳凰鳴高岡百鳥何緝緝朝日出海渚若木揚榮光萬
物各殊類聲氣遙相望我從西北道杳然來東方鄒魯
講學區太史觀文堂倏聞遠遊子遽臨旅舍旁揖我青
雲館酌以紫霞觴清音時一吐和平若笙簧既醉立清
涼涼月生虛廊徘徊復延佇願言思不忘
行行歷公門流藻紛香醇但覺春風溫誰謂冬日烈送
我出重扃長街空明月同座歷城尹分途各相別歸來
秉燭光病餘增顏色贈言正清哦詰旦方就謁履聲未
踰戶車輶已在闥佳句出袖中高風臨天末文以質為
將誠由衷所達感此一長吟搔首嘆華髮

白菴詩集

卷十一

四十四

丈夫志四方一去千萬里出門皆風塵茫茫誰知已太
息古人非安得今人似我行天地間訪古良有以空懷
不自由孤雲一無倚好風倏吹噓爛熳成霞綺西去見
紫陽謂晉潘南東來逢仙李如何彼野人邂逅多君子
昔賢亦有言顧茲竊自喜入讀古人書出交天下士
原隰多芳草風吹何蕭蕭噦鳳既餐竹吻鹿亦食蒿
盛朝敦敦文莪百年多賢豪明廷肅矩獲野巷猶煩囂風
會經屢變羣逝若奔湍獨力駕扁舟鹵莽凌波濤不謂
從者縱但憑主者操
天子遜宿儒將以拔俊髦海內如公輩環視殊寂寥相

期振波靡俾我長遊遨

鳳翥石歌為國方伯拙齋泰三十致祝兼答見

贈之作

濟南城中四靈石龍鳳龜麟皆奇闢蛟龍吐雲作霖雨
我見郡學騰類壁翩翩鳳翥揚朝輝昂然又見方伯宅
蛟龍石在府學泮池南岸
鳳翥石在藩署甬道中方伯制軍文公子天生鳳毛
標丰格

天子寵命三齊藩何期賜詩萬里客我作鳳翥歌為公
陳瑤席鳳凰之毛翔九苞千仞德輝紛顏色願公吹噓
泮宮芹明堂闕里昭典冊鳳凰之音中六律百鳥聞之

白燕詩集

卷十一

四十五

同懽懽願公敷政陰陽和霖雨東山徧恩澤朝廷百
年多名臣如公箕裘何赫奕龍圖節鉞殿南邦以文公時
鎮我楚鳳藻屏垣耀東國即今稱觥三十春東海之籌
曷有極他年早作黑頭相佇看柱石銘勲烈

國方伯引遊西園留宴集不及待命肩輿園中

作別即事賦答

經年來勝地歲暮謁名藩客別三千座先幕中毛海客
善詩文未館舍
視病數次至詩并五百言公作七律六首
書冊頁見贈謙光虛左席
是同遊西園池柳春含翠盆梅日帶暄蒼苔萌曲沼青
逸興引西園池柳春含翠盆梅日帶暄蒼苔萌曲沼青
靄動高軒冰泮魚將躍煙閒鶴並塞園中仙鶴二
十二月廿六立春

此為十九日
故有春意華儀瞻石鳳即鳳
翥石野跡逐巖猿好景欣相
集良辰感易繇遊山欽謝傅犯斗憶張騫敢許藍輿入
空傳玉醞煩雄封周五嶽至泰山始
畢五嶽長揖出重垣遭遇
一何晚佩懷終不諠

白燕詩集

卷十一

四十六

白苑詩集卷十二

蒲圻張開東賓陽氏著

界地卷編

元旦泰山碧霞宮即事甲午稿

三載經元日今年集嶽峯天壇朝霧淨道院宿香濃梓
里遙瞻拜椒花舊獻供青山昆弟會曠久未相從
巖人如故侶羽士慶新年萬里鄉同俗孤踪客自仙春
風天上到旭日海中懸相勸傾尊酒奚童亦藹然
隔歲塵途旅新趨玉女堂喧呼爭供彩肅穆靜焚香地
赤金錢滿天清碧殿長徘徊欽妙像珠珮隱鏘鏘
病裏聞青帝天高作賦詞彩毫開此日朱閣待何時

白苑詩集

卷十二

一

病夢神名作泰山賦庭閣與此正似海嶽全能攬官骸健可支斯文欣未老春
星岩石碎時勒銘德

泰山元宵即事

前年上元新安縣夢月巖頭開芳宴去年征車入望都
故人踏月同街衢近聞謫官走西蜀月輪又照我媚綠
今年獨上泰山巔太守邀我空流連昨夜月光清如水
今宵朦朧煙霧裡坐對孤月寐無人形影相依自相親
朝遊東海暮西域蒼茫何處想顏色此時燈火照青山
名山兄弟念我獨不還寒風蕭蕭吹玉女銜杯獨酌默
無語但願與月長追隨故人故鄉安可期

岱廟

於皇欽黼座肅穆望雲軒帝子稱雄將唐封此帝三郎茅家
列上卿三茅為東岳上卿扶桑臺畔老叢檜殿中榮五嶽乾坤徧
春風送玉京

會真宮

古之奉高宮也宋真宗東封駐蹕於此授恭服明萬曆二十二年燬

自昔奉高地祥符更會真清齋曾駐蹕盛事總朝臣世
代滄桑變山川典禮淪後來稱道院紫服亦成塵
杭粧院舊名白雲觀明萬曆中周藩建祀王母其後增祀元君櫻閣環列稱極院
昔年王母殿此日元君堂春露含朝沐晴霞拂曉粧月

白苑詩集

卷十二

二

明銅鶴影風定寶貌香從此紅門上空中見彩裳

天書觀

諛臣張國瑞明主誣天書不道開仙館居然擁帝車翠
含羣柏杪香散萬芝餘時王致若得芝草三萬六千餘本封禪今何似徘徊
憶昔初

靈應宮

繡郭西南路平原靈應宮危旂翔海鶴古殿卧雲鴻金
闕青霄外瓊臺翠柏中徂徠山色近東望最葱蔥

泰陰碑

碑石如屏幃御書表泰陰猶然朝嶽面即此答天心河

北干戈後城南風雨深諸壇多剝落獨此到於今

高里山向稱萬里顧寧人正訛以為高里以虛

有萬里歌

高里西南在禪壇碑碣頽陰風吹古殿落日超輕塵陸瓦餘青黛春山隱翠壟陸機吟未了千載怨陳人

社首山

管子黃帝封泰山社首山也宋有神社首壘

謾道祥符禪軒轅已有名千年埋玉匣數里望仙城地氣當封勝山光入暮平云亭名山同一色弔古有餘情

周明堂故址

虞帝春巡地周王東觀堂齊宣輕欲毀魯籍不曾亡萬

白苑詩集

卷十二

三

國朝蒼玉千年集繡裳如今空寂寞誰復問滄桑

漢明堂故址

漢武元封元年封泰山欲治明堂於奉高旁而未曉其制濟南公玉帶上黃帝時明堂圖於是上令奉高作明堂於汶上如帶圖基瀆猶存

嶮仄卑周制紛更厭魯生圖從黃帝繪規自漢封成坐受羣臣謁喧傳萬歲聲只今流汶水不改舊時情

老君堂

舊為元都觀內有白果樹大數十圍又前二碑同以同額俗稱鴛鴦碑

洛邑元元廟泰山老子堂仙根同蒂葉古碣並鴛鴦白果千年樹丹書百代光春風常自到宛轉入空廊

王母池

玉池通上下恍惚到崑崙風想蟠桃樹波疑雪藕根金魚吞夜月素鶴舞朝暎盡日倚欄望蒼苔空掩門

岱嶽觀遺址

泰岱傳中廟蒼涼問古基名山千載在秩典幾時移青翠尋松柏馨香憶鼎彝三清空有像猶識舊容儀

登山臺

漢武帝祭今青山下有廢基

方士迎神計五城十二櫻東巡還碧海西望接丹邱寂寂嵩山夜蕭蕭汾水秋仙人不可見空有白雲浮

白鶴泉

白苑詩集

卷十二

四

天漢清華水雲亭下石峯尋常飛白鶴一半遜蒼龍露重流芳草風高落古松道人烹茗處午後有鳴鐘

高山流水之亭

盤道之東曰經石峪石寬平十餘畝巨書深刻大般若經於其上殆數千字又以其上溪水泠泠而下有伯牙鼓琴之致故名亭焉

石經藏僻谷山水結幽亭萬字傳溪壑孤踪入杳冥迷離青草閣洒落翠雲屏誰為伯牙曲泠泠今復聽

水簾洞

百丈西來水懸巖落萬珠雪融山峽倒練曳洞門鋪白

洒行人跡青濛道士閣空中何激發繫馬為踟躕

壺天閣

重山夾道院一徑入壺天遂有高樓望能令衆壑懸珠
宮方的皪玉佩隱嬋娟來徃槐陰下清風一灑然

二虎廟

在泰山之半名二天門路益峻削至岡
峯復下漸覺寬平嘉卉芳林透迤而登

一從迴馬嶺捷步到崇岡石瘦生春草峯危下夕陽閒
停弛襟帶稍轉似村莊萬丈碑高揭遙看半渺茫

御幃巖

秦唐封禪後盛敷宗真宗玉輅天書載金泥帝簡封芝

白菴詩集

卷十一

五

泉開寶院錦繡接雲峰御幃經停處山川尚翠濃

五大夫松

在御幃巖上六里即秦皇時避雨所封其松久已
無存今道左五株後人補植有石垣周圍高不踰
丈餘大者不過三圍

風雨偶相值榮名得受封不因逢盛主何自表高峯當
日身同朽後人息更濃他年柔鬣老誰復辨真容

獨立大夫松

不受秦封寵亭亭獨立時衆人無遠識千載此高期傲
骨終凋幹芳名在古碑春風吹未盡一任晚相知

朝陽洞

早入朝陽洞青巖覆碧池仙人初夢後玉女未醒時炊
茗煙纔起薰香日正遲停輿一披覽曉靄翠參差

對松山

重巖盤御道疊翠鎖羣松十里行無盡千峯色轉濃風
吟兼管籟雲擁亂虬龍最愛肩輿望王維畫不工

南天門

山下望朱闕攀援如上天千峰辭落鴈雙綆逐飛仙徑
到心初定頻臨望轉懸翻疑絕頂處無復有人煙

白雲洞

白菴詩集

卷十二

六

泰山雲不盡幽洞伏靈根一雨徧天下千峰落海門無
心生晚岫有脚踏春村休謂寸膚小靈靈自沛息

五花山

東風吹萬丈海水湧芙蓉日觀紅聯萼天門碧幾重朝
雲披宿岫新月上高峯玉女簪頭鬢年年不改容

玉女池

天半霏微露山腰玉女池洗頭還似沐顧影一無淄宮
靜春波細山空夜月遲巖童爭早汲玉綆軟如絲時正
月雨

少池水半涸山上人
衆故乘五更爭汲之

摩崖碑

秦碑不可見漢碣本無詞尚有李唐跡猶傳封禪時
川留大雅燕許表隆儀太守徵銘附斯文或在茲

玉皇頂

嶽峰青帝殿天際玉皇高華日蟠雙鳳滄溟駕六鰲雲
霄初斗柄天地一鴻毛更到東亭望風生萬壑濤

無字碑

絕頂玉皇殿高懸無字碑地靈歲寶玉天意伏龍螭刻
契傳渾沌雕蟲笑李斯可知無年代元氣最淋漓

青帝宮

後世神祇祀多從人所為紫宮夫並婦青閨女兼兒女玉

白菴詩集

卷十二

七

元君相傳為泰山神女宋真宗所封炳靈公係第三郎 天地生同好陰陽理亦宜萬民祈禱

日所願佈靈慈

孔子崖石壁刻孔子崖上有至聖廟相傳即孔子與顏子望吳門白馬廐 名嶽傳登眺幽崖記墨痕山凌天下小廟奉一人尊遠
澤飛峰雨高光耀海瞰孔顏嘆絕處何必在吳門

乾坤亭

東岱當中亞乾坤此一亭日懸雙海赤風落萬山青八
極觀無外羣神集滿庭由來登至聖仰止徒元冥

日觀峰

海色茫茫裏凌虛直向東晨初光炫爛夜半影曠曠獨

立天雞唱低徊野馬空人間都夢寐滿袖五更風

仙人橋

仙人何處去累石自成橋雲過為流水松鳴作遠潮青
螭形蚴蟻白鹿影飄飄終古登天路行人總窳窳

探海石

五丈懸崖石孤雲接海潮吹噓生沆瀣襟帶起扶搖地
抱蒼龍窟天垂烏鵲橋蓬萊仙子近舉手一相招

後石隴

不識層巖裏劃然天地開松風兼管磬山色自櫻臺晴
洞生冰筍黃華落翠苔飛鴉鳴復集徙倚竟忘回

白菴詩集

卷十二

八

泰山秦碑歌

天下古刻數南嶽响嘯禹篆神鬼鑿東嶽高懸秦皇碑
李斯雄文何斑剝憶昔少讀封禪書夜半解衣興磅礴
戛然空山鏗鉦聲金鐘一叩朱塵落恨不壺公縮地來
親手摩挲為開拓去年匍匐走登州海上空尋蓬萊閣
今春徧訪泰山巔二十二行亦蕭索却笑歐陽老名公
誤信江郎見不確世人只憑歐公言江郎轉被旁人錯
當時足跡何曾經後儒口說更無着乃知世無好古人
忍令千秋長寐冥玉女池邊風雨深碧霞宮裏炎光虐
乾隆五年六月二十三
日碧霞宮火碑遂山二十九字忽摧殘破碎支體皆塵漢工

役本不知文詞監官那復念著作不有劉君摸篆譜千
年寶物竟安託惜我登臨苦不早滿腔憤懣填堊壑但
按紀載繪圖形獨立虛崖想約畧黃農虞夏神交遊惟
此周章心不樂

辭玉册歎有序

玉册者帝王所以載登封降禪與其祀神之文而
瘞於壇下者也按光武三十二年既先中郎將梁
松封禪之請乃詔求元封故事議所施用者有司
奏當累方石再累置壇中封藏玉簡金泥用石孔
多又用石碑高九尺廣三尺五寸厚尺二寸立壇

白苑詩集

卷十二

九

南去壇三丈以上以刻書上用石工難又欲及
二月封欲以孝武故封石置玉牒其中梁松上疏
争之以為登封告封皇天垂後無窮以為萬民也
承天之敬宜章明奉圖書之瑞尤宜顯著今因舊
封竄寄玉牒故石恐非重命之義乃命泰山郡及
魯趨石工宜取完青石無必五色時以工人不能
刻玉牒欲用丹漆書之會求得能刻玉者遂書書
稱刻石中命容玉牒二册上至奉高遣御史與蘭
臺令史將工先刻石文曰維建武三十有二年二
月皇帝東巡狩至於岱宗崇望秩於山川班於羣

神遂觀東后辛卯晨燎祭天於泰山下南方羣神
皆從用樂如南郊事畢至食時天子御輦登山日
中到山上更衣晡時升壇北面尚書令奉玉牒簡
天子以寸二分璽親封之訖太常命騶騎二千人
發壇上方石尚書令藏玉牒已復石覆訖尚書令
以五寸印封石簡事畢天子再拜羣臣呼萬歲乃
復道下夜半後上乃到山下百官明旦乃訖甲午
禪祭地於梁陰以高后配山川羣神從如元始北
郊故事宋祥符元年冬十月享昊天上帝於圓臺
以太宗配命羣臣享五方帝及諸神於山下封祀

白苑詩集

卷十二

十

壇三獻畢封金玉匱石礮中封訖還御座羣臣稱
賀明旦禪祭皇地祇於社首山如封祀儀 又按
山東通志明洪武初居民於泰山中得玉匣有玉
簡十六有司驗其封乃宋真宋祀后土文又成化
十八年秋日觀峯下雨水衝出玉簡會中使有事
東藩復馳以獻乃命太監錢喜仍瘞舊所 國朝
乾隆十二年十二月十四日工人於日觀峰側鑿
石得玉匣二各緘以玉檢金繩啟視其一為祥符
登封玉册共十七簡簡字一行外用黃縵摺疊裹
之縵見風灰飛其一未啟其簡尺寸悉如封禪儀

所載巡撫阿公獻於朝

我聞歷代封禪玉册詞上告天神下地祇或在高山或在谿于秋萬世杳無期崑岡積玉知者希海內良匠今為誰美玉美石價不辭能書能刻遴工師綠字常照青玻瓈朱書不假瓊膏脂繚以金勝封以泥天子再拜羣臣趨九尺豐碑高壇墮二千昇石煩騶騎瘞之壇下萬古垂帝簡秘竊誰能知詎料天心善轉移得道者升失者墜風雨人事各不齊終須一出人間時青珉無復靈龜依黃縵變作野蝶飛當世珍藏何陸離後代零落空傷悲神符寶籙有攸歸自古天命非人為

白範詩集

卷十二

十一

岱廟六柏行

炳靈宮中六株柏漢代相傳今為烈其一西北並崢嶸蒼蒼昂霄兩幹直

天子題詩御筆封高亭大碑標圖刻復有圖讚列西階輪困癭瘤根盤石其餘四株亦頗奇冷落無人揚風格一在東階老如龍腹如破竹皮如鐵正東一株聯三幹兩幹聳拔一幹側聳者雙鶴凌天空側者孤紅即林樾其一南方立如蓋千枝萬葉無寸折獨有苑西秃無枝秋風飄零雨蕭瑟却看巔末春不斷數點青青綴顏色萬物顯晦各有時那能相逢盡相識前過岱廟眼見青

別來追思殊恍惚昨日寄書宋道士為我一一分塗墨即今作歌編品題忍令精華竟消滅

柳下惠

魯聖隱名氏但稱居與謚公族有斯人和風揚故里坐懷既全真袒褐亦忘鄙世人苦不直或以直而死何如自油油外濁中無滓如操孤楫往隨流為行止我弔亦無辭閨中有知己夫人為作謚謚門人莫能易一字

春秋三子

三子者楚之交子魯之周子齊之狂子也生周之衰世觀王綱之日墜乃相與居泰山之陽處環堵

白範詩集

卷十二

十一

之室華戶不扉葢茨不剪而高歌弗輟君子方之倪缺云

兗州有八伯徂徠有六逸何如此三子蕭然環堵室朝從松間來春向谷口入魯論缺其名隱者亡其匹我行千載後遙遙望蓬蓽

羊祐

昔我居鹿門翩然想裘帶今我望南城修若飄風會管樂古無儔顏再生不再雖無似續人常見聲光在故里但蕭條煙雲何杳靄惜哉不同時懷芳以為佩

泰山憶東昌郡伯胡書巢德琳却寄

泰山作賦與誰傳
依綠園林春藹然
斑竹好風催鳳管
座花明月上瓊筵
可憐除歲經三度
不惜韶光又一年
寄語東昌賢郡守
五雲佳處望中懸

泰山雜咏

此甲午正月至四月
凡山上山下因時感物及記
一切起居之跡隨筆書之
龐雜無紀乃拾其草彙

錄於此

寒雲凍沫欲凋顏
郡守邀留去不還
自幸勞人能耐老
春風又上太平山
二月為風霧所襲朱公遺僕與迎至
署越兩旬復上山又嶽頂為太平頂
春日城頭草色黃
靈芝街畔半荒涼
可憐三萬八千本

白純詩集

卷十二

十三

無復當時一味香

昨宵飛雪玉成堆
早見朝陽樹色開
王母池邊春漸暖
月明初過鳳凰臺

十八盤中賣酒家
焚香歸客醉如霞
東風莫令遊人醒
松柏青青有杏花

東風海上送烏衣
吹向山堂繞客飛
誤認遊人長作主
年來春盡不曾歸

泰安道上望泰山

五月西郊路車中
指岱巒飄風生樹杪
急雨落巖端
日影蒸炎濕雲陰捲
暮寒晦明千萬變
猶得遠相看

魚池 為陶朱公種魚陂在泰安縣西

城西六十里落日宿魚池
無復陶公跡空傳古澤陂
居民爭汲縷過客想淪漪
太息斯人去烹鮮不可期

五日

端午肥城縣盤餐祇自癯
殊方猶角黍故里正懸蒲
佳節長為客炎天半在途
輿人同醉飽不用楚招呼

登魯仲連臺 在聊城中即射書以退燕師之所

列國多爭戰斯人獨解紛
能將書一紙可勝令三軍
斷碣寒沙草高臺古塞雲
相期天下士海上只空聞

謁鐵鉉祠 祠在聊城東門外龍灣

白純詩集

卷十二

十四

東郡方危急朔兵正慘顏
雄心探虎穴戰血洒龍灣
草掩荒祠路苔含古碣
斑精靈長不寐應在斗牛間

答東昌郡學董太史寄廬 元度並次韻有序

去夏泛大明湖時寄廬
董太史陪學使李文園先
生亦同遊彼此各不相識
同鄉蔚孝廉砥齋在余舟
中趨而就謁遙見修髯蒼
顏照夕陽蘆漪之間吏人
指為董學師余居歷下亦
嘗聞其德誼文詞之雅及
冬文園先生枉顧贈詩有
云歷亭邂逅見青眼之句
即謂其相望而不遇也後
招飲談舊事又為稱述且
云他日赴東昌胡郡伯之
名必可一

晤今夏五至適逢誕辰且謁且祝並叙令翁昔任湖廣學道時產於官廨亦同梓里余既叨壽燕復承佳篇秋日臨歧依韻奉答

明湖追夕照鬚髮影蒼蒼太史雙青翰新詩一錦囊奎臨依舊院嶽降本吾鄉來值稱觥日酣歌不厭狂

東昌郡守在且此息塵轅刻石周山岳華恒錄宗馬門浮槎接水源前年出塞外竟秋風丹桂蕊夜雨碧苔痕為愛幽吟處相酬賦一言

荅鄧孝廉午厓汝功

國初兩殿元俱出聊城縣傳老入台衡後以新鄧公參

白苑詩集

卷十二

十五

禮院律鍾岳節二郎名孝廉冢子亞鄉薦矯矯龍吟姿亭亭鶴立彥采芳芷與蘭修質瑚同璉自我歷諸邦於茲曾幾見新音蘇管絃古製靜波瀾午厓詩多涉門披襟露峻增贈言驚汗漫結交若夙知談論轉深羨鐘鼎百年存文章五嶽徧涵虛渾樸堅積實揚光爛好日不常居流風亦屢變願崇先世珍毋為近時玩別路有餘音同心發浩歎

與程子厚談武昌舊居並為父索墓碑因贈二律

程子初生吾楚鄉長隨舅氏入齊疆即因宦籍歸商籍

可自東昌憶武昌子厚本籍歲欲父客粵東寓武昌生籍山東千里松楸虛斤石百年菽水在高堂父寄燕武胡母氏俱隨為逢太守林亭好時得攀枝說梓桑

去年病裏勞相問今日重來是故知江上不曾留舊館渭陽應自有新詩胡公若茫天地獨懷古邂逅鄉鄰且問時黃鶴樓頭歸去望秋風莫待鴈書遲是年秋子厚入山東鄉試

聊城喜雨三首寄郡伯書巢濟南館舍

乍雨偏增熱輕陰不掩陽深愁落日淨莫愛早風涼凡氣清淨無雲翳及暮泰岱雲猶薄潔流澤未長村民翻望急擂鼓滿公堂

白苑詩集

卷十二

十六

便有連絲雨晨宵瘴盡收羅衣輕疊雪布幙冷如秋小榻眠初醒羈人去復留塵途應洒滌且得看清流連日霏霏下涼風吹不禁城傳三板濕野過一犁深葦草蘓流壑新花出露林此邦仁吏切慰藉最關心

魚山望曹植讀書處

歌子歌吾山子建讀書處山上有二臺零落經風雨文華久蕭瑟芳草萎黃土顧瞻不復言太息斯人去

為東阿周明府索阿膠歌

我聞造阿膠市者多舛訛君作東阿宰監製幸無他挹水阿城井濯皮狼溪河狼溪遶君城取携不厭多阿井

屬陽穀乃在古東阿越境汲綆路陂陀十牛鼓力為君
馱昇之公堂膠人和洪鈞煮淪浮香波繞出鼎鑊顏色
瑤傳與人間解沉疴始知阿井一勺水使君之澤何滂
沱今我弔古神消磨泰山歸來走輕軻此去兗州為經
過試取刀圭待若何

東阿舊縣南見楚霸王墓碑因東行一里觀其墓

生能致秦亡死不受漢戮亦不令人笑亦不令人哭恨
血已烏江遺骸乃阿谷道旁有豐碑龍頭空躑躅似有
陰風騰野蔓不敢綠

白菴詩集

卷十二

十七

宿申改翁發祥講舍

間闕長作客齋舍即為家不道泰山別重經汶水涯盤

餐堆豆角窻砌落槐花為問芳瓶酒奚童何處賒

故郭無鹽城東平州城即古無鹽城高坊古殿元書院門前有梁氏父子狀元坊

應多佳子弟可集此庭軒讓榻成孤夢停車寄一言來
朝又分手勿復憶寒暄

途雨

雲擁兼天黑風揉滿樹青炊煙尋野店驟雨到村亭屋
瀉當頭水山鳴過耳霆稠人不可並獨立夜冥冥

少陵臺

南樓一縱目尚自有高臺泗水環城郭孤亭立草萊海
平齊野濶天盡楚雲開萬里同悲壯千年去復來

白菴詩集

卷十二

十八

白菴詩集卷十三

蒲圻張開東賓陽氏著

男兆騫編校

謁孟廟甲午稿

山瞻騶嶧上雲兆岱宗初見孟母夢泰山有神人降已而

氏之舍遂滿地皆兵甲開天獨子輿三遷母氏教一舍

生孟子聖人居鄒縣傅村為孟子故居北去望古二千載由周

七百餘風塵談道德說論本詩書異學途能闢荒經蔓

欲鋤宣揚王制備闕發性靈疏抵掌心明劃披襟義暢

舒嶇嵯摩海嶽排挾下龍魚氣比顏偏壯功同禹並如

周行矜杖履喬木感邛墟抗節伸寰宇高風儼故廬南

白菴詩集

卷十三

城森檜柏北面肅庭除後代誰傳者先賢或起予

月下歸自嶧山

嶧山歸路靜明月正高華小幟穿青柳輕輪走白沙林

風清似浴草露炫如花我欲烹香茗炊煙有幾家

子思講臺

在鄒縣治東又東南隅有中庸精舍

君登講臺上我聽講臺下妙義發中庸城南有精舍

匡衡故居

遙望匡衡里車前暮色憑不知鑿壁處尚復有鄰燈玉

燭延金釵銀缸耀綵繩從來岑寂地偏覺夜光騰

過孟子故里

東謁孟母林西瞻孟子宅崇坊臨通衢曲巷表宗祏載

拜肅堂階披汗摹碣石從容詢族侶顏色轉和懌聚處

三百家欣陳遠來客我耕隴頭田我阡並我陌我刈田

中禾我黍及我麥我采山中薪于茅為我藉我井復我

池我汲皆我澤飲者我牛羊浴者我鵝鴨我植苗青青

我浣麻既白我讀先人書洒掃我庭席春酒燕高堂懼

集我叔伯婦子各嬉嬉男女自成匹盜賊不敢入兵燹

無離析我聞為解頤嘉嘆復長揖乾坤有幾家升車日

已夕

謁孟母墓

白菴詩集

卷十三

二

昔日擇鄰居誰復問墓地豈知天所庇山川懷瑰異龍

虎交鬱蟠煙嵐互靄媚兩山列門扉萬柏含蒼翠杳然

徑深入幽宮久闕閉豐碑立如林附塚紛第次祥雲日

氤氳清風時搖曳肅拜青壇滑周旋丹垣麗徐步出高

林迴睇轉隕際長夏生寒涼夕暉藏密邃古來多賢母

懿行揚傳記未若此崇隆芳裡永萬世

曲阜城北望孔林古柏如雲

遠瞻鬱鬱林近指蒼蒼樹古幹歷風霜新條滋雨露成

行翠色連夾道濃陰護自古帝王陵或為荆棘圃悠悠

驅馬來一步一留駐

孔林三里石坊下馬

五嶽經行徧千年望此區吾生忻景仰人意任馳驅路
濶心彌謹林深步轉紆徐徐塵慮靜繫馬一踟蹰

孔姓為縣隸者官命導謁林廟敬而禮之

世豈皆賢族家緣有聖人但勞通客問敢以雜車塵薄
酒聊相勸微儀且自申高山瞻仰在竟日倍逡巡

子貢手植楷和臺下施愚山韻

端木已稱古殘楷猶至今當時經手處天地亦關心舊
澤深林雨秋風古苑陰人生期不朽臨眺一披襟

荅范君自藩署來東昌兼齋去年方伯國公所

白純詩集

卷十三

三

貽鐫章五石不忘舊約詩以美之

歷下林亭客高吟古篆精為因方伯意不棄野人名隔
歲心如石當秋眼倍清從今懸海嶽聲價重連城

七月發東昌遙別學使李文園太史兼呈泰山

詩賦鈔本

春日泰山賦秋來始寄陳匪云追作者難覓繕書人銘
字鏤巖壁文星耀海濱南歸回首望何處隔風塵

東昌遙別方伯國公兼呈泰山詩賦鈔本

憶別西園路煙雲老岱宗秋風隨去鴈何日復登龍小
草留臺閣鴻名列鼎鍾青峯江上眺海日照東封

讀同鄉何旭亭光昌採蓮病馬二行兼承餞別

之作即席賦答

東昌守府氣雄敞我聞能詩一相訪投刺十日不見答
乃知吏人多蔽障今來眼見戟門開許我肩輿臨屏仗
是時守府患足瘡出迎盤躡猶跌宕招至西堂發詩篋
古槐濃陰覆十丈我讀採蓮并病馬一騁聲華一悲壯
醉飲醇醪解衣佩坐對清風消塵埃君不見襄陽開府
羊叔子輕裘緩帶何高曠至今峴山碑長存令人千載
為惆悵又不見黎靖將軍鄧子龍立馬題詩飛山上當
時儒士頗輕狎過後詞壇皆拱讓吾鄉湘蘭美少年况

白純詩集

卷十三

四

有康樂稱前唱今元曙亭為吾邑令即歌陽關一分手河北江南
空遙望

東昌西路即事寄胡郡伯書集

驛路經西鄙秋乾慘客顏禾難鋪綠野草不上青山種
麥全無地流民半出關東昌賢守在及此念時艱

大名歸途復經即席與鄒筠谿表弟並呈兩表

叔暨諸弟

遙指大名郡倉皇此問津九河重渡日五嶽一歸人春
酒聯芳棣秋風憶故萸相逢須便飲醉倒不辭頻
兩叔長相伴羣英喜共依弟兄增仕版南北並秋關山

海新詩篋乾坤老布衣昔年吟嘯處到此却如歸

與鄒雨蒼表弟晤大名官舍述舊愴然即留別

黃鵠江之南鸚鵡江之北與子蕩蘭舟采采芙蓉澤相持各在手相看好顏色良辰不常聚秋風轉蕭瑟別子將遠行贈我青縑服譬彼孤飛鳥茫茫杳無極飄搖出重霄鳴音聞四國回首望南天不得同比翼昨日東海來避逅漳水側停驂心慟恍執手涕霑軾遄歸問青山蒼涼迷故域諸季執壺觴灌言永朝夕低徊不能去我馬行且息路長日苦短獨征誰與匹送我立頓叩高天空遙憶

白苑詩集

卷十三

五

東昌胡郡伯書集數以書札寄大名星夜馳報不絕即事賦答

出疆三百里書使每頻來不道鴻音遠深憐馬足催秋風孺子榻落日仲連臺屢看行間字依依一往回

雨中答清豐令同鄉熊芥園家報

過客昔年路宰官今日親高風同故里秋雨滯歸人酒熱談山海燈寒伴夕晨蒼涼懷古意促促未全陳

衛河秋風詞

雲繚繚兮山之阿有美一人兮渡衛河風蕭蕭兮生微波蕩中流兮發權歌水浩浩兮石峩峩馬無轡兮車無

軻與子飲兮朱顏酡聊夷猶兮心猗娜子忽別兮涕滂沱鳥高飛兮結新羅木將脫兮辭故柯立頓叩兮影婆娑天陰陰兮路跛陀望之不見兮奈若何

冒雨弔毛遂墓有序

毛遂墓志稱在廣平府西南余初愁南門外店小飲問毛遂墓俱不識有賣瓜翁知之述其狀云去此五里余喜之因市其瓜多予之錢翁不受乃強付焉又因覓一引導者復多給以錢其人欣然從之踏泥塗由西而北牽車堤上雨雪霽不止及至其所乃指蘆葦中一小堆即其墓墓旁一柳樹覆

白苑詩集

卷十三

六

之無碑停車久之口占一詩及夜乃抵館

凌增毛遂語脫穎出囊中戰國稱高士荒叩問老翁城寒孤柳雨野暗晚蘆風大息無碑碣停車獨杳濛

洗腸源在內叩縣佛圖澄洗腸處

聖人自洗心佛子亦洗腸却笑汶汶者徒為皮膚光

晚過圓津菴因憶河南呂光祿謙恒前輩四代

經此有詩彙刻嵌壁下車往見之遂記一律

竟過圓津地回驚呂氏詩紫紗籠舊壁青石疊新詞日落風生樹秋深月在池長征人未息且此滌塵淄

直北道中四首有序

甲午之秋歸自東海廣平一帶人壯地饒廬宇鮮
明桑麻穰沃猶有趙氏之雄風焉與大名東昌迥
不侔矣遙盼西山鬱葱數千里蓋北起紫荆南抵
太行莽莽如雲車中閒味彙為一篇

八月山河遼驅車驛路涼晚風槐子綠秋雨荳花香燕
翅行千里悲歌盡一觴村民多忼壯幸不嘆年荒
北道千郊靜西山萬里清太平無戰伐樂事在農耕天
色憑眉翠秋光到眼明遨遊歸去客好自賦西征
鴈羣尚不到江漢杳何深楊柳隨人老薰葭接地陰浮
雲南北望落日短長吟偶過村莊外時聞雜暮砧

白蕪詩集

卷十三

七

紫荆青壁立絲渺太行山地曠桑麻沃天空鳥雀閒愁
偏驚慷慨幸不滯間關海嶽孤節在誰云倦始還

秋楊柳

秋楊如靜女淡散懶為容舞罷風初冷愁牽露轉濃無
心邀繫馬殘影送歸踪憶昔春行餞良辰不可逢

麥飯亭

停轍潯沱上孤亭問水濱艱難多戰伐飢渴此君臣廟
享千年配庭饌萬國陳後人崇玉食誰復念酸辛
自有千鍾粟難忘一飯恩勤勞真帝佐望報豈王孫菜
色調羹味藜腸戰血痕蒼涼搔首處故跡竟何存

秋日道中見數黃蝶從林間出繞車前時飛時
集追隨經十數里不去顧而賦之

行客驚搖落翩翩出故林風飄煙草濕日炫露花陰喜
並雙飛翼憐隨萬里心倘堪共歸去憑軾一露襟

中秋宿明月店

明月店頭好中秋月正明丹花空一望樹北方桂素酒自
相傾露濯征衫淨風梳旅鬢清青山應共照因見故園
情

望井陘南諸山有草木青蔥之色車中賦之
北來到處盡童山忽見青青照客顏九十九峯金紫色

白蕪詩集

卷十三

八

金紫蒲行人悞指是鄉關

龍窩寺小憇

不識禪林在輕車一偶過白雲藏驛路翠壁倚龍窩露
滴金蓮淨風生玉樹多山僧畱茗處衣帶繫藤蘿

望娘子關

望娘子關即古葦澤城唐平陽公主驛兵于此故名如劍戟水如環平陽公主今何在
空使英雄兩鬢班

途次答壽陽李明府綱齋文起

固關三百里纔見使君賢別館魚詩史郵途復綺筵高
秋天外爽落日望中懸此去多相識臨岐一慨然

學使曹公劍亭錫實邀飲同方伯朱公南厓晉

陽院長蕪園公去疾即席賦答

高秋文苑靜風塵子建清華孰與倫不道主賓三大史
偏推海嶽一遊人詩傳丹桂天香後是日諸公俱先赴
科杜老孝廉與馬酒戀黃花月露新鹿鳴宴存前甲午
各為贈詩以榮之盛代公卿齊注
目遭逢何自嘆沉淪

答河東觀察使葉公平麓佩蓀

晉陽內史稱詩會觀察從容自注經洒落三秋雙履白

蒼涼萬古一燈青日懸帝廟高蒲坂前年壬辰過蒲州

言於朱公宜修治公即而語葉風送君山下洞庭歸路

公主其事今喜告成有日矣白苑詩集 卷十三 九

重瞻還信宿不愁古跡竟飄零

答大同吳郡守輔宏先以書請脩郡志不及乃

陳數條歌以寄之

雲中古稱天下脊顛頤幽都代京宅龍門鴈門列南屏

紫荆倒馬橫東壁元嶽東南黃河西北方三面臨沙磧

秦漢歷代征戰多

天朝關塞無阻格我昔曠懷五嶽遊走馬晉陽謁方伯

憑弔青塚及白登太守庭前許長揖遂命宰官虔若賢

選徒載酒供行役方山紇真長城道七峰摩天峯名七

高離天尺恒山天峰高勒銘三皇荒墳皆立石臘月懸

車出飛狐燕趙齊魯同搜索蓬萊煙波秦岱雲蒼茫去

住杳無迹是時太守遙相憶頗厭舊乘久狼藉遽欲招

邀致我書草創經年空虛席即今相聞不相值倉皇萬

里歸來客自古文字亦有數那能榛荆盡人關所頓宿

儒重菟羅聊陳芻言補典冊

歌

朔平太守高清操獨坐邊庭風蕭蕭中丞之孫觀察子

藹如寒士神不驕前年逢我馬邑道遣徒驅車走兔毛

鬼毛河名即殺虎將軍都督萬騎屯許我孱儒挾纖毫

口中外分界處白苑詩集 卷十三 十

立馬天山弔青塚落日黑河生洪濤蘓武城外李陵臺

長歌一聲天迢遙材官執爵司馬宴歌姬冷月蛾眉嬌

大書高樓倚店壁萬古烽煙落酒瓢乃知太平皆文教

不用投筆學班超歸來郡齋復長飲竟欲勒銘凌荒徼

舊事那堪一回首楚客游魂不可招君已蒙戎晏子狐

我亦零落蘓秦貂感君贈我辟塵鼠三年不成霜雪凋

南皮北皮都歷盡由來此物空寥寥齊桓公製皮處有

即今重晤思補綴何須千載誇綈袍

遙弔奉旌烈婦孟縣田氏即書院長馮孝廉

詩集

衛女逼於母孟婦迫於姑母心尚可轉姑命不可渝嗟
哉田氏女婉婉持微軀十七為新婦廿四喪其夫兩家
俱食貧甘心自茹茶手抱懷中兒口兼堂上舖願為操
松柏承以保桑榆何以聽間言忍令遽改圖帷車來何
驟空閨閉莫遲泣諫諒不入失節安可為淋淋暗室涕
默默鬼神知長條繫弱質請今從此辭開門驚欲倒迎
者悔無期有司上其事眾口同一詞 旌閨名不朽榮
莫禮亦宜馮君登講席一唱齊聲吹我聞古路間太息
且勿悲七夕會牛女是婦見夫時田氏七夕自經

九月朱方伯南厓招同曹學使劍亭葉觀察辛

白苑詩集

卷十三

十一

麓院長蘓園公遊千壽寺及柏樹園即席賦
呈
連騎出郊垆紫車載青笠秋色澹遠空寒雲倚層級四
公出詞壇冠蓋臨都邑鴻文耀京華幽懷同野集龍山
與戲馬未若茲戢香梵宮既窈窕浮園何岌岌極目望
川原凌虛生呼吸歷歷花徑旋靄靄柏林入崇臺多悲
風寢園動歌泣榮華易凋謝修名貴早立晚雨淨浮埃
飛旌未全濕歸來載飲酒嘉言美且輯願為長追陪流
光嗟何及

九月十九日霜降朱方伯南厓曹學使劍亭邀

遊白雲寺

時訪狄公村遂來白雲寺孤踪自徐行二公忻早至山
迴歲佛龕徑曲通林隧天光巖隙明寺後有鐘聲洞裏
出谷松何蒼然庭為轉幽媚東緣危登升西向高原歧
翹首風塵外舉目山河異雲樹遠浮蒼霜葉近沉醉重
陽矜勝遊旬日生別思前詩稱四公今葉觀察使君不
常居羈人亦偶寄緬邈追昔賢徘徊惜佳地披巾坐莓
苔牽裳曳荷芰及時且流連何處稱傳記願公崇德望
永與岡陵峙

喜陳三西峯重晤太原即席奉荅

白苑詩集

卷十三

十二

我欲臨汾去晉陽君正來重沽桑落酒一醉菊花開別
館三年在詩函萬里迴願為永今夕莫上望鄉臺
學使曹劍亭復招同朱方伯南厓院長蘓園公
飲羊羔酒至夜深賦答時九月廿九日
長向高齋捧玉卮叨陪不惜夜遲遲笑逢三九無虛日
前重陽同遊千壽寺十九日醉憶重陽似舊時燈下菊
花常五色月中桂子已多枝太原儘有羊羔酒忍使秋
風遽別離學使將復命

十月望懷曹學使劍亭有文字山水之契至是

別去寄之以詩

幾日登臨興千秋翰墨緣天涯分手處車笠各蕭然浪跡追前代風光屬後賢典舉晉陽寒夜月且復見清圓

夜宿晉祠

昔見荷花艷今聞稻米香水流經北渚風景似南鄉小酌寒初減孤檠夜正長唐詩歌蟋蟀喜得伴吟牀

過汾陽答陳明府翼亭

舊侶招邀驛路西汾陽城上暮鴉啼遙懸一榻歡相待便下單車病欲栖時病餘以呂仁原昆浩浩主人渾似海縣縣勸客醉如泥西河石室今何在萬古蒼茫費品題汾陽舊傳有子夏石室戴東原辨其誤邑人曹光祿慕堂論有異同

白菴詩集

卷十三

十三

預寄臨縣呂仁原碩亭

豈為山行避虎狼歸人萬里意茫茫南征車馬翻旋北錯指汾陽是洛陽

婁縣庠貢洪文英邀飲汾陽官舍臨行復贈酒

瓶并洋瓷酒醖醖繪金魚荅以絕句

汾酒葡萄玉醖新洞庭春色見游鱗携歸河北朝朝醉舉手江南憶故人

臨縣聽鸚鵡自語

臨縣堂前好鸚鵡獨立銅梁翠毛羽終日喧喧寂不鳴清晨無人嬌自語靜聽似解言中意寒風吹斷還如縷

我有美人在湘南十年不來知何處杜鵑啼罷江水深昨夜夢回青山雨

海嶽枕詩答呂浩然有序

呂浩然碩亭子嗣浩字也余已卯居靖州鶴山書院有門下戈大位初列庠其新婦王氏工刺繡為製枕錦二方一周茂叔賞蓮一趙師雄夢梅殊雅淡宜人今十六年矣薰歷風塵久而將散謀於碩亭更易之遂命嗣浩以素練圖繪且稱仙人所贈白菴詩中二語云太華一嘯雲飛盡蓬海孤吟月落遲時已遊此兩勝境正合本事嗣浩摹擬而出

白菴詩集

卷十三

十四

亦復清妙與碩亭諸世好笑而觀之亦佳話也嗣浩少聰穎能詩并索咏因荅焉

舊枕煙花一轉蓬新圖水墨動仙風滄溟太華歸來日又送遊人到夢中

酒瓢歌越三年至臨縣始荅呂如山

古木癭瘤琢酒瓢形分半瓜空中均元外朱裏螭紋結玉蒂琅玕金環雕武昌曾孫呂孝廉藏之數代珍琨瑤前年遊人橫山道慨然解贈傾香醪一吸長鯨口不輟醉倒太華並青要却寄河曲程邑宰裹以青縑包以茅北走沙漠東蓬瀛三年不酌瓊膏焦所恨他日恣長飲

悔不當時荅揮毫只道畧留人已遠
豈知故人重相遭
人生意氣重山石
五花千金皆鴻毛
車馬之餽有不拜
念此微物心鬱陶
攜歸林亭陳百寶
紫螺玉缸浸蘭椒
海神嶽靈恭祭奠
置汝一獻青天高

玉環歌呈汾陽陳明府 玉環歌童名

汾陽堂上喧歌舞
三五童男扮童女
翠眉輕搖楊柳風
絳唇新點桃花雨
一曲衛腔音繚綿
百轉纖喉不肯吐
乍抑乍揚若春鶯
欲斷不斷如柔縷
天津衛腔如此
中有十齡小玉環
含嬌故作金蓮步
青臚朱顏髮未齊
嫣然微笑向人語
銀燭高烧夜何長
冰絲低吟遲不去
莫非玉女

白純詩集

卷十三

十五

侍者容疑是觀音
嬰兒媁乃知天籟
發自然脂粉塗抹
皆謬誤寰中盡陳
太平音天上都注
長生譜宰官方進
王母筵汾民又上
宰官壽白日清宵
聽不厭長簫短笛
生怨慕少年樂事
逢人多皓首轉看
愁憐汝玉環玉環
笑且歌且倚樽前
少延佇

汾州府郭外呂廿二仁原攜酒策馬追餞車前

感山路遠送三百餘里黯然而別

十月出太原臨縣來
雙簡與子約不齊
歲暮亦何晚三年
不相親千載此一
見秋風大梁城落
日閨鄉館望遲
北道車心逐南飛
雁匹馬渡河汾重
山及湫澗

湫水遠臨縣城

前年壬辰冬約九
月仍會此夏會於
閩荆山書院今年
甲午夏復約九月
仍會此及九月廿
後仁原以卿試
至恐其相左乃追
至臨縣我病亟欲
歸去住多憂患袖
子數行書請為方
伯斷與馬趨邊城
簸搖歷修坂覷面
口難言携手淚在
眼故疾我復作藥
餌兼供饌夜為煖
衾稠朝勸加餐飯
冬至漸陽舒痼癖
亦稍減差日始登
程連騎獨繼縑崖
雪凝堅鐵溪冰滑
玉版僕輿重代更
肩乘勞推挽驛騎行一日冰滑恐傾跌仁原另雇未陶
穴烘短楫茅簷覆
長棧狼羣輒呼號
虎跡時經踐巉巉
黃樞峯仡仡青要
彥地險資良朋天
高窮勝覽炙雞喜
充腸藝酒強盈醖
微吟騁晴暉行行
脫偃蹇精神共渙

白純詩集

卷十三

十六

發裘帶珠輕緩天
涯幾人同嘉會興
不淺遊征莫忍辭
疾驅忽來餞城南
數杯傾車聲從茲
遠

重過韓侯嶺歌

昔過韓侯嶺赤日
汗滂沱今過韓侯
嶺白雪高我我嶺
頭之路仍陂陀我
為韓侯重悲歌驅
車燕趙并齊魯淮
陰戰績何其多自
古英雄定山河君
恩不終奈若何

答陳二因之廣丈

因之名受培汾州
司馬書竹之次子
也為西峯胞姪茲
來臨汾署余過之
欲覽海嶽諸作贈
詩將別乃答焉

汾州公子舊風塵丰度翩躚邁等倫故館半迷芳草路
他鄉并集竹林人飄飄海嶽歌吟老藹藹交游道誼伸
此地欣逢言未了將歸南楚又西秦

輓刑部員外郎兼觀察使銜同宗荆圃公有序
荆圃公為端憲先生第六子茂德敦行修文詞而
愛山水初官刑部員外銜躋觀察年三十有二因
丁艱謝職高尚林泉獨以嗣君員外菊坡少登仕
版提攜舊省去年癸巳春余由華恒將之岱宗歷
覽京師忻言觀止手出東遊紀畧導其先路兼為
治裝具且諭嗣君明年當晉秩郎中亟請終養入
白菴詩集 卷十三 十七

則與大名觀察會桃李之芳園出則率菊坡郎官
窮山川之奧區竟洋洋廓如也乃別去海濱遥睇
天末仙緣有分人事不齊壽終於甲午之九月櫬
歸於十有一月迄季冬之望余再經神山驚盼靈
旗且訝且慟爰述其情懷作古體四章並為之招
焉
昔我來浮山嘗見秋官第重堂聯翩茲宅獨幽閉虛
庭靜落英深垣縈薜荔主人既投閒有子還繼位相
依及都門故里徒遥企乃兄大名公曠言憐子季他
日會
有因驅車走燕冀豈知旅櫬歸使我空流涕

昔我趨京華老成瞻夙軌躬身雖廟廊寄懷在山水俄
聞海岳遊慙懃治行李飾我杖頭瓶裝我泰山履貽我
古青筇象骨交錯綺送我升高軒倚門笑相視誓將同
此去從以赤松子世網尚羈人行行中且止

昔我登泰岱手把扶桑枝仙人出蓬島問君何所之我
云天地間促促不可居其上皆浮埃其下多泥滓何不
隨風去雲水空逶迤回首呼舊侶傷哉白日遲采芝返
故顏躊躇立煙湄三山與五嶽終當駕龍螭
藐姑自有神芳園自有春浮山縣有藐姑射之榮華雖
山芳園其家園也
可樂不如反吾真迢迢二千里北風吹迴輪我我康樂
白菴詩集 卷十三 十八

候謁藹惠連親郁郁芝蘭兒蒼蒼竹林人侍女折朱華
娟娟翠眉擢堯尊為君開趙舞為君陳羗君盍歸來共
樂此天倫

蘓墳記三日往復途次七百里即事自咏并寄
家觀察疏園有序
余壬辰五月之別疏園也先嘗話書史為述蘓墳
記一小冊並於園中所堆書架上見之以朱方伯
之名甚促不及詳及由北直山東返行且二年每
欲途間作一歌以抒幽憤苦於記憶不真故復置
之如是者凡十數次今年十二月十六日再過浮

山會其家喪事總總不及問越三日書紙一條使
入通焉蔬園驚嘆曰覽古萬餘而猶記及此今三
年矣天下有此好學者哉以徧告諸族人乃令景
軒及菊田尋此記與之余亦迫不遑覽以為更有
刻本於十九日登程遂挾以去及二十日晚蔬園
使僕策健馬追之停車披其札有老人記憶未清
願還原本另騰寄示之語余即發篋還之不復裁
答但喜髦期嗜古而已及余由絳解於廿五夜至
蒲州觀察葉公署蔬園則已遣鈔本早到矣鈔本
尾書甲午歲十二月二十一夜燈下鈔閱其札藹

白菴詩集

卷十三

十九

然淒然嗚呼天下真好古人誠如我輩古人何憂
湮沒耶

連夜飛函入眼中數行舊冊轉西東青箱不惜勞星馬
素練偏驚帶雪鴻遙悵我眉千里隔差憐玉骨寸心同
蘓公喬吏多蕭索猶得吾家振古風

讀喬鉢蘓墳記附

蘓墳記國初內邛喬鉢之所記也其記自稱邾小吏
蓋東坡一門皆葬於河南之邾縣鉢吏於邾因遊蒼
谷寺及花眉斷蛇諸山得觀蘓墳之零落並見蘓遲
夫人梁氏墳且暴露收其骨而葬之也記畧云白蛇

山俗名花眉為漢高祖斬白蛇處蛇斷而為山自花
眉東行六七里一峯突起為小蛾眉秀色可餐東坡
愛之故名蘓墳在蛇山前墳域大不過三十畝繚以
土垣古柏三百本歲甲申邾賊盡伐之其中為老泉
墳左子瞻右子由老泉葬蜀元邾令具衣冠而葬於
此以成三蘓耳子瞻子由墳相去六七武或云邁迨
過俱葬此而無其塚子由墳西有四塚無題名前豎
一碑列四世六公子名曰篔曰符曰箕曰籥曰籌亦
無塚子瞻自貶海南後為汝州團練副使北過淮乃
表乞常遂卒於常當未病時屬子由如即死葬我於

白菴詩集

卷十三

二十

嵩山之陽子為我銘子由從之子由出守許州置田
於許居六年子由卒亦就此葬焉墳之外復有二墳
牛羊踐欲平數百年人未有知為蘓墳者南一塚為
盜發矣俯其穴得蘓遲所撰誌銘讀之始知為其夫
人梁氏隨於草蓬磧碑中得頂骨二脛骨三零骨三
十有六屑以丙戌清明具衣冠而葬如其初夫人梁
氏為宋狀元灝之曾孫女適子由之長子遲而生子
曰簡曰策與前六公子為昆季皆人所未聞也故并
遲所撰墓誌錄之以表於世其志稱宋故孺人安定
梁氏墓誌銘通直郎管勾成都府太平觀蘓遲撰宣

義郎知汝州郟城縣丞范書。白菴按墓誌夫人係東平郡宋夫人生乃中書侍郎梁子美之女而灝之元孫女也。蓋灝之長子狀元固次子丞相適適生贈少傅彥昌彥昌生子美是灝之元孫女也。記稱曾孫疑誤。再按子由西四塚無題名竊疑四塚前所鑿四世六公子即其總題碑記也。蓋四塚存而失其二耳。觀墳外二塚亦無題名為牛羊踐牧欲平可見安知彼二公子之墳不亦牛羊踐平耶。獨所稱二塚其一為梁夫人矣。彼一塚未知何出應不得雜入他姓之墳。墓誌稱前室孔氏生女曰志夫人視之如已出。

白菴詩集

卷十三

二十一

此其為孔氏塚耶。然不可考矣。又按記稱歲甲申郟盜伐墓木鉢之遊蕪墳也。以乙酉嘉平其葬夫人也。以丙戌清明皆三年內事。蓋伐木之年即發塚之年。明年鉢乃遊墳僅隔一年。故見之愴然。又明年乃葬夫人。則夫人骨骸之暴露已二年矣。郟小吏其大有造於蕪墳哉。

埋羊里 有序

埋羊里在絳州西關。羊舌子好直不容於晉去而之三室之邑。邑人攘羊而遺之不受。其妻曰不如受而埋之。羊舌子曰何不餉肝與鮒其妻曰不可。

南方有鳥曰吉。乾食其子不擇肉。子多不義。今肝與鮒童子也。隨大人而化不可食。以非義乃盛以甕埋壚陰後。攘羊事敗。吏至發而視之。舌尚存。吏曰君子哉。羊舌子不與攘羊矣。州人陶虛泉有碑記。

直傳三室邑賢振一家聲。更得聞妻語。兼通教子情。鳥哺聊此鑿羊舌。至今名蔓草。城西望高風。滿路清。渡汾浮梁。

臘月城南渡汾河。凍不流。冰橋寒。駐馬鐵。綆攀橫。舟遠泛秦雍。日高歌。漢武秋絳州。懷古意。執轡為淹留。

白菴詩集

卷十三

二十一

夜過解州李刺史端夫不值。飲署中寄答。往會經蒲坂。今知及解梁。徑趨良牧館。空戀故人觴。走馬三更月。歸鴻萬里霜。他時問詩卷。海嶽正蒼茫。

遥寄蕪園公太史 有序

園公為晉陽院長。秋冬之交時聚飲太原。及臘月解館歸解州旅舍。余夜至而晨行。恨不及晤。因語李小郎。達之已而車中作口號二首奉寄。且諷之。歸蓋園公高尚不仕。無產業。可託與端夫刺史。皆吳人而有親。故其移於解端夫之力也。

我來君已眠。我去君未起。恐驚夢中人。前途千萬里。

君亦且勿眠君亦且自起他年紀流寓不如歸故里

答小鞦韆川王翁即留別有序

王翁名錡嘗令陝西定邊去官館食於晉掌教蒲州書院十餘年解館後居河東葉觀察署遇相聞望及甲午歲杪喜晤朝夕讌集並贈以詩且訂他日過吳家居洞庭之東山云

周迴海嶽度蒲關忽見先生古貌顏作吏不堪鞅掌瘁傳經那惜鬢毛班天寒百戰行將別歲暮孤檠坐且閒回首春風何日會自稱家在洞庭山

呈河東觀察使葉公辛麓兼以留別

白純詩集

卷十三

二十三

今人不同域古人不同時獨行天地間顧影生憂歎道逢高軒客夙若素心知投以澹泊味嘉此瓊瑰詞當前恒不覺別後空相思行藏雖殊路敦古同所期宵宵青天高翩然見飛鳥遨遊歷九州孤鳴出雲表好音何希微和者殊絕少倏忽遠來聲清風淡縹緲安得化比翼羽毛共光皎榮華不可幾修名當及早

進酒行贈蒲州周郡守克開

軋軋車聲出吾楚三晉相逢兩太守前年北征窮沙漠今年南旋及蒲首朔平方公贈我裘蒲州周公進我酒飲君酒為君歌君歷滇池并酒泉五花驄馬高我我庭

前桂子揚青柯白髮不生朱顏酡飲君酒為君歌我自三山五嶽來手摩層雲足凌波天半仙人金叵羅空中玉女紫雲和羽衣翩躚自吟哦我欲陳之醉婆娑臨岐一曲奈若何

途次寄未濟陳明府宣兼答贈別之作

紅塵日以下白雲日以上塵飛常汚人遂墮此障網仙人乘雲游空中自來往招我同翱翔神氣生惝恍忽聞清虛子彈琴發孤響臨別一無言惆悵懷獨想

相知惜不早相聚苦不長星言駕馭馬送我及河梁蕭蕭朔朔風起雨雪何零零行行歷中阪遠遠攜壺漿獨酌

白純詩集

卷十三

二十四

醉且歌歌罷涕浪浪去去勿復道各在天一方

除夕宿閩鄉

三晉河山望渺然風陵渡口夕陽邊春風明月潼關去恰借中州一夜眠

白菴詩集卷十四

蒲圻張開東賓陽氏著

男兆騫編校

元旦車發閩鄉乙未稿

家居三日始祀戶滿庭兒童爭擊鼓兄弟朝朝醉花間
那肯新春別鄉土却憶去年下蒲州沿路主人為邀留
慨然辭出閩鄉道獨坐逆旅風颼颼揚鞭直指潼關去
今日何日在何處但見人家張綵勝問君何事不停佇

元旦夜度潼關次日答關吏

元日夜逢潼關吏三車都署遊人記見者驚訝且停驂
我請詰朝為發笥詩文心製五千篇典籍手摹百萬字

白菴詩集

卷十四

一

白菴詩集

卷十四

二

岳瀆高墳皇輿圖賢豪鉅冊名家志其餘仙釋送雜流
寸楮尺牘不可計茶鐺酒醜多闌茸若笠芒屨半凋敝
累代不工商販謀隻身獨探山海異願君搜檢莫辭勞
自喜太平一無事挾書之律已久除當今

聖明重文儒達官每賜華翰札權使不征青箱租東涉
蓬瀛北大漠三關許我頻馳驅若問姓氏敢藏匿五嶽
峯頭滄溟隅

述次自買豆分飼七驃

人物同飢渴駢駢不暫停逾年猶轡勒元日又郊坰御
倦芻偏澀槽寒豆亦馨東風吹送緩飽食繫郵亭

馮翊院長范太史過訪讀其燕川集感而作歌

呈荅

人世名利紛攘攘我欲論文將何往作吏既為簿書忙
談經仍懷衣食想大官薦剡非無名門下甲第後標榜
鹿洞學規等弁髦昌黎文壇成榛莽中州近有侯公子
河內又見范山長山長太史出宰官那堪下僚同鞅掌
登堂肅坐說古人揮毫一掃開塵障前代手筆已希微
八家面目始清朗此邦諸生幸有緣我讀君集三歎賞
借問主者今為誰馮翊太守能延訪
聖明天子登辟雍老師宿儒微庠黨安得盡如范公賢

斯文炳炳光天壤

同州府署喜晤楊進士子安鷺并荅兼有龍門之遊

潼關高士興幽眈海嶽遊人舊所詣每有吟聲過漢上
空留官蹟在湘南漢口王櫟門陝人嘗為余誦子安華
詩十餘首于安今長沙諸縣最久華
山別去三年夢將華山郡守招邀十日談共指龍門
奇絕處春風攜手一同驂

沙苑蒺藜行有序

余壬辰春至同州不知沙苑之有蒺藜也及過後
人多問之以為必得荅云平生不諳藥性並未服

樂故不及謀迄癸巳冬病始稍服藥今復過此訪於李公謂出南門外沙苑草澤中羊食之多肥美尾大如扇故同羊擅名又聞諸土人野生稀少民間種而鬻於市約計子一升值錢三百文以火焙熟研為末用開水泡之若茶湯然飲之能益人乃作歌

寰中蕪藜稱沙苑野田道旁百里徧同州羣羊日飽餐龐然之尾大如扇唐監苑馬恣蹂躪宋軍定國充貢獻其後此物漸希微牧人飼羊羊不肥居民種植資藥餌綠葉蔓生自歲凝七月開花九月實我來初春願已達

白苑詩集

卷十四

三

却笑平生太痴鈍不辨本草與刀圭病後相思那可得昨日煎湯是耶非黃精玉竹青山老安能拾子一同歸

黃精玉竹
家山最饒

送郡守李公長郎小松鈞簡劉某歸楚應童子

試

驄馬潼關路春風草欲青看花歸故里折柳過長亭二妙應初試雙珂好並聽雲程今日始不負此趨庭

苦泉行

有序
苦泉泉名即以名鎮在大荔縣東北四十里一帶土高而水少居民鑿井而飲其味鹹故稱苦焉余

性燥易渴不二十里即索茶至此從者飲之甘苦弗計也同行楊子安厭之終日不飲而轉訝余之不擇飲乃作苦泉行以廣之

大荔東北多斥鹵苦泉之味更苦渭洛清波何從來洽陽芳流烏可睹我自蓬海走長安到處炊煙烹龍團手提茶鐺幾萬里一日百酸清心肝行至苦泉復長吸楊翁鍼口能不乾却笑相如渴塵起不取陸羽茶經看我嘆天地本浩浩元氣雜糅渾無端玉露蘭膏盛瓦缶牛溲馬溲貯金盤佳人垂綆春欲暮儻父挈瓶日將殘大官大俸非吾分載飢載渴行路難不歷甘苦并憂樂

白苑詩集

卷十四

四

那能放懷窮五嶽

古莘書院咏雪步院長楊子安韻

客館含虛白兼之雪映階行塵從不染坐味得相諧月

浸花凝手風傾玉滿懷青園高卧處吾亦夢幽齋

名即
名園以

夏陽鎮謁太任太妣廟

晴雪逾崇岡春暉媚芳草林畦何幽芬士女亦靜好河洲淑氣蒸寢園古香煨太任實肅莊太如真窈窕日耀儀容光風響環佩香自昔集休徵至今瞻坊表閨英貯懿筐庭樹鳴佳鳥徽音千載欽願為薦蘋藻

夏陽謁伊尹廟

古昔神靈生往往多在下重華耕歷山阿衡役莘野一朝感三聘佐湯以伐夏龍虎出袖襟君民歸陶冶冲主放不疑老臣心無假周公被流言四國尚驚訝如何異姓卿帝王任取舍此中有神妙相識蓋已寡我来瞻廟庭肅然為下馬紛紛巖廊間誰是樂道者

辭五漢泉歌

君不見濟南三窟釣突泉又不見泗水四眼通淵源今來夏陽並奇特五漢之泉何瀾然水面無風若凝注中間驚濤欲作雨青苔龜魚自游泳窅然沉沏不知處自

白苑詩集

卷十四

五

古怪水多神龍出没煙霧青冥濛我欲測之不可得勒銘未奠馮夷宮

遥弔左伯桃墓

烈士傳左伯桃死羊角哀莫之梁山下伯桃見夢曰與荆將軍墓鄰每與戰困迫按同州府志載荆將軍軻墓在郃陽縣北三十里東偏又長安志云藍田同州郃陽俱有荆軻墓張茂先記荆軻字次非周日用云嘗經荆將軍墓與羊角塚隣其地在苑陵之源是苑陵與羊角哀塚隣者一荆軻而梁山與左伯桃塚隣者亦一荆軻也故關中陵墓志

有豈別有一荆軻耶之語余以荆軻三墓俱不足

深辨惟據高士傳羊角哀莫左伯桃於梁山下則

固有一伯桃墓在矣府縣志明知有伯桃墓隱而

不載而但載軻之一墓又辨其真否豈羊左反出

荆軻下耶亦謬甚矣余故特於郃陽作遥弔左伯

桃墓詩而不及軻蓋特表之而於軻又陰削之也

羊左高風古道敦荆軻俠烈豈同論將軍不刺秦王死

厲鬼偏撓楚客魂寂寂梁山孤塚在蕭蕭易水幾人存

英雄千載皆黄土仗劍空銜未報恩

與夏陽諸父老人士流連不忍別

白苑詩集

卷十四

六

勝地情難別幽人興倍饒春遊宜駐馬久戀未還鑣放水穿花屋吹煙度柳橋何當逢二月重此賦桃夭

謁太史公祠墓

文章西漢起龍門左國莊騷一氣奔百代縱橫歸大海六經浩湯見真源獨追典冊長懷古同覽山河始弔魂瞻仰墓林悲壯切昌黎去後有誰論

司馬坡行

司馬坡下如奔瀾回首坡上若飛鸞到門贈蹬幾百級兩手握衣鳴鶯喘徐入廟庭稍平息置身已在青雲端夾道柏林怪且禿但聞風吹聲淒然促拜公殿盼顏色

神騰光潰轉渥丹宮衣褻弁仍端坐似有愁冤摧肺肝
左右侍者齊拱立一持書冊一奉冠匠人不言容慘寂
徒令觀者心悲酸廟後屹然立高塚塚頭柏曲雙龍蟠
不知何年墓石裂祇今封域花磚團前有漢陽殷太守
後有韓城左郎官翟君更作世家譜長碑累書竟日看
當時結交頗豪放如何急難竟孤單乃知海內無知己
千金贖罪豈足難貨殖游俠真奇士對此得不發長嘆
公之元氣在天地豈隨形骸為凋殘自古榮名身後顯
黃河一瀉暮雲寒

韓城謁蕪武墓

白菴詩集

卷十四

七

孤臣持節出關時忍辱勾奴祇自知十九年歸君亦老
三千路隔夢俱遲即今墓木皆南向自古邊塵盡北馳
為問蕪山舊樵牧青青不斷使人悲

龍門望月

靜夜梁山月清輝出水濱金波浮玉鏡石壁走冰輪龍
氣含珠動蟾光浴峽新天風激薄處佇立兩三人

晨起風濤大作立崖書龍門銘

龍門晨風吹太急蛟螭奮鬣羣魚泣兩崖挾作砢鞞聲
手執鉅毫當波立踞壁大書百餘字僕夫捧硯寒於邑
天地震撼萬山搖飛沫爭騰衣襟濕屹然不動神不移

蒼茫百靈鬼神集從容主人揖升堂滿酌兕觥長鯨吸
楊翁即子安驚嘆發高歌龍乎神乎安可及

弔韓城諸忠烈

按韓城縣志薛氏衛氏王氏及解氏稱著姓王起
於金衛起於明薛則起於北魏而薛與衛至今稱
威不衰當明時王氏一門九節王慎妻高氏與女
小桂避賊高寨寨破慎捍賊中流矢死高氏與小
桂俱投崖死又吉氏與其孫女王黑女亦居高寨
並投崖死王欣偕妻薛氏子端心真心並居高寨
欣率真心與賊戰死薛氏投崖死端心痛其父母

白菴詩集

卷十四

八

與弟俱沒亦投火死邑令左懋第祭之文稱王氏
男女節見者九是也衛景瑗性至孝以天啟進士
巡撫大同李自成犯太原景瑗飭師戰守自出金
犒軍卒以姜瓖內變城陷衆擁至賊所不跪踞坐
大罵呼皇帝而哭賊敬禮之誘降數次不屈以頭
觸階石血淋漓賊卒不敢殺行至海會寺自經死
賊以五十金使人護其喪以還他若縉紳之追餉
死於山西之紅芝驛者則王秉乾代父俊民衛胤
昶代父拱宸衛鞏固代弟楨固衛景璋代從兄景
瑗趙光運代父濂劉廷相代父承祚高巍然代父

來鳳解光纓代父亂標解光纓代父亂越皆為親
受戮碧血千年首仰無地邑令康行憫記之慘已
夫王氏九節左令祭之而左令又出衛公之門下
忠義之侶展轉相尋余不及詳姑遙望而弔焉
龍門司馬高翦業孤塚蘓山標奇烈後來著姓解與薛
王氏一門森九節衛公中丞面如鐵景後面賊執罵賊
口不絕賊不敢殺身自決其餘代死皆英傑山川精氣
互盤結千年一灑化碧血但見寒林堆殘雪斜陽影射
光明滅

冰橋行有序

白苑詩集

卷十四

九

韓城縣志冰橋在禹門每歲大雪時合驚蟄時開在
大雪前則以三日在大雪後則以四日俗所云前
三後四也蓋龍門斷岸危峻山水峻急河流成冰
蔽天而下至此則大冰如山皆立行其厚至有二
三丈者一一直闢若有神物以驅之者然斤時固
結成橋橋面光明一片皎如積雪真奇觀也車馬
負擔經行其上與陸地同初合人不敢行俟夜有
狐跡始可度橋中有裂一二尺者愈裂則愈厚名
曰橋眼開時渙然而釋冰歸無處舟人所驗時日
不虛

君不見河冰千片從天下朔風驅逐奔萬馬瓊島玉山
空中排橫鎖龍門不得瀉天地閉關蛟螭囚狐狸夜行
徒驚訝穆王尚藉龜鼉梁牛女亦煩烏鵲駕如何天工
自旋成離婁公輪全不假但願莫教驚蟄開六鰲背撒
電雷千年徘徊作瑤臺一笑乘槎何為哉

遙弔孟姜女石

在韓城縣大奔邨長城旁縣志稱姜女尋夫哭而
城傾世傳有石上手跡姜女楚地澧人

幼時曾聞孟姜女邊城行歷多風雨秦王築城天盡頭
萬里茫茫知何處當時白骨已成堆閨中紅顏安在哉

白苑詩集

卷十四

十

澧水去此亦寥濶那得負骸同歸來却嘆祖龍萬世業
弱女一哭竟傾裂咸陽轉眼皆成塵石上之跡應不滅

遙答韓城呂明府夢寅北虜兼屬龍門銘刻

每有鮑幽癖翻勞賢主為行厨攜酒饌挾筆走龍螭司
馬空千古是日并弔木停驂但一時使君倘相憶斤石
在河湄龍門銘已

在河湄

洛酒歌答卻陽丞王君

我昔鹵莽走天涯品題山水殊不差偶評百味摘第一
潞安之酒武夷茶是時爭者頗拘掇
御製茶詩更何說皇上有詩稱獨有酒徒日紛紛隨地

隨人為區別官場南酒數紹興北人汾酒醉烘騰剛柔
豈必合中正入口誰辨淄與澠紅毛松脂太峻厲百花
百益皆濃膩桑落雖甜玉露清那及潞安五德倫謂余嘗
酒有五德曰清曰香曰甘曰和曰醇曰芳如瓊華美如珍甘若醴泉和如春
初嘗情同膠漆洽長啜臭比芝蘭親歌兒金樽對華月
美人玉醖捧瑤闕公子上馬傾婆娑忍令仙膏空銷歇
即今手把杖頭瓶縱飲高歌滿長亭香釀濁醪亦混濫
胸中鑒別自惺惺可歎此酒行處少感君持贈勝百寶
安得輕車送君鄉酌酹千年竟忘老

重渡金水溝因以錢給牛人有序

白苑詩集 卷十四 十一

金水洽水之別名也邵陽縣志稱洽水漢永平間
忽絕蓋洽去水而為邠猶洛水竭之去水而為雒
也此水絕而復流土人重之故名金水其溝深千
尺兩岸陂陀人馬憚行官吏令以牛數頭負曳而
奔倍極勞頓余前過此欲薄償牛人而其人已去
至是命從者分給焉
兩岸陂陀嶺重行渡此溝可憐金水束翻令玉驄愁春
去澄還沸年來斷復流古今飲聖澤吾亦愛耕牛
車中望乳羅山
乳羅山在縣南三十里形若乳蛇舊有西施洞故

又名苧羅山而誤稱乳羅也山實娟秀余歸途望
而作此
乳羅山似苧羅山可有西施舊玉顏最是停車天欲暮
白雲飛去復飛還

讀黃湄詩有序

黃湄王又旦邵陽百良人能詩而五言古尤清與
當時與阮亭交並有二王之號其詩即阮亭所選
頃過百良其令孫人鏡以先刻見贈余喜而誦之
近說騷壇有二王黃湄古韻自鏗鏘為因野館高吟去
昨夜春風度百良

白苑詩集 卷十四 十二

同州郡伯李松邨先生行誼記畧此不必寄松
村存之以待公論并誌以詩有序
松村先生吾楚黃岡人茲守陝之同州郡世所稱
清廉太守也壬辰仲春予過閩鄉友人石半峯地
連唇齒嘗師事之癸巳山東遇秦西吳髯翁信辰為
陵令吳中毛海客在藩幕俱佩服稱頌不絕口都
門諸友尤嘖嘖述辛卯關內歲荒奸民劫掠為患
上遣官兵以勦先生執其首難者十餘人寘之
法其誤從者槩從開釋上準其議全活無算生平
知人察物別具鑑裁折獄盡情一歸平允獨其素

履真淳人或盡知先生少家貧讀書聰穎而沉
篤有閭師某愛之令就學而不計其束脩其後成
進士登仕籍而師已下世先生傷其未報既厚卹
其家又出清俸置祭田世世以祀又自置祭田若
干族人多貧乏草率不能具衣冠先生每人為製
寒暑帽衣二領俾彬彬以祀而燕宗室焉其外祖
無嗣亦置祭田使不失其墓母太夫人年八十有
八甚康莊先生嬉戲若孺子頃大吏擬題調揚州
說者為美官先生亟辭之曰母老不可行若必欲
往即以終養請去矣乃止生子鈞簡最遲甚愛之

白菴詩集

卷十四

三

然不為侈靡諄諄惟詩書是訓余兩造其畧凡所
贈言往往多迷登臨懷古之意不及此恐久而忘
也故著其畧云

關中太守自清門吏治獨能見本根祭服四時供族禮
墓田千載報師恩高年色笑承慈母舊日琴書付後昆
到處仁風歌未了何時記並古人論

將由長安至商州龍駒磧買舟東歸以從弟岐
六嘗客涇陽方姻家署便取家信而方涇陽
乃報弟岐六姪哲兆癸巳前後并致痛哭如
在夢中越日口占一律記之

秦楚通疆客夢催涇陽書札望飛來愁傳海內驚余老
忍使天涯為汝哀花下惠連空一座竹林小阮况多才
北六長子哲
此少列邑序青園莫問今消息漢水東流更不回

青硯有序

余攜小硯行數萬里朝夕供案頭之用質雖粗而
相伴已久於其將歸也偶傾於同州郡齋損去膚
面一角乃作青硯詩以傷之

揮毫經萬里載索幾曾過麤厲攻吾短磨礱藉汝多嶽
雲含石髓海水滌塵波將欲攜歸去臨池奈若何
有形終自敝吾病却還生身盡皆無用舌存尚可耕不

白菴詩集

卷十四

十四

難新玩得忍棄舊時盟落拓文章老依依未了情

閱李小松四書文雄技似劉黃岡驚喜作歌且
以志勉

黃岡自昔多名公制菟克猷獨稱雄經緯史貫心胸
卓識闕論開鴻濛鑄字琢詞造化功蒼巖古竹含精融
聳如山削堅如銅金鐘一鳴大庭空屈指龍首幾人同
中子价人避其鋒後來手筆况庸庸如何英齡李小松
嶄然頭角驚我容思沉力博摩蒼穹慷慨欲追前踪
佳哉最哉更磨礱作者知者頗難通太守辛苦捷南宮
闡揚經義標正宗不艱為深巧為工髦年課士先民崇

興學育材振流風此種貽謀安可窮即今懷抱美兒童
眉端玉刻心玲瓏願君篤培日葱葱老眼猶能辨虎龍
二月初七日接蒲州院長王輞川錚見貽百韻
情思纏綿遙有此答

蒲州春望草萋萋沙苑垂楊鶯未啼似是江南聲百轉
東風吹送度河西

答郡伯李松村兼以留別

華山龍門兩奇絕太守兼擅何雄傑吁嗟洋洋千里邦
任我縱馳同奔瀧收盡三山并五嶽水怪山精還相索
前年太華折芙蓉今年禹門攫神龍摩崖風作秦漢雨

白純詩集

卷十四

十五

太守真成名勝主別去長安即東歸萬古蒼茫知為誰

與楊子安同遊十餘日復集同州郡齋老年聚

晤為不多得時將訪古長安泛漢東歸承贈

疊韻即步韻賦答

昔入潼關編舊譜今同韓國仰高文龍門有女兼傳子
馬帳何人得似君余壬辰遊華山訪楊氏家譜於志籍
將相文及詳約有千餘年之自漢初楊碩至唐楊
多遺軼反不及詳約有千餘年之自漢初楊碩至唐楊
其甥平通侯揚家兩家皆一脈相聯並擅千載之
為伯起先生後裔又嘗掌教諸書院故即事以美之
別日煙花秦苑綠春風蘭芷楚江芬扁舟莫信東流水
回首終南是白雲

蒲城謁唐五陵

李唐五陵蒲城北縱橫百里皆封域金粟東連金幟西
堯山豐山表中極五龍蜿蜒洛水中左河右渭鎖長
紅羣峯百川交拱護千年王氣何鬱蔥重岡複嶺堆黃
屋祠官千員衛萬族離宮金鐘寂復鳴別殿香雲斷還
續耐寢陪園分隆儀燕國許園銘豐碑鴻文大書高幾
丈蟠以虬螭載以龜三百餘年有代謝蕭蕭惠陵見原
野其他四陵依山肩忍將孤塚眠石馬赫然林闕數橋
陵獅馬麟鳳雄奔騰將相班聯宮女伏老翁掖我臨高
憑獨見景陵蔭古柏歷代朝祭餘碑石光陵儀制頗相

白純詩集

卷十四

十六

同東望秦陵日已夕逾時驅馬弔明皇山勢龍蟠與鳳

翔徒步捫蘿倚巖壁令我惆悵心悲傷五陵零落經風

雨后妃太子并公主皇威擁庇三十人玉骨幽宮在何

處白水歸來指遺文袖中出札語馮君時在白水旅舍
唐陵一札萬古凋殘一轉眼豈獨雲麾李將軍
蒲城西二十五
里李邕書碑

望不羣山中口占一絕

白堂山谷口傳良將名金粟山堆頭問故關最愛孤峯
知我意青青中有不羣山
春早苦塵飛不止蒲城口占即以弔唐兩公主

詩寄金仙與玉真澄潭煙水隔芳春可將寶殿三清露

一洒征車萬里塵兩公主今奉為水神禱雨神應

唐雲麾將軍墓碑歌

左輔郡齋萬子宅壁懸雲麾將軍之墓碣此文何人所
作李邕書上截劃明下漫滅病眼惆恍一遙盼但見骨
節稜稜張英烈將軍陪蔣橋陵旁前日窺探徒跋涉當
時幕榻徧海內土人厭煩輕決裂有明謫官劉御史搜
之荒榛束以鍊五陵燕許諸名公豐碑大文陳哀冊豈
知大者俱亡小者存主者銷磨陪者列却羨碑亡傳其
其文又或文與石俱缺始歎文字難兩工誰能揮毫千
白菡詩集 卷十四 十七

古稱三絕七百年來風雨中殘山剩水精不竭感茲持
贈一披陳落日虛牕獨悲咽

蒲城桑落酒行

桑落坊中多美酒庾信杜甫詩在口借問城西桑落村
而今酒家竟何有我將驅馬沽一醉繫馬狂歌詩百首
三月東風採桑望斷長安花落後

漆水

雍四漆沮各分辨白水城南漆水見左輔漆水經耀州
右輔漆水扶風縣秦川百條渭為宗上下滔滔歸其中
却傳白水即漆水黑白之色今誰同

白水竹轎行

彭衙狹道只盈尺顛倒曲蚓懸崖壁軒者登天輕者淵
人馬聞之驚股慄白水廣文小肩輿縣吏轉借良不惜
菓竹為房紗為牕輕如蛺蝶穩如石曩昔薄裝授高軒
大官坐我虎皮席譬則廣牀卧孤單又若虛艇當潮汐
到此輪蹄不得展那能擔輦還掉臂可憐杜老泣途窮
徒步挈家成飄蓬村菓巖泉解飢渴醉歌但有崔舅翁
似此安坐復載酒拳惟看山杏初紅太平關塞無兵革
蕭條原野皆春風治亂悲憐亦有數古今遭逢殊不同
我行乾坤多樂地或駕高車或杖筇歸去計剪南山竹
白菡詩集 卷十四 十八

無憂廣文飯不足

李家村三歲賣餅兒

婉婉繡襖兒道旁立不語脚著紅襦襪手提青楊篋
中何所有蒸餅或三五我為擲數錢愛之傷肺腑兒不
解此意未受竊計與將手援篋中我輿輒已走前途復
回顧總角尚延佇但知李家村不識誰家孺我痛不能
餐汝飢應就乳人生誰無情匪我獨憐汝

彭衙道中元帝廟榆桐合歡歌

彭衙古院中霏霏多芳草亭亭榆錢樹曲曲榮桐繞周
旋形倍親綢繆思未了豈是同根生自愛交枝好昔聞

連理樹上有雙栖鳥和氣動蒸蒸春風吹嫋嫋素心抱
清芬紅顏矜窮窵邂逅感別離願言終偕老

渡南洛崖

洛南十里崖洛北十里崖車馬不可行徒步皆傾摧上
看石如虎下聽溪如雷吾不愛古人易為予來哉

謁倉頡墓十二韻 墓在白水縣東北利鄉亭

渾漠呈園曲苞莖出杳冥元精飛粟雨駿彩動奎星鳥
跡紛羣象龍雲首六經與宣驚鬼泣幽贊入神聽道闡
圖書秘功參造化形廟藏黃帝冊山集史官靈陽武欽
閻里高文肅典用煩非昔制傳久有餘馨到處搜金

白苑詩集

卷十四

十九

簡行踪紀石銘皇墳堆六尺古柏擁千齡邈矣義農赫
蒼蒼然天地青從今尋大篆空憶利鄉亭

弔老彭遺墟

彭衙因故里曲阜久同盟著述全無籍邛墟獨有名山
尋春草塞野祭暮雲橫欲弔知何處千秋抱此情

蔡倫遺址

古人書籍編板策後來稱紙皆繅帛奇裁製造龍亭侯
布網樹膚與麻頭搗成物價兩輕便百家率用俱可徧
近世構皮即其遺人生濫費知為誰我挾詩函與書笥
每日揮洒百千字三車滿載聲嗶嗶海水嶽雲隨馳奔

倘非妙手安致此今將因之弔白水

謁雷公祥墓有序

白水縣志雷公祥墓在縣東十五里今其名雷
祥村相傳為雷公村人祥善醫兼作陶器所造皆
精工絕人世所稱雷公器者是也鄉民間挖得遺
器形制古質色綠沉或微作花墳起以手摩挲復
勻潔無凸窪迹今蓋無有存者元鄉貢潘翹修廟
碑記言祥沒為彭衙土神嘗顯靈異人每見其曳
杖行阡陌間素冠蒼衣須眉如雪今廟像宛肖云
今人皆尚文古人器尚質者經千年文者不終日古

白苑詩集

卷十四

二十

器日以亡古人亦已卒豈惟古人不得見好古之人亦
不出間有古器驚見希當時轉盼仍遺軼嗚呼我從千
百年來一觀雷公顏高風古道不可攀落日荒村一孤
塚安得呼之欲出使我親見素冠蒼衣植杖到人間

荅蒲城馮明府半芋方勤

濟南盤樂處余癸巳甲午俱在山東馮歷城人因述及避近轉西秦楊柳關
中月蓬萊海上春浮雲隨地主古跡戀遊人借問溫泉
近何時一浣塵

班超墓

班氏一門俱秉筆惟君魁偉故能投封侯有妹兼青史

乞骨還鄉已白頭萬里諸番無戰伐千年孤塚自林邱
鬢齡慨慕今何在空見滔滔渭水流

飲渭南店感王維渭城送客之詩即用原韻
猶是城頭雨洗塵旗亭楊柳一時新銜杯自唱陽關曲
無復當年餞別人

新豐

天子為尊親上皇亦念故當時屠販流忽見雞犬聚人
生須富貴母患不相遇

鴻門坂

鴻門一大會諸臣各為主燕笑蔽甲兵天地為震怒項

白苑詩集

卷十四

二十一

王雖不忍沛公得無懼智哉范增謀壯哉樊噲舉天子
不終危將相皆碩輔史公動風雲觀者辨龍虎我來瞻
舊碣駐馬復雄顧

周幽王陵

戲亭即幽王戲亦在此幽陵亦在此須臾各悲懼千載
成生死自古女為戎夜臺復何以咄咄蛾眉姿不作泉
下鬼

坑儒谷 在臨潼縣西南五里

秦有坑儒谷漢稱慈儒鄉唐立旌儒廟美惡自相彰豈
知焚書之後仍有膏坑儒之後復有儒嗟哉秦皇亦何

愚

狼石

狼石形如龜秦皇安可為傳聞此石高丈餘有人銘之
皇甫湜祖龍百神護靈威天下金石走鞭箠前年泛槎
東海湄海梁石柱今猶遺如何此石遠採荒山陞近陵
二里終不移寧可碎身灑橋千人作津渡不為驪山天
子守龍螭嗟哉狼石頑且痴嗟哉狼石亦何奇

驪山宮闕遺址二絕

秦漢名泉入李唐驪山宮闕半斜陽只今古柏青青色
時送清風到路旁

白苑詩集

卷十四

二十二

行人莫問舊樓臺宮閣依然四面開但看年年流水出
餘華都去作塵埃

烽火樓

烽火驪山照野紅狼煙天半轉成空可憐赫赫宗周地
銷盡高樓一笑中

長生殿

人生苦不樂樂極轉憂懼長生本齋殿凡有事朝元開
美人張樂處貴妃生此秋山夜寂寥仰天觀牛女惜
哉好因緣不得久停駐

晤富平崔明府 有序

明府山西蒲州永濟人為湖北中丞蒲坂公之姪嘗贊蘓州錢殿元家遂居焉年十餘歲舉進士出宰陝西之富平戊午東嘗以文見知中丞壬辰訪古蒲州有弔中丞故宅詩初以明府為江南人詢之乃識既承枉顧追索舊遊中丞故無嗣於此尤惓惓云

家指河東近秀綠江左鍾傍庭堪玉樹傳鏡有芙蓉詩入三秦紀琴聞百里封揮塵述往事坐論最從容

孟夏訪古長安呈大中丞畢弁山先生五律三首選二

白純詩集

卷十四

二十三

南國遠游子西京見殿元龍章開幕府驢背下行軒昔去華蓮淨王夜遊華山為晉藩朱公促春來灞柳暄重聞叨下問感此獻芻言及碑刻西通志

遠道非干謁中丞有賜書及碑刻西通志南山張几席

渭水入襟裾望嶺占鳴鳳臨溪欲釣魚 明廷徵著作未得比相如

望終南山

朝出長安門遠望終南山終南不驟見白雲何飛翻倏然數峯青令我開心顏中有羣仙居采藥共躋攀病餘生幽慕勞極念行艱夕景澹明滅停輿空自還

曲江

我行曲江頭不見曲江水流若雲散佳麗同草委日暮楊柳亂風吹白花起

金勝寺玉觀音

佛像大如人盤坐兩赤脚膝頭小嬰兒笑弄容自若玉骨本天成何為苦雕琢

登終南山歌

終南橫亘幾萬里蔥嶺為頭滄海尾東挺華嶽截黃河中條太行凌空起萬古千秋鎖中原茫茫何人辨終始關中千里帝王都玉女金童列屏几太乙盤天走龍蛇

白純詩集

卷十四

二十四

五臺香吐青蓮花我來登臨草木茂落日風飄生紫霞羣仙出沒何縹緲孤峯佇立徒咨嗟秦皇漢武真好道何為遠求東海涯昔年曾作蓬萊客今指三山是吾家回首崑崙却西笑但尋河源一澗槎

西京壯遊篇呈大中丞畢弁山先生

昔從東海西入關大華直躋終南山武功太白纏鶉首涇渭河洛相滌環自古爭稱帝王宅百二重城崇天關三皇女媧驪泉上周秦漢唐豐鄜間縱橫九州森領脊熊熊百物光斑斕出入將相開天地雲霄宮闕非人間幾世幾代成今古萬載千秋凋風雨鼎彝剝神鬼泣

金石鯨號天帝訴後來文字半荒蕪稗官野史失其故
簿書吏役老風塵令我茫茫知何處五鳳樓頭第一人
春風天上玉麒麟胸羅星辰渾元精手捧日月迴重輪
帝座圖書擁東壁天壇介圭臨西秦蒼龍背甲桃花浪
洒作關中萬井春伐鼓歛幽樂土猷金夏玉鳴洪鈞
混涵宥密杳無極陶鑄羣象新顏色乾坤補綴造化權
仙鶴精神願顛力望遠每懷北海情登高頻把東山憶
中軍戰士五百人都護驄馬三千匹不畏韓公阻華山
但念周郊傷稼穡見我赤脚踏神鰲高歌雲漢揚波濤
皇墳寶錄齊注目嶽巔海湄並揮毫慨然欲傳人間世

白苑詩集

卷十四

二十五

飄飄凌虛生羽毛西京典冊故物在徑許孤踪窮遊遨
天子修文備諮訪公為使臣我芻蕘

畢原

武功起原頭高陵盡原尾其北為涇河其南為渭水陵
墓幾千年橫載三百里

觀涇渠二首呈涇陽令方柏亭 承保

秦漢渠開萬里流涇河灑落仲山頭乾坤左右分清濁
今古高低節去流涇河在西最濁渠在東取諸泉之水注之最清古人以涇水為渠後涇河水
日下而渠益高水不能相引故舍涇而取龍洞煙雲長
泉以成渠兩不相混然中間亦有交涉
駐馬歷來大吏皆親視水衡碑碣半浮鷗多碑使君慷慨陳時

策不惜崎嶇盡日遊

年少籌時說鄭渠白公去後幾人如呂梁伊闕功何讓
謂燒石金馬碧雞事已虛谷轉清風鳴玉佩變珠洞波
搖明月梁間有浣塵裾太平不獨登臨興歸老青山欲
著書時作歷

仲山懷古

漢祖稱帝擁山河笑謂仲產今孰多弟兄尚作驕人態
威加海內况其他賢哉兄仲子不為秦伯荆蠻採藥行
亦不效夷齊首陽薇蕨歌但居此山阿朝飲清泉厭涇
水暮看白雲飛嗟我山東編四百年來一瞬息長陵蔓草

白苑詩集

卷十四

二十六

已摩莎仲山之名竟不磨

謁郭令公單騎見虜祠

虜勢如羣虎單騎見何雄甲兵藏胸臆德量即軍容天
命神將策鬼神難吉凶我來入東郭再拜飲英風驃驍
擁百萬不如一令公

唐德宗崇陵

嗟我東下道數里即堯門唐室崇陵在空山石獸存誰
貪開墾利罔識帝王尊陂外多田畝猶畱守戶恩

李陵母墓

家國恩讐地兒親中外身何頃生孝子豈不願忠臣俠

骨歸何處游魂認不真年年霜露節誰為一沾巾

弔程邈歌

祖龍未嘗竟焚書諸儒激烈成邱墟不見鄒魯書門字
嶧山之碑意何如如始皇東巡至鄒魯嘆為文學之邦因
上李斯策後為野火焚明人復刻即此幽繁雲陽十年吏出為御史掌
書記後來程邈與李斯篆書猶傳秦皇世

古涇橋行有序

漢武帝祀甘泉至涇橋有女子浴於涇水乳長七
尺上怪遣問之女曰帝後第七車知臣時侍中兒
寬在第七車對曰此天狗星也王祭祀齋戒不潔

白苑詩集

卷十四

二十七

則女人星見

上天元精為星辰地下寶籙司儒臣兩間光芒相照耀
其餘碌碌皆庸人君不見漢武甘泉祀神竇涇橋驚見
女子浴天子用人在讀書會逢知者第七車

題涇陽館驛即遙別主人

五日涇陽道兼旬客館淹酒尊行處滿詩卷坐時添雨
過雲歸袖風吹月上簾主人清洒意去住兩無嫌時方
君赴

陝西學使秘傳研先生曾同友人柯禹峯典試

山西見白苑存稿心識之久矣今春每問同

州郡伯李松邨族弟耀州牧虞溪期一晤及

三月入西安已臨三原試院五月廿六至三

原投刺胡明府則正為嵇公優觴餞行遂招

同讌集以永朝夕之懽即席賦贈

驚從海嶽促歌臺又得沉酣佐客杯兩代文衡兼作述

會試大總裁今幾時遺墨一低徊存稿有首風雲過眼

真如夢天地關心去復來壬辰春入關遊此夜若聞中

散曲莫教譙鼓便相催

六月初一日謁唐諫陵清晨道中看雨色

朝雨何霏微煙村如潑墨蕭涼孤客心黯澹諸陵色盛

白苑詩集

卷十四

二十七

暑氣全消長途塵盡息昨宵一握香新把露花抹王氏
齊從

者折木權一
朵置輿中

又憇瓦窰頭題壁

肩輿避雨到窰頭恰得清涼半日留塵路衣沾青草濕

暑天人倚碧雲秋裁詩披露誰相和把酒當風可自酬

為語畫工寫新壁輞川煙裏一扁舟

長孫無忌宅

長孫里巷長孫宅樓底鎮名粧樓指舊居一帶荒溪楊柳

綠不知何處美人渠文德后歸寧因建有粧
樓美人渠等名今無考

新修李衛公祠歌贈三原胡明府拙亭

昔訪垣曲韓擒虎藥師兵法出母舅馬邑又上觀星臺
丞署劍氣霜銜開靈石英雄奇遇處華陰豐碑走風雨
三原故宅已邛墟寂寞涇河老龍魚中丞慨然新祠廟
胡君五色為光耀數載游歷多逢公到處題詩欽英風
古來勲猷在天地盛事千年應書記

贈胡明府拙亭

榆林老邊吏花縣近周京明府久尹榆林原亘東西壤
邑有中原東渠分南北城今夏始調三原四陵唐氏碣
原西原故名府新樹各立碑表宗武宗四陵俱在三原明
數畝公楹府新樹各立碑表宗武宗四陵俱在三原明
三原人現過此聞新政同懷望古情
修廟城西

白菴詩集

卷十四

二十九

醉歌行答學使恭公傳視

濟南學使招我宴清泉高歌明月院於已李太史文園
太原學使贈我縑秋風玉露酒名夜厭厭劍亭每招飲
至才也臨別嵇公關中遺我酒玉缸雙攜詩百首笑殺
馬周客新豐杜陵索飲同枯蓬長安市上眠太白當時
酒家殊蕭瑟乃知逆旅全無人文章潦倒混風塵琵琶
歌姬徒乞食忍使英雄凋顏色我行天地一何求浩浩
白雲空中遊偶逢知者發長嘯飲酒稱詩亦有道爛醉
欲擎天上杯願公收盡天下才即今把酒新相識他時
酒醒長相憶

嵇學使內弟吳月樵春闈後入關過我旅舍閱

詩文臨行作長歌見贈時將南旋余亦秋間
歸楚匆匆書其里居以圖後會遂升車倚聲
而和之

華山浙水望迢迢忽聽清歌有月樵自是皇州花落後
那堪杜曲烏聲嬌乾坤立馬千年別楚越分途萬里遙
記得扁舟相訪處錢塘南畔買魚橋

賈島墓徧尋不獲

小賈村前大賈村斜陽岐路已黃昏行人不解獨惆悵
吟對空山一斷魂

白菴詩集

卷十四

三十

薄臺相傳為薄太后臺在溫泉南遺址尚存

東馬上高岡懸輿倒夕陽溫泉纔一浣古殿有餘香霞
綺含虛幌風清落下方徘徊瞻舊德環佩隱琳琅

富平縣北有溫泉河流於城之北門復迤而東

東鄉溪水時發別為石筍匯於城下土人分
水灌溉田園地多植麻枝葉繁穠方獲而漚
亦於斯焉浣女臨流夾澗而處靡有朝夕歌
以紀之

溫溫者泉流於城北溢畝灌園以滋蕃殖
自北而東有麻芄芄載刈載漬其白如蔥

城門之渚可以漚苧誰澣其衣亦有斯女
泉水恣恣檜楫松舟既澣我服以遨以遊

觀富平署中水亭

虛亭無處着六月似清秋蓮擁環溪水人登不繫舟而
雲多躍鯉天地一浮鷗吾意殊相彷彿然任去留

贈耀州牧族弟虞溪四郎士昱新孝廉歌

前年邯鄲道二郎中副車今年耀州城四郎登賢書當
時趨庭尚童子十九策名揚

帝居天下駿才走京國老馬踣跌徒歛歔如何兄弟連
年掇燕山桂蕊盈襟裾文章多隱南山豹變化都作北

白菴詩集

卷十四

三十一

溟魚而翁鬢齡羅萬卷落筆千言無人如屈指青雲立
鰲背翻身錦浪跳龍珠豈意江亭秋月晚轉嘆上苑春
官虛昔何其難今何易毋乃造物分階除始知元氣有
蓄洩身不足者報有餘但願諸郎齊努力驥子並轡凌
天衢我與老翁日飲酒萬石勳名寧區區

答南子伯顛心恭見贈之作因感乃翁謝世

蘭溪年少入關中贈我詩篇有父風今日低徊追舊譜
龍標名與故人同乃翁名昌齡為詩雅潤與余同學係湖南人

寓文正書院題壁

避暑山城境亦奇林亭幽折轉相宜池邊繫馬魚驚躍

竹裏行人鳥靜窺隔苑花牽朱綉絡踈檐藤補綠玻瓈
消閒一枕羲皇夢時有涼風習習吹

耀州城南與陳雲邨南伯顛餞虞溪弟奉委監

餉時余亦將歸楚

君將送我歸商洛我忽餞君出耀州自是漆沮交會處

二水即夾繞席間

那能兄弟得同遊栖栖六月行何急渺渺千
年事未休西鳳二郡覽古佇望城頭重醉日秋風漢水一扁舟

耀州館舍寄懷學使嵇公傳覲同州府試院兼

呈郡伯李松村

三原別餞望飛旌孤客無煩款送迎笑指侍中歸左輔

白菴詩集

卷十四

三十二

愁留平子賦西京泮雍化雨連年澤去年與關中江漢秋風

萬古情時將南旋此日追陪李太守冰心常對玉壺清

慈雲四章恭祝大中丞畢公 太母張夫人

藹藹慈雲覆於西土公自邛陵以陰以雨衆口如膏以
興禾黍以潤郊原以穀士女萬物生華百禮具舉公曰
匪我惟我慈母

有慈之雲自西自東自南自北降雨攸同盈於溝洫滙

於頰宮壁靡舊沼波光溶溶公沃厥田迺淑其風覃敷
文命母教之功

慈雲有滄依於龍首既壽且榮謙而不有公曰

聖母維

皇太后頌以南山酌以北斗王母冰桃瑶池玉藕普天所慶

天子萬壽

慈雲在天其澤在下至德潛流萬類胥化既獲夏麥迺滋秋稼有風既清蕩彼邊城湛湛天河洗我甲兵太和之宇海外允平

答驛鹽監司同鄉翁公誠軒耀

全陝東西兼使節大湖南北此鄉情秦關馬壯何辭險湘水鹽多不改清此缺最清苦邊吏鮮知遊子意中丞曾識

白純詩集

卷十四

三十三

野人名勞君薪米時供給攬轡高吟百二城

涇陽聞徐媛四妹自滇中歸驚喜有作

萬里傷心路十年血涕衣如何嬌鏡影忍逐野蓬飛湖北音書絕滇南驛使稀乘槎吾未返翻羨木蘭歸

涇陽館舍題楊子安為其婿熊仁趾詩畫冊頁

湘水結蕙蘿蘭芷何紛郁攜歸俱在手春華良可掬兩美及合懽孤懷感幽獨昔日同車侶分途各驅逐子持

尺素箋驚我倦遊目輞川詩與畫蒼茫來彷彿願子等白圭芳辰時三復昨夜秋風清夢吹蕞湖淥因之念故人別緒誰能續

白純詩集卷十五

蒲圻張開東賓陽氏著

男兆騫編校

靈巖讀書圖歌奉大中丞畢公命作乙未稿

靈巖羣障生風雨鬱鬱吳宮芳草樹二千餘年迄

大清弁山畢公讀書處昔游姑蘓多少年朝歌暮絃自

來去豈知中有潛修人天下已任范公具我聞美人之

英百寶精琴臺金石作書聲公發元音當殿陳

天子寵拔第一人又聞吳工鑄劍雙躍龍入土千載化

長虹五色寒芒射書幙魑魅見者避其鋒公叅軍謀佐

內府手搖白羽清邊風文經武曲懸肘腋考古徵今羅

白純詩集

卷十五

一

心胸 國恩重大何以報焦勞那復惜臣躬即今遠思

追周名猶恨巖中書未了停車野人廣諮詢開閣鴻儒

恣幽討治平根柢在六經雜霸小康安足道古來殿元

兼宰輔文穆以後亦希少我有青山雲峒居連年奔走

徒空虛歸去欲鋤三徑草逢人爭誇五車書感公知遇

披公圖請問靈巖今何如

夜渡豐河

日落黃昏三里橋畢原渭水冷蕭蕭咸陽燈火遥相照空有秋風到柳條

謁漢高祖長陵

赫赫周京地莽莽漢天子秦人失鹿奔楚項矜虎視山
澤龍蛇蟠窮陰雷電起赤神既收歸羣雄盡披靡提戈
二十年傳符四百祀大風一高歌長陵橫帝里萬戶守
貌繇四臣奉冠履即今久蕭條餘烈猶雄偉我來瞻漢
原拜稽從茲始聲光望蒼蒼修虹亘渭水

過呂后陵

貧賤易為婦富貴難為后平叔昔相攸豈曰非嘉耦如
何一朝榮忍令平生負威福擅自尊宗社將無後長陵
雖云附弔者竟何有翟筭耀山河蘋繁空錡釜不如望
雲時蕭蕭似白首

白苑詩集

卷十五

二

謁漢惠帝安陵

惠帝篤天性藹然動宮廷干戈甫平息老成多典型父
皇功既赫母后德未馨譬彼旭日光陰雲覆杳冥又若
先蘭支秋風乍飄零嗣者孩無赤没者壟已青倡優五
千戶朝夕自娉娉流音亦銷歇太息女啁陵關中記從
樂人五千少以為陵邑善
為啁戲故俗稱女啁陵也

謁漢元帝渭陵

元帝精音律亦復善書史鴻儒列輔臣詔令何休美昔
時作初陵諭民毋遷徙洞蕭幽籟空琵琶邊聲起後宮
兩僂仔未知竟誰是中有當熊人可以同生死惜哉久

蕭條秋風吹渭水

謁漢成帝延陵

成帝本靜莊儀度常修飭穆穆天子容臨朝想淵默生
為人所欽沒為人所惑一朝有飛燕六宮無顏色賢哉
班僂仔獨居永無慝

訪得班僂仔墓作古風二首弔之

昔聞僂仔墓乃在延陵北陵北駢四塚蒼茫杳莫識停
車坐幽林涼風吹翠柏使問老翁來所見皆差忒西北
平頭墳佳城始可得椒漿醉廢叩草祝焚荒域是時落
日輝愴恍見顏色君恩如秋風團扇久捐絕妾心如明

白苑詩集

卷十五

三

月輪沉光不缺同車古所戒偕老夙所悅豈不懷衷忱

恐以恩成慝不如泉臺下猶伴君王側

吾楚兩女子肅肅入漢宮班姬雲夢後明妃巴峽東所

遭皆不幸零落亦俱同青塚寒沙漠憑弔本希踪前年

走兔毛落日泣飛蓬百道出塞書千秋表遺封及此陳

芳薦將以告明公世俗愛佳人但慕生者容一死即相

棄萬緣總成空豈知玉骨在不混塵泥中英靈時升降

庶幾低怨恫臨風一恸悵此意抱無窮

原上松楸盡山中虎豹稀半輪秋月影兼逐客星輝露

織月行陵墓中

冷金蠶寂煙殘粉蝶飛誰憐稽古意野宿未曾歸

荅咸陽孫明府秋汀即留別

周京冠蓋地覽古獨遊人文武聲靈赫姬姜俎豆新文時
武陵廟周公太公墓猶多荒蔓棘敢自厭風塵君若能
相照西天月一輪

謁漢武帝茂陵

既能表六經又好工騎射既欲慕神仙亦復親艷冶樂
事幾人兼芳華永不謝五柞一回首茂陵為長夜自古
稱雄材經營天地開生不令人狎没不令人哀夢中見
方石精魂何壯哉我來一憑弔高塚望崔嵬萬戶久寂
白燕詩集 卷十五 四

冥孤柏亦凋摧西看英陵近游雲時往來英陵李夫人墓也

弔秦五女墓

晚入城東門五墓臨官路旁有新碑云是秦女墓重
來載酒漿下車復延顧昔時秦惠王冀將圖蜀主以色
事他邦乃遭明神怒生當歸故鄉死當埋故土昨夜終
南雲飛作平陵雨墓草自青青朱顏良非故風吹野菊
香斜陽明秋露

弔楊貴妃墓

既登金粟山還過馬嵬坡生懽惜不久死別傷已多秦
陵無松柏何由牽蕩蘿佳人自有色君王自有德貴賤

一失宜恩深反為慝古詩樂不淫關雎良可則昔與君
同車今與君殊域游魂逐秋風空中獨太息

夜過曹大姑村

終南山色已黃昏漢帝祠前欲掩門為恨月輪遲不出
無人相送大姑村

荅興平顧明府

投刺如塵障僕所為史開懷見素襟官隨琴鶴意客抱水
雲心祠墓餘秦漢文章在古今茂陵風雨夜唱歎有知
音時明府賞鑿諸詩
文無雨阻多日

積雨病中荅盤屋徐明府澹亭作梅見贈之作

白燕詩集 卷十五 五

春入秦關遠秋深楚客寒因君分挾纊為我且加餐風
雨羈人卧雲山立馬看忽聞和歌好行路未云難

九月廿九日霜降覽古入終南山

秦塞飛霜日終南山入雲巖花團碎錦村柿帶微曛地
近青牛樹櫻觀有老天高白鶴羣東山遊屐穩勿厭雨
紛紛

往玉女洞黑龍潭一帶沿途值雨

終南雲作雨一徑逐巖行要渺元池宴黑龍潭為黑水
宴仙女元空濛玉女情山隨溪漲動樹接嶺煙平晚風
吹芒竹如聞廣樂聲

玉女泉

坳堂但一勺野徑亦荒蕪圓蓋穿泉竇歌鐺煮石壚石壚有泉
石益上開圓孔水從底流時取烹玉女洞畔應知盧興足可載陸經無印此
消塵渴何須調水符

黑龍潭

自有驪龍穴非關玉女泉靈竈迷草樹羃羃護雲煙浪
激千山震淖牽百丈懸年來乞靈雨未得久藏淵

宿北寺二首

山雨日廉纖清宵古寺淹牀頭飛瀑沫屋脊插巖尖雲
卧驪龍窟風牽玉女簾佛龕燈影寂相伴共厭厭

白菴詩集

卷十五

六

北寺碑全沒東坡詩最佳此寺有詩吟依鐘磬吟夢入虎
狼猜炊麵因僧飯焚香供佛齋蒼涼懷古意隨處且安
搽

由玉女洞轉之櫻觀夜雨不得住

夜深無宿處林雨渾蒼茫乞火呼翁嫗鳴鈺嚇虎狼居
人眠太穩羈容路偏長他日一回憶艱危不可忘

登說經臺

仲尼修春秋老聃藏柱史惜哉書不傳猶得聞其禮兩
人一相遇千載分途軌周衰政教微列國兵刑起清淨
妙自然道德良有以當時人不知識者獨尹喜

暮入南山下朝登北麓臺說經臺為終南北麓臺臺上望終南鬱鬱
何崔嵬高秋遠天末宮觀若蓬萊中有淨妙人清談出
塵埃聽者方未畢言者安在哉仙風亦以邈白雲空去
來

古樓觀三首

昔時結草地寥寂望星辰青天一悠邈紫雲何紛綸仰
空占氣色下視皆塵氛求為函關尹傳茲道德文天人
相授受縹緲鸞鶴羣嘉會不可遇太息徒空聞

周穆好神仙異人藏史職真元始發精猶龍安可測晉
魏高談李唐矜崇飾爛熳天地間淵源此淨域元風

白菴詩集

卷十五

七

幾千載流光一瞬息古柏尚虬然秋聲聞寥寥
登臺披經籍入廟瞻容儀蒼蒼古鬢髮矯矯蟠龍螭中
有采藥人手把青靈芝雲端舞仙鶴玉立雙蛾眉天風
吹海波羽衣相逶迤蓬瀛久別去邈焉思無期

吾老洞謁老子墓

懸輿歷青岑曳袂經林樾上有清妙臺中有元冥窟虛
亭滴流泉曲磴引幽滑人言此丹邱於茲藏玉骨洞竅
深哈訝靈魂疑恍惚再拜求至道誰能長白髮
老子本幽元莊子含虛白末俗分宗支遂為仙與釋豈
知七尺軀終歸九原宅世有羽化人古無不死國游氣

若浮雲飄風如過客低徊亦何為流光倚山夕

自吾老洞歸夜呼與人行水中感賦

沿路呼夫役山村人盡眠傷心離煖席脫足度寒泉燭影浮波動泉聲作雨懸城頭應共醉沽酒有囊錢

盤屋雜咏

漢武馳驅夜不禁東方司馬諫書沉山農莫遣呵龍馭轉眼田園入上林

漫說長陽與貧陽射熊五柞亦荒涼茂陵春草年年綠不鮮宮車宴武皇

司竹監中娘子軍渭干千畝翠如雲平陽公主今何在

白苑詩集

卷十五

八

秋雨瀟瀟不可聞

贈徐明府澹亭

徐君工翰墨作吏未曾供堂列珊瑚架衙嵌碧玉屏何年同海嶽徧地洒丹青我一來相訪江花照訟庭

武功謁姜嫄后稷二廟

天造遭洪澤草昧開稼穡萬靈托一人高襟奉帝飭赫赫古姜嫄皇皇誕后稷厥生異常道神鬼皆驚惑譽亦不能兒嫄亦不可識隘蒼茫牛羊寒冰覆鳥翼此中有天人豈可羣類測姬公千載孫追述獨元默慘澹生民詩鴻濛杳無極弗顯高辛靈乃原皇妣德嬉戲岐藪安

敬授司農職時夏方陳常烝民齊粒食載頌思文篇崇祀與天則陟彼武功城忻懷舊蔡國上有姜嫄祠下有稷王室四壁畫神靈千郊獻穎粟春女偕秋男畝幽雜鼓瑟昔之有邠民享茲以芬茲載拜肅明禋高言恣稱述顧瞻歷周原浩浩沮與漆

閱陝西通志武功縣有蘓瓌蘓頊二墓及至見

城西北新寨村有碑次日往西南并謁其墓中途雨阻吏人稱博村止有蘓瓌一墓比考康對山武功志亦止蘓瓌墓其碑即瓌墓碑因索其後裔奉祀生志仁來館即遣親詣其

白苑詩集

卷十五

九

先公瓌墓觀其形狀並訪頊墓消息

唐兩蘓公里空留一道碑豈其通志濫未必對山遺秋雨迷荒壟芳林問故枝仍煩兼訪謁一慰古懷思

又次日蘓氏奉祀生志仁報其先壟消息并率其孫雲柱來見

初意詢先哲翻緣及後人同心良不隔異代亦何因筆墨皆叩壟周旋即鬼神令孫尚儒秀應可奉明禋

與武功李明府初晤未幾往省有調簡之信作

此遙別

五嶽初行地嵩高最上峯因君詢故里令我憶登封

縣登封
人官亦同遊客人猶戀去踪浮雲無處着別此一青

雨中謁漢中郎班固墓

扶風官道上煙雨暮蒼蒼班氏多賢侶孤墳獨故鄉一
從瞻太史韓城司馬遷墓何處弔中郎蔓草溥溥露斯文終不

暮宿土窰

泥滑天將夕輿人不可行村煙重窰出野色一燈明未
有室家日幸無風雨聲渾然追太古那復問歌傾

雨中謁漢伏波將軍馬援墓

白苑詩集

卷十五

十

衝風冒雨伏波村為弔將軍一斷魂自古功高讒易入
於今世遠墓猶存殊疆勒馬標銅柱同郡封侯有玉門
更溯淵源尋舊譜英雄生死不須論

謁符秦安南將軍竇滔夫人蘇若蘭墓

將軍善屬文亦復得嘉耦忽逢路旁花遂忘故園柳新
花雖照顏故柳曾經手好音一以通衷情日以厚比翼
仍雙栖連枝莫獨朽人生無妙才恩義那得久

謁唐武部尚書楊恂墓

我觀武部尚書楊恂碑乃是元宗御製詞高逾二丈廣
七尺上蟠五龍下虬螭太子亨書亦天矯九天日月光

雲霓惜哉碑存墓莫識且就碑下一拜之記稱北莫安

平山蔓草茫茫知為誰碑墓相去二十里馮唐蕪環正

如此楊氏子孫訟於官土人耕沒頗疑似徐令立塚近

石旁朝來暮去若流水我語熊君即扶風明府即去莫辭勞

仍向山頭尋遺址不則請置山上土一坏且令楊氏年

崇先祀

謁曹大家祠

二南揚周治煦煦含春寒離騷悲楚客蕭然起秋風升
降各殊遭正變亦不同變不失中正柏舟冠卹如何
一女子卓爾稱儒宗雖離懷大雅肅肅持微躬漢紀東

白苑詩集

卷十五

十一

觀續閼闕睢同明妃不善始文姬惜未終古今多治
亂黽勉無怨恫我昔聞母氏懷抱欽芳踪故祠載稽首
邈焉思無窮

周秦坡謁竇將軍墓會其後裔庠生琳守府瑤

陪拜邀飲賦答

冠帶翩翩出舊勳墓門邀我獨慙勤中郎亦具將軍畧
穉子都吟織錦文新酒淺斟聊作客故家還數幾如君
升輿又向前村望萬里青山一白雲

遊法門寺歌

元和之間迎佛骨中指一節直毫末水銀為池泛金船

錦匣函之封秘窟上起浮圖三百丈高摩蒼穹蔽日月
又云三十年一開詔送京師喧宮闕天子再拜后嬪親
王公貴人競走謁齋還法門轉深藏士民施捨輕膚髮
昌黎一疏路八千但為一指爭存沒二十四院列參差
何處更置韓公祠如今塔空巢鷓鴣雨洒風飄何凄其
木佛銅佛坐清涼西佛橫卧諸天依階頭東西兩佳石
瑩然白玉青玻瓈我來不闢亦不佞笑榻觀音千佛碑
白石為千佛碑其黑
石透玲碑刻觀音像

扶風雜咏十二首選八

秦時堆連漢時堆班家臺轉耿家臺停車欲問無相識

白苑詩集

卷十五

十二

秋雨秋風半草萊

名村呂宅長藤蕪借問南宮今有無休嘆五陵豪氣盡

古來賢聖亦凋枯

趙女擊筑歌未闌相連愛唱亦多懼何人客識宮中事

只有扶風賈佩蘭

明眸皓齒馬嵬坡淡掃蛾眉竟若何出水荷花誇並蒂

一時紅粉墜秋波

榆莢麻鞋可濟貧寶家店口起紅塵紛紛貿易爭錢帛

無復當年鬻履人

明日山頭飲鳳泉龍湫冰鏡各瑩然美陽一片霏微雨

不遣遊人訪洞仙

曠世風流絕妙詞閨中兒女未全知舊臺楊柳鶯梭度

猶似當初織錦時

吳雙山色疊芙蓉雨後朝雲翠轉濃我欲攀躋天不夜

一輪明月上東峯

岐山縣贈平明府訥齋世增

周室發祥地雖雖鸞鳳鳴岐山猶在望舊治可能行作

宰千年勝封侯萬戶輕西方遊味徧怡悵美人情

岐山謁周公廟

周京采邑到於今廟貌千年儼肅森衮繡冠裳元聖度

白苑詩集

卷十五

十三

飄搖風雨老臣心鳳凰日遠空山寂檜柏秋寒古殿陰

偏歷諸祠人不見岐陽惆悵一登臨

平明府新更車中小幟

昔我去青山飄然懷古志問君將何之問君復奚自顧

我不能言請看車上幟無利亦無名海嶽遊人字五嶽

既周流新更已三四日月相旁皇蛟龍共游戲邊風與

海雨何物不凋敝山東有良工前年為我製墨字刺朱

播有如彩筆勢而無針線迹望者生遙企惱惱復不歸

欲更縫人悖何處出妙手心裁良可繼行將耀江濱岐

鳳疑翩翩妻子當侯門我征欣幸至

雨中館舍二雞行

館人有二雞雌雄相與栖終夜伴我宿五更向我啼豈無好毛羽寒雨空淒淒囊中有香稻聊為爾療飢顧之不輕啄廉靜多禮儀野鳥亦來食異類且相依

謁岐陽宮並太王陵

岐陽宮闕古西京宣父徘徊此一行走馬不為獯鬻逐契龜先卜鳳凰鳴當時蒼莽兼文武萬古馨香列聖明陵廟依然瞻望切周原蘋藻有餘情

五丈原謁武侯祠用工部韻

早識營中星見隕何如岡上卧龍高十年扶鼎懸心膂

白苑詩集

卷十五

十四

萬里揚風落羽毛謀策欲回當世業功名都讓小兒曹
白楊古廟多蕭瑟想見孤臣鬱瘁勞

岐山答王廣文

客館雨連旬宮牆接比鄰
席間披舊草門下倩書人
積雨發詩文稿千餘首數書史不能給因請諸生并錄焉
南郡風流近西京典禮陳
脩明儒者事勿復歎官貧

荅平明府

昔日讀書望岐山鳳凰五色何斑斕高岡一鳴中六律
周室興王在其間老大追尋三千載連旬陰雨不得攀
僕夫病且卧行路亦孔艱使君意氣高閒閒朝送鱸頭

火燒盡南山之楮棗暮進瓶中酒吸窮渭水之潺湲天

寒蜂房琥珀湮百花之精為我沁心顏是時詩文滿囊
篋筆札書人爭飛翰單車小幟更新造青纁為字宋為
旛雨霽晴光開林巒東游岐陽宮西瞻姬公廟千年一
旦舒懷抱誰謂岐山高且阻主人優游從吾好使我安
與味歌蕩蕩由周道

石魚歌雪中贈汧陽胡明府

胡君中丞之公子年少入關三千里手綰銅章新發硎
華門高勲從此始我愛吳嶽經汧陽奈何雪阻鳳城裏
側聞汗水之溪產石魚以斧劈石成雙軀左右森然鱗

白苑詩集

卷十五

十五

甲皆相似其類萬千不可拘母乃元氣淋漓相喁于山
精水怪變幻之流餘安得腹中尺素書請君索之剖看
今何如

雨華亭賞雪獨酌

青園梅放未曾歸亭上無人鳥鵲稀自攜一樽相賞處
雨花散作雪花飛

夜弔三良墓

朝遊鳳女臺夕弔三良墓三良在何處遙指東城路
漢青天寒靄靄餘暉度歸然三塚立蒼茫含煙霧焚香
見微光酌酒注芳露載拜為流涕低徊莫能去輿人趣

逆歸豈不傷遲暮齊晏殺三士東門歌梁父秦穆殉三
良黃鳥悲鳴樹不為死者哀徒令生者慕

凌虛臺

早出城東門遂上凌虛臺臺上悲風起蕭蕭千里來遙
天鬱松柏平原多草萊蕪公一去後悠悠何人哉

贈

初訪東坡治重新喜雨燕昔人猶在望遺跡豈飄零地
淨雲為白官閒草易青登臨復遠眺山水有餘馨

萬鴉朝鳳歌贈鳳翔田太守商山

白苑詩集

卷十五

十六

天下多稱鳳凰山惟有岐山名不刊歷代亦有鳳凰見
惟有虞周之世至今五色光輝照人間我聞鳳凰高岡
一鳴天下曉百鳥和之聲關關鳳凰翔高入雲百鳥
隨之不離羣延頸揚喙不得上注睛仰看千仞九苞文
岐周寥濶幾千載鳳翔之郡今尚名太守之庭數十樹
如何萬鴉噪紛紛但見夕陽飛繞城頭屋有如遊子歸
其鄉又若羈人爭趨投旅宿城中壯兒不忍彈郡衙諸
吏誰能逐雌雄交趾並枝栖乳雛紋翼互掩覆銅譙初
罷雞未鳴五更翅鼓如車輪啞啞聚相語嗷嗷離復親
既若辭館之征夫又若出田之農人從此東西南北各

分路不知某山之阿某水濱轉待長空日將暮仍盼遙
天還飛聚終南茂林鬱蒼蒼徘徊不肯舍故處昨日新
來復萬千歲晚天寒驚風雨可憐庭前霜葉凋呼羣齊
集長青樹物態飢寒并相迫莫種桑榆種松柏鳳翔煙
火百萬家雪中慘澹頗蕭瑟太守當稟鳳凰心黃堂廣
布松柏陰太守居公解耳中不絕萬鴉聲太守坐堂庭
目中日覩萬鴉形吁嗟乎兆民瞻依之情亦如此仁政
何以洽羣生太守好作朝鳳亭王摩詰吳道子古來妙
手今有無滌墨一洒萬鴉圖我為仰天歌且呼鳳兮鳳
兮歸故都

白苑詩集

卷十五

十七

東湖即景六首並答鳳翔吳明府朴堂六齋

吳君真好我館舍傍東湖雨雪兼明晦煙波乍有無隨
時觀水月即此愜尊鱸不為歸歟興春風倚大蕪
人同鷗鷺侶湖出鳳凰泉竟爾離塵俗飄然學水仙村
煙沽酒市溪雪釣魚船獨醉閒相望幽襟一洒然
昔佇蓬萊閣高吟望海樓蕪公長邂逅楚客與綢繆人
去千年蹟天空萬里遊湖濱來訪處亭下一扁舟
老樹依人立天寒不着青疎枝橫兩岸落葉下孤亭水
閣樵夫徑霜砧浣女汀朔風吹浪急南浦聚浮萍
太守辭林壑諸公隔廟廊時來車馬跡偶過水雲鄉別

去如千里溯洄此一方向時春漲綠重宴復流觴
湖水通南北蕩舟東復西吏人時送酒野老醉如泥物
狎同權適天空且暫栖他年逢地主笑作浣花溪

太公釣魚臺

嚴灘披一裘淮陰感一飯同是釣魚人迹近心以遠貪
功者自危立節復多慢未若茲溪老寄懷獨蕭散嘗共
伯夷清而不櫻禍患豈無比干忠亦不為苦諫神勇遜
荒山靜觀歲深澗沉淪八十秋相知亦何晚
窅窅磻溪谷潺湲磻溪澗古柏擁寒青林麓陰透迤上
有周文廟下有尚父祠祠前坐釣石巉巉水中磯蒼翠

白菴詩集

卷十五

十九

倚茅亭輕風曳我衣不為得魚羨吾亦愛幽栖遺踪想
先烈流波蕩夕暉此翁一去後千載誰能希

祀雞臺歌

陳倉之山寶雞神化為若石出秦文每夜有光聲殷殷
來自東南羣雞鳴得雄者王雌者霸秦人祀之肅明裡
即今山色鬱紛綸祀雞臺畔陳倉城雞神顏如美婦人
應為下拜揚其靈文戶鳳集丹書陳呂尚釣璜磻溪濱
漢高寶劍張良石古來帝王將相天所珍百物之精光
熒熒何况白蛇盤踞橫西秦得不再拜揚其靈

寶雞山水清麗王明府理堂 廷熒以輿僕送遊

五六日不能盡臨行作此答之
君自關東籍今居近玉門甘肅涼州風塵各萬里別
蓋尚中原周鳳凌天碧秦雞照日暄却疑仙吏在別有
一桃源

鳳翔吳明府已別矣由寶雞過岐山經第五村

一宿地屬寶雞而鳳翔代其山應即口占戲

答吳明府

夜入郵亭第五村寶雞猶費鳳翔飡主人只道東湖別
何處深山一掩門

由岐山之郿不復再經扶風會郿宋明府公出

白菴詩集

卷十五

十九

而扶風熊明府攝其事以札致我作此遥答
歸路扶風一轉輪岐山別去隔音塵誰知郿塢飛鴻字
太白依然屬主人

遊太白山以雪深不及頂作古風書廟碑

我入太白山我吟太白詩太白有仙人笑我來何遲六
月飛霜雪况當雪威時空際瓊花落雲中素鶴安招我
從之往劄以青靈芝倘恍日將暮邈焉不可期
五嶽何青青千年此山白青者入蒼旻白者雲一色天
上金星流墜地三百尺千年玉版書安知非靈石其上
多清漱杳靄蛟龍宅我欲鞭潛鱗長為天下澤

謁橫渠先生祠因宿此作排律十二韻并貽其

後裔

吾家兼聖哲理學自橫渠族出南軒右羣欽北斗如二
銘心共見五子氣全儲性道孟軻氏天人並仲舒志存
敦古上功在正蒙初齋舍今猶葺井疆昔未墟奔途多
鹿廐列坐尚魚魚緬瞻遺像蒼茫識傲居近聞新進
侶還讀舊時書譜系形非隔關河夢不踈清風揚俎豆
皓月照庭除陟降嗟何及低徊意有餘

月夜渡涇河

半輪寒月影猶自照嗟呀嗟呀山名在涇陽東北星馬鳴丹水涇水

白苑詩集

卷十五

二十一

最潤共 霜轅走白沙年來長此渡歲暮未還家却愛清
輝好空添兩鬢華

答那明府樸岑登二首

明月渡涇河清光照客多官傳新印綬人比舊松蘿夏秋
四至涇陽送迎皆方姻家相重醉金卮酒高吟白雪歌
亭今那明府攝裝情誼如故

使君留賞久莫問夜如何

南國中丞後今尊公常諱鈞西京刺史來少舉翻譯
州近例遷當歷湖北天際望三台坐看浮雲過行隨
州牧候補席間詢五嶽去日催陽春逢驛路應折隴頭梅日十二月望

喜涇陽方姻家柏亭入 覲報遷司馬兼晤令

長郎鵬南自家來署並以詩文見質即贈鵬

十年故里別今復見秦關驄馬天邊詔黃龍夢裏山龍黃
鎮在蒲圻西北隅為方趨庭容有待游屐夫曾還促促
宅與茅山往來所經

風塵會論文半日間

即事答劉丈九畹招效

五度三原縣重經九畹居避塵離舊館看水放新渠先
南關皆未安唯雪藕春調酒延飲穀煙蘿老著書橋陵
城東渠上最勝中路近邂逅復何如因過橋

附郭園林好招尋有幾家翠攀業竹箭香撲蠟梅花戴

白苑詩集

卷十五

二十一

月珠聯樹懷春玉吐芽長安遊覽徧且此玩韶華同遊

耀州慶春詞呈族弟虞溪刺史

正月立春同州郡臘月春回耀州城一年兩番好春色
迎春都共故鄉情同州太守祝壽母春酒高堂傾大斗
吾弟刺史聚諸兒入門春臺喧歌舞繞膝衣冠美且都
隔簾淑人窺清曠滿牀笏傳華州事見我門筵齊懽呼
天涯有酒皆須醉况我鬢齡為兄弟近聞守牧並高標
中丞賞拔俱名吏耀州俱卓異却笑子身萬里遊家
在青山成荒邛羸妻穉子仍無恙昨得鴈書今何愁對

茲韶光轉綽約乾坤不老神仙樂五嶽歸來自長生與君同把梅花萼

白苑詩集

卷十五

二十二

白苑詩集卷十六

蒲圻張開東賓陽氏著

男兆鶴編

春日長安逢姜璜村興周以興平令遷安西州

牧作此贈行 丙申稿

不作邊城吏安知

聖治遐洗兵歸瀚海命駕過流沙關塞千年蹟乾坤萬

里家風霜經老練未覺鬢毛華

送學使嵇公傳研校試甘肅

文旌西照玉門春化雨無邊一洒塵獨恨歸帆隨漢水

東風不肯送遊人

白苑詩集

卷十六

停車觀登豐書院壁間列子御風張騫泛槎圖

昔聞馮翊古書院壁間二書今始見東有列子御風行
莊周所稱冷然善大風掀人欲仆地一人空中如飛翰
西有張騫自泛槎浩浩天河渺無涯層崖疊浪幾扁舟
漁父漢婦皆龍蛇何處忽得支機石識者何人是非耶
兩人憑虛俱絕妙紛紛行地安足道前年東游浮滄海
二勞風雨迷幽靄萬頃波濤高連天中流永桴歌宛在
又嘗東輿升五臺天風直下聲如雷當時人馬盡披靡
獨持一筇凌崔嵬即今相望頗相似蒼茫前身母乃是
惜哉畫師名不傳使我低徊行復止

臺頭村過楊子安宅不及少留遂寄以為別
傳轍問虛廬幽林藹紅紫手攀翠楊條徑入清門裏蒼
蒼逢故人翩翩見二子少女既能詩諸郎亦有禮蕙風
牽素幃花光炫淨几白苧與青繡贈我良可感此一
無言含情方乍喜晚景戀餘暉浮蹤若流水安得成新
堂重來經舊里居者將為營行者尚未止君看南飛鴈
回首已遐逝

去年春過華州見鄭桓公墓碑為冶人所塗墮
時東城郭公西城寇公兩祠俱荒落至是奉
畢中丞檄修重經車上喜占一絕

白苑詩集

卷十六

二

豈但緇衣表鄭風汾陽王與寇萊公華州猶是徘徊客
今日修明迥不同

長安花朝行樂詞呈歐明府鳳山先生

煥舒

古來何人最清閒羣仙游戲滿三山天下何處稱懽樂
乘雲空中觀五嶽五嶽三山任我遊行將歸去青山邱
長安道上塵不動一車兩馬輕相送楊柳新綠杏初紅
美人含笑當春風手把玉杯長生酒願君一醉千年壽
千年萬古春復春朝朝花下作遊人

仲春歸楚奉別大中丞畢弁山先生古體詩四

章

孤禽來北海倦飛將南還顧影復徘徊瞻言西入關飄
風起卷阿好音鳴岐山鸞鳳不世出羣鳥集班班翱翔
歷九州雲水相盤桓空中一仰盼美人臨天閑德輝千
仞上安得長追攀延領少停佇使我開心顏

玉女白雲際手持碧蓮花招我從此去窅然忘其家駕
以雙青螭乘以五雲車恟恍見金闕衣帶生流霞道逢
真人語指點天一涯開囊授素書搥藥和丹砂食以雕
胡飯玉液沁黃芽願絕人間世毋令鬢髮華
紛紛長安路翩翩五陵客皇皇軒車來侃侃陳時策獨
有滄泊人蕭蕭懷往跡携筇入煙嵐騎馬徧山澤浮埃

白苑詩集

卷十六

三

日冥冥幽襟常虛白但求昔人知安冀時所悅萬古疇
寥中空山有明月高風吹大清蒼蒼松與柏

古人不可見今人不盡知曠曠天地間空自抱所思秋
風忽邂逅野蔓何離離含意方未申解佩長為辭大惠
豈敢忘崇德良在茲努力事勲華願言及盛時采蘭青
山下采萸白水湄江漢不同流終當會有期

咸寧陳明府唐園

煥世席間屬作即贈答

茅村勞駐馬

昔明府經子室前
茅山岸留覽冬冬
花縣敢停車驛雨猶迎客官閒

自著書

約小編
南州孤榻在北海一尊餘
字人
它日如相

問殷勤有鴈魚

春日咸寧道上

春日入咸寧連朝多風雨故人新秉鐸解衣杯酒具宰
官知我名手指青山樹開筵恣高談剪燭聯詩句我方
告過歸主人為延駐信宿且盡懽清晨戒徒御翌日祭
春丁廣文分我胙再拜受之歸嘉惠亦有數折柳餞東
門携尊臨岐路送我上河橋徘徊久不去

西河橋荅楊秀才兄弟天禮大際

玉管雙調一曲新金樽壹醉不勝春東風嫋嫋吹楊柳
又見西河餞別人

劉翁醉馬行即經武

白純詩集

卷十六

四

劉翁八十何強健日緒古書數百卷有時吟詩白水濱
有時走馬青山岍青山宮舍擁聯翩諸舅兄弟開芳宴
劉翁繫馬昂藏入滿座驚嘆交相勸人自高談馬自嘶
三朝三夜色不倦翻然辭客出門庭劉翁歸馬若飛翰
據鞍顧盼一何雄垂鞭笑指黃金鐙自誇太守之曾孫
太守遺物今猶見吁嗟乎故家風流幾百年太守遺物
今猶見斜日照之光爛熳

喜晤兆照姪

伊昔攀竹枝雙髻當門闕遠遊復歸來雲樹隱天末視
子被青衿前年棧列邑岸白幽蘭
公以下五世俱茂才春風吹秀髮徘徊牽我衣觸

咏倚明月願言及良辰毋令芳華歇

重過木蘭寺阻雨僧脫凡留宿

海嶽歸來問木蘭濛濛春雨不勝寒丈人寺後有
丈人石披霧藤
蘿濕衲子炊煙楫拙殘題咏幾年留殿僻遊終日倚
欄干林中筍蕨還供給又得雲山一笑看

七哀詩

仲春之月余出東門之阪自石魚金塘木蘭池田
頭暇之許諸族戚在焉昔之所為觴咏而留連者
也比年遠游率多凋謝歸而勞病不及往弔乃經
其里舍望其山川為之流涕作七哀詩

白純詩集

卷十六

五

二叔父浦源暨兩弟石魚

仲父老諸生吟咏何瀟灑伯氏作宰官寥寥獨在野但
好獵與漁不羨裘與馬喬木忽已摧荆花亦同謝遙瞻
石魚潭水流涕亦下

八弟汝南金塘

天風吹了髻名山同遊復幾人茲山亦在眼匪我獨遠巡
魏子久謝世汝南林脚親希惟
昔三人同登此山吾弟今辭塵美酒云樂高談
孰與親故園海棠老使我傷青春

十四弟仲立金塘

疇昔論佳文殷勤愛余季臨風一披誦丰神何摇曳別

此忽遠行緘書為汝寄三日不相待萬古長迢遞我歸
始聞知茫茫各天地吾家多俊秀斯人安可棄昨日過
山頭閒齋空掩閉今日步山側墓草已蒼翠青春不同
歡白首空垂淚遺文汝兄藏稚兒或可繼言公勿復言
林花為誰媚

九弟泉飛夫婦木蘭

蘭泉吾彥弟醉把木蘭花短衣脛不掩長髯手自又嘯
歌發鐘磬卧榻生煙霞產男多秀偉結髮稱宜家如何
方飲酒同穴徒咨嗟

三兄印侯田頭畝

茅山集族侶兄何獨離居住者一握手談笑轉歎歎念
此澹泊人空老白雲墟風雨亦蕭散愴然憶故廬

徐七丈鼎存及配戴氏田頭畝

徐氏兄與弟山中兩者德家雖出素封而不為浮飾與
我常交游白首真無忒伯氏長此辭仲氏竟安適如何
偕老人暴疾同歸域舉首望川原煙花寡顏色亭池不
共遊芬芳誰為食側聞素車行豈不涕沾臍是時告
國憂我歸亦孔棘寄言孺慕者秉禮良可則

皇太后賓天
遂作書止之

徐十一宗藩田頭畝

廣文有弱弟翩翩多丰致令兄賦歸來英齡忽下世榮
華不長好徒令傷悵悵

三月與諸弟姪小飲耘香亭重賞牡丹二首

昔年同賞此花時萬里人歸春未遲花待汝園留宿酒
人逢舊侶續新詩七言四句
特寫詩秦臺燕館常相見湘水巫山一
暫離自愛風光長耐老欄干並倚不勝思

離居一室非無酒行去天涯每有花安得芳園隨客路
那能春宴似吾家青山對我杯猶綠白日依人鬢始華
醉把瓊瑤還更酌耘香亭畔夕陽斜

五珠歌贈賀七丈受益謹

我過燕山寶十郎昔傳五桂齊芬芳賀氏五郎今並秀
掌中一握明珠光主人擁轂萬餘石不貪黃金貪經籍
主人構屋三百間不爭賓筵爭師席以茲醞釀含精華
日漸月摩生流霞蚌腹驪頰領搜索得世間阿堵安足誇
我願明珠頂自愛清瑩遠隔囂塵外不逼市廛與都城
灑灑元氣涵滄海又願主人好矜持守以禮義文以詞
藏之澗山勿輕街會當一獻

聖朝時

哭胡牧亭三首有序

牧亭文行高明而敦雅落落有古人之風往者同

白菴詩集 卷十六 六 七

江漢書院形迹頗間濶以後二十餘年多晤於旅館道路之間獨加親密稱莫逆焉已余止遊過都門主其邸舍凡四月觴咏游息與諸名公互為遊人推獎倡和有詩余見其首容稍孱恐不及十年自是別去余丙申始歸彼此音問茫然及丁酉孟春咸寧陳明府言其歿於京師游移未確至三月潘子從雲夢來果然乃哭以詩

倦遊驚卧榻遥睇為沾巾白髮無知已青山一故人金門非不貴驄馬自長貧太息悲風起殘花落暮春文章分顯晦江漢共翔翔劍舞燕臺醉醉甚甚後勇中見其擊棒有歌詩留

白燕詩集

卷十六

鄭館狂辛卯冬余寓新鄭縣東門錄覽古詩瑣粘四餅自題曰白燕詩館十年俱浪梗一別即滄桑半畝蕩湖地何能置汝旁牧亭營愛蕭之水欲遷居於此

辛不

羨余周海嶽空自老京畿人散晨星沒天高秋鴈稀故鄉無寸土旅櫬竟何歸望野招魂罷蕭蕭獨掩扉

夜聞鴛子讀書病不及口授感賦一絕

汝伴孤燈照夜堂我歸五嶽病茫茫春風門下千人集遺却青山一小郎

長句東舒二丈雪村國梅吳大猷占洪申李四斗山明才王二賁元冕國諸同學

城中好友吾相望欲赴春筵病不勝老驥猶然長屈伏秋鴻何事滯飛騰仙踪海嶽貪徧得

聖代科名讓未能為報金風蕙水綠清談列座酒如澠

答介休令呂廿四碩亭遣使致札為貽梓費百金虎皮一襲歌

去年車馬衝潼關四月登程六月還周行六萬八千里載書萬卷照青海波嶽雲走輪輻山魁木魁爭相逐門客喧呼兒女嘻蒞蒞招魂何處復故人遠隔天一涯閉戶蕭條掃落花盈篋詩文束高閣孤亭風雨空咨嗟扁舟擬向江南逝驛使忽從河東至開緘雙魚怡我顏

白燕詩集

卷十六

傾囊百金鐫我字又見虎皮黃斑文我欲踞坐高談經放之六合藏一室詞壇萬古生煙雲

讀碩亭孤岐山泉祝詞歌以勗之

司農公孫牧伯子翩翩五世成進士出宰湫水有蕪聲

司農遺民稱世美初任昭陽縣令民樂而爭頌曰世恩濟美茲令祖司農宰宰鄉令叔松梓為善方伯大官交章調

介休孤岐山下清泉流君作祝詞走相告被其澤者為

歌謳願將經術敷文吏功在一時名萬世君家名宦數

十人高曾風度還能繼我昔絲上弔子推有道高塚草

離離安得渡河見賢宰停車再讀茶邕碑

十弟曉林開朗七郎方四齡口誦毛詩如流余

贈以羅磯硯并詩一絕賞之

驚爾蛟龍姿贈以羅磯硯他日賦凌雲橫天生羽翰

姪兆寅少孤館於舅嘉魚尹氏以五日省毋歸

里余感幼失怙恃亦館舅熊氏口占書贈

宣公堤畔樹鳴鴉綠柳清溪一徑斜美汝還鄉猶有母

憐余依舅尚無家昔開石室傳丹字金簡三年辭舅歸關雲嶺讀書今見瓊

林長玉芽五十年來同此路黃坪地可摘舊時花

苦雨

矮屋傾天漏幽巖隱日明花根泥蚓出竹杪露蟬鳴雷

電朝相擊蛟龍夜未平兒童不省事又報雨鳩聲

白菟詩集

卷十六

十

着屐將何適煙村路不分析衣蝸屨篆箱帙蠹重薰入

市全無渡關門只卧雲吾將浮一葉鷗鷺與同羣

青山遊客柴門掩滄海仙郎錦字封正憶夢牽三五載

不愁雲隔萬千重勳名高閣新鳴鳳南來由縣令三年提全職紀載

溪山老卧龍太息茂陵煙雨病蕭蕭何似在臨邛

病寄曹劍亭先生由山西學使遷山東糧道

我自東來却向西公從晉別轉之齊客星無定隨車轍

宦跡紛然信馬蹄履海碑銘紅日近癸巳遊泰山勞龍山冠蓋

白雲迷甲午九月與先生并朱方伯崇觀關河不改人愁病彩筆何緣

借品題

山中病寄學士朱石君先生四庫館乙未由晉為內遷

五嶽歸來藏石室三湘望去隔金門林泉卷軸還天地

臺閣文章有弟昆時與今元竹君同校書不信中郎煙雨病何愁太史

馬牛奔為憐一別分南北稽古何由得共論

懷古歌寄鄭子禹濟源榮山東

昔我遊歷城嘗弔城東閔子之舊鄉太史閔公時勒碑

表墓旁又過東平梁灝之故里殿元梁公階新其坊古

今同姓敦好尚那惜青翰白石為揄揚又不見不其山

下一草堂書帶之草窳不芳我行山頭雨蒼涼矯首鄭

白菟詩集

卷十六

十二

元空周章寄詩即墨宰及此早開荒別後書使兩茫茫

豈知鄭子筮仕來東方六經箋疏家猶藏何不請於臺

院商爾同行建祠興學發幽光令我千載悠悠思不忘

謝南塘標同弟涵川傑過我既先留一夕即以

錢付從者市魚中道負約而去將勸力學赴

關振興故家不獲一語悵悵作此寄之

南塘兄弟促來時坐我山堂醉莫辭斜日買魚長不返

秋風吹鴈竟何之科名邑里猶蕭索老病親朋易別離

為憶追踪舊司馬却從去後寄新詩

余子蓮溪任春館雲龍山下將歸來幽蘭携所

構詩文就質留再宿而去

兩岸重崖合中分一水流出門皆虎穴何處是龍邱芸
館將歸日棘關更待秋是科帶式不獲行囊佳句好信宿為淹留

麥園花後醉歌行戊戌稿

青園小桃何灼灼麥園主人走相約豈知轉眼出門去
千樹桃花空寂寞二三兄弟亦不齊一夜東風吹盡落
我方病起行太息天時人事安可度河北江南看編花
故鄉好事翻成錯小兒臨風清興發載酒呼羣尋我樂
東山遊屐步園林道韞笑迎出簾幙殷勤洗盞開芳筵
坐對梨花光濯濯醉攀花枝弔花魂忍令花神為我語

白苑詩集

卷十六

十三

百年何日不花開天下幾人花前酌有花有酒復有人
母令青春徒蕭索

放歌一章寄呈中丞國拙齋先生

我昔作賦泰山巔勒銘直窮滄海邊青帝即君龍王女
走馬游戲生雲煙鰲背蜃樓坐相笑木公金母開瓊蓮
方伯幅幘儘寥廓許我三山作游仙東晉時公為方伯濟南名泉七
十二獨恨不見珍珠泉即今宛在中丞署疾卧青山思
茫然安得神龍迴地軸口啣萬珠落蕪川
追憶毛海客因寄中丞署兼感李二立夫有摩
海客名大瀛寶山文學李立夫作令時所取士也

向在都門與國公相友善癸巳余游山左海客隨
國方伯署掌書記十月余病方伯嘗令海客來訊
問因相識述立夫舊知及國公枉駕浚予往謁遊
西園皆海客左右馬別去書札音問卒未贈以詩
茲因國公書來附以詩故追賦云又感其久困壯
場而立夫亦老於蜀中也

憶昔病濟南側聞驚方伯頻來問者誰座中毛海客我
友雲夢李立夫清標落落世希無初令寶山得佳士誠
哉海客真通儒揮毫罄傾三斗墨吟詩吹落滿盤珠我
來遭逢東海隅天風海雨生枯魚方伯之庭青蓮渠香

白苑詩集

卷十六

十三

露碧月涵空虛鳥雀離羣不可俱隔天但聞聲相呼吁
嗟乎海客亦何孤都門十上書歸來仍故居方伯今中
丞鳴鳳集高梧何不羽毛揚天衢君不見東海龍宮洋
洋萬頃餘萬怪出沒羣龍趨何為局促涸鮒困泥塗吁
嗟乎立夫爾何如潦倒一官奚為乎昔在望都今成都
立夫前為望都令今遷蜀中

鄧氏古槐行寄荅聊城厚齋有序

余甲午晤孝廉鄧厚齋於東昌郡署甚相得能詩
工古文殿元長子也先詣其宅有古槐嘗期作古
槐歌以叙叙弔古不及七月之別請於途次作因

令弟時泉以孝廉候補令保定擬過此付之又不及今騫兒往山東作此寄呈以全舊約厚齋乙未成進士

有明錦衣衛官宅古槐婆娑倚東壁何時轉入鄧公家令我一見驚心魄鳥雀巢枝風雨殘蛟龍藏腹雷霆劈靈根輪囷幾百年古幹槎枒三十尺

國朝鄧公老殿元

天子臨軒稱詞伯衣錦還鄉御香濃槐下駿馬黃金勒輕花光照紫泥封高陰翠連青天碧公拜秩宗左侍郎上林湛露多恩澤其後公子兩孝廉崇堂廣厦陳雙壁

白純詩集

卷十六

十四

冢君厚齋天驥姿東昌太守瓊瑤席置我仲連百尺臺嘗同游仲連臺我期聯元梁氏匹

聖代科名盛君家却嘆遊人神仙客時號游仙待有詩牽衣強作古

槐歌馬首東來良可惜明年厚齋捷南宮槐庭夢想成

陳迹秦關楚塞草木春海水湘雲煙波夕渺然天地歸

吾廬萬古千秋收圖籍病起稱詩謝故人故人一言重金石

金石

荅賀八姪婿永珏大寧旅舍

海嶽蒼茫萬里遊錦江明月峽下荆州高唐神女巫山夢盼我年年不解愁蜀中之遊已擬十數年吾族里居蜀及友

人宦遊者屢約不違賀氏兄弟亦期之

十二荒謔

乾隆戊戌大旱三稻不收繼以蝗蟲白純家居即所見聞作十二荒謔

死草嘆

早既太甚三稻相繼而槁或苗而不秀或秀而不實卒成死草農夫獲而嘆之

早稻苦不雨晚稻雨不早中稻逢微雨日出復杲杲朝見稻葉青暮見稻葉槁晚稻發新稈新稈成枯老可憐千粒種空餘一坵草不道農人饑耕牛那得飽

蝗來

白純詩集

卷十六

十五

是歲閏六月忽報蝗入楚不數日已至蒲之畢家河矣邑侯方勘旱災乃捕之其害始息

北人常苦蝗南人但苦乾如何今年早復遭此凶殘忽傳蝗入楚羣飛黑蔽天清晨渡江南一夜到蕪川武昌

三更驛檄催我縣官我官汗流漉勘早走躡跚披髮臨

蝗地誰其捕者賢十錢蝗一升一石償千錢嗟此窮餓

人奮臂齊爭先不怨田穀盡但願蝗滿田

將稗行

五穀不熟不如莠稗稗雜生稻田中莖長而節勁稻既槁死而稗獨結實羣婦將之聊以度日

朝將稗子出暮拾稗子歸稗子不盈掬何以充我饑借
問同行女來朝往何處他田稗已空相別淚如雨

掘水蓼根

水蓼生下濕蓼之無用者也土人饑乃掘其根食
之

辣蓼味苦辛水蓼葉空大好生溪壑中已被秋風壞饑
人掘其根不食將何奈

狗尾草

狗尾草名原隰皆有形類狗尾故名簇聚如粟而
無實時衆草俱食并及此

白菀詩集

卷十六

十六

有草聚如粟村兒呼狗尾隨風自飄搖稗空無半米腹
空草亦空不如食糠粃

石巖花

時有婦女來峒山者摘草藤以食草有花細燦可
愛不知其名曰石巖花

百草皆療饑莫問甘和苦羨殺石巖花不似妾顏醜

渡江女

江南多山而苦旱江北卑濕而苦水今嘉蒲諸邑
皆旱而潛沔差勝山中婦女率渡江而拾稻粟焉
北人賤之故有是作

江北常苦水渡江棄兒女江南今苦乾渡江拾禾黍禾
黍不可得奪我空筐去朝日走江村暮夜宿江渚欲歸
不得歸零落知何處天道有變遷何為分爾汝

歸鄉客

蒲土狹人稠多糊口四方今年遠近皆旱自儒士
館食及百工之徒十歸四五出入無聊不勝惆悵
故鄉驅我去他鄉不我留昔見故鄉喜今見故鄉愁他
鄉既苦早故鄉全無收歸來問妻子相對涕交流妻子
久空腹行人亦空囊仰屋三太息此去又何方

賣雞

白菀詩集

卷十六

十七

年荒無穀百物凋殘雞彘皆賤故并犬三者連及
之

農家養十雞田禾無一粒人餓不能行雞餓不能立昨
日賣去五青錢百二十買米剛四升一飯惟翁翁今日
復去三錢散不可拾歸來看籠中雌雄相對泣

屠彘

人食既無糧彘食又無糠人彘俱受困不如問屠行悲
哉牢中彘餓殺同一死屠人牽彘去賣主隨入市終日
不給錢持刀翻怒視忍饑立其旁何由返鄉里肉亦不
值錢錢又不得粟難療貧者饑徒飽富人腹

又
肥羸一空盡禍孽又及豚豚養日以瘦不如驅屠門屠
門將無羸屠人亦餓死

狗子怨

鄉人育母狗一母產四子比鄰分其一三子皆溺死我
問何為溺母狗已無食母狗亦無乳狗子養不得

荅孫丞薛石于介廷即席呈二律

秋七月新丞薛公初下車云與余有舊識將來過
訪聞其里居姓氏系出西秦病浚恍惚失記是夜
伏枕追索憶乙未再入關見知中丞畢公奉命覽

白苑詩集

卷十六

十六

古蹟名勝凡士大夫之得叨接見者頗眾石于為
蒲城廣文氣格獨高先枉駕焉且招之飲叙其家
世贈詩所稱父兄俱太史天地一寒璫者是也初
石于之入楚也既有詩識亦但知楚有海嶽遊人
某不知其即蒲圻人也及蒲見官廨列余所書始
詫異亟圖一晤余乃往見以荅夙好是日逢丁祭
烹牛醉酒談笑若平昔故有是作
蒲城夢不到蒲圻天外人驚楚客歸老病青山書壯絕
秋高紫塞鴈南飛軒車欲踏松篁逕林谷空懸薜荔衣
不厭荒涼逗舊好白雲未許掩荆扉

學博丰裁入掾曹遊人倦卧理風騷時編次拄笏且自趨
清署分昨何緣享太牢兩世圖書傳洛浦千年蘭芷在
江皋逢君一醉開顏色海嶽當筵興轉豪

問辰極開樞

大兄吉兆禧兆兩姪夜間留飲
兄弟分鄉市來看各暮齡大郎傳玉燭季子抱銀瓶齒
缺發俱脫年荒酒自青西郊雲峒好同去采芝苓

十四姪舍北留鑑亭齋舍

昔愛新齋好三年未入城鑑亭浮月色書閣動秋聲酒
聽池鱗躍燈看徑草生幽栖憚小阮閑戶有餘清

題鑑亭

白苑詩集

卷十六

十九

甲第蘭泉後蘭泉公支翩然見此亭園欄虛室白出郭遠
山青林鶴雲中唳池魚月下聽我歸從海嶽小憇亦滄
溟

鑑亭醉荅陳子

陳郎陪飲強題詩小阮偏來促酒厄倚醉欲眠眠不得
半輪秋月下亭池

唐氏姑母年八十居茅山追維舊愛數十年情

事歷歷遂作古風長篇以叙之且祝焉
昔我初生辰觀音賜鯉魚慈母艱乳液水酒魚何如堂
上二叔父間壁而同居對母廖太君體胖乳有餘西與

五伯祖比屋隔溝渠叔母馬孺人乳清形亦癯兩母同
所生是年壬辰廖母生弟為我分勤劬伯祖女仲氏羣婢稱細

姑是時姑始笄婉婉着繡襦朝抱我出戶夕抱我送閭

我飽姑為吸我饑姑為呼二母乳不足膏貽母為哺孝

慈聯閨閣元精通肌膚象妙之所會成此金石軀溪北

唐中翰聞姑淑且姝三郎矜聘匹夷道光艷瑜我姑修

容儀十七歸姑夫母曰女中賢翁曰諸婦模明年上元

夕古禁開金吾姑夫牽兩獅彩燈耀庭除我時方四歲

眼見笑懽娛我姑旋歸寧內外交欽乎東海復西川宦

轍隨馬驅唐公始為武城令後補
茶江卒遷中書舍人齊統與蜀錦德佩揚光敷榮華

白苑詩集

卷十六

二十

三十年返旆下巴渝既奠爾家室還歸我門樞我父遷
莊舍伯祖構華廬咫尺雙峒間上下共一區姑或從家
來躑躅多鳴騶我母携兒看明月佩珊瑚嗟我二人去
苑苑空藐孤馬母晚謝世中即荒井厨弱弟亦斷絃黃
口尚呱呱姑夫忽遠涉諸表各殊途粧鏡蒙輕塵故巷
生蘼蕪對父曰阿妹兩世藉汝扶汝去免為泣汝來孫
為愉諸表時迎養姑欲歸其家弟曰姑我母且住母遽
徂禮服姑所澣和澤姑所污喬木姑所植修蘭姑所濡
冢君有淑女阿兄生兒殊可結新紅纓還綴舊明珠秋
風倏零落好花浸泥塗豈曰非玉樹自恨為葭葦守義

歌黃鵠甘心育乳雛我懷為感激姑意夫何辜憶姑十

三歲我生初懸弧今姑已八旬我亦近桑榆姑齒能破

堅我鬢未全烏我戲古竹根問姑記得無自我遊海嶽

飄然別故都念姑懷抱恩萬里繫襟裾敢以文繡躬不

辭布纓向在途次病危於鏡子外
長及受恩庇者每各一襲茲秋逢誕節我病亦既蘇

我族集衣冠執爵爭奔趨我弟率我姪拜德歌且呼上

拜五嶽人百靈奉醞酬何以頌姑德富貴色不驕清寒

御有隅何以祝姑壽青山長不老蒼松永不枯崑崙有

閨苑滄海有蓬壺采藥青神女我負姑與俱

過洪上

白苑詩集

卷十六

廿一

雪浪亭邊蔓草生桃花巖下夕陽明蒼蒼松竹行人裏
不斷秋風送客情

九日崇陽遣興

偶步出城郭危樓立草萊登高無去處隨地且啣杯晚
日晴猶冷秋風住復來故園兄弟隔籬菊為誰開

詩錦囊歌答從女季蘭

季蘭吾從弟玉階女也生有慧質適十二疊山之

徐氏余往者客其門以詩囊將散聞徐十一郎有

側室能刺錦期新製更易之卒弗果時季蘭與自

作未及成余遂遠游海嶽經六年矣凡諸名卿高

士贈詩囊者各色俱備迄丙申歸里則季蘭所刺
詩囊已緘寄青園蓋桃源峒景也詩字圖畫點綴
絕佳余亟欲答以詩以勞病不遑設想今秋神體
稍蘇走筆作長歌用昭工雅昔人艷稱東山道韞
之勝其流風良足多云

君不見張騫乘槎天河測天孫散作萬花色又不見蕪
蕪織錦參迴文盤中詩感寶將軍一嫁天工一人巧從
女季蘭得其妙季蘭本出幽蘭枝春風澹宕玉階墀時玉階墀
幽蘭玉階相甥徐氏宅蕪蕪琅玕十二疊雙髻雲梳
百合香錦心為我結詩囊我昔行吟徧山澤嘗佩一囊

白苑詩集

卷十六

二十二

當胸臆偶然得句即便投風雨凋殘幾經秋惆悵頗欲
謀閨閣徐十一郎空然諾是時季蘭有妙裁欲言不言
心徘徊我別遠游奄六載故鄉相望不相待大海之濱
五嶽巔天風塞月相周旋詩囊贈者殊不一玉女蠶絲
美人緝赤線青黃各紛綸五色囊括歸遊人歸來見此
驚且喜盈筍諸囊都莫比素綾為質五色紋清溪幽壑
生煙雲上繡唐人詩一首下綴桃源古峒口中有野橋
繫漁船落花流水兩茫然曾憶牽舟武陵道舟人誑我
迷芳草豈知一徑獨相尋萬古蒼茫山水潏如何此境
汝未到靈心妙手從天造乃知仙骨自珊珊却笑粉黛

徒汚顏何當臨風一揮翰病卧青園今始展安得携汝
凌天衢西見王母東麻姑金針裝成海嶽圖

即席答徐廣文鎮南

行藏各異路遊宦却同歸共有十年別而猶兩地遠高
談明月館老卧白雲扉拄杖東皋望相逢醉夕暉

飲宜亭因題徐十一郎滙亭小照有序

滙亭構宜亭即早卒母周太君傷之為寫遺像以
期余題數語不得今置酒樓中兄鎮南為洒掃而
識集焉遂感舊書此

吁嗟乎噫嘻風沉滿洒十一郎十年不見在何方我飲

白苑詩集

卷十六

二十三

宜樓酒我懷宜樓人如何樓成日飄然謝世塵前有緯
帳還鄉之伯氏上有華髮倚閭之慈親抱衾產諸兒
鏡空青春念子不來涕沾中圖君之貌繪君神令兒開
筵免捧出令我醜醜一見疑為真階下兒閨中女終日
呼君君不語人生百年湏盡懽金尊玉缸隨時舉何不
歸來歌且舞君不來我將去欄外青山碧水多秋風一
捲歸何處

初冬即事東萬八蘭溪德芳

我游海嶽歸猶然在人世百年逢大荒孤懷寧忍置急
作救荒論竊恐遺時議藏之秘篋中見者驚詫異亦知

求人難但覺與人易昨日復典衣買米昏暮至兩童氣力殫抑防遭虎噬然燈喜入門倉皇不自計族閭八九家緩急分次第晨起莫遲留傾筐相傳遞心緣童僕知迹或妻孥避自恨居常貧畏人即稱惠米整向誰貸萬君為我繼屢繼君亦貧情同心復似既無范公田又無陶朱利人生不得志仰屋空流涕

即席答桃溪院長王孝廉

義重千金易年荒一飯難况君當館舍為我備盤飧豈有文章老真成旅客懼桃溪春意滿冬日不知寒

聽鄭子履菴源崇洋琴歌

白苑詩集

卷十六

二十四

鄭子洋琴來東海銅絲為絃木為佩五十六絃綜十四四絲同竅發清籟以絳叩之鏗然鳴踈踈落落如點兵促然奔騰人馬走隨風散作千萬聲我昔驅車窮沙漠鴈門刺史陳邊樂霜清月白亂琵琶似有此音中間作又嘗泛舟入蓬萊海上成連安在哉雍城亦復久銷歇紛紛濫竽喧高臺吁嗟鄭子何奇絕堅如裂石輕如雪借問師授今為誰令兄參軍親手訣旅館吹簫王郎歌檀板金樽夜漲多童僕惟呼老人笑少年不樂奈若何如今早荒生事急鄰婦聞之轉號泣鄭子收聲且勿彈哀樂不同嗟何及

聞騫兒遊泰山見余所勒碑銘懼騰拜祝歌以寄之

於戲噫嘻危乎高哉何嶽崎汝身本孱弱辭我出門亦何為與兄相提携乃直躋泰岱之巔遠望滄海之湄汝不見秦碑漢碣草迷離

大清宸翰光雲霓又不見中有山頭一片石千載剝落之遺餘游人勒銘又題書上鐫天嶽同青玉皇觀下鏡海日石蓮碧霞居嶽頂之石堅於鐵雷電鞭鏢冰霜枯千錘萬鑿不得入一夜羣工皆潛遁太守檄催郡吏走精選括匠來山隅雲梯天棧鬼斧神樞兩日一醉三日

白苑詩集

卷十六

二十五

一舖孤筇獨徃衆徒懼呼乃得留此茫茫千載之靈區却笑老父渾多事慘澹經營奚為乎功成杳然山下去窈窕空山經風雨過眼成陳迹回頭那復顧如何五年別小子驚相遇銀牀玉几雪色寒翻令山靈愁見汝於戲此物自在天地間渺渺青山白雲多汝不歸來在何處

別童僕

荒年養童僕行歌樂忘疲歲暮忽遣去相顧涕交垂典衣充汝腹衣盡我亦饑天寒山窈窕路遠雪霏霏豈不念艱難坐嘆空爾為壯丁為先導裹糧相追隨筭中敵

既巾莫被北風吹汝去知有託我居將待誰且令汝有
托母為我增悲人生如魚鳥安能無別離

冬日九弟季鴻同七弟堅亭十一弟待周開旦

留飲靜密之舍

小飲難兼愛聚惟誰獨親徑行入幽室寂然杳無塵豈
不宜兄弟隔牆有餓人揮涕且復醉明日是陽春

遙憶方七柏亭承保新遷贛州郡守己亥稿

庾嶺梅花不曾見贛州幽蘭日每聞玉環司馬奉

新詔坐乘花驄踏清芬我昔秦關一握手先由涇陽會遠東

越西吳各離羣安得春風吹蘭臭青山病起掀高雲

白苑詩集

卷十六

二十七

哭十一姪兆院有序

姪字完阜為鼎傳六兄之長子生而丰神秀朗懷

抱恬澹余於諸姪中尤鍾愛焉楷書精工文詞雅

贍自弱冠列邑庠方期上進乃去年戊戌之冬一

疾而卒族里悼之兩遺一子亦殤余擬哭以詩因

久卧病輒弗成稿至今年猶往復不能去恐其人

之遂湮沒也追憶形容率成排律二十二韻庶幾

人亡而詩存尚可想見之歟

玉骨何須琢冰心不受淄偶揮書翰手常吐瓊瑤詞澹

泊無人事英華有妙姿芹香傳五葉棟蓼並連枝孝友

因心則文章見羽儀下與鷺郡伯臨點動官師昔武昌太守彭公官

府器豈是世間兒過苑閒依竹登山或采芝頻來含笑

語別去繫餘思素履白雲合空懷皓月隨諸郎三十好

愛汝獨專私詎料金風節偏摧玉樹枝初聞嘗饋藥沉

痼竟難醫老父傾珠掌清閨裂翠眉傷哉長此逝已矣

更何之送子出邛壘行人洒涕淺招魂愁不到入夢杳

無期舊帶懸芳佩新毫漬墨滋牕螢光隱躍谷鳥怨淒

其黯黯秋蘭圃蕭蕭春草池平生希贈答太息傷哀詩

遙和呂寸田汾陽送別感舊之作有序

白苑詩集

卷十六

二十七

余甲午再過太原及秋杪將辭方伯朱公而往秦

馬會臨縣令呂廿四碩亭與兄寸田促之以去寸

田迎至汾州郡城汾陽令宴留數日乃同之臨居

月餘病甚寸田親煮藥調治於愈冬十一月寸田

送三百餘里渡之汾陽故主人又宴留數日將行

寸田以駿馬雕鞍執銀瓶玉醖餞於郡南關外五

里佇立車前不忍去乃太息曰萬里之行千秋之

別在此一杯酒耳相與淚下余行數里回盼寸田

猶立馬槐柳間已而大號泣而去風景淒然余每

憶之令人腸斷後寸田丙申重九後五日重經分

手處感舊有詩云汾陽關外三槐樹司馬城邊折
柳橋昔日故人分手處於今木葉正初凋雲峰書
屋歸來好海嶽游踪望去遙增我相思兩行淚離
鴻不叫也魂銷今雨夜接讀此詩益不禁涕下潛
然時二月二十四日也明日依韻和之並還寄寸
田

萬里同行汾水渡千秋別去灞陵橋別後遂
入秦晉祠柳色應
回綠楚客楓林復幾凋路遠詩歌何處到山深風雨故
人遙金鞍玉馱空搔首老病江淹恨未銷

即席贈十七弟亮采開惠並廿一弟

白菴詩集

卷十六

二十一

清華如大阮蘊藉有廉隅典禮承先則文詞啓後模金
螺梁月滿玉塵袖風紆數日連招飲荆花共醉舖

贈十八弟畫堂開錦

肫肫十八弟開我即開門備僕愁荒遣兒童喜客奔亂
書堆滿案良醞坐傾尊更喚同懷侶廿三從容且細論

贈廿五弟仁表開慈並十六弟開怒

老成初謝世故館有遺經季弟勤紘誦諸兒肅典型庭
閒生事拙市雜道心寧二妙留梧棹猶聞舊酒馨

食蜜歌答賀三遜元占魁

我昔覽古傷心情窅然魂散齊州城海神嶽靈走雲駢

玉女手調百花精癸巳十月病滿
南北食蜜之始百花之精蜂釀成甘如醴

泉香瓊英日食倒傾紫玉罌沁我臟腑生光榮中有花

氣蟠氤氳涵涵筆端五色文古巖蜂房萬木菜仙壹佛

國花紘紘萬里主人並慙勤連年吸盡三千飭歸來一

卧青山雲故人天濶鴈離羣秦中丞藥不聞乙未撫軍
畢公賜補

心丹二料故
在陝得無病臨縣鑪鑪隔河汾甲午病臨縣呂仁
元親為煮藥調愈吾鄉爛熳千花

村萬蜂爭採供鯨吞去年早荒草木熏窮餓那復貪清

芬即今五內焦如焚呼能療者惟賀君

萬蘭溪過我信宿臨別作此送之

疇昔班荆處因之繫薦蘿非緣會面少自愛素心多遠

白菴詩集

卷十六

二十九

道重相見高懷奈若何茅亭好明月得暇即來過

附

送張子白

書贈白純學長兄

海嶽游久

弇山畢沅



附

送張子白純讀書青山序

淦川王雲翔同知

張子白純余昔令於蒲時首得士也與其弟伯翹才皆天授可謂於道而白純幽懷奇氣更獨往獨來於今古之間聞其四五歲時與羣兒嬉遊見天際白雲中心獨與之會自闢茅山洞懸燈於荒榛古岩擊石乳松子以自飲食或夜雪深三尺澄脛山下人不得一問或登青山黃山之岡以望雲氣家人杳不知其處丙寅從我遊匡廬迄九峯日暮眾且倦怠白純獨鼓餘力歷天華五

王序

老登造極頂至人跡不到之地更從余大江東下縱覽江南諸名勝白純以為觀水不達海不足以窮會歸之大遂以扁舟獨遵海南朝夕觀海氣盈縮出其胸次與浮波日月互相吞吐旬日乃返此年遊踪北經洛陽徑入嵩高南涉沅湘徘徊嶽麓其所作祝詞賦騷多於舟車成稿不事做摹動與古合蓋欲囊括山海使足跡所至皆有文字碑碣焉既而悲古人之不作量才力之未殫息轅返轍計築室青山以卒究其業余感而難曰凡物之儕伍於眾者無以發其蒼幽瀟散之趣登高望遠之情是以語時易而道古難今白純於山見匡廬嵩邨之

高於水見江漢河洛涯海之深於古蹟見黃農商周
孔僂釋之異於文見六經諸子秦漢唐宋稗官楚史之
繇亦云盛矣惟其幽懷奇氣獨往獨來於今古之間故
其得力之深而寄思之遠也向之以文字知白菴者於
余而外有制使德公中丞崔公晏公學使張公諸人今
皆不在楚而崔公晏公復後先去世予以一官浮沉江
漢今亦養親歸里白菴不求人知諒亦罕有能深知白菴
者嗚呼不歸青山白菴其安適乎則又與余相始終出
入焉昔司馬子長遊覽名山大川其為文雄視千古董
江都下帷足不窺園學問以臻純粹白菴於斯二者其

附
王序

二

其兼勉之矣蒲圻山水所產秀傑日出余向所開龍門
書院白菴曾講習其中今更為偶聚相與陶薰必有成
就古稱藏之名山傳之其人者其庶幾焉余深愛蒲諸
子之材更樂觀其後白菴豈得獨善其身也哉

附

次白菴先生見贈古詩一百二十韻即以贈行

耘溪兆騫編次

大興朱珪禮部侍郎

白菴天游徒骨勁不縮胸掛膺古錦囊收籟萬竅速投
我干言詩天輪轉腸曲孔楊羅兒孫風騷俛臣僕鼓儻
怯敵勃脫局耻不復聊躡金玉音楚然蒼空谷憶昔丁
亥春廉車初輟陸楚材集國門送我軒蓋屬周諏及遺
賢何人書滿腹孝感胡太史舉君一夔足蒲圻老經生
雙美文行獨傾城重一笑抱璧忍三災丁亥三月子將
之楚泉任楚此

附

官京師者送余西郊予為兒時訪我聞藏諸心恐為
名師胡太史紹鼎首舉白菴以對
蒙求瀆滔滔江漢紀箇籛盈翠澳雞鳴駕兩廣左右六
十幅豈伊千里鴻不肯沁潢宿採風於有司搜秘黃茅
麓郵筒發異書夜讀跋高燭篇篇鳳皇髓天外垂弦續
秋落洞庭橙春釀襄江綠靈光蕩空青地功巧迴腹醉
心真文章大觀富海嶽如何驪睡酣不薦雉膏熟開元
感詩科李杜偏局促小雅嘆嘉賓蕉下鹿空逐况聞邛
園高無意芟帛束思之不得見經時感涼燠訪白菴著
於蒲圻
今得其詩古時文葉賞欲
絕時君館於他邑不果見斐然少微降光射蛇山隲倒
屣出迎之懸榻穿朝昱長揖不暫留奇文不盡讀行將

館鹿門可以避歌鳩遠懷者舊傳高節庇鄉族相望梁
父吟相思風雨夙君來一謁即明年我去楚手書致珍
玉坡陀踰太行別袖難再握回首夢行雲何當搏羊角
經嘲子雲元筆感昌黎禿契濶歷五秋避鴈斷遙矚辛
卯歲逼除寸札驚三覆知君客邯鄲星火發報牘井陘
道匪遠車轄勤膏沃待君獻歲初春醪煖游躅函丈虛
舉比日夕傾黃鵠渺然莫遺音卜筮勞神告行人迂修
途薰風改惠淑垣曲及浮山走檄趣蒲穀辛卯冬季得
有杜顧意喜甚馳赴迎之虛師席以待者半載後夏五
開君往游西嶽乃屬浮山垣曲而今數越以來夏五
接塵尾涼軒罷新浴勸君且夷猶敢云鳥擇木兒輩曠

師資荒嬉甚醜毒醴酒為君設權輿謹夏屋澄波祛鄙
吝亦以砭子俗掉頭不我許塵耳洗一掬自言山中人
霜林飽清謾雲物相欽吞山鬼拱威遯脈望老篋筭欠
伸厭經塾浮名等蒼狗玉石空碌碌逝將捨之去放浪
逐儉牧平生志山海兩戒劃起伏腰佩五嶽形洞天訪
玉局升中始蒿少太極氣亭育蒼茫緄氏跡胎蠻誰敢
躡均州凌紫霄上界遺榮奪作賦金殿中元嶽闡秘錄
南帆望九疑三月味忌肉咳唾祝融峯冰葩淨火欲五
更瞰雲海金輪晃頭目剛颺掣毛骨萬仞疑坻副手摩
岫巘碑御風下翩翩及茲事遠游空囊匪干祿鑿空豈

博望西顧塞葡萄嘗聞太華削玉女掛梭抽蓮花萬丈
莖倒茄上馥郁束腰攀金絙猿鶴愁絕穀高哦撼參井
斧石鏡銘祝垂手釣巨靈赤脚跨白鹿心如放纜舟肯
作刻鵠鴛我遊方逍遙君幣且改卜徐徐援而止溽暑
稽行簾午餐華冰爪宵禁隨飛蝠庭花淡笑葉野實登
梁菽白盤幾中天蟋蟀鳴墻墤攀援到兒童鄰德情自
睦酒闌肝膽吐龍劍離掘獄稚川乞勺漏子陵避文叔
舉杓北斗低晞髮扶桑沐揮手將告別輕裝束衾褥出
處雖異執古義為我最經術布絲綸曲學戒欺誦游履
嶽已三逝齒旬逾六此願幸無違歸老絕尤讎鴈門古

雄塞時平箭韜箠清涼文殊臺天乳供糜粥五峯如五
幢後貌蹴猛勳其北為恒山黑帝威肅穆秋高吸沆瀣
兩舉眉伸頤嘔夷與溥沱分溜岡脊蠹率然一掉尾窮
奇走脫楷東去觀滄海蓬萊款仙籙岱宗闕雲根古轍
九皇軸遂撰曲昇著歸種君山竹尋河或入秦溯江復
望蜀卷懷青園中雲泉看噴瀑山經章亥步水怪靈威
匱氤氳集虛牝縹緲出霧縠讀書和秋聲耕田及春霖
庶幾葛天民樂此桑榆旭君自五月至暑藍桓百餘日
留之不可將以中秋後登我聞起三嘆佇立正冠幅方
五臺恒山取道東嶽而歸今羅八紘中黃建大燾廣張鈞天樂流響逮琴筑子才

老而粹華實備溫肅倚彼幽谷蘭鬱為通國馥明光需
著作無為去忽倏野人茹藿葵猶思獻暄暴豈有龍火
文不登九章服三年大鳥喙百尺鮑桓縮會見轟雷霆
驚聞叫鷓鴣何宵杖有輝此日巾且漉章天亘紉縵麗
土播與或嶽貢而川珍斯文信厄薦勉哉三不朽永綏
君子福

題青園書屋并叙

蒲圻白蕤張君讀書茅山之幽行高而文深頡頏乎
古人而兩忘萬物行隨雲氣蔡然見其山川乃躋武
當蹴祝融闕太少之室懸絙束腰西攀太華之尖北

附

四

陟五臺恒山東睇日觀江淮河海若鈎帶乎厥趾蓋
有年矣雪然嗒然曰噫是其瑰奇奇蕩不越吾青園之
樊將幡然休乎故山朱石君聞之曰君之游約矣至矣
蓋仲舒三年不窺園而子長足跡徧天下鄉衍大九
州而化人觀一芥自其外者游之將萬漏而一掛也
自其內者游之則雲夢不足帶也今茲屋也雲洞覆
其上蚺然而白虹翔水洞環其下謬然亦玉乳瑋黃
青之峯屹如夔闕千屏萬几攢環而駢列亘百餘里
君率鄉族之秀巖者朝哦夕肄何歧乎草元之廬而
通德之里也雖然君攬江山之逸氣博涉數千卷為

文章翹乎一世而不一當於有司乃放乎汗漫之游
而返乎沈澗之居方今羅羣雅搜逸書老師宿生蒲
輪連車君雖逃空虛安得常羊乎純川而以青園老
也乃作招隱之詩以廣之其詞曰

青園之東兮連山礪礪君讀書兮曠初升春鳥鳴兮山
丁丁山中兮誰為朋青園之西兮洞庭滌滌秋風瀟
兮擊桂櫂君讀書兮秋月照山中兮窈窕青園之陽
兮喬松棟天盛夏孔楸兮葩林爛爛君讀書兮蹇芳蘭
山中人兮癯而仙青園之陰兮般虬窟江漢滔滔兮白
日汨君讀書兮映山雪山中人兮粲華髮青園之上兮

附

五

雲濛濛洞翫翫兮裊空君讀書兮穿雲櫳山中人兮心
冲融青園之下兮水活活洞綠繞兮鳴環玦君讀書兮
枕且啜山中人兮忘饑渴

甲午冬贈白蕤

獨向環禪放脚行峰頭海角徧題名三車書擁巾衫古
五嶽歸來杖屨輕玉塞招魂寒月色鈞天作賦殷雷聲
從今鶴舉凌江漢肯戀恒沙印淺清

次韻東白蕤游恒山

白足參禪地五臺禮青原吊可敦青塚欲尋千古蹟
何意五侯門雪滿西隄外天高北嶽尊錦囊今綻否春

草漫銷魂

題授經圖

偃仰青園不計春
遨遊海嶽得天真
畫師難貌蕭疎意
便腹原來絕點塵

暫別應教十日思
雲鴻千里尚徘徊
一經東面平生願
記取春風匡鼎來

接白菴家報東寄

雲在碧山洞花開
春水魚從今空五嶽
更有枕中書

曹光祿席上賦詩送白菴先生即題之汗漫游圖

附

六

河間紀

晚歲禮部尚書

不謂吾曹飲斯人
肯見尋鬚眉留古色
天地入孤吟寥

落塵中跡蒼茫物外
心寒暄鄰未及先自
話登臨

踏徧天涯路燕郊上
古臺一叢貯山水
雙屐帶莓苔問

子今何適云余是偶
來孤雲無住着野
鶴任徘徊

珥筆金華殿飛騰畫
馬揚美人弄蘅杜
秋水隔瀟湘風

雅寧殊調雲龍且共
翔他時清夜直應
憶孟襄陽

癸巳春分前五日白菴先生見過同年紀學士即

席賦贈因次其韻

汾陽曹學閔

慕堂宗人府丞

長年人海裏幽賞渺難尋
此日來高士于茲得雅吟
飛鴻塵表跡古柏歲寒心
把袂聽君話江山几席臨

振策過邊塞迴鑣歷相臺
高情殊發越幽意近莓苔
結念青霄上題詩翠壑來
一叢富今古展卷更低徊

座有元龍侶高談氣轉揚
相逢傾五嶽忽憶接三湘
野鶴歸何處孤雲自遠翔
琴尊聊復爾西圃趁朝陽

甲午九月贈白菴先生

上海曹錫寶

御史

歷落欵奇張白尊遍游海嶽
剩閒身篋中惟有殘書在
到處長看勒石新盡拾烟霞
歸白髮欲憑才力奪洪鈞

飄然一羽雲霄外嘯傲方知富貴真

同官客舍喜逢白尊先生

無錫嵇承謙傳研

附

七

誰似先生汗漫游
空山足繭幾曾休
靈竒嶽瀆供題句
荒僻村墟攷事由
助興人多資僕馬
耐閑天與轉春秋

關門紫塞留君住
瞻拜軒轅得道不

次韻奉酬白菴先生魚以送行

朱丕烈

給事中

洞庭之水衡山雲
落我手中何紛綸
先生楚材不晉用
去來飄然鸞鶴羣
適來菖蒲生九節
去值菊黃秋九月

去來飄然鸞鶴羣
適來菖蒲生九節
去值菊黃秋九月

去來飄然鸞鶴羣
適來菖蒲生九節
去值菊黃秋九月

去來飄然鸞鶴羣
適來菖蒲生九節
去值菊黃秋九月

去來飄然鸞鶴羣
適來菖蒲生九節
去值菊黃秋九月

吾家南崖苦欲留白頭只愛青山髮昔於武昌聞義隆
今一見之果趣同嗜痴成癖殊自咲好竿鼓瑟又乃公
公鄉明卿詩七子行已有耻可謂士吾言曷足繫表揚
志其汚泥能不滓昔并明卿先生遺集詳其不阿分宜之事長句投我先懸
黎文章交道貴棄瀛他日若共探禹穴莫嗟少見多別
時

濟南喜晤白菴居士即以贈行

任邛李中簡七園編修

放懷五嶽行萬里高步禽向兼有文踵門不煖賓客席
掉臂自入麈加羣歷亭邂逅見青眼楚天縹緲橫白雲

買舟南歸定何日漢皋九畹秋蘭芬

白尊先生歷過衡恒萬華偶過濟南將遊泰山以

完五嶽之願因作七律六首贈之

長白國 秦杜齋

柴車縛就走西東久別青園俗慮空不為玉漿尋少室
豈緣寶露訪離宮衡山有寶露壇三年那肯嗟游倦萬里何曾
泣路窮攜得巾箱圖好在未妨踪跡逐飛蓬
北極遙遙不計程飄然更出受降城疲驢破帽空還往
塞月邊風自送迎高碣獨披青塚草寒烟遍踏黑山營
撰奇眺罷常山脊又向清涼頂上行

白帝三峯倚隴西東腰懸絙上鈎梯高崑直把茅龍跨
巨掌平將竹杖攜環珮濕雲曾作贊君刻贊於玉女峰芙蓉揺雨
記留題南峯金天宮石壁勒銘拂衣汗漫游何處鴻爪東來印雪
泥

小住齊州倒醪醞尚違青帝乞仙靈蘓公曾訪蓬萊閣
杜老還登歷下亭客裡逢人誇勝蹟病中搥筆補山經
濟南名士知多少獨為先生兩眼青

側身南望泰山尊朝暮煙濃萬象昏誰向朔風凌日觀
獨將蠟屐上天門白雲起處秦封在青簡擬時漢策存
地主最憐朱太守早懸陳榻待開樽

如此奇人那易求乾坤莽莽入冥搜單車雨雪歸寒笠
五嶽煙霞攬敝裘大地直窮章亥步高風宛續向禽遊
愧余亦負名山志束縛東藩不自由

贈白菴先生

葉佩蓀辛攬布政使

落拓遺榮出大荒閒心聊為水雲忙身行萬里復芒屨
胸貯千秋一錦囊剝破天門供遣興嗟追楚塞勝還鄉
咲誇老未成蠶繭免使絲窠自裏藏
白菴先生高士也逸民也學貫古今性耽百嶽原
係普陀籃中金鯉化生與余有舊因別依韻荅

之

徐浩 此為李道

蟪蛄五夜感秋懷魂夢不識從何來瞥見當年南海伴
欲踏五嶽淨風埃吳天雪笠我將去楚地香鞋與君揖
君詩多嵌古般若誰為歌兮誰為泣傷心近在水晶寒
蓬萊歷劫焚諸山一任月明空大界千年小別不知還

壬辰十二月送白菴先輩遊恒山

蕪去疾 國公編修

若虞十一月帝用翔巡狩當時七聖迷積雪阻大茂飛
石墮帝前恭惟獲神佑至今曲陽祠尚合安王寶子今

附

十

涉歲終往盡山石瘦當令重雲開莫直羣虎守東峰最
奇麗通元寶仙圍我曾重九登雨止日旋漏呼吸通帝
座天風弄長袖只言冬路斷誰知子能又

和葉辛麓韻贈海嶽遊人

若士何年好遯荒自攜瓢笠逐閒忙詩成東海探空袖
夢著羅浮貯一囊矯首青天通帝座杖藜白髮老江鄉
咲人終日行平地五嶽歸來善退藏

乙丑留雲別院奉酬白菴先生

巴陵許伯政 石雲御史

東來孤鶴坡仙夢倚月南櫻笛三弄塵網羈人嬾獨醒

白菴豪士眼難青獨寄長歌別機杼片石嘲人誰共語
紛紛時艷題黃絹琵琶乞食歌姬院碑旬玉虎吼秋旻
少陵佳手開生面讀之颯颯來秋風蒼茫江水愁青楓
應惜清幽人不識夜深江月浸虛空

贈白菴月長先生

大冶柯瑾 馮事

造化有奇氣川嶽全所秉雲物幻崇深大塊文章炳文
章人之能氣蠱衡華併鬱勃心胸開拓登臨頃我友
張白菴游跡龍門等茲踞華山巔從容沐浴井笑殺韓
昌黎惟怯泣層嶺詩成積卷軸求觀時造請氣象纍萬

附

十一

干休我鼻息屏憶昔少總時小試角新穎神為惠連殫
况君尤雄獷自并采芹來文譽日超迥手君戰藝編珍
逾古敦鼎相望歲崢嶸光艷燭鄂鄂富貴草木朽山林
俎豆永窮愁庸云成妬君天獨肯話舊載追歡與豪數
醪酌試探胸中奇百文窮修綆贈言攄積憤珠璣落款
馨品題及豚兒着手摩其頂荷歟萬石鐘聲乃發寸蓬
尋味非常言餐我以溟濤行看東岱去轅駒覩躡影百
年強半身太息負流景

會慕堂招飲和白菴先生韻

孝感胡紹鼎 牧亭御史

天下人文託翰墨我願擇言為避席慕堂是日啓華筵
大地無端聚過客客有列子能御風真見五嶽如三公
一言得意古何異四海知名今所同不借評題稱佳士
愛爾川流與山峙回頭指點天邊雲先輩沉吟柱下史
衆談到耳忽改容海水笑起千萬峰遂有波濤出喉舌
豁然蓬島生心胸我為書之夫何有欲吟不吟杯在手
華山蒿蕪青作花漢水蒲萄綠於酒人間去住若飄塵
天地元氣自相親座中江東老畫師畫之可識何如人
酒酣擊節嘆且唱東南雲散月初上他時攬圖話古今
人生不解何惆悵

附

十二

和紀曉嵐韻贈白蓴二兄

客游鮑海嶽嘉會此相尋花下三春醉人間萬古吟風
塵隨捷足山水寄同心莽莽飛光濶天涯共照臨
萬里艱虞後凌風立古臺空山留片石老樹上新苔百
卷閒中得孤雲何處來夜闌詩句好吟罷獨徘徊
西風吹薄暮帷幕盡飄揚擇土寧為嶽隨帆又轉湘場
駒還信宿海鶴自翱翔話別歸何處東游向洛陽

贈白純先生

平原董元度

奇盛
編修

楚國奇男子昂然古貌蒼乾坤雙蠟屐海岳一詩囊汗

漫從吾好遊即故鄉向平待婚嫁瑣瑣未全狂
足跡遍天下馳驅未息轅應知酌夙願直欲溯河源策
杖尋樵逕磨崖記爪痕倘教逢杜五一笑各忘言

贈白純先生即送南歸

洛陽李

燕
濟東道

滄海雲端侶青山洞裏身欲知天下士如見古之人五
嶽心何壯單車路不貧東遊欣把手斗酒莫辭頻
蓬島臨初日嵩高帶宿雲春風天外到古調洛中聞薄
海供車僕秋高悵鴈羣南歸江漢望黃鶴影斜曛
白純先生自蓬萊來遊泰山雪中枉札見招答以

附

十三

是作

長白朱孝純

小漢
運使

先生恥與常人儔獨有山水為網繆一瓢高挂五嶽影
萬海坐看孤雲秋神來名汝豈其妄先生夢嶽
帝名作賦我欲從
之焉所求歲寒皚皚冰雪盛將服農事依東疇

曹光祿招飲席上喜晤白純先生

新安程晉芳

魚門
郎中

五嶽經行遍於茲暫息肩春中宜把酒座上各華顛在
筍藏碑富當花得句圓時時徵故事多出漢唐前
楚材餘鐵幹不受匠裁量獨往山懸榻孤吟月過牀真

溥見顏色勲業付文章又曳筇鞋去江南春草長

喜白蓴先生見過并示遊山諸作

汾陽曹錫齡

受之編修

書齋漫說富二酉山水清音竟何有朝來灑掃開芳筵
趨庭喜謁龐眉叟古貌自與邛壑宜足跡由來無不之
尋幽早覽東南勝興至還探西北奇秦晉封圻古迹留
青塚白登皆荒圯新編紀載寫歌哭壯志更欲凌滄洲
乃知好遊亦有道奇氣勃發騰三島邊風塞月一詩囊
世俗酸鹹殊嗜好先生信是絕俗人向長禽慶今其倫
他年青鞵與布襪同向江南一問津

附

十四

送白蓴先生遊岱次見贈元韻

桂林胡德琳

書集知府

高風禽向古來傳瓢笠如君更灑然驢背獨衝青塚雪
豬肝不累故人筵錦囊磊落三千首銅狄摩挲五百年
肯訪仲連天下士穹臺落日望中懸
塞外新詩萬口傳新來海上興飄然二勞風雨歸筇杖
三島煙霞到几筵若木扶桑初見日秦松漢柏不知年
恰逢地主賢朱邑五嶽圖成四壁懸

贈白蓴先生

秋道吳

鎮信

知府

朱小淇太守為先生繪五岳圖

張子一何富胸羅萬古春傲然遊五嶽一嶽一白蓴名
山恣漁獵造物為之貧禽慶願已遂龍性當稍馴出多
知彌少名者質之賓余亦好遊客贈言聊自頌

次白蓴先生見贈元韻

沔陽李堂

青菴知府

夙契緣燈火雄才壓楚吳乘風馳六翮破浪問千壚白
雪高難和青雲色不孤莫教寒夜永夢想到尋湖

贈白蓴先生

秀水陳景淳

青菴知府

無懷榮叟亦巢由却逐龍門作壯遊眼界應教天下小

附

十五

心期直與古人儔高吟海嶽三千首獨擅風騷第一流
九有待看屐齒通歸來長嘯楚天秋

和白蓴先生見贈元韻

李友洙

瑞夫直隸知州

蕭暑邀芳躅來從玉女臺共譚鶯頂勝言采藕花回詩
酒欣同調荆吳悵異苔素心愜邂逅從此日低徊

和白蓴先生見贈元韻

江夏陳正烈

西峯同知

去年此日共栖遲聚首天涯事果奇旅次暫傾知己酒
塵途喜接故人詩楚關鴈塞情何極宦海仙嶠路各歧

借問迢迢星漢使可能分得半閒時

莽莽孤城道逶遲與誰朝夕共談奇青山有約曾懸榻
烏帽無情竟乏詩秋至最添鄉思遠交深况值路迷岐

一樽樂酒還堪飲莫厭風塵異昔時

丙戌中秋疊韻再呈白莚先生

雲夢李元奮知立夫

白莚張夫子憂道不憂貧敝簾一千卷長鏡五十春空

谷宜求友名山且待人平生鷹隼格終久出風塵

乾坤雞鶩滿獨有古人踪百畝全荒穀孤山老種松文

章悲正則湖海識元龍白眼從來慣逢君為改容

附

十六

惜別連宵坐中秋露氣清遠空浮月色高樹落蟬聲詩

擬王摩詰游憐向子平并州西去路遙憶漢東城

蕪州賦送白莚二兄歸里

應城程大中奉時

歲晏星帆急寒江起暮愁思親雙泪眼送子一虛舟計

拙貧常在時豐酒易謀清尊聊共對莫負見山櫻

潭市苦風雪交到客船傷心千里役轉眼十年前丁卯

季冬予與元亭送白莚於蕪潭市感慨成良晤因依及暮

天茲行殊不易珍重理瑶絃

衆妙皆騰上蕭條獨送君良時猶扼腕古賦最空羣好

句靜中得清名天下聞待尋青女峒暇日一論文

口占贈海嶽遊人白尊先生

潼關楊鸞知子安

宇內名山凡有幾收入烟霞復屐齒乘興曾衝塞外雲

凌空更泛蓬萊水先生海嶽之游人確詞奇氣何嶙峋

客星天上知君是卜肆我愧非嚴遵

觀白尊題石

巉巖絕壁風倒吹摩崖書此瓊瑤詞水底幽盤龍螭

河宗擊鼓舞馮夷先生擲筆神融怡上薄秦皇羞李斯

雨淋日炙苔蘚滋百代而後知為誰

附

十七

聞白莚先生岱頂度歲作賦三千餘言小詩奉寄

謝洙運同

張君遊五嶽瓢笠任朝昏不覩滄海濶焉知泰岱尊聞

雞登日觀騎鹿下天門倘遇方瞳客新詩好細論

贈海嶽遊人

三原劉紹攸知九晚

屈宋才超古精神烟客星驅馳六萬里憑吊五秋螢北

逐關門鴈南尋座駕銘橋陵勞夢想中道接芳型橋陵

賦道

畔君湖海士意氣薄滄溟勲業書千卷行藏酒一甌陳

蕃懸榻下康節小車停持此追風雅漫言浮梗萍

屢讀海嶽詩文元明以來所未有也次韻奉別

詩與文千古徹斯孰與歸名成歸戀麓風雨一蘿衣

白純先生攜姪見過即和見贈元韻

惠安陳煥世

山驛風兼雨何勞長者車胸懷周海嶽著作本詩書燭

跋三更後杯街六載餘來游偕子弟雅雅復魚魚

呈白純先生

潞河陳河圖

荆楚盤礴山川奇中有矯矯絕塵安與世澹然無所忤

附

十六

一泉一石只自知欣聞五臺臨晉地蠟屐匆匆恐後期
直北常山三千里飛石窟產五色芝逸興遄飛不能禁
欲造其巔勞敢辭五臺峻嶒接碧漢白晝吐氣如風散
相傳北嶽危峰上西嶽蓮花遙相望誰能更繼謝東山
歷遍巉崖凌眸放先生慕古古情深氣驅風雲何自壯
曾聞絕壁仙家宅眼底千年直一擲柯爛一局猶未終
秦漢紛紛如過客先生來往晴巖巖巖坐流霞嘯空碧
又聞空山多高士視棄富貴如敝屣著書刻苦待傳人
未許流俗輕一視先生倘與邂逅逢此心相對真如水
憶昨驅車太原路山色有無間朝暮倚劍清風快凌霄

下車得與先生遇古貌照人人不疑春風藹藹披玉樹

有時下筆濂千言黃河奔流蛟龍怒有時桑落百壺傾

高談壯遊神采露甫得聚首醉醇醪忽欲躋攀躡雲霧

秋空萬里雲路迥四垂澹沱環太素秋風剪剪拂我衣

芙蓉朝露露正肥此去偏告隱君子

天子求賢正如饑連茹兆成蒲輪迂曲高不嘆知音希

酒酣昂首望晴漢鴻鴈相依仍北飛

呈白純先生

潞河馮秉乾

蒼蒼六合一色碧五嶽去天不盈尺翔鸞欲度愁峯危

附

十九

白純先生遍驅策先生結廬青山上恬退不獵聲名籍
日誦古今萬千言氣吞雲夢八九澤攜尊最愛山嶽崎
蕩舟直下江瀟瀟湘南攬古尋幽嘉北來又復勤精覈
攀繩太華酌蓮漿沁入詩腸金石擲憶昔從游江漢澗
詞源倒峽驚儒碩於今五載重摻袂如坐春風傾瓊液
三關月明桑落酣深宵剪我榛茅積乃知神仙不易得
先生有道標奇格山間江上清風饒取之不用一錢索
卷軸隨身車轉蓬嗜古沉吟身忘客千詩百賦揮健毫
大珠小珠落瑤席秋中欣共天一方杖策忽驚車北適
五臺五峰高出雲清涼絕頂文殊宅恒山秀峙亘朔野

霓裳寫蓋拱燕壁此行逸興相蕩摩塞鴈飛鳴佇簡帛
我生牛磨若重遠安得霄鵬附風翮及時行樂天地寬
遠矚萬古羅胸膈

送白莼先生游五臺恒山

大興朱錫經習之舉人

白莼先生生荆楚翱翔衡嶽臨江渚登高一嘯小乾坤
壯觀五嶽凌今古興來忽欲傾西北獨騎輕裝走四國
纏腰直躋太華巔秦晉封圻連絕域憶初樞謁樊城道
笑語溶溶豁懷抱退然貌若不勝衣中有奇氣吞三島
壬辰之夏先生來秋高拂袖登五臺北接恒蛇掉昂畢

附

二

風雨怪物心神開人生萬事如車轂白石青嵯且行樂
自非讀破萬卷書何能不負山靈約嗟予小子學孤陋
問字談經開心曠濂溪春風復幾時晉陽夜月光如晝
如何便欲歌驪駒回頭南望誰與俱焚膏飽讀三十年
再得從遊青筇扶

送白莼先生游五臺恒山歌

宛平史兆蘭著言

我聞五臺名清涼環五百里何蒼茫上有五峰之嵯峨
下有五溪之洸洋七寶珠樹吐紅芳五色仙花錦繡香
獅子窩內文珠現圓光烟爍青雲房佛燈夜放金銀氣

渤海早見明霞光又聞鎗峰之南玉華北三千九百恒
山突西峰空出琴棋臺下視諸山如攢戟龍吐泉兮夕
陽巖虎吼風兮飛石窟白鶴化女唱春波紫芝如雲香
秘醇石脂膩滴五色紋煙霧來去何超忽仙境難尋復
易迷朔地多寒冰雪奇赫赫六月苦炎曦五臺恒山冷
入肌萬年冰積東巖高萬松翠雪光參差行人駐馬不
敢上聞者唏噓嘆復咨遂令名跡峙蒼穹寂寂星分希
品題壯哉先生真不羈嘔嘯四嶽窮攀躋風吹仙裾落
汾水欲適二山清詩脾不畏并州雪花大於掌且喜行
當九月我我千里惟琉璃

附

三

再送白莼先生

夫子真個儻逃名天下聞揮毫追古調託跡引仙羣涵
泳人俱化風塵草亦薰將歌楊柳曲渺渺望高雲

贈白莼先生

錢塘陳宣望州

離家三載久游屐一生俱放眼乾坤小長吟山海孤入
林聞梵唱釣水拂珊瑚剩有吟情在春歸喚鷓鴣

贈白莼先生

吳郡王錚知縣

古懷諄薦興蒼茫江漢英靈海嶽光碑碣鏡天超歷劫

雲濤滿地入攜囊長途作伴書千帙歲暮相逢酒百觴
冰雪崢嶸渡河去南山賦手定誰強先生將有終南之游

送白菴先生歸蒲圻

新安呂公路介亭

良會一何晚更當分袂時塞風初瑟瑟江草正離離
問僕留書劍因鴻托羽儀願為復赤鳥夾日與逶迤
淚逐渠江水紆延送客腸不知今夜月何處是家鄉
冷露凝村樹寒風過野塘梧桐西掖近惆悵此鷺皇
客向邊城去詩當岐路吟青山望不遠白鶴意俱深
榻靜無塵跡窻寒有素琴春風歌伐木回首聽佳音

辛卯除夕喜白尊先生再來橫山

新安呂公溥仁元

柏酒介慈親爆竹弄兒子歌我除夕詞一堂喧然喜余舊
有除夕曲兒于書根忽有車輪聲轉轉至門止客自武
拍手作歌以娛才母昌城北走千餘里相別二十年相逢如夢裡
夫子上人何緣重來此將登太華巔到處詢知己所悲非窮通
所樂非文字落落數交情休戚關生死開我惜陰齋且
復憇行李秉燭披新詩焚香拂淨几高高青要山遙遙
洞庭水來朝正月初春風吹遠邇
遙哭白菴先生魚懷令郎耘溪世兄

逾年書未達回雁復啣來入手頻疑夢驚心忍自開余昨
冬託王力堂寄書斷木令力堂罷勝哀空有千秋志無從報夜臺
官歸以原函資回方知先生已沒故人知己沒遙望不

回憶數年歲祥符垂老時望門喜投止扶病夜談詩午庚
先生來橫山家力吟咏藏書洞徘徊夢月祠虎牢關上

去從此結心知禹魁村家帆出洪江口余歸自夜郎偏遲襄漢楫相待洞庭航丙
余歸自靖州侯先生渠水成新志鶴山開講堂先生父延

辛卯重來日荒村遍歲除座中三寸燭夜半一輪車戴附

月眠蕭寺看山藉跛驢陽巖登絕頂石上姓名書壬辰
同游陽崖各題塞外尋青塚嚴寒臘月天號咷餘慟哭韃韞共驚傳雪

走清涼頂冰登斗五臺巔磨崖復鐫石目署曰張顛
時勒五臺銘後五嶽遨遊遍蓬萊上海櫻神憐三日禱蚕結一天秋生先

伯海蓬萊閣為文詩風雅髯蘓擅文章腐史留東西兩方
海神得見海市伯李指朱石君先生生死淚交流

海內論知已天涯復幾人生離思見面死別更沾中燈
下詩吟細床頭藥煮頻先生病臨歿署余於汾陽城外

路一過一傷神分陽城南分手處

季子矯如龍追尋海嶽踪游踪幾過柴門邀一顧汾水

去三冬蜀道歸難定秦關人易逢時結溪入關為畢攝

徽舍親視否鵲血叫青峰其家山名

和白純先生五世進士歌并序

丙子余隨任靖州先生時為鶴山院長詩酒往還匪

伊朝夕庚辰先君子致仕歸先生亦返蒲圻十餘

年音問隔絕辛卯余客京師聞先生有五嶽之遊除

夕抵舍與家寸田兄盤桓半月而去比壬歲歸里先

生已入晉藩署中遙寄五世進士歌情意纏綿讀之

二十四

慨然有感和長歌一首用以抒離緒而荅厚望焉

新安呂公滋類事知縣

蒲圻居士舊知名千里一見渠陽城鶴山春風吹桃李

芙蓉池畔采蘭芙蓉池院敲詩論文興頗豪洞庭蒼

茫衡岳高自從刺史歸西洛十載音書悵寂寞我客都

門兩度秋白純驅車五岳游南登七十二峰頂西窺玉

女蓮花影遠出紫塞陟恒山北海島嶼指顧間太室少

室舊遊地惟有岱宗尚未至名山大川一覽收今古遺

蹟盡搜求輶軒載來詩百卷至我家園歲已晚有兄有

兄曰寸田剪蔬炊黍共流連海嶽行踪留不住渡河旋

向太行去比我遄歸雨雪涼美人不見徒徬徨驛使忽

然寄尺素千里萬里隔雲樹貽贈五世進士歌歌罷不

覺感嘆多上溯家聲重相勗差稱文獻說舊族太傅節

義振乾坤萬歷癸丑忠孝貽謀教子孫先孝子旌孝旌義

府清風傳御史順治辛丑司農康熙甲戌光祿康熙乙丑一時起侍郎

干羽曾格苗康熙丙辰三晉方伯名譽高康熙甲辰愧我不才博

一第

君恩先澤難承繼夙夜勉負所期天涯落落幾相知

俗事趣人風塵走何時花前對尊酒遙隔秋水賦薰葭

夢月巖頭月欲斜先志節夢月而生

二十五

白純先生將游華嶽重過橫山賦此奉贈

新安呂燕昭仲馬五隸知州

臘盡青要雪春生冶古槐忽聞有佳客昨夜武昌來行

李詩千卷江湖酒一杯相逢猶恨晚茅塞待君開

廿年纔一瞬此地兩曾經草樹新春色乾坤老客星輪

航南北路風雨短長亭折柳為君贈逢人眼盡青

春入秦關道西華色倍妍龍巖含赤日仙掌薄青天直

踞三峰頂高攀十丈蓮還期河鯉便好寄白雲篇

臨江引奉別白純先生

鍾祥杜光德如馬山兵馬司

秋湛湛兮江之沱有蘭榭兮維修柯美人佇立兮低青
蛾泊醴在區兮陳丹實送夫君兮榆柳陌風慄兮蕭瑟
日徂西兮天寥廓黯躊躇兮照顏色麗濤伍兮其詞申
中跛予望兮漢濱滌長流其東注兮啁嚶朝鳥而騫鳴
失比翼之翕翕兮爰悒宛於茲辰純鈞赤色兮龍虎脊
氣凌豁兮該洪藝厥有人兮矯羣立我思君兮繁憂意
逐文魚兮南浦伏幽豹兮露為雨春杳渺兮揚翠旗含
睇公子兮青山下

戊子二月病卧白菴二兄之襄陽停舟過我喜劇
而起即會同黃丹亭張亦櫻歐陽二瞻留飲半

日別去即賦

卧病十五日攬鏡驚以黃英雄氣索莫撫歎亦何長乍
聞白尊至使我意愴惶剌刺問老僕已知登我堂喜劇強
欲出顛倒牽衣裳一笑不須杖搖搖初離床白菴不我
信謂我如鷓鴣健骨壓凡質何以致羸厄躊躇一執手
軟語結中腸別來幸無故貧為士之常書策可自娛兒
女已成行坐定索山厨急為羅酒漿是時庭花發草木
有餘香丹亭切會友因之走跟踉傾吐既已深予並資
藥囊時黃五為子治病亦樓時在座九尺鬚眉蒼豁然得真趣
醉翁有歐陽精神令我作眉目生清涼仰視白日徂奸

待明月光白菴倏欲行逸興不可當一葉吹輕帆春波
溯魚梁襄陽秀雲木峴首青茫茫我乘三月來風徽吊
杜羊人事有他羈何以脫塵鞅且與白菴別長揖里門
旁眾友亦分趨動如參與商向昏下葦簾一鳥鳴幽篁
跋白菴先生卷後

德州魏夔龍甲辰

山有根兮水有源蜿蜒蟠紆自太古靈秀之氣安所紀
神庀工兮鬼運斧洪濛一闢天地破曾經幾人披蓁莽
古來文字盈縹緗望洋浩歎謹記取豈無疑團憚發難
附會穿鑿誰能剖千秋耳食疑般般管窺一脉免園譜

愛君遊游十年餘珥筆點勘齊諧書大千名勝歸錦囊
獨標信史壽太虛

題白菴二兄汗漫游圖即送由關里歸楚

聊城邵汝功壬辰

豈是無家客聊為汗漫遊放懷空八極揮手即千秋踪
跡並禽向詩篇追應劉壯心猶未減攬帶看吳鉤
雲水原無定飄然返故鄉一盃澆壘塊五嶽入詩囊能
鼓龜山操宜登夫子堂他時相望虞風雨滿瀟湘

汾陽曹夢齡中之舉人

元嶽神芝玉井蓮折來天外見芳妍入都猶帶煙霞氣
問道全無世俗緣漫說登臨饒逸興偏於山水得真詮
秦封晉域多遺跡盡入先生紀事編

贈白蕓先生南歸

湘潭何光昂

加亭都司

南游北涉不易得兼吐珠玉凌雲烟千崖萬壑待青眼
錦瑟年華海嶽仙君不見文字史公奇又不見詩句永
嘉好山精水怪縛腕下逸馬驚蛇洩君寶岳雲我疑挾
雙翼萬恒華岱齊生色三湘七澤倏相憶少文返結炎
荒室吾鄉風景亦奇特

附

二十六

呈白蕓先生

臨湘余昌祖

勸壽知縣

故園僅咫尺相逢在天涯會合原有地御李意還奢憶
子垂髫時聞名仰山斗常懷侍左右坐我蒼風有先生
性嗜古到處留芳徽足跡半天下樂爾幾忘歸放情窮
山水弗為名利縛自擬濶而迂先生作有迂迂識不濶
昔人羈一隅尚得江山助况君歷寰區因詩自然瘦愧
予學孤陋春闈三見則倘不逢國手誰與起其颯飄零
寄翔郡君適吊明妃惠我金玉句捧讀興舊薇從游雖
未得受矜已有機乍逢又修別悵望何依依

贈白蕓先生

郢中蔚

柱知縣

遊盡天涯未有期相隨一杖遠離離沉酣野店情偏壯
風雨河橋憊不辭海靜秋波朝列市公以秋游山留隙
石夜鵲詩名山鶴詩始通平生五嶽歸懷袖不為神仙浪乞師

白蕓先生以東海蓬萊銘見惠奉答

歷城馮方鄴

半平知縣

胸次悠然見古狂蒼茫雲氣滿衣裳攜來縹緲三山銘
敵作琳瑯百寶裝歷盡車塵窮島服騰開心跡溯鴻荒
相逢漫道蓬萊淺直跨蒼龍到日旁

附

二十七

呈白蕓先生

浙江吳汝霖

月樓舉人

先生三楚之畸人文酒跌宕全天真松姿鶴骨仙階秀
敝屣組綬誰為伶先生五嶽之逸客應峭壁窮幽蹟
吊古蒼茫輪足間新詩萬首書千冊我來漫遊客秦輔
與君邂逅欽芝字清言霏屑大炎炎足所曾歷口恣數
獨慚書生眼如豆徒矜捷戶求釘餌即令簪裾位岩廊
束縛形骸聞見陋安得隨君萬里遊巨靈巖屢恣搜求
勝情兼有濟勝具傾杯擲筆太華頭相見何遲別又易
君辭我去徒相思期君他日浙水西萬頃空濛挹蒼翠

讀白純先生詩卷歎賞欲絕即題卷末

祥符何綸錦山人

昔聞白純名未識白蓴面昨日寸田來敝廬示我白純詩三卷展卷卒讀回環往復中夜旁皇意不倦吁嗟乎白純白髮一儒巾疎狂潦倒全天真萬里遨遊走落拓單車輕笠起風塵天生白純有奇氣人世功名非吾志直將海嶽盪心胸睨乾坤小天地登高望遠心茫然詩古時時雪淚過青塚吊明妃念我故鄉人招魂與同歸登蓬萊觀海市十日不見愁欲死陳詞上告龍宮神神其有靈應鑒止罔象夔龍不敢藏遙空縹緲樓臺

附

三十

起始歎奇文奪天工白純前有蘓髯後張子詞鋒直割五嶽雲墨浪橫翻九江水吾愛泰山賦落落四千言七十二峰集腕下渾沌元氣供雕鐫詩力沉雄復豪放光怪陸離不一狀忽如鶴鶴盤天風雲翼飛揚神愈旺突如騏驎走疆場霜蹄蹀躞心猶壯又如彘鼎蘆葉羅中堂精華奕奕聲煌煌文章必得山水助奈何厄塞齷齪終老於窮鄉小子從游十二載河洛嵩邱渾不改雕蟲小技閱歷多對此茫茫魂魄駭吁嗟乎百川灌河河伯喜望洋向若轉徙倚乃知人生天地間細若太倉一粟米丈夫所貴身後名何為虛生而浪死白純之志在立

言百家騰躍鑪錘裡藏之名山傳之人他年寧恨無知己而我相思千里投遙憑詩句寄綢繆巫山湘水迢迢路何日從君海嶽遊

寄懷白純先生

靖州馮大賢五奉

天南地北重湖隔楚水吳山一志通飛嶺最高翹首望青山先生構擬出五雲中

和白純先生元日讌集韻

江夏李輝烈鶴壽

天涯把酒聚良辰冷署爭傳歲月新四座風流霏玉屑

附

三十一

一庭烟景靄陽春鹿門苑裡留芳澤鳳驛亭邊憶舊津為問江橋楊柳色依依還可繫游人

襄城喜晤白純宗兄先生

浮山司宗燾景軒

遙憶清光幾歷年相逢此日正怡然高風復見九齡度家學還瞻兩銘賢峴首天空秋月朗襄江波靜暮雲懸從茲聚首歡無極整日酣吟棠棣篇

送白純先生出塞

代州馮 郵

十月出關去蕭蕭落葉黃白登沙似雪青塚月如霜躡

履升恒嶽驅車入帝鄉朔風能不冷豈憚路茫茫

壬申秋仲白菴二哥重來玉照亭然桓旬日臨行

賦此為別

黃岡陳廷鈞 松山

清秋何處可為別一別愁人再別難此去青山天月遠
松湖水照人寒

奉酬白菴先生

天津徐壽保 皖寧

海嶽前因獨自尋半緣憑吊半登臨收將勝蹟歸談柄
指點名山入嘯吟嘉遁遊曾在昔古遺解后尚於今

附

三十二

何當共結湖山約尔我招邀學向禽

白菴二弟於楊花拙句若三致意者賦此寄贈並

索近作

同邑李 標如華

愁絕楊花冷遠天長歌懊惱淚潺湲相望賢人五百里
豈有才名三十年山簡好遊休爛醉邊韶老去只貪眠
更聞攬勝多佳句何日重論一拍肩

甲戌冬抄白菴先生枉頌賦此志喜

蕪州李必然 理齋

家住陂湖過客疎君來問我快何如不忘舊好十年後

猶是同心一念初薄酒竟添高士興寒梅欲放故人居
行藏底事都難定莫慮前途且著書

白菴先生以長句見詒次韻奉答

鄧尉山樵徐 堅

孤筇屢屐蹋榛蕪秘笈爭披五嶽圖奇興遠超千古上
抒懷曠入八垠無行來猿鶴如求呂到處松喬許與徒
待我真形張四壁微觀靖擬老樵藪

白菴先生示遊山諸作因次紀曉嵐先生韻 附一首

孝感劉楚峻 舉人

最愛詩書重逢君意氣揚清歌超八極遠韻出三湘策

附

三十三

馬將南渡歸鴻待北翔行踪休遽別日日醉高陽

贈白菴二兄

同邑潘星文 子真

秋雨迷天望未聞不見美人自徘徊那堪回首西樓月
別後前路已蒼苔吁嗟乎張子如之何我去窮途無消
息夜夜寒鬼哭山阿人在秋風把盞歌人生此去何地
好我若死後當為鳥天心若肯任東南才子手中天將
老吁嗟乎張子爾何怨哉昨夜夢到長安來長安路上
杜陵老秦東離亭醉後哀又不見海外夜郎千萬里鷓
鴒猿驚廬山隈

白純先生歸青山同社虹山李東石鄧二田黃小山高樸岩暨弟擔亭繪秋江送客圖各賦詩以贈

鍾祥黃如柏 茂亭

曲終人逕去勉強片帆留投紵珍千卷獻芹香一甌江樓霽月夕櫺嶺素風秋何限徘徊屢臨岐訂後游

李雲鴻 東石

片葉梧桐落素秋蘆花白水送行舟鹿門灘下孤帆遠
稿木峰前暮雨愁三徑葱青歸石室一尊浩蕩對沙鷗
聞君更有梁園興郢樹蒼茫望舊游 先生新有中州之游故望其重来云

附 黃如楹 滄亭

筑陽歸客住行舡忽復相逢別恨牽載酒花開初雨後
橫琴月下十年前入門道氣分筇履開篋名山列几筵
時游太嶽 著作甚多 為問秋風明月宿輕帆何處綠楊邊

鄧夢龍 二田

郢上初為別長風駕沔沱渾茫接秋色天地入蒼波遠
櫂皆丹碧輕雲似綺羅孤舟人不見一月月明過

黃垣 小山

郢中有客古無儔白雪高歌半醉留清酒紅窓相姘妮
好花初放漢宮秋 漢宮秋草花最盛予與先生宴於城開

高安敦 樸岩
鹿門初返棹數日此淹留接座承珠唾開襟共茗甌風帆歸極浦雲樹冷清秋會有重來興啣杯話舊遊

和白純先生見贈元韻 三首附一

安陸同宗青陽 晚山 貢生

青春聯采藻白首共傳經心跡懸秋月關河照客星菊
開香汎汎松老節亭亭聞道湘南去征帆望遠垆 時有南游

戊戌春訪白純先生留飲耘香亭賞牡丹

襄陽劉 樵 雲亭 教諭

底事洛陽問異葩茅齋數朶亦清嘉憐嬌不遣燕支捻
醒眼何須繡幕遮三徑松風香馥郁半簾新月影欹斜
廣陵讓爾誇金帶一見花王媿小家

贈白純宗先生

浮山同宗允醇

天地本大吾寧小盪胸乾坤在懷抱奉祀山嶽杯滄溟
古人興會凌雲表笑羈利鎖與名韉十丈紅塵日相擾
獨有吾家老白純百卷詩書供饜飽好奇撰異興萬千
踏遍五嶽並三島遊歷豈必學古人品題斯不負大造
甲午秋白尊二兄先生既遊五嶽道經大名官廨

喜成四律附一

漢陽鄧貽詩

清暑鳴蟬集高天旅雁來人從三楚別詩載萬峰迴海
日凌仙島邊風立古臺五年重此會對酒倍徘徊

送白菴先生游華山即用留別元韻

漢陽葉廷芳

我行無定踪我尸無定宅江漢久栖遲所過多佳客釀
酒敢自斟清夜常虛席先生杖策來相逢話疇昔屈指
二十年悵望江南陌丙寅丁卯間先生
先於白下明日檢奚囊又
訪華陰跡一葉入秋旻江上蘆花白

附

至日即席和白菴先生韻

太倉高翔漢

三冬過半一陽開暫得相從數舉杯自此高名齊五嶽
空山無復足音來

至日即席和白菴先生韻

太倉錢 圻茂遠

溪山踏破暮雲開一綫晴光入酒杯隔歲陽春憑早報
當筵白雪忽飛來

呈白菴先生

江夏陳受培

因之
訓導

聽說奇游果出塵向禽焉敢作同倫奔馳四萬幾千里
洒脫東南西北人筆底煙霞盈卷軸胸中 山水荷陶鈞
匆匆不盡吟佳句却悵高軒又向秦

鑑古亭喜白菴先生至

隨州儲青選

懷三
序生

馬足車音暫一停霜華吹上髮星星名 山游遍松竹老
風雨蕭蕭對此亭

聞先生五嶽游歸東寄

當代知名士誰從五嶽游高吟天地濶一卷古今留落
落携雙屐履茫茫遍九州澆陽招隱處桂老碧桐秋

附

三十七

哭白菴夫子

隨州門人儲嘉珩

太璞
教習

先生被謫下崑崙獨掣金鰲海水渾萬古聲名懸泰嶽
漫天風雪憶程門鐸鳴江上春濤隔島脫人間夜雨昏
雲夢瀟湘杜若含臺和淚賦招魂

白菴二兄示讀近稿感賦

從弟開林

還序
教諭

象犀齒角亦自愛世人未必視塵芥昔之作者今流傳
蒼涼獨不與時會此事評論十年前雕篆終遜君自然
同堂肅吟若夢寐天涯離索何因緣春陰雪花滿山路

屐跡相過轉愁聚絳桃仙李便欲開羽觴瓊筵共誰賦
青黃二峰雲合離水石一帶光叅差名山之業心所宜
紛紛朝華徒爾為

深州署中懷白菴二兄

高樓明月鴈南飛此夜思君指少微衣帶青黃峯上見
文章海嶽望中歸菊花泛蠟寒停棧蕉葉裁雲倦倚扉
十六霜過頻走北摠無消息報元暉

過青園懷叔父白菴夫子

受業姪兆觀李成

小畹園青竹幽居有白菴兩湖大名士一代老詩人縹

附

三

水 縹煙霞僻翱翔海嶽春而今滄水上化雨足陶甄時可

昔柳柳州附書其父生平交友之姓氏於碑陰所以敦
舊誼誌不朽也 先君子足跡遍天下自公卿大夫以
及騷人墨士遊客之侶多與之交而擇交必嚴故相識
者皆有德行學問著於世交久則情深情深則不能已
於言或邀觀面之贈或蒙離久之思或席間唱酬或臨
岐餞別或生平企慕而長篇遠寄或沒後悲嗟而弔輓
頻來故名作甚夥有書於箋有書於冊頁手卷兆騫珍
藏有年矣然曩昔舟車往還間有遺散今檢其存者彙為
一帙附刊 先君子詩集卷末悉照原本未敢妄易一
字 諸公姓氏爵里並註題下其有未盡悉者寧闕之

跋

撫卷留連因以見知遇之感友誼之真 先君子詩集
或得藉 諸公之名以並垂久遠則幸甚 兆騫非敢侈
言結納爰以蘂柳公遺意焉爾
乾隆五十四年閏五月中澣 兆騫謹跋



〔清〕張秉彝撰

南垞詩鈔三卷

清刻本

游山詩以謝靈運王維為
最而少陵次之彼其發秦
州入蜀諸作雖時時寫景
而深離感慨之致矣雜其
中是犯行非游山也惟謝

南楚詩鈔 鄭序

與王為當行本色與鄭
道元水經註柳子厚石渠
石澗鍾壚步表家渭諸
記亦稱古今四絕處之挨寫
尺寸萬變靡蹙心盡

才學鑄鍊者莫能為
南垞老友以家事付子河
郎一以詩酒山樵事故其
遊山篇什即事即景即人即
物當境抓住過即失之者言

南楚詩鈔 鄭序

不似之囊中春容和淡幽
折探討蓋是古人遺意
焉余不得遠追謝靈
運之筆也遊而南
從子遊攝山入鳩江泛

西湖のふれ執杖奉几以
從其後善甚憐之惟
痛讀其詩字一六白あり也
板物鄭燮

三才
齊善
瓶橋



南垞詩鈔鄭序

三

南垞詩鈔

儀徵張秉彝種菴

攝山吟 戊寅

送汪鍊師遊攝山

東海羽衣人遠遊信雙脚踏笠伴芒鞋偶到真州
郭更欲渡大江攝山采靈藥懸巖春已深長松響
幽壑澗草雜山花芬芳開且落茲山吾舊遊佳勝
粗領略亦欲從之行把臂入林薄重登最高巔結
茆鍊精魄

汪鍊師將遊攝山余既作詩送之矣次日遂

南垞詩鈔 攝山吟

一

與晴川昆季巢子荆南鼓興而往

曉起理行裝佳遊約同社山城日未紅清露猶在
野綠樹團一菴四壁水雲瀉禪關別僧離江路逢
漁者一艇六人俱遊興殊不寡夷猶出沙口雙槳
烟中打

晴川漁川昆季遊攝山楚堂賦詩見送次

韻留別

勞勞困塵鞅久為山水笑況復性疎散於世稱孤
調乃有遊山人招邀探羣峭臨風別同岑策杖入
松嶠多君賦新詩爛若花四照攜上峰頂看長吟

當鸞嘯奈何不同行相與尋
窈窕臨別指秋期共
君遊更妙

渡江

渺渺春洲綠浩浩江水長我舟一葉小我帆片席
張容與蕩融風沙外紅蘅香大海浮一螺萬頃凌
蒼茫四望水天合直渡江中央仰面觀太虛身世
渾若忘欲吟吟未成倏已收危樞我生少快意此
行殊差強延緣入小溪崔魏恰相望落英繡芳草
村舍環綠楊髣髴桃花源何處尋漁郎

宿萬松巷

精舍萬松開入門已曛黑但覺幽蘭香不辨人行
跡崎嶇歷石磴百折費登陟僕夫勞擔簦汗喘不
遑息客子得所依歡喜動顏色老僧頗殷勤相見
如舊識飲我功德水飽我香積食照我光明燈住
我旃檀域蒲團容跏趺繩牀許反側夜靜心神清
松濤滌胸臆

曉起

曉起登平臺矯首一遐望白雲如水流喬松湧碧
浪山風冷衣裾身在松雲上寂若太古初天地亦
何曠我生胡勞勞到此得開暢林端朝旭升早有

南坡詩鈔 攝山吟

二

樵人唱

桃花磯

幽磯深復深源來何處壑一線流涓涓旱天不能
涸下度疊浪崖疑是鬼神鑿流過德雲菴佳處通
畧約來遊及暮春桃花開已落欲聽瀑布聲且待
風雨作

德雲菴

行過九株松花關竹間閉隔橋招小師導我尋幽
契軒窗面水開曲折循苔砌盤礴澗邊坐靜覺鳴
泉細置身山水間遐想結天際德雲不可逢於此

南坡詩鈔 攝山吟

三

欲遁世

天開巖讀禹碑

蜀峽關五丁斧鑿資人力茲巖天所開無處尋痕
迹仰視一線光嵌身苦逼窄俯躬陟其巔天地原
不隔想在鴻荒初神功施霹靂詭怪復靈奇顧視
駭魂魄捫讀岫嶮碑惜哉字難識

幽居

深山有幽居自是高人宅竹徑架修廊宛轉尋石
壁翼然一軒開俯瞰小池碧拂席坐忘言佳賞澹
自適欲往難久留欲去誠可惜何日來此間相對

永朝夕

最高峰

但覺峰在望不知山路遙行行陟晴空步步凌青
霄喘息憩小亭仍在山之霄賈勇復再上臨眺心
搖搖昨歲翠華幸行宮鬱岩堯伏讀典謨詞
頓覺神理超大哉王者言炳若星日昭撫檻騁
遙矚茫茫復迢迢鍾阜堪伯仲其餘兒孫曹江海
一氣白吳楚連春潮翹首帝座通呼吸不敢高置
風吹凡夫衣袂欲飄凜乎不可留歸路同山樵
猶企逢神仙揮手招王喬

南塔詩鈔 攝山吟

四

試茶亭

試茶已無亭猶留石上字我從中峰來瓢笠此暫
寄欲烹穀兩春苦乏煮泉器世有好事人還當重
位置

品外泉

山泉幽且深品者未嘗至可憐澄渟源竟不在等
次石蓮生自香雲影過還遲孤寒似野人塵外標
高致

舍利塢

石浮圖五層云是隋皇建中藏舍利子白毫光屢

現雖歷茶毘劫佛像妙不變參禮暮春天花散
如霰

紫峰閣

一閣收衆峰峰峰秀色紫巖崖可手探蒼翠落窗
几其下繞清流峰影浸波底誰作天然圖四面皆
山水

尋白雲菴訪張錦衣遺蹟不得

處處生白雲先生渺何處松風滿幽谷鳴泉流不
住徒有策杖情不識到門路烟際忽聞鐘低徊日
將暮

南塔詩鈔 攝山吟

五

棲霞寺

侵晨恣山游停午入古寺洞達啓三門四面鬱蒼
翠巉巖兩峰環哈呀雙澗遠老樹欲浮空日月不
到地層層臺殿高曲曲廊廡闕經行心已空跌坐
身偶寄院靜僧不逢山深客少至緬懷明徵君棲
隱有高致八詔辭世榮捨宅遂初志蕭齊跡已塵
逸事史冊誌異代動唐宗 睿藻褒文字至今垂
堅珉彪炳煥嶺巔碑為唐高宗御撰
高正臣奉勅書又聞寺伽藍楚臣證
其位神為楚大
夫靳尚懺悔讒口消解脫形骸異此言釋氏
傳誰與辨所自茫茫閱入代歲月已久逝六朝何

紛紜奚用發長喟策杖顧同岑佳遊恐未備出寺
登西峰不借還堪試

般若臺

明鏡原非臺故迹巍然在團團鑄佛徑法書盡名
輩窈窕石房幽低迷花樹礙欲從般若叅何處得
三昧

遊挹珠菴

亡友宋紫田讀書處

亡友讀書地含悽來一訪叩門無人聲松竹作雨
響老衲何處山談禪落空想竚立真珠泉獨望孤
雲往

度千佛嶺

夕陽猶在山紆迴度石嶺一一妙相具手龕現金
影時聞優曇香心與境俱靜我生不解禪俗緣未
能屏恍若透化城西來意已領從此入修途令人
發深省

遍舟上人約遊攝山其時猶在邗上及余抵

山中而上人已先至白鹿僧舍

上人約遊山遊踪邗水滯豈意來山中上人已先
至想借一葦浮不與杯渡異相見啞笑言奚違問
所自攜手共登山佳處勞君示

南垞詩鈔 攝山吟

六

白鹿泉

昔日白鹿泉茹舍但幽僻今日白鹿泉 行殿何
赫奕泓然出山腰澄鮮一痕碧夜月流清寒松風
吹滴瀝想烹陽羨時玉壺貯雲脉 翠葆縈波光
宸翰賞標格何年飲伊尼冷淡伏巖石一朝
盛世逢勺水顯名跡人生遇不遇命也夫何惜豈
無香甘泉沉淪在草澤

春雨橋

石橋跨幽澗橋面平於掌最宜看月明兼可聽泉
響竚立有閒情小坐生遐想策蹇客頻過拄杖僧
獨往一橋四山通光景羅萬象何必春雨佳涼波
亦蕭爽綠陰雖泥人紅葉足堪賞小艇渡江來更
待秋潮上

山中懷同社

山中三日留身閒宜散步過境情屢移得句記還
誤有懷白社人一一詞華富同心悵離居相思隔
江樹

別明見上人

移菴更深居而不厭生客飲水堅道心說法悟頑
石一榻臥白雲三宿留行屐小別話溪橋曉月挂

南垞詩鈔 攝山吟

七

巖隙

歸路雨

出山未離山紆迴山下路何處雨飛來江天雲影
度欲洗衣上塵猶帶松間霧默數山中遊遲遲一
回顧

攝山渡

行行攝山根望望攝山渡小市烟火微石橋桑柘
護人語水邊村牛鳴原上路停策檢歸裝小艇沙
頭住

夜宿龍潭江樓

南垞詩鈔 攝山吟

八

道經寶華山一過莊嚴寺向晚宿龍潭江樓形影
寄月上四更潮風響千松吹明發曳晴帆江北山
堆翠

立夏後一日趙州精舍送汪鍊師歸東淘

精舍臨水開節物已交夏新竹過墻頭濃綠覆古
瓦幾日攝山遊同作野人野攜手尋澗泉聯牀話
杯竿更自金陵歸嵐翠挹滿把方期長相從江上
共瀟灑奈何別同一帆又東下君去我獨留幽
襟向誰寫

南垞詩鈔

儀徵張秉彝種菴

鳩江草 戊寅

過方山

雞鳴村店出柴關早有農歌畝畝間十里筍輿殘
夢裏濛濛細雨過方山

崇邑舟中值雨

靈巖孤塔望中昏烟樹迷離處處村滿目米家圖
畫意憑誰添我片帆痕

燕子磯

南垞詩鈔 鳩江集

少日浮名繫客心秋風三載一登臨而今人老磯
如舊閒看樓臺夕照沉

泊金陵

石頭城下又維舟烟雨秦淮憶舊遊多少人間天
上恨月明惆悵水邊樓

采石磯

錦袍捉月去人間千古高風不可攀欲莫先生一
杯酒輕舟已過翠蘿山

阻風針魚嘴

客阻西風問酒家針魚嘴外日初斜小溪別有通

船路香滿蓬窗夜合花

姥下河

江平風定不生紋
姥下河邊坐看雲
靜對芳洲閒望處
白鵝黃犢一羣羣

江干夜泊

萬里清江匹練鋪
中天碧月照人孤
子規不斷客愁夜
今夜還家有夢無

天門山

望望東梁翠影多
西梁相對鬱嵯峨
乘潮打槳江南去
回首天門一瞬過

南楚詩鈔 鳩江草

四合山

石壁凌空杳靄間
大江潮汐日迴環
延緣一緯依崖轉
臥看團團四合山

抵蕪湖不得訪蕉衫

吾宗詩老鳩江住
笑語睽違復幾年
江郭相過未相訪
片帆惆悵下涼烟

懷韋葑仙

五字韋郎冰雪才
雲衢飛去待蓬萊
水邊記得吟新綠
蕭寺春殘共酒杯

歸舟

中流歸棹趁風開
點點山痕晚翠堆
江水無聲江夜靜
涼隨明月入船來

曉起

昨宵雲黑未成雨
半夜孤舟野岸停
曉起蒼然得詩境
水蒨花上立蜻蜓

清涼寺

清涼山上清涼寺
舊是南朝避暑宮
細水涓涓流石逕
幽崖寂響松風後
庭玉樹人何在
結綺臨

春事已空太息繁
華歸淨域鐘聲梵
唄夕陽中

登清涼山翠微亭

南楚詩鈔 鳩江草

三

我昨江上行望見
孤亭秀今日立亭
中俯視江如舊浩浩
走白波面面列青岫
松風響颼颼石澗鳴
寒溜曠然世界寬
俯仰識宇宙無山無
樓臺金粉畫不就
誠哉佳麗區江南古
稱富何年避暑宮
巔崖羅錦繡古跡已
成塵山水資邂逅
時聞下方鐘冷然響
清晝

掃葉樓

掃葉僧已亡掃葉樓
空在蕭條四窗開
冷澹夕陽外來遊
新夏交濃綠紛如
黛草木正敷榮那
得落葉敗欲借掃
葉帚將我胸中穢

隱仙卷

偶尋幽僻地樹老石臺荒茂草生金闕閒雲冷玉
房塵中人事改靜裏容愁長仙隱憑誰問空山又
夕陽

客金陵同李菘磯夜話

青燈細雨金陵夜往事閒談四十年無限榮枯更
漏裏許多成敗酒尊前樓臺何處蕭蕭草親舊誰
家漠漠烟我更傷心題不得幾回花落葬嬋娟

寓齋偶成四首

客裏無塵事閒中得自然雨聲攤飯後詩思煮茶

南垞詩鈔 鶴江草

四

前綠鮮上幽砌晚霞生遠天道人培菊本秋在竹

枝邊

亦有登臨約天陰欲赴難山雲飛不斷竹雨響無

端怪事疑占卜空談取素餐出門殊草草鄉夢隔

江寒

家信傳來喜平安字數行非關兒女念猶恐菊松

荒自薦真無謂因人作底忙寂寥揚子室閒卻讀

書牀

遣悶頻謀酒開襟強讀書黃金今雨重白髮故交

疎魯仲圍城內燕人奪舖初說秦奇氣在懷壁羨

相如

買花吟

少日看花興未刪年年船尾載花還花須莫笑人
年老老去風情分外閒

靈應觀池上作

連雨生晝涼新晴宜遠步古觀隱山隅重門綠陰
布傑閣支懸崖廣池茵苔聚碧葉接遙天朱華散
香霧隔岸六館亭窗櫺疎柳護我友此寓居相思
渺難晤摘蔬采芹蒲狎鳥伴鷗鷺耽玩漣漪清坐
消景光趣茗酌心神超留連夕陽暮明日倘重來

南垞詩鈔 鶴江草

五

記尋流水路

尋小有洞天不得

緣崖復踰嶺楓杉夾道窄下臨百尺潭田田蓮葉
碧古觀讀豐碑懷仙尋石壁何處小有天道書傳
自昔洞深雲更封渺渺紅塵隔我本鈍根人學道
苦無益雲路空自悲幾時生羽翮

為金棕亭孝廉題定郎小照

翠袖琅玕倚暮寒風流堪愛秀堪餐酒醒孤館無
人夜獨自焚香一展看

作成佳傳更填詞不斷柔情似藕絲尺幅生綃題

品遍賺他才子一生癡

曉雨

寂寂空齋夜氣清
桃笙不奈曉寒輕
紗幮夢醒短
衾薄窗外雨聲天未明

雨後晚眺

雨止秣陵望人烟
竹樹稠遙山青疊
岫遠水白浮
舟古塔明金頂秋城洗石頭
謝公墩下路晴色待
遊

懷荃堂

客窗坐憶東溪友
暇日過尋不待招
屋後荷花紅

南楚詩鈔 楊江草

六

繞郭門前楊柳綠
遮橋詩傳古硯歌
銅雀酒止新
筍渴玉蕉何事別
來山鶴怨隔江殘
笛雨瀟瀟

秦淮泛舟

石欄杆外上輕舸
夜雨纔添水半篙
十里紅樓一
聲笛玉鈎新挂碧
天高
魚鱗雲散乍晴天
望裏鍾山翠色鮮
一帶銷魂簾
不捲清游如夢憶
當年
盈盈一水接青溪
城北城南綠草齊
我有閒情消
不得小姑祠外子
規啼
何處當年長板橋
月明空憶玉人簫
兒家南市通

珠市女伎誰如鄭妥嬌

豪華前輩說風流
水面燒燈曉不休
一首秦淮鼓

吹曲黃岡消得百金酬

漫道溫柔別有鄉
綺羅金粉夕陽黃
烟花縱使濃

如海可有瓜洲蕭伯梁

懷水香村墅諸同社

水香十畝吟詩地
良友分襟一月餘
鞍背船唇輕
作客吳山楚水漫
浮居孝侯臺畔秋
風早太白祠
前夜雨疎坐對荷
花相憶否碧筒飲
興定何如

拜卞忠貞公墓作

南楚詩鈔 楊江草

七

老槐交綠陰古柏生奇趣
蕭蕭祠宇寒肅肅忠臣
墓緬懷典午季國以清談
誤士擁虛名高人競風
流慕一夕變故遭艱難孰
能赴桓桓卞將軍嚴正
夙所著諤諤與蹇蹇狂瀾
標砥柱逆峻勢跳梁迫
則速其迂卓識語元規奈
何竟不悟歷陽煽妖氛
倉皇督戎輅堂堂青溪戰
父子歸泉路大節千古
昭忠孝一門聚愧彼放達
人能不汗如雨晉代雖
已更生氣猶如故日月中
天光英風亘古護俯讀
平原碑瞻仰不能去再拜
肅衣冠靈爽毛髮懼但
聞修烝嘗不見走狐兔兩
祭遠 盛朝光榮到封

樹教孝與勸忠大哉。聖王度感激何可言苔墀
滴松露

題龔玉田鵝湖書屋圖

幾間老屋舊鵝湖烟水微茫幻作圖若使此中容
放鴨不妨添我住菰蒲

曉泊燕子磯

空江聽雨夜船歸侵曉還停燕子磯小市烟低山
脚濕半巖雲懶樹頭圍客投茶肆初生火僧出禪
關乍整衣風起片帆東下急回看亭影翠依稀

抵家喜戴秋水姊丈過飲草堂

畫雨瀟瀟向晚晴客過花徑落霞明出探山水我
初返來看疎狂君有情繞砌新篁結蛛網隔墻高
樹忽蟬鳴園蔬村酒還成醉頭上浮雲任變更

暮春棕亭漚儕介亭諸子遊漁灣晚歸過飲

小齋同用曹棟亭使君韻

杜門安蹇拙久息漢陰機結交山水侶不敢慕輕
肥乃有素心人懷古尋江碕方舟漁灣遊不逢漁
子歸使君去已遙好事今則稀猶餘小桃花間柳
橫釣磯春洲菰芽長隔江山影微斜陽澹將夕憑
弔情依依歸帆挂輕颺閒共沙鳥飛客自知魚樂

誰能識鷺鷥向晚肯相過地僻非所希開尊發長
謠展席坐清暉初月明樹杪新綠沾人衣舉首望
高穹曠朗雲天巍今夕不為樂請看露易晞

南垞詩鈔

儀徵張秉彝種菴

春湖集已卯

初至湖上

蘇堤微雨獨徘徊入眼湖光一鑑開
莫訝紅稀新綠暗小桃花過客方來

天竺山靈感觀音院

流泉聲裏上山來翠嶂丹崖抱復迴
夜雨洗空頑石路曉風吹淨亂雲堆
峰高客老孤筇緩寺古林深
梵宇開法海慈航真普渡游人如蟻拜蓮臺

南垞詩鈔 春湖集

水仙王祠

祠門臨水開四山漲寒綠怪石環小池
漣漪引湖曲上覆三古松疎秀爽心目
我來春暮時何當薦秋菊佳境雨中逢
真賞偶然觸低回不能留清遊擬再續

遊雲林寺

雲林古精藍岩堯環鷲嶺法界豈西方
幽僻非人境飛峰何年來名泉石間冷
洞壑幻靈竒詭怪心目警擗行復猿
攀遠與諸象逞出洞更升厓自覺心恹
恹所歷得未曾欲說噎在哽髣髴天香
飄恍

惚金粟影臺殿妙莊嚴 宸翰煥彪炳詩僧不可

逢名句流傳永濤公又物化屬大智燈向誰領松陰

坐磐石一勺試新茗豁然心骨清妄念盡皆屏夕

陽散林木金碧炫光景空外聞鐘聲此際若有省

訪兩間書屋喜晤家穉登丈

八十吾宗叟西湖矍鑠翁著書松樹老高枕白雲

空款客兩間屋應門三尺童相逢那易得談笑昔

年同

拜于忠肅公墓

目夷功媿美靈爽宛如生社稷一肩任乾坤隻手

南垞詩鈔 春湖集

擊憑誰謀外詔不殺事無名公論千秋在忠心皎

日明

小有天園

小有天園好真成別有天高峰青疊疊流水白涓

娟樹木饒古意亭臺得自然 翠華南幸處 睿

添五雲鮮

尋蘇小小墓不得

西陵松柏依然在芳草孤墳沒舊痕載酒來尋無

處問一杯暹莫落花魂

韜光值雨

脩竹欲干霄石磴盤空上小憩凡幾回扶持借藤
杖古殿出雲巔中有仙人像小坐得曠觀江海白
泚泚峰罅露湖角一點光明盪片雨何處來颺颺
衆籟響高吟白傅詩啜茗心神爽留連金蓮池暝
色催人往歸路聽流泉留作他年想

留餘山居

山居 宸翰錫留餘瀟灑巖阿隱者廬百尺流泉
飛澗壑滿天松籟走空虛行來自覺深山古遊到
真成出世初我欲卜鄰來此地誅茅結屋讀奇書

弔林處士墓

南垞詩鈔 春湖集

三

千古高風封禪吟梅花清潔是知音我來再拜孤
山墓放鶴亭空滿綠陰

贈丁丈敬身

耳熟錢塘丁隱君造門相訪樹爲鄰讀書奉母樂
復樂飲水耕田貧更貧湖海客來常閉戶鶯花時
過不知春居憂卻訝王戎瘦六十餘年至性人

雨坐冷泉亭

我從韜光來身上竹林雨跣趺坐孤亭岑寂無人
語風樹雜雨泉衆響此間聚境靜聞見空冥漠無
所取徒然萬象紛佳處卻如許此身原是客隨遇

皆容與出山途甚遙且汲山泉煮

月夜泛舟湖心亭

呀軋櫓聲劃湖水湖心亭浸月明裏月色皎皎春
夜寒一片白光湖面起四山悄寂無人聲風定湖
西已二更誰言此境非仙境身在蓬瀛世界行

紫陽洞天和薩雁門韻

我來吳山第一峰倚天巖岫多瓊瓏火雲忽堆萬
礪石海突出千芙蓉何年仙洞結茅屋旋取笛
材截寒竹一聲吹裂浙江濤醉抱山頭明月宿

雲棲道中

南垞詩鈔 春湖集

四

空山過雨路人稀席帽青衫濕翠微行盡松陰三
十里斜陽影外一僧歸

蘇堤

新晴沙路草萋萋早有鶯聲送馬蹄紅雨已隨流
水逝菜花香裏過蘇堤

經陳玉几故居

卅年老作真州客歸臥湖山曾幾時聞說樓居春
水遠到來花塢夕陽遲門稀問字無車過客罷彈
琴有淚垂珍重中郎遺稿在何人爲刻石經碑

葛嶺道中

名山游倦暮春中
覽勝探奇興未窮
明日欲行今且住
一藤閒訪葛仙翁

登葛嶺小樓

到此塵心已盡降
放開眼界倚樓窗
神仙縮地原來慣
斗大西湖一線江

涵青禪院

傳是秋壑園陳跡
香難考石逕閒無人
一僧自鋤草

留別西湖

曾聞難別是湖邊
笑我春深返客船
伍相廟前花似雨
蘇公堤上柳飛綿
芒鞋竹杖山山寺
活火新茶處處泉
自有薄遊閒況味
不妨秋結再來緣

別寓樓

鐘聲敲醒夢悠悠
小別西泠水上樓
清曉湖光明到枕
乍晴山色翠盈眸
晚花新笋堤邊酒
長笛清歌柳外舟
十日居停忘不得
臨行還與暫勾留

天台老人贈萬年藤杖

老人天台遊山來
我船恰自西湖迴
手攜離奇古藤杖
粲然一笑蒼顏開
天台山高四萬八千丈
老人遍歷遊偏壯
石梁橫跨白雲中
華頂直矗青天

南坡詩鈔 春湖集

五

上我羨老人筋力強
更愛藤杖生古光
矍鑠雖憑八旬健
扶持亦賴七尺長
多謝老人無吝色
脫手贈我資脚力
杖朝杖國不敢期
一擲成龍未可測

歸舟欲取道嘉興
舟子不果行有懷
沈玉厓

郭莊史俞芷岸

歸途擬踐駕湖約
烟雨樓邊得繫船
何事桃花迷洞口
卻教溪水失門前
秋風江岸三年別
短燭蓬窗一夜眠
春夢懷人飛不到
幾回惆悵暮雲天

虎邱

畫船簫鼓低圍寺
曲徑松杉靜繞池
寶劍雖沉金有氣
講臺空在石無知
暖風花落真娘墓
細雨苔生短簿祠
何限蒼涼登眺裏
鐘聲塔影夕陽遲

滄浪亭

風雅流傳地空亭
一水涯無人幽趣得
有味夕陽斜好鳥鳴
深竹遊魚趁落花
獨來還獨往何處著
紛華

五人墓

閩禍薰天勢欲傾
吳門一擊氣纔伸
老拳毒手千年重
春祀秋嘗百代新
一尉能褫委鬼魄
五人原是太平民
十三君子流芳外
義憤猶傳草莽臣

五人墓

閩禍薰天勢欲傾
吳門一擊氣纔伸
老拳毒手千年重
春祀秋嘗百代新
一尉能褫委鬼魄
五人原是太平民
十三君子流芳外
義憤猶傳草莽臣

南坡詩鈔 春湖集

六

樓雨

蕭瑟蘇臺雨春深滴小樓客同蝴蝶倦花為牡丹
愁旅夢歸孤枕輕寒上徹裘論心賴知己羞說帶
吳鈞

寓樓晴望

晴色望中明家家鳥雀聲晚花齊女墓新綠闌廡
城蠟屐登山爽湖船載酒輕來遊為巖壑今始得
閒行

靈巖懷古

館娃宮殿靈巖上霸業銷沉塔影孤響篠廊空散
歌舞采香徑杳亂薜蘿四山松吼千盤路萬頃波
明一片湖多少興亡吳越恨淡烟疎柳認姑蘇

南垞詩鈔 春湖集

七

遊支硎度嶺肩輿至寒山別墅

吳中山水原稱絕處處名山肆羅列從來勝地以
人傳支公愛此團瓢結典午一代擅清談公之警
悟明如雪風期已令右軍傾僑語能教長史折平
生好馬愛神駿至今蹄跡深成穴我來湖上春已
殘到此東風苦欲別參天濃綠樹陰森走地鳴泉
響幽咽跣趺石上弄清流流向人間意豈屑醉來
還就石上眠瓦鼎烹茶洗腸潔烟霞留我常此居

世網牽人苦羈紲筍輿度嶺入雲行放鶴亭高霄

漢徹寒山別墅 龍鸞書另開巖壑真天設山連

支硎支派分水出寒山寒更冽前歲 南巡駐

翠華峰巒臺殿多高傑山飛金碧水生輝草木沾

榮禽鳥悅一邱一壑大家春遍灑 宸章留玉碣

我生 威世慶遭逢天上游回不能說旗亭小憩

夢中身人間亦有蓬萊闕來從幽僻入堂皇一日

山行真不劣飽酣巖壑快生平斜陽歸路聞鶉鳩

觀千尺雪遂步至法螺寺

南垞詩鈔 春湖集

八

昔聞千尺雪未至神已往今來坐山亭果然愜心

賞飛泉日潺湲小池平若掌中浸古梅魂花時妙

可想玩愛不能去頓覺心神爽出門紆石徑夾道

松竹長綠陰欲無天處處流泉響誰言山陰道即

此畫難做法螺復幽絕初地亦不廣僻徑杳以深

軒窗潔而敞快值牡丹時天香散林莽山僧煮山

泉茗椀酌三兩來游豈化城愧領諸供養耳目及

口鼻迥出人間象久為塵壒牽此際忽開朗更上

螺頂看諸峰雲氣滌

遊華山
石路不知遠夾道多古松俯躬賴藤策拾級升高

穹小憩凌風棧鳥道無人逢清泉隨路鳴旋轉何處通紺宇淨諸天法界連珠宮置身離垢域境靜心亦空天池無石蓮細草繁幽叢山僧宿約在寄人妙墨成冥鴻夕陽淡花竹轉靄生林中笋輿下山逕頭上吹松風幽探欲再適僕夫力則窮歸尋泊船渡鄰舫燈已紅

惠山遲客

待客久不來空山玩流水雲根坐移時衣上落松子

飲惠泉

攜將蒙頂茶來試山泉味如讀佳士文高名豈無謂

吳門送春

春光底事太匆匆惆悵吳門數落紅水榭欲來梅子雨山塘已過棟花風客邊時序愁中改酒畔情懷夢裏空好買扁舟共歸去漫天飛絮五湖東

重過丹陽

十載寒天過練湖黃蘆淺水雁聲呼重來樣權雲陽驛新綠如雲塔影孤

銀山禪院

尋山穿石徑徑轉得禪關磬寂諸天外僧迎古樹間我來亦何事到此意真閒小坐林陰晚高歌踏月還

作

尋清寧道院不得聞春初梅花最妙悵然而梅花看未得我本渡江遲古觀渺何處白雲空所思來遊值春暮問路少人知悵悵催歸棹無緣一探奇

凌雲亭晚眺

登臨四望海天空亭外斜陽遠樹紅江鎖金焦雙柱矗地襟吳楚一帆通斬王戰艦留明月宋帝新洲問晚風我自來遊逢盛世蒼茫懷古暮雲東

何將軍園林

不復事雕鑿天然古意存池塘穿樹底亭榭倚雲根客至常攜酒花時不掩門風流羊叔子故老尚能言

月夜登銀山絕頂

醉後還攜策層巔半夜登但期凌絕頂不復畏峻嶒天近月光淡江昏露氣騰長吟下巖谷人語怪山僧

京口舟中曉起即事

雨聲蓬背攪人眠
曉起山光分外妍
纔向水窗揩倦眼
瓜洲早有過江船

南坡詩鈔 春湖集

二



〔清〕朱穎撰

秋蟬吟草四卷

清乾隆三十六年小山居刻本

秋蟬吟

小山居藏板

古今未詩之名家者多矣其孰為正宗則未易言也夫人之境遇不同胸襟各異苟能道性情鳴已意不專藻繪而病於浮不惟使事而傷於滯不徒白戰而近於俚不趨怪險而流於僻猶之三百篇中閨門里巷清廟明堂因事言情各盡其致而於風神旨趣四者不失斯亦可言詩矣余少也多病好詩而未嘗力學及壯家道中落奔走四方雖不乏遊覽贈答之章而或刪於避忌或棄於直狂存者又無幾風塵日擾自分此生於

自序

風雅一途已矣詎年過四十血
氣早衰甫及五旬老病日逼嗟
乎此豈天之憫念夢人而使之
得息耶抑慧業之未忘有以致
之也自此息影荒廬冷眼塵世
風晨雨夜燈火紙窓宵有感觸
即紀以詩其中喜怒哀樂莫不

自序

二

隨境而攄情小山居中得恣吟
嘯者十有二年乃日月易邁吾
生有涯辛卯冬余年六十有四
矣肝病大作伏枕無聊之際檢
點舊吟刪存得半餘首大約閒
適者十居二三感憤者十居五
六若賦物遊覽之辭前人摩剌

殆盡恐拾垂餘存不及什一也
老大徒悲因名之曰秋蟬吟適
蓉城申君過余草堂視余病見
之力勸付梓余始愧汗交拂
遜謝不遑而申君又謂君之
詩即君之紀也感慨因乎境恬
適發乎情而坎壈不磨之氣雖

自序

三

不相識者見君之詩亦如覩君
之鬚眉如戟也他日傳示子孫
俾得備忘祖父之平生感奮自
立較諸圖形寫照不亦愈乎至
沒世之名聽之悠々可也余復
聽之下不禁慨然曰噫嘻人之
愛我也以身而申君之愛我

也及於子孫而意外之意又甚
 深遠余雖不敏敢不唯命自出
 存草悲付 申央囑其將放棄
 而肆志者盡芟去之僅存六百
 餘首分為四卷付諸剞劂噫在
 心為志發言為詩世之君子見
 余詩者倘能憐其遇鑒其情原
 其布帛菽粟之言由於賦稟則
 余之知己也若沾沾焉徒以詩
 之家數律之而議其不合正宗
 則殆之左氏所云人心之不同
 如其面焉敢謂子面如我面乎
 斥霞醬孰亦所弗惜蓋是刻也
 僅以貽後嗣非敢問當世故於

自序

四

篇首不求諸名公巨卿而自為
 之序

乾隆辛卯仲冬雲浦朱穎自誌
 於小山居



自序

五

秋蟬吟艸

古吳朱 穎雲浦氏著

五言律詩

對月

雲開冰鏡湧寒影滿空庭色可欺凝雪光能壓衆
星古今同此照興廢幾回經有客多秋思相看淚
暗零

歲暮小山居同唯謹弟細談生計感賦

凍鵲望寒林談淡暝色陰乳坤無活計骨肉始關
心馬磨霜侵鬢牛衣淚浥襟百年兄與弟覓食兩

秋蟬吟草

卷一

一

餓禽

話盡無長策艱難甚乃兄一衿成薄命八口責謀
生歲暮人情迫年荒古道輕天心終不泯章披莫
言更

秋月

金波籠海氣冰鏡湧江流寒逼千門夜先生六合
秋征人畫角裡思婦錦機頭雙照知何日相看淚
掩眸

冬夜王二尹留飲官齋即席賦別

舊雨團圞夜爐燈闌酒觴鶴歸翻白雪梅綻逼青

陽休薄官常逸情豪醉易狂漏溪殘墨凍惆悵賦

河梁

早春野步

物色含新態春泥踏不遙雪消溪水活風煥野梅
嬌側帽穿籬落扶筇度小橋雛鶯啼澁處村店酒
旗飄

小圃述懷

老人空萬事竟日望秋堂琴斷花垂戶詩成月滿
廊追思懷短刺猶喜健還鄉身世誰能料悠悠覺
兩忘

秋蟬吟草

卷一

二

春暮幽居

春深人意懶蠟屐任塵封世味何妨淡詩情不厭
濃絕佳櫻筍候無碍水雲胸斜日孤松下悠然聽
晚鐘

萬慮蠲除盡飛花伴州堂布衣宵夢穩蔬食晚炊
香竹徑尋鞭笋晴窓晒藥囊不知靈與觸可亦惜
韶光

小築

非園亦非園小築憇衰翁片石存山意孤亭借竹
中春煙籠弱柳秋月挂疎桐不管柴荆外飛塵十

文紅

題李三親光柳陰垂釣小照

盤谷東風煥科頭理釣絲晴波花嶼遠春岸柳綿
吹薄入君王夢高吟漁父詞江邨希物色我亦願
相隨

橫塘晚歸

一棹橫塘路秋風去復還輕搖木蘭槳回望夕陽
山紅樹煙邨外寒鴉暮靄間胥江行漸近燈火指
城關

感興

秋蟬吟車

卷一

三

作達悔已晚形骸那復羈無愁亦痛飲有感輒題
詩竹石皆圖畫禽魚即友師蓬門終日閉朽拙不
求知

檢點平生事直堪一大嗤黃旗萬里夢青鏡滿頭
絲肝胆酬何地鬢眉空所思老懷猶不惡松月照
裁詩

渡黃河

萬里崑崙水龍門歷險多西風吹白髮曉日渡黃
河九曲兼天瀉千帆跋浪過如何名利念今古不
消磨

春日晏居

蓬門終日閉盡識散人家獨立春風院閒看夕照
花飛光真似電塵事笑如麻莫怕耽幽寂衰聾不
耐譁

秋夜

長笛誰家起聲聲似喚愁樓高先得月人老不宜
秋又聽蟹啼壁難禁雪滿頭漏催情耿耿風露逼
衣篝

秋日書懷

天淡雲光淨空亭木葉繁食貧山蕨羹閉戶布衣
秋蟬吟車

卷一

四

尊莎逗望添韻漁磯水減痕忘言并忘象今古不
須論

偶憶

芳華春夢裡曾記小山家曉霧紅樓隱東風紫燕
斜樽前人倚玉闌外鳥啼夜今日霜侵鬢飄零天
一涯

秋日感懷

炎勢趨何處蕭蕭艸木疎感蛛蛩絮壁懷舊鴈稀
書歲序催霜鬢形骸寄寓廬柴門風月好那嘆食
無魚

落葉四首

西風摧落木欲下尚依依少日欺紅瘦衰時悔綠肥一聲秋入思數點鴈催飛猶有殷勤處蒙苔覆釣磯

昨宵風力勁萬木戰秋鳴撲簌驚棲鵲離披類敗兵迎霜魂已斷踏月體偏輕回首成陰日依稀似隔生

誰唱迴風曲蕭蕭落暝陰觸簾疑雨陣拂袖動秋吟未具松筠骨空餘冰雪心年年看不盡我亦癡霜侵

秋蟬吟草

卷十

五

乍露秋山影疎林風亂鳴飄零終歲恨憔悴一身輕砌響啼螿咽巢孤宿鳥驚榮枯俱似此何不悟無生

秋日

良序逢閒造襟期絕點塵風蟬晴噪柳秋暑午薰人一枕華胥夢三杯竹葉春晚來新月上揮塵步苔茵

客中得家書知椿兒抱疾感賦

小弱汝堪慮衰殘我自憐如何孤客裏復報病纏綿月幌愁腸結秋衾睡夢牽亦知恩愛妄情到不

能捐 香山詩思受原是安緣合暫為親

春溪蘭始茁秋老桂初生不作慈烏想難忘舐犢情掌珠輕照乘懷璧重連城無限殷勤意須知在命名

晏望

織塵不染處一榻坐朝暉風靜鈴聲細爐深香篆微附名漸驥尾安命老漁磯此意誰能會青旻野鶴飛

雪後山齋即事

呼童携簞錘指點立庭除掠雪蘇眠竹敲冰活凍

秋蟬吟草

卷一

六

魚難分紅藥徑笑失碧山廬今夕虛窗好寒光映讀書

斷衰病

衰病相煎迫乾坤似忌閒鬢毛秋老樹口齒鑿殘山燈下扶調藥花葑菽啓關每辜風月願何必戀人間

客中書懷

風雪天涯日關河不易行久甘披短褐寧羨請長纓載筆酬知已携筇事遠征北山猿鶴望莫更負平生

冬日漫興

寒日疎林淡地爐松火明風前鴉陣黑雪後石潭
清閑戶指塵事幽居愜野情梅花消息近蠟屐待
山行

癸未初秋唯謹弟承雲振翹中元諸姪及椿
兒咸集挹秀亭玩月小飲

秋後西極到涼向北窗生此夕不痛飲水蟾空自
明竹林歌嘯起花逕管絃清惟有天倫會酣嬉悉
至情

冬日晚眺

秋蟬

卷一

七

唳餘蕭瑟甚高閣一憑闌野色侵殘靄西風併暮
寒勞勞真是夢栩栩且為歡斷角樓門外疎林帶
月看

衰柳

一夜霜風急千條葉盡離本來無氣骨那望復撐
支羌笛聲聲怨棲鴉點點遲寒塘殘照裏圖取不
勝悲

冬日客中作歸計偕紹賢王子賦

寒牕絮語夜鄉思若迴環雨雪愁歸路文書老客
顏徒添新白髮悔別蒼青山從此還三徑蓬蒿不

啟關

冬日晚起

趁懶日高卧重衾疊絮茵不知雪擁戶只道暖回
春驢背天涯子龍堆戍守人同居宇宙內我愧作
游民

夾幕重簾裡爐香藹若春小姬携酒榼穉子戲床
茵壁觸俱消客乳坤一散人幸生熙皞世不羨葛
天民

示椿兒

翁老兒偏幼尤深勞愛情藎益愁骨立燈火喜書

秋蟬

卷一

八

聲白壁磨方潤黃金鍊始精硯田能熟否此外不
求名

丁丑長至夜感吟

一歲偏長夜寒缸照不眠但添新白髮仍擁舊青
氈鄉國漁簑夢關河鴻雪天欲歸歸未得屈指計
殘年

冬夜

寒窗一夜雨羈客九迴腸弱妾家難理嬌兒學易
荒齒衰甘息影歲暮更懷鄉夢入江南好梅花破
臘香

垂老

垂老無他慕端居只愛閒亭虛延夕暝木落露寒
山風義千秋在乾坤一瞬間嗒然誰與耦十載閒
柴關

村墟閒步題主人壁

景物邨墟好微行到處周犬聲多附和雞啄細搜
求遠屋寒山靜當門野竹幽主情亦款洽明日更
淹留

冬日間居

身住塵囂境心依雲水鄉扶筇探梅萼製藥試丹

秋蟬心草

卷一

九

方晝煥因霜重宵寒覺漏長悠悠度殘歲睥睨利
名場

逍遙

可識逍遙客冥心造物中不須高枕卧長享北窗
風古篆金三尺新篁翠一叢笑他岐路裏枉是哭
西東

白蜀葵

綠衣同衛足粉面獨窺人帶得峨眉雪嫌他金谷
春蝶棲渾不覺螢傍更精神五月園花少相看兩
絕塵

歸夜坐

一雨乍收暑虛堂坐晚涼螢光穿竹徑花氣撲藤
牀賣老拋書課扶衰藉藥囊平生愛秋夜不惜數
更長

亡女慧英百日祭悼

五年依膝下百日隔重泉絮酒孤魂杳秋風老淚
漣敏靈懷歿後督責悔生菴骨肉無多口摧殘仰
昊天

南城野步

二月城南道扶筇處處幽柳煙藏古寺花霧鎖漁

秋蟬心草

卷一

十

舟曲港春畦繞遙山翠黛浮結茅應卜此何必羨
瀛洲

題李正榮看劍引杯長小照

誰識梁園客匡山結草堂嘯歌飛鵲尾肝膽託魚
腸舊話關河夢新愁鬢髮霜余與正榮屢經共事
今皆鬚髮蒼浪矣
相看眉欲舞老氣尚昂藏

夜坐納涼

虛亭叢翠裡坐納晚風涼明月無今古浮生有短
長易終花下曲難覓海中方此意何人會微吟酒
一觴

駕湖范君蓉洲至州堂敘舊口占

自別駕湖侶蒹葭憶十年相逢俱老矣話舊各歡
然鷄黍田家况風流幕府傳濟時行道否參佐古
多賢

解事

老翁多解事處處靜中看歲歉人情薄門衰胤子
單忍窮全節槩委命廢丹丸悟得逍遙旨隨天付
鼠肝

雲間徐太守過訪賦答

空谷稀人蹟傳聲太守來殷勤交款袂款洽細卿

秋蟬

卷一

十一

杯買續春犁遍盟鷗野老顏兩番貽羨醞卧帳愧

無才太守屢貽佳醞并相招未就故云

獨坐

獨坐聽簷雨寒門雀可羅靜能通萬物空始尅諸
魔剝復天心正悲歡世事多君平非善卜推理本
無訛

椿兒抱病作

終宵不成寐子病父心煩愁極翻思忍情深轉碍
思白頭何愧作青眼有乾坤豈是微名折臨風淚
暗吞

與申三丈蓉城敘話

促膝常終日過後喜比隣大都銜泌語不及市朝
人半骨秋山峻孤窮雪鬢新撫今還論古神往葛
天民

初冬登挹秀亭有感

景物初冬日登臨感暮年霜華繡紅葉雁字寫青
天老矣悲何補時乎去不還古人如可作為語亦
潜然

晚眺感吟

極目荒臺上蒼茫夕照迷林疎山骨露天濶雁行

秋蟬

卷一

十二

低稽古頭空白依人運不齊六年逃世網閉戶作

巖棲

秋夜

艸虫鸣院落涼月下簾旌勇退孤懷渺臨風百感
生危機幸往事多誰識人情此夕應無寐踈礎斷
角聲

端陽日偕唯謹弟賦

又值朱明節依然故我身弟兄都白髮貧賤失青
春莫逐柳榆鬼真成草野人菖蒲一尊酒至樂在
天倫

夏夜納涼

何處追涼好風廊水閣頭夜深星象轉坐久月痕
收人意將辭夏虫聲漸逼秋去年思此際直似一
回眸

題袁鍊師老竹軒

題詩人去杳莫學袁生老竹軒唐句也老竹尚名軒丹灶三椽
屋雲霞一洞門幽窓揮白羽冷翠落清尊我亦常
懷古玄玄好共論

愁病自遣

低眉復俛首身世海中漚百病齊欺老千方莫治

秋蟬

卷一

三

愁誰憐伏櫪馬但吹墜胡牛覺路休迷失長吟月
滿樓

對菊小飲姬人分侍左右振翹姪有紅袖分

行侍黃花作障看句子為續成以博一笑

癡叔真堪笑青稔不畏寒閒園無一畝韻事有千

端紅袖分行侍黃花作障看醉吟還秉燭老矣合

為歡

小山居即事

好景重陽候閒居強健時沉吟題畫卷斟酌揀花
枝老友頻相顧清談每解頤楓林聞雁語更上夕

陽圮

自樂

自樂樂何如歌吟卧草廬秋風一林竹篝火數編
書老我惟求逸居心敢不虛但能成小隱并厭溷
樸漁

閒老述懷

老境日相逼幽棲閒有餘足銀行細細齒豁食徐
徐省識寒暄面緒殘儒釋書百年能有幾忍不愛
吾廬

歲暮送振翹姪赴琴川幕

秋蟬

卷一

五

殘年復分手孱弱惜饑驅伯仲皆為客田園可慮
蕪治生宜善術入幕豈良圖幸值詞垣長斯文道
不孤常發敬公由翰苑出宰

百里琴川道新春可許歸應知呵凍墨正苦憶慈

幃文翰徒為役農桑未必非前車癡叔在頭白守

漁磯

掇梅

雪後江南路幽尋處屐寒溪明月下小驛夕陽
遙骨冷無塵夢神超入化天長阿舍經他化自青在天衣重半鉢
驢停得得香霧白雲連

龔丈振裘老而且貧言其媳郭氏典質奉甘

旨孝道可嘉感此賦誌

賢哉郭氏女能奉白頭翁質廡家徒壁鬻釵釵務

豐可因姆教致抑本孝心充聞此揮衰涕題綫俟

採風

未嘗欄內則正不在寒門荆布能知義交親樂共

論舅慈甘菽水婦孝具鷄豚善體良人意同懷罔

極恩

山蘭

花葉還同色何知金粉粧氣清堪療俗心靜始聞

秋蟬

卷一

五

香相對誠良友忘言到夕陽飄然遺世意空谷好

增光

戊子長至夜感吟

六旬長至夜此夜最傷情室內人垂絕床頭金盡

傾數奇無智勇命薄枉經營愁極翻思達須臾哀

我生

送承雲侄之幕府

朔風吹面裂遊子別愁悵強忍樽前淚頻縫篋裡

衣謀生時不易入幕况全非翠竹清溪曲無忘共

釣磯

冬日書意

凍雲垂鬢淡寒雨暮蕭騷喜晴瓶儲滿愁聞酒價

高孤窮當歲歎儉約戒兒曹篝火茆堂下衰頹嘆

作勞

蛛網

覓食心何苦斜陽結構成轉旋知次第經緯見今

明素悒風前颺珠雨後呈若教望果腹當亦厭

營營

銀河

疑是黃河影中天匹練長倒懸光滑笏橫亘勢漠

秋蟬

卷一

未

茫時有疎星渡曾無一葦杭盈盈終古夜珠斗爛

雲章

新秋夜

孤懷一老瘦衛沁草堂偏張障迎秋雨數聲薄暮

蟬人皆喜殘暑我獨感衰年又聽蟲啼壁篝燈照

未眠

遣妻丁筠娟吟贈

六載憐無育紅顏對白頭葵花雖向日楊柳不宜

秋別淚休嫌忍良緣待好述小樓綠竹慶從此勿

回眸

贈蓉城申三丈即次見貽原韵

潔操復敦倫衡棲辟世塵青山堪結社白首更為隣稽古窮周禮工書逼晉人培公學與行南國指迷津

醉月下

古今同是月代謝幾人看此夕一樽酒百年聊自歡滿湘秋入夢關塞夜生寒慷慨還悲感更殘獨倚闌

晏居即事

碌碌嘲無謂秋堂靜自娛媚花添酒課喜雨了詩

秋蟬

卷一

七

通已得蘭為佩何須谷蹠愚從茲謝酬應更省短筇扶

贈小姬若松

不作嬌癡態無煩寂寞憐蒼顏吾老矣綠髮汝媽然愛月同依幌分燈各照眠廣寒氣清冷萬古一

蟬娟

蠟梅

色粟中央氣冰霜復飽嘗柯枝多倔強花葉共蒼黃慚仰東君面甘凝臘日香平生遺恨事曾點壽陽粧

間居

竹戶經旬閉衰翁冷世情自慚無實學為用盜虛聲蒔藥侵花徑離書佐酒錯回思遠累日真似一毛輕

贈陳二丈仁由

握手風塵外談深神轉清居然良相業亨是濟時英松菊饒幽致衣冠見老成往還如不厭請為主詩盟

夏日詠懷

世事如縑繭年華若轉輪春愁連入夏梅雨動兼

秋蟬

卷一

六

旬風墮榴囊重池喧蛙鼓頻白頭嗚咽意不獨為家貧

挹秀亭即事

北窗幽夢斷携杖上孤亭樹密人穿綠墻低山擁青老慚惟食粟少悔不窮經落日城頭角嗚嗚垂

首聽

久雨

半載稀晴日茅簷時有聲漲添魚路濶磯失釣舟橫愁歎先貧士謀生况筆耕新秧繞出水昨夜又盆傾

為唯謹弟賦

愁髮如霜白長年守硯田無饑頽百畝有產僅三
椽蔗境見誰望鵬程天不憐墳荒吹罷後顧汝覺
茫然

與唯謹弟振翮姪話生計感賦

出處渾無計深談到夜闌蓬飄四海險株守一門
寒未必儒衣悞都因世路難遭逢吾弟姪何日共
彈冠

心情

別有心情在秋風愛釣磯山圍薜蘿屋竹挂菱荷
秋蟬吟草

卷一

九

衣世外消蠶觸胸中泯是非白頭興慨處北雁又
南飛

病起

澹泊明吾志衰羸減世緣杖扶新病骨塵撲舊吟
箋相薄原無福天憐得永年艸廬應自愛肯為俗
情牽

水仙花

不逐琴高去香清到歲闌絕無塵土氣好並竹梅
看高捧黃金盞齊排白玉盤如何輕富貴却肯伴
孤寒

衰病感吟

勞勞復攘攘老病竟如斯眼倦辜秋月神銷怯和
詩倡樓緞酒日關塞著鞭時回昔俱如夢吾生數
亦奇

物理頻推測年衰事可知笛聲入破際行脚夕陽
時天地無常勢滄桑有變期還憑般若力逸我不
須疑

為謀椿兒婚娶口占

襁褓曾何幾年逾冠禮期傳經辜教授謀室繼宗
支老盡人間事勞興世外思持杯無別慮所冀得
秋蟬吟草

卷一

辛

含飴

長吁

清夜獨長吁吾生蹇復迂一身餘老病百事際艱
虞亦有寒花發誰將濁酒沽明春婚嫁畢佛火照
跣趺

雲間徐郡尊舟次留飲并以訟牘見商口占

賦答

風雪胥江畔携筇上鷁舟燈筵承款接庶獄共推
求智盡勸勤少衛平判決周九峯諸父老早已頌
賢侯

述意

敢謂能知命都因善慶貧明年週甲子昨夜守庫
申一枕邯鄲夢三朝艸莽臣飄然塵垢外不讓葛
天民

夏日閒居

席地北窓下身心兩自安野人捐禮數暑月不衣
冠梧竹週遭蔭圖書取次看晚涼新月上乘興把
漁竿

悼秦君丕武蜀中輿觀還里

白首蠶叢路饑驅是強行親朋那忍說骨肉豈無
秋蟬吟草

卷一

主

情旅觀扶邊土題魂認舊程荒涼誰執紼痛殺技
書生

冬夜

薄酒難成醉寒衾擁白頭不貪能避餌無藥可醫
愁雨歇風聲壯更闌燈影幽平生愛清寐此夜復
何求

寄懷桐川徐丈

盤溪吟嘯侶僻巷數椽居風雪燈青夜蓋盞頭白
時百年同傲睨兩地各相思倘許衝泥過巡檐酒
不辭

戊子秋日自題小影於小山居

不上麒麟閣徒傳麋鹿姿小山老居士秋雨自題
詩此日成形影何年與別離平生牢落况惟爾盡
情知

放懶

形骸厭拘束經月懶衣冠白露猶餘熱青氈依舊
寒人情多澹漢生計緊報難冷眼蓬門老年來不
耐看

蟋蟀

扶弱難為力鋤強具有心廉爭蟬飲露清羨鶴鳴
秋蟬吟草

卷一

主

陰自入兒曹手牢藏盆缶深半閣堂角勝敢說報
知音

居然學社鼠未肯伏匡床鼓翼張聲勢揚鬚奮敵
場齒剛推作將項濶共稱強冷眼三秋盡哀鳴體
欲僵

和秋日遣懷

衡泌無人到秋山一角居雨餘泉曲折風勁樹蕭
疎雲路從他上巖棲孰問余把鋤意自好更欲罷
讐書

晏望口占

一室焚香坐柴門到亦稀
頗虞荆棘路或刺芰荷
衣性僻慵屠釣心空泯
是非猶嫌秋水鷺窺沼有
沉機

秋雨後小山居感吟

蕭騷三日雨几席頗生涼
衰貌爭秋柳殘年感夕
陽祇因存傲骨敢說悞
文章老矣惟耽逸酣歌卧
草堂

秋宵不寐

輾轉不成寐踈燈小閣中
蛩吟滿院月葉戰一林
風塵事勞殘夢流年儂
老翁憑闌搔首望星斗爛

秋蟬吟草

卷一

三

長空

家居即事

衡茅甘息影白首畏黃埃
有婦能藏酒無奴解愛
才殘書隨意讀野菊繞籬開
景物涼秋好何須賦
七哀

秋蟬吟草卷一

秋蟬吟州

古吳朱 穎雲浦氏著

五言律詩

晚泊許灣

孤舟沙渚泊倚棹客心閒
踈雨濕近市夕陽晴遠
山親朋三載別書劒幾時還
為問停橈處方知到
許灣

冬日

朔風何凜冽吹面利如刀
老態衰難掩寒肩聳益
高未拋觴詠趣幸免米薪勞
斗室門常閉掀髯興

秋蟬吟草

卷二

尚豪

振裘龔丈還自東海見訪

蓬門聞剝啄白首故人來
筋骨休為禮風塵孰愛
才關河千里潤杖履一年回
可卧煙蘿否桑榆好
自裁

玉蘭

謝庭琪樹好春雪散氤氳
色借藍田種名從湘水
分亭亭都捧日落落不離群
更愛紅樓外臨風帶
夕曛

嗜酒

嗜酒非徒醉，憑將百慮捐。宵長逼至夜，髮短入殘年。應臘梅花綻，先春柳線牽。景光梭樣織，此意有誰憐。

晏居戲示小姬若松

正歡無一念，閑戶日慵騰。枕上詩為課，爐邊酒作朋。道情甜似蜜，塵事冷於冰。笑向姬人問，何殊伴老僧。

勇退

幕府彈長缺，衡門諱賤名。校讎書兩架，斟酌酒三甌。鬢影霜花白，家風秋水清。急流知勇退，差足慰平生。

秋蟬吟草

二

平生

積雨感賦

入夏猶霖雨，陰霾未肯收。一樓聊避濕，五月尚披裘。敢道蔬餐薄，深歎歲憂叮。寧戒婦子菽水亦須謀。

書懷

得內蓬蒿卧，風塵已半生。蠶鹽殊不易，屠釣豈沽名。老覺江湖險，貧知骨相輕。浩歌搔短髮，七尺幸時清。

春日偶感

風光媚遲日，朽拙應衡茅。花暖蜂爭樹，春深鴉占巢。物情猶有競，人欲豈能拋。冷眼灰心老，端居志不搖。

自問二首

撫心還自問，其奈數奇何。患難丁年集，悲哀暮齒多。望門慚短刺，當哭放長歌。欲向君平卜，誰能挽逝波。

不斷愁兼病，年來若有神。兩行難乞米，八口尚勞薪。白髮銀釵日，青衫潦倒人。無聊頻引鏡，七尺丈夫身。

秋蟬吟草

卷二

三

上元夜雨同諸弟姪賦

春雨連朝夕，良宵負上元。官街無火樹，野老有蘋蘩。燧燭勾梅影，移樽就小園。風流愛群季，絲竹問清言。

同蓉城申三丈論古書贈

忘形惟爾我，世上不羈人。節向貧中見，交從澹處真。相看皆白首，莫負此青春。論古常終日，梅蕊月色新。

小山居觀梅

一歲一相見，踈籬茅舍間。逶迤香雪逗，掩映夕陽

山橫笛羊神澹臨溪態度閒江南吾與汝終老愿
崇闕

詠懷

局位一迂儒平生猿鶴俱貧何爭巧拙勢莫論賢
愚懶戴西園酒慚吹南郭等雞豚春社近杖杖忍
清癯

所為

所為多拂亂逝者竟如斯無那愁兼老空存骨與
皮煙花三月暮屠釣百年皁霜葉秋蟬草室餘紀
事詩

秋蟬吟草

卷二

四

心情

別有心情在深慙步後塵俗澆多尚偽詩好不離
真石上青苔厚杯中綠酒醇優游宇宙內那讓葛
天民

閒居感賦

撫時還感事辛苦負平生頭自他鄉白心後閉戶
清澗阿無熱夢圖稼有閒情為語匣中劍從今勿
再鳴

夜坐感吟

百端橫集夜風雨一青燈書為謀生廢衰役入暮

增短衣慙李廣長嘯讓孫登俯仰成何事低頭悲
不勝

追憶

庚申六月賃棲梅氏廡下并悼王孺人
蒼黃棲廡下斷續覓饔飧過午瞞塵甑乘昏浣敝
禪人嘲傲自取我道舌猶存今日思亡婦牛衣驗
淚痕

秋日感懷

敢說青袍悞多愁白髮侵酒回少壯色秋感老人
心寒暑催年代滄桑變古今孟嘗尊貴客流涕雍
門琴

秋蟬吟草

卷二

五

贈一椽湯丈

磊落駕湖容秋風話艸亭闕山鬢已白文酒眼猶
青玉塵揮傾蓋金蘭仰聚星莫言出處異從此訂
忘形

春園有感

萬感從中發支願一老翁柳條依舊綠人面不長
紅酒向花前酌情難泉下通吾衰亦甚矣落日吟
東風

書懷

柴闕盡日掩萬事不經營養拙非高蹈耽吟豈弋

名白頭衰有態紅雨落無聲自悟蒙莊有妻孥觀亦輕

原任礪山令山左劉大過訪草堂話別書贈東魯能文客南邦製錦郎傳家惟象簡為政有甘崇讀禮清標減僑居旅夢荒如何知野老徒步過茅堂

不異車逢笠溪談到夕陽才知非百里詩信是三唐繾綣巖阿老低徊雲水鄉烏絲投贈句字字是琳瑯承贈五言律四章

悼王陶兩內子

秋蟬吟草

卷二

六

百事俱堪挽重泉不可追西風吹骨冷明月照帷垂送死室非一餘生老更悲燈前揮雪涕歡合悔當時

述懷

身心無俗慮水石有閒情詩與人俱老神隨境共清丹鉛畢世業鷗鷺十年盟余杜門已十年矣誰識平生捺偷然名利輕

死生皆度外老病亦安然日以詩為課宵惟酒作緣寄形宇宙內結想海山邊塵事漸除盡道遙別有天

經雲山陸君故居悼賦

我亦頭成雪何堪觸處悲滄桑驚瞬息生死忽分岐故院歡他族孤甥痛寄籬一杯秋草裡封樹兩難期

寒夜

萬籟聲俱寂衰翁未寐時爐香輕注緩聽月細移遲寒犬傳溪巷荒鷄起隔籬將何解幽獨呵凍漫裁詩

郊行

久厭塵囂氣郊行神頓怡水清魚顯鬣野迥樹迷枝古寺紅墻曲園丁白帽欹杖藜扶緩步老力尚能支

秋蟬吟草

卷二

七

辭過舊戚家感賦

死生真莫測笑獨有誰論衰病難勞骨孤窮易感恩世途今日異吾道古風存携杖尋溪巷時來叩華門

春日

羲馭誰能挽韶華近賣錫柳肥垂露重梅瘦着霜輕積日成今古虛名誑死生何如一尊酒高卧聽鶯聲

寒夜

積雪圍荒院，孤衾擁夜闌。已過六秩叟，不耐五更寒。驛騎馳霜坂，征帆下月灘。回思少壯日，真似夢中邯鄲。

衰病書懷

患難猶思昔，衰殘幸到今。枝梧老病體，澹漠死生心。夜謝應無色，桐焦空有音。嗒然如隔世，擁鼻一悲吟。

簡卷城中三文

茅齋一握手，華館去兼旬。圖史青燈夜，生徒絳帳春。

秋蟬吟草

卷二

八

春雪總勞病，叟水榭慕伊人。歲晏宜停諱，梅花索

共述

寒月

碧落挂冰團，披裘誰耐看。過池疑活凍，印雪苦爭寒。宿雁驚沙磧，征夫起夜闌。豪門應不愛，莫上玉闌干。

病中書訊仁由陳二丈疾

造物一何酷，迤邐徧我徒。天寒同病骨，歲暮各貧儒。藥券頻頻積，詩腸寸寸枯。多愁相見日，白盡領邊鬚。

感故友黃君養恬

黃君交最廣，四嚮說同心。誰掛孤墳劍，空留焦尾琴。故狂夢裡見，遺草篋中尋。我是詩壇友，憐才淚不禁。

探梅

江鄉春意早，嫩笛出橫塘。山水都生色，乾坤到處香。籃輿附酒榼，筇杖挂詩囊。更轉前村去，微茫冷夕陽。

春日書懷

老幸無牽累，蕭然奉園中。暮寒鳴竹雨，春淡落燈

秋蟬吟草

卷二

九

風躡蹻翻成，福悠閒得自窮。何人會此意，翹首送

飛鴻

羅鳥

貪覓荒畦食，誰知羅網中。殺身恨已晚，饒口悔無窮。矯矯滄溟鶴，飄飄碧落鴻。回頭憫同類，不學信天翁。

知止

知止正隅好，甘貧世網離。有詩能寄慨，無米不臨池。落拓漁樵侶，酣嬉花月時。南華齊物旨，千古可為師。

述懷

節概懷千古，踈狂悞一生。老須懲忿念，貧莫論交情。天近清明好，人後白髮輕。殘年間是福，高枕聽松聲。

有感

世態何堪說，人情那可思。時乎狂不易，老矣達為宜。莫作箕裘想，須儲伏臘資。桑榆收已晚，悔斂半生癡。

冬日

忽忽寒冬盡，勞勞生計微。囊空慙客至，歲暮望兒歸。疎薄人情異，時難古道稀。潛身應自喜，十載一漁磯。

秋蟬吟草 卷二

十

重題舊寫真後

題真秋館日，回首又三年。齒落頰添鬢，頭童梳可捐。惟憑造化意，那必子孫賢。壽考稱難得，叨居五福先。

述意

生涯那足論，賣藥有韓康。得免人奴辱，何堪說自強。百年唯委命，兩鬢已成霜。敢逞書生態，青衫白眼狂。

夜望念身計感賦

月斜猶仰屋，橫集百端憂。未即填溝壑，還應作馬牛。治生時不易，娛老計難周。鬱鬱憑誰告，今宵白盡頭。

身世何堪說，根虞畢此生。早知終白屋，悔不隱青城。偃蹇文章賤，衰窮骨肉輕。啞然笑殘夢，猶自請長纓。

用短

年來善用短，在在不愁眉。寒儉容愚僕，衰頹媚小姬。愛花慵瀝酒，忍病健裁詩。似此終吾老，書生數味蟬吟草。

卷二

十

未奇

逸老

時年六十有三

沈夜曾有句，七十古來稀。筋骨休為禮，家山好掩扉。兩餐適口膳，一襲稱身衣。莫慮田園薄，殘年亦庶幾。

書懷

自顧已如此，何須卜卦錢。詩知氣味薄，老覺性情偏。世網逃來久，巖扉棲更堅。惟持孤子意，出處兩超然。

還家

擲筆還家後羞將長缺彈習勤勞不覺好偷過多
安論事畔常豁平生胆未寒悠悠夜甲外終老願
漁竿

草堂

作達差堪許優游一草堂對花摩老眼覓句索枯
腸不耐笙歌會無須雲水鄉古稀天得假七載此
徜徉

書懷

欲脫憂悲域須尋歡喜緣佛書四大歡喜間來聽說鬼老
去愛談禪風習生難改孤懷死亦然今朝幸無恙

秋蟬吟草

卷二

主

且擬玩秋泉

蒼蒼

自顧何如者優游得杖鄉有冤鳴犴狂無語慰糟
糠世不經磨折人何見短長回思如昨日翹首感

蒼蒼

登挹秀亭感吟

久不登亭望綠陰迷四圍清和風日美白首舊知
稀屋角晴鳩喚簾前乳燕飛明朝又陳迹俯仰一
歡歎

緘答阮懷王君

千里憐衰朽殷勤一紙書世情諳末路交誼驗閑
居矯翼孤雲鶴乘潮雙鯉魚濟時吾黨事莫漫賦
歸與

登亭

鬢雪誰銷熱登亭倚短筇蟬聲驕落日雲勢劈奇
峯炎氣何相逼清風不可蹤惟推造化理有日聽
秋登

追悼亡友黃丈養恬

憶昔黃香在衡茅願我頻掉頭談世事义手句驚
人狂態真如昨寒棺久委塵今朝秋柳樹感蒼一

秋蟬吟草

卷二

主

沾中丙戌秋黃君過予草堂同賦秋柳詩若吟爭勝得句狂叫思之如昨日事

蚓

莫嫌骨力少在地亦稱龍地龍名飲啄物無競屈伸
穴正容廣聲何表表遜跡自雍雍雨霽松牕外高

歌對夕春

久旱大雨

日落雲如墨奔雷震胆寒疾風摧樹折急雨漲池
寬旱魃空為虐天心憫曠乾今宵葺屋下何處不
騰歡

桐川徐文自琴川題訪

古稀猶入幕相見為嗟吁
矍鑠爭青眼艱辛早白
鬚故人半載別秋雨一帆孤
莫憶虞峰久桑榆急
自圖

眉白感吟

眉白徒形老何人說是良談天
猶有口磔歲久無
方秋氣巖阿淨寒門菽水香
吾生亦已矣未改舊
時狂

追悼篤湖一椽湯丈

論齒同戊子君胡遽九京遺編詩天矯挂劍涕縱
橫不朽文章在浮雲生死輕駕湖化鶴返應念舊
秋蟬吟章 卷二 五
交情

夜坐感懷

漏聲風露冷欲卧復遲由螢火光爭夜蟲聲思入
秋百端誰共語萬感獨含愁白首勞生計時難不
易謀

夜坐

欲睡不成睡挑燈喚奈何夜深星斗濶老大感傷
多塵事紛於蠅流年疾似梭此生真草草詩酒兩
蹉跎

戊子除夕感吟

此夕是何夕傷心孰與論依然除夜酒不見去年
人燭為頻啼淚花因暗滅神自悲還自慰萬物盡
回春

書意

人事何堪說家庭不易支每緣骨肉愛翻覺怨思
滋婦病醫薰禱兒痴父并師百年曾有幾攬鏡鬢
成絲

秋盡

入戶霜風勁三秋已盡頭林踈山勢顯水落嶼痕
浮留客賒村酒防寒綴敝裘餘年隨今過天地一
秋蟬吟章 卷二 五
蜉蝣

繼室陶氏久病垂危愴然賦此

淒風寒雨夜病革音亞慘形聲縱有英雄氣能無兒
女情青年頽萎悴白髮涕縱橫弱息床頭侍深憐
到五更構見母病三月侍守辛勤益復尪羸

努力

扶杖柴門立秋風夕照時家貧愁歲歎身老恨兒
痴菜甲粗供膳篝燈細課詩餘年知有幾努力強
撐支

閒居

午睡甜如蜜秋庭日已斜冥搜和險韻摹畫揮瓶
花懶作江湖客甘成農圃家黃門曾有賦讀罷不
勝嗟

丙戌除夜

又題辭歲句聊復紀衰遲春意蘇梅萼椒香挹酒
卮青山歌咏地白髮太平時聽徹三更漏欣交六
衰期

百事惟從簡幽棲一老翁紛華違俗尚寒素守家
風詩拙無勞祭蔬香免送窮柴門仍古意見輩粉
書豐吳俗除夜粉書豐字
于門近亦漸希矣

秋蟬吟草

卷二

六

京山滕丈就幕梁溪過余草堂話別爰賦二

章以當三疊

顧我殷勤語相看兩白頭衣冠臨泌水書劍指常
州湯說馮唐老誰憐宋玉愁締交風骨在出處不
須侔

梁溪淳簡地幕府最風流水色芙蓉淨巒光蘭若
幽參軍非百里報政只三秋他日尋簾笠桑榆好
共收

老人

老人不足恃隨處且歡然邀月蓬窓醉尋花莎徑

眠形骸亦外物榮利更浮煙悟取真如旨東南第
一仙

黃養恬齋中清話小飲

松竹蕭騷處忘形竟日留狂言天地窄玄論鬼神
愁禮豈為我設酒無煩婦謀夕陽催客散扶醉約
重遊

冬日漫興

寒日踈簾淡閒居逸興濃檢書除蠹窟掃石破苔
封性懶求無事年衰覺有容久消塵俗念不必聽
晨鐘

秋蟬吟草

卷二

七

夜坐

踈林寒月上萬籟不聞聲或杖孤亭望凭闌百感
生年衰家有累身賤世無名對此茫茫境乾坤七
尺輕

自述

區畫于今拙襟情自昔狂茆堂花作障窮老麥為
糧未負春三月寧拋書數行人間回首望若箇不
茫茫

悼二姪栢三姪植相繼痘殤并唁唯謹二弟

三旬殤二子慘毒狀難傳貧老逋空負佳兒命不

延門衰雖委祚命薄欲呼天相顧頭成雪餘年付
五禫

旅居間眺兼呈稼梅顧君

逆旅渾無事寒原倚杖看渚荒多雁鷺村僻少衣
冠賴結文章侶聊尋詩酒歡黃河昨夜月相對感

團樂稼梅桃源對月有月
影圓時人未圓之句

夜望感吟

耿耿不成寐秋堂心自捫賤貧垂白髮風雨聽黃
昏所遇嗟多幻平生孰與論百年老已至堅忍杜
衡門

秋蟬吟草

卷二

六

一片秋聲起孤檠獨醒人關河曾說劍農圃竟終
身亦有詩書癖寧辭疏水貧殷勤羔與鴈未必太

初民

冬日家居

避風如避寇斗室障簾旌骨老無溫氣家和有笑
聲杯盤隨分具爐火自朝生好謝尋梅侶寒巖畏

共行

秋前二日即景書懷

風色將辭夏雲光漸入秋蟲池蓮子綻蔓架豈花
稠入世羞馮婦謀生策利舟流年與衰髮無術一

句留

新秋病起

老病膠投漆兼旬始稍痊露荷殘下鶴風柳一吟
蟬入世慚刀篋潛身守硯田蓀薑秋正好從此醉

江天

示家人

蕭條餘井臼清苦度年時詩與人爭瘦門隨志並
衰田園經久旱蔬果亦居奇細語妻孥輩報虞知
未知

述况

秋蟬吟草

卷二

九

塵緣纏似繭惡况疊如瀾不被妻孥累寧知梅鶴
歡面山萬峯軸禮佛一蒲團此意何時遂殘年或
稍安

和盧秋霞新秋感懷原韵

寒蟬將暑去北鴈未南來天際白雲捲水邊紅蓼
開踈砧傳里巷長笛起樓臺羈客多秋思蛩聲莫
更催

自喜

自悲還自喜老拙免饑寒若更風塵際誰憐行路
難烹葵終圃稼被褐守衣冠從古碌碌士浮雲富

貴者

問居

自脫樊籠後飄飄寄草萊
架書隨意讀夜迢不輕
開覺悟何妨老蕭閒
幸廢材回思舊朋好八九去
泉臺

世事

世事渾忘盡蕭齋靜似僧
日須兩蔬飯夜伴一秋
燈潦倒軋坤夢幽閒鷗鷺朋
莫嫌頭雪白道念老
來增

五秋日即景

秋蟬吟草

卷二

下

秋從何處到闔闔曉來西
荷柄蜻蜒立莎根蟋蟀
啼瓜開紅瑪瑙酒瀉碧瑀瓊
夜課今朝始松寮預
擬題

書意

白眼惟詩酒蓬門清始幽
亦知傲是病其奈骨難
柔羞洒窮途淚甘阿老圃
儔殘年已可料萬事莫
回頭

咏藍菊

陶潛當日見定亦許風流
莫笑霜難傲還憐骨本
柔循名休覈實歷夏更經
秋借得東籬色何妨挿

滿頭

五言絕句

春日

春從何處來綠染閒庭柳
客子獨關心悵別灞橋
久

春夜

細雨灑寒牕春風傳夜柝
兀坐心寂然發點瓶梅
落

獨居謝人事始識靜中趣
忽動故鄉情子規啼煙

樹

秋蟬吟草

卷二

主

野望

遠樹含煙靜孤雲出岫閒
天涯容嘯傲白眼看青
山

極目鄉關路煙雲斷續間
魏溪百丈絹難寫萬重
山

桃花吟

夾岸飄紅雨優游何處春
悠悠千載下空羨捕魚
人

楊柳吟

煙鎖隋堤暮風搖建業春
不知青眼裡看盡六朝

人

煙波宅即事

閒把一卷書靜對數竿竹日暮雨蕭蕭風簾漾寒

綠身世已兩忘老病猶未迫桐窓引一觴醉不拘斗

石

池上綠陰中榴花紅似灼忽聞風墮聲瞥見魚驚

躍

鼎石時撫摩為愛得古趣空羨廬陵人苦無濟勝

具

秋蟬吟艸

卷二

五

咏今昔事八絕句

忽憶當年事徵歌醉玉樓漏聲二十五如帟豁雙

眸

興發狂吟處隣兒驚欲啼驅神兼罵鬼白眼看醜

鷄

仗劍出門去天涯若吐間西園北海座不信有歌

魚

今日巖阿下蕭然似野僧碧苔三迳合誰為一開

尊

莫謂屠龍手一身自主難齒牙脫落盡熊掌只供

看

聲色都無今三旬病二旬負夜兼負酒不是為家

貧

盛衰千古是今昔百年殊幸免填溝壑優游到白

鬚

人生萬等級自今五千間伏臘粗堪給偷然臥故

山

久旱喜雨二絕句

急雨簷如瀑雲龍到處行江南節屋下從此免呼

庚

秋蟬吟草

卷二

五

穀詠聊饘粥彌殷望歲心匡床聽徹夜直是雨黃

金

秋夜

涼月映孤牖西風緊逼夜何限平生心垂首秋燈

下

秋蟬吟艸卷二

秋蟬吟州

古吳朱 穎雲浦氏著

京江

舟輕帆捷過江東浩渺波光四望同吳楚平分遠
天外金焦雙峙亂流中空聞形勢爭龍虎惟見春
秋送燕鴻我亦往來成底事年年愁水復愁風
康封錢四來自燕山話舊即送之越州郡丞

幕

年時惆悵別河梁此度歌驪更斷腸兩鬢新霜回
秋蟬吟草 卷三

上谷一帆寒雨去錢塘江聲夜走魚龍氣山色朝
開車馬光貳守明州同館閣故情雙鯉莫相忘

秋夜寄唯謹弟

緘書欲發復沉吟鄉思羈情語語深松竹時教奴
子洗簡編莫任蠹魚侵兩行鴈影悲秋月一片燭
心急暮砧更有殷勤頻囑處寒缸夜課惜分陰

研秋日歸里口號

蟹紫羨青北雁飛勞肩甫息去征衣褰帷病婦看
悲喜扶杖慈親詢瘦肥本有一瓢曲肱好并無五
斗折腰非從今若許逃羈繼秋水柴門傍釣磯

丙辰長至 時在雄州旅店

茅店篝燈影伴身迢迢至夜思如輪白頭堂上樽
弄淚綠鬢閨中夢裏人此夕淒涼唯我最平生意
氣向誰親他時得遂雲泉計視辱難忘歲丙辰

暮春述懷

禿盡頭顱未改狂數弓小圃日徜徉興來直以詩
為命老去惟憑醉作鄉媚靨桃花紅艷豔漫天柳
絮白茫茫平疎只合題衡泌種自青青墨自香

掃墓感吟

愧無華表光前烈春薦年年淚暗零拜掃子孫頭
秋蟬吟州 卷三

半白孤墳松栢樹長青東風細雨催歸棹小市斜
橋帶遠汀回首依依心萬折未容廬墓伴先靈

夜坐

隔檣風竹響蕭蕭白首低垂坐寐窅何處夜溪吹
入破有人燈影讀離騷歌魚恥說營三窟飲水甘
心守一瓢萬籟盡沉雙眼倦微茫城漏正迢迢

夏日書懷

小閣人閒晝掩扉纖塵不上艾荷衣愁魔漸退禪
功見老病時增藥力微萱草綠搖風細細榴花紅
重雨霏霏此身久作逃羈馬野岸空山不受羈

顧節母詩

大義能持天可呼，斷腸膏復為遺。雖節母夫亡時，

日復獨親族咸為悲且慮而母獨曰我豈為一雛而忘老姑乎柳熊茹苦教猶子

王鯉會悲奉邁姑，勃澥乾坤難免缺。蓬山鸞鶴不

妨，孤玉釵紅燭知多少。青史曾標一字無。

士言大允甫，歸自燕又有西蜀之行相對惜。

別懷然賦此

戴金簪筆兩茫茫，相見同憐鬢髮蒼。四載乍聯鴻

雁影一尊又斷，別離腸入天雲棧。蠻煙重滿地兵

戈，春州荒時大金川用兵尚未凱旋太息此行非得已，好營伏

臘早還鄉

瓶梅

分得春風第一枝，水壺清徹恰相宜。澹香微動依

簾慢，瘦影依橫壓硯池。魂斷孤山雪滿處，夢回茅

舍月斜時。亦知青眼殷勤意，長笛尊前未忍吹。

購得十三經十七史感賦

占嗚平生浩氣舒，縱橫經史愛吾廬。貧時恨未窺

全豹，老去甘心作蠹魚。萬世典型金石並，歷朝法

戒日星如曉憲。春草秋燈夜殘，勝光陰付讀書。

夏日

南軒北榭翠幃空，洞啓牕扉面高風。午暑蟬催楊

柳外晚涼魚躍藕花中，愁魔未退禪無力。利鎖新

開病有功老去祇耽幽，獨好醉吟更不計窮通。

露梅花

春溪雪霽影迷離，清絕精神秀絕姿。踈落不嫌枝

瘦削，風標那藉葉扶持。夕陽古驛懷人遠，淡月殘

鐘擻笛遲一歲，江南一相見。尊前惆悵髮添絲。

書懷

蕭蕭衰髮又迎秋，百不關心未免愁。愛月強扶病

體坐耽書，甘減膳錢收十年。跌宕誰青眼，萬事蹉

跎已白頭。後此生涯何處好，半尋巖壑半漁舟。

歲暮徐大桐川過草堂茶話

世味年來倦筆耕，故人相對話平生。有求富貴終

非願，無事益益亦適情。病鶴那爭雲樹宿，閑鷗不

負野塘盟。悠悠預結新春約，共跨青驢鄧尉行。

梅花惟鄧尉山最盛故云

鱗橫塘道中

舴艋橫塘破曉煙，薄寒風物愛翛然。數峯青出踈

林外，一剎紅遮斷岸邊。茆舍互歌打稻侶，湖橋過

鼓賣魚船。從今不獨耽止壑，更擬却居度晚年。

辛巳中秋夜同弟唯謹姪振翻分賦

艸堂懶慢趁閒身清影今宵起舞頻一片青瓊雙
鬢雪笑回白眼百年人寰瀛玉潤秋含露霄漢香
扶月滿輪此夜此生應記取吟箋同拂樂天倫

牡丹

明霞曉襯越羅裳繡幙高張護日陽千古色香成
腐語十分端麗是花王裁時應傍黃金屋看處瀕
開白玉堂獨惜彩雲偏易散年年穀雨送春光

煩惱

欲除煩惱減因緣向曉燈青豈耐剪開拓心胸惟

秋蟬吟艸

卷三

五

有讓放寬眼界不求全池魚庭艸苗生意美月吟
花當老禪試看古來青史上幾人福念得長年

夏日咏懷

清簾疎簾無暑氣小門深巷絕塵喧火雲日暮奇
峰湧荷浦風生翠蓋翻南郭枝窮甘退處北窓臥
起自忘言費桐三尺書千卷老守儒生五畝園

辭感舊

危機歷盡纔知命傲骨猶存始信神天地無私貴
亦老古今有恨士多貧短衣射虎思如夢長缺歌
魚愧向人何計悠悠銷暮齒蒔花課子更垂綸

書意

平生萬事悵緣慳造物因憐付與閒一日何曾不
看竹十年前已羨歸山蒲車薇省空招辟時胡句
宣相招
未蓬艇漁策正往還檢點素心無愧忤賤貧終老

未奴顏

紅指甲

閒却織織亦愛妍猩紅一點媚携看乍疑玉笋鵝
啼血旋認麻姑爪握丹雪藕乳拋緋散點吹簫徐
落杏花癩可憐挽鹿丸熊手不整飛蓬心自酸

癸未除夕

秋蟬吟艸

卷三

六

擁爐又值祭詩辰骨月無多老更親一歲僅餘數
點漏三年即是六旬人余年五
十有六屏間紅袖添香篆
閣外明燈照酒鱗醉過畫鷄粘戶後衣冠迎拜太
平春正月初二
日迎春

錢四康封來自楚中過訪草堂話舊惜別

縞紵空懷蘭譜殘衡門惆悵暮雲天故人忽報來
三楚雪鬢驚看感百年鷗鷺不爭煙水潤琴樽無
恙艸堂偏鄉園各應終頃別別後離心兩渺然

感秋

斷鴻點點遠山橫俯仰秋庭何限情日上踈籬收

菊影風憑老樹作濤聲平生骨傲愁奴辱四海囊
空愧筆耕裨榻髮絲絲自好閉門寧必隱青城

小圃書懷

數弓小圃養衰慵不計窮通抱樸翁藉病屢辭東
海約時雲間徐太守屢招未就甘貧長享北窓風藤蘿絡石斑
斑翠漆苴牽魚感感紅粗糲百年堪自給硯農何
必更求豐

夏日閑居

齒豁頭童減世緣竹床湘簟北牕前關山杖履思
曩日煙水菰蘆願暮年未典琴書貧有級白香山詩貧中

秋蟬吟草

卷三

七

有等欲盟風月興無邊息心淨行新拈得近閱佛經
息心淨行四字盡了儒宗更了禪

振翮侄科試入泮賦詩美之并勗加勉

阿咸才藻擅文場歸換青衫拜北堂雲路初登萬
里勢泮芹首折一枝香振翮府庠名次第一即看鵬翼秋霄
迥莫負螢窓夜漏長鹿洞家風原有素摩挲老眼
待翺翔

冬日憶舊遊有感

霜風十月盡情吹草樹荒涼觸景悲無計遣愁惟
委數欲消積懣但題詩天涯劍履腸肥日故國蓴

鱸齒豁時回首江湖渾似夢負人青眼說歧巖

初冬小山居即事示唯謹弟正笏姪二首

巖邊野菊尚成叢霜後風林葉葉紅景好祇憐供
跌宕年衰猶喜未疲癢藏得斗酒論青史折得瓶
花賭盡土時有向人誇勝處藜藿麥飯不嫌窮
桑榆誰復問行藏塵尾清談戀艸堂不愛聲華惟
養拙欲捐禮數怕隣狂小圃風日初冬好老課詩
篇過眼忘忘幸有惠連南阮共青衫紅燭論文章

簡答含山幕贄翁葉四丈

白盡鬢鬚志四方梅峯高坐使君床江分上下人

秋蟬吟草

卷三

八

千里道訪隆汗書八行燕雀豈能知陸賈驂驢終
得遇孫陽杖頭有鈔當歸卧莫負橫山舊艸堂

書意

造化猶留難後身蕭然衡泌不愁貧事須窮理心
方懶境到忘言性始真敢戀膏梁依貴客且憑文
酒作閑人小山風月長相守攬鏡顏衰少俗塵
宗子威如身後蕭然知交絕跡感而賦此

天道茫茫不可知斯人斯疾更無見寡妻孰憫餓
寒泣薄俗難免義理推一死一生交始見為恩為
怨語皆悲挑燈細讀夷吾傳欽折高風老淚垂

嚴寒裂膚朔風狂吼振翻廷儀二姪念親棺

未葬赴山覓地詩以獎之

刺骨寒風吼正狂聳肩兄弟走山莊未封馬鬣心如灼欲覓牛眠苦備嘗天地一杯寧吝惜松楸半畝尚蒼茫孝思百行俱能感白鶴終看報吉祥

述意

鬢髮鬢髻口齒凋拔書已倦伏蓬蒿山窓喜睹梅梢綻寒日愁聞酒價高何處浮雲矜富貴有人映雪讀莊騷塵氛得謝柴門靜世路從教熱爾曹

乙酉除夕賦詩二章示諸弟姪

秋蟬吟草

卷三

九

祭詩尚免人扶拜祀祖惟祈得弄孫門內青衿皆不俗座中白髮獨稱尊酒燈此夕書香會溫飽終年墨稼恩爆竹萬家聲連曙太平豐豫卜村村心似寒灰不肖飛眼前裘馬任輕肥但將好句酬佳節敢為虛名負釣磯春至萬花梅領袖歲除雙鬢雪爭輝明年五十還加九衡泌飄飄一布衣

夏日閒居

熟梅天氣雨蕭蕭老具幽懷破寂寥青嶂隣牆籠薜荔綠雲隔院覆芭蕉低回圖史遊千古落拓乾坤醉一瓢此景若教傳畫府午風清暑出生綃

丙戌夏振瀚姪散徒謝客讀書紫竹林詩以美之

下惟愁作老諸生奮翮孤飛憂憂鳴水竹禪扉無暑氣典墳螢火有書聲青年事業文章好走眼風塵紈袴輕他日杖藜乘逸興聯床夜話佛燈明

書懷

白髮千莖愁擾擾青山半畝勝栖栖人生最是無家好氣節多因有欲依天地蒼茫悲逐旅古今勞攘笑醢鷄何如義命終相守絕壑孤松日已西

贈黃大養恬

秋蟬吟草

卷三

十

出處何妨各自殊談詩說劍誼交孚能令歌哭真佳句不避艱危是丈夫旋轉經綸推幕府仄顏身世混樵蘇日來奏草頻聞易可憶蓬門一事無聞

先府君十周忌辰悲賦

丙戌五月二十四日

十年荼苦鬢星霜家祭今朝重自傷地老天荒恩罔極海枯石爛恨難忘堂前兄弟仍荆樹膝下孫兒欠鴈行瞻拜裳衣嗚咽問九京阿母可安康

葉世瀛今一十三年矣

振翹姪讀書僧院連旬未歸寄懷一律

借得幽偏古道場讀書寧獨重文章遙知栢葉遮

西日僧齋西向藉庭中栢樹障日可憶荳花省非堂

少窮經誰問難家貧力學志非常騰驥萬里休嫌

晚不負後來信彼蒼

述意

小山已得遂幽棲抱膝雲蘿志弗迷幕府酸醎嘗

白髮書生氣骨耐黃蘆新秋天地長吟好末路漁

樵壯色低世態楸枰看爛熟蒙莊物論豈能齊

秋亭即事

竹映迴廊柳卷庭逢迎懶慢戶常高十年不踏紅

塵陌七夕初過白露零靜對花香擎酒醖細聆鳥

語繹禽經人間蠻觸知多少誰愛秋風坐草亭

秋日偶成

衰頽明鏡悔空勞世外虛名不用避半繭荒園棲

野老滿林寒雨讀離騷思魚疇昔空彈缺學稼後

今已賣刀珎重東籬數枝菊一工一壑屬吾曹

丙戌仲秋內子王氏十週忌辰真如禪院藉

釋以資冥福悼賦

頭白凌晨赴道場悲君別我十秋霜音容合眼人

依舊踪跡重泉路渺茫婉婉豈徒工紡績銀危不

僅咽糟糠賃舂挽鹿無窮事今日追思更斷腸

質樓梅氏從屋王孺人荆布不完恭儉並著

秋圃寄倪文曉微

布袍落落見平生買得青山小隱成籬豆綠垂秋

雨綻井梧黃落曉風輕室惟煮茗供吟嘯門可張

羅省送迎只有重陽景物好巾車莫負故人盟

微有山遊之約

小迂倪文廷輔高君偕遊虎丘

白髮蕭蕭策短筇香隄花市步從容塘延七里笙

歌遠石愁千人士女重碧澗曾磨秋水劍蒼山惟

聽夕陽鐘明年強健還尋約湯擬三壺與九峰

哭黃大養恬

一束生芻無限情欲呼元伯涕縱橫百年天地留

真氣七尺江湖空令名蘭室霜風吹總帳道山玄

鶴引文旌哭君更有傷心處不獨交期隔死生

室無姬妾勝之兒女

春日間居

年華荏苒春將半老態蹒跚日漸形閉戶免教雙

眼白捲簾恰喜一峯青淡於榮利心方淨雅此琴

尊性自靈扶杖夕陽堦下五梅花無數繞孤亭

暮秋抱疾口占

疎林暮影透寒鴉有客孤亭不耐譁正狎眠鷗盟
綠水那堪人病對黃花行全晚節多違倍夢斷秋
槎只戀家輸與冥鴻無繫着海門飛去渺平沙

自適

莫愁用盡賣琴錢懶向風塵更作緣暮齒一身惟
取適貧家萬事不求全貧者梅月宵分坐聞說春
寒午晌眠檢點同儕誰耄耄好開笑口度殘年

小山居書懷

老甘衙必更何求苔徑蓬門覺自幽紅雨一簾春
烁蟬吟州

卷三

七

寂寂白頭萬事海悠悠明年强健天難問此日歌
呼酒易謀掃盡塵緣惟作達北却埋骨不埋愁

有感

賣劍捐書簡世緣狂奴故態欲誰憐酒香花艷娛
春畫翠擁紅偎過暮年荷鍾便埋真達者蓋棺論
定亦徒然試看青史思千古佳傳茅簷得幾傳

輓俞見山原配吳孺人

才不矜誇方是德貧能懼守始稱嘉春風春雨分
鸞鏡花謝花開泣鹿車祇惜良人懷璞玉那愁兒
子著蘆花他時百萬營君壘應憶糟糠倍痛嗟

秋圃即事

鬢鬢白盡感年華圃榭荒涼處士家野竹凋殘經
蠹劫短垣剝落藉花遮比來鷄黍非容易自古秋
風動歎嗟獨望小窓何限思蛩聲漸緊夕陽斜

丁亥九日感吟

強携藤杖登亭望秋老林疎感歲華何處凌風吹
白帽有人扶病對黃花江湖久懶同謀雁家業新
愁似攪沙六十重陽一尊酒此身猶在屬蒹葭
病中不寐同小婦素芬若松夜話

烁蟬吟草

卷三

十四

警夜殘缸燄逼鼠窺人年來漸覺交親淡老去方
知婦子真相伴樂壚談世態幾開笑口轉精神

崇川張使君招余已屢賦此報謝

折節衙門禮數寬使君高誼出雲端情文兼摯相
招切老病交侵欲報難續奏西江褒鳳詔才非百
里晉貂冠張君上下兩江歷任牧令
近于崇明奉詔晉秩抽毫為作崇
川頌愧負殷勤設館餐

冬日書懷

小室摩挲寒日偏朔風旋起吼無邊瓶花除水宵
防凍市酒增沽雪滿天辛歲但謀困內粟杜門不

用杖頭錢人間萬事閒為福肯戀虛聲殉暮年

欲求釋累簡諸緣多難餘生志更堅黑硯磨凹笈

我拙黃齋嘗盡受誰憐寒門歲暮清如此古屋梅

香澹自然鈎餌不吞羅任客沉鱗倦羽老林泉

殘臘

衰遲歲序感蹉跎雪霽山牕一放歌身賤祇悲名

未立家貧每愧客空過林端禽舌知春近亭午蜂

鬚覺晝和檢點殘年湏了事酒通藥券幸無多

初夏書懷

長缺羞彈返舊林柴門寂寂柳陰陰磨穿黑硯真

秋蟬吟草

卷三

十五

成腐買得青山不羨溪泥迸竹孫誰見節葉藏梅

子自酸心慈湯麥飯終吾老露肘何妨為捉襟

夏日書懷

竹遮桐蔭野堂深梅雨初過暑未侵滿地草花行

屐礙半天薜荔古墻陰傳經已失平生望佞佛非

關不死心白髮掉頭時惘惘正阿何處聽鳴琴

家居寄王子紹賢

束書載筆事俱刪十畝棲遲老趁頑閉戶親知多

冷眼食貧骨肉少歡顏莫愁此日難賒酒猶喜當

年易買山試問戰轅鞅掌客可思桑柘有人閑

家居

出處無常得自由囊中雖穎海中鷗一生遺恨拋

黃卷萬事虛聲詐白頭花月嘯歌容傲睨漁樵跌

宕亦風流只今更擬高門坐老屋三間水竹幽

小院濃陰清晝長不衫不履任徜徉牆西老樹留

遮日舍北踈檣待納涼千古滄桑書作鏡百年几

席墨生香雄飛雌伏終歸盡沉面何妨但戒狂

秋日書懷

水石蕭蕭秋氣清苔花零落蓼花橫荒畦久旱蔬

瓜缺病骨新蘇杖履輕斜日攤書無客到西風掃

秋蟬吟草

卷三

十六

葉有蛩聲孤懷轉作凌雲思萬里冥鴻自在行

老病

帶圍寬盡興顏唐酒社歌場夢渺茫意氣自憐輸

壯盛精神誰惜暗銷亡半床藥裹連蛛網滿地秋

花冷夕陽風景遞遷人面改百年回首即滄桑

病中戲示家人

經旬衰病逼龍鍾心似寒泉貌比松猶喜妻兒甘

澹泊每承親舊怨踈慵柴門不啓苔封厚古硯新

磨墨汁濃共惜厄羸勸醫藥艸根可許壽神農

秋柳

曾鬪纖腰清弋村陌頭憔悴少王孫春風鶯語靈
和夢寒日鴉啼建業魂青女微窺蒼滅黛陶門低
拂翠銷痕人生轉眼榮枯易輸與長堤有舊根

示椿兒

而翁非是性耽詩善感多愁不自持有憑難憑杯
酒洩無情猶復為秋悲書生節概貧中見處士風
規死後知說與兒曹應未曉吟聲撼壁道狂癡

自述示家人

患難饑寒命倒懸平生回首淚潛然須知此日園
蔬飯悉出曩時幕府錢馬老不堪馳峻坂鷗閒可
秋蟬吟草 卷三 十七

許浴晴川比來百病虞叢集擁鼻吟成孰為憐

春日書懷

齏鹽終老恥言貧適俗無方但率真易尚撓謙非
佞安詩推風雅不驚人艸香蝶粉黏朝露柳暗鶯
簧啜晚春兔走烏飛頭易雪閉門即是葛天民

春日小山居即景

不辭此日酒盈卮又向東風吹鬢絲春水平池光
滑笏梅花繞屋影迷離小山杖履迂儒在大塊文
章淋景移沉醉尚能舒鳳嘯兒曹莫漫指哀遲

雨愁書懷

茆齋晝日坐寒暄往事追思欲放顛每為直腸遭
白眼空教溼膽向青天龍門何處增聲價馬磨依
然到暮年七尺於今如病鶴春愁春雨共綿綿

小山居雨愁感吟

日日窺園發浩歌流年不貸髮皤皤人過六十歡
娛少天入三春風雨多杯酒借來澆魂礪梅花落
盡冷巖阿詩成工拙憑誰論擲筆狂吟復細哦

春圃即事

湖山風月兩相思別有幽懷世莫知樂此不疫書
數卷浮生若夢酒千卮春深櫻笋登盤饌人到桑
秋蟬吟草 卷三 十六

榆惜歲時未審明年復何似可容重諷舊題詩

春日自遣

獨立東風池館清年來耳目欠聰明柳絲花朵春
三月痛飲豪吟夜五更傲晚不妨從我好聲名那
必與人爭書生智盡成何用椽筆唯堪咏太平

夜雨感吟

衡扉寂歷掩蓬蒿六十過頭歎作勞胸次無機愁
自織眼中有界視還高暮年不道惟耽酒少學何
曾為捉刀今日春殘人老病一燈風雨聽蕭騷

家居書懷

濛濛烟雨鎖柴門長缺歸來醉瓦盆四海一身慚
俛仰百年萬事感乾坤灰類人合棲巖谷寒薄詩
從嚼菜根悔殺風塵頭雪白此中辛苦向誰論
執矩為規苦未工田廬息影樂融融溪山遶屋無
塵氣雞黍留賓有古風老眼不須看世態杜門那
用哭途窮癡翁莫道踈於計海闊天高是野鴻

拜掃 先考妣暨亡室王氏新阡

出郭山風動紙錢孤舟微雨上新阡正逢寒日殯
繁薦却羨泉臺骨月連春草白楊悲罔極美人黃
土恨千年一杯記得留生穴有日重墜地下緣

秋蟬吟草

卷三

十九

留有生穴即余他年墓處也

幽居

幽居城市即山邨風物蕭條井臼存薄有微名留
幕府愧無操行樹衡門青氈圖史承先業白髮箕
裘望後昆羔雁不將冠蓋謝飄飄轉覺布衣尊

即事感歎

年來坎壈益窮奇一夜愁添雙鬢絲骨月喪餘猶
善病田園荒盡更憂時小山檢點孤吟句老淚縱
橫落魄詞欲典琴書供藥餌梅風梅雨正凄其

夜坐感悼

萬事傷心老病身一燈寒對鼠窺人桑榆筋力年
年減憂患詩篇字字真只道馮煖能市義那知季
子竟長貧自悲饑餉猶無福獨擁牛衣淚滿巾

夢亡內子王氏悼賦

一夕絃摧賦悼亡廿年鴻案憶相莊曾垂別淚姑
孀老每勸還山松菊荒謝女昔憐椿井臼霸陵今
不共糟糠昨宵夢裏分明見疑假疑真總斷腸

戲咏竹夫人

如卿端合喚玲瓏莫羨商姬笑語工偎倚銀牀憐
骨瘦橫陳冰簟愛心空千痕亂洒湘江淚百孔齊

秋蟬吟草

卷三

十九

承統扇風只是相依韋布士何來花誥號偏崇

身世

十年身世兩相遺留得形骸姑自支已悟浮生等
殘照尚餘宿習愛吟詩園荒蠹遍林間葉僮懶蛛
牽戶上絲一切悠悠外物外寓廬知更幾多時

感懷

誰道丁年氣食牛即今茆屋日低頭年衰遇事空
餘感骨傲逢人怕說愁百歲秋風消白墮一燈寒
雨冷吳鉤闕河辛苦垂霜鬢篋笠輸他卧釣舟

冬日即事

圖史哀翁尚結緣擁爐盡日坐寒氈何須白眼看
塵世自有青山養暮年梅萼橫牕春漸近蓬門謝
客病新痊過庭子弟無他囑不事詩書即力田

述懷

莫道哀翁不世情欲求諧俗愧營營生前毀譽何
須論死後庶頑自有評澹漠拙詩誰愛惜孤寒瘦
骨獨支撐篝燈木榻摩挲夜心跡秋潭徹底清

題黃野鴻先生詩集後

几淨窗明雪霽時掉頭細讀野鴻詩獨開本色空
靈境盡洗浮華船壑詞倔強鬚眉如在目孤窮氣

秋蟬吟草

卷三

三

骨有誰知平生濡首就佳句頭白驪珠探恨遲先生

集中有詩到暮年多
本色句誠哉是言也

自述

驅馳早已畏羊腸淪落何妨性自剛沒世有靈還
倔強平生多難亦尋常青山書卷終吾老白眼歌
呼未改狂絕似寒沙孤雁跡飛鳴宿食不隨行

居家有感

白頭萬事水東流一局殘碁好自收七尺何妨學
屠狗百年那望祭椎牛家門多故塵心冷在熊頻
看老眼愁多置濁醪忙蠟屐徜徉歌哭縱春遊

己丑除日

歲除依舊掩蒲龕家事心灰口不談此日嘉平惟
剩一明朝花甲又添三尊前笑語情如故病後形
容老豈堪杖履春融能健否梅花次第繞茅庵

庚寅元旦

余年六十有三

鄉間拜賀往來頻禮數今朝覺倍親紀事書看週
甲子問年人值兩庚寅力能扶杖猶非老甌未生
塵敢道貧門貼畫雞符換版白頭覓句亦爭新

新正書事

敢道衰羸再拜難賀年躑躅力為彈州堂誰愛梅

秋蟬吟草

卷三

三

花古野老惟求禮數寬到處繁華都向熱吾家雍
睦不妨寒屠蘇酒罷凭闌蕭雪後溪山画裏看

自幸詞示弟唯謹

春盤又得醉瓊卮自顧因吟自幸詞兩鬢燕毛父
老列百年擊壤太平時煙波宅畔梅環雪煙波宅齋名
挹秀亭前柳障絲挹秀亭名鮭飯羊裘蓬戶閉小山兄

弟共怡怡

園中草堂名小山居

有感

悲來咄咄向青天行盡關河少作緣閱世年深差
自許讀書身賤亦徒然景升豚犬寧無後卜式田

廬幸有傳濁酒一壺霜兩鬢不須回首恨綿綿

和一椽湯丈人日對雪原韻時湯丈在吳邑幕中

青袍卓犖客冰衙人日題詩似浣花夜雪紅爐應

盡醉初七夜大雪春風白首可思家承憐病骨高車枉

却為公門望眼賒讀罷豪吟增意氣原唱有青綠白髮心情成

之頓忘身世落泥沙

小山居即事

十年學圃剪蓬蒿有酒何須讀楚騷悅世親言良

不易向衰筋力豈宜勞孤亭雨歇客初散短塵風

生氣尚豪試問古今韋布士幾人沒齒得名褒

秋蟬吟草

卷三 三

元夜感吟

肴核床頭尚可支良宵風月儘吟詩柳黃梅白春

王月酒綠燈紅元夜時老矣子身還自立窮哉獨

善正相宜鄧攸有後尋常事未必芳名千古悲

閒居

梅放南枝柳漾絲小山遊目足怡：烹茶深竹斜

陽暮覓句長廊策杖遲故舊相逢皆白首田廬無

恙幸清時風塵世態何須問十一年來未綉眉杜予

門十有

早春感懷

天地猶留老病身小山風景復看新梅花臨水描

踈影楊柳籠烟護曉春默默年華催似箭蕭蕭鬢

髮白於銀古人不待今人感多少今人又古人

閒居咏懷

白眼青衫吾老矣平生肝膽向誰論酒甚吟嘯度

水日風雨寒暑常杜門八口藿鹽漸骨月百年屠

釣感乾坤秋雲捲盡瞿塘轉一劍霜寒少報恩

聞武昌康封錢君去世悼賦

賦別河梁記十年楚江迢遞問茫然忽傳一夕成

千古不信三生斷萬緣蘭譜重繙姓氏在素車莫

秋蟬吟草

卷三 三

及墓門邊君知我亦頭成雪風雨交期待九泉

武陵一鵝三兄見過賦贈

病後心情強自寬蓬門深掩懶衣冠性疎不厭蕭

條境骨瘦難禁料峭寒幸有故人來問訊愧無尊

酒罄交歡君嗟萍梗吾悲老身世商量各萬端

春日漫興

神仙富貴豈蹉跎命薄緣慳隨分過天氣清明時

候好人生白首感傷多鶯花酒醞休輕放松柏邛

山可奈何朝出懽遊夜歸卧虛名併不藉巖阿

庚寅送春

街頭小擔賣青梅
雨雨風風花事摧
雪鬢又逢春
盡日黃金難買壯
心回天長渺渺愁
如海地老茫茫
劫已灰六十三
年猶故我殘鶯
飛絮共徘徊

閒居簡蓉城申三丈

蒲柳蕭蕭近早秋
閉門日日狎馴鷗
賤貧畢世甘
青帽寒暑催人易
白頭悔殺平生爭
蠹窟羞將末
路託漁舟
劈棧寄與蓉城叟
可厭風塵許結遊

秋日感懷

葛衣草屨濯塵纓
自入正阿忤事輕
厄運已過欣
再造星家謂子戌運
當死今已過矣
令名未立愧平生
秋風蟬噪

秋蟬吟草

卷三

五

思曩日暮雨蛩吟
感別情堂構強承
累卵似壘鹽
猶費老經營

愛閒

愛閒早謝塵氛擾
秋雨絲絲卧艸堂
雁字排空常
變體蝸文縈壁不
成行暮年略識詩
中味閉戶何
妨酒後狂看盡人
間榮利客百年富
貴百年忙

家居書意

衡泌歸來事事幽
樊川肯復夢揚州
屢辭束帛非
高蹈為愛漁簑得
自由落落沙鷗堪
結侶飛飛堂
燕怕禁秋古人放
意寧無謂牛後深
慚到白頭

秋夜有感

木葉西風漸次摧
感時不獨為衰頹
傷心賢婦重
泉別回首癡兒百
念灰早識滄桑悲
轉睫欲銷壘
塊強銜杯夢闌酒
醒搥床起秋月無
聲似雪堆

幽居

乾坤青眼遂幽居
十一年來卧艸廬
沙渚羣鷗盟
水嶼山窓馴鹿守
圖書就哀每惜時
難再小隱終
成生不虛回首風
塵還自問此中得
失竟何如

丙寅八月廿四日於真如禪院告償冥逋賦

誌

秋蟬吟草

卷三

五

冥負前因聊復償
旃檀香裏諷金剛
法門不二維
摩會花雨紛飛靈
鷲場春露秋霜知
有盡水枯雲
散本無常年來好
作歸山計行脚僧
如到夕陽

息肩

鮭飯羊裘早息肩
烟波花月任高眠
尋來笑口開
終日老去歡腸放
幾年骨月存亡都
委命田廬得
失亦由天回看世
事紛如奕誰占空
閑一著先

攬鏡

攬鏡依然是舊青
鬚眉不復向時形
饑寒得免徼
天幸書劍無成負
地靈老矣景光憐
夕照悲哉親

故數晨星莫將哀樂從頭訴巫峽啼猿不忍聽

書懷

俯仰粗完素少儲十年閉戶意何如買山錢剩供
蒸糗話兩人稀感索居腦滿妄思身衣錦時難幸
得草為廬平生檢點差堪慰酒盞詩牌日未虛

庚寅仲冬月圓中梅花大放適蒼巖張丈過

訪談時事口占

索笑長吟復短歌臘前梅朵滿巖阿及時行樂光
陰少到處達人感慨多却喜微聾辭社酒但留老
眼送春波如君亦厭風塵况數數相過話薜蘿

秋蟬吟草

卷三

三七

書懷

懶向天涯喚奈何閉門城市即正阿兩間笑去閒
為最三黨推來壽已多春院玉梅開小宴秋窗金
屑聽新歌平生不遇中猶遇白髮清時飲太和

閒居詠懷

纖塵不到薜蘿幽中有哀翁斑鹿裘樣巖烹葵甘
澹泊修琴賣藥自風沅數椽茅屋書千卷幾樹梅
花月一鉤肯為黃金催白髮明年六十西春秋

臘盡時梅花已殘

老矣何愁祖述鞭生人窮達本由天輸他校免營營

三窟讓戎閒鷗伴十年柳眼窺春先作態梅花辭
臘不爭妍白頭雞黍寧非福那羨何曾食萬錢

辛卯立春日追憶平生悲喜交集賦此以誌

此身猶在喜還驚回首當年涕縱橫寬遇南衙盆
覆雪貧同東郭履穿行白鬚閣井人推重青眼乾
坤感不輕今日小山春又至徑頭把酒話平生

庚寅除夕

臘月二十日立春

春風十日年方盡鬢雪千莖齒又加哀賤莫嫌身
似草夢魂那得筆生花兒曹鹿鹿勞塵鞅老子魚
魚負歲華今夕山厨頗增色炊烟不斷勝素家

秋蟬吟草

卷三

三五

春夜讀書

春宵亦愛讀書聲茗椀吟唔過二更竹影月窓斜
復整篝燈風案滅還明老來遇事多違俗拙甚逢
人不記名只合蕭蕭掩蓬戶一經自守了餘生

書懷

車馬門稀轍跡空數弓小圃一哀翁性情得句多
流露質直達人少變通金石座間留古意竹梅窓
外愛高風年來更結雌黃舌合眼低頭盃酒中

入春老病日侵即事口占

禮數新年力不勝松闔晝掩睡慵騰非無樂處歡

情少自入春來老病增難忝屢招辭社友果蔬遠
餉愧山僧黃昏更聽蕭蕭雨一榻茶烟半壁燈

春日自遣

依舊芳華碧草新髮邊玄髮白於銀梅花骨冷能
降雪楊柳絲長不繫春鳥影急催塵世夢鶯聲暗
送少年人好扶老嬾尋娛樂明日風光明日身

詠懷

苔痕積潤蔓堦除十載優游愛我廬快飲百年有
盡酒細讐千古不磨書鷗棲野水繞迤網蘭避當
門庶免鉏闢布裁衣春莖飯閒來冷眼覷求餘

秋蟬吟草

卷三

三

蓉城申三丈過草堂話舊感賦

高柳新蟬暑漸催白頭相對碧山隈門無貴客衣
冠廢案有奇書心眼開吾道於今可似昔世途自
古已難猜紛紛耆舊凋零盡話到梁園感劫灰

述懷

屢囊卧帳有何能長缺歸來髮雪增敢謂廉隅成
砥礪欲求諧俗欠磨稜蓋閉戶無妨老毀譽隨
人那足憑千古多才稔林夜保身終恨愧孫登

柳下今愧孫登叔
夜臨刑之言也

荷花

與君相對眼須青端合羣芳作典型總出淤泥能
濯濯不隨流水自亭亭曉風殘月秋塘樹冷鷺閒
鷗夕照汀莫遣吳姬輕蕩槳摘來使使妬娉婷

七夕

耿耿銀河鵲駕遲熒熒玉露夜涼時人間自古無
悠久天上何曾有別離富貴未能期壽考聰明不
願乞愚癡金盤粉席多陳迹再拜雙星獨致辭

述懷

霍眸常豁氣常伸那解風塵工笑顰性俠愛吟慷
慨句途窮甘作澗阿人王前顏觸何須貴身後黔

秋蟬吟草

卷三

三

婁不道貧井白蕭條桑柘古北牕中有葛天民
高枕溪流靜下帷此生早已負鬚眉詩成暮景無
非感秋入寒門始是悲半榻青氈猶故我滿頭白
髮更依誰年來事事多違俗笑殺求圓厭執規

病起感吟

哀因老病不關愁點綴茆堂作臥遊跪拜新驚骨
力強門庭久覺退居幽瞳分青白狂猶在書積丹
黃注未休前路不煩祈造物此心早已似虛舟
自憐壯盛未蹉蛇命壓人頭老奈何古道間闔求
絕少舊交縞帶賸無多春山碧草虛遊屐秋月黃

花獨寤歌只悔平生差一著不携蓑笠伴烟波

春宵即事

乾坤逸老卧烟蘿不復風塵感逝波自入新春眠
飯健每逢良夜醉吟多就梅移座聞長笛剪燭憑
几和短歌我有頭銜是閒散此生止壺願消磨

暮春述懷

不獨青羶老更寒年來世路概艱難俗塵擾擾常
終日惡况紛紛萃百端漫道藝羹供齒索那堪病
骨對春殘輸他合眼蒲龕坐一切悠悠付止觀

自遣

秋蟬吟草

卷三

三一

行年六十還加五耳目聰明聾聵間紅豆強携猶
記曲青城偶坐亦看山不求諧俗乾坤大自學談
玄身世閒得失塞翁非上達古今禍福本迴環

秋蟬吟草三卷終

秋蟬吟草

古吳朱 穎雲浦氏著

七言絕句

殘荷

新涼昨夜透疎櫺零落紅蕖點翠萍好倩畫工圖
入譜秋風香柄立蜻蜒

晚泊

鴨頭春水綠楊烟客裏風光三月天身在畫圖湫
澗處夕陽紅映打漁船

老将

秋蟬吟草

卷四

一

匹馬龍堆功績昭雄心鶴髮未全消雕弓執向秋
原裏指點兒童鬪射鵰

寄內

晚風罷繡深閨淚曉月悲吟孤客愁却羨江清沙
白處不拘名利一雙鷗

看梅

濛濛香霧玉籠紗倚遍紅闌賣酒家一歲春晴逢
幾日放開青眼看梅花

寄示內子德貞莫忘詩六首

冰寒藥苦味皆嘗歷盡顛危斷畫腸我陷圍扉卿

就食十年前事莫相忘丁巳春余校書膠城彈章牽累繫獄內子就食舅家

不完荆布色淒涼濕盡牛衣淚萬行曾說雨金真

妄想可閒堂側莫相忘庚申秋賃樓梅氏後屋可閒堂之西偏

因愁致病治無方得有方時少藥囊老嫗殷勤偏

慷慨刀錢半百莫相忘辛酉冬因感憤致病就醫得方無資贖藥時有老嫗

范氏慨假錢數十文感而且愧

蝸廬吟誦類圈羊讀書半廡中幾難容膝雪壓朝厨正絕糧

忽報故人貽贈至百錢斗粟莫相忘雪濤荒厨炊相正斷內兄

王鐵山貽以青蚨白粲殊愧傷廉傷惠也

秋蟬吟草 卷四 二

稜稜傲骨共嘲狂舌在張儀亦自傷萬里每拚生

死別慰留言在莫相忘余窮愁憤懣時屢欲棄家遠避內子以老親在堂宜

安貧待時必不終于落窶時勸方止

朱顏此日老風霜衰病侵尋應故鄉蜂解防寒儲

釀蜜須記取莫相忘

呵凍作書三叔父見而相禁口吟一絕以告

素苦

呵凍臨池墨苦疑相看骨月始相矜亦知風雪天

涯夜三十年来慣寫冰

江樓醉吟

一襟秋色冷吳鉤爛醉狂吟賣酒樓閉置車中三十載江天今日豁雙眸

咏鷺粟

簇錦裁雲巧樣粧但矜顏色莫論香湘蘭沅菊平章少十畝春畦種米囊

有感

半生彈缺愧潛蛟酒社詩壇事事拋却羨銜泥雙燕子畫梁春晝早成巢

毘陵道中

日落遠村明似畫帆輕小艇疾於梭青衫依舊朱顏改又向毘陵驛口過

秋蟬吟草 卷四 三

曉次許關

槽聲夜徹到關城喔喔寒雞亂五更撲面霜風人語咽江湖空老一書生

秋日經徐文貞公舊第有感

擘絮雲輕雁陣斜秋城踏遍客愁賒東陵車馬填

何處閒殺街頭賣韭花戰門類欺攤賣韭花見之慨然

烈女節伯鎮魏氏女許字萬彭庚夫亡入門

守節奉姑十年姑亡氏曰我可從萬郎于

地下矣遂自經死同人嘉其志作詩褒之

子亦賦二絕句

凜烈網常重一絲何須吟咏柏舟詩
茅簷荆布能知義漸愧偷生臣僕兒

矢死何難義獨高清名流並廣陵
濤馬鬼宮井同埋王不得風人一宇褒

記友

幾回清夢話相思雙鬢同憐漸變絲
猶憶梁園花月夜醉圍紅袖乞題詩

雲陽道中

刺露巉巖草木凋西風古驛路迢迢
迢漁樵身世憑

秋蟬吟草

卷四

四

誰弔暮雨寒烟丁卯橋陸放翁詩許渾
身世落漁樵

哭內子王氏德貞六絕

九族稱賢無間辭聞喪里黨亦生悲
最憐執杖號

苦塊哀經稜稜五歲兒時椿兒年
甫五齡

浮雲變滅早知幾翠鈿珠襦心事非
欲識畢生從

儉約送終猶著嫁時衣

婢劣童頑亦少訶持家一片是春和
可憐畢世崇

寬厚只博憑棺淚眼多

一巢猶共舊時營汝歿余存夢亦驚
從此無心塵

世事總饒榮利益傷情

漆燈閃閃漏沉沉聽盡寒蟬四壁吟
夜夜鰥魚目不瞑欲憑幽夢亦難尋

綠窗岑寂鎖空帷剩繡遺編觸眼悲
君若有靈應報我九原重聚是何時

和姚午晴平山堂看花詞二首

畫闌曲曲繞清池閒看橋西夕照移
深院傳聲開夜宴一時鳳蠟遍花枝

玉釵斜插散春筵小立偷將柳線牽
最是草湖忘不得繡簾銀燭並歸船

重陽客中感吟

秋蟬吟草

卷四

五

一聲孤雁渺天涯萬感羈人負歲華
歸去鹿車誰共挽空餘老眼對黃花

對食戲吟

碧玉堆盤豆筴肥鮒魚如雪佐瓊卮
老來萬事皆灰懶自笑經營只朵頤

自感

身如病鶴不禁秋江上風清為少留
檢點半生成一笑亂書堆裏白人頭

歸自廣陵抵京口迴寄沈扶搖

萍跡隨潮去復還紅橋烟雨下揚關
西風一夜帆

如箭又見江南遠郭山

蕭蕭楓葉鴈聲寒我去君留別更難
愁絕休文知愈瘦竹西涼月莫凭闌

京口聞笛

剪江小艇一帆風鐵甕城西古寺紅
誰倚高樓悲擣笛楚天雁雨濛濛

客中送春和王丈芳谷韻

遲日風光白髮稀落花如夢繞漁磯
明年好向柴門候莫似天涯又送歸

小園雜吟

秋蟬吟草

卷四

六

茅茨小葺遠紅塵脫帽披襟自在身
惟悔知非過五十烹葵茹藿始安貧

一亭如斗翠微間觴咏隨時盡日閒
留得短垣多缺處借將碧落抵青山

寂寂松關晝不開鳥窺人靜下莓苔
奚奴慣見凭闌處移得新花近砌栽

亂石圍池一勺清軒牕倒影綠波明
無鈎無餌忘機械風掠萍開魚不驚

耐盡人間牛馬呼桑榆那復計榮枯
平生夢想煙波趣小築如船學釣徒

濃陰如幄暮蒼蒼獨繞長廊送夕陽
準擬今宵不成寐疎桐新月引吟腸

茗椀爐香伴夜深月移疎竹弄牕陰
一燈靜對儻然影始信忘機近佛心

自古多吟行路難半生懷刺詎能安
幸教魚鳥池籠外飛躍天空與海寬

謝客

世事如塵復似環人生能得幾時閒
客來不是漁樵輩為謝探梅已入山

庚辰三月六日值子誕辰時在青村感賦

秋蟬吟草

卷四

七

怯增衰齒諱懸弧况值天涯牛馬呼
五十三年蕉鹿夢夢中真贗恨模糊

烟柳初開倚小樓平蕪何處接長洲
浦江春水桃花岸不愛征帆愛釣舟

此日花明小圃中壓簾銀蒜颺春風
蕉心綠展丁香吐應笑孤吟在海東

田廬文史縱無多也足桑榆隨分過
只為向平猶自苦簿書老眼強摩挲

青村署中送春

酒旗歌扇夢悠悠牢落殘春更白頭
二十四番花

信裏半淹風雨半埋愁

踪跡依然鴻雪輕柳條折盡憶平生柴門又負年

時約羞向東君唱渭城已卯雲陽官署送春有明

年好向柴門候莫似天涯

瓶梅影

小閣香清半掩門素屏紅燭伴黃昏此身已被軍

持束偷寫迷離北嶮魂

小除日睡起

久羨冥鴻避弋矰此心常似定中僧殘年未許分

茅舍且覓華胥枕曲肱欲分茅舍度殘年陸渭南句也

秋蟬吟草

踈狂每惹俗人嫌鍵戶無妨鬢雪添誰得小除閒

似我一床蝶夢十分甜

暮秋晚眺

老向秋光盡日閒白雲紅樹映柴關自從不踏風

塵陌常看闌西一角山

自得

詩吟碧磴清泉際身在綠陰紅雨中借問此翁何

自得萬緣冷盡一心空

咏銀薇花

拂檻臨池幽韻添枝頭簇簇糝吳鹽相看肝膽真

如雪不媚春風不畏炎

詠史

扁舟原不為夷光吳越春秋云吳高鳥良弓以自

傷聞說青鋒賜文種五湖烟水更茫茫

內子德貞王孺人六週悼賦

回憶彌留已六年寒缸無缺雨綿絲自從一雁分

飛後宿食何曾不黯然

君去重泉無路尋我留塵世鬢霜侵安仁明鏡悲

多少不是糟糠痛不深

蕙折蓮枯滿眼愁空餘蘋蓼伴殘秋賃春廡下思

秋蟬吟草

如昨悲殺梁鴻獨白頭康中六月賃居梅氏從屋詩贈內子有心清與骨傲

可共白頭人句

淒風楚雨弄重陽小圃重修菊正黃君愛清幽君

到不到時應戀讀書堂

看梅口占

清寂真成野老家坐看梅影日西斜惟嫌一事猶

妨靜春暖吟蜂爭啣花

香雪何須似海寬一正一壺稱孤寒酒波燈酸虞

唐突隔竹敲茶待月看

未開已落總關心月澹風清幾度尋一歲江南一

相見莫教長笛近寒林

春雨

江鄉烟雨入春多
漠漠淒淒鳩婦呼
愁殺柳條無氣力
絲絲低蘸鴨頭波

讀漁洋山人詩

老畏春寒起每遲
今朝破曉下庭墀
梅花雪霽山牕靜
好讀漁洋司寇詩

集西亭王大齋中聽琵琶育女歌口占二絕

春亭剪剪落梅風
金屑霓裳夜未終
曾是潯陽千萬喚
尊前司馬認朦朧

秋蟬吟草

卷四

十

紅豆當筵宛轉歌
銷魂不信在橫波
桃花嬌小丁香結
記取烏衣巷口多

戲咏紫木筆

紫羅初解立東風
誰道宣城諸葛工
欲寫春情千萬種
江郎亭榭夕陽紅

臙脂點頰媚庭除
咄咄曾聞意自如
小試晴窓摹晉榻
原來一字不能書

春曉

高柳烟含草露盈
西窓呆日漾簾旌
落花未掃夢初斷
滿院鶯啼春晝晴

題王廬州畫

濃淡遙山斷靄中
蕭蕭古木起秋風
茅亭盡日無人到
何處丹砂訪葛洪

貧居自勵

秋空野鶴任翔翔
不復朱門戀稻粱
記得渭南詩句好
書生餓死亦尋常

讀史有感

不似人君幼可知
如何顧命尚猜疑
英雄天下論幾盡
獨味趨庭一箇兒

秋蟬吟草

卷四

十一

隴蜀山河血戰分
炎精一綫係儲君
早知與觀求降急
却恨當陽有趙雲

看菊同南坡張二話舊

黃花無恙開三徑
白髮依然對故人
話盡滄桑今昔事
一雙冷眼兩閒身

娛老

玉梅花下携紅豆
麝粉香中醉綠尊
時際太平身幸老
莫拋歡樂為兒孫

植楊柳

青眼鏡舒弱縷垂
風流已覺繫人思
不知翠浪藏鶯日
可許扶筇說種時

病起即事

扶衰藉藥計初非今日携筇坐釣磯一片綠楊風
影裏碧溪春漲燕交飛

橫窗新綠影流衣石磴孤亭上翠微暮雨絲絲人
寂寂春鳥啼歇亂紅飛

漁樵畊讀四首

烟波深處泊荻蘆三尺漁舸一領蓑釣得鱸魚貫
村酒滿身明月唱吳歌

白雲足底萬峰青鴉背金鋤斲茯苓滿地松花山
邊曲隔溪紅葉覆茅亭

秋蟬吟草

卷四

十一

社酒村村賽穀神杏花陌上一犁春西成婦子平
塲罷先割香秬餉老人

寧為功名盡五車丈夫易老惜居諸人間萬事平
章遍只有秋燈夜讀書

秋夜憶虞山舊事寄懷遠廣文徐君平一

十年此夜憶琴川東海新詞金粉妍吟到月斜紅
燭短自生松火試山泉

秋月依然雪鬢疎故人首肯與何如皖江潮水通
揚子底事雙魚少尺書

昏夜渡江

月斜風細剪江行漠漠寒潮夜半平微火踈鐘瓜
步鎮又從江北記初程

即事口占

獵獵寒原夜未終門前驛騎已嘶風衣貂太守衝
霜出輸與茅簷曝背翁

自寓

絲絃作繭盡精神百沸湯中送此生歌舞綺羅隨
意著何人更說是蠶成

題畫梅花

冰村山郭雪消初月下歸來澹欲無偷把生綃描

秋蟬吟草

卷四

十一

瘦影端相真合嫁林逋

重經蕪城有感

紅袖江樓度玉簫綠楊城郭酒旗飄誰知白首籃
輦裡風雪重過皂莢橋

雨中看櫻桃花

料峭東風柳脚斜寂無剝啄野人家茅齋十日聽
春雨開落櫻桃一樹花

閩花朝小飲

碧桃紅綻海棠嬌不為治聾乞酒瓢人老戀春春
恰閩今年醉得兩花朝

題王蒼岩削髮留鬚小照

天際浮圖雲外樓芒鞋獨立碧溪頭不知誰識王
曇首自寫前身是趙州

青山買得近要離長鈇羞彈髮滿絲入世不妨還
出世居然慧業一禪師

雨牕看梔子花

金鴨添香繞碧紗桐陰低覆曲廊斜瀟瀟盡日黃
梅雨開遍岩前梔子花

羨漁家

湖蟹初肥汀雁飛一簾苔樣坐漁磯從來家世烟
秋蟬吟草

卷四

十四

波好紅葉江村少是非

半船斜日釣鱸魚蓮子新收艾早儲笑殺短檠茅
屋底齏鹽不給讀殘書

羨農家

水田十畝近山莊時值西成秋氣涼桑柘陰中籬
落下柴門洞啟稻花香

平生恨不業畊桑黑硯磨凹髮髮霜輸與田翁呼
婦子黃雞白酒話家常

咏蟬

金貂並貴博高名綠髮新梳比翼輕每論蟲經君

不俗莫憑炎勢作虛聲

曉見茶花

一夜牀頭吼朔風老懷耿耿起匆匆捲簾誰遣開
顏笑帶雪茶花數點紅

讀史有感

擊斷珊瑚錦障開禍波自起復誰哀長流不得刑
東市奴輩方知利我財

不救榮陽急下齊真王封得伏危機可憐鐘室呼
天際輸與茅檐一布衣

題畫牡丹示新納姬人若松

秋蟬吟草

卷四

十五

國色含香上画屏迴風映日自亭亭莫嗟開向春
殘候看到涼秋眼倍青

食蟹戲吟

素屏菊影正黃昏河蟹堆盤酒滿尊供得老饒恣
意嚼更無餘想及雞豚

漁火寒江為爾遲盈筐壓伏命如絲不知進退終
蒙難應悔橫行過籬時

小山居余所闢也中有小池廣不盈丈四圍

疊石為陂陀傍蔕卉木掩映扶疎池之左
右高者為亭平者為軒窓楹蕭爽几榻畢

陳嘯咏酣歌心閒意適爰吟四章以鳴知
足

耽詩愛酒學蘇公四海歸來萬事空手翦蓬蒿成
小築百年燈火紙窓中

一泓澄潔石為關高下踈林印日寒中有偃僂雪
鬢叟扶筇常向碧琅玕

斗大亭軒木石幽筆牀琴薦日勾留一止一壺寧
非福敢羨三壺與十洲

釀雪黃雲逼歲除茆堂深掩讀殘書蔬餐得飽羊
裘暖此日應知樂有餘

秋蟬吟草

卷四

六

不倒翁

泥塗軒冕歷春秋傾倒隨人不自由此老骨中空
洞甚一生強項不低頭

小山居雜咏六首

小圃數弓聊息影老懷一飽不求餘茆堂几席清
如水垂著踈簾靜讀書

不染征塵已七年詩情酒態更翩翩薜蘿門冷無
人到拄杖臨風聽暮蟬

十丈芭蕉滿院陰綠人毛髮氣蕭森胡牀北向跏
趺坐悟得非非近佛心

銀薇似雪撲簾旌行遠長廊無限情玉笛誰家吹
入破黃昏微雨漸秋聲

謀生計拙達堪誇垂老何須苦作家日日探囊買
蔬菜却留閑圃種秋花

回首交遊四十年西園北海盡豪賢即今誰作菰
蘆伴烟雨漁蓑冷釣船

寄懷黃大養恬

踈磴斷雁太分明秋正殘時奈別情寒雨絲絲人
寂寂滿林黃葉遠山橫

花市買菊口占

秋蟬吟草

卷四

七

青鞵布襪薄綿衣黃葉秋城撲面飛緩步不須携
竹杖夕陽小市買花歸

楊妃山茶

傍梅隔竹弄春嬌色態鮮腴未易描偷把寧王玉
笛後至今粉頰暈紅潮

家居詠懷四首

西園北海憶當年詩縱清狂酒縱顛今日白頭歸
故園綠楊門裡北窓眠

舊圃重新地數弓梅籠春月桂搖風乾坤七尺無
餘想絲竹殘年願此中

位置蕭疎屋數椽依然水石斷還連
葱湯麥飯猶逾分况復雞豚養暮年

卧帳風開悔昔非秋風此日坐漁磯
平生未具輕肥骨甘向青山著芟衣

腐

水火交鎔渣滓無欲全貞白一身孤
萬錢列甬難投分贏得芳名諡老儒

坐雨口占

半月愁霖不出門蓋蓋書卷傲乾坤
丈夫窮達尋常事千古寧徒爵祿尊

秋蟬吟草

卷四

六

題韶九沈君風木圖照

馬鬣瞻依何限哀松楸手植蔭泉臺
傷心廬墓終相守那及高堂問寢來

銀管應題教孝圖神愴我亦是孤雛
雞豚說與人間子莫逮親存忽有無

偶憶

白髮蒙頭誰更憐閉門終日坐枯禪
酒香語軟青樓夜回首依稀四十年

感舊

玉梅凋謝碧桃飛回想春園事事非
留得傷心鶴

髮叟雪花如掌卧空幃

祀神慨賦

牲醪薄劣參差具蔬果几筵顛倒陳
再拜神祇應憫恕老鰥中饋苦無人

哭繼室陶氏六絕句

繼主蘋蘩十二年儉勤戚黨亦稱賢
豈知鐵樣兒夫命又斷鸞膠第二弦

遺簪棄履卧牀前觸眼傷心事萬千
衣食畢生廿澹泊篋中却有女紅錢

一雛纔喜定昏期

椿兒已卜明春二月廿四娶婦病骨伶仃無限

秋蟬吟草

卷四

九

悲佳婦佳兒看不及哭君命薄直如斯

風雪敲窓寒漏遲漆燈無焰百千思
房幃依舊音容杳翻羨迎醫製藥時

閨中整潔絕纖塵箕帚親操二十春
夏簟冬爐先意具從今誰惜白頭人

白頭揮淚痛青蛾中饋重荒喚奈何
莫向人間求老耄斷腸送死老偏多

悼亡

無多骨月慘離披又折天桃第二枝
老淚已枯心早碎不堪重作悼亡詩

殘梅

玉壺春酒小牕前細把寒香愛復憐
冰雪飽嘗花
幾日山空溪冷度長年

即看桃李鬪芳妍憔悴山橋水驛邊
上苑東皇推
第一不妨斂手作飛仙

送振翹姪之虞山幕

往日歌魚記老夫虞山常昭兩邑皆余舊遊地
又看猶子走江湖
春帆細雨過吳堦應指虞峰說半途

題桃源圖

武陵溪口爛晴霞結箇茅菴若住家
二十四番風

秋蟬吟草

卷四

辛

信裏不曾吹落一分花

小山居即事

正壑無多愛小山一几一榻掩柴關
桐陰生火煨
新笋試問誰如此老閒

歎老

百歲持籌去日多桑榆行樂莫嗟蛇
纔誇矍鑠壺
頭頑不信君看馬伏波

自述

一男婚了餘無累兩婦亡來斷畫緣
從此乾坤花
月裏不談玄道即談禪

已丑重五泣祭繼室陶氏二首

去年解粽共言歡雲髻榴花畫閣看
今日粧賓來
真汝半椽風雨一寒棺

淚眼難書腸斷詞悲來鬢髮頽成絲
極知我亦同
朝露無那空房佳節時

癸酉至戊子十六年中疊遭凶喪淚
眼時多

歡腸日少爰占一截用告九京

十六年來飲淚過悲連風木鼓盆歌
低徊生趣輸
於死骨肉團團泉下多

夜坐

秋蟬吟草

卷四

辛

元瑜幕府舊狂名此日茅齋似水清
獨有青萍情
不變夜深時作不平鳴

偶感

秋水淪連蘋末風野鷗冷眼蓼花叢
憐他撥刺雙
紅鯉貪餌何曾到腹中

池魚

漲起浮萍似綠紗文魚出水唼飛花
滄溟已讓鯨
鯢窟半畝方塘好作家

芭蕉

冷翠紛披小院陰綠人毛髮淨人襟
霜欺雪壓多

磨折腐盡凌雲一段心

蓉城申三文書齋觀荷步諸同人韻

水影蓮香隔世塵白衣相對話清新秋風可許裁
荷葉贈與蕭蕭巖穴人
手拂吟箋心出塵藕花風裏句爭新秋塘零落殘
霞暮水閣鈎簾共故人

長至夜

病起哀翁不耐寒擁爐盡日坐蒲團一年長夜惟
今夕愁煞鰥魚閉目難

處分家事感吟

秋蟬吟草

卷四

五

明知無益難緘口却笑殘年更取憎一片熱腸三
寸舌終輸垂目坐龕僧

不寐

老鰥永夜困愁城眼倦腸枯夢不成最是五更纔
伏枕霜天曉角太分明
骨冷魂清嫌漏遲一燈如豆暗風吹黑甜真是神
仙境說與青年應未知

感舊自遣二首

患難當年事萬端蓋益得老合為歡懷才多少填
溝壑終被庸夫冷眼看

莫怨炎涼老始明從來造化激書生洛陽季子終
輕薄不感前歸妻嫂情

臨池示椿兒

謀生徒手只拈毫少小傭書到二毛辛苦百年誰
是證成凹鐵硯示兒曹

暮年鐵硯已成
凹陸渭南句也

歲暮

雪後疎梅映草廬竹爐靜擁讀殘書絕勝酒肉朱
門裏袞袞黃塵為歲除

曝日口占

哀翁晨起披冬旭閒看稚奴煮粥糜身免號寒腹

秋蟬吟草

卷四

五

免餒斜行矮紙又題詩

垂白親知年漸少軟紅世路日添新杜門曝背茆
簷老便是羲皇以上人

醉眠

百千謗自踈狂致八九詩因憤懣題今日醉眠茅
屋底乾坤青眼與黃蘗

歲除祭架書

午雞懶慢猶高卧忘却今朝是歲除檢點胃中惟
一事肅將茶果祭詩書

子每逢除日煎茗若陳
嘉果以祭書不忘本也

紙鷓

東風懊惱作商聲得入青雲仗骨輕終被兒曹牽
一線扶搖萬里讓鵬程

春遊

杖履春風任去來城南正值牡丹開賤貧不惡君
知否七尺身能自主裁

見機

不入歡場早見機綺羅筵上少荷衣蒹蘆秋水斜
陽渚長嘯長吟愛釣磯

自幸

十年故國枕寒流莫笑迂生短自謀聞說池籠魚

秋蟬吟草

卷四

三五

鳥狀揚鬢奮翻不回頭

聞登

歲序遷流杳莫窮生人有限寓廬中白鬚蕭瑟簞
燈下又向秋牕聽夜蟲

讀書後口占二絕

命薄平生事事虛一壠一瓦敢求餘乾坤別有垂
青屨得老還教得讀書

小山花圃數弓寬頭白棲遲也足歡看盡浮雲半
閉戶此心水石共清寒

護芭蕉

青纒白髮兩蕭蕭霜重荒園木盡凋未審明年復
何似寒牕結草裹芭蕉

薄產分給子姪喜而賦此

治愁無藥翻然悟宿孽如甌急掉頭廿畝村田數
弓宅析他子姪自為謀

能供甘脆得加餐自息仔肩盡日歡松火蒲龕常
掩戶從今世態不須看

論古有感

慟哭窮途思阮籍呼豚對食笑嵇康猖狂西晉諸
名士輸與劉伶老醉鄉

秋蟬吟草

卷四

三五

覺覺吟

凡夫不解忝三乘智士猶多縱七情更笑金丹拋
撒盡却憑爐竈乞長生

雲散長空月自明莫愁烟海葉舟橫輪迴指點當
前現蘭內蛾飛死即生

自道場歸

斜日疎林鴉亂啼蒼然暮色道場歸老來佞佛非
無謂行盡天涯知識稀

偶經舊遊地感賦

頭白無人識姓名西風敗葉遠荒城回思聲色歡

娛日粉黛琵琶似隔生

雨後玩梅

孤山水石舊荒蕪又向江南鬪畫圖千古鍾情惟有汝至今含淚憶林逋

斗室

結廬如斗足怡神冷眼風塵已十春余自庚戌歲杜門已十春矣富貴身危貧賤苦世間少有不愁人

聞故人遠暮多病感此賦詩

故人遠道聞多病冷盡江湖一片心莫道魚蝦猶得飽緞教藜藿亦山林

秋蟬吟草

卷四

五

行年六十又加三身似春殘欲繭蠶百事無能惟一達不教清夢出江南

歲暮

詩卷絕佳誰共論梅花如画少人看紛紛盡道傷貧薄何處黃金北斗寒

宮怨

永巷斜陽起暮寒珠翹慵整遶迴闌春衫猶是君王賜展向東風仔細看

除日宴坐

文繡膏梁視若塵書生本色不憂貧歲除曝日焚

香坐可許閒中第一人

蒼年吳君齋中看梅話及髫時諸同學感吟

并贈

回首同堂五十春喪亡淪賊話悲辛白頭無恙青衫舊今日花前剩兩人

雲散風流事渺然青囊君幸有真傳吳君世業醫引精方理莫嫌屋老人如鶴從古原無富貴儂

梅花開時老病交迫未克玩賞感而賦此

三春心事注梅花及至開時意似麻老病九分塵鞅一輸他水石共清華

秋蟬吟草

卷四

五

當年竟夕小亭前醉影吟香不忍眠今日悲涼如隔世斷鐘殘夢落誰邊

歎老

鷄皮鶴髮形非舊柳媚桃嬌眼又新同此乾坤同此世如何人老不如春

夏日閒居雜詠

暑風梅雨閣柴扉閒適多緣早見機甌未生塵衣未結青蚨分付酒家飛

小病何妨樂自如不持酒盞即翻書白頭識盡人間態只合蕭蕭卧草廬

草花巖脚任縱橫自學無為淡世情莫道荒園人
跡少一池鼓吹有蛙聲

左蔭高梧右障蕉臨池一室足逍遙紅塵飛到旋
飛去已覺悠揚俗半消

一几一榻不隨時位置無拘適即宜惟有此身繩
墨在圓規方矩守難移

五旬得子已憐遲子又生孫老可知若昧混元造
化理何人不指是愚癡

枯竹
葉悴枝枯老不禁依然抱節自成林欲芟還住金

秋蟬吟草
鴉嘴記得凌雲一片心

秋夜感懷
朱顏昔日縱清狂燕子春風粉黛香誰料白頭秋

月下匡牀孤影伴啼螢
聽彈琵琶

四條弦上轉宮商淒咽繞聞驟激昂二十五聲秋
漏永夢魂今夜落潯陽

說鬼
莫愁寥落過年年剩有膏腴十畝田踞坐豆棚說
鬼羅掀髯矯首對青天

暮秋對菊感吟

小圃荒殘人跡稀西風蝙蝠暮爭飛黃花黃蟹俱
依舊祇覺心情種種非

世態
世態年來薄似羅桑榆暮景幸無多平生不作依
劉想縱欲依劉究若何

寄菴張丈貽菊戲荅

霜寒沁老菊花開賓綠携將挹翠裁賓綠寄菴齋名挹翠小圃
亭只是子雲性所嗜陶詩子雲性嗜酒柴門那更白衣來

觀殘棋
秋蟬吟草
失勢殘棋未肯收侵邊飛角苦心謀看來絕似哀

翁樣歲歎家貧到老愁
鼠點豚呆那足論豈無物類具天真金鈴小犬能
知義不向花前吠主人

詩成後口占
古來名利孰能兼老不如人遠避炎剩有孤吟至

樂在一詩成後一掀髯
讀桃花源記口占

桑麻雞犬別乾坤花引漁郎到洞門終為避秦離

故土子孫胼胝老深村

昨非今是返田園
甲子春秋那忍言
畫裏文章憐靖節
太平何處不桃源

秋蟬吟草卷四終

武林張東軒刻

秋蟬吟草

卷四

三

〔清〕石卓槐撰

留劍山莊初藁二十四卷

清乾隆四十年石卓椿刻本

長洲蔣梧巢
貴池曹雲瀾
兩先生鑒定

芥圃詩鈔

留劍山莊初稿

叙

亥崑圃侍御多藏南方學在詩王遠
涉上舍多藏北方學在詩予選今詩
別裁集在詩大字皆兩處所得然每
憲天下之大與夫邊徼之遠不能廣
加蒐羅以借採擇挂一漏萬實快於
中至於山林隱逸之士一生世他者
好惟孝、純、於五字七字之中既
無名位足傳復亦得一人表而率之
取十年後其人與詩皆歸於無何有
之鄉卷潛闡幽之素何而願令抱道
不得志於時在碌、沈沒若是乎故
予於門下諸生官遊於四方者獨卷
卷以此書為托喙其得則隨時郵寄

以慰渴懷今幸薄子核果官楚將
 子好古君子也以楚人石子芥圃詩
 鈔見寄且述其人遭際困窮抱才不
 遇偃蹇憂出真有不可一世之感然
 生平款款歷落舉、有風概仗筆義
 爰名茲好交遊吾古人風以副侯自
 負胸核經史與之談吐論氣、如屑
 叙
 發讀其詩長江大河揮馳跌宕不屑
 為高章摘句之作自鈔劉元白張王
 歐蘓范陸雲揭隱青邱梅村海叟漁
 洋俱競治而得其精神造去者輩一
 歸於和平溫厚至其雄豪之筆直款
 羅漢魏六朝、唐宋元諸大家之著
 華而卷為文章斷氣踴、鼎工稱律

者之所敢望也芥圃與予素交既
 與蔣子結文章之契蔣子自有以桂
 挽而游揚之使流其名於遠近之間
 蔣子之以芥圃詩見寄考不遇不私
 此好因予好而以好投之初未嘗乞
 余言然賞激之情自不能已故綴數
 語於篇端以報蔣子同心欣賞之雅
 叙
 而並款崑圃遊泐向者此歲之秋遠
 此隋珠荆玉也至若芥圃之詩精華
 光焰上下縱橫自可不翼而行不輪
 而遠者又烏用予言為哉
 乾隆三十三年戊子冬十月去州沈
 德潛題於鯨水之清曠樓時年九
 十有六

芥圃山人前傳

甘泉胡善慶 仁趾

黃梅縣迴折眾山中東南一帶瀕湖山上多佛寺蓋五祖大滿禪師闡教處蜿蜒扶輿靈秀異常余以罪謫黃梅愛其山水之勝將卜居焉南抵梅之明日石芥圃過訪一見輒傾倒為余遷舍館具器用結兄弟交自是詩酒無虛日余故得居城中無復山間想矣明年芥圃赴吳趨比余亦且釋歸嗣後更不知相見何處遂為芥圃編次古近體詩若干而並系以傳芥圃方盛年立名砥行行且駿業

傳一

鴻禧世其家緒莫可涯泚余但述締交時所睹聞故謂之前傳他日詮次行藏以至論贊當俟椽筆云時乾隆丁亥秋九月撰於晴川閣
山人諱卓槐字樽山一字芥圃號蘋澗山樵其先系出都昌前宋有官籍黃梅者遂世其家遞傳至大中丞楚陽公貴顯由嘉靖到今迄數百年仕宦甲第稱黃梅大族父諱學洙博學工詩文著有杏樓集孝友好義行潔品方鄉人私謚曰孝端先生早逝山人同父兄弟二人山人則孝端公之長子

出嗣為伯祖後嗣祖父母復見背君方少年家故饒喜結客凡邑之名士大夫寓公山人墨士莫不納交聲譽日隆揮推無節而媮靡之習亦間有之矣狡獪浮浪子弟每投所好以給山人或偽指山人名賺人金及徵索至山人曰吾不知金而實為我卒償之而不怨人有告急乞貸者必慨與旁人知其必負動色相阻君曰業許之不變也其他豪情義舉不可殫述以故中落良田大宅悉歸富室遂折節讀書閉戶不與俗競余交山人時但見布

傳二

衣蔬食閒庭竹樹圖書教卷而已嘗見山人讀書有所當意每抉摘向余談說不休謂不信今人非古人也其自許如此邑中子弟多輕儇治鮮好衣服相集聚以譏語戲笑山人了不顧與之語亦不答至議論古今及有關當世之務則意氣慷慨時大聲狂叫目上視氣勃勃若使氣者座客為之避即老成宿儒亦莫不呶舌焉平生未嘗愛財家計不支即兄弟之間亦不往聞其自好如此性坦率未嘗疑人不慕勢利與臺隸卒販夫傭保持以婉

愉鄉人善之怯於飲酒而極嚴觴政家庭結社聯
 吟尊俎間刻燭揮毫每以此考人學問故羣從子
 姪多賴以成就然亦以此為時人忌詩宗老杜而
 出以漁洋梅村之筆博雅而有奇氣能作小篆書
 善學窠大字文擬昌黎畫摹子久杭州葉函齋太
 史最為推許居家日夜手握一卷雜誦不輟有暇
 而竊笑者謂讀書不過借兔園冊子求一日詭遇
 今子不事舉業何自苦若是蓋近世溺於科舉速
 化之學以通今博古為迂山人獨知書之可好而
 傳三

傳三

益勤於學飄飄然若在世外不知貧賤為戚小儒
 咕嗶安足道哉山人今年政三十歲美姿容作事
 精幹有氣局醞釀經史綜括百家每勗以出而逢
 時山人晒之傳曰公侯之子孫必復其始讀書食
 報余固知山人之必有所遇也

鑒訂姓氏

鑒定

蔣梧巢明府諱業晉長洲

曹雲瀾明府諱麟開貴池

同鑒

葉函齋太史諱世度仁和

費道峯侍御諱南英烏程

潘叩軒司馬諱元會涪州

姚蘭坡刺史諱思庶錢塘

全訂姓氏

蔡梧桐司馬諱蔡湘潭

伍棟園明府諱文與新建

萬荔村明府諱鍾傑昆明

葉劍翁廣文諱脩贈興國

汪素川贊府諱振玉黃梅

李冶人明經諱本質黃梅

叅訂

黃庭夢珠錢塘

翁鑑鏡人江陰

王日桂	小山	仁和
趙帥	偉堂	涇縣
蘇珽	春塘	江陰
胡善	慶半山	甘泉
項章	隱棠	桐城
曹遇	元夫	貴池
唐遇	春藉山	宿松
劉佾	薛亭	錢塘
張齡	鑑穎孫	桐城
鑒訂姓氏		
韋銘	西載菴	無錫
黃易	小松	錢塘
和推	之困齋	蒲城
朱古	民逸軒	金壇
陸文	舉南浦	大興
顧德	琴湫門	吳縣
林鳳	桐菴	福清
李宛	葦舟	平陽
黃境	辛蓼菴	蒼梧

鄒士	型居易	仁和
張珍	海珊林	吳江
杜佩	湘若村	湘潭
張學	古藜亭	蕭山
張一	飛二泉	無錫
鍾昂	健亭	蕪平
程克	明梅溪	吳縣
汪珠	林鐵海	會稽
屈茝	江佩	濟寧
鑒訂姓氏		
張次	奎星峯	漢陽
葉文	玉石麟	江夏
葉之	佳棕亭	興國
周暹	海城	漢川
陳良	報慶來	蘄州
吳碧	峯隱牧	黃梅
張植	琰禹珪	廣濟
吳延	齡櫟園	黃梅
梅際	曦莊霞	黃梅

熊起耀晴峯 <small>黃梅</small>	吳昌明東園 <small>黃梅</small>	余文埜漱塵 <small>黃梅</small>	兄 鏞春田	兄清源五峯	兄元吉蓉城	兄文楷漁逸	兄永錫曉園	兄存仁草亭	鑒訂姓氏	兄文楨棠村	弟文棟梅巖	弟 鯤曉峯	弟文桂寄生	弟文彩慕唐	姪思密二村	姪章駟負樽	姪遠熙一行	編次
									四									

弟卓椿石渠	同訂	釋達齋豁堂	釋本白漱冰	姪 然從敬	姪 焯以鑑校字	男爾熒少臣	鑒訂姓氏	五

留劍山莊初稟目錄

卷一

樂府四十首

卷二

樂府三十九首

卷三

樂府六十一首

卷四

四言古二十八首

芥園詩鈔

目錄

一

五言古二十四首

卷五

五言古四十四首

卷六

五言古三十四首

卷七

五言古二十三首

卷八

七言古十一首

卷九

七言古十五首

卷十

七言古九首

卷十一

七言古十二首

卷十二

七言古五首

卷十三

芥園詩鈔

目錄

二

五言律三十九首

卷十四

五言律四十一首

卷十五

五言律四十九首

卷十六

七言律四十首

卷十七

七言律四十三首

卷十八

七言律四十五首

卷十九

七言律四十九首

卷二十

七言律四十一首

卷二十一

五言絕二十二首

七言絕四十二首

芥園詩鈔

目錄

三

卷二十二

七言絕六十三首

卷二十三

七言絕六十四首

卷二十四

七言絕六十八首

留劍山莊初葺卷一

仁和葉函齋
秋浦曹雲瀾兩夫子鑒定

黃梅石卓槐楸山甫著

樂府

漢郊祀樂章

郊祀歌

練時日

練時日詹辰滅寧九宇開洪荒降土澤和四方森
以肅帷筵張靈之蓋單醴藹動元芝護埃壘靈之

芥園詩鈔

卷一

樂府

一

留劍山莊初葺

旌赤瑛節飾羽旄垂環瑛靈之馬飛遊龍騁蒼雲
御颺風駕地軸馳冥空神之臨陰霾霓依戶宸鳴
金鐔珮搖搖衿袵襟靈入座牲醴薦潔染盛陳珍
膳奏八風村篔善俞舞旋文彩絢靈來格精神生
儼般裔何昭明結蕭薈欣琇瑩納豐儀聆五韻瑤
堂敞迴車駟升杳杳紛絡繹景星聚甘露滋惠澤
霈潤創痍錫嘏福振威儀頌無疆神何私

帝臨

帝臨中壇雍雍和肅九宇平成恩膏渥沐維神祇

定承化四方五德以土五色維黃良止宣澤厥茲
九壘是生太微萬物伊始

青陽

青陽鬱蒸四時肇始乘震執規八風咸起霆振解
蟄蠢動含生土膏敷澤孚甲無聲冥冥布和熙熙
滋潤春命厥成欣榮奮迅

朱明

朱明秉衡熏風敷暢榮脉灼根羣生豫壯心尾應
見象動清和英華成秀昌阜靡他油油甫田森森

朱明秉衡

卷一

樂府

二

留劍山
莊初稟

孔茂是刈是登維神德厚

西顛

西顛司商金氣方勁既張武功四陲永定肅殺自
栗感德更新振我戈矛威以輔仁白露其滋草木
既委乃畏且懷妖孽是弭

元冥

元冥安寧威德在水生動伏息呼吸終始一陽乘
令君道初舒萬物內歲民返其初嘉穀既收百神
乃祀星回歲終掩其臧否

惟泰元

惟泰元尊惟媪神載萬類和融四時更代吹噓一
炁動息五行山川震旬日月昭明雨露精華潛滋
百物生植自然罔有所佛乾澤下降坤氣上承天
地鼓盪經緯縱橫維德高厚昌阜靡私生成湛湛
衆庶咸熙鐘鼓鏗鏘犧牲豐潔既張既供庶幾歡
說雲旗蕩蕩八荒旋舞皇德優施膏潤下土

日出入

日出入將安止六龍之轡不可以少回其晷故春
齊園詩鈔卷一 樂府 三 留劍山 莊初稟

則我春夏則我夏秋則我秋冬則我冬遑敢惜惜
以自毀生處成平之世耕鑿自如匪帝之德民返
其初不識不知其樂也徐徐

天馬

天馬來自絕漠馳萬里勢如躡天馬來過碣石奔
雷電駭鬼魄天馬來徠虎脊強匹驤褭超騰黃天馬
徠而血汗駕鬻膝驟乘旦天馬來飛雲龍御八極
威九戎天馬來徠沉河壁甲圖呈赤文射天馬來閭
闔通聖人出奏厥功

天門

天門開高冥冥耀日月流五星雲車翻翻聚百靈
天馬縱橫馳空青天鼓逢逢飛雷霆羽旄蕩纓
絡紫煙浮韶濩作綉縹王京杳杳雲幕蕩蕩穆穆
嗟何所托爾時悚慄稽首雲衢仙官導引瞻仰虛
無飲我天漿食我天厨我心不樂慘矣躊躇皇皇
帝命謂我何求昧死拜啟為蒼生憂願以臣一人
之有幸普邀天下之洪庥帝曰欽哉皆我赤子十
雨五風鮮有減否余馬獨子爾以長生而棄萬民
芥園詩鈔卷一 樂府 四 留劍山 莊初稟
如敵庭

景星

景星燿燿輝耀玉繩瑤光飛閭珠壁相承萬物精
氣聚呈天章流虹繞樞象載煌煌宇極元英降鍾
寶鼎陳列汾睢爛然灼爛元始徵符昭明聖瑞王
澤不私熙和庶類吉詹協允辰以滅幽靈佈達清
四方齋誠后土瞻上黃純粹精瑩羅珪璋天門誅
蕩開闔閭羽麾磨夏雲泱泱迴鸞和鈴聲鏘鏘發
鼓柎篔紛以張秦尊浮碧挹天漿川龍供俎生馨

香帝車散錦明中央繫繫連貝周八荒燦燦天精
助夜光微表動感兆阜昌甸服文翠來明堂歲功
穰穰盈倉箱維王明德壽無疆

齋房

茸茸者華有葉其紫產彼甘泉聿彰禧美維我王
德故舊不遺感格元英九莖靡披

朝隴首

朝隴首駕雲車浮天門遊太虛覽八極威四戎騁
龍雲御虎風白麟來歸有德萬邦懷羣凶闢雷殷

芥園詩鈔

卷一

樂府

五

留劍山 莊初稟

殷雨溟溟明王出擁萬靈瑞圖見膏澤敷大圃錫
滋槁枯帝德洽億兆和景星流溢天河

象載瑜

赤雁來翔空冥候白露颺朱翎賓明王彰文來象
載瑜獲東海帝澤遍及禽鳥周寰區達天表

赤蛟

赤蛟騰連眉尾雷震殷雲靉靆居宿首長百鱗化
六龍靈其神真醴漿潔壇宇靈其來奏鼓鼓氣森
塞排瑤堂靈其憑福無疆靈既享禎祥聚舞夔龍

降甘露霧杳杳雨霏霏揚羽旌靈其歸澤萬類服
絕漠廣宣延壽康樂

鼓吹曲

漢鏡歌

朱鷺

朱鷺飛來言整其羽合脊迴旋棲息於鼓咽咽振
之逢逢其聲遠播四方高揚上清翩翩欲下不可
避表其風流存古意聲聞既張不如周八極而翱
翔

木圃詩鈔

卷一

樂府

六

留劍臺
莊初臺

艾如張

艾而張張於疇中有雉媒鳴啾啾莫謂雉媒爾同
類善其鳴者無好意艾而張大田畔縱無網羅不
可翫少年挾彈伺其旁未張羅處亦宜防野雀何
自苦高樹棲息無風雨蕩子有機心飛鳴亦可投
溪林

上之回

上之回羽仗簇張紫芝乘黃屋霓旌摩兩鳳尾旋
風雷鳴萬乘奔馳晴空山谷鳴咽鼓逢逢蕭闕直

達汾河東武皇巡狩飛雲龍昆明戰白奴死桂館
開離宮起駕天馬求神仙黃鵠舞青鸞旋蓬壺方
丈天尺五承露明珠降下土暇日千騎之回中皇
帝之靈真英武

戰城南

戰城南死城下零星白骨橫四野腥風颯颯血雨
漫漫啾啾鬼哭黑霧迷天敗草瑟瑟頭顱腐臭蔽
其間黃沙萬里昏昏不辨東西南北山交河流血
唯聞晝夜不盡聲潺潺捷兇格鬪死鼓下疲馬向

木圃詩鈔

卷一

樂府

七

留劍臺
莊初臺

天亂嘶馳空鞍羣鳥啄人肉拉向無人空山曲大
鳥食其皮小鳥破其腹對此反思故鄉哭思歸故
鄉故鄉安得歸將軍無戰功何以生光輝

巫山高

巫山高高無極淮水深深不測吁嗟對此無顏色
我欲濟兮苦無舟楫褰裳涉之波濤怒立渺渺兮
余懷臨流惆悵而涕泣山樹陰陰山雲沉沉瞻望
四顧慘不可禁匪我自苦實繫我心

君馬黃

君馬黃臣馬黑兩馬同力各異色異色猶可異心
則殺我君馬肥我馬瘦與君共馳甘君後非不願
逐君道途各自分

將進酒

將進酒酒杯以外君知否人生百歲總無常空嘆
風塵牛馬走風塵牛馬任人呼相逢有酒且頻沽
消得杖頭錢一百搔首乾坤一事無將進酒無一
事上有天下有地日月星辰照耀無外山川華嶽
各安其位水火五行相助生氣寒暑四時遞為更
芥園詩鈔卷一 樂府 八 留劍山 莊初稟
代杳杳濛濛吹噓大塊一氣鼓盪庶乎長在至於
其中懵懵者曰人紛紛蟻聚殊無謂露草霜花作
此身石火電光同一慨江月春花須及時富貴功
名徒足累不如盡此目前歡目前有酒謀一醉將
進酒君莫辭碧玉盃跪進之檀板嘈嘈管絃然
明眸皓齒舞袖參差當空皎月萬里雲遲華堂夜
敞風動瓊枝無虛佳景有限良時便與諸君倒頭
一醉三萬六千日如此人世擾擾得失聽所之將
進酒君且受叵羅再酌為君壽更賦狂言進酒詞

與子長眠消永晝

芳樹

桃李雖華不如松柏匪我後凋遜君顏色楊柳多
情不如桑梓與其低徊於道旁莫若綢繆於鄉里
蒲葦易長莫若黃楊厄閏與其一往無餘不如守
株而寸進瞻彼芳樹各為榮枯匪關雨露根本自
殊是以君子抱樸素而聽予盈虛

有所思

我有所思乃在三十六洞天貝闕珠宮迴抱相毘
芥園詩鈔卷一 樂府 九 留劍山 莊初稟
連雲霞縹緲虛無間我身無羽翼那能飛上仙山
巔何以慰我思夢寐或到之或到之天風颯颯罡
風吹冠我碧玉冠衣我明霞衣青鸞導我謁玉墀
斗吏與仙官於我似舊知相顧若有惜款款為我
慰別離我心忽而生傷悲安得長眠不復覺安期
浮邱相追隨從今以往不復相思

雉子班

雉子班有翔何不投林間有巢何不棲溪山有子
自哺啄有雌和鳴立幽竹饑食野穗渴飲清泉將

爾羽類樂於水之涯山之巔莫貪稻梁遊於七澤
莫逐繁華追飛絮陌鳴皋摩天杆子在側爾既不
能如黃鵠之飛萬里奈何來此方而謀食君不見
狡如兔疑如狐已見紛紛死路衢嗟爾雉兮誠區
區

聖人出

聖人出四方平五嶽震甸黃河濟雨暘時若明庭
穆穆莫莢油油以生自官府丞及百爾庶僚皆能
謹慎供職以佐輔休明今大吏詢民疾苦開倉賑
芥園詩鈔卷一 樂府 一 齋初藁
粟民樂以耕且詔免今年租賦無一物不得其所
府庫仍充盈蠻夷君長懷我王德遣夷臣觀光仰
化萬里來玉京九州一室八風咸成

臨高臺

臨高臺高臺吹長風遙見扶桑滄海東矇矓曙色
雲霞紅羲和策日光瞳瞳海水如沸翻空蒙靈樞
出沒波濤中關弓射之中虬龍雲氣化雨何濛濛
甘露下降光明宮長跪獻君酌願君億萬千年壽

康樂

黃雀行

黃雀在天飛無勁翮黃雀在田食無粟麥欲棲林
間虐於鷹鷂欲落平浦羅於網罟黃雀不得棲黃
口之雛將安依嗚呼黃雀之生何坎坷縱橫上下
無一可

凱歌

拜 詔宣傳聞外威秋風鼓吹陣雲飛虎頭對策
懸金印豹尾承 恩出 紫微

宵馳羽檄到窮荒絡繹星流鳥道長烏報蠻人先
芥園詩鈔卷一 樂府 一 齋初藁

款首此來原是郭汾陽

師行枕席肅秋毫父老壺漿識戰袍萬馬無聲綠
棧度芙蓉青削劍門高

瑠璃夜挽影如鉤月色平沙似水流壯士報君

心已切更無人看大刀頭

醜徒抗 節敢公然聚蟻爭謀一綫天不是親承

母殺 詔直教漂血下巴川

龍旂曉掣北風寒兵氣黃雲擁將壇枹鼓親搵齊

捧甲已承 廟算破烏盤

領隊方摧刮耳厓材官又報破碉臺元戎決策真
神速寄到寒衣不用開

轅門寂寂角鳴鳴首長駢頭夜獻俘策馬旄牛干
羽列一聲雷振聽蒿呼

飛章露布達 宮門整旅鳴鞭蹋繡茵 天子深
恩憐士卒先開麟閣待功臣

曉日瞳瞳照 袞龍版圖從此四方同神槍夜冷
三更月戰馬閉嘶萬里風

水園詩鈔 卷一 樂府 十一 留劍山 莊初臺

留劍山莊初臺卷二

烏程費道奉 長洲蔣梧巢 兩先生鑒定

黃梅石卓槐梓山甫著

樂府

橫吹曲

漢橫吹曲

隴頭吟

隴上黃雲畫角愁十年征戍到涼州胡沙夜月關
門迥玉笛西風塞草秋故園可憐來夢裡此生無

水園詩鈔 卷二 樂府 一 留劍山 莊初臺

復望刀頭閨中少婦休惆悵楊柳依依莫上樓

折楊柳

絮作交城雪絲牽故國愁何人吹玉笛涼月滿高

樓寄遠鄉心斷臨風塞雁秋玉門春信隔何日夢

刀頭

關山月

莽莽上關山一望如霜雪征人夜出營仰面見明

月月明憶故鄉十年家長別非敢惜別離君恩難

斷絕皎皎在天山清光映北關照見聖心仁深恩

念成卒共此團圍影水輪無圓缺亦有報君心願
隨入溫室塞上柳條青年華不暫歇萬里吹邊風
生還何敢決只此明月心誓共天驕沒

梅花落

江城萬頃月如霜一樹橫撐淺淡妝玉笛有聲休
便落莫教冷落孟襄陽

橫陳清影豎含煙往事孤山憶昔年林下美人春
夢斷此心合在水雲邊

荒村古道獨魂消水落籬邊入望遙他日相思忘
芥園詩鈔卷二 樂府 二 留劍山莊初藁

不得蹇驢風雪灞陵橋

虎邱消息情誰換雪海風光夢裡談折贈不須勞
驛使平生有願到江南

望行人

日倚樓頭柳時看道上塵可憐如水客不是寄書
人暮雨空庭雁春風短夢身刀頭頻悵望不語自
傷神

雨雪曲

隴上流泉響天山急雪聲三更齊入耳萬里最關

情卧覺戎衣濕朝看塞路平可憐猶飲馬辛苦到
交城

驄馬曲

夜蹋關西雪朝嘶薊北風調羣星月下報德死生
中齒啣金環冷毛拳血汗紅連錢君莫惜看逐虜
塵空

相和曲

相和引

公無渡河

芥園詩鈔卷二 樂府 三 留劍山莊初藁

君不見黃河洶洶之水排如山公今欲渡沉其間

君不見黃河滾滾之水奔如馬公今欲渡覆其下

公乎公乎堂有父母膝有兒公今欲渡亦當思披

髮提壺何太癡此中波濤惡如斯公乎公乎寧不

知公今欲渡不可止何忍見公渡河死旁人見之

尚欲阻况妾與公為連理挽公衣握公手公乎公

乎湏回首此中蛟龍張血口渡之便葬無何有不

念性命命姑舅公乎公乎母太鹵

相和辭

江南曲

二月江南春草青
桃葉渡灣迴渡口邊便是儂家
住

生小在青溪門前流水響
朝看估客歸暮見估客
往

歡比莫愁蒲儂如鍾阜樹
蒲隨秋水衰樹與同風
露

月明燕子磯風度秦淮曲
人靜夜潮生儂來燈下
宿

木園詩鈔

卷二

樂府

四

留劍山
莊初稟

薤露歌

蕭瑟白楊樹年年春雨綠
下有長眠人生曾居華
屋富貴能幾時已任烏啄肉
石火與電光何事爭
相逐纒纒北邙山狐狸嘯空
谷冷月照青燐濕螢
粘枯木見此恻心悲西風何
肅肅百年總歸來戚
里徒勞哭人生若朝露為歌
薤露曲薤露日已晞
夕陽下林麓

陌上桑

駸駸陌上桑秦氏樓中婦
春來發事忙羅敷採

桑去織手挽長條素影倚高樹
長安少年郎勒馬
桑間住欲進不敢前躊躇桑下
路私解雙明珠殷
勤表致慕羅敷但採桑低頭不
回顧人謂羅敷愚
羅敷情如訴人謂羅敷剛羅敷
心不怒婉轉謝少
年此心有定處妾心既已堅郎
心休太誤不見喬
木榮挺挺信風露不見玉石姿
碎碎任刀鋸妾心
若井水非愚亦何懼郎行妾採
桑西方紅日暮

雞鳴篇

喔喔晨雞鳴耿耿天將曙
踈星淡碧空雞鳴猶不

木園詩鈔

卷二

樂府

五

留劍山
莊初稟

住催起遠行人理裝登長路
今日共聞雞明日知
何處晨起問時雞責爾應無
怒誰謂爾為仁割伊
兒女去誰謂爾為義折我連
理樹仁義先已虧五
德違云具下塔驅雞出雞飛
高樹巔高樹能四望
應見遠人前拾米還咒雞好
向高樹啼聊將鄉國
信付爾到遼西

平調曲

銅雀臺

援地丹臺倚碧空風流橫
梨付飛鴻二喬顏色荒

原上一世英雄落照中東漢銅駝悲故國西陵石
馬泣秋風分香賣履傷心話往日權宜迥不同

猛虎行

高山密箐何昏黑猛虎猙獰當道側日日饑食耕
夫牛夜夜渴飲生人血猛虎當途可奈何處處悲
號被害多為嚼往來車馬容撐天大壑好經過長
安少年心膽大立心殺虎除人害解衣直上萬仞
崗死生已置鴻毛外初撲狂風逐虎生吼作青天
霹靂聲少年作勢交相唱兩下霹靂翻山鳴果信
芥園詩鈔卷二 樂府 六 留劍山 莊初稟

從軍行

駿馬嘶胡風寶劍照孤月安肯事咕唔窮年以死
死男兒薄功名封侯誠不屑所志在君恩深入人

肌骨誰無父母親何忍遽斷絕丈夫重意氣私心
安敢發跨鞍出渭橋戚里何勞別鳴鞭萬里道黃
雲起天末渺渺金微路視之在中閨落日照營門
西風吹箠策鐵甲生寒光雨凍旌旗裂驚沙逐天
驕戎火窮虜穴死生輕鴻毛馬革心已決王闢柳
條青年年映華髮努力靖邊塵隴水長鳴咽

燕歌行

燕臺十丈凌雲起黃金高置雲霄裏太子報仇心
已堅不買人生買人死何人願死不願生將軍意
芥園詩鈔卷二 樂府 七 留劍山 莊初稟

氣感縱橫但使功成報太子頭願一擲羽毛輕鄭
重頭願擊在手虎狼之秦何足數千金七首若霜
飛袖身便向函關走休唱西風易水寒何勞都著
白衣冠壯士此心無死事送人何必絕生還秦庭
一望明刀仗先捧血頭上甲帳血光人影兩模糊
橫行一若無人狀地輿圖呈更不驚展圖指示何
分明圖畫七首如風出滿庭颯颯飛寒星誰期一
擲中庭柱壯士身擒死不懼但恨刺不中秦王鬼
雄猶遠燕臺路究之不中亦尋常此心原可殺秦

王事之成敗何足論只今碧血照咸陽君不見咸陽他日生荆杞一世二世從此止雖然失鹿縛降王項羽功成亦偶爾

瑟調曲

來日大難

來日大難君不識禍福存亡翻掌隔君今醉能將遠行大壑危巖不可陟危巖日暮林深逕仄虎豹豺狼食人飲血磨爪張牙爭路側君今惜惜束征鞍笙歌祖道歡何劇叱檠珊瑚鞭短纓明珠結芥園詩鈔卷二 樂府 八 留劍山 莊初稟

戚里揖道旁相視增顏色道旁魑魅拍手呼揶揄叱君落君魄吁嗟君今遑遑欲何之來日大難為君惜我有三天八洞驅鬼縛虎之靈符請君隨我直上蓬萊為君覓蓬萊之上金輝玉碧縹緲虛無神仙羽客下視塵寰微如蟻穴來日大難風雲消息嗚呼風雲變幻亦何奇來日大難君當知

野田黃雀行

黃雀甚微細謀食野田裏所食能幾何胡為驅之起誠以往年豐今年饑欲死我食正苦辛遑云施

及爾黃雀爾高飛逐爾渡江水寧無愛物仁而忍遽如此野田歲收荒樂土或可止吾鄉饑者多行恐禍及矣

飲馬長城窟

風雪陰山多水向長城出長城無井泉征人埋屍窟清晨來飲馬水中見白骨今朝飲馬人明日此中物日出鼓鞳雄馬飲猶未畢拋馬既不能馬渴行無力與其我馬傷孰若徒行疾徒行出孤城城頭吹觥策黃沙撲天來赤手奔虜穴徒行赤手突

芥園詩鈔

卷二

樂府

九

留劍山 莊初稟

重圍逐得白奴百萬飛回來視馬長城下飲盡流泉戍不歸

青青河畔草

青青河畔草繞匝河邊路惜別念行人行人此中去青青草又生倏忽春已暮遊子無歸期棄我不長顧人語發東隣聞歸遠行人遠人應有寄聊慰高堂親出門問遠人將行復送巡遠人縱有寄應亦多悲辛入門還有憶昨夜燈花墜燈花豈足憑遠人隔重城水泛總歸溪葉落總歸樹遠人縱無

情對此應深悟

楚調曲

白頭吟

月落空庭寂燈昏玉宇深何人感離別長夜奏清
琴幽怨欲誰訴青天知此心與君惆悵意慚愧白
頭吟

梁甫吟

朝亦吟梁甫暮亦吟梁甫三士雖受二桃殃相國
功名亦冀土君不見漢家功臣韓將軍將臺十丈

芥園詩鈔

卷二

樂府

十

留別山莊初葉

高入雲旌旂羽戟何紛紛楚歌一夜空千軍齊王
請假即許真飛鳥已盡狡兔奔良方走狗徒悲辛
君不見霍氏衛氏甲第起飛角流丹霄漢裏馬如
龍今車如水不辨來者何侯子路逢行人喝即止
誰知富貴不可倚只今荒宅生荆杞吁嗟人生得
志那能長我來獨羨張子房破產求容殺秦皇大
索十日空倉忙圯上老叟丈人行可為師今不可
王赤松與遊何徜徉我欲上天通一語風伯雨師
擊天鼓我欲入山訪高踪巨蛇猛虎空山中冉冉

仙人不可遇此身寄托知何處日暮徒歌梁甫吟
仙乎仙乎愁余心梁甫吟聲何苦北邙山畔絲絲
雨白楊樹下燕子飛誰是王謝烏衣主

明月照高樓

明月高樓上清輝最可憐流光何太白少婦不成
眠露冷浸庭樹星寒流夜煙年年征戍客回首碧
雲邊

長門怨

長門春畫草萋萋宮柳絲絲綠正齊往日君恩在

芥園詩鈔

卷二

樂府

二

留別山莊初葉

何處殷勤付與舊鶯啼
高高明月照長安獨有愁人對影看夜半昭陽簫
管歇一時回首碧雲端
西風落葉御溝頭一斛明珠淚未收自是官家恩
已遍梧桐夜雨六宮秋
金鋪碧瓦對黃昏獸炭銅爐火自溫記得湯泉曾
賜沐任他風雪到長門
清商曲
吳聲歌

春江花月夜詞

花月春江夜不足花前月下燃紅燭人生行樂須
當時玉樹經春江水綠玉樹臨春一曲歌江南風
景近如何可憐狎客詞臣盡風流空自委江波從
此繁華隨逝水夜夜月明絃管起當年同作聽歌
人今日歌殘人去矣珠圍翠繞唱無愁賺得哀笳
發隴頭為問春江花月夜何人更上望仙樓江花
江月何時了年年過客悲芳草艤舳一夜渡江來
後庭花落憑誰掃春江江水去無窮一代詞華付
芥園詩鈔卷二 樂府 十三 留劍山莊初纂

西曲歌

烏夜啼

門外烏啼天欲旦銀河耿耿在清漢碧玉迴身樂
未央為郎只報夜方半夜半何為烏忽啼紅妝掩
映翠眉低與郎共聽銅龍水呼人重伴到清溪清
溪兩岸垂楊樹盡是啼烏飛息處舟中燈火雜笙
簧逐得棲鳥向東去可憐行樂及青春水上芙蓉
解笑人夜月江波明鏡裏勸郎乘醉渡江津渡得

江津紅日出郎醉舟中渾不識從前錯怪夜烏啼
兩人都在夢中立夜烏啼一曲歌來日苦少去日
多花草年年春似水吳宮越館付江波為君夜賦
烏啼曲啼烏啼烏奈爾何

江南弄

採蓮曲

明羅毅綺逐江來撲得蓮花兩面開郎唱新歌儂
盪漿遊人都在越王臺

錢塘江上雨濛濛西子灣前小路通芰葉菱藤交
芥園詩鈔卷二 樂府 十三 留劍山莊初纂

不斷一時拍掌笑東風

蓮花香與粉香齊小艇東來却又西採得蓮花往

何處兩行楊柳到蘓堤

冷泉亭畔草芊芊一路花光照翠鈿欲返蓮舟歌

管歇滿湖清水六橋煙

留劍山莊初藁卷三

涪州潘明軒
與國葉劍翁兩先生鑒定

黃梅石卓槐樹山甫著

樂府

舞曲

白紵舞

白紵詞

江南白紵鮮且潔美人裁衣作歡悅一拂斜飛巫
峽雲平堆亂捲天山雪裁就新衣到華堂珠環翠

芥園詩鈔

卷三

樂府

一

留劍山莊初藁

袖垂明璫烏君一試白紵舞滿座春風絃管香春

風芳草堦前綠風動落花紅簌簌可憐羅帶窄還

寬十五纖腰剛一束一束纖腰再舞難相扶相伴

就燈看笑解白紵香汗濕一齊春雨上欄杆白紵

舞我賦詞花易老月易虧如此青春不作樂轉眼

即非年少時白紵長白紵短請為君歌歌莫緩勸

君細聽白紵詞萬事徒勞花到眼白紵詞君當思

歡君愛君君知之與君化作蓮並蒂嬌語相依上

玉池

霓裳曲

霓裳一曲最分明素影衣香繞玉屏南內都頭誰
記取上皇親自月中聽

羽衣縹緲再歌難十二瓊樓浸水寒法曲可憐遺

譜在更無人倚玉欄杆

琴曲

明妃曲

漢家宮闕碧欄杆回首空天再到難此去魂消青
草塚可能生入玉門關磧中楊柳春風斷馬上琵琶

芥園詩鈔

卷三

樂府

二

留劍山莊初藁

琵琶夜月寒但使此行遠警息任他畫士點紅顏

胡笳曲

幽怨傳胡語淒涼斷客腸哀笳發何處此夜戍遠

陽冷磧咽寒月西風吹女牆刀環徒有夢聽此倍

堪傷

渡易水

西風擊筑敢生還慷慨無端意氣難壯士願酬金

七首送人都着白衣冠孤煙夜月燕臺迥變徵萬

歌易水寒此去功成何待報白虹貫日與君看

項王歌

竟作諸侯長居然百戰誰何人歌楚調無面到江
東尚欲憐騅馬自能釋若翁鴻門誠長者枉自泣
西風

雜曲

獨不見

黃門長鎖玉門關遠憶防邊去不還塞上征人悲
鼓角樓頭少婦唱刀環寒砧夜搥空閨月落日秋
登冷磧山笛裏誰家歌折柳隴聲嗚咽水潺潺

芥園詩鈔

卷三

樂府

三

留劍山
莊初稟

羽林郎

揮羽天塔止彎弓玉帳前心長存馬草手獨按龍
泉大怨何難報深恩自見憐長安朝逐馬日散御
爐煙

游俠篇

握箭長安道鳴鞭上蔡門平生輕死事所志報人
恩夜月金刀閃西風匹馬奔此心闕意氣富貴那
堪論

楊白華

可憐一片楊花白上下東風無氣力可憐無限楊

白花飄零蕩漾落誰家誰家高樓笛初起吹得楊

花渡江水渡江人見楊白花一夜相思萬餘里萬

里春風拂柳條宜春苑外雨瀟瀟寄語江南飄蕩

子莫到揚州廿四橋揚州楊柳三千樹飛花不見

揚州路思婦樓頭正斷魂多少行人此中去楊花

白楊白花烏衣巷口燕初斜十二朱欄欄不住一

齊輕薄上琵琶琵琶幽怨知何及叮嚀往事青衫

濕往年明燭看花人今朝都向楊花泣楊花楊花

芥園詩鈔

卷三

樂府

四

留劍山
莊初稟

奈爾何點盡春衣絮幾多相約清明三月路去聽

吳儂一曲歌一曲歌殘花欲止滿城涼月春風裏

從今樹樹夜烏啼何人更上高樓倚我來又賦白

楊詞輸與江南明月知他日白門晴雪路春風何

處不相思

遊子吟

上下風前草飄零水面萍客中如有意對此亦傷
情豈不嗟輕別終難慰遠行高堂華髮改日日倚
門生

桃花曲

春風三月莫愁溪十里紅霞一抹齊昨夜花殘桃
葉渡雨絲風片秣陵西

何人洞口學吹簫兩岸桃花伴寂寥我欲放舟到
深處十分春在武陵潮

楊花曲

春衣點盡總無聲晴雪飄零動別情莫遣愁人吹
玉笛風光留在武昌城

塞門風急故飛還磧裏征人拭淚看願把此心托
芥園詩鈔卷三 樂府 五 留劍山 莊初稟

飛絮春風隨爾到長安

枯魚過河泣

魚戲蓮葉間田田荷香襲誰使離江湖忽作枯魚
泣枯魚在水時荇藻聽啞呷網罟慎為防鉤餌戒
吞吸自與鯨鯢遊屢逐風濤攝鯨鯢變化神風雷
馬出入鱗鯽誠已微波濤非所習困頓落泥沙過
河泣無及波濤不可恃消平在一霎

伍子胥

心比靈均怨何人招子魂只今騎白馬猶自說胥

門夜雨錢塘岸寒潮早晚痕可憐悲憤意時繞闔
閭墳

東飛伯勞歌

東飛伯勞西飛燕年年樓上一相見誰家好女愛
春光桃花恰映芙蓉妝雲和斜抱玉釵側睡起春
風嬌無力可憐十五學新歌識得離愁別怨多日
日庭前悲玉樹愁殺伯勞此中去

壯士吟

落日掀鬚笑西風仰面嘆要離今已往寶劍向誰
芥園詩鈔卷三 樂府 六 留劍山 莊初稟

彈肝膽窺人出英雄失路難黃金何足貴一擲與
君看

南征曲

王師計日下烏蠻號令分明擁道看大將鷹揚周
太保南人虎拜漢衣冠曉馳鞍馬晴雷合夜掩弓
刀皎月寒從此珠崖銅柱立醜徒授首四方觀

寶劍篇

昔作風雷吼直冲牛斗光上有七星文珠玉相輝
煌俯視不敢即凜凜生寒霜有時忽一嘯迸裂火

飛揚天地產精奇山靈是護藏胡為落塵宇磨錯
掩鋒銛土花何斑斑鷓鴣血已黃寂寞在豐城偃
蹇空相望胡塵東南來寶刀耀邊場神物不可得
壯士徒自傷何時逢張雷持以貢上方猶恐化為
龍出沒那能防

自君之出矣

自君之出矣花影隨月上照見妾心清不比郎心
蕩

自君之出矣羅襦叠復叠豈自惜羅襦無人作歡

芥園詩鈔卷三 樂府 七 留劍山 莊初稟

悅 自君之出矣日倚門前樹楊柳作花飛郎從此時

去 自君之出矣團鏡日生塵持鑑郎踪跡應自不分

明 行路難

行路難

君不見山中水千分萬派同一始君不見路上人
賢愚總歸北邙墳大道長安高甲第可憐此日成
平地金魚玉盃在人間坏土長陵何足異為君一

歌行路難萬事都成指空彈不如金樽澆魂魄與
子高歌明月間

君不見巢父許由若真隱舜言胡為來相引君不
見伯夷叔齊非真賢胡不諫紂殺比干世間悠悠
之口何足道盡其在我即為安仲尼豈因陽貨累
盜蹠何損辰禽義白者不緇堅不磷涇渭同流原
非二為君再歌行路難皎皎風前玉樹寒一任飛
鴉棲息滿高枝直映碧雲端

君不見山中野火起頃刻燒殘火即止君不見井

芥園詩鈔卷三 樂府 八 留劍山 莊初稟

中水無波朝汲暮汲水還多動不如靜有常理何

為急急嗟蹉跎桃李春風花太早可憐夜雨隨芳

草空山松柏飽風霜青青不改顏色好為君三歌

行路難與子高卧上東山千巖萬壑一長肅俯視

乾坤江海寬

送客曲

獨客陽關去秋風古道寒相期無別語唯有勸加
餐執手斜陽裏此心暮靄端春華同努力不必寄
平安

鳴雁行

喚下空閨淚音傳碧海愁洞庭今夜月少婦在高樓
遠憶關門信來知塞草秋西風聲太急無夢到涼州

擣衣篇

欄杆冰冷空塔濕家家少婦塔前立擣衣欲寄遠
征人一齊用盡閨中力閨中砧杵幾曾停雲端清
響何錚錚好將月下懷人淚寄與天涯戍客聽誰
憐戍客多辛苦十年邊塞備行伍長征夜雨渡葱

芥園詩鈔

卷三

樂府

九

留劍山
第初臺

河短夢宵鞍眠戍鼓戍鼓愁懷感暮笳胡風千里
捲黃沙吹得征人三十萬一時鐵甲點霜花霜花
飄蕩何時止磧裏征人凍欲死此時都起故園心
此時有淚如流水可憐念此亦淚流昨夜有夢到
涼州秋笛一聲胡雁度高樓人唱大刀頭刀頭一
曲秋將暮擣衣石上多風露擣就寒衣欲付誰何
人識得交城路交城道路阻且長寄語征人莫望
鄉早立功名圖麟閣歸來咸里生輝光

隋唐曲辭

水調歌

紅樓十里上青霄渡口何人握洞簫吹得愁心向
江水一齊付與廣陵潮
大堤楊柳綠初齊掩映龍舟翠袖低殿脚三千流
粉汗香風直到大江西
無聊日日上臨春誰肯當熊不顧身癡殺終朝明
鏡裏頭顱斟酌付何人
鐵甕城高畫角哀西風吹入錦香堆何人偏唱揚
州曲王謝堂前燕又來

芥園詩鈔

卷三

樂府

留劍山
第初臺

清平調

煙籠越女水籠珠依約春風見面初十二欄杆都
倚遍沉香亭北近如何
徐熙六幅畫中開蟬蝶尋春逐隊來一自淋鈴歌
夜雨何人還更上瑤臺
月光花影兩相憐鄭重齊奴步障前乞取何人相
愛惜朝元閣上太真仙
楊柳枝
濃陰淺碧太輕盈陌上風光絮乍生記得清明三

月路依稀春色認蕪城

消魂橋畔一株齊寒食東風拂短堤多少行人腸

欲斷濛濛春雨白門西

隴頭煙雨水潺潺宛地長條不可攀夜半高樓吹

玉笛春風一夜滿關山

永豐坊裏夜烏飛明月清宵影漸微莫到江南堤

畔去一天絲絮撲春衣

雨淋鈴

梨園子弟半凋殘南內何人解笑顏譜得淋鈴新

詞詩鈔卷三 樂府

十一 留劍山 莊初稟

樂府御溝流水到人間

巴雲隴樹接青冥當日皇此地經劍閣西風斜

棧路斷腸一曲雨淋鈴

渭城曲

西風渭水畫潺潺遙指行人暮靄間杜宇不須頻

勸客故人今日到陽關

一鞭殘照隔疎林祖道牽衣別恨深我欲當筵歌

折柳怕教遊子動鄉心

款乃曲

江南春水綠初平荷葉青蒲兩岸生相約青溪上

舟去鶻郎先泊石頭城

莫愁湖畔雨濛濛小艇如鳧立水中趁此江湖先

渡好明朝多半石尤風

平湖三月水無波兩岸遊船一曲歌與子停舟休

盪槳桃花渡口女郎多

水光光與月光勻夜半停橈路未真款乃一聲何

處發西風愁殺盪舟人

雜歌謠辭

詞詩鈔卷三 樂府

二 留劍山 莊初稟

漁父歌

數聲風笛水潺潺自把生涯付釣竿細雨湓溪舟

正發一篷春夢過孤山

孤舟款乃月初斜箛篴青簑管歲華記得五湖風

景好清溪淺岸宿蘆花

忘機日日坐江頭自整絲綸携釣鈎我愛鱸魚秋

正好和煙和月下真州

寒風颯颯欲黃昏夜火疎林出遠村但得葫蘆沽

市酒任他風雪閉蓬門

唐人新樂府

老將行

鐵甲征塵在金刀血漬乾每思隨定遠一戰下樓
蘭短鬢經霜改虬筋樵箭看單于休犯塞斗酒尚
加餐

塞上曲

駿馬秋風落日雄邊頭甲帳卧刀弓將軍欲布王
師化不重擒生殺虜功

慘日驚沙上漢臺黑山西去是龍堆三更畫角傳

詩鈔

卷三

樂府

十三

莊初臺

烽急兩石雕弓抱月開

漠漠孤煙起戍城春風不見柳條生男兒莫下思

鄉淚都護新添十萬兵

天山雪急雁飛低塞上黃雲入鼓鞞怕看關門如

水月君恩昨又到遼西

橫江詞

橫江江館橫江起下臨百尺橫江水橫江江水日

夜流幾曾流見橫江底夾岸芙蓉照水波吳船越

舫走如梭忽聽江樓吹玉笛一時爭唱渡江歌渡

江舟去如飛鳥岸上管絃聲未了可憐愁殺渡江
人江雲江樹空縹緲斜日橫江繡幕開紅裙綠髻
逐江來我作橫江江上曲何人相伴蹋歌回蹋歌
回日欲暮相呼忘却橫江路月上煙昏不可尋如
許繁華知何處

留劍山莊初集卷四

湘潭蔡梧岡
錢塘姚蘭坡兩先生鑒定

黃梅石卓槐樽山甫著

四言詩

補亡詩

南陔六篇詩亡晦翁以為笙詩也有聲而

無辭如是可無補矣然讀子夏序詩曰南

陔廢則孝友缺白華廢則廉耻缺華稷廢

則蓄積缺由庚廢則陰陽失其道崇丘廢

木圓詩鈔

卷四 四言古

則萬物不遂其性由儀廢則萬物失其理

廢之云者對有而言也有或亡之可以補

矣昔東廣微補之其意質厚而未極其辭

末世澆風不能挽也因廣其意而補之語

多至盡雖少三百篇含蓄之旨然異其感

人易入也又何計焉

南陔孝子之相
戒以養也

南陔有梓覆我藤蘿念我父母劬勞孔多乳之哺

之憂心靡他渺矣殮膳所報幾何

南陔萱草其葉漸稀念我父母桑榆孔悲終身承

志尚或有違渺爾殮膳欲報匪茲

羸跪而乳心似未遑養以先敬乃不如羊念我父

母喜懼相將渺爾殮膳誠胡可忘

或菽或水固不承歡父母恤我往或我寬母習爾

易母急爾難渺爾殮膳母或爾慚

白華孝子之
黎白也

彼白者華白露孔滋欲培其植先惜其枝父母生

我戒慎爾姿我躬不立我親傷悲

木圓詩鈔

卷四 四言古

彼白者華風吹其馨既惜其枝無忝所生父母生

我戒慎爾行既恐既懼愛我親名

彼白者華其姿孔柔本植既潔庶葉當修敬慎爾

德母我有尤生我劬勞敢貽親憂

彼白者華羽其棲爾揚揚孝子人其思爾匪怠匪

懈俾其師爾母或玷之親其倍爾

華黍時和歲豐
宜黍稷也

黍稷華矣天德嘉矣黍稷郁矣地力厚矣油油其

苗芄芄其穉視我農氓既喜既畏

黍稷華矣四時和矣黍稷茂矣歲功就矣圓圓其珠垂垂其穗利我農氓無私不倫

湛露滋矣雨暘時矣黍稷之華無不宜矣西疇如覆南畝如雲悠游阡陌逸我農民

高無寸荒下無尺蕪無箱匪稷無倉匪黍君子爲國三年委貯實我農氓以祀田祖

由庚萬物得由其道也

萬物由庚動植自然庶類熙和罔有所愆山豆九宇水流百川維秋斯涼維春斯暄

芥園詩鈔卷四 四言古 三 莊初素

萬物由庚王化下敷庶類熙和如泥投塗靈亦匪智鈍亦匪愚曰飛于林曰走于途

無疾斯風無暴斯雨萬物由庚罔有所侮雨露在天膏潤在土庶類熙和罔失其序

日有常明月有常虧萬物由庚罔有所違維我玉德續文之規五行繼化庶類和熙

崇邱萬物得極其高大也

言登崇邱瞻彼庶物於動何森於植何鬱其勢既遂其性靡拂王風不私罔或有抑

言登崇邱羣生茂長載之既高覆之既廣其根蟠屈其氣蒼莽雨露先承仰化直上

邱之崇止物則豐止匪物自豐緣托之蔭既優既沃既橫既縱王澤惠敷庶類和同

匪陟崇邱莫覲林藹坤元資生性逆則害萬物形和無疾斯黍王澤惠敷維高斯大

由儀萬物各得其儀也

維物有儀是從是由王風惠洽是則是修國無游民野無荒邱君子秉政克壯大猷

芥園詩鈔卷四 四言古 四 莊初素

維物有儀是由是從仁育庶類靡極靡窮五刑不施五德咸通君子秉政維天斯同

魚修其鱗鳥整其羽于飛于潛各得其所君子秉政既張既舉曰圓如規曰方如矩

四時既和何偏何私萬物既宜何拂何違王澤惠洽何復何遺君子秉政何荒何爲

停雲篇爲二村作

靄靄停雲蕩蕩寒空瀾漫四野自西自東嗟我懷人靡所與同瞻望天際欲適誰從

靄靄停雲風其吹爾遙遙美人余其思爾夢寐永
懷靡所依爾雲樹婁其眷念悲爾

維洲之渚翼翼鷓鴣相彼禽矣人亦有情豈無芳
藻不如蘭馨亦有新知不如舊朋

昔與同遊江草芊芊別我友生縈燕翩翩之子云
來慰我纏綿子如不來子寧安然

五言古

擬阮步兵咏懷

大道曠羲皇俯世安所屬渺渺巢與由高風不可

芥園詩鈔

卷四 五言古

五

留劍山
莊初稟

逐迴念入世軀雨露深握沐寧茲荆藪安冒承靈

秀駕白駒如飛奔雙丸若轉軸達觀寰宇間落落

感幽獨我生在囂紛遑敢誇新浴直木不可迴偃

偃甘巖谷因懷古哲人高卧空山曲允執精一傳

聊以謝榮辱

擬陶隱士田居

生本無靜緣敢謂蠶塵逼誠以拙愚安出入干叱

責倔傲逞敢然俯仰亦未得僻處南山隅聊以避

愆慝晨起視桑麻開門射暎色東隣上炊煙驅雞

出短柵兒女羅堂前殷勤課耕織閒時呼風交相
與話稼穡里俗尚淳厚脫畧無形迹彼此遠機心
各自食其力幽趣見天真清暇憐物役

擬左太冲招隱

鴻運既熙淳六宇何嗚嗚遑敢慕高潔矯矯守寸

把誠念蟬蛸軀入世亦已小溷處承平中翻覺滋

紛擾與君歸巖壑高林多馴鳥松韻擬笙簧泉聲

落樹杪結屋臨清溪採菊供差飽卧看海田更山

水資幽討擊壤歌天庥俯懷親至道所以堯舜時

芥園詩鈔

卷四 五言古

六

留劍山
莊初稟

巢由非所寶

咏懷

拂衣一長嘯孤懷誰與陳天地非不廣誰為素心

人翻覆作雲雨舉世何紛紛長恐習俗惡移染及

吾身貧乃士之常所貴守其真念此憂端來仰視

列星辰西風吹短髮落葉墜高原四壁聞蛩語閉

戶靜無言惆悵復徬徨此意邈難論

人生有定量刺促終難施斗不可以石勺不可以

箕凡物不宜滿滿則易於虧富貴不可強榮榮徒

自欺大道日以沒誰與相維持盡力振綱常窮通
乃其私抱膝發長嘆永懷中心悲勉夙夜躬盡
其所當爲我生自有分餘事非所期

拔劍忽起舞嗚嗚歌天風空堂飛寒霜光怪走虬
龍少悔耽豪華萬事轉頭空落落剩此身不士復
不農歲月日蹉跎寄跡類飄蓬既不甘苟進復不
屑雷同終朝握一經瑕玼互相攻所事誠迂拙豈
敢求其通日暮登高山邱谷何龍從春華不再來
撫此憂心冲

芥園詩鈔 卷四 五言古 七 留劍山 莊初藁

感遇

浮雲泰岱來冉冉在太虛天風吹忽斷變幻遂各
殊或爲鳥及時霖或爲卿瑞符獨彼孤飛影飄渺敬
亭隅回念膚寸根已難復其初碧空迥無際此意
獨躊躇

蘭若生巖壑藜藿何自芳刈草不相惜棄之道路
旁草生不擇地延綿復漸長蘭性本幽潔生意已
全傷不逢采香人古道徒相望

折取楊柳枝來向河邊種欣欣雖向榮根本尚搖

動土性既未堅河水忽泛澤斷梗正方嗟遑云防
川用

少跨連錢馬手挽青絲韉奔逐紫陌間十里紅塵
香馳心曷有極我馬非驪驕山崗萬仞高鳥道蕪
羊腸欲陟既無具欲返馬力傷進退兩未然立馬
空徬徨

太阿初出匣光芒貫長虹叱咤靖風塵指揮勒九
戎十年絕塞上邊虜幾爲空終藉神物力爲君立
大功風雷忽飛去壯心徒自雄

芥園詩鈔 卷四 五言古 八 留劍山 莊初藁

一水發岷山中流始分派江漢與淮湘神功昔所
劃究之本同源清濁何足礙溯此西來流百川仰
灌溉誰使活水源不到濁流內

破產求神仙神仙不可遇大藥已無資渺渺蓬壺
路黃白既無成鉛汞亦已屢安期與浮邱遠在虛
無處童子五百人但見頻頻去苦無海上音心神
徒恐懼

南國有佳人幽貞長自保明月比光華煙雲擬靜
好失身在侯門終朝親灑掃主婦應見憐母使終

潦倒誰知妬太深棄置如敗草豈惜一飯恩仇僕
多文藻始羨東隣姝寧拙母太巧

海燕驚天風歲身入華屋為愛王謝堂曾經當日
宿暫此息文羽完卵免巢覆高飛亦有志豈甘終
相逐何用藏機心使我生事促

貧女亦有志不着嫁時衣非敢薄羅襦羅襦有壞
時嫁衣初縫日慈母自為之寧忍遽棄置不念母
手絲第念貧家婦服此不療饑夫婿與兒女甘苦
應共知驚我嫁時衣慘矣中心悲

芥園詩鈔卷四 五言古

九

留劍山莊初稟

巨鐘聲雖宏不叩則不鳴敗草燒愈急春來長更
榮伏虎原畏人追捕乃縱橫良驥性雖馴策甚蹠
蹶生人心外井水亦恐波未平

白日如飛矢紅顏似薄冰矢去不可回冰解不聞
聾人生在寰區壯歲能幾經不如桃李花一歲一

回榮日暮登高山蟻磨徒營營雙丸不暫息海田
滄相更西風吹短髮渺渺思未平春華不再來安

用沽浮名

古詩贈喻三奕川兼祝四十初度

巍巍華嶽石矯矯黃山松摩天與盤谷所秉地力
豐日月精華聚造物神秀鍾沐渥已深久托根自

龍從喻子吾鄉彥騁馳千里馳出沒風雲間變幻
疑神龍氣度何汪洋萬壑歸真胸春柳與明月差
足擬雍容作文搖五岳光芒貫長虹慷慨念斯文

負笈從馬融德粹日益純行看吾道東一時江漢
間翕然羣學宗奕川讀書江漢書院為一時同學所推丈夫少壯時
意氣干鴻濛海內兄弟交安忍嘆途窮懷此饑溺
心誰暇念我躬博濟聖賢難以此囊篋空斯時漸

芥園詩鈔卷四 五言古

一

留劍山莊初稟

賤子置身屠沽叢日與游俠兒走馬挽雕弓落擴
既已久萬累掩其聰深愧大雅前逞敢步高蹤嘗
謂薰與蕕生長俱茸茸雖同在巖壑氣味究難通

又謂玉與石取棄自不同一朝共磨琢俱可成玲
瓏男兒錯岐路如劍掩光鋒設使土花淨張雷何

難逢所貴道相乎萬始察其終疇云剪翮鶴不可
千霄翮以此蕭條後識子亂山峰余與奕川訂交自李仲烈萬山

書樓

始一見共傾倒如饑得餐饗連床促膝談冷冷
清夜鐘此心兩與期永矢鐵石長年來更砥礪瑕

玳互相攻皎皎空天月不使暫朦朧脫畧文壇上
談笑坐春風如玉投水壺痕跡兩相溶茲逢四十
辰羅列來羣公繡閣發蘭芽冉冉瑞煙籠英川以辰前
五日羣公各贈言愧我非所工一述締交情聊以
祝華封努力愛春華始仕是所從其如蒼生何母
卧東山中况我亦三十壯心徒自雄但祝王陽出
願附海天鴻太白湖邊水流遠何淙淙破額雙峰
秀亂削青芙蓉結構產奇英寧使嗟梗蓬喬松磐
石安勉矣上高嵩

芥圃詩鈔卷四 五言古

十一 留剡山 莊初稟

黃齡洞番禺刺史 宋公隱所

採藥黃齡洞洞口多古木洞門水亂流洞裏高人
宿溪邊野鶴遊莖藤能麋鹿到此意忽迷疑入武
陵谷栢煙出溪西料是胡麻熟攜筐欲復登莫覓
桃花瀆轉尋溪之東人影來幽竹偶逢樵者流詢
問且恭肅樵夫前致詞款款言且鞠此間原有路
可以時往復昔有宋飛仙到此謝榮辱不知幾何
年終日棋且讀自從宋公去洞前長掛瀑君但採
藥行何事空碌碌樵夫掉頭去余亦覺幽獨回首

問答處雲深空極目

送家二村

梧高鳳不棲文彩將安施海澗龍不飛頭角何足
奇丈夫逢盛世無成達士悲二村昔有言二村有書致余
日或世無成達士所悲感嘆常嗟咨因之出關門驅馬長路
歧僕僕風塵間肯逐眾人為慷慨過斬陽涕泣臨
川湄傷心豈功名恐負聖明時送子心耿耿中懷
每多思媿我已不振惟子是所期良驥不長鳴一
鳴即飛馳伏櫪莫長嘶自有伯樂知

芥圃詩鈔卷四 五言古

十二 留剡山 莊初稟

憶昔行寄家二村

明月上高樓花陰散庭戶深院寂無人感舊淚如
雨憶昔俱少年出入失恃怙陷身入長安日與輕
薄伍君游盡游俠我交俱屠賈一飲擲百金贈荅
動千數誰知陳雷輩情隨黃金囊斯時我方冠君
年十四五雖為同宗親未獲披雲睹相逢落魄時
風塵識龍虎一見感知音心事悉俱剖因憐同病
根况復共宗祖天倫厄亦然遭逢亦衛魯性情復
磊落友道是所取遂訂如水交瀝血開肺腑世故

酌鹹酸人情共甘苦道德與文章相繩以規矩其
間五六年意氣超今古差足慰平生得意誰能侮
無何掉頭去拂衣入村塢風月傍犁鋤談笑狎斤
斧君今近煙霞我尚羈塵土失我貧時交獨行何
踽踽落月滿屋梁殘更啼杜宇不見夙昔人空采
池中菘矯矯雲間鶴傷翻何喚咻豈無高飛志其
如絆網罟

送汪屢隱表兄歸湖上舊廬

平湖春水長飄蕩湖上芟冒雨送行人對茲感舊
芥園詩鈔卷四 五言古 十 留劍山 莊初藁

事與子三世交歷歷無同異自殂孝廉公君家羅
百累我祖共艱難力為舒隻臂中間數年餘每多
今昔淚君業漸飄零挈家遷市肆與子及身遊克
體先人志莫逆感人琴性情見真摯雖為中表親
不啻同姜被迨後我計非先緒成隕墜子復厄閨
年落魄增憔悴時事雖遷移此心長不二愧無王
貢遇尚有陳雷得意感知心差足慰暮思今茲
忽思歸告我已再四數經抵死留顧我終遐棄客
子卜行期故人酸心鼻廿年刎頸交倏忽成別離

送君上灞亭離筵各相視湖水濶無垠蒼茫綠紋
織俯仰復徘徊中懷憂思熾羨子得其棲嗟我何
所寄折盡湖邊柳砍破湖上地春水逼行帆別淚
空盈眚

祭文昌閣觀水

五月跨高危冷清風吹四望無平陸桑田變水
涯仰覺天影逼呼吸或可施水氣干霄漢迨迨暮
雲垂俯視盡波濤高閣勢轉卑倒影插中流蕩漾
擬崩推天水色不分萬里俱漫瀾蒼茫接江海勢
芥園詩鈔卷四 五言古 十 留劍山 莊初藁

可相饒欺浪捲沙圻沒阡陌總離披舟行逆水流
迅過不及窺撫此一嘆息渺渺多所思百憂頓交
來慘矣中心悲殷念感羣生托命在黍稷一朝成
澤國溝壑死無時圍廬器蛟龍出入聽驅馳廣廈
盡傾頽寒士何所支更知混茫間尚多未收屍血
肉飽魚腹骸骨塞川湄天災固無常公事有程期
敢云多淪亡不供宗廟築因茲問穹蒼憑禹長吁
嘻浮生已如此吾道竟何之恨無疏河力致令朝
宗遲

留劍山莊初葉卷五

新建伍棟國
昆明萬荔村兩先生鑒定

黃梅石卓槐樟山甫著

五言古

夏日雜興

山齋靜且澁，堦多綠蘿樹。覆院陰滿堂，日午還疑暮。上有好鳥鳴，清音或如訴。繞樹尋其踪，追飛不回顧。托身最高枝，悠然整羽毛。匪有驕人心，自欣得所附。

芥園詩鈔

卷五 五言古

留劍山莊初葉

開盡南軒窻，參差置筆硯。飯飽一事無，擘窠書素絹。偶然覺倦生，信手抽殘卷。高卧熏風前，山童揮羽扇。夢入蓬萊峰，復上通明殿。日與列仙遊，蜉蝣何足戀。以此樂有餘，不耻貧與賤。有容葛巾來，從我話往事。入門便登床，不施寒溫致。上論及羲皇，下談及市肆。將相與屠沽，雜言無倫次。隨話亦隨忘，不問言所自。話劇偶一呼，定睛相對視。彼此無機心，所言亦何忌。高槐鳴涼蟬，咽咽迎風細。初響發林端，倏而喧庭

砌高枝吟方斲，卑枝聲忽絕。樹動蟬已飛，聲猶在

樹際。因茲感人生，鹿鹿無窮歲。名利羈其身，彼此

無休憇。爭奪聲猶喧，喉舌已求閉。一逝再不還，不

及蟬解蛻。曾何物不如悲哉！此人世

酷暑相蒸燒，赤雲布千里。發狂欲大叫，一飯常數

止。條忽黑雲生，直向空堂指。驟雨如傾盆，蠅蚋聲

頓死。庭前紫荊花，滿地鋪殘葉。樹木生新綠，墻砌

無塵滓。舉動得自如，始悟清淨旨。

古風

芥園詩鈔

卷五 五言古

留劍山莊初葉

君住湘江中，妾住湘江側。湘流有別支，湘源同一島。與君結同心，月明入懷抱。撮土為清香，酌酒薦蘋藻。永訂松柏盟，長為百年好。君今別有婦，賤妾顏色老。自揣蒲柳姿，何敢生懊惱。第恨棄置速，不如無情早。君恩雖已絕，妾盟常自保。恩愛有窮時，湘水長浩浩。三鴻海上來，飛鳴何參差。弋人藏機心，網羅當空施。前者正翱翔，誤投為所羈。皮傷羽毛脫，鼎烹快孕頃。後者驚弓傷，墮落山之陂。中焉何矯疾，直破

網羅絲從此冲霄漢便作凌雲姿慎勿再飛來前路正不知

一水出幽谷半濁復半清濁爲人濯足清爲人濯
纓寧在清水立莫逐濁水行水清能鑑影水濁亂
人情清水雖冷逸皎皎星月明濁水何昏茫不可
測淺深一朝苦失足泥潦何縱橫縱復抽身早已
受濁水名何如立清水終日採香齋

美玉藏幽石堪爲廟堂器匠人費揣摩力鋸亦非
易或爲頑石姿甘心從棄置或不受斧斤亦免亂
芥園詩鈔卷五 五言古 三 留劍山 莊初稟

人意生質何玲瓏磨琢亦無避左右可奈何空下
卞和淚反恨識太真終日受其累

咏懷五百字用杜少陵自京赴奉先詠懷韵
兼眎家二村

平生厭機巧到處謀生拙所事與心違世路成戾
契俯仰居窮廬故人成間濶榻管述愁懷差足慰
寥豁憶昔少年時讀書每腸熱耻爲章句儒謬自
謂英烈對酒歌西風看劍臨皓月撒手脫羈籜謂
得逍遥訣置身在豪華玉環未碎缺城南百頃田

雖貴誰能奪大厦寒士棲海上神仙穴傳殮嘆下
筋傾酒如奔渤客履盡報珠晨昏事拜謁奕博動
經句歌舞星河没出入叱撿羣亂躡陽春節路人
每驚奇我亦笑奇絕常置短後衣中堂聞裂帛積
翠竟成裘笥箱終朝發珊瑚映珮明珠壓腰結
吳蜀誰云遥錦綾堆垤真斯時得意溪豪俊壯心
清浮雲過眼虛紅塵紛相戛慧劍掩鋒鉞安能斷
經葛誰肯念功名白首悲釋褐方謂玉在茲價倍
人寰出自然致飛騰便從謁金闕更可快雄心寧
芥園詩鈔卷五 五言古 四 留劍山 莊初稟

復憂生活持此囊中錦棄擲身外物回首事已非
衣肘覺寒慄深塵生釜甑青草埋縣室秋至百草
零不論蘭蕙質寂寂齊王門何人鼓清瑟魏其今
已老誰念霜中橘客散惟鷄衣一貧已到骨入世
已如斯文章豈足述困頓守枯株難作東西轍京
兆夢蒼茫途路多率兀甘將大厦材亦同蒲柳折
丈夫昂臧軀金隄應勃率那堪尾類搖畫地難趨
越強笑食嗟來僵卧寧風雪以此棄當時長得餓
與渴况將見二毛一女成天卒荆妻病且孱憂

長嗚咽天道那可知徒恐笑腰折靜以待天時何
事營急卒此意向誰言直木已盡伐山中有逸民
終朝餐玉屑何時學桑麻我生事已卒西風吹高
空憂來何時掇

石渠弟邀同胡蔗根程海溪家曉峰荆楚東

莊觀農因作田家詩三章末一章兼咏蔗
根

步出城東門倏然豁心目遠峰青一螺流泉清且

曲天未起寒煙孤雲斷枯木野色盪層胸此景良

芥圃詩鈔卷五 五言古 五 留剡山 莊初稟

不俗况復有良友同行雜骨肉忘年互笑歌徐行

入林麓仰面見征鴻飛鳴何迅速大道朔風吹動

我買山欲人生幾量屐行行毋相促

客到犬先吠男婦散場圃野老出門迎入席遶兒

女團坐情依依殷勤具雞黍解顏問老農歲功今

幾許老農前致詞答云無所補半入公家租半將

私逋楚我謂老農言斯言非太古去歲遭大災田

園蛟龍虜猶欲苟存活何敢生怨悔今年大有秋

尚言農事苦吾人營衣食心機毋太鹵苟免饑與

寒過此復何取

牛羊漸歸來村墟起暝色攜手出柴扉涼月生木

末昏煙四野園星火長天濶同行有阮狂窮途志

不屈酒力敵西風清思詩興發風景愛吾鄉高歌

欲暫歇媿我生計非城南田盡奪不然割半區共

相營兔穴蔗根有携家居於梅邑山鄉之意空作田家詩惆悵思

曩昔

和東坡歲暮三詩韻同胡蔗根作

餽歲

芥圃詩鈔卷五 五言古 六 留剡山 莊初稟

貧雖雖也無尚有詩酒佐昂臧七尺軀幸不為人

貨歲暮見豪門紛紛奔措大縱得斗米恩高風負

僵卧人情重蓋冠餽遺競達座誰識王元之雄才

堪賦磨况君羈旅身謂胡也已無高軒過不如共長

吟與子更相和

別歲

去日如飛弩生事何遲遲三十見二毛少壯不可

追挫頓守枯株清夢隔天涯雖未遽落拓已負有

為時頽年坐井天空羨淵魚肥三世尚孤丁此衰

原可悲不然隨驥尾壯志殊未衰

守歲

偶因養吾拙每事如畫蛇自世百無成四顧情誰
遮豈肯課鹽米其如妻孥何客從漢上來聲名何
嗔譁貪病與吾同促膝忘更過燕根客邸凄凉余
挽來齋中度歲
恣談快雄心破帽任欹斜且更傾椒酒莫問事蹉
跎天涯原骨肉古道良可誇

丙戌元旦柬諸同人

修然除陳歲生意動梅柳清晨坐南榮一事無所
芥園詩鈔卷五 五言古 七 留劍山
莊初藁

有苦若滌腸脾曝背閒袖手悠然發長嘯頓念羣
生醜碌碌逐蠶塵跣跣窮奔走米鹽耗精神生事
惟恐後歲暮萬事逼盡喪平生守得食不絕饑得
衣仍露肘所爭能幾何相隔在杯酒勞終與逸齊
空自作芻狗不如及佳辰得意招良友相與惜年
華高歌共搔首辛盤獻椒花蔬飧剪春韭快談畧
細行雄戰勞巨拇各恃寸陰心莫作憂愁叢

寄湖上吳大櫟園兼祝四月初度

太白湖頭水流長不知去芳草何芊綿繞匝湖上

路中有卧隱人忘機息百慮羨子歲月深臨風屢
迴顧

迴顧桃園裏春風榮其花逢子初度辰繞屋映明
霞松風吹笙簧勾漏獻丹砂始仕適其時努力愛
春華

春華須努力為君酌巨羅泉石固宜人其如蒼生
何龍泉豐城間光芒何嵯峨張雷知已在行矣母
高歌

高歌贈故人聊為之子壽不作祝嘏詞吾道貴其
芥園詩鈔卷五 五言古 八 留劍山
莊初藁

厚喬木飽風霜大器斯成就微色與湖光迢迢鐘
神秀
浮黛樓送春

送春春不語綠動池上蘋春歸何處歸風捲陌上
塵溟溟來無方漠漠去何因來去自來去年年人
送春

贈楊默齋

矯矯海上鶴飛來太白湖文羽映清漣丹頂照珊
瑚清風偶一嘯水鳥葺菰蒲誰使入雞羣偏驚骨

格殊揚子江南傑聲名填路衢落筆走煙雲為文
瀉明珠拔幟立詞壇頓使萬人趨呼吸咳唾間滿
地皆瑤瑜皎皎明月光濯濯春柳株骨立神何清
昂臧俊大夫具此不凡品足徵邦國符應自登廟
廊寧終老為儒無何生事累驅車歷版圖僕僕風
塵間慷慨棄闕縵壯歲入秦嶺騁馳千里駒行役
復南征衣塵尚糝糊昨歲來吾楚旅食武昌魚作
賦登高樓懷古嗟蘧都喧雜厭紛囂應接避屠沽
為憐佛法場掉頭破額隅與君一相識古道意有
芥園詩鈔卷五 五言古 九 留劍山 莊初臺

悼

餘叔度洵汪洋豪狂俠氣籠携手復徘徊如渴得
醍醐豈止文字賞所貴在心乎第愧潦倒人才淺
而識疎切切井底蟹所見惟區區况兼困頓餘剝
落剩殘膚終慚大雅前幸不叱庸愚錫我白雪篇
勉母棄其初深知吾子厚旦夕列衣裾但恐失浪
鱗終自困溝渠惟期王貢遇吾子其勉諸整翻摩
雲霄須念水間鳧天風搏扶楫萬里誰能拘

近得胡蔗根信既瑒幼兒復折愛女不勝感

携手送別時青青湖上路遊子無歸期水沒板橋
渡此心終躊躇使我不知故空谷聞琴音扣門日
已暮忽接遠人書不問來何處心急開函遲喜與
故人遇始讀生驚疑中馬發狂怒誰信愛子瑒復
奪嬌女去造物困文人摧折亦已屢老年遭叠傷
頻頻加恐懼即此見天心人事違云顧常謂窮與
通冥冥有定數達士所不言迨迄何足務至於兒
女恩天倫骨肉具雖癡猶珍憐雖頑不憎惡忍令
盈盈姿看看為朝露旁人尚心酸况子及身慮但
芥園詩鈔卷五 五言古 十 留劍山 莊初臺

記昌黎言梟鳴蝮蛇愈可以為君寬慎勿自成什
蘇蘇下江潮隱隱漢陽樹無數短長吟都為遊子
賦

題蔣佩紵小像

梧桐高百尺涼月入幽陰下有千歲鶴一肅發清
音美人臨秋水終朝揮素琴空山復空山遥結靜
者心

古詩懷鍾五贊府徒亭

黃雲起天末落日下寒渚涼蟬斷續鳴懷人獨延

野憶昔相追隨旦夕同居處不以貧賤交棄置如
糞土瑣瑣布衣士得與執事伍僮卧憐風雪割體
助清苦肝膽兩為開意氣超今古無何苦思歸薄
宦輕毛羽數經板轅留終念斑衣舞莫迷雖難契
孝思疇能阻載石歷歸舟渺渺青楓浦風雨送行
帆惜別淚如雨嘗謂天地間良會難長聚離合與
悲歡各自有定所今歲別燕趙明歲逢齊魯男兒
四方遊後期或可許爭我落魄身生事憂兒女君
復侍高堂躬自親寒暑闔海萬里遙茫茫隔三楚

芥園詩鈔

卷五 五言古

二

留劍山
莊初稟

都作守鄉人空憶別時語

畫菊贈鄒居易上舍

菊品本隱逸畫菊宜畫石菊貴得其清石貴得其
瘠我畫兩不能聊取其標格潑墨寫霜枝抽毫貌
窮方圓成脫筆笑對之無顏色採怪陶公愚拜笑
米顛惑作餐既未能破壁亦未得張之庭壁間聊
以供朝夕

龍坪山

萬山赴孤峰眾水爭一壑高崗相迴環重重互鎖

鑰夾列青芙蓉層崖勢峻崿何年巨靈斧怒撐神
臂削一溪劈中流白石相冲搏往年怒蛟龍疾濤
暴漲作眾山砂石奔積塞平濶落河流漸縱橫故
道盡非昨居民八九家接受奔沙塵間一起炊煙
山深不可度四壑雲霧生冉冉何所托一線見青
天生涯嗟無着

梅源

我欲上梅源亂壑不知處渺渺孤雲間疑從此中
去仄逕僅迴身怪石爭相聚僕夫挽我行心神常

芥園詩鈔

卷五 五言古

二

留劍山
莊初稟

恐懼紆折路數盤隱隱見深樹舉首望天門倏忽
封白霧誰云上天難此間誠有路清磬忽一聲空
山日已暮迴崗重復重古木聳號怒谷口見招提
乃得歷平步坦然氣始舒老僧忽相遇把臂一長
嘯頽費發深悟

宿圓蔭寺

我來山寺巔夜宿山寺裏空山夜雨來靜覺塵心
洗殿角發清鐘牀頭瀉流水梵響雜泉聲一時交
在耳單衾氣生寒卧覺冷雲起迴思下方人燥熱

或可止我身宿禪榻萬事應俱已清夢嫁婚畢脫
身殊自喜

雨中望蓮芭峰

蓮峯萬仞高上與霄漢接我欲乘風凌朝雨暮不
歇仰望青蓮苞含蕊不肯發我佛昔拈來微笑示
伽葉一莖豎長空可望不可即雨來勢欲垂雨過
香風疾不從鉢底生却教地湧出我生頗好奇對
此生歡悅倏忽煙雲生轉瞬優曇失何時拄烏藤
直上絕頂立一覽閻浮場高歌達天關

芥園詩鈔

卷五 五言古

三

留劍山
莊初臺

夏夜

夏木發明秀層碧抱空庭一燈出深樹間與螢火
青草際浮昏煙靜覺青蛙鳴舒簟卧寒綠引袂涼
風生脫然除羣慮暑氣頓消平萬籟以俱寂唯聞
夜鐘清

碧漢微雨歇浮雲淡長空夜星乍明滅萬木動高
風餘滴響林端涼月在孤桐暗覺荷香來池水流
淙淙戶外羣動息真趣歸心胸靜中識妙理轉覺
增明聰空寂見道心此身在洪濤

石磴近薜蘿微風動綠陰修竹憂琳瑯冷泠拂素
琴一彈復再鼓使我忘不禁天際散飛霞美人在
空林山川阻且長遠耿余心巖壑有同好安肯
獨陸沉何時入溪山聊結靜者音

擬田家雜詩

世道重酬酢見面非真顏勉思隨衆好此懷殊未
安我性愧踈慵難投舉世歡落落寡所合駕言歸
南山南山亦何有敝廬八九間取足供掩息門設
而常關日夕一無聞唯覺松風喧高卧傲羲皇心

芥園詩鈔

卷五 五言古

十四

留劍山
莊初臺

清覺境寬不與塵緣接萬累漸除刪

有田十餘畝非原亦非隰辛苦自耕耘聊可供取
給廢圃在東隅斥蔓勤灌溉課婦事蠶桑閒時工
績納歲收雖云微所喜各有執八口無閒人庶可
有餘粒公逋不可緩欣然視囊篋以此入官司免
受追徵急

晨起開門早曦色照高樹僮僕少貪眠呼而繼之
怒婦起放雞豚僮始驅犢去春來農事忙早餐各
有務扶杖視桑麻緩緩作平步極日禾黍青油油

夷溪路母使遭雨賜我心常恐懼兒女已長成歲
晚婚嫁聚願言大有秋私心屢迴顧

雨過水滂滂茅簷尚浙瀝門開向遠山雲收見空
碧簷笠下田畦泥涇足半尺荷鋤掘塹溝母使田
水積室林射斜暉雞聲啼間壁緩緩起炊煙稚子
呼歸食到門見轍痕知有遠來客握手係夙交村
酒論疇昔田家愧蔬蕪殺雞增顏色且喜麥秋成
聊可供朝夕

日落昏煙起牛羊下山來鵝鴨各相識亦復成羣
芥園詩鈔 卷五 五言古 十五 留劍山 莊初稟

歸兒童散鄉塾抱書情依依涼月吐山嶺清影照
柴扉星火出遠林流螢斷續飛家人晚相聚清風
開我懷仰面視河漢浮雲淡依微老農課晴雨對
此每徘徊呼童蓋場麥夜半或風雷
隣人城市歸門外相與論野老雜穉子問坐何團
團我亦策杖出來聽城中言既無闕得失復可消
清閒所言雖不經誰復議其端我心有定識亦不
厭紛繁隨話亦隨忘更難求其原私心唯竊笑聆
此發溪歡鄉人誠樸率足可共周旋

既居南莊告里中諸父老

卜築在南莊茅簷剛數尺半區居妻孥半區供几
席改路出深林開門向空碧築垣護雞豚編籬補
荆棘南隅修廢圃蔬菜差堪食就北種垂楊成陰
或可息雖無二頃田幸有三畝宅既與城市隣復
與紛囂隔仰面看南山側耳聞牧笛真趣見天機
榮辱從茲釋願與素心人求此供朝夕

我移家具來蕭條何所有僅僅誇圖書犢車勞奔
走隣里愛我溪古道真醇厚負劬荷琴樽爭先唯
芥園詩鈔 卷五 五言古 十六 留劍山 莊初稟

恐後渺焉我何能自顧殊多醜溪慚父老心何以
利人口我豈竟不才或作鄉愿叟抑或好惡公鄉
論誠非偶感茲父老意銘佩終不朽還以察我躬
誠或有餘咎人苟非聖賢眾譽違敢受
隣曲見我來葦相爭探視穉子擁柴門鄉婦亦不
避老人先登堂提榼各有饒殷勤出所攜喜無寒
溫致先為祝平安次及田家事教我種桑麻款款
言何憐共見質樸情深感纏綿意呼童陳酒漿雜
坐無位次歡呼暢我懷頽然盡一醉

我雖城中人最厭城中禮父老幸無猜真率差可
喜我初事耕種指示正在通出入相扶持同井應
如此願言歲事豐相與戒奢侈督婦事蠶織鄉塾
課兒子一年可移風三年可移里情懷日已親婚
嫁從茲始與子樂桑麻此外浮雲耳

芥園詩鈔

卷五 五言古

一七

留劍山莊初藁

留劍山莊初藁卷六

同里 汪素川 兩先生鑒定

黃梅石卓槐梓山甫著

五言古

家漁逸賦詩見憶即用原韻奉答

天風吹萬壑浮雲來長津縹緲蕩空碧黯黯傷我
神人生寰宇間知心能幾人既不同廟廊相與策
高勳晨夕復契濶渺若沉與雲憶昔共追游樽開
北海醇一朝隔舊雨誰憐范叔貧咫尺即天涯
芥園詩鈔 卷六 五言古 一 留劍山莊初藁
云若比隣世交多炎涼我輩守其真碧天迥無際
孤懷誰與陳

雙丸

雙丸擲甚疾相顧生鬚鬚安能長爵爵俯首嗟朝
鋪既不甘偃仰復不棄關繻落拓無一成溪漸七
尺軀入世已荆棘何人重瑾瑜僮僕競奔走行恐
失真吾因茲發長笑掉頭入五湖釣竿狎鷗鳥此
懷殊不孤相與事醇樸聊以礪廉隅

海燕

海燕東南來飛入王謝居主人不可見徘徊意有餘欲別不忍別遺我尺素書爲言慰別離讀之中躊躇感君纏綿意勝贈雙瓊瑤悵意動中懷悲嘆長嗟吁世事幻浮雲滄海變耕畝赫赫實霍宅門無柳相車榮謝理之常達人終自如寄聲謝海燕南山有舊廬

古風寄家漁逸兄

歸耕南山側吾以全吾天喬木識風霜高潔浣流泉杖策出柴門振衣萬山巔一覽衆山小仰覺孤芥園詩鈔卷六 五言古 二 留劍山 莊初稟

月圓天末起寒雲冉冉淡碧煙逸念靜者流攤書成高眠蒹葭何依依美人在素川作書付歸鴻鄭重勸加餐誇力愛春華都非少壯年此情渺無極相思復何言

吳東園家崇村曉峰二村過訪山莊聯吟分

體拈賦即席得五古二章

竹外聞人聲空林鶯犬吠呼童放柴門隔雲遙探視我正理琴書樺子報客至倚杖出門迎同來皆風契一笑更登堂狂呼相把臂空谷有琴音真足

慰離思嘗憂疎放人脫畧每自肆行恐隔雲泥故人成永棄深感諸君厚肯來問衰廢實獲賤子心尚見古人意

我本醒亦狂頽唐非闕酒高歌對故人起舞忽叫吼人生感意氣良會誠非偶轉眼失春華萬事幻蒼狗不如酌山醪命童剪春韭且盡目前歡何事牛馬走耳熱發清吟一洗滌注醜討論正始音幽興悉俱剖溪嗟古調淪遑散閒袖手願言挽頽風追逐建安後得意恣雄談斜陽上高柳一醉散髮芥園詩鈔卷六 五言古 三 留劍山 莊初稟

眠俯仰空搔首

七微上人留宿山莊夜話有作

我偶出山去君適來山裏白雲濕布袍蒼苔沾屐齒我既不在山君肯獨至此且待主人歸心交應如是我時一念君歸途逢樺子爲言遠公來翻嫌迂道里入門一長笑挑燈各相視莊嚴見鬚眉情懷生歡喜和我春草篇碧月照清水爲我說華嚴示我清淨旨嘗謂大道息浮誇何所止真寂見寒燈一綫燄光死中流有達人寄托茲方始願師振

法輪一喝聞浮耳

山莊看雪同棠村作

夜半風忽止浙瀝微有聲
卧漸覺寒栗晨起光輝
生返照上檣窻映人肌骨清
仰視飛玉屑迴旋復
縱橫土濕滋如膏陽和得以升
感茲豐年兆得慰
野人情命童携斗酒歡呼來空庭
招我謝氏才對
此淨聰明頽然一以醉四顧心和平

萬壑忽闕寂長空斷飛鳥黯黯天四垂
林木轟窮
篠與客出柴門極目何縹緲
板橋大道橫落落行

芥園詩鈔

卷六 五言古

四

留劍山
莊初稟

人少遠浦淡欲無
濩落誠悄悄茅屋歷雞聲
炒煙
斷樹杪環山玉一痕
蒼莽氣森晶
惓惓巨寒雲微
茫識天表始知世界寬
置身亦何小

益睡軒詩

先君子策為余弟兄讀書
處今諸姪亦於此就傳

空軒敞寒綠萬木何深
邃羣碧擁高樓當年讀書
地先君擘竄書額之曰益睡
手澤儼在茲悚悚生
惶畏庭前木筆花清芬
濃撲鼻紅梅卧北墻
辣香
掬堪嗜亭亭發森秀
參差宜位置永承雨露滋
先
君手所植撫此長咨嗟
惓矣心悲悒緬懷先子心

經營有深意豈僅供朝昏
所貴能取譬灌溉與扶

持如培子弟義不肖愧吾曹
急荒損其智謗劣墮

家聲甘心自暴棄本以蒲柳
姿不堪成大器所嗟

種植恩深負先人志幸有謝
家郎榮榮諸昆季揖

拜共登堂後先各有次長者
解執經少者知問字

顧之歡喜生書香或不墜我
聞大山川水石無瑣

細沃土無瘠柯膏田無稗穉
兒曹承先澤培養歷

數世所稟既已深所產自獨
異又聞嘉禾生所貴

養其穗如金銀乃良如錐珠
乃利兒曹稟既深當

芥園詩鈔

卷六 五言古

五

留劍山
莊初稟

剪拂其累督責教育之乃是
吾曹事登樓望白雲
縹緲已長逝淒淒懷寸草
空下終天淚先子痛云
亡矩規堪趨視弩力嚼諸兒
慎勿吾曹類庭逕尚

依然欣感相交聚先子未了
心兒曹當自勵春草

滿池塘繞砌生蘭蕙木筆紅
梅旁待植燕山桂

家曉園杜曲落成招同諸昆
季雅集用夜宴

桃李園序會桃李之芳園叙
天倫之樂事

句為韻賦五古十二章

人生屐幾量雙九如轉蓋春
華不再來瞥瞬兆少

艾古人秉燭遊所見誠遠大少壯不行樂老大徒
嗟嘸願言開素袍無虛此良會

孤身寄寰宇長爲物役勞渺渺何所托徒嗟羈氣
囂僅此半椽棲如鳥之有巢行復不適意毋乃嗟
蓬蒿君看仙人居亦植洞口桃

吾家有從兄皎皎真達士胸中歲邱壑水石聽驅
使築室在東隅悠然供居止繞砌栽蘭蕙當軒植
桃李無事日往還足饒清靜理居固不求安要亦
聊爾耳

芥園詩鈔卷六 五言古

六 留劍山 莊初藁

結亭傍檐宇築砌臨清池開盡南軒窻揮毫臨羲
之圖書何琳琅琴劍各參差吟詠嗜煙霞此意復
誰知遙遙與古期願結靜者思

登臺一縱目欣欣羨衆芳感茲栽培意灌溉相扶
將松風撼霄漢修竹鳴笙簧禽鳥各忘機飲咏不
相防因知愛物仁寧獨供相羊

開門雖城市閉門如村園幽情豁胸臆心靜不聞
喧浮雲時入座遠黛復臨軒咫尺隔紛華萬慮總
棄捐唯與素心人永此慰朝昏

飯飽偶成步依依繞兒女長者執經來少者相伴
侶入座歸行列後先各有叙修竹隔書聲師課無
寒暑儘此足怡然此外安更語

客至具雞黍促席移花前清香入深酌注飲如流
泉酣來發高興數取杖頭錢狼藉傾杯盤散髮石
上眠頽然相與醉搔首視蒼天

烏衣多才華超邁不第倫安知竹林遊不許躡後
塵况我諸昆季城南居比隣春草生池塘惠連正
可親勉矣步高踪風流其未泯

芥園詩鈔卷六 五言古

七 留劍山 莊初藁

入世有真樂人苦不自知徒然事塵雜擾擾將何
之即如此幽趣造物何嘗私要在領畧人乃不爲
俗羈因茲嘆行樂慎勿失其時

右丞有輞川少陵居西閣緬維古哲人所志在巖
壑吾兄杜曲居結構誠不惡足追古人風精舍堪
遊樂始知秘穴關非人不可鑿

吾亦有山莊山南半畝地年來自經營補苒誠匪
易鄉人笑我癡謂我殊多事自謂出入間差足稱
人意今日登君堂始悔空勞瘁

破額山

孤峯勢如削斧元超萬象時花巨靈斧刻然分爲
兩雙峙插青霄並突如露頰向背分陰晴低昂成
俯仰霧鬢與雲鬟嬾嬾煙蒼莽振衣欲一臨天風
吹難上

碧玉流

晴雷喧亂壑急溜懸孤峯忽如怒駟下奔馳千山
陰巨石當谷口瀆激冲高林飛雪雜瓊瑤琤琮發
清音泠泠浣埃俗閑世空古今對之侵肌骨寂寂
芥圃詩鈔卷六 五言古 八 留劍山 莊初藁
生道心何當一濯足臨流揮素琴

天馬峯

疊嶂馳高巖迴岡忽張鬣排突奔青霄怒若雷電
扶萬壑嘶天風亂石攢蹄蹠屹兀矗層雲森森如
伏立我有珊瑚鞭雖長莫能及六轡如可攀當與
八荒接

鉢盂林

擲鉢在空林團圓如蓋蓋萬木鎖溪煙衆禽棲暮
靄仰承星月華覆沾雨露溉長度往來人高納闡

浮界叢碧映幽岩縱目諸景會始知蒼筤林所蔽
真無外

毘盧塔

攀葛緣仄逕振衣萬山巔縱目視雙丸平從樹杪
懸一塔撐天際慈雲纓絡纏高出衆山表列岫相
迴旋拱抱若尊尊如海朝百川登臨看遠峰指點
歸雲煙爲憐下方人空聞鐘磬喧

傳法洞

架石據巉巖陰森何霹靂多事笑神功乃與人爭
芥圃詩鈔卷六 五言古 九 留劍山 莊初藁
妙怪壁沿巖苔石門平如埽卓厂風雨迴懸穴星
日照山靈護玄秘馳石成虎豹 洞前有 虎豹 關

前猙獰如怒跳我來探竒源躡屐客一到誰爲受
法人拈花空微笑

卓錫泉

一泓迸寒泉不盈亦不竭潔可淨聰明清能鑑毛
髮泠泠洗人心悠悠漱石骨誰能窺秘穴得向源
頭出我來卓錫泉想見優曇妙性見空明幸免
靄塵沒

香爐峰

四周何崔嵬奇幻類禹功佳氣鬱參差合沓千山

中劉繪博山爐詩參差高岡平如几怪石蟠虬龍

寒雲縹緲來天香遍虛室松栢羅峰前時聞梅檀

風九鼎辨魍魎此意或與同我知入山人魅魍莫

能逢

明月橋

明月寒雲邊平橋空山裏山影過橋頭明月入橋

水橋水向西流山月從東起水流月不流流不見

芥園詩鈔

卷六

五言古

十

留劍山莊初稟

橋底行人度橋來涼月淨如洗水月兩相溶頓悟

空虛旨

洗筆池

煙雲成揮毫山水供塗抹永懷古哲人曠哉胸襟

豁我來洗筆池池水清且潔不見洗筆人孤懷曠

與說我亦放達流百年稱繼述只恐天上泉不洗

人間筆

碧玉橋

石梁界谷口高跨如垂虹遙若掛天角不可尋其

踪蜿蜒得孤棧始與元關通四圍羅黛色滴翠濕
衣重凭欄一縱目煙樹含空濛俯視山泉瀉旋足
吹長風我身生羽翼忽忽來雲中

石魚磯

飛瀑瀉寒湍下有石魚磯揚激張鬣鬣噴沫動風
雷長年守巖壑自養修鱗肥釣者空致羨不受鉤
餌欺終待泥沙淨化作神龍飛釣臺空蒼茫相對
共忘機

芥園詩鈔

卷六

五言古

十一

留劍山莊初稟

留劍山莊初葉卷七

錢塘黃庭夢珠
江陰翁鑑鏡人甫評

黃梅石卓槐梓山甫著

五言古

古棠書屋聽雨

濕燈映寒碧驚風時滅明虛影
搖夜窻層綠抱空庭涼雨浸塔
除漸瀝侵殘更萬樹響檐際忽
如秋氣生倚枕不能寐百端忽
相并壯士多感傷况復聞悲聲
佳人在遠道浮雲嗟長征纏綿
思連床契芥園詩鈔卷七五言古
一 留劍山莊初葉

六堂上人同家棠村兄留居山莊六堂用壁

間夜月開松徑朝雲入草堂
聯語為韻賦紀事詩十首因次韻答之

西北來浮雲凌室不肯下胡不作
甘霖霖潤禾稼感痛念蒼生深愧
江東謝高卧雲水間思迴俗

士駕敢謂王於斯蘊藏求善價誠恐物役勞區
攘如長夜忽起入山心永與氛囂罷

地僻不聞諠悠悠真趣活嗟彼統綉子欲來不敢
發唯許昆弟間二三逸真率中年得遠公相見無
虛日皎皎明鏡臺藉公為拭拂所志在砥礪寧獨
嘯風月

搔首向天際懷抱誰與開杖策將遠適欲行還低
徊隔煙聞人語遙入亂松堆撥雲忽相見喜得善
根培條然豁胸臆萬累何有哉登堂論物化指視

芥園詩鈔卷七五言古

二 留劍山莊初葉

歸織埃

峩峩太華石矯矯千尺松冷泠王瀨泉涓涓流不
窮如聞廣長舌妙理契真胸一室忽和霽寒庭生
春風大道無端倪首尾如神龍禪之巨八荒六合
安能容

逸鶴凌青霄周飛忽一竟千年復來歸尚識生前
姓下瞰今古人諠爭造物拜笑彼歸隱流紛紛趨
捷徑長嘆獨悲叱蜉蝣靡所定且拍洪崖肩與公
揮塵柄

登山拾蘭萼芳香猶未消涉江采芙蓉風露滋良
苗美人相追隨何須隔江招妙姓自幽討詰究永
終朝胡繩貫衆芳桂茵雜申椒願言守素盟道誼
相與操共酌清涼水一時煩熱澆

駕言登巖壑逍遙伴白綸哲人不可作疇與念斯
文賢士委泥沙時輩起風雲我生當頽波所貴守
其真與公各努力毋以岐路分雲間有黃鶴抗志
驚鳳親鴉鷄徒徬徨冲翼安能神

凉月生東嶺虛堂清光洽兩腋忽生風直上雲臺
芥園詩鈔卷七 五言古 留劍山 莊初稟

立左攜北阮才右招東林衲玄秘窺天章精微幽
與入夜烏自南來繞樹飛三匝睹茲生感傷無棲
適相合大道僅微茫鈍根那能習誠恐忽傾頽惆
悵知何及

出門望君子西風吹碧草烈日照顏頽芳姿豈終
保雲路隔天關商飈何浩浩公來誠有緣導我却
衰老日暮登高邱極目長安道千秋萬歲名身後
焉足寶

攬衣下階除仰面視參商人生良會難徘徊立室

堂將騁萬里途檢篋分鶴糧為師荷歌笠元圃共
飛翔不作沾巾別求懷辭故鄉丈夫重意氣前路
毋相望

四凶詩

狼

狼性本殘毒同惡濟豺虎獵者尚遭噬而况商與
賈出入傍溪箬狡猾伺弓弩何當李將軍拔箭搜
林藪

梟

芥園詩鈔卷七 五言古 留劍山 莊初稟

凶梟既食母乃復搏鳩雛是其貪逆慣安問親與
踈秋鷄不敢下側目雲中呼吁嗟鷄猶避傷哉鵲
區區

稗

稗長欺嘉禾長比嘉禾易雨露反先承農者受其
累稗生嘉禾中初與嘉禾類慎勿因除稗反將嘉
禾刈

棘

叢棘本碍道偏於仄徑張寧必蒙頭入觸之手即

傷我欲烈山澤蘭蕙在其旁對之煩胸臆行步當
自防

命園人樹瓜架

吾鄉數歲饑終日難一飯瓜菜雖微物得一免於
饑我來居南郊未遑事田畯學種青門瓜聊以助
飧膳雨露抽苗芽遙迤滋藤蔓新枝既柔脆翠葉
復修嫩其勢漸縱橫欲上不能進柅其向榮意以
若抱孤憤我生順物情且厭其滋亂清晨命園人
樹木架高岸相度護根莖擇置分遠近手自相扶

芥園詩鈔

卷七 五言古

五

留劍山
莊初藁

將使之得高纏其氣忽豁通不遭荆棘濶欣欣自
扶疏怒生日數寸旦夕依簷宇掩翳陰成片纍纍
結珠實且足供清玩乃知種植理不獨在肥腴要
貴遂其性其生乃奮迅地力固當宜人事亦居半
苟或抑鬱之母乃嗟委頓

遣役人桂狗

犬以伺盜賊用之完我囊魏太祖曰狗善捕鼠雖小損而完我囊所
貴在警捷亦欲其馴良豈惟一家托隣里得共防
奈何肆其惡使我出入傷前日殺隣雞驅之上土

墻昨日噬隣豕拉折推其腸連日噬殺隣雞豕雖
微物半為貪者禮哀哉我隣人疊遭爾克獨我來
結隣里急難各相將爾既為隣賊寧獨非我哉胡
可愛惜爾縱之等虎狼殺爾既不仁棄爾義不忘
乃令在足朝夕繫戶傍飼爾得一飽守禦當所
長寧使偶吠堯母為物類殃慎勿跡狐鼠反志在
靡靡

驅莊丁築穴塚

我居南山北其地塚纍纍蕭瑟白楊間落日跳狐

芥園詩鈔

卷七 五言古

六

留劍山
莊初藁

狸夜黑熠青磷苔藓上斷碑事業委泥沙人代那
可知歲月既已久樵牧踐其堆窺穴見白骨風雨
復侵之寂寞在荒邱零落卧路岐不問死者何已
覺生者悲我行當出入見之生慘悽戒僕負簣工
荷鋪築其虧寧保今茲後不復相崩摧但不及我
目安能為遠期古木號西風風草何離離千莫一
杯漿慰爾永下思願爾母為德百年總歸來後先
應相恤慷慨有餘哀

紀事

古人立隍社保障重一方其祀至正大其神亦馨
香為民司萬命佑福灾不祥淫盜及奸回棄之校
遐荒豈與浮祀同享非其所當誦祭吐不服况肯
降吉昌 國家設學校其政先農桑為民立師表
為世垂綱常其祀配昊天浩然巨穹蒼安可神道
測等與香火量兩庠列多士要使聖道彰瓊瓊計
窮通母乃慚先王至於胥役惡其毒非一鄉狡猾
豈有涯疇測魁裝說者謂其肆托庇於城隍所
以爪牙利噬人大道旁又有術家言士柳因胥楊

木園詩鈔 卷七 五言古 七 留劍山 莊初稟

云彼隍司樓能為斯文殃欲使士氣伸當先去其
戚左右勢不下傾欺原相妨君子乃不察憤怒那
能忘以為賊我士偃蹇悲冠裳以為賊我民叠年
遭流亡若輩日益熾出入同虎狼朝夕對危樓慷
慨思更張一二者志士遂為一邑倡小人罔所識
果信神我勳以為我肆暴反惠我無疆以為我刑
讒反錫我未遑士夫彼何人敢禦我凶橫忌哀時
命冠崔嵬而切雲兮劍淋瀝而縱橫安可毀斯樓
衣彌葉以儲與兮右祛桂於棗桑使我徒徬徨二三奸賊徒懷臂相與抗叶 張真

一年之三秀兮道白露之為霜時
香壘而代序兮時可與乎比抗 嗟哉賢令尹亦
復有表腸以為治貴靜樓偏鐘鼓鑄以為居貴安
樓高白虎昂欲圖靜與安當計其所良乃從君子
請令下如飛霜嚴示告軍民道路塵風颺小人計
無出竟與亡命嗚夜半登高呼滿城生驚惶聚集
屠取徒敢欲毀鬻宮叶 齊將瞻兮壽聲言救隍
宮與日月兮齊光社觀者堵如墻瓦石擲交加喧喧若沸湯縣官親
飭禁反擁上公堂喜值我公仁慈惠慎 王章君
子明典法幸以柔勝剛不然各爭執勢必互相攻

木園詩鈔 卷二 五言古 八 留劍山 莊初稟

叶 龜發傳入於周地得太吾恐彼固短此亦難
公理興卒聚兵與對相攻稱長奈何以微故幾致多殺傷小人安足責君子
當為防我謂地理家其說原荒唐唐人傑地斯靈謀
之乃獲臧所貴整士習砥礪各相將養我浩然氣
如玉蘊積藏士習一以振風雲自騰驤乃若隍司
神血食自蒸嘗安肯庇若輩縱之使猖狂所貴牧
司者有道秉珪璋裁之以明決馭之以果強小人
勢漸消君子道斯長

自述

塵垢沒初志，踟蹰而生端。深愧鈍根質，萬累相摧殘。
蹇促走野莽，終悲慧光寒。大道如圓珠，揆之傷噓嘽。
我生原有覺，泥泥甘露團。籍列金泥中，憑高舒羽翰。
出入剎利雲，俯視生死難。况復得提攜，身親七寶壇。
明訓司出納，馳雲御飛軒。畏度隨天運，挾纊亦何寬。
胡為落溷濁，回首自漫漫。恬曠苦不足，憂來多悽顏。
豈不念高恩，遠道徒蹒跚。積痛無終極，臨風聞旃檀。

揆梅

芥圃詩鈔

卷七 五言古

九

留剎山 莊初葉

陽和動羣植，理感幽興生。忽憶崇阿梅，遠結靜者盟。
凌晨杖策出，將以慰遙情。美人在空山，徒嗟岐路橫。
寒裳適長邱，萬木含精英。非不念桃李，終憐冰雪清。
心愜成獨往，馳步形骸輕。矯首望四野，誰為高寒行。
一徑入寒壑，林深空寂寥。高木落清響，乃知殘雪消。
巖岫吐逸氣，冰魂知未遙。竹裏香風來，導我如相招。
轉邃得幽品，皎皎親孤標。冷色凍山雲，淡意清空霄。
討與慰幽懷，如得世外交。安能分餘柯，相

攜對昏朝攀，折終憐惜臨。風思蕭蕭

東山五祖方丈法席久虛，大衆比邱皆以滿。祖肉身道場十方瞻禮，不可使門庭中壞。爰請七微和尚主席，以振宗風於乾隆三十八年四月八日入院。據室邑之當事長者及善信男女各出志誠，供養心恭設十方普齋，供衆圓空。石卓樞拜手稽首為之頌曰：

芥圃詩鈔

卷七 五言古

一

留剎山 莊初葉

我聞世尊出，如大雲雨霈。卉木及藥草，滋潤隨分濟。又聞佛初生，同挈光明內。大作獅子吼，見聞生盲瞶。如是等，等故足微大智慧貴。以無量覺充滿河沙界，以我顛倒想出彼生死累。天龍人鬼聽種種法，如是以故大滿起。開覺施萬類，令發菩提心。同喚旃檀氣，路逢磨登伽。千潭一月示赤土，畫巖箕亦具第一義。傳之無始劫，正法眼藏壞。淳想與戰爭，毫厘分一芥。象教日陵夷，以智損其智。一切阿修羅，黯黯成昏昧。爾時聞浮提均墮，八難害火坑。與刀山一念諸毒，備嗟彼寶筏。沉各自矇瞶，賢

疇能施金篋而剖人腸胃吾師瞿曇種真俗融二
 諦掩耳以為闍閉目而成視如鑑寫衆形如雷轟
 大地暗室扁明燈光著於隙外具此大圓覺廣說
 無遮會願閑諸衆生一一自脫解所遇皆極樂平
 等均無二如水投海中真稱無量礙以是一切人
 重挹甘露味各生歡喜心如佛初出世遍滿諸乾
 坤乃至衆孺穉供師如翁媪皆願七寶施亭亭白
 蓮花綉縵雲蓋無情與有情感通誠遠大願師
 振法輪臺前明鏡在為植萬福田不可一思誠

芥園詩鈔 卷二 五言古 一 留劍山莊初集

留劍山莊初集卷八

甘泉胡善慶半山南
 涇川趙帥偉堂南
 黃梅石卓槐持山甫著

七言古

等山園賞花歌

等山園裏花作堆葉葉枝枝交不開落霞如殺桃
 兼杏飛雪難分李與梅長松合抱一十尺古栢恭
 天搖深碧山蘭躑躅擁柴門柳影蕉風侵暗壁主
 人好事擅安排壘土為山何崔巍千峯萬壑環茅
 芥園詩鈔 卷八 七言古 一 留劍山莊初集

屋仄徑幽溪上砌臺渭川千畝種修竹開窻便知
 人不俗即此度日勝成仙儘可長年不食肉山童
 具酒酌巨羅花前設席影婆娑落葉飛鬚吹不去
 清芬逸味掬還多翠羽明璫春欲雨粉香艷質當
 筵舞孌娜進退意堪悲紅白參差嬌欲語徘徊因
 此憶當年轉眼繁華劇可憐昔日芙蓉歌舞地今
 朝陽柳雨風天先見松溪山人於城南築天外天
 園鑿池引水從假山中出山上植
 花草臨水結屋中有亭為當時詩酒文會之地山
 人謝世師友凋零遠興風流已成往事今城南之
 居已作公祠山水之踪傾頽已不可問矣起向花
 蕊園中假山是其廢石移置此間者也

前澆濁酒洛陽舊事卿知否少年結束尚紅教老
去心情悲白首秦淮記得春溶溶燕子樓前碧草
茸拾翠佳人原上路樂遊公子巷前風往事風流
寧可說紅爐頃刻消冰雪凡心收拾杖頭錢好鳥
啼殘枝上血抽身無計脫罽塵浪蕩寰間二十春
落魄誰憐朱履敝買山徒嘆故人貧今日花前飄
疊翠茫茫對此動愁思園中芳卉解人頤石上蒼
苔會遠意花落花開總斷魂賞花人去杏花村莫
賦等山園裏曲月明風細自黃昏

芥園詩鈔

卷八 七言古

二

留劍山
莊初藁

江漲行

巴江蜀水盡朝東黑子彈丸居其中賴江水發不
可遏吾邑田園當其冲前年江水勢直下賴水橫
流無晝夜中間斜截怒蛟龍內湖倒灌傷禾稼湖
水汎濫不得流江濤萬里無時休江湖內外相攻
擊堤塼田舍成荒邱四野流民聲慘切千堆白骨
飽魚鼈賑粟開倉起枯頽停征免賦餘殘血 九
重著意念羣生宵旰憂勞感 聖明吾邑自為謀
會計流人又唱打堤行打堤工力從何出照臨隨

糧征什一縣官傳牒去匆匆野老吞聲唯唧唧吞

聲已見大工興千夫萬夫苦難勝嚴寒雨雪肌皮

裂卒歲羈縻性命築堤之役聚邑中災民督令
充工源係以工代賑及至歲

寧歇始見長堤高突兀豪家共慶賦田成黔首可

憐心力竭力竭何人解恤憐惟憑漠漠彼蒼天幸

逃溝壑摧殘日尚冀豐盈大有年有年猶覺民難

起積病沉疴入骨髓葦木何能補大虧江河又報

冲洪水報道秦嶺水西來湧浪翻波勢倒迴一線

芥園詩鈔

卷八 七言古

三

留劍山
莊初藁

沙堤千夫泣三更傳鼓四門開少尹愛民如赤子

流星就道淚難止我公冒雨去如飛半夜滿城驚

欲死滿城嗚嗚是還非道有行人湖上歸傳說平

湖翻浩渺只留匡嶽認微微依微聽罷淚如霰性

命方茲同草賤民生國計那堪思人事天心已可

見天心何獨厄吾鄉十家猶有九即當生涯正自

風前雨衰草何堪雪上霜霜雪連年摧鴻雁何人

風夜同憂患果然造物殺黔黎縱有長才難措辦

空庭盡日雨闌珊市上行人自往還相逢便說江

水長都在垂頭一嘆間

意梅行有叙

益睡軒舊植老梅每值將華清香橫座時
與同人共分逸韻自移居藏密齋中便成
隣人棗樹往日瘦影疎枝不能復睹茲逢
大雪偶話冰魂覺芳樹其尚依然而往事
已成陳迹回首高樓不禁潸然下淚矣

益睡樓前老梅樹可憐已被春風誤橫天大雪亂
飛來僵卧高人餓逐去餓來驅我總飄零不記春
芥園詩鈔 卷八 七言古 四 留劍山 莊初藁

光幾度經寶劍千金酬烈士寒梅一樹剩空庭記
得寒梅當日樣亭亭骨立無偏向暗香疎影月明
中老幹枯柯風砌上每到春來花放時招攜同伴
共題詩常將五月江城曲寫寄孤山處士知從前
處士樓中住苦心尚識安排處一徑山蘭直到門
數竿修竹斜通路曾在花前酌巨羅殘英點點落
青莎杖上青蚨朝索酒筵前紅燭夜徵歌一自生
涯悲落索行踪擬似空倉雀羽毛摧折那堪飛芳
樹凋零何所托百尺高樓枉斷雲花開花落任東

君空餘春夢池邊草不是梅花樹下人從此琴書

歸別院銅瓶紙帳空留戀綠華仙子洞天溪赤脚

道人牙齒斷艷曲歌殘不可尋紅羅亭畔冷霜侵

誰知月落參橫夜孤負冰清玉潔心消沉往事風

花瞥回首繁華今歇絕林下美人不再來道旁楊

柳還堪折長空盡日雪漫漫不見冰魂倚玉欄爲

問此回三徑雪是誰同伴五更寒聞說依然春意

早栽培頰異凡花草雖然雨露沐新恩未免清寒

憐風好新恩舊好只尋常憑誰爲覓返魂香莫將

芥園詩鈔 卷八 七言古 五 留劍山 莊初藁

河畔清溪種頰換人間相國腸昨日墻頭仍看見

縞衣尚識迎霜面一枝橫陳不勝情數點斜飛空

致羨無端相見忽傍徨玉質何曾改舊妝走馬不

須勞驛使路人從此屬蕭郎萬事從來有遷脫蕭

何治產無人奪魏其雖老尚稱侯將軍已故何勞

唱回首朱樓玉樹邊一樹依依似昔年縱好已輸

何遜賦無聊且伴沈郎錢今朝口渴思梅子梅子

黃時春去矣誰憐屋角飽風霜爭逐人間凡桃李

我與梅花獨淡交虎邱風雪灞陵橋欲種千株繞

茅屋江南車馬正蕭蕭

壽熊不磷丈六十兼題小像

離堂夜雨風雲霎山中有客迴花甲欲借一言進
霞觴感慨牢騷思不洽平生不喜祝嘏詞丈人甘
苦我深知况是世交篤情好不將浮語諛當時丈
人家世本舊族布衣好客餐無肉郭外曾無二頃
田架上長餘三萬軸讀書耻學章句儒嗜酒彈棋
紅攪瑜掉臂排天一長嘯何妨我輩等屠沽以此
不肯為苟遇豪狂不爭當世路落魄貧賤意淡如

芥園詩鈔

卷八 七言古

六

留劍山 莊初稟

甘心低首讀書誤寄踪山巔水盡頭賣藥求名總
戲遊好將煙月同性命耻把文章謁公侯丈人失
意六十載布襪青鞵樂不改雖無骨相博封侯鶴
髮蒼顏生光彩山花山鳥雜流泉澗水潺潺奏管
絃山頭十里紅樹影桂花香裏月輪圓此日知君
應大笑荷鍾攜筐登海嶠聞盡人間子復孫青松
白石長相照壽君頽覺淚沾衣料得丈人亦歎歎
故交零落朋舊盡寂寞孤南剩少微君不見懸巖
絕壑奔流水流盡古今何時已人生只作畫圖看

知君感慨從茲始

題黃夢珠畫九曲亭圖

黃子腹中貯煙霧空洞萬頃汪洋度發為文章最
蒼茫偶作圖畫饒生趣今年寄我扇中圖開函風
雨知何處動搖倏忽晝色昏一霎滿堂鳴泉怒定
晴漸覺積霏開微茫求得九曲路上有一亭出山
巔濛濛煙嵐時遮護擬可置身坐其間俯視萬山
爭趨赴江雲山氣色不分淋漓新續相迴互知君
此時作畫如作文凝眸要使神先聚後將作文手

芥園詩鈔

卷八 七言古

七

留劍山 莊初稟

法來作畫所以筆力千鈞一氣注君不見松筵繭
紙飛雲煙展轉疑與故人遇故人精神注此中三
年離情此中訴何時期我故人一登九曲亭抵掌
長嘯凌高步回首雲山各一隅畫裏煙嵐空長顧
題諸葛寅安銅章集

銅章絕技久寂寞唯有上黨諸葛傳一脈其間傑
出不多人屈指可以數今昔近來寅安擅其長家
學淵源何輝煌上窮龍鳳蚪斗魚鳥龜穗之鴻文
下分凌雲垂露倒薤懸針之微茫中間豐豐宋東

證其說八體六書辨且詳金銀銅鉛錘鍊手底
造化像圓方大力捉刀開生面得心應手風飛颺
平生磊落大志寡所合四十頭白走羊腸今年南
過松滋遊掉頭拂衣來吾鄉與君覲面一相見披
肝瀝膽形俱忘開匣視我金篆紐風雲一霎生茅
堂蛟龍螭虎縱橫出眼底十丈生紅光閣於座上
奏刀先運意慘淡經營思徬徨倏忽奮臂信刀如
切泥十指颯颯飛寒霜商彝周鼎石鼓文頃刻一
一屈伸分列昆吾鋼吁嗟君之捺技神若此固知
芥園詩鈔卷八 七言古 八 留劍山 莊初葉

六月初二日雷雨誌事

積陰閉陽防氣鬱六月始聞雷聲發極首極頽喜
欲狂坐看羣陰成殄沒陽氣縱橫塞未通陰氣洶
洶勢直冲二氣搏擊不相下連天霹靂填長空長
空極目如覆釜黑雲直起若飛弩指揮一霎失朝
昏大地去天只尺五寥寥萬里聲怒號抵死狂風

拔髮毛庭樹作態掃地舞砂石飛騰疑纖毫條忽
傾盆雨如注翻江倒海無迴互急風猛烈勢一吹
甲馬錚鏘爭趨赴久之雲踈雨亦稀霏霏之影射
斜暉淫氣亘天垂到地此時已知陽氣微轉晴陰
雲四山起虹沒風定天鼓死依然一氣盡蒼茫竟
夕終天雨不止吁嗟天道民命是相持陰陽例構
已如斯方夏緼袍猶未棄六月不敢尋織絳南方
土地足瘴癘况是積陰久未洩上淫下濕兩相蒸
縱有盧扁何所制前年已苦多死傷壬午吾十家鄉疫
芥園詩鈔卷八 七言古 九 留劍山 莊初葉

難婦行

零落九郎當今年會見復如此並無饑雀棲空倉
正憂傷未湖水漲更憂元元多死喪驚弓之鳥復
網羅邦本民命兩難狀君不見雷停風定雨歇時
四野嗚嗚泣何悲知是爾時遭風雨漂泊饑民總
離披吁嗟陰陽倒構已如斯天道民命何所支
秋雨寒蟲聲唧唧愁人獨坐語深黑漸聞泣聲近
荆扉有婦入門無顏色見我停步欲回身轉步出
門長嘆息平生慣憂人之憂知婦此來必有由旋

呼小婢為招手。款曲問婦何所求。初聞我語還惆悵。吞聲障面愁復愁。繼焉感我意諄切。啟聲欲訴淚先流。自言我本良家女。少小閨中習機杼。長大嫁與田舍郎。夫耕婦績無寒暑。往年豐歲田未收。箱有積帛倉有貯。丈夫好義結交多。常以有餘濟同侶。今年水決潘興口。桑田頓變魚龍藪。愛子沉淪魚腹中。夫婿葬骨無何有。孤鴻零落悲慘切。雄沒離亡兼食絕。霜露侵逼何徬徨。同聞僕子皆嗚咽。因茲感念羣生瘁。納頭便覺心憔悴。偶經見聞芥園詩鈔。卷八七言古。十。留劍山莊初稟

秋風嘆

秋風呼號脫羣木。捲石飛沙拔屋角。長松翠栢折生枝。合抱恭天盡偃覆。獨有陰巖野薜蘿。偏能沾得雨露多。本無勁骨焉能折。引蔓牽藤奈爾何。

田家值水農事病。植此秋禾為性命。狂風翻偃復凋零。饑夫貧婦憂心恹。野老日坐愁城中。釜如懸磬囊頭空。市上升米錢半百。所憂寧獨為我躬。秋風起兮沙塵飛。皎皎白日無光輝。長空萬里皆如此。零亂哀鴻何由歸。轉盼清露成霜雪。勁風摧殘毛羽折。莫道衝寒不得歸。縱得歸來喉已咽。

芥園詩鈔

卷八七言古

十一

留劍山莊初稟

留劍山莊初葦卷九

仁和王日桂小山南評
江陰藕 莛春塘

黃梅石卓槐柯山甫著

七言古

山館雜吟

庭中松樹高人植老幹虬枝覆幽宅前年風雨不
相容摧折唯餘老龍脊雖然骨立不成陰猶剩盤
根十丈深莫道近來生意少窻前曾共歲寒心

昨歲芭蕉向屋角今歲生芽沿壁脚近株連根覆

芥圃詩鈔

卷九 七言古

一

留劍山莊初葦

陰深遠本孤危生氣弱覆陰深者已過墻生氣弱
者豈能長固自成陰不相待秋來誰與共風霜
臺上種蘭臺下草草自芄芄蘭自保雖然雨露不
相防未免芳香終潦倒蘭亦何心敢自竒已甘與
草共離披到底種蘭幽意在似應為蘭分別之
繞砌亭亭數竿竹種爾原思求不俗既已無心報
平安便可移之置巖谷拂雲又喜倩人看逢人誇
種碧琅玕為問月明清露夜可有誰來倚暮寒
魚日居水不知水水自澄清魚自喜失浪暫攔江

海心差免涸轍聊爾耳有人臨淵發深羨神魚應

供宗廟薦便能噴沫動春雷屢比終當收一戰

樹上寒蟬吟溪霧清響隨風自來去秋心憔悴冷

故枝滿樹夕陽知何處庭前吸露忽經秋清化何

時得自由棲身高危終足慮與爾乘風凌滄洲

題荆楚姪躡雪圖

小咸荆楚命梅川趙正煌圖已像大帽紅

覽濶帶方裘注目直視手按懸劍其裝束

威儀絕非近日寒酸面目書生本色未始

芥圃詩鈔

卷九 七言古

二

留劍山莊初葦

不當如是後跟一童髻且秀携古琴一張

緊相追隨嗚呼知音難得囊而不開可也

餘則嵩高山大壑風雪茫茫老梅數株參

橫歧路荆楚則莽莽蒼蒼亂躡其中觀者

無論識與不識即此風流慷慨可以想見

其為人矣爰作長歌以道其意

空庭梅花自開落解衣嗜酒勢磅礴吾家惟有仲

容賢十丈生綃圖行樂俠骨稜稜別有神翠裝紅

褐束裝新王恭被斃前生樣荆叢校丸後世身書

生誰無封侯相，硯硯章句紛相尚。一經死守戀寒
氈，萬里生還悲弓帳。阿買識字不讀書，本爲儒者
耻。爲儒敢將白眼輕時俗，屢把黃金結丈夫。黃金
散盡俠尚在，骨相不隨人事改。圖來紙上尚昂臧，
對此胸中消礪硯。吁嗟天涯湖江路，漫漫寶劍瑤
琴肘。後安紫電千金無，可贈漁樵一曲與誰彈。
三十年來長如此，鍾子徐君身已死。星環張目終徒
然，篋囊收拾可止矣。笑我當年癡復癡，曾圖大雪
栢枯枝。余昔曾作出關圖，其裝束與此圖相似。我已窮途惟有哭，君

芥園詩鈔

卷九 七言古

三

留劍山
莊初臺

今冒雪欲何之，問君不言如解意。似對寒梅流冷
淚，筵前與子共歡呼。紙上有人多顛顛，詩成欲訊
紙上人。畫裏梅花落紛紛。

鐵筆歌爲家棠村兄作

吾家棠村好古癖，直溯秦漢工鐵筆。上窮龜鳥之
遺文，下證倒垂之偶失。八體六書精且詳，豐豐宋
束辨微茫。腕下握刀如把筆，手中切玉若飛霜。朽
鼎爛銅宜不足，走馬急就貴神速。一自手中佈置
奇，時聞宇內鬼神哭。雲霞山海在君胸，都入紅爐

鑄鍊中三十六分隨意化，百千萬年此技空嘗謂。
人生若葛狗身後，一事何所有。文章歷世固無窮，
鐵石留名亦不朽。當年不見鄭江洲，老大蒲亭六
十秋。白髮風塵工絕技，布衣聲價動通侯。與君家
世忝華胄，况子英名震關右。大道無論拭目行，未
技已爲當世壽。我愧年來種蠶生，學書學劍百無
成。解衣贖酒誇屠賈，趙北燕南識姓名。究之於我
何所補，凌霄終須借高羽。得君生面爲重開，免余
賤字埋糞土。去年與子坐更深，酒痕褶褶在衣襟。
芥園詩鈔 卷九 七言古 四 留劍山 莊初臺

芥園詩鈔

卷九 七言古

四

留劍山
莊初臺

醉後蒙君輕一諾，筵前使我重千金。春來花開復
花落，盟心九鼎難磨琢。和風惟有聽金衣，大雨何
曾飛石鵲。盡日晴窻好讀書，聞來無事興偏餘。好
將人世屠龍手，一洗風塵落魄余。

短歌行爲家二村作

朝覘北暮研北，一頂儒冠博不得。不如長安市上
鬥雞兒，宮花壓帽皂羅額。朝盡力暮盡力，朝朝暮
暮讀貨殖。不於此中無可生，顏色我爲二村歌。二
村向我泣，怒目張膽忽起立。豎子小兒偶中的，盡

其在戎事已畢功名有無何足惜君子謀道不謀食
食呀嗟乎君子謀道不謀食

題翁二紫絲鋤經吟稿

明月無聲寒風急空庭展讀鋤經集忽從摩詰畫
中來轉上太華峰頂立歛神細繹復長吟建章宮
殿何幽沉一宵三復時雜誦千門萬戶費追尋才
華似得江山助未許曹劉稱獨步芙蓉楊柳十洲
春疾艇驚濤三峽路六代淫哇一洗空居然特立
挽顏風從此懸壇開楚北自來名士說江東江東
芥園詩鈔卷九七言古

卷九七言古

五

留劍山
莊初臺

名士君獨數偶然各來三楚幸從衙鼓識清風
頽剪胸茅除俗土相見懷抱各為開脫落顏唐入
座來公子風神真灑落家學卓犖仰崔嵬去年尚
未識君面先與坡仙同游讌均將意氣撼山河共
把斯文衡狂狷燕春塘典余話及江陰
詩人每為紫司低首每逢開話
及先生酒酣耳熱勢縱橫王謝烏衣原有樣淮海
風流久擅名此日相逢恨不早可憐正始音潦倒
欽君匣裡劍何鋒慚余眼中花漸老花老遲君十
度秋今得同登庾亮樓座上開樽吟夜月床前促

膝話新愁因茲感念風騷歌郢中忽睹歌白雪三
千里外大道行二百年來元音發君不見夜夜曲
涼風詞萬斛明珠信手施等將感事懷人曲如見
吹簫擊筑時即此可以知君概生事嗟蛇惟舌在
一榻青氈故物存千金寶馬前心大春草池塘好
夢避五湖煙月更何之記取奚囊新麗句盡是寰
閭絕妙詩高山流水知音少旁門別徑相紛擾莫
使女郎歌竹枝須把雄文壽梨棗今年我擬下江
行政園茲喜識步兵他日平山堂下月依稀猶似
芥園詩鈔卷九七言古

卷九七言古

六

留劍山
莊初臺

此宵明

鶴瘦行馬喻奕川作

矯矯雲間鶴一隻元晴丹頂毛雪白曾啣鳳闕九
天書寄食芝田三畝宅冲漢摩霄不計年自將文
羽映清漣寒夜聲殘緜嶺月白雲心憶洞庭煙哺
子將雛自飲啄朝飛南海暮華嶽閱盡滄桑往返
更獨誇湖海生涯樂自有浮丘相鶴經聲聞盡向
九臯聽金穴幾曾餘短喙人間從此識修翎可憐
一入樊籠裏朝朝物役何時已蓬萊不復羽衣還

太乙新歌黃鵠起回首蘭巖水亂流秋風無復戒
同遊但見吹笙隨子晉不聞帶箭走沙邱因之自
傷羽毛鍛棄軒徒致人間怪鷄笑低飛不敢言雞
羣獨立知無奈垂後軒前兩脛高凡間煙火食無
聊剝到麤皮贏到骨亂知衰翻瘦知腰突竟我還
為鶴慰浮雲往事同一概辛苦稻梁固堪嗟結伴
琴書原足貴王恭因汝似神仙最鄙腰纏十萬錢
漢口飛來樓尚在蜀江人去話猶傳因之為鶴生
歡喜世間他事何足齒幸免焦桐一處殘如此昂
芥園詩鈔卷九 七言古

留劍山
莊初稟

藏偶然耳君不見赤壁山人入夢時橫江道士訴
心知他日高飛搏萬里覺來方笑燕鶯遲

畫蘭贈蔣梧巢明府
畫蘭先學把蘭筆筆運三分脫運七千鈞萬鈞注
毫端揮時便覺風雨疾紙上颯颯亂聞聳条条葉
葉抽刀出交錯低昂貴有神花蒂精神不宜失我
畫蘭花殊愧工是蘭是草聽甲乙但圖頃刻畫便
成不比山水遲時日眾草為伍固何傷王者之香
誰能別淋漓貌來各有真萬口爭誇吾豈必

題蔣梧巢明府秦塞看雲圖

秦山峯峯削如掌秦關百二攀雞上白雲時吐風
中綿化作銀濤何澗瀟相門才子出塞行自圖結
束神清爽平生癖好在山川登臨健捷氣慨慷慨
鳥絕處策馬過盧龍塞外獨來往寶劍開凝夜月
寒玉鞭敲鏡空山響偶逢雲起駐馬看屢作躊躇
發深想回首吳門親舍違函閣漠漠煙蒼莽吁嗟
犬夫屈伸各有時出沒變化豈使常人知又謂人
生不文便當武安能爵爵長守故鄉土君不見白
芥園詩鈔卷九 七言古

留劍山
莊初稟

狼河畔春草青請纓直入單于庭封侯絕域寶刀
腥誰肯區區老一經又不見白雲悠悠本無心出
山在山聽浮沉觸石而興層寸合崇朝遍雨為甘
霖以此策馬出關自有志駐馬看雲非無意駐馬
策馬亦何常總在偶然適所值縹緲一縷青煙生
冉冉娉婷無定態起伏行止得自如噫噫吹噓憑
大塊祁連山高入青冥渭水流深通地肺君今萬
里遠行役馬上看雲聊相慰雲氣溶溶馬不行圖
中景物誰能名唯喜識君圖畫裡渭北江東雲樹

情

圓蔭寺恭瞻 世祖所賜昂溪和尚 墨

寶紫衣作詩恭紀

古寺一雲蛟龍走眼底煙雲風雷吼大衆恭將

墨寶觀十丈生綃筆在手 聖詔精微語不多獨

歎人無百歲壽墨寶中有曰人生不過七十 聖

慧如此尚惜陰已聖益聖誠非偶更有紫衣八寶

光一尺雲霞出上方 聖后手為親刺繡水田裁

作福無量玉環鏤刻真神幻金鈎掩映相輝煌展

芥圃詩鈔 卷九 七言古 九 留劍山 莊初臺

玩天花適法座斜飛纓絡垂明璫當年寶物何由

致昂溪大師蒙 恩賜千年功行感 君王一生

邱壑埋名字自有前緣與後緣那將後事迷前事

同是通明殿裡人應向 玉皇香案值一朝 鳳

詔九天迴玉簡幢幡隊隊開說法雨花傳 內苑

講經持鉢上叢臺 顧問不言惟一笑點頭曾識

是重來祇樹金園榮供養 天書紫袖感 栽培

如此恩榮無日已願將大法報 天子我 后先

明逾漢唐不重浮誇崇妙理大師無意住塵寰

聖主恩深許放還一衲一瓢自歸去獨携 法物

到空山何處空山好面壁披襟架箭憑誰惜一花

九葉有真傳三更一棒何人識曾說泥牛入海回

如來弟子在崔嵬不願此心尋白脚欲詢大事到

黃梅萬山萬壑一長嘯明鏡無塵傳三要從此隻

履便西歸 玉京籠錫傳圓照老人鄭重得

自愧踈慵愚且拙不甘出世苦糾纏忘憂念彼親

音力寧負 聖澤與師恩終日拳拳遑敢釋永鎮

仙山轉法輪至今猶覺精光射七代傳來到孔師

芥圃詩鈔 卷九 七言古 十 留劍山 莊初臺

裝潢收拾好護持我來不怕石頭滑借坐和尚四

大尸感師眎我 天家物開函啟篋心依依草莽

賤臣亦何幸悚懼拜玩生嗟咨吁嗟萬事從來有

遷奪 昇湖棄世龍髯脫功臣鐵券委泥沙獨此

虔誠嚴對越乃知佛力廣無邊 聖主恩膏永承

沐勸師山門自寶珍莫使 天恩終淪沒

競渡行

江上嗚嗚呼不止無數神龍張爪齒或如沉珠空

江裏直欲沉清見江底或如得水生在狂喜怒張鱗

甲潰江水或如龍門關赤鯉或見首兮不見尾出
 沒變化不可擬龍之神兮神若此倏忽霹靂鼓聲
 起驚浪排山十餘里面未旂向東指怒鬚掀天
 疾如矢五色浮雲列羅綺上有少年逞其技解衣
 直豎青髀腿時而脫手江中洗真等性命如敝屣
 兩岸好事標酒醴放鴨中流作龍餌羣龍飛攫爭
 相視此時顧此不顧彼進者歡呼退者靡嗚呼翻
 覆誠易耳觀茲習俗殊可鄙如此亡命何人始我
 聞靈均沉江渫楚人哀之歌剪紙只今遺俗遂爾
 芥園詩鈔 卷九 七言古 十一 留劍山 莊初藁

爾我謂靈均古君子斷不使人輕生死如此亡命
 不可使

留劍山莊初藁卷十

桐城項 章隱棠 甫評
 貴池書 遇元夫
 黃梅石卓槐棹山甫著

七言古

夏日同家崇村寧齋草亭晚峯二村石渠泉

集師樵等山園有作

山園絕與鷺塵隔林木森森覆幽宅鳴鳥時從竹
 裏聞鮮菓每向簷前得怪石差栽勢插天莓苔封
 斲行人跡孤桐高柳隔斜陽板橋池水映空碧主
 芥園詩鈔 卷十七 七言古 一 留劍山 莊初藁
 人師樵佈置奇結構茅亭剛數尺終日笑傲坐其
 中瓊杯一飲便三百有時興至發高歌袒膊科頭
 雙脚赤當窻潑墨走煙雲落紙揮毫成頃刻身外
 真成一事無平生惟抱山水癖我亦窮居厭糾纏
 頗思幽靜度朝夕折簡招我過柴門殷勤為我張
 几席同來都是絕俗才脫畧顏唐氣超卓即如曉
 峯清且瘳亭亭雞羣鶴一隻有時一笑飛霹靂崇
 村居士矮而黑瞳瞳直覺睛光射胸貯星辰羅北
 極小謝石渠何儻個明珠壓腰珊瑚飾皎皎千雲

王樹直出語恰似金一擲二子餘技工篆刻二村
欲語常嘖嘖往往抗言談在昔臨文真是萬人敵
草亭羈栖如落魄捫虱雄談對座客寧齊山人獨
簡默危坐如山怒形色同人對之常汗額論事談
經標特識烏衣子弟箇箇賢此來雅集歡何劇或
如春草夢池塘或如竹林誇咸籍此折花枝當酒
籌彼來閒對楸枰奕亦有高卧對北窗散髮石床
脫巾憤亦有槐陰坐納涼仰面無言雙眼白得意
狂歌舉世空曠觀逆旅堪惜萬事風花瞥眼虛
芥園詩鈔 卷十七言古 二 留劍山 莊初稟

燭龍行

一林紅霞勢欲落張牙舞爪睛閃灼明星爛熳鱗
甲開草鼓金鑼相間作填天金鼓說龍來市上遊
人首盡曰夾道兒童齊拍掌聲呼振地飛塵灰為
首一人勢甚惡中間十二曰龍脚一人作態攀龍
鬚斜立晚視歌且謔其調咿呀聽不分其詞鄙濁
不堪聞一遞一聲交相唱嘖叨聒耳何紛紛初唱

意甚恭青蚨翺翺飛長空總喝驕且厲或者主人
拂其意當道踏虬撥不開無端乞索殊堪異吁嗟
龍乎爾應潛雖不在天亦在田縱使暫離江海濶
風雲亦可相周旋胡為一北竟如此屈伸變化在
人使沿門搖尾總乞憐不至塗炭終不止我謂龍
兮自有神出沒會使風雲屯斯所來者或非真龍
乎龍乎無完鱗

鞞韞行

沉沉春晝長如許陣陣香風吹笑語鞞韞庭院燕
芥園詩鈔 卷十七言古 三 留劍山 莊初稟

子飛滿樹杏花紅雨弓韉一挑下蘭堦架底迴
身摘寶釵手把青繩愁力怯倩人扶上鳳凰臺紅
綃水映明霞落翠袖風微楊柳弱此身直上大羅
天抵掌雙成恣諧謔細骨纖腰態更嬌粉香珠汗
濕鮫綃賺得同儕齊拍掌輕鴻一擲上青霄牆外
遊人作遲步路上躊躇不肯去願聽飛瓊碧玉蕭
欲挽仙衣留不住可憐空自對朱樓芳樹依依縈
別愁一自江南風景換更無人影上牆頭故宮春
草年年長鞞韞架冷苔蘚上蕭條南院板橋橫舊

事淒涼誰獨往我來見此倍傷神說與鞦韆架上
人寒食吹錫三月路人影衣香枉斷魂

短歌行爲吳東園賦

拍案一呼拔劍起怒目如環髮直指造化憐憫胡
不仁屈原賈傅沉江死阮籍窮途哭更哀劉伶一
醉便堪埋天既厄以顛倒荆棘之途旅復故篤以
脫達不羈之奇才意不如此不足以勵其勁節而
脫其塵胎吾友吳子東園今世彥落拓廿年心一
片誰憐傲骨病兼貧誤盡平生筆與硯潦倒生涯

芥圃詩鈔

卷十七言古

四

留劍山
莊初稟

百事乖勞餓空乏誠已遍落魄寧甘寂寞身時人
不識窮愁面吁嗟乎當今之世守道如此豈能行
此中顏色情誰生卧雪不逢賢令宰割檀室憶謝
宣城吁嗟乎當今之世守道如此豈能行君不見
高山百丈流泉響廣陵一曲聲何朗齊王偏好鼓
琴人鍾子牙生身又往我爲君賦短歌行短歌一
曲多悲聲悠悠長路縱且橫勞勞亭畔送復迎相
逢何必知姓名舉世皆濁世獨清衆人皆醉母獨
醒吁嗟乎當今之世守道如此豈能行又何怪乎

造物之困其遇而累其形

宿院山樓同曉峯夜過南園聽戴崑渠彈琴
客館蕭蕭羣動息颯颯西風吹破壁階下寒蛩繞
砌吟支枕欲眠眠不得主人呼我看月明起視微
碧淡秋星一榻花陰愁對語三街更鼓寂無聲江
州閨生忽叩寓夜半匆匆不知故云道崑渠夜奏
琴三人狂喜相邀去其時月色浸寒天衰草淒淒
古巷邊行近南園斜畔路山人恰恰理冰絃我來
欲入不遽入桐葉陰濃壓高閣小窻萬木一燈青

芥圃詩鈔

卷十七言古

五

留劍山
莊初稟

淺立單衣清露濕山人欲奏復還停豈有英雄戶
外聽開門見客發長笑捲簾揖我入空庭空庭雜
坐無賓主我亦不暇從致語但呼雉子抱琴來手
撥寒燈心栩栩山人憐我性情真願唐入座氣如
雲手把枯桐清楚響同來座客生精神初學君絃
聲乍起夜涼人在秋聲裏長空謾謾走松濤古壑
潺潺流澗水楓林蕭瑟巨寒煙斷續殘霞過碧天
落葉滿階不知處西風一夜總堪憐倏忽輕挑聲
變羽嘈嘈切切嚶兒女離披蕉葉雜殘荷霖霖夜

滴瀟湘雨別鶻離鸞各有聲哀猿冷雁最關情斯
 時座客長歎息茫然四顧心和平無端拂抹音如
 霰竟令聞者神欲倦轉馬彈作易水寒慷慨激昂
 聲一片始如狂風怒雨一霎過高巒呼號評泮沙
 石飛騰沉其間繼如奔波激湍萬里赴江海衝激
 瀆揚魚龍出沒干真宰或如鉦鏃甲馬戍交河塞
 月胡沙夜怨多或如逐客孤臣不得志巴江巫峽
 流幽思迴絃換調雜雜彈殷雷隱隱霧漫漫晴雪
 懸崖飛瀑布幽禽棲木叫秋山久之劃然勢一摘
 芥園詩鈔卷十七言古
 六 望劍山 莊初稟
 停聲斂手山人立人與琴今兩無聲彼此依依失
 顏色吁嗟古道沉淪不可追廣陵散絕有餘悲一
 曲塞鴻誰辨得千金寶劍莫輕揮天涯海角茫茫
 路鍾子伯牙何日遇舉世胡琴軋軋鳴正響元音
 人所怒如君挾抱卅餘年驅車南北走幽燕幸無
 白眼窮途哭却之青蚨掛杖錢即茲落獲來吾土
 星髮絲絲已足數青山猶負點求心凡材尚共鴟
 鳩伍感茲為子涕淚淋夜風吹響壁上琴主客相
 見無一語嗚呼舉世誰知音

消夏灣圖

誰畫宮殿雲霄裏彷彿管絃聲未已云是吳王消
 夏宮吳王宮裏醉西子夏火朱明不可當玉李冰
 桃出上方琥珀瀆漿愁未冷緞鬢稱體不生涼獨
 有姑蘇臺畔好千章夏木多芳草洞中雪水已經
 年石上霜花還未掃美女如花作隊行水綃霧綺
 剪裁輕于篔簹紗紅映肉萬盤鴉鬢綠生雲如此
 宮中足行樂一泓清水當窻落君王杖上採蓮船
 水調吳歌相間作珠簾雲母一齊開團扇熏風掌
 芥園詩鈔卷十七言古
 七 望劍山 莊初稟
 上迴何人更說蓬萊好此身真在廣寒來從茲日
 夜事歌舞含露海棠嬌欲語水晶宮殿玉女飛一
 時香汗落如雨人生行樂及青春繁華誰保百年
 新畫圖省識春風面只今不見浣紗人可憐回首
 苧蘿路門外烏啼烏柏樹何人夜月到荒村與子
 五湖相約去徒然遺跡彩毫間依約芳魂月下還
 莫怪越人謀三策閩閩高塚虎邱山
 廬山吟
 我住廬山東之東平生未入廬山中咫尺隔絕心

冲冲雖慳領畧夢常通有時夢躡香爐峯白雲綉
綉浮長空或登五老七賢宮俯視下方窺洪濑時
或直上青芙蓉時或聽泉聲淙淙仙靈呼吸常與
逢煙雲萬壑一一盪吾胸究之虛幻殊非工前年
携屐興匆匆擬入虎溪訪高踪筇與緩緩乘長風
漸窺面目識真容駐足江干呼江船倏忽怒浪勢
洶洶江水直立斷征蓬登臨興阻嗟送窮隔江徒
望煙重重决皆碧空飛蟠龍天門一綫度征鴻九
疊屏風滴翠濃垂梁滅沒疑長虹風雨直下迴喬
芥圃詩鈔卷一七言古

芥圃詩鈔

卷一七言古

八

留劍山
莊初臺

松澗陽空聽東林鐘依然與夢相始終天豈如我
擅明聽竒秘故遣莓苔封不然塵俗累我躬山靈
不許相追從我回從此訪葛洪丹砂煉就脫凡庸
婚嫁畢後策孤筇荷鍾采芝紫茸茸山靈爲報匡
山翁他時接我上龍嵒抗手雄譚道與同
墜腰石歌
石在東
我聞達摩面空壁悟道精誠能入石又聞生公講
壇開聚石爲徒羅講臺石本冥頑空峙並巨力無
量皆可證或謂無情與有情恒河沙數均佛性領

墜腰石歌

石在東

南行者猶獠羣語言文字如得雲開經清淨志生
滅有佛南北何所分一喝居然能了了春房幸免
滋汾擾取石懸腰行力溪直將慧劍排山倒泥牛
猛虎恰相當南天獅子貴提防乞借如來七寶石
直壓天魔四大床寒燈一綫誰可續非樹非臺語
更毒節巖猶然欠淨圓工夫何勞誇米熟三更一
棒見空明十丈青蓮鉢底生憑師好把江頭櫓始
識今朝卸石輕君不見東林古寺雲房裏拳拳寶
石淨如洗我來大事問黃梅何人槽廠更舂米呀
芥圃詩鈔卷十七言古

芥圃詩鈔

卷十七言古

九

留劍山
莊初臺

走馬行
流星閃電去何疾耳削髮披練一匹四蹄不起風
中塵全身直躡天邊月馬上平身兀若山圓腰下
騰貼金鞍猛勒龍環銜鐵冷斜抽寶鈴玉鞭寒偶
然作勢迴身手短纓一撇大如斗抱月開方霹靂
響如繩發矢蛟龍走矢盡弓收勢更雄萬山驟响
趁狂風馬上不分飛燕影地下唯餘血汗紅人力

走馬行

流星閃電去何疾耳削髮披練一匹四蹄不起風
中塵全身直躡天邊月馬上平身兀若山圓腰下
騰貼金鞍猛勒龍環銜鐵冷斜抽寶鈴玉鞭寒偶
然作勢迴身手短纓一撇大如斗抱月開方霹靂
響如繩發矢蛟龍走矢盡弓收勢更雄萬山驟响
趁狂風馬上不分飛燕影地下唯餘血汗紅人力

未疲馬力竭緩收韁氣不發從容下馬意自如
回首同人作歡悅路旁觀者羨且驚爭先來問壯
士名但乞旁人齊喝采死生已置羽毛輕吁嗟漢
南烽火連天起醜徒竟飲瀘江水塞上征人抱甲
眠關前不見人行李諸君努力事方刀宛頂金雞
戰鼓高早立功名圖麟閣此中定有霍嫖姚

芥圃詩鈔

卷十七 言古

十

留劍山
莊初藁

留劍山莊初藁卷十一

七言古

衙司賽會歌

錢塘劉 偷薛亭 甫評
同里吳碧 峯德收
黃梅石卓視棹山甫著

我聞土能生百穀百穀登乃為民福又聞地之義
從易萬物易生民乃利土地之神為何神利民福
民民始親親民之親樂民樂酌德祈成報賽作不
然為神之德慚饗之而神亦錯愕吾邑叠遭馮夷

芥圃詩鈔

卷十一 七言古

一

留劍山
莊初藁

患十家骨肉九離散土地荒蕪少人耕村鼓田歌
何由見去年水復決江堤殘黎漂泊又東西真成
廢土惟塗泥水浮大地與天齊可憐黔首涯苦斗
米千錢鬻兒女長嗟無地着斯民盡道此邦非樂
土土地至此亦堪哀蕭蕭滿目長蒿萊神若有靈
應歎息此霄燈火胡來哉縣官之意不如此謂是
何干吾赤子不妨於我樂未央免使饑民愁欲死
其時二月初旬衙司土地適誕辰縣牒傳催燈
火式吏人爭鬪巧妍新縣牒星行誰敢阻珠燈寶

燈何足數晚來一起放光明衙前萬人競奔走流
 水香車去不停都立鼓樓樓上層粉香時撲遊人
 鼻欲不消魂勢不能東西挨擠男女溷扶肩擦臂
 俱屠販已經遊子足千千更雜灾民復萬萬千萬
 人去復人來壘作人山撥不開但聞聒耳喧金鼓
 不分到眼是樓臺兩旁風閃星光亂大星小星流
 清漢五色燈棚路上懸百丈鰲山雲裏看頭門高
 整百尺竿周圍繞紫碧欄杆花植河陽千樹錦費
 可流民五日餐捕衙西偏圍圍裡火炬照夜冲天

芥園詩鈔

卷十一 七言古

二

留劍山
莊初藁

起極械鬪頭地獄身也窺穴底作歡喜須臾觀者
 勢愈洶迴身閃立二門中欲息片時息不得絳紗
 燈影射人紅中間牌榜懸空挂一片靈光忽作界
 此內惟聞絃管聲此外不少茶湯賣觀者欲進不
 得前來道饑民索賞錢此地誰來憐疾苦斯時我
 亦厭糾纏因茲繞向東廊去人間天上忽一處孔
 雀屏開玳瑁梁琉璃盞映珊瑚樹少年列坐兩三
 行笑譚瞰睨何顛狂手拍紅牙伴唱曲眼窺游女
 暗偷香我來此地忽輦感彩色迷離奪人目仰看

燈牌各有書簷前榜曰辦灾局遊人至此力已疲
 夜深強立足多歌報道一聲長官出兩廊整肅生
 威儀此時倦者神復振我亦前將長官認風流令
 尹縣之尊豈悖君子民所順驕人尊引枯神香兩
 廊細細鳴笙簫金銀錢陌羅神座神其來格樂而
 康倏忽兩廊鞭爆響頓教遊人斷來往長官對此
 笑顏開為民且作亨通想指點花爆各爭先百鳥
 出林冲寒煙垂絲海棠長十丈九龍下海飛長天
 花炮中有倒垂楊大梨花垂海棠九龍下海各種
 又以花炮各數十種安架上合消息信兒燃之曰

芥園詩鈔

卷十一 七言古

三

留劍山
莊初藁

百鳥出林門外長竿煙火落滿架葡萄艷灼灼忽然化
 作九蓮燈照見鼓樓紅芍藥樓頭好女何盈盈上
 下通宵徹地明萬人頽作謹誼態一霎唯聞笑語
 聲長官愛民用刑薄遣吏但與遊人約如此凶年
 勝會難那可任情恣諧譴饑民至此不知饑遊人
 至此亦忘歸河沒星沉天欲旦啾啾棲雀向東飛
 吁嗟吾鄉自識流離味萬事都裁什一費上元燈
 火寂無聞祭祀蒸嘗尚有愧如此賽神寶所稀豐
 年值此亦稱奇不圖凶歲亦如此豈年更何以報

之我謂行樂不可極父母與民共呼吸長官盡此一宵歡突黎已斷三朝食君不見越鄉感斷腸吟風雨凄凄日暮禽長官事神神不饜空負長官愛民心

贈西山八堂上人兼咏七徵大師

大道如日欲西暝蒼茫萬象無完形區區攘攘蟻
蟻行一切有情如無情揆諸其由昧本生仲尼既
歿無至誠微言一絕邪說橫我佛感歎悲蚩氓廣
施智慧起聾盲大力獨撐闡浮瀕四門五誠無色
芥圃詩鈔卷十一七言古 四 留劍山 莊初稟

聲究與中庸同易平後之傳者忽變更強為二氏
互詆爭指此曰儒彼曰僧徒事浮誇昧一精天龍
人鬼將安聽我師住世真寧馨貫通周孔明六經
清淨積智而成明體會儒釋如弟兄我覺覺他天
人驚自越浮杯渡江汀選佛來恭大醫庭究微本
源至道成閑關虎溪無送迎世人罕得知其名去
年我始識七徵暗室如暗光明燈借師訪我叩我
扁相逢使我精神清為我講說無上乘頓教身世
鴻毛輕今朝來躡西山層巒唐意氣何飛騰禪室

夜談如夢醒廣長之舌清冷冷寒燈同照鬚眉青
如師不愧化人城導引眾生懸金繩癡頑愚鈍生
智靈恒河沙數均上升晦黑大地忽晶瑩至道流
轉復相仍雙峯萬丈高峻嶒與師長嘯拍肩登寄
聲為我報七徵四祖門庭當中興

西山行寄家二村

君到西山我多故丙戌二村遊西山 余以故不得往我到西山君
不去奇秘不許兩人窺故遣兩行分兩處去年與
子久盤桓君脫塵囂我正閒狂歌擬看遊山屐豁
芥圃詩鈔卷十一七言古 五 留劍山 莊初稟

公又復去廬山臘底豁公方返錫携得六公成勁
敵其時風雪天茫茫古棠書屋同畫壁平生意氣
忽嶙峋復約雲山了夙因共歎浮生如過客已將
大事付山人今年二月春纔半杖策來了遊山願
已許僧開七寶龕誰知君向三湘畔我上破額峰
望君雲樹影重重我謁慈雲塔極目寒空風颯颯
問道多慚出世心論文已負空山袖十丈寒泉碧
玉流長流不盡望君愁亂壑一堂成雅集三更孤
館憶同遊萬事從來有定數兩年空約西山路昔

可同來未得來今擬不誤偏成誤我知山水有仙
踪兩人到底增明聰天關欲洩不全洩留君一半
護禪宮君不見香爐峰天馬嶺縹緲煙鬟成晦暝
欲駕飛龍不可攀君來方許凌絕頂君今不來煙
沉沉高山流水自鳴琴蒼茫冷落三生石惆悵殷
勤兩袖心

古棠行

古棠齋中古棠樹遠轟寒雲鎖溪霧離奇古怪勢
蒼茫蟠虬屈折相迴互昂藏呼吸斗星寒十畝濃
芥園詩鈔卷十一 七言古 六 留劍山 莊初稟

陰覆蔭寬新枝不辭攀折苦舊根猶有蘚苔斑秀
色參差羅几席晦明相對晨夕飽歷繁霜數百
秋高凌青漢三千尺花開花落不計年老去嶙峋
骨尚堅高人曾作傷春賦練子寧有海棠賦天公也費染
花錢可憐自遭風雨刺種花人去多蕭索傷心誰
識洛陽塵斷腸空憶華表鶴當年辛苦費栽培能
閱芳姿幾度開莫羨塵中牛馬走且尋消受燕鶯
來人生易被春風誤今日春風明日去花落來年
得再開人老斯須知何處那及森森縱復橫長條

折盡又重生少陵不着牢騷句西府猶存綽約名
年年老向空塔下剩有芳英不盈把雖愧今時少
艾顏尚識當年雞黍社君不見臘脂落盡褪殘紅
寂寞相依古屋中莫道不入繁華眼叮嚀鄭重老
成風

七友歌

棠村歌

二十采芹胡太早四十諸生忽漸老胸羅奇秘五
車書不抵豪家餐飯飽年年辛苦病兼貧海棠溪
水園詩鈔卷十一 七言古 二 留劍山 莊初稟

處夢前身棠村自夢前世為道士袖裏青蛇今已失桃花空
負洞中春棠村去年失偶

曉峰歌

廝養功名何足異衣冠都作金銀氣不如落落布
袍寬杖攜青蚨隨地醉森森玉立勢縱橫孤峰獨
出眾山明憑君堅壁詞壇幟雞下文房五字城曉峰

詩尤工 五律

石渠歌

提刀直寫虬龍勁揮毫颯颯風雨橫石渠精鐵筆寫蘭亭得其

神定武蘭亭太學碑左提右攜如性命昨夜池塘
草自春對雨雄談秘閣文燕子忽啼殘夢斷三十
六峯多白雲

二村歌

落紙忽驚風馬疾壁上觀者皆戰慄多君猶以二
村名心中甘讓誰第一江上日夜風號號客館何
人伴寂寞二村遠館江上夢讀離騷求女賦滿溪蘆荻水
瀟瀟

浮寄歌

芥園詩鈔

卷十一 七言古

八

留劍山
莊初稟

畏客倉皇如畏虎飛行迅發如飛弩胸中邱壑向
誰談只藉霜毫代口語四十無家意淡然寄此浮
生亦可憐十日一山五日石浮寄畏客寡語然其作畫胸中實有邱壑
得來只供看花錢

漱水歌

浩浩詞源流不息吳山越水搜羅得六經根底五
嶽姿豐干已往何人識清幽如雪壓梅花冷氣侵
肌照水涯從茲不與人饒舌漱水見俗客終日不發一語已漱
寒水索齒牙

七徵歌

信仄人間不得意發為詞賦偶遊戲一瓢一衲足
相羊乞取何人詢大事欲了不了是此軀閉關逐
七見工夫約盡百溪成一勺也隨鈍鐵入紅爐

別歌行為六堂作

欲別未別先斷腸欲語不語何徬徨躊躇執手道
路旁風吹淚落沾衣裳人生出門即異鄉十里五
里空相望那能長聚君子堂與子分袂上河梁夕
陽慘慘下垂楊客子欲行生悲傷對我高歌聲淒
天園詩鈔 卷十一 七言古 九 留劍山 莊初稟
涼我欲和之神飛揚短吟安能罄愁長慷慨哀鳴
發清商縹緲浮雲不能行山川煙樹空蒼茫願言
自愛采羣芳幽蘭紉佩共馨香表情脉脉毋相忘

留劍山莊初藁卷十二

桐城張齡繼顏孫
同里吳廷齡櫟園甫評

黃梅石卓槐梓山甫著

七言古

題師樵弟畫梅花書屋圖為石渠弟作

平生心性都清白俱愛梅花供朝夕圖來冰雪淨
聰明收去清輝照顏色萬山萬壑玉交柯光怪離
奇變態多路入羅浮誰記取香分雪海較如何溪
林茅屋是何處繞圍都種梅花樹擬叩柴門路不

芥園詩鈔

卷十二 七言古

一 留劍山莊初藁

知空對梅花流涎去板橋斜畔一溪通微茫有徑
到林中夾岬橫陳千樹白隔林遙聞一分紅到來
自覺行人少雞犬無聲斷飛鳥冷香入鼻韻幽幽
落瓣沾衣聲悄悄高人閉戶自長吟欲聽書聲何
處尋無緣共享梅花福也曾同結歲寒心我對此
圖生煩憑往事紛紛入吾眼江南驛使信偏遲林
下美人腸已斷一自高卧向南山舊事淒涼想像
間早拚香雲成過客獨留明月在空山即君無此
亦蕭索水竹居中思綠萼花下可憐怨敗殘胸中

室自生邱壑知君把筆應徘徊幽怨如雲紙上來

遂將冷雨三更淡寫向寒梅一夜開初覺蒼茫如

得意轉焉視之生憔悴不逢知己解惜憐已將妙

墨同遊戲幸得烏衣有惠連豪邁風流不世賢常

吹五月江城笛快靚千峰庾嶺煙攜來展向南窻

側賞鑒還須增太息既念連床聽雨人復思因酒

射牛客况憶當年益睡軒老梅一樹尚依然曾記

夜寒同大被尚思吟苦共青氈今朝忽自成星散

風燈閃閃悲零亂盡裏風光似昔時座中消息嗟

芥園詩鈔

卷十二 七言古

二 留劍山莊初藁

行雁乃知感事易生悲究與梅花無是非不見冰
魂二百樹依然索笑向阿誰披圖我欲題幽境花
開花落多清影意了心空著句難左搜右索拈毫
冷池塘春草忽芊芊昨宵有夢到梅邊夢裡不知
詞賦就醒來身在亂山巔

仙壇紀事

今夕何夕八天明卿雲景星輝中庭瑞煙法雨清
以寧肅肅旌旆集百靈麾旒干戟出杳冥洞華陽
明自緯經瑤席高敞百寶呈飛垂萬丈紛絡纓珠

爲宮殿貝爲城丹霞閃灼如流星冉冉法樂聲和
鳴瓊林頰作百和馨甘露忽注赤瑛盤鶴嘯鸞吟
高空青寶幢隊擁雲軒七十二相光瑩瑩下降
蓬壺曜太清一時有情與無情如鑑鑑心亡其精
下土衆生悲虫氓出入昏黑如蠶蠅何幸忽覩青
蓮燈天龍人鬼各有形始知日沒而月升如向孽
海懸金繩超脫苦惱離顛傾乃能成步自爲行天
德好生原至誠愛復愛之澤彌增天叢霖霖恩波
盈泠泠清漢仙掌擎醞滋心心和乎吁嗟高厚

芥園詩鈔

卷十二

七言古

三

留劍山
莊初稟

贈程繡夫

二十子身走萬里腰間一劍懸秋水少年心膽便
雄豪何況閱歷已如此山川奇奧供驅使其胸落
落誰與比其才光怪是所當然耳嗚呼如子負才
舉世無何不仰干衛霍廬富貴豈乏他途進似此
矯矯氣節胡爲乎不然貨殖或屠沽乃甘矢志而
爲儒又何怪其遭遇偃蹇如是夫以此生涯多落
索行踪一如空倉雀負米長懷喜懼心賣文空抱

英雄畧襟被天涯浪漫遊倚閭心傷白髮秋四海
誰進王孫食十載羞看季子裘前年落擴來吾土
廣文先生東道主鄉里同來有鄧公偶從冷署親
談塵勞渠訪我杖策入空山君亦入山衝寒雨鄧
公偉岍冠佩明君則藏神於阿堵俗曉從來肉相
多吁嗟斯時何暇與君語去年與子忽相逢古棠
書屋夜燈紅彷彿顏唐入座中手提秃筆寫芙蓉
一莖兩莖影重重少馬吳見穿棟出橫斜變幻不
可尋其踪淋漓瀉煙雲盪吾胸向者豈能飲精蓄艷

芥園詩鈔

卷十二

七言古

四

留劍山
莊初稟

竟至此吁嗟斯人其猶龍爰自携燈就君紫照君
細識當年面淺立分明渤海鵬低頭慚愧藩籬鷄
感君憐我性情真邂逅往事笑浮雲肯把高山流
水意托與同疾落魄人獨怪別君剛數載如何忽
教丰儀改未至三十鬢已疎傾頽形容無復當時
之光彩短布單衣至前寒無端歌哭精神毀酒酣
耳熱固清狂白眼舉觴心自靡子乎終有抑塞沉
鬱之魄礪我爲是言其時風雪正茫茫客子淚落
沾衣裳自言雙親老在堂饑寒驅我去故鄉苦爲

菽水走南荒身觸瘴癘幾死傷蕭然往返仍空囊
欲言終止聲悲涼四座慘慘生慨慷子乎我亦聞
之泣涕而徬徨如是起舞長太息憂從中來不可
釋高風古道已淪亡世路人情易往昔北門兩雪
總堪哀誰爲登堂一拜來空教行役窮途苦傷盡
思親孝子懷君不見甲第朱門皆親故今朝冷落
同行路道誰何嘗待死生交情早見分貧富兩覆
雲翻事已然白水青松知何處如此湖海漫漫將
安去鳳泊鸞飄只自憐憐君猶有老鄭虔高牙大
芥園詩鈔卷一二七言古 五 留劍山 莊初稟

題曹雲瀾夫子楚江攬勝圖

空堂忽忽江聲起雲樹蒼茫紛眼底江風江水壁
立向東流一棹破浪空濛裏目眩心搖著意觀兩
岫青青見楚山荆襄七澤遙隱見如何千里山川
收羅咫尺間其間鬱鬱蒼蒼是何處遠似晴川漢
陽樹鸚鵡洲前草尚生黃鶴樓中仙已去舟人指

點向斜陽如對同舟說武昌城頭綠柳思陶侃
前赤壁憶周郎疎林忽自接平野想是瀟湘明月
下美人不見楚江秋蘭菼椒蘅正堪把此外煙嵐
斷續不可求滿座觀者恍惚凌蒼洲惟見山光樹
色重重翠交稠彷彿熊羆叫嘯清猿愁吁嗟爲生
神至此應有精靈供驅使浩浩胸中氣鬱蟠如此
散漫揮毫亦偶耳我知夫子海內豪詞源倒瀉驚
風濤天下大勢通指顧斗宿羅列一一歸鑄陶
帝京景物遊已遍 內府琳瑯時把玩輦下交接

芥園詩鈔卷十二 七言古 六 留劍山 莊初稟

畫名流况乎親炙東山面以此落筆不尋常疊疊
光芒萬丈長乞得一山與一石寶藏直欲同珪璋
何幸捧檄來吾楚五日和風十日雨訟庭花落吏
人閒得從絳帳親談麈興酣開篋出生綃顏唐入
座捉筆神飄颻風馳電掣一霎聲蕭蕭直窮造物
幽奧無遁逃脫筆圖成復長嘯自謂寫此紀遊眺
其時四座寂無聲但有呶舌驚神妙君不見木葉
下洞庭秋衡陽飛雁鳴啾啾木蘭之柹沙棠舟打
槳中流狎沙鷗氣吞雲夢發清謳君山點點青螺

浮冉冉仙女含嬌羞霧髻雲鬟呼可留采采芙蓉
致綢繆何不振衣直上岳陽樓江濤汨汨猶在耳
便作乘風萬里流

題曹雲瀾夫子畫水西揆梅圖為趙偉堂孝

廉作

我昔雪香樓中住繞樓都是老梅樹古墻煙滿勢
撐簷短徑月明枝杓路余舊居雪香樓
有名梅十餘株一自劫來

掉首入南莊往事無從問暗香空憶風前三弄笛
徒餘別後五更霜何自今日重觀幽森境滿堂出

芥園詩鈔

卷一二七言古

七

留劍山
莊初稟

沒皆清影無分淺淡總覺入眼明一霎橫斜直教
侵肌冷一逕微茫灣復灣跡離茅屋有無間精神
乞與圖南手風光真到水西山水雲盡處寒煙起
中有仙人控赤鯉幅帶飄搖逸氣生似對梅花發
狂喜瞻南顧北目瞳瞳拈英撫幹心悅悅仰面索
笑瞰高叢俯身掬露含香風蒼莽參橫歧路中上
下之而相追從與酣臨眺釣臺東慷慨高歌憑吊
遺民踪白日欲落蒸霞紅遠覽石碑山雲氣變幻
涵空濛近眎賞溪水連漪蕩漾流淨淙如此山川

真氣盡清胸吁嗟嗜好豈與九流同從來高士原
有癖無惑垂涎永朝夕襟懷本同水石清心情況
與梅花敵獨怪秋浦夫子下筆奇揮毫便有神相
隨不獨樹木邱壑處處擅明秀乃將達人磊落性
情一一發揮之我知夫子與公契十載京華同
砥礪交誼有道文有神豈同九筆等遊戲愧我風
塵落魄人絳帳叨從得識君把晤同食碧玉水相
思只寄敬亭雲從此吳楚江天迥君搏雲霄我葦
梗可憐共此歲寒心盟灰頹教相矢永捲圖感舊
芥園詩鈔

卷十二七言古

八

留劍山
莊初稟

復徘徊頓教闕心故院梅遲我十年入山去乞寫
梅花讀書臺

六上人將返浙鹵作秋風行寄別因次韻賦

詩留之

與公性命相關那可脫聞公欲去使我失顏色公
去此命即相隨此命尚存公且去不得况公江海
路初經驚濤疾艇對之動魂魄楚水吳山萬重青
日落空林寒煙積我聞公去涕長流颯颯高堂落
葉忽驚秋猿啼鵲叶聳啾啾四山窈窕老樹風颼

聽此時行者且住為佳耳嗟公住者不可留反作
冉冉行雲向東流公乎且住緩行舟何事急急同
鷗浮母嗟落落誰與儔因緣有在哉當與公盡網
繆不為公計亦當性命憂安可使公長歎身悠悠
公不見蓮花清淨在上頭

留劍山

留劍山莊初葉卷十三

無錫韋銘西載卷甫評
同里余文望漱塵

黃梅石卓槐檉山甫著

五言律

俊逸亭懷古

亂堞寒雲外遺基斷木間年年生碧草寂寂向春
山古意欲何托斯人難與還惟餘西去水繞郭自
潺湲

斜日荒荒白平林冉冉溪可憐蕭瑟意想見暮遲

芥園詩鈔卷十三 五言律 一 留劍山

心漂泊樓吳楚艱難歎陸沉孤墳三尺在應聽旅

魂吟

亭自何年圯人猶此日思如何花事謝亭側舊存
杜鵑一株

望春一株亭廢此花移置公廨今望
春猶存勝晉而杜鵑已不可問矣不待我來時

野燒沒荒徑苔痕侵斷碑只今徒躑躅原上叫春

規

獨歎先生往誰為後學傳我生誠已晚牢落予荒

煙道誼通今古文章越變遷風流隨處在寧獨此

亭邊

春燕

消息春風起關山夜月沉微軀何敢惜千里報知音巷口斜陽樹花前故園心啣泥原有約着意莫相尋

月下聞雁憶弟石渠

一雁破清光孤鳴覺夜涼聲傳遊子信影斷碧空霜趁月飛宜速衝寒路正長中庭惆悵意獨攬素衣裳

題雷上人講席

本園詩鈔

卷十三 五言律

二

留劍山莊初稟

破衲留生計蜗居即是家呼雲填戶牖唱月入袈裟法鉢朝降虎經臺夜雨花一塵渾不染寶樹覆蓮跏

春燕

探取春消息一年一度飛輕盈頻繞棟去住自知機日暖度華幕風高鳴翠微生成如有意莫使雨霏霏

除夕示老婢

和煙朝汲井帶濕夜炊薪食早知渠力衣車諒我

貧異鄉空有子垂老獨依人耿耿殘燈下淒涼影是親

慰勞無他物屠蕪酒一卮逢茲分歲日想到買漿時道直長貧賤情淡忍別離未圖溫飽計薄命復如斯

春雨

亂煙踈柳外細雨濕高原樹色斜侵屋山容遠到門參差迷鳥道雲落浸花魂最是黃昏後挑燈獨夜村

本園詩鈔

卷十三 五言律

三

留劍山莊初稟

同曉峯弟耕餘山莊步月有懷二村
信屐到高岑悠然共此心竹踈斜見月泉衆不分音人只一潭隔情偏今夕淡懷君思不覺興發越山吟

停前驛

古成東西路居民只數家炊煙接暮靄驛路侵朝霞地苦逢迎劇山空眺望奢不堪今夜宿細雨送悲笳

夏日病中

已苦因貧累那堪復病欺生涯惟舌在心事只眉
知九轉丹誰授三年艾已遲根芽據表曲莖木豈
能治

不情嗟二豎病又及糟糠亦病風夜同憂患呻吟
共抑揚家貧無樂餌婢老過愴惶相視牛衣裡妻
清淚幾行

巡水鎮

水市魚鰕賤漁村夕照深亂煙橫港口百艇下湖
心屋向平灣集山迴綠浦陰勞人方倚馬興發越
芥園詩鈔卷十三 五言律 四 留劍山莊初稟

溪吟

巡湖眺月

漱澗平湖潤蒼茫野樹昏星垂天接岸月湧水當
門薄霧出漁火疎林蔽遠村歸舟入語細客思正
消魂

渡巡水湖尋文昌閣舊址

晚泛平湖上輕舟任往還雙河通楚澤一髮見廬
山荒寺野煙裏夕陽寒樹間登臨多感慨回首白
雲灣

送天機和尚入主南莊席

天機和尚自 都中來梅即與 先君

子孝端公為文字交時邑中奎閣告成邑

人迎和尚主席遂得卓錫於此和尚性孤

僻寡酬應恒不得意於邑之士大夫往往

為我 孝端公言及時毅然有憂色 公

以是知和尚側身以處也斯時 孝端公

具馮茂長者心欲覓一覆衣地為和尚定

室而已無有矣後一年 先祖敦義公建

芥園詩鈔卷十三 五言律 五 留劍山莊初稟

香火院於山南之雞鳴堡 孝端公擬請

和尚住持而和尚又行脚浙東是以不果

故 敦義公遂招西山西來上人常住而

卒未能遂我 孝端公之志迨後和尚歸

來而 孝端公則早已先一年繼 敦義

公未感於人世矣和尚每對余言未始不

咨嗟痛泣至今猶感我 孝端公於無窮

也然余又不敢以 父命而背 祖訓亦

竟歸之天緣而已今年冬適住僧退灼者

西來之法弟子也。以老病辭歸西山。接鉢者皆力田種子。不克勝任。余因詢舍弟石渠。以必得佳僧乃可。而石渠即首以和尚對。余不禁狂喜。叫絕曰：緣在斯乎？緣在斯乎？因細剖因緣。而石渠亦躍然以喜。用是潔備香花。至奎閣。與和尚約。和尚則感面婉容。謝余弟兄而言曰：不意山僧臨老。仍得與我故人作周旋。耶？余亦稽首而白。和尚曰：不意先大人今日乃得遂此喜。捨風

芥圃詩鈔

卷十三

五言律

六

留劍山莊初稟

願也。石渠諸弟亦復恭敬。為余言曰：不意吾兄今日乃得證此因果也。以是知有風緣在也。因賦二律以誌因果。

欲繼先人志。匡山屈惠師。寶幢開法雨。玉磬落天池。家計三壇講。行囊一卷詩。宗門從廣大。香火好扶持。

不信前緣在。衰年慰夙心。道因當日合。情向故人深。展拜思琴瑟。登堂歎古今。白頭遺舊在此日。住

東林

蠟梅
梳貌原無假。蠟丸凍未消。生成磨雨雪。何敢怨飄飄。點砌無全影。垂簷歎折腰。餘香須護惜。好入洞庭簫。

南莊曉步

客履穿殘月。人聲聞夕春。林開遙見屋。門閉早聞鐘。微露滴哀草。輕濤流古松。到來如有悟。頓覺豁心胸。

南莊曉望

芥圃詩鈔 卷十三 五言律 七 留劍山莊初稟
野浦收寒霧。蒼山帶翠痕。閏年遲布穀。春事早開門。曉日烘高岸。平林出遠村。此中誰領畧。相對足忘言。

舟中望清江驛

遠屋江頭市。橫嵐鎮口煙。路長堤入樹。港澗水連天。網落知漁浦。帆過識客船。行人遙極目。心到酒爐邊。

晚抵清江

近岸燈搖浦。移舟月上灘。年荒休市早。路雜問人

難煮僕怨行旅途原苦酸風塵殊未歷慚愧是偷安

問宿

問俗孤洲上沿江路復灣燈搖天盡處門閉月明
聞夜靜鶯瓦吠年荒審客顏野人多禮數難黍藿
開開

早行

向曉尋征路長堤宿霧淡人猶殘夢裏路在再過
中樹擁官塘綠江隸石壁紅昨宵無領畧行色本
芥圃詩鈔卷十三 五言律 八 留劍山 莊初臺
匆匆

九江途中望匡廬

巖壑奇難測煙嵐幻不窮山隨移足改雲向轉頭
空影落天容外根環水氣中欲窺真面目須過大
江東

何家堡

路入何家堡沿堤布穀鳴林疎時見屋水足各謀
耕夾港淨荷氣流泉舍雨聲江鄉風景好頓覺暑
煩清

鎖江樓

危樓收暮靄倒影斷長虹勢壓濤聲轉高凌水氣
空殘霞飛鳥外落日大江中惆悵登臨意凄然對
晚風

江寺夜宿

亂煙封古寺旅宿近江皋野月當門白孤星帶殿
高濤聲冷戍鼓燭影搖征袍歸夢何寥寂空將兩
鬢搔

嚴家閣

芥圃詩鈔卷十三 五言律 九 留劍山 莊初臺
閣口通舟過橋頭任容回水從湖杪入帆向日邊
來一棹劃吳楚孤心縈去來柳林村市近遺興買
新醅

送鍾五少尹健亭乞養歸閩

因別思疇昔論交邁古今道非文酒合情比弟兄
溪世路難為我青山共此心人生感意氣所貴在
知音

一寒已至此古道倩誰親冠蓋逢公子風塵器偉
人便能推肺腑獨不棄賤貧自古別為苦江淹已

傷神

况成千里别相集一時難攜手惟今日傷心去好

官眼前山水色江上雨風寒各把多情曲授琴靈

裡彈

平川歸孝子吾邑失慈君父老環聽馬家鄉指白

雲實因闕國計豈獨賦離羣無策板轅借謳歌四

野聞

把酒河橋上風寒釀雪天歌當三疊後想到五年

前屈指庭闈近孤心淚眼穿重重雲樹隔飄渺未

芥圃詩鈔

卷十三

五言律

十

留劍山莊初藁

家船

除夕有懷黃大夢珠塞外

除夕思征客終年憶故人幾時臨大漠何處着吾

民彈劔鳴孤帳流年負好春今宵回首望頭白有

慈親

寧忘返玉門終恐滯歸根紫塞連風雪黃沙捲畫

昏生還今世願死作異鄉魂縱得殘軀在難期集

故園

留劍山莊初藁卷十四

錢塘黃 易小松 甫評
同里梅際 曠莊霞

黃梅石卓槐栲山甫著

五言律

清明石渠師樵兩弟往省南湖 祖塋兼葺

先兄松溪山人之墓余因抱病不與作此

誌感

楊柳悲風起清明積恨牽身方慚大孝手復費公

田南湖近塋左右有田數十頃年來生計日非分得余名者已售他姓卧病違登拜

芥圃詩鈔

卷十四

五言律

一

留劍山莊初藁

消魂闕紙錢遙遙華表石心折暮山煙

三尺孤墳在十年一別長天倫殘手足地土蓋文

草細雨野棠濕微風春草香無由一薦酒病眼淚

雙眶

乾蝴蝶

已往皆成夢將來總費尋風流原可惜展轉到於

今故園煙花地當年採擇心芳魂雖檢束金粉未

消沉

建蘭

一椽芊芊種偏能四季開香從三徑出根自萬山
來地力原殊衆冰心更可哀殷勤勞剪拂風雨好
栽培

雜感

海內承平久 皇恩世代深 聖朝何負爾

妖賊敢離心不死誠難恃恃頑竟至今紛紛還蟻

聚直擁黑山陰

久寄封疆托坐看計盡疎未能籌勦撫反自斷頭

願大策何嘗顧私心更可誅 聖人寬厚德不

芥園詩鈔

卷十四 五言律

二

留劍山
莊初臺

忍戮殘膚

大將龍旂出羣白鼠竊空南人須破膽 北關

待封功震怒勞 天子安危伏相公醜徒如畏

死倒甲拜三萬

野集何勞戰傾心更有方書生無脂畧醜虜致猖

狂叱咤妖氛靜奔馳露布張堂堂師旅入敲鏡夜

飛霜

元夜有懷胡蔗根漢上

燈火照孤城茫茫動遠情人從殘臘別月似去年

明漢水思芳樹長歌憶友生遙知今夜裡亦自淚
縱橫

去爲移家往來因旅食遲假如歸有計應使我先
知己見花開信空傳月滿期寒雲簫鼓外何處寄

相思

輓李東藩

未了生前事忽歿死後嗟天何羈虎豹豈在龍

蛇落日啼烏急空山暮靄斜望雲徒致痛不忍誦

兼葭

芥園詩鈔

卷十四 五言律

三

留劍山
莊初臺

八十原非天孤零實可傷爲憐三尺土誰奠一杯

漿玉樹埋深壑寒梅對夕陽家貧携麥飯日日亂

山旁

識我風塵後交君老邁餘曾無乞米帖惟有勸餐

書古道竟零落衰年空拮据那堪成求別何處達

雙魚

擬束生葛弔其如往事更既難爲鬼慰不復作驢

鳴暮雨滴寒淚孤燈生夜情黃泉如不隔應亦動

悲聲

題文待詔畫

老石當巖斷流泉下澗深此中應有客山水發清音野岸見孤棹寒星明夕林扁舟迷出處終日好相尋

落花次張珊林韻

舊恨隨流水新愁憶故林可憐風雨夜枉負灌溉心展轉情誰惜闌冊何處尋香泥勞記取好賦落花吟

往事消沉盡芳心寂寞中只今憐上苑從此謝春木園詩鈔卷十四 五言律 四 留劍山 莊初稟

風燕子何勞啄楊花敢笑同不堪重悵望回首洛陽東

柳絮次杜若村韻

二月春風起三塘柳絮生武昌吹玉笛晴雪滿江城上下怨何托飄零如有情他時驚變化切莫笑狂輕

度水穿林遠窺簾入戶低風流何足問心事已沾泥少婦高樓上遊人古道西可憐多少恨莫聽夜烏啼

雨後登破額山

雨過雙峯秀山空萬木清振衣上巖壑對此淨聰明幽鳥叫寒碧白雲無世情莫辭橫徑險絕壁有人行

不怕石頭滑來登破額峰天門雲一綫下界雨千重野簣動新綠寒林清暮鐘何時捐萬累盡日卧長松

寒食哭喻鶴瘦家寧齋兩同社

寂寞桃花陌凄其杜宇聲東風吹細雨寒食逼清芥園詩鈔卷十四 五言律 五 留劍山 莊初稟

明獨坐咽鴻雁空堂憐友生可憐春正好零落故人情

獨嘆衣冠盡長嗟事業空文章千古在宗族幾人同天意微茫外孤魂慘淡中高堂攜麥飯白髮恨何窮

生死交長決金蘭氣已孤斯人誠不測有子幸為儒楊柳飛蝴蝶冬青叫鷓鴣家貧難作計曾奠一杯無

風雨朝連夜棠梨謝復開黃公爐下過青草夢中

來腸斷吹錫路心傷問字臺相思誠不盡剪紙總堪哀

題碧玉飲泉圖

日坐寒山曲流泉下瀨溪抱琴澆澗水以此清道心萬籟寂空壑孤雲歸暮林聊將塵俗累一洗頓消沉

有懷家草亭二村郡試齊安

扣角傳幽把分瓊助苦寒尚能誇壯志不肯棄儒冠寶劍窺時出瑤琴入夜彈高堂衰白意日望芥園詩鈔卷十四 五言律 六 留劍山 莊初稟

平安

細雨動江水西風吹客舟生涯惟白眼落拓到黃州道骨窮偏勁文心老更適獨憐孤館夜有夢托東流

跋騷

美人不可即楚水深復深欲采幽蘭佩愁傷楚客心逐臣寄孤怨於我成高吟夜半歌嗚咽寒風激暮林

欲問天難問招魂不可招三湘東下水盡日去瀟

瀟素女結遙想香蕪生暮潮修能誰解惜辛苦作離騷

松濤

汗泚深林北呼號茅屋東千山無雜響萬壑引長風寒氣入孤枕驚濤流碧空我來疑破浪似與海門通

竹亭偶步有作

冉冉環三徑亭亭列萬竿我來散碧篔身到綠雲端明月竊踈影空廊生暮寒莫辭衣袖潤繞砌問芥園詩鈔卷十四 五言律 七 留劍山 莊初稟

平安

蕉雨

淨洗寒空碧清連綠水遙空堂人寂寂涼雨夜蕭蕭淋漓斷魂夢纏綿連暮朝隣渠無俗態對此靜塵囂

秋夜月下聞笛因憶王阮亭先生京口聞笛

寄西樵先生詩情淡若久之感賦五律二

首寄石渠弟

美人隔雲水涼月生疎林寒夜悲羌笛悠然淒我

心西風響落葉獨坐成高吟幽怨知何極如聞隴水音

響徹寒雲外流音烟柳中目思江二客別意竟誰同此夜更淒切哀鴻鳴碧室何須聞入破夢到謝

池東

題柳村春照圖為家五峰兄作

浦遠含新綠煙開見暮村每於最深處微露杏花痕淺水漾晴雪斜陽烘板門空林閒倚杖暝色起黃昏

芥園詩鈔

卷十四 五言律

八

留劍山莊初稟

送蕪梧堂暫回漢上

歸客仍成客無家苦憶家此行憐鶴影終日念梅花到即謀佳計來宜趁巨槎母忘借隱約吾土足桑麻

登雙峰尖聞樵歌

木末丁丁響風高漸漸清樵歌何處發幽磔白雲生莫覓空山路惟聞隔水聲餘音猶在耳落日亂煙橫

流泉

清淺鳴寒曲灣迴抱澗邊昨宵山雨後直到竹籬前濯足思高士流觴憶昔年閒來攜釣杖倚樹賦臨淵

遠黛

淺碧長天淨煙橫遠浦微登樓看山色極目逐雲飛爽氣入詩骨嵐痕侵暮衣仙人何緲緲髮髻認依稀

牧笛

咽咽平田岸悠悠古道旁爾胡發清響我正對斜陽入耳道心寂忘機天籟長羨他牛背穩回首思茫茫

芥園詩鈔

卷十四 五言律

九

留劍山莊初稟

芥園詩鈔

茫茫

留劍山莊初藁卷十五

江夏葉文王石麟
同里吳昌明東園 雨評
黃梅石卓槐棹山甫著

五言律

對雪有懷吳東園

獨對空庭雪長懷落魄身不知高卧者用焦先
卧雪事曾

有割鹽人皎潔思肝膽清寒想賤貧重重雲樹隰

相憶不相親

有感思東鄰無情怨北風長行嗟履敝舉國笑途

芥圃詩鈔卷十五 五言律

留劍山
莊初藁

窮道直千人拙情淡倩夢通擬將攜斗酒一破敗

顏紅

嘆我寒猶劇悲君老更難况當終歲累無復舊時

餐敗絮蕪愁度醫方帶病看可憐風雪裏誰肯問

袁安

幸子狂如昔逢場與未灰今朝寒雪路猶望故人

來仄徑騎驢出山梅逸屋開剡溪如有棹相待陸

朱醜

社曲讌集即席次主人曉園韻

地僻誼譁遠庭幽俗累空何緣來此處盡日坐其
中促膝得高會開窓延好風今朝王謝樂不與外
人同

竹徑穿廊出花欄引砌開一經幽士佈不許俗人
來懸劍依書案栽蕉近老梅殷勤勞黷綴真有不
凡才

客至支茶竈狂來拂素琴閒將一樽酒各出十年
心道擬文章契情蕪手足深每思金谷意不禁有
長吟

芥圃詩鈔卷十五 五言律

留劍山
莊初藁

綠樹團亭影叢芳隱鳥歌名園住若此諸子意如

何欲去情無盡將留興轉多不知徐孺榻乍可許

頻過

贈西山首座一雨和尚

飛錫辭京室浮杯渡海濱來尋碧玉水好洗麴

衣塵經卷消長臘蒲團了夙因今朝禪榻下喜得

識能仁

滿月如老岳經霜不計秋指明心即佛捧喝我回

頭火即從燈得花原向笑术擬將持一鉢長共我

師遊

二村江館寄懷次韻奉答

遠作依人計高吟歎命窮我思牢落意盡寄別離
中幽怨竟何極情懷將與同生涯原迫促不說道
將東

舊業殘書在頽風古道無誰將半瓊割遠慰一燈
孤講學宜從俗持冠悔作儒可憐悲憤意繞樹托
飛鳥

百里羈江館三春隔故交間時來月下有夢到梅
芥園詩鈔卷十五 五言律 三 留劍山 莊初稟

稍遠意究難釋前心終暫拋何時同討論瘦島與
寒郊

芳樹清天外佳人暮靄端長時相砥礪不道忽艱
難北雁野雲斷西風斜日寒憑誰將別思寄訊到
袁安

同人集古堂書屋有懷二村

客館寒江遠浮雲碧漢行每逢高會處想到可憐
生風雨思前事文章憶舊情子於涼月下應見屋

梁明

席有東林遠 謂六詔 兩上人庭無北阮狂子何忽離別夢
不到池塘已負三春約空傳一瓣香已公詩句好
誰與共喃量

七哀詩

先兄松溪

有道理春草無兒更布衣文章何足據造化已全
非聽兩人長別思君夢亦稀鶴鴿原上喚灑淚向
南飛

家寧齋

芥園詩鈔卷十五 五言律 四 留劍山 莊初稟

學本吾徒重人為舉族賢胡為成未隔何處達重
泉雁影風初斷鸞臺月未圓高堂衰白在把痛泣
殘年

喻鶴瘦

死後惟孤塚生交有幾人只今問兒女誰與慰艱
辛俗薄無知己家貧失舊親空餘鮑叔在慚愧獨
傷神

艾北吟

家事餘殘卷孤兒剩慈孫但期傳舊業或可慰幽

魂黯淡江東樹淒涼郭北村北岑居擬將攜麥飯

剪紙奠荒墳

鄭蒲亭

老死原非恨兒癡似可悲書香今已絕人在亦何為晚歲謀生屢高名繼後誰蒲亭風雨夜抱怨采江蘼

汪蓮渚

論交經數世感舊發長吟每憶妻孥托難為子姪心凄涼悲父執寂寞嘆人琴故宅黃蓮渡荒涼不芥圃詩鈔卷十五五言律五留劍山莊初藁可尋

李雨牧

伯道胡無子靈均信有愁何人收朽骨涼月照荒邱死去惟天問魂當賦遠遊可憐沉痛意地下亦淹留

六堂上人竟返浙西不及一別作此誌感

不作一言別長為萬里行蕭條遊子意慚愧故人情獨客關山遠空囊去住輕可憐知己淚時對暮潮生

尚憶山莊夜還思對榻時傷心悲故國向我數歸期此意總難忍重言姑暫遲見公無復語或可慰

離思

即送還山去同行攜手談如公誠意決告我亦心甘那識愁思積遂將別淚含今朝傳忽往落落竟何堪

急接長征信忙為挽駕書其時秋夜靜黃葉落塔除惜別言無緒思留意有餘穩將三寸字鄭重托雙魚

芥圃詩鈔卷十五五言律六留劍山莊初藁

雁去西山寺人登越水舟誰期遲一刻忽作別三秋我意難為遣公誠不可留早知終欲去悔不極相投

夢繞寒江遠魂依塞樹陰已難尋後約幸莫負前心文字今誰賞門庭好自任因緣如有在訊子到東林

贈周海城

海城工詩然其深藏若虛不肯妄談而亦不多作初見不知其為詩人也去年以鐵

筆來梅與余晤於古棠書屋相見淡然後
於同人座上聞見其二三篇什皆蒼茫有
老氣而五律流宕清空更稱能事其體裁
似宋人而具唐人氣味傾倒者久之究莫
索其學今春入山訪我酒間眎余近作且
爲余口誦其平日賞鑒楊已軍五律數首
逸致橫空居然韋孟是知其蓄意揣摩虛
心私淑者已非一日矣海城顧老於詩者
鐵筆乃其餘技耳余擬賦詩贈海城因即

不圓詩鈔

卷十五

五言律

七

留劍山
莊初稟

用海城所誦楊子詩韻賦五律四章且倣
其體楊子名法江南上元人其詩主神韻
尚自然海城嗜之已入其室余所吟不過
得其皮似用貽海城計圖所好且以自掩
耳海城深知楊子詩者也讀之以爲何如
朔氣催殘臘君胡歲暮來其時生事逼懷抱那能
開子亦溷塵市誰從問雪梅雅知悲憤意獨酌向
溪杯
今年數相見忽忽春風生自不隨時俗乃知獨老

成賤貧何足介氣誼所當爭落窳窳真意因識古
人情

訪我出南郭隨雲入亂山相逢三徑側即入萬松
間執手坐莓石披襟臨水灣寄聲謝塵客幽致那
容攀

慷慨發長嘯登高望渺茫憑風將客淚寄葉下殘
陽知己竟蕭瑟遊子徒淒涼天涯不相惜何事空
相佯

不圓詩鈔

卷十五

五言律

八

留劍山
莊初稟

家漁逸棠村草亭曉峰梅叢寄生二村負樽
一行結文行詩社謬以余爲社長是日開
社賦即事詩六首
大雅嗟淪沒頽波倩挽回讀書無限意慷慨有餘
哀落日共懷古臨風偏憶才百年誰繼起拔幟獨
登臺
所賴諸君子維持數大家既肩名教任當使日星
華岐路戒紛雜門庭毋僻邪焚風相與送一教竟
陵嗟
後學功原易前賢道可通且隣鮑照蹟得挹古人

風私淑何妨遠刀圭自與同重開清俊社應在辦

香中

家本烏衣舊人多謝草才况予牢落意同向箇中

來感歎嗟前失心情寄後開所期爭努力莫負自

蘭臺

天倫荆樹樂佳話竹林賢想見當時事寧知此日

傳風流追白社詞賦選青錢酒態兼豪態前身本

謫僊

白眼原狂客黃犢愧後生漁逸棠村草亭俱為余兄那堪操割

芥圃詩鈔卷十五 五言律 九 留劍山莊初稟

役遽訂斷金盟一日何會長終身戴此情識途慚

老馬負策敢前行

送王默軒回皖湖

犬吠寒雲外人聲亂壑問開門方揖客細雨忽來

山執手入茅屋沾衣識凍顏自慚韓李望題鳳嘆

空還

眎我瓊瑤集知君雅尚心挑燈將夜讀萬木響高

林婉轉扶名教蒐羅見古今可憐無限意誰復是

知音

薄俗人情冷羈途古道難斯文誠不幸懷缺向誰

彈牢落新豐酒蕭條漂母餐君歸將此意試問戴

奎肴戴九正向年來梅與余訂交然軒書係九正製

乍見胡為別相逢即告歸其時楊柳綠斜日鷓鴣

飛楚客腸初斷吳山翠漸微銷魂橋上淚笛裏向

東揮

懷六堂七徵兩上人

一派雙峰水長流萬壑間此中多別淚相寄出空

山風落磯魚冷林空石虎閒西山有石魚磯虎豹關只餘明

芥圃詩鈔卷十五 五言律 十 留劍山莊初稟

月在時照夢來顏

苦挽終成去斯離何日逢可憐一遙想不忍聽寒

鐘消息三年濶雲山萬里重飄然竟東下何處寄

孤蹤

去年數西走兩度過東林七徵居靜於濟邑之全副寺余去年赴即往

兩過山下訪豈不思君子愁傷出世心雲間知意遠

日落見山深無限相詢事蕭然直至今

細雨絲絲織春寒淺淺添懷人看暮柳無樹不垂

檐澗水湖無信六堂在浙蘋花笑獨拈相思多少恨兩

衲一身蕪

贈皖湖張雪峰

牢落佳公子，栖遲忽老生。相逢淚交下，只有劍空鳴。我已甘株守，君胡作浪行。天涯誰見惜，試述旅

人情

廿年一相見，人生歲幾何。大都消息少，總為病貧多。薄俗原難道，生涯豈有仇。今朝知己淚，不獨歎蹉跎。

芥園詩鈔

卷十五

五言律

十一

留劍山

留劍山莊初葉卷十六

漢陽張次壘星峰南評
同里熊起權晴峯

黃梅石卓槐棹山甫著

七言律

讀史

高皇
東南王氣色蒼蒼，舞劍鴻門憶項莊。沛上風雲歸赤帝，關中父老識真王。若翁有子傳龍準，商叟無心到鹿場。亭長居然成漢業，西來落日弔咸陽。指麾鷹犬擊飛鴻，刀筆誠宜論首功。肯逐王孫奔

芥園詩鈔

卷十六

七言律
留劍山

月下更教鎖鑰鎮關中，秦庭有吏誰能識。漢將無公自不同，獨怪宮門三尺詔，何人定策殺英雄。

平帝

離宮六六起瓊臺，海上求仙往復回。承露金莖留夜月，昆明戰鼓動春雷。葡萄天馬西戎入，王母青鸞北極來。獨有解頤方朔語，此中諷諫雜詼諧。

王莽

憑誰竊柄擅恩仇，外戚從來最可憂。三世兩宮皆配帝，一門六尺盡封侯。謙恭誰識殷勤意，恐懼爭

獻帝

憐泣涕秋遂爾，顛危傾社稷。安心進酒使人愁，中原多故起煙塵。摘淚天潢討伐伸，帝室龍孫與

曹瞞

昭烈

武侯

草莽漢家寡婦語酸辛能將不死寬降賊更把先

生號故人白馬公孫徒有兆五丁持斧敢逡巡

宮闈禍變起蕭牆常侍無端走二皇纔見虎狼傾

漢室又來父子法文王東都寶關成灰燼鄴下銅

臺鎖夕陽禾黍秋風徒自泣千年咏古獨徬徨

桓靈不振待何如漢室衰微僅一隅閣下元孫徒

有蜀江東名士半居吳黃麻詔下千年恨白帝城

遺六尺孤不見惠陵春草綠永安宮外雨模糊

秋高八陣暮雲頽丞相孤衷最可悲少帝全身膺

芥園詩鈔卷十六七言律 二 留劍山 莊初臺

付托老臣謀國計安危移師討賊心先竭大節扶

劉死不厭五丈原頭星欲落天時人事豈堪為

梅源坐月

寂寂禪關靜掩扉輕煙淡掃月華輝一庭貝葉含

清露滿目瓊峰洗翠微竹影欲移風未定山禽疑

曉夜還飛鐘聲遠向雲中落惟得寒光上客衣

贈內

步障當時映落霞洞房簫鼓正誼譁我方得意齊

眉盈卿正消魂過眼花馬磨十年生計盡牛衣對

泣素心奢何堪往事頻回首冷露殘更總足嗟

石渠弟水晶眼鏡同二村作

琢玉磨冰徹底清秋潭兩兩映雙睛非嫌塵俗遮

頭面欲察絲毫見老成冷眼不妨人指唾青顏頓

覺貌猙獰揮毫批閱寒窓下此種精明屬後生

秋夜遣懷

淡月疎星映薜蘿蛩吟唧唧奈愁何寒燈影覺寬

前靜落葉聲偏枕上多索句還嫌詩骨瘦持杯又

惜醉顏醜幾回惆悵懷難遣次第聞吟屈子歌

芥園詩鈔卷十六七言律 三 留劍山 莊初臺

過家叔耕餘山莊

亂煙深處草堂開曲徑柴扉絕俗埃門向孤雲飛

畔出人從萬壑劈中來登庭竹影搖書榻捲幔山

泉入酒杯長笑高峰公莫問阿咸情性素癡騷

鄭雪渠汪蓮渚艾北岑諸前輩皆當時知名之士俱先兄松溪山人忘年友也余於塾

學時猶及見其丰采年來相繼祖謝而先

兄亦竟從地下遊矣茲逢寒食詩以弔之

引並

往者睹銀章鐵筆每憶鄭老風流王律金
聲恒想艾公高致霜毫依然在壁孝廉之

典籍猶存春草仍復平池先生竟人琴俱
往江城細雨霜雁長摧古道輕塵哲人不

再且也旗亭畫壁得意猶似當前墓木堪
園傷心已成往昔僕本恨人時猶感我路

旁楊柳對此而我亦何堪山上子規聞馬
而情不自禁矣然欲棠梨樹下酌酒究竟

一滴何曾不如杜鵑聲中招魂庶幾寸衷
芥園詩鈔卷十六 七言律 四 留劍山 莊初稟

可達云爾

先兄松溪

抱痛人琴復幾年每逢寒食一潸然縱能入夢尋

芳草未免多情泣杜鵑華表鶴歸三月雨洞庭雁
去五湖煙只今落日松溪道先兄死即於松溪棠棣花殘

野兔眠

汪蓮渚

遁跡山巔水盡頭先生原不願封侯那知一第添

新病頗使三生失舊儔連清領鄉薦木三載即逝元草湖邊修

竹冷黃連渡口野棠秋淡雲微雨春將暮幾度西
風起晚愁

鄭江州

白髮蒲葦一布衣半生多難素心違煙霞棲息謀

生拙湖海飄零得意稀遺草何年歸剡剡蒲葦有
一卷篆字闌篆章此日重珠璣蒲葦有雅齋
印譜行世江干

細雨逢寒食酌酒高吟祭少微

艾北岑

當年曾讀北山詩北岑有北山訪友詩寒食今朝有所思最

芥園詩鈔卷十六 七言律 五 留劍山 莊初稟

恨先生捐館早更慚我輩讀書遲文章腕滴千重

翠事業家存五尺兒莫到北邙山下路冬青麥飯

總離披

中秋有懷諸同人

王小山孝廉

停樽月上坐支頤渺渺余懷暗不支金粟有花傳

遠信銀蟾無藥解相思長卿落魄悲新病范叔多

情感舊知時小山自寄十二欄干光正滿不堪

倚徙露華滋

黃夢珠上舍

十年寄跡楚江頭，萍梗行藏轉滯留。鄉信迴旋空
織錦，客囊羞澁緩登舟。夢珠年已四十尚無子息，
總以謀生道拙，客胡楚十
餘年相傳新下陳蕃榻，有約同登庾亮樓。
今年客未歸，相傳新下陳蕃榻，有約同登庾亮樓。
漢陽湯明府幕署有約，四十年華報似續，那堪頻作四方遊。

韋載菴茂才

昂藏七尺久無家，幾度悲愁感歲華。已分沉珠焚
筆硯，甘從採藥寄煙霞。載菴家貧才高，不第因而
棄儒事醫，常以活人為念。
吳江露冷鴻音杳，漢渚星高客路奢。耿耿相望同
木圓詩鈔卷十六 七言律 六 留劍山
莊初稟
此夕夢魂應不到天涯

黃小松上舍

王孫作客逐風塵，幕府雄談獨岸巾。記室豈堪貯
國士，高堂無計養慈親。小松青年擅才，同夢珠宦
遊幕府，計博升斗以奉老
母甘旨。登樓花夢邀明月，入夢芝顏憶故人。欲藉秋
雲詢往事，可憐遙隔漢江濱。

康雪亭布衣

文章賣作楚山行，旅邸相逢慰此生。到處煙雲狂
潦筆，連床風雨醉禪筇。雪亭工繪事，為
當時畫苑第一。楚江望斷

歸帆遠闊海秋高，落月清顏色幾番。勞夢寐屋梁
今夜照人明。

李杉巒布衣

挫頰塵寰七十年，終身事業掩茫然。鬚眉老大悲
衰草，骨肉摧殘泣杜鵑。兩牧有子杜
多才早歿。感舊同分雲
際月，懷人空掛杖頭錢。此時安得吳生手，移近冰
輪紙帳懸。

張星峰茂才

却扇臨風望武昌，幾年消息兩茫茫。登樓曾說依
芥圃詩鈔卷十六 七言律 七 留劍山
莊初稟

劉表縮地無從問，長房白髮秋風增。感嘆黃昏對
兩到瀟湘，一天明月頻回首。惆悵空庭採藥筐。星
為余作採芝
圖，老蒼幽雅。

李岫山明經

典衣換酒意何如，水復山重各一隅。劍氣匣中悲
冷落，酒痕衣上看模糊。旗亭舊事歌楊柳，古道新
愁聽鷓鴣。記得去年今夜月，桂叢同席坐冰壺。岫
昔館於舍弟
等山山園。

熊不磷布衣

影浸高城似水寒美人况復住空山經時別我心
如結壯歲憐君鬢早斑不磷居山中年未四十而鬢髮俱白落葉西
風欺葛屨竹煙蕉露冷柴闌不知今日懸弧矢可
有清罇一破顏

家二村姪

清光端正碾長空荆樹離被冷露中當日相隨漸
劣虎而今獨坐憶飛鴻行踪落落疎星影感慨備
備墜葉風庭院烏衣明似畫酒杯詩版幾人同

題桃花扇

芥園詩鈔卷十六 七言律 八 留別山莊初稟

北固山頭夜控弦君臣情性奈纏綿將軍血戰梅
花嶺司馬清翻燕子箋白馬青絲空有恨翠眉紅
頰已無緣唯餘三尺衣冠塚撐起留都半壁天
水榭秦淮久逝波鶯花不忍問如何彈詞柳老風
流遠說劍蘓生感慨多古戍殘更傳鐵甕故宮荒
草卧銅駝莫愁湖上逢寒食愁聽鶯啼笑翠蛾

寒食

空堂寂寞晚風前寒食無端泣杜鵑麥飯有人悲
介子萋難何處哭橋元桃花作粥殘燈夜杏酪火

錫細雨天隔院鞦韆頻笑語他家春色自年年

中路卷

半架松棚覆院涼勞勞過客卸征裝輕塵暫息來
中路飽馬頻嘶別上方綠樹陰濃行正倦青山落
日道初長晚鐘遮莫臨風擊斷送遊人淚幾行

月下自清江至胡家營

月色偏於此夕明總隨孤况逐江行堤寬一線侵
雲氣樹老千行作雨聲極浦蒼茫星影動遠天牢
落渚煙生今宵景物真凄切始信萍踪作客輕

芥園詩鈔卷十六 七言律 九 留別山莊初稟

隔江望琵琶亭

琵琶亭子隔江濶樹蕩煙重不可尋那待登臨纔
下淚只從悵望已傷心飄零賈客歸帆亂寂寞孤
城落日深聞說風流今歇絕使君去後感人琴使

唐公英課詩於此

客中有懷諸同人

寄跡孤村病不勝那堪皓月對愁生江流入夜侵
鄉夢木落經風作遠聲中酒難消多是怨懷人有
淚總因情若將景物同消受不負今朝作客行

九日雨中過南莊次剝上人韻

重陽冒雨作佳遊，衰草殘楓一路秋。
烏帽風歌驢子背，白衣人過蓼花洲。
清音入耳松千尺，山色登高雨一樓。
自見鶴林窮道士，此回不負菊花甌。

九日感懷即席詠剝上人

白衣不改舊時裝，仍是詩狂與酒狂。
月去年來逢九日，規文風凄雨冷又重陽。潘邠老語
題糕有學思佳客，帶箭無由見上皇。
歸老不如禪榻下，好將誰健問支郎。

芥圃詩鈔

卷十六 七言律

一

留剝山莊初稿

秋雨

秋空慘淡暮雲迢，入望長天氣次寥。
兩岸疎林人寂寂，萬山落木雨瀟瀟。
渡前黃葉橫漁艇，浦口寒煙斲板橋。
添得新流知幾許，杜牧之秋雨詩江聲只寫流輕絲細縷尚飄搖。

秋月

露洗長空影太清，平煙漠漠嫩寒生。
天高河漢星初淡，蹟冷關山雁有聲。
玉笛風前吹落葉，秋衣石上擣殘更。
平湖萬頃如霜雪，最動高樓少婦情。阮

句事

水仙花

道貌仙裝別有神，盈盈羅襪步芳春。
蛾眉淺黛朝元日，玉骨生香不壞身。
夜靜燈前微有態，月明簾外更無人。
當年若使依茅屋，杜老吟詩迥出塵。

瓶中桃花

回首山前往事違，武陵渡口喚魂歸。
穠華縱保風流歇，雨露無私世界非。
浦上何曾春色減，洞前終覺昔人稀。
桃根桃葉相憐惜，盡日垂簾燕子飛。

芥圃詩鈔

卷一 七言律

二

留剝山莊初稿

留劍山莊初葉卷十七

興國葉之佳樓亭甫評
同社兄元吉蓉城甫評

黃梅石卓槐棹山甫著

七言律

梨花

淡雲微雨正黃昏一樹梨花獨閉門靜立風前長
不語移來月下更消魂道心寂寞空山響素影飄
零碧水痕那許遊塵容易到往來燕子夕陽村

柳絮

芥園詩鈔

卷十二 七言律

留劍山莊初葉

春風駘蕩武昌城晴雪盤空影自橫不道身微關
變化敢因命薄笑狂輕靈和殿裏衣初拂明月樓
頭笛有聲記得當年桓武語西風撲馬總傷情

遠浦殘桃

浦口殘霞影漸銷寒煙漠漠褪紅綃何人古道悲
零落有女高樓感寂寥芳草嬌春桃葉渡好山送
兩武陵潮憑誰索得黃筌筆小染輕烘到板橋

浮碧閣遠眺

開牕四面遠煙浮臨眺憑高一望收風捲黍香來

小檻山鋪黛色入層樓飛禽迅速連雲沒逝水東
南繞郭流坐對悠悠忘日暮青青芳草板橋頭

籠中畫眉

樊籠一入素心違翠黛迢迢事已非對鏡呢喃憐

展轉臨窻顛顛恨依微畫眉以鏡相照別
致翔飛鳴不絕稻梁縱

飽終思野羽翮難齊未敢飛盡日簷前為物役故

山有夢幾時歸

中秋前一夜對月

寶匣輕開鏡漸圓未曾三五已娟娟預窺此夕蟾

芥園詩鈔

卷十七 七言律

留劍山莊初葉

蟾影好識明宵玳瑁筵嫁得絲鸞還有待飄來桂

子已爭先平分秋色無多候只隔清光又一年

團圓不必十分盈亦動思鄉望遠情玉笛吹秋調

短曲銀蟾合藥試長生閨中屈指惟今夕塞上回

頭指大營未到中秋先皎皎明宵辛苦照長城

蔗根席上同吳三寒山家荆楚二村分賦盤

菊次蔗根韻

欲採輕英供夕餐舊根移得倩誰看花開已覺塵

蜂蝶品重無勞妬粉丹三徑蕭條人送酒九秋風

雨夜添寒明年擬泛江南棹更有何人護玉欄

元日

寒梅綻藥柳含煙又見風光一度妍尚屬無成懶
甲第何堪轉盼即丁年生涯歲月誰憐我事業機
緣總信天不必占交詢出處已經三十尚依然余
年正三十

函齋子葉子重來梅色舊時桃李再沐栽培

數月之間追隨詩酒問字執經刻無寧日

茲以事釋旋省設帳蕪陽門下諸生依依

芥園詩鈔

卷一十七 七言律

三

留劍山 莊初稟

不去子葉子作留別詩三章繼續情深溢

於楮墨因次原韻奉和思重情摯率真抒

懷工拙不自計也

竹馬當年憶小兒重來愛戴復如斯誰知父老板

轅日又見風塵解網時夾路山桃憐故葉滿江哀

柳換春枝擔囊親送情無盡應請傳經鹿洞期

賞桂狂吟跡似顛新歌猶記散朝煙花前自製青

鸞曲樂府私填玉版箋夫子下榻南園拓門下諸

佐酒夫子即席賦絕句三章諸生依韻奉和詩成
夫子手製金格花箋命諸詩合錄一卷裝滿成

同時名士未與會者皆飛箋來補 絳帳搖風人已去小山清露月

還妍從今問字知何日佳話惟留到處傳

此行應接風池歡但惜諸生作別難自是 聖

明無議政從來得失有旁觀東歸越水鄉思遠南

望楚山客夢關他日蕪春容負笈程門不怕雪漫

漫

春日同喻鶴瘦曉峰二村過南莊訪剎僧不

遇却寄

不辨山光與水光萬松陰裏是南莊曾因當日尋

芥園詩鈔

卷一十七 七言律

四

留劍山 莊初稟

梅約同到今朝選佛場魯因北郭尋梅 即約南莊訪道社裏蓮花

香落冥林中虎跡路荒涼惟餘一縷茶煙在尚繞

吾師四大床

至文昌閣再訪剎僧

昨日南莊興未著今朝重過道林家幸逃一棒抽

身走纔得三更反手又繞屋青山如聽講到門流

水自煎茶此中容我長消受直把塵緣換歲華

白牡丹次蕪二贊府春塘和剎僧韻

不見煙痕與雪痕玉盤承露對黃昏登樓入夜寧

王笛上馬朝天號國魂環珮聲歸依皎月霓裳夢
香冷長門何綠色相都空却應與優曇作仲昆

白杜鵑花

慘淡橫斜玉一叢別含幽怨對春風啼殘夜月思
巴蜀色擬楊花問求豐故國雲深歸已杳芳心冰
冷燭銷紅可憐無限低徊意盡在寒煙薄霧中
依稀往事憶蠶叢素影傷心五夜風帝子家殘憐
幾白玉人夢醒覺容豐魂經萬里衣成麴恨到千
年血浣紅記得不堪回首處一枝斜向月明中

芥園詩鈔

卷十七 七言律

五

留劍山
莊初稟

春柳

微黃嫩綠遠煙橫拂水臨堤縮別情此日風流思
漢殿他時消息說燕城高樓有笛風初起古渡無
人月乍生寄語玉門關外客棲鴉流水故聞聲
無端風雨自縱橫疏地垂條恰有情客去休歌鳥
夜曲人來頰上武昌城紅橋四百青驄度錦纜三
千碧浪生若到漢南風景地青青頻送玉簫聲
浦口斜陽一抹橫消魂橋上最關情樹猶如此悲
桓武客欲將歸唱渭城上苑依稀徵帝子柴門彷彿

佛見先生然欲挽遊人騎偏繞離筵送客聲
灞陵橋下幾枝橫重見依依婉轉情涼月不堪紫
短夢春風從此到長城關河欲寄征人遠閨閣將
攀夜雨生萬縷千條何娘娘潺潺流水隴頭聲

倒疊前韻

挽衣無力別無聲偏覺臨風百媚生倒拂踈星依
水檻亂飛晴雪度江城纖腰一搦宮中樣未夜三
眠夢裡情你盡低徊無限態捲簾應共遠山橫
午塘風暖賣錫聲落絮依依撲面生紫袖初調金

芥園詩鈔

卷十七 七言律

六

留劍山
莊初稟

勒馬青絲已覆石頭城玉門夜月胡笳淚巫峽斜
陽蜀道情莫聽御溝流水響隋堤惟見晚煙橫
依稀尚憶指彈聲此日重看夾岸生寂寂陰濃彭
澤縣年年綠遍秣陵城偶逢北使偏多感乍識東
風便有情苦憶穆穆何處見宜春苑外影初橫
掩映秦淮管笛聲柔姿嬌格太憨生流鶯乳燕烏
衣巷戌月辰煙白下城間斷紅綃偏有色攀來綠
線合穿情可憐欲贈西川種一曲陽關落照橫
九日蕪春塘贊府招飲即席次胡蔗根韻

獨把茱萸靜掩門坡仙招我側芳樽兒童亂擁山
公馬意氣高傾玉女盤黃菊筵開香正淡白衣人
至酒猶溫時揚默齊適至同爲此日登高會夢斷江南碧
樹村

蝴蝶

柔鬢軟翅最輕盈簾幕低徊恰有情小院不離飛
絮路隔墻高越賣花聲翻芳徑丁香暖蝶有名
名多寂寂爐煙午夢醒欲識春風無限意遊絲上
下更分明

芥園詩鈔

卷十七 七言律

七

留劍山
莊初藁

遲遲晴日粉初乾細草香塵繞畫欄寒食清明相
約早蠻煙瘴雨到來難飛隨南國佳人後影博膝
王彩筆歡不見踏青兒女路殷勤一霎上齊紈
夜深不復見輕狂穩借花房作睡鄉應把芳魂隨
謝逸好將明月照何郎美人有夢匡山遠風子多
情碧海長霧綺雲綃寒露重愁他膩粉漬衣裳
秋風回首選三三曲砌深叢狂自諳金粉飄零悲
故國橘蟲踪跡憶江南爾雅注蝶乃江南橘虫所化芳心夜雨
三更冷花信來年再世探訪綠樓紅成底事繁華

舊恨只空談

漫興

莫道珠崖路不通普天都入版圖中蠻夷何莫非
王土教化居然識漢風不謂醜徒朝牧馬遂教邊
將夜開弓關門從此如霜月獨照空山鼓角雄
吹唇唱吼自縱橫疥癬何勞請大兵萬蟻只堪謀
一穴片書直可下孤城封疆失計當關守鞍馬從
茲出塞行羽檄夜馳如絡繹 九重廟筭最英
明

芥園詩鈔

卷十七 七言律

八

留劍山
莊初藁

朝傳 鳳詔萬方歡束髮征西拜將壇寶劍王
符專閭外白旄黃鉞耀雲端鳴鞭萬馬三城戍解
甲千夫一鼓餐辛苦征人休悵望此來直欲下烏
蠻
盤迴塞口陣雲飛瘴雨經旬濕鐵衣一綫懸兵惟
鳥道萬山砍木作蛇圍成羣出沒誇弓弩大隊驅
馳笑指揮如此妖氛何足掃跨着授策發神機
鐵錐關前戰鼓高將軍親握破風刀長驅直作擒
生計仄逕真成拚死盡餉道隔懸人食馬援兵退

縮膽如毛可憐獨殿全軍沒誰葬元戎血戰袍

軍書夜半刺 宮門振怒悲呼感 至尊死士

有封三等爵生還無分 九重恩軍前誓掘豺

狼窠殿上親招瘡癩魂更把常刑誅失律 天

威叱咤雨風昏

金雞宛頂正勞師選將登臺眾所推 天子親

來巡細柳相公自昔破羌氏飛鴻不度轅門悄夜

月高懸戰馬嘶一路寒光生鐵甲萬人爭睹漢旌

旂

芥園詩鈔 卷十七 七言律

九 留劍山 莊初稟

開 國承平百二年幾曾烽火 詔防邊閒時養

士 天家粟此日頒軍內庫錢上將鞠躬籌幕

府征人努力勒燕然何能盡洗蟻螭塞好把遐荒

作井田

秋柳

六代垂絲已斷魂那堪衰謝故宮門可憐夜雨金

鋪響無復春風舞袖痕往事心情桃葉渡近來顛

顛莫愁村石城西畔寒煙裏刺綠殘黃總莫論

掩映高樓萬頃霜絲絲殘影照橫塘西風愁聽三

更笛涼月空開五色箱 李煜詩五色箱中絳服自

擬凋零傷少婦敢將幽怨刺君王深閨對此多搖

落一任烏棲畫錦坊

當筵不復挽征衣往日風流事已非祖道幾曾攀

折少灞橋無奈燕鶯稀歌隨殘月疎林遠愁共斜

陽落葉飛惆悵路旁無限意春風社雨兩相違

蕭疎寂寞總堪憐一抹隋堤鎖暮煙影拂寒江秋

瑟瑟腰垂清汗雨綿綿樓船作隊思前事綠黛相

依憶昔年不見三千河畔種亂蟬凄咽客愁邊

芥園詩鈔 卷十七 七言律

一 留劍山 莊初稟

九日哭喻鶴瘦家寧齋兄

平生師友已無期手足交遊兩痛悲堂上有親雙

鬢白 寧齋兄亡伯母張恩子 甕中無米合家餓 鶴

家貧妻寡子 情沃終日涕泣自毀 弱每斷炊煙 陳雷意氣盟還在王謝衣冠事可知

今日重陽風雨裏懷人空賦斷腸詩

留劍山莊初藁卷十八

同社兄 鑄春田 甫評
同社兄存 仁草亭

黃梅石卓槐榭山甫著

七言律

移居留劍山莊賦別諸親友用王樓村移居

江村韻

往事繁華瞥眼空
此生甘學浣花翁
浮沉不作雞筋味
得失真成馬耳風
已置形骸歸物外
好將踪跡寄籬東
平心我豈逃名客
總愧逢迎計未工

芥園詩鈔卷十八 七言律 一 留劍山莊初藁

任他裘馬自輕肥
箬笠青簑未必非
檢點生涯心早決
叮嚀花鳥樂忘機
柴門曲徑穿山出
寶劍瑤琴對水揮
荒蕪田園相料理
莫教婚嫁素心違
酒債詩逋未可刪
帶來共付水潺潺
總緣幽雅心情癖
直與林泉性命關
強低那能窺敗局
炎涼終覺等霜菅
貧交有意如相訪
家在長松十萬間
從此歸雲隔去津
忍教不見便生塵
可憐謝氏池塘草
竟作蕭郎陌路人
親友敢云疎
漸遠情懷莫以故
迎新屋旁倘有休
閒地乞攬諸君作比隣

紅塵白眼三生剗
綠水青山一夢餘
天豈無心容俗子
地如有意待狂徒
山中野老時相話
世上浮名不肯沽
但得田家耕種樂
煙霞染筆自堪圖

春草

濃連碧水淡連煙
極目平蕪最可憐
浦口不堪分手路
關門長憶別家年
軟鋪斜日行人履
青入胡笳幕雨天
回首滇南方牧馬
任他古道自芊芊

洞庭湖上綠初平
夾岸茸茸煞有情
士女蹋歌桃葉曲
王孫勒馬玉環聲
東風有夢吹清水
夜雨隨

芥園詩鈔卷一八 七言律 二 留劍山莊初藁

春上漢城惆悵江陽
佳景地年年無語對愁生

燕次家二村韻

玳瑁屏南畫閣深
飄零往事不堪尋
可憐綢繆三春雨
枉負經營一片心
謝氏樓臺徒悵望
吳宮風月已消沉
主人舊約今何在
得取香泥直到今
清明春晝雨霏霏
遠閣穿窻掩莫嫵
惆悵畫眉窺曉鏡
呢喃喚夢入疎簾
吹殘絮翻花影啣
得濃香隆帽簷日午
空聞聾細細新愁
舊恨一齊添

前題次家棠村韻

輕盈掠水拾飛紅，淺淺雙棲柳岸東。
隔院鞦韆人影外，半天花絮雨絲中。
芳心有在叮嚀約，素羽偏宜淡蕩風。
莫笑不知鴻鵠志，一般追逐與渠同。
徘徊寄語別來樓，霜信傳來已報秋。
故國不堪頻雨雪，他鄉終覺感淹留。
杏花枉憶江南好，綵縷空牽少婦愁。
巷口烏衣諸子弟，春光容易訂重遊。

前題次家荆楚韻

辛苦雙棲補葺牢，安身豈與鵲同巢。
曹依紫禁鳴環珮，解破春光擲剪刀。
長晝風微爐篆斷，空堂日芥園詩鈔。
卷十八 七言律 三 留劍山 莊初稟

煖繡簾高間來，偶向金鈎立笑看。
鷺鴦覓食勞上下，差池作態狂雙舞。
齊到永豐坊已拋，舊恨隨流水閒語。
新愁對夕陽，與子約花期。社雨將雛吸，水帶芹香園林自覺風光好，不道他鄉異故鄉。

前題次家曉峰韻

共識東風換物華，綠楊深處趁朝霞。
啣殘曲阜城邊土，看盡長安陌上花。
漢苑雙飛羅帶濶，美人一擲玉釵斜。
躡青三月如弦路，都是朱門樹戟家。
明光簇簇羽衣齊，度翠尋芳古道西。
莫問繁華前

路別可憐寂寞盡，梁低心依往事含。
愁亂影逼寒雲入，望迷顏頰相將何處宿。
迢迢直到武陵溪。

雁次家崇村韻

瀟湘澤畔雨如絲，嘹唳清霄欲暮時。
千里關山遊子信，一生踪跡野鷗知。
長途夜黑謀身穩，野浦風高入夢遲。
此去平沙棲息好，免教旅客客動相思。
聲逐胡笳響碧天，征人淚落情誰憐。
脂塞外驚秋日，木葉山頭射獵年。
幽怨清砧風遠近，淒涼古戍影踰躑。
殷勤說與羣飛伴，莫到黃雲牧馬邊。

前題次家二村韻

一聲暈咽楚江清，寂寞空閨百感生。
憶遠那堪霜正落，照人惟有月同行。
秋溪北斗明河夜，草長南湖作別情。
獨上高樓無語坐，可憐飛影自縱橫。
從此長辭覆笥山，三春消息應知還。
恩深不敢傳邊信，腸斷何心出故關。
夜雨可憐溢浦北，西風長憶洞庭間。
稻梁欲報情何盡，幽咽清天月半環。

前題次家曉峰韻

清溪淺碧獨相依，望斷衡陽信不歸。
秋水縱橫

雨過夕陽明滅共霞飛虞廳樓宿前心冷梁苑池
塘往事非記取後先行列在影同江樹帶煙霏
凄其隻影落深潭獨叫寒空路未語一自飄零離
塞北只今憔悴到江南生涯兩地羣初失况味孤
鳴慘不堪野水平灘如有意同儕消息倩誰探

前題次家剝楚韻

閱盡潯陽日暮潮渡頭獨立自魂消蓼花謀托三
秋跡蘆葉休驚半夜簫野岸乍眠聲寂寂長江高
咽水瀟瀟自從撤却南來侶只有沙鷗慰寂寥

芥園詩鈔

卷十八 七言律

五

留劍山 莊初稟

謀生都向灤西來煙浦沙洲水一隈澤國共分魚
藻樂故鄉長怨雁峰迴春秋去住關心切雨雪江
湖入夜哀一抹殘雲天際淡不堪回首上林臺

白牡丹次家曉峰韻

何年別却羽衣羣尚帶瑤池夜露芬仙跡不離三
岳月香魂長隔九疑雲庭前玉樹終憐我驛下梨
花總夢君應脫風塵歸物外清溪淺碧對斜曛

當時曾向衆香分

汾州衆香寺有白牡丹開元
間移置長安為都城奇賞寂

寞空思月下羣南內魂消歌夜雨西風腸斷憶朝

雲銀河寓態千言賦桑澤民白牡丹歌有精
神飛入銀河篇之句洛水
凌波八幅裙素質盈盈誰辨得二分明月總氤氳

讀杜有作

浣花茅屋灑溪陰幽怨如同錦水深三峽羈樓遊
子淚兩京收復逐臣心依人老作諸侯客感事愁
為屈宋吟渭水函關空寄夢可憐頭白一沾襟

百鍊光芒萬丈長君親一飯豈嘗忘後先出塞關
邊畧涕泣悲秋憶故鄉羣怨與觀風雅並曹劉沈
宋子孫行幾人學得皮毛似願向宗門奉辦香

芥園詩鈔

卷一八 七言律

六

留劍山 莊初稟

謁漢壽亭侯廟

英姿爽颯古今奇如對精神破賊時兄弟君臣皆
梗概風流儒雅見鬚眉山河不改心如日孔孟無
人道屬誰今日拜登徒景仰生平大畧使人思

森森正氣滿寰區國寇皆仇總必誅北面稱臣惟
有漢中原殺賊豈分吳綱常特立千秋鑑俎豆何
加七尺軀曰聖曰神成底事只今躑躅起頑愚

後讀史

取義成仁道不違西山幽怨雨霏霏作歌自信逃

名遠論古誰云叩馬非。老且不移孤竹命。死當無恨首陽薇。神農已沒嗟何托。兩兩饑魂失所歸。

吹簫乞食那須論。吳楚恩仇寄淚痕。一戰鞭屍傾故國。孤忠扶眼看東門。蕪臺未返黃池長。胥口空歸白馬魂。誰聽詠臣誅長者。墓前梓木久陽昏。

春草亭蘿綠正齊。黃金尚憶鑄鴟夷。良弓舊事思飛鳥。細雨行人憶越溪。三策只堪同患難。五湖從此獨東西。錢塘試聽寒湖咽。幸免哀魂一處啼。九疑山色暮雲旁。顛顛行吟更自傷。獨念美人湘

芥園詩鈔

卷十八

七言律

七

留劍山莊初集

水隔可憐逐客楚。歌長芳香托興嗟。蘭芷逢暮悲君入虎狼。千載汨羅江上月。孤魂照影泣容光。悵浪推沙復大仇。鴻門決策笑冠猴。沛公天授何人識。監子心知不可謀。帷幄漫誇黃石畧。功名終憶赤松遊。閒來圯上空懷古。渭水西風落日秋。將臺雲氣晚濛濛。騰下淮陰往事空。擁甲何須依楚漢。論功終覺負英雄。當時失計臨淄請。他日傷心布越同。長樂宮前春草色。年年血映夕陽紅。結髮從戎六十年。常教畫地快談邊。驅胡未必諸

君後射虎何堪落日前。醉唱將軍誠已故。老羞刀筆豈非天。生時不過高皇帝。無相封侯意可憐。塞雨胡沙歷苦辛。旌旄秃盡幾經春。茂陵草樹悲鄉國。冷磧冰霜識漢臣。死信豈能憑鴛雁。生還猶得上麒麟。誰云屬國功名薄。勝向黃雲障此身。

落葉同吳東園家崇村曉峰二村賦

嫋嫋秋風落木村。無端吹響最消魂。驚殘旅客三更夢。瘦盡寒山一抹痕。暮紫昏煙封古道。淡黃疎影下柴門。不須更憶山陰路。一樣飄零總莫論。

芥園詩鈔

卷十八

七言律

八

留劍山莊初集

秋來如醉染微霜。葉葉蕭蕭踈點玉。塘半夜打蓬堆楚澤。孤踪隨影渡瀟湘。樓頭少婦悲羌笛。浦口行人怨夕陽。造物不辭衰謝意。年年顛顛使人傷。黯淡寒林入望平。托根無地可憐生。前途渺渺蘆花岸。此日蕭蕭木葉城。明月一庭聞鶴步。夜涼四壁斷人聲。何須更作悲秋賦。感物驚時怨易成。斷板橋邊小澗頭。灣迴遠近逐沙流。櫛影落吳江水。寂寞聲添宋玉愁。人感遷移方作賦。天無蕭瑟不成秋。沈歸愚先生句辭柯脫幹休勞記者。取明年綠

又稠

聞雁

遥咽西風淺岸邊空庭惆悵意凄然一天明月清
如水四壁寒燈淡有煙憶遠時驚關塞夢懷人獨
上洞庭船蕭蕭木葉催行旅莫到江湖客子前

秋雲

寒雲冉冉影千尋淡蕩孤踪入望溪欲裂仙衣空
有樣偶殘雁字總無心疎林斷續拖紅葉空谷高
低隱暮碁解識山人長卧意更將此態卜升沉

芥園詩鈔

卷十八 七言律

九

留劍山
莊初臺

松下發茗情致頗佳即賦

揀得釵頭色更精紅囊摘罷碧初成松陰滿砌聲
微沸紗帽籠頭手自烹亂石長雲情致好清泉活
火浪花輕枯腸搜索惟宜爾從此仙風兩腋生

與吳東園家棠村二村山莊圍爐分賦

促膝譚心共舉杯且將懷抱片時開布簾夜下爐
初暖草閣寒生酒正來古道不聞人送炭雄心莫
使冷如灰今朝相對情何樂勝向權門炙手回

留劍山莊初臺卷十九

同社兄文楷漁逸南評
同社兄清源五峰
黃梅石卓槐棹山甫著

七言律

又咏史五首同家棠村曉峰二村作

霸業雄圖一瞬空石頭城下雨濛濛西陵鐵鎖橫
江底牛渚黃旂凍朔風但信有符誇海內何勞此
座設江東北兵飛渡無窮恨盡在軍門一泣中

右吳後主

芥園詩鈔

卷十九 七言律

一

留劍山
莊初臺

纔從舍德坐吹笙朱雀航南戰鼓聲抵死白門謀
一决蹋圍紅燭照三更鑿金枉貼潘妃步事鬼空
尊蔣帝名傳首石城爭署榜敵冠加足已縱橫

右齊後主

妃娥狎客擅風流同唱後庭王樹秋嗜酒東宮原
有德憐香天子本無愁且圖作賦千言快試使消
煩一戰休南北豈能終隔絕姑蘓麋鹿見重遊

右陳後主

為愛瓊花入畫圖龍舟東下幸江都縱橫殿脚三

千女顛頰江頭百萬夫。枉合金丹求膽髓。自窺寶鏡笑頭顱。不知此日隄揚色。可似中原故國無。

石隋煬帝

明珠照閣夜無煙。短袴方巾立殿前。金屑自填遊醉舞。玉人徒作掌書仙。淄衣入道心何切。犀甲凌波恨已牽。不見黃花春漲水。念家山破更誰憐。

石李後主

贈西山七徵上人即次見投原韻

和似春風淡似秋。飄然衣鉢下揚州。七徵住江南高旻寺又住芥園詩鈔卷十九 七言律 二 留劍山莊初稟

金山寺前年始回西山江南自信蘆花發。楚北何心杖錫投。萬里行勝穿月冷。一船驚浪帶沙流。松枝幸有東回日。得了因緣共唱酬。

箬笠煙封帶夕霏。雲霞裁作水田衣。心同野鶴隨塵遠。改用唐貌比寒梅著雪肥。春米房中篩正淨。拈花座下笑偏微。西山一片閒雲地。應與吾師求息機。

欲斷塵緣數有年。今朝始見慧燈懸。携來法座菩提水。灑遍人間色界天。女嫁男婚容記取。周妻何

肉總留連。幾時得脫氣靈累。與子同棲木石邊。宿浣山樓感舊

短榻寒燈夜氣侵。池塘好夢得相尋。十年捉麈談文地。一夜連床抵足心。師友漸經零落少。翁鶴瘦家幸齋相繼弟兄長憶別。離溪余自移居山莊謝世弟兄日見疎闊高樓皎潔。今宵月獨照姜家百尺衾。

疊和熊晴峰見題小集原韻

浪將文賦寄生涯。正愧模糊識字差。本是詞場門外客。敢云椽筆夢中花。情懷偶與風騷近。貧病遂芥園詩鈔卷十九 七言律 三 留劍山莊初稟

教感慨加切切。哀螢吟自苦。那堪見賞大方家。流派文章各一家。淫哇那許半毫加。鯨魚海躍排山浪。曉月風殘過眼花。七代同尊杜老聖。百年誰挽竟陵差。今朝得識羊求侶。共振顏風信有涯。平生師友各天涯。知已如君信未差。謝氏芝蘭欣有托。諸姓受業門下春風桃李自成花。慚余落魄身將隱。羨子雄文點不加。從此惟期諸子弟。好傳衣鉢作通家。

七徵上人和我春草詩再疊原韻奉酬

遠浦綿綿欲化煙謝家詩夢總堪憐平地夜雨悲

前事故苑春風似昔年舊居藏密齋余讀書處草長至座不除故石渠有詩

云愛草遠同周子意未免有情惆悵地誰能遣此別離天平

生師友都零落古道淒涼風草芊

望中春色一般平剩有支公慰此情得雨同泰生

長意因風共識覆翻聲潛滋細細侵官道野燒年

年入化城穩把葛藤齊打斷免教茅棘繞途生

白菊次二村韻

二村館於浣山樓手植菊花數十本秋來

芥園詩鈔卷十九 七言律 四 留劍山莊初稟

大開各極其致而白者更自出塵所謂皎

潔之士拔見乎前者也二村作白菊詩同

人和者甚衆余亦妄擬貂續云

獨殿秋光未肯殘此花開後少花者尚餘顏色凝

朝露別有精神對暮寒幽致可充君子佩淡粧真

見玉人冠羣芳縱得誇標格欲比清貞總覺難

碧葉瓊枝照水明離邊曾說伴先生甘教色裡黃

居長羣芳品定或問菊先白先香與色而後態又問色先白黃黃者中色也其次莫如白

且喜香中冷得名王十朋芥目十八香中以菊為冷香叢玉兩開悲

杜甫新羅百疊出華清菊有名百疊羅者。李空同菊花詩人出華清浴後

詩言雨後也余以為妙年來頗把林泉癖對爾幽姿

意早傾

倚遍瑤塔十二欄白菊賦瑤塔十二玉欄水盤三千粉鏡晚香猶得

娛衰殘簪來短鬢頭將白餌得輕英齒欲寒三徑

自從甘淡泊九秋誰與共艱難須知更有凌霜節

莫作凡花一樣觀

素潔爭方出水荷同人請什爭以白荷花為比看來踈影更婆

娑開雖比衆差遲矣淡縱如他奈瘦何有態不嫌

芥園詩鈔卷十九 七言律 五 留劍山莊初稟

絲雨密宜人反覺夕陽多東坡菊花詞籬外夕陽然雨南山我

亦歸休客續賦東籬採菊歌

最愛仙風出世救湘波一段作衣裳蟾蜍但許窺

生面蝶蝶何曾識妙香玉筍山頭千里月廣寒宮

外一天霜何須更飲南陽水只此支頤壽亦長

莫道難逢笑口開今朝同傍菊花臺冰霜一束酬

秋色風雨重陽損綠苔逸士情懷愁去後曉峰行將移居

歸美人踪跡憶將來二村來歲遷館他所故園松菊知存否

余自移居南華每有三徑枕荒之感也是當年着意栽

贈西山方丈廓菴和尚

面鋒功深越衆賢如公真可化人天千山拱聽三
車法一棒爭逃五味禪肯向津頭施寶筏每從地

底湧金蓮海檀林下餘香在衣鉢長爲四祖傳

如然兩鬢雪盈頭瘦骨森森鶴立秋四大起離元

內養六根清淨少閒愁空明道擬雙峰月皎索心

同碧玉流自是莊嚴華妙相對公真是泛虛舟

始信慈悲法海寬也容解脫到癡頑從前每有多

情累此日真教片刻刪一指傳燈飯上品幾年解

芥園詩鈔

卷十九 七言律

六

留劍山
莊初稟

帶鎮西山倘能久共吾師住乞取蒲團一閉關

同崇村草亭遊西山携本白七微二上人遍

歷諸勝坐碧玉流煮茗賦詩用七微遊東

山和四六上人詩韻

登臨迥不異蓬萊野性長宜碧石隈山到寺前開

九疊泉從樹杪挂三台浮沉幻夢生前覺得失塵

心去後裁今日携筇穿古徑分明爲了風因來

也山

名山四葉鎮黃州礪石長懸碧玉流冉冉寒雲孤

棧斷森森古木亂峰幽身輕擬欲舒風翼脚穩何

須怯石頭打盡葛藤原有徑好將萬象眼中收

此行

此身如粟置層霄足底雲煙沒半腰淺黛微濃天

作界斷崖平續彩爲橋山迴遠聽寒鐘落人到初

瞻妙相嬌纜入禪關塵未淨維摩有像那能描

也寺

莊嚴傑閣謁珠龕好向羣生作指南殿外寒泉流

派一臺前明鏡法門三空林雨細黃梅熟滑路人

芥園詩鈔

卷十九 七言律

七

留劍山
莊初稟

來玉版忝欲到雙峰最高處揭竿直釣毒龍潭

喜諸寺
謁佛也

禪關十笏手親量鑑影檐前鑿玉塘入席晨光生

爽氣懸庭夜月有清香窻前說法駒陰短檻外觀

棋鶴頭長地下蒲團床上衲甘心消受髮蒼浪

文清
虛也

秘穴爭鐫幼婦文唐碑宋碣邈難分奇踪直欲窮

巖壑大事都教付水雲蒼苔花從微笑得旃檀香

自逆風聞高情擬紀登臨蹟乞取羊欣白練裙

歷詩
勝也

廿載都成坐井觀勞公接引上峰巒始知塵局杯

容水莫使心盟火易寒世上狂徒餘阮籍人間饒

舌刺豐千室山若有誅茅地結伴相將紉佩蘭紀構

二上人
同遊也

千重雲樹萬重青坐看橋頭水不停竹杖方袍成

羽士清泉活火試茶經豪情不啻神仙忌妙句爭

誇筆墨靈堪笑世人無領畧長衾繡枕幾時醒紀坐

碧工流若
藝賦詩也

芥園詩鈔卷十九 七言律

八 留劍山
莊初稟

浮生聚散似疎星謝眺高踪足典型世事那堪青

白眼道人原號去鴛鴦膠東道人歌舞市上愛遊
歷山水遇佳處則哭不肯

憂愁都卸却得來纔見卧遊寧紀明遊山
之由也

人在空山月在天條條一路直如弦盲人偏向巖

前出巨石都從腦後懸去處須知來處路無燈即

是有燈禪明朝又作塵寰客消息憑誰一指傳紀遊

山有得將
發歸興也

柳陰

西風吹亂忽成堆問起遊人馬足來古道參橫填

欲滿長亭上下掃難開低承日色籠芳草遠送清

陰卷砌臺好是陌頭春似水分明素錦倩誰裁

不分南北與高低一色紛沾客子衣劃破水紋鋪

洛浦篩殘月影到荆扉消魂橋畔垂絲亂亞字城

邊夕照微三月踏青兒女路遊人相伴影同歸

柳陰再疊前韻

參差偶向夕陽堆總聽東風自去來入榻侵人眼

不覺窺簾無態捲難開芳塵暖日催征騎涼月高

芥園詩鈔卷十九 七言律

九 留劍山
莊初稟

樓掩鏡臺少婦閨中無限恨流黃機上那堪裁

高枝映日影偏低蟹舍漁莊上曬衣隔岸輕移隨

釣艇對門斜射隱村扉平林淺碧千條合遠浦寒

煙一抹微最喜西湖花港路多情送我賣魚歸

五德詩

馬

連錢蹀躞錦韉鞍飼汝惟宜首肯餐食力不辭鞭

策苦報恩常急死生難英雄遇合拳毛動邊塞功

成血汗乾國破登床知殺賊豈徒馳逐到雲端

雞

彩質花冠介羽飄，乍啼高唱報清宵。三更野店催
行旅，午夜深宮促早朝。未上聞聲生慷慨，雲中入
道共逍遙。寒窓更作談經侶，甘受同羣野鶴驕。

松

森森直立鎖雲煙，蟠屈根深不計年。三徑自隨彭
澤隱，寸膏惟許顧生燃。苔侵雨蝕顏如昔，雪壓霜
欺骨更堅。謾謾青音曾共賞，擬來終日對君眠。

蘭

芥園詩鈔

卷十九 七言律

一 留劍山 莊初稟

風條雨葉自縱橫，亂壑泉流結風盟。曲水曾因成
雅會，湘江原不負佳名。芳香可寄孤臣怨，采摘能
伸孝子情。徒笑上林桃李樹，任他蜂蝶自狂輕。

蟬

悠悠斷續總隨風，解脫生生見化工。細咽斜陽熱
柳外，飽餐清露綠槐中。污泥脫體偏能潔，涼月驚
秋獨守窮。寄跡高枝同羽士，憐他蟋蟀在籬東。

贈內

勞瘁脛羸帶病身，黔婁百事本艱辛。長工繅素三

更織不怨糟糠，八口貧荆布自安。原諒我寶釵頻

板倩留賓總緣，儂拙謀生計錦字。迴文獨點神

鹿門借隱近何如，膠木相將伴索居。林下風標羞

悍虎，閨中教化誦關雎。清時每勗安貧戒，永夜長

勤課子書。謝女才華原自逸，白頭吟罷只慚余。

示妾

心清慚逐彩雲收，更復何期跨鳳遊。妙舞黃金都

倒篋，春華白眼已生愁。憐卿未嫁如桃李，顧我無

兒羨仲謀。若為淺斟銀燭下，十年前已付東流。

芥園詩鈔

卷十九 七言律

十一

留劍山 莊初稟

碧玉吹簫月上遲，庭前玉樹已生枝。有兒始得為
人婦，教子還須倩母慈。服役休辭親井臼，感恩當
自味。益斯年來我本多年落莫，以家貧起怨思。

命子

三十生兒自可憐，撫摩辛苦計周全。栽培但冀成

桃李，哀謝差堪慰管絃。我愧無才聊囑爾，人云有

子更當賢。家聲清白憑誰托，得補吾曹不孝愆。

對爾真教慰暮愁，可能直撞破煙樓。犁牛昔見生

驛角，驚馬年來已白頭。祖德叮嚀惟節孝，家貧慚

愧說貽謀只餘文獻三車在且付書香一辨留

二村去江館小別也古人小別不贈言二村

胡為有言哉蓋以十年知已聚首良多一

旦分襟遂成兩地雖道路之匪遙覺情懷

而終阻詩云一日不見如隔三秋二村之

有言在眼前固非三秋之隔然往日則實

無一日不見也烏能已於言歟

勞生又向大江濱一度重離獨愴神底事工文偏

契我那堪落魄更依人情長求夜愁如織客去空

木園詩鈔卷十九 七言律

十二

留劍山 莊初臺

堂雨似塵不為饑寒驅馬磨也應勸子乞閒身

留劍山莊初臺卷二十

黃梅石卓槐棹山甫著

同社弟 鮑曉峰 南校
同社弟文棟青鋒

遊仙詩 並引

秋來卧病三徑蕭條春去消魂孤村寂寞

對道旁之衰柳輾轉恰似迴腸看戶外之

寒山嶙峋儼同瘦骨空林落葉時打半夜

柴門淡月流光偏侵五更客夢守蝴蝶青

燈之榻西方彼美杳然讀蒹葭白露之詩

木園詩鈔卷二十七 七言律

一

留劍山 莊初臺

中央伊人何在天涯信斷消息難憑箇中

人來心情莫保亦知蘭臺碧水舊識雙成

竊恐玉洞桃花頰忘阮肇雲霞縹緲望玉

宇而生悲煙樹蒼茫捲珠簾而下淚况我

悲秋宋玉本自多情憐他被謫蘭香偏茲

好事慣吟桃根桃葉之歌遂起情短情長

之歎究之關心何處本是無病而呻到底

着意維誰反似有因而發矣

秋至無端百感生悲秋原不為秋情常將滴滴遊

仙淚灑作蕭蕭落葉聲心有欲言如舌短身無可
 托等毛輕白門哀柳垂垂亂偏向愁人着意橫
 紙帳單衾覺夜寒月明空自倚欄杆燈前顧影形
 偏瘦病裏懷人哭亦難脈脈前心憑夢語迢迢後
 約比天寬如何又見黃花發冷落重來一度看
 苦憶層霄撒手時淡雲頻護往來遲耳中法曲聲
 猶在袖裡天香氣尚知玉盃同食仙掌露珠宮觀
 折蕊花枝瓊樓甲帳攜遊遍何處秋風不可思
 嶺複崗迴是驚峰丹霞斷續石門封因留世上庚
 芥圃詩鈔卷二十七言律 二 留劍山 莊初葉

辰容不打人間子午鐘過去因緣愁裡度本來面
 目定中逢憐他入塵沙劫孤負仙山幾萬重向日
問此云余壽八十有三是夕夢至驚峰寺見一老
 僧入定足間有庚辰二字余生戊午計至兩庚辰
 年適如此敬昔東坡夢係玉局道人重來余
 固不敢自况東坡老僧或者其為玉局乎

羽衣飄緲御風遊更說佳源在上頭洞口桃花春
 信暖雲中仙犬吠聲幽胡麻飯熟思前事燕子梁
 空起昔愁往日劉郎重到此蘭臺碧水自東流
 閨苑朱廊十二迴靈芝五色繞廊開飛霞閣上人
 如玉落雁叢中品是梅仙梵不分環珮響衣香真

入麝蘭堆慚余一介酸寒骨枉負憐才索向來仙
中有麗華者索余詩余
 細叩之又非陳宮中人

辛勤竟過大羅天到此方能見謫仙白兔迎人情
 慘切青鸞向我致纏綿空思玉杵調瓊液那得殘
 膠續斷絃別後藍橋休更問久無消息到雲邊
 同心鈿盒認難真負却從前槁木身妾作麻姑爬
 背客因憐玉女斷腸人思溪誓海三千丈孽墮瑤
 池廿八春此後須將明鏡拭莫教容易起纖塵
 曉下天台露氣涼雲山煙樹總蒼茫笙吹別調辭
 本圃詩鈔卷二十七言律 三 留劍山 莊初葉

仙閣歌餞離魂入睡鄉自有情緣勞記取分明蹤
 跡豈尋常可能到此重消受亂整層峰歲月長
 山堂冷漏夜沉沉人在孤幃月在林忽覺情傷如
 有失從來夢好最難尋問愁本為悲秋切多病原
 因惜別淡楓相落紅休即掃好將秋思續春心
 哭花詩 並叙

辛卯九月二十七日圃中菊變石子作詩
 哭之種菊其常也而胡云變對菊宜歌也
 而胡為哭且菊變亦事之至微者而胡為

標年記日大書特書曰辛卯九月二十七
者似亦鄭重不忘此變而哭之也何其奇
歟夫菊亦何變之有而哭之也石子母乃
驚竒好怪而故為此鄭重不忘歟吾不得
而知也然人必有痛於中而後形於色英
雄眼淚原不輕揮石子之哭之也其必有
痛於中而然也事至可痛其變亦大矣是
安得不大書特書曰辛卯九月二十七日

芥園詩鈔

卷二十

七言律

四

留劍山
莊初稟

馬今夫人生於世必有所愛貪者愛利鄙
者愛名淫者愛色吝者愛財饕餮者愛口
腹浮浪者愛犬馬鷹兔各其性然也若而
人者均皆以所愛為性命者也吾知無利
則已也有則必趨無名則已也有則必盜
無色則已也有則必亂無財則已也有則
必慳無犬馬鷹兔飲食則已也有則必誇
必饒設一旦舉其有者而失之是則失其
性命之大者其變孰甚焉安得而不哭之

是故浮浪者失犬馬鷹兔則哭饕餮者失
飲食則哭鄙吝貪淫者失其財色名利則
哭雖欲不鄭重誌之而不得也何也其性
愛之也至於石子落魄而貧賤者也南山
不遠有興歸田北阮雖豪甘心樂道不獨
於犬馬鷹兔無緣即財色利名亦早置之
度外甚至口腹之微亦難如我所欲舉世
人之津津而愛者石子皆不與焉僅於筆
墨琴書而外種花詩竹以遣心情耗盡世

芥園詩鈔

卷二十七

七言律

五

留劍山
莊初稟

人趨利盜名慳財亂色與夫饑飲食誇犬
兔之精神朝夕慘淡經營愁風雨酌肥境
灌之溉之以計其成而心不厭者石子固
以花為性命者也今一旦蹂躪而摧殘之
是亦失其性命之大者其變亦孰甚焉而
猶曰常也可乎歌也得乎安得不大書特
書曰辛卯九月二十七日園中菊變石子
作詩哭之也夫亦何奇之有歟其變為何
曰石子種菊於圃花甚值豪客荷鍾而來

命其從人縱劫一空而去故曰變其哭爲
何曰容固非知花者逸品幽姿慘伴庸俗
半年辛苦竟屬他人悲主情且惜花遇故
曰哭其標年記日者何曰誌時日且警將
來故曰辛卯九月二十七日云

已將踪跡擬淵明種得黃花慰此生舊業南山茅
屋在新交北海酒杯傾閒看野色開心目喜閱秋
光養性情欲學騷經餐落葉徑邊時見數枝橫

花開彷彿似東籬淺白深黃出格奇幽態每從人
芥園詩鈔卷二十七言律 六 留劍山 莊初臺

靜得淡粧惟許夜深知宜人絲雨斜陽外伴我柴
門稚子時如此情懷差不惡那能爲子不題詩

林下忽聞喝道來書空咄咄費疑猜名花不敢迎
人笑野鳥都知避客回座上琴樽生黯淡門前山

水起悲哀分明欲作尋幽侶輪却憐香一段才
糾糾莽步砌臺前蹂躪芳姿最可憐我獨何辜逢

此劫花誠不韋究誰愆殘香斷粉空惆悵砍地呼
天亦枉然欲訴哀衷多少恨擬將身叩帝閣邊

枝枝狼藉馬前飛目送花光影漸微此去應教顏

色戒看來惟有俗塵肥風前淚落傷心遠路上人
誇揆菊歸那識王郎情趣異昔曾送酒忽今非
也知護惜最關心灌溉栽培一樣深總覺風流難
比昔可憐寂寞到於今何人與子邀明月似我當
軒理素琴縱有清香誰領畧故園消息夢難尋

遊仙詩

雲臺漫說在穹蒼曾侍春風坐一場玉珮猶垂天
語誠羽衣尚帶寶花香須知果向生前結敢使恩
隨去後忘牢記驚峰巖畔路莫教青鳥獨迴翔

芥園詩鈔卷二十七言律 二 留劍山 莊初臺

一入仙關萬累虛情根何事獨纏余可憐碧水臺
邊夢又繫紅絲月下書此後休教鴛鴦債從前只

好慰離居功成搥得元霜就也學雲英挽鹿車
長思撒手到仙壇重向蘭臺識舊顏世上情緣何

日斷天邊雨露本常寬也知往事重途易但恐前
心並到難安得共來還共去飛霞閣下一齊看

白蓮花題畫

淺岫亭亭對夕陽品題深自費思量情懷但許傾
周子唐突如何比六郎露浥精神寧借色水蒸風

味不關香平生本抱清貞質便出污泥總不妨
淡痕疎影態翩翩羽束霓裳見謫仙踪跡最宜千
頃月相思終隔五湖煙閒情脈脈黃昏候細雨絲
絲碧水前幸有沙鷗同慰藉清溪向爾共纏綿

惜春

空堂獨立酒初醒感事驚時倚畫屏十載前心愁
裡度一春啼鳥雨中聽韶華欲謝誰重挽寂寞難
堪我疊經自顧年來添白髮羞教柳色鬢邊青

送盡山塘十里梅南園已見碧桃開綠楊門巷陰
木園詩鈔卷二十七言律 八 翻刻

如昨碧草鞦韆影又來憶遠每傷魚雁杳尋芳復
覺燕鶯催也知物理隨時換終愧昂歲老不材

春風南陌板橋邊水色山光在眼前落絮遊絲何
旖旎衣香人影總纏綿踏青空對芊芊草倚杖偏

聞樹樹鷓鴣多少王孫歸未得斯須爲我一留連
一生雅興兼豪興半累愁中與病中不道花時逢

細雨空教夢裡惜春風閒情脈脈知無益舊恨匆
匆意總通小院簾蕪叢畔路終朝躑躅短牆東

送程大綱夫回富川

匡床歡喜得相連畫盡詩歌有夙緣豪至但求歌

有和狂來不問墨誰研千山翠滴頻交賞一字師

承獨赧然正欲同君聯雅社那堪溪柳忽鳴鶉

千尺松濤壓小樓挑燈對我歎歸愁其時細雨絲

絲織不作臨風款款留長客已懸三月夢孤身實

繫兩親憂不然我亦思投轄却想終非爲食謀

忽聽驪歌一曲吟臨行總亂故人心終教此日筵

前淚重灑當年挽過襟一束輕裝依酒觥半竿晨

日照高林行車已去遙相望別味猶存直到今

芥圃詩鈔卷二十七言律 九 翻刻

漸近庭闈喜可知隔江回首意遲遲料於萱草忘

憂日定念垂楊贈別時腕上青繩須記取緒夫嗜

以致病目余昂其以愛身養親爲重緒夫嗜

夫感之遂斷酒且鳴余親繫恨總於腕緒夫嗜

豈稱詩邑中同人賦詩贈別余爲賦七古一章且

上潘明府克齋夫子

落拓年來百感侵已甘與世共浮沉前踪久棄時

人眼近事徒傷壯士心扣角自慚歌短布割羶誰

肯助長吟何期得遇宣城守獨許憐才物色深

兩載追隨侍講壇春風和霑座中歡芝蘭熏襲賞
塵淨父子情懷禮數寬絳帳經傳人寂寂程門立
雪夜漫漫傾心雅誼何能述欲買文絲繡亦難
無端作別忽魂消負笈難從蜀道遙百丈船牽巫
峽水千山鷓響灞陵橋蕭蕭落木秋林晚邈邈離
愁去路迢似憶分襟無幾日綠楊宛轉又垂條
青山綠遍接平蕪憶遠驚時盼雁書雜樹重遮蕪
府日旋帆應食武昌魚相思莫遣歌芳草夢寐無
從慰索居五馬行春如有信肯將消息一知余
芥園詩鈔卷二十七言律 一 留劍山 莊初臺

赤辭懷古

登臨赤壁俯雄關一覽東南勢可攀帆帶夕陽來
夏口浪吞煙樹動西山乾坤風月蒼波外今古牢
騷過客間不是尚餘蕪子賦到茲空見水潺湲
東風吹艇逆濤來獨從危磯劈浪開勢與荆襄先
拒險水連吳楚並爭泗三江控帶分雄鎮千古烽
煙數霸才莫說鏖兵原赤嶼山川即此亦崔嵬

葵花

亭亭傑立占秋光密葉疎莖翠帶長風亞軟香堆

草徑月明清影上花墻西園晷晷空流目南國青
青枉斷腸白露驚時須記取莫教紅藥共淒涼
金盤承露仰青霄一種精神着意描春信那甘輸
紫芍秋光定不遜紅蕉傷根可致貧交嘆取笑何
妨肉食驕莫怪輕多人共棄當時俗眼本難要
朝含曉色影朦朧倚檻垂欄致不同向日雖癡誠
可憫衛根原智計何工空堂寂寞飛黃葉冷砌因
依響夜蛩近識紫陽宮裡信頭冠要取逐秋風
獨守清幽不逞妍品題何處最堪憐情懷雨歇斜
芥園詩鈔卷二十七言律 二 留劍山 莊初臺

和曹雲瀾夫子秋日登黃鶴樓原韻

愛高直欲出塵寰俯瞰長空見百蠻風月不隨黃
鶴去江山依舊白雲還水連漢沔流初合地接雍
梁勢自開極目重重煙樹外層峰疊嶂鎖雄關
青山冉冉入寒雲倚檻蒼茫對夕曛全楚山川攔
外列兩江門戶望中分洲前吊古憐才子崔後題
詩有使君不見庾公吟嘯處至今飛絮尚紛紛

何須更憶蒞蘭馨
芳草萋萋尚滿汀
夾岫樹橫千嶂斷
隔江山擁一樓青
晴川空翠搖平遠
夏口寒蕪入杳冥
安得淺波明月下
西風吹夢上孤舲
粉蝶高樓盡角鳴
楚天蕭瑟古今情
乾坤寂寂空江閣
世代茫茫剩漢城
仙棗花開人已去
落梅風冷笛無聲
我來臨眺江流急
惆悵高歌百感生

下園詩少

卷二十七言律

一

留劍山

留劍山莊初葺卷二十一

黃梅石卓槐棹山甫著

同社弟文桂寄生
同社弟文彩慕唐
甫校

五言絕

秋夜

落葉下疎林
不知深幾許
黃昏月一簾
空院靜無語

雨中過南莊

風細雨初斜
煙沉樹欲沒
到門不見人
林內午鐘

下園詩少

卷廿一五言絕

一

留劍山

歌

路近梵音清
門闌犬吠急
客從雲外來
僧向雨中出

南莊咏懷古蹟

雞鳴菴

清磬出楓林
細泉流澗底
夜來風雨聲
腸斷雞鳴裡

亭子口

谷口望依依
孤亭在何處
夕陽亂山間
人向此中

去

望花衝

寂寞春山草飄搖日暮霞朗公微笑意遍地是蘆花

女兒橋

環珮鳴流水淒淒閱暮朝可憐愁欲絕莫上女兒橋

題畫

古木亂雲平高峰霄漢接入山不見人空林下黃

芥園詩鈔

卷廿一 五言絕

二

留初臺

葉

晚嵐淡碧痕倚杖空山路幽鳥時一鳴夕陽在高

樹

萬壑走松濤板橋流澗水寒雲斷遠林古寺鐘初

起

題李生浮寄畫冊

亂壑聞樵聲煙溪不得語雲踪何處尋石礪隔微

雨夕陽烘遠林暮靄橫孤棧峭壁插青冥雲移山路

見

流瀑下孤岑鳴琴對寒綠行人隔水來靜聽高山

曲我行入山來四山涼月上清光萬壑流落葉空林

再題李浮寄畫

梅

瘦影籬邊出冰魂月下陳江南消息好誰寄一枝

芥園詩鈔

卷廿一 五言絕

三

留初臺

荷

皎潔同君子嬌羞似六郎菱塘風定後隔水見斜

菊

昔伴淵明隱曾傳楚客餐可憐遲暮意籬下倩誰

蘭

獨抱幽貞意誰知空谷香美人隔秋水明月在瀟

湘

七言絕

紫雲曲

日斜無事客來謝氏池旁簾捲有聲人在
冒家園裏掃木榻以留賓坐松棚而話舊
俄而冰絲雪片主人之好客如初遂比敷
粉搔頭狂奴之故態復爾爰敲檀板按拍
徵歌並命鬟即開觴佐酒相思一曲江南
紅豆堪傷覩雙頭渡口桃花欲放行雲
過而風生夜月上而客醉未能免俗誰非

芥圃詩鈔

卷廿一 七言絕

四

留劍山
莊初稟

解事行家縱欲無言奈是多情我輩因與
同人各贈短調他日花前燭下幸勿厭我
寒酸只今天上人間或可增卿聲價云爾
亭亭十五髻雙垂玳瑁筵前唱竹枝記得幾時曾
見面紫雲溪處拍歌時
藁花簾子下還開亞字欄杆折復迴斜日畫眉聲
斷後香南研北抱琴來
座中檢討最關情淺立斜窺太瘦生乞我畫成長
卷子他時同作過江行
冒辟疆有歌童紫雲者與
陳其年檢討甚狎其年歸

冒即以紫雲贈之其年以十丈長卷作雲
郎小像索過江名士題咏不下數千首

秣陵秋雨那堪思更復何心作綺詞一樣有情同
太傅楊枝駱馬郭郎詩

擬吳梅村祭酒士女圖詩

度曲

望仙樓閣鈿釵斜玉樹歌殘噪晚鴉恨殺韓擒兵
馬遠匆匆零落後庭花

馬上

邊城夜月出關山磧裡風霜鬢欲班自別漢宮顛

芥圃詩鈔

卷廿一 七言絕

五

留劍山
莊初稟

類甚那能及得畫圖類

題二村夢重遊廣篋詩後有叙

家二村作重夢廣篋詩一卷前有記大概
類天台事而奇幻過之後有詩律絕各一
是則初遊時夢中題壁所得中間絕句八
首乃紀重遊之事大半即夢中所吟餘則
彷彿追憶而續成者吾聞日之所思夜發
為夢二村豈別有遺行歟獨是余與二村
髮齡相處非禮不入此固所信於平日者

然而鄉本恨入情鍾我輩山鳴水咽到處
是消魂之鄉兩榻風燈何時非斷腸之候
又奚必拘拘於渡口桃花章臺柳色果有
是事而始成夢也夫人生俱一夢耳二村
何幸猶能醒而憶之且至如斯歟然既不
得已而以夢名其篇吾即指之為夢可矣
因漫賦二絕跋於卷末更成夢中說夢云

耳

踪跡惟餘月一鉤當年曾夢羽衣遊只今零落電

芥園詩鈔

卷廿一 七言絕

六

留劍山
莊初臺

裳序秋雨秋風到畫樓

重來不復見陵華靜對西風起嘆嗟夢裡流泉還
似舊辛勤溪口送桃花

秋郊晚眺

隔斷平林是夕暉亂煙橫架板橋低此間若得鷺
溪緜紫染寒山碧染溪

南莊與剡僧論禪

十笏禪關夜不開語言文字費疑猜何如一概都
除却便作寒山面壁來

雪窓夜話同二村作

博山香冷夜何長燭影清樽話正狂飽聽寒風吹
柝木明朝染筆盡瀟湘

柳堤

十里長堤直復彎人行恰在柳陰間管輿切莫匆
匆過好看匡廬對面山

舟中

匆匆纜解喚開頭片席輕帆疾似鷗篷外忽驚人
語語亂煙已失酒家樓

芥園詩鈔

卷廿一 七言絕

七

留劍山
莊初臺

輕舟一霎到湖心漸續人聲出柳陰港口歌殘風

定後打魚踪跡最難尋

菱藤菱葉打還來船到新河夾槳催行過平橋帆

飽曳舟人齊唱散花開

灘頭歇槳漫推篷遠浦疎林一望通斜日欲來帆

忽轉滿溪蒲葉亂流中

題小池酒樓詩

青山映座柳當門首夏風光淨客魂記得昨宵經
此地輕煙細草作黃昏

綠樹陰濃映酒樓平湖十里作清流盈盈恰似秦
淮水便把湖名喚莫愁

題趙山人畫

蘆花蕭瑟水無聲野浦沙鷗作隊行枯坐丈人心
自遠鱸魚江上白蘋生

題沈省齋明府弄孫圖

公望公才質比金攜來小立一開襟撫摩更自相
憐惜保赤誠求即此心

河陽花樹水之濱野鶴亭亭更有神欲乞此圖來

芥圃詩鈔卷廿一七言絕 八 留劍山 莊初臺

配食白蓮峰下宰官身

題灞橋風雪圖為朱逸軒作

寒驢策策凍難禁大壑懸巖局背吟如掌雪花天
欲暮長安風景故人心

山峽圖為陸南浦作

極目京華搔白首羈身蜀道上青天何須更讀靈
均賦已到蠶叢四十年

題秋風聞雁圖為顧敏菴作

秋風吹冷夕陽村楓葉疎疎欲斷魂把卷千層峰

頂坐雁聲多處是吳門

題畫

清溪曲棧沙迴浦古木平橋水自灣半葉輕帆天
際落寒煙一抹見秋山

自題畫蘭寄懷吳三晉實

圖來似帶故山煙雨葉風條最可憐一自美人秋
水別此心長在月明邊

題畫贈別楊元一茂才

淡淡秋山木葉黃蘆花兩岸雁成行不堪雲際孤
芥圃詩鈔卷廿一七言絕 九 留劍山 莊初臺

帆影直挽離心到岳陽元一將至湖南

遠浦寒煙夕照微板橋渡口送人歸布帆十尺如

飛鳥漁洋句別淚臨江獨自揮

奉陪函齋太史子葉子南園賞桂即席贈歌

童趙郎

金粟香風繞席迴月明花影共邨杯座中應有文
簫賦贏得彩鸞跨鳳來

曾記金蓮燭影迴題詩親賜 御前杯重來更

作揚枝曲付與紅兒按拍來謂子葉子首唱也

無復從前舞袖迴華筵空對菊花林逢卿已覺心
情減不趁當年及早來

等山園秋夜小飲即席有作 並引

去年秋柳偶來三徑開樽今歲丹楓同聚

一堂聯句問花前之往事回首無多詢座

上之新交知心有幾沙沈雨過仍見金樽

自去年來又逢黃菊陳遵好客既投轄以

留賓阮籍多狂迹高歌而索酒霜鱗紫鱗

風味堪誇矮榻青燈豪情可愛既射覆以

芥園詩鈔卷廿一七言絕 十 留劍山 莊初素

催花復分題而刻燭竹林雅韻切願學焉

金谷風流良可樂也第恨花萼樓高寧王

笛遠黃州亦鮮歎小蘓不與同遊蜀道吳

江念老杜行將作客 時余將東下 此番會合定

有因緣他日相思寧無感慨姜家大被聽

秋雨而愁寒稚子柴門想故園其無恙難

逢此夕松菊猶存想到來年茱萸細把此

巴峽之所以消魂龍山之所以回首也况

我同人終年促膝憐余賤子老大居鄉聽

道路之阻長我本未慣盼關山之消息君

亦初經迴思夫紅燭當筵鮮有不青山下

波者矣幸及佳辰母辭濁酒新詩賭取省

旗亭畫壁誰多俗事權拋任瓦甕朝殮告

盡惠連聚首咸籍同堂此會無多感筵難

再各賦短章用傳佳話

黃花一度一悲秋細雨輕風再上樓記得去年秋

柳社重來仍續舊風流

木葉蕭蕭不可尋酒痕燭影上衣襟座中賦有黃

木園詩鈔卷廿一七言絕 十一 留劍山 莊初素

河曲乞取青鬃按拍吟

詩律分明酒律嚴三更人醉夜寒添池塘可惜無

春草冷雨經宵不捲簾 石渠時不在座

三徑依然菊與松烏衣子弟盡雕龍明年一棹江

南却知到吳山第幾峰

等山園詩既合錄一卷尚有空幅同人乞余

補繪因就燈下研墨依其高下圖寫叢菊

畫雖不工然亦詩中故園三徑之意復題

一絕並質同人

還將詩意染毫端三徑依然白露團來歲吳門逢
九日故鄉風景此中看

素川子汪子以邊雁一幅寄贈即題

稻梁辛苦浣花溪秋水蘆花夾岸低記得月明清
露夜不堪回首洞庭西

紅梅閣觀梅

尋梅直到北山行零落花容淡客情恰記風人詩

句好水邊籬落一枝橫時梅已殘
僅剩一枝

萬箇琅玕倚碧空疎鐘古寺犬聲中分明一段村

芥園詩鈔卷廿一七言絕
留劍山莊初稟

莊景有樹梅花便不同

海外徒聞更九洲他生未卜此生休此日六軍

同駐馬當年七夕笑牽牛空聞虎旅鳴宵柝

無復鷄人報曉籌何如四紀為天子不及盧

家有莫愁

筍水林殼磅獨頰頰燈燈燎燼燠燠燠燠燠

榮然灼炳煌燠燠燠燠燠燠燠燠燠燠燠燠燠

熙熙昭熙

留劍山莊初稟卷二十二

黃梅石卓槐棹山甫著

同社姪思密二村甫校
同社姪章嗣貞傳

七言絕

重聚等山園即事

等山風景近如何杖携青屐我再過曾是昔年詩
酒地滿天飛絮落花多

亂山喬木子規啼萬箇琅玕入戶低行過碧梧斜

畔路板橋流水夕陽西

芥園詩鈔卷廿二七言絕
留劍山莊初稟

迴溪一樹柳參珍曉染青煙暮染嵐前度看花人

已別樹猶如此我何堪

破盡城南百頃田憑誰更乞買山錢此中容我三

年住便把生綃畫鞦韆

題空山秋月圖

昏煙古木路難求雞犬寒雲最上頭獨坐高樓聽

天籟空山夜半始知秋

門臨大壑屋臨溪願脫塵緣向北樓紅葉滿林流

水響一輪明月萬山低

題寒梅翠羽圖為李葦舟作

冰心鐵幹倚寒空翠袖金衣對晚風記得平山涼
月夜當年曾識趙師雄

為黃蓼菴題畫

山舍霧氣水成紋遠浦平沙入望真行過板橋斜
畔路滿山黃葉更無人

陳蘭垞寫菊見懷作此奉答

秋來鎮日惜年華閉戶無人懶更加何事寫生三
丈絹滿城風雨對黃花

芥園詩鈔卷廿二 七言絕

留劍山莊初臺

圖成霜影映珠簾擬折濃枝插帽檐想見襟懷真
灑落欲將踪跡學陶潛時蘭垞

故園松菊只空談三十三峰隔暮嵐今日知君圖
畫裡斷香殘葉憶江南

南莊聽雨同喻鶴瘦家曉峰二村作

不道貧欺復病兼偶圖清淨謁莊嚴何堪夜半寒
山寺落木蕭蕭雨一簾

絲絲聲細柳珍珍一鐸孤燈促膝談記得空山山
店夜雨窻淚冷話江南甲申余與曉峰有事東山

空山阻雨鴈身野店與曉

峯連床聽雨話江南舊事作紀事詩若干首余有
句云欲識傷心憔悴面亂山何處吊芳魂又云十
年忽醒揚州夢盡在空山舊
酒樓回首往事已成陳迹

池塘衰草水空流冷雨淒風感獨遊不信夜寒姜
被薄更無好夢到揚州石渠有約

十年心事愧艱難禪榻秋風鬢欲斑今夜此中還
聽雨一生失計賣青山余南莊有田頗可自給落
地以來生計不文已為他
人有

題畫

此生踪跡寄孤舟日落煙昏兩岸秋天際蘆花霜
月白一聲長笛水東流

芥園詩鈔卷廿二 七言絕

留劍山莊初臺

贈東山剝愚開士

曾窺三十六莊嚴大法無量巨力兼拔得泥牛出
溪海烏藤一點萬山尖

凡心洗淨鐵沉沙猛虎何從着爪牙化作清涼華
妙相白蓮峰下白蓮花

膽毛漏盡箭難攻乍唱居然起噴聲會得三更春
米棒一瓢一衲到江東

本來面目費思量今日相逢識妙香我本匡山

下客與師他日渡潯陽荆思典余談此山諸勝歷歷如見

鮑參軍墓

參軍高塚草茸茸後先才人感慨同斜日清明三月路棠梨一樹雨濛濛
文章千古只空傳更有何人泣杜鵑我拜先生三尺塚合當莖近柳屯田

樵夫詞

曉入晨霞暮入嵐順風吹我過溪南何時一局殘
棋罷好與羣仙抗手談

芥園詩鈔卷十二 七言絕

四

留劍山莊初集

懸巖古木鎖深煙仄徑橫飛落澗泉客欲相詢入山路斧聲高在亂山巔

黃梅竹枝詞

有山恰在亂峰堆有水都從衆壑來人說黃梅山水好不知何處有黃梅
春郊到處鷓鴣啼十畝高田五畝低此日田家知打算爭先都插一刀齊
清溪淺岸泛明沙短徑柴扉一帶斜太白湖頭風景好殘陽碧柳是漁家

東山山頂雨濛濛夾路森森植古松行到講經臺
畔路遊人都上白蓮峰

江鄉兩岸荻蘆秋瑟瑟西風水亂流相約明朝齊
打草長刀麥笠到荒洲

雙峰碧玉說流泉老寺高居萬壑巔更有元言人
不識南山燒火北山煙

重陽相約上新墳一陌黃泉到處焚獨有西池塘
上路更無人祭鮑參軍

秋來五穀喜登場處處田家作酒忙九額三牌神
芥園詩鈔卷十二 七言絕

五

留劍山莊初集

語異隔村打鼓賽昭王
馬鞍山口晚煙低高塔寺前落日西我唱竹枝誰
和我鷓鴣水鴿一齊啼

桃花扇題詞

綠水秦淮翠黛壘莫愁湖上梗蓬身千金一諾侯
公子腸斷桃花扇底人
瓜步江空望戰場可憐萬事總倉皇君王只愛霓
裳曲燕子春燈召阮郎
降帆又出石城西烽火連天照鼓鼙三百年來忠

義絕梅花嶺畔杜鵑啼

武昌城下柳稔稔掩映樓船戰欲酣當日潯陽江
上火何人論定左寧南

再跋桃花扇後

江山半壁尚堪支斷送都官小部詞更笑東林諸
子弟秦淮燈火此何時

南部煙花總斷腸板橋衰草吊斜陽君王不顧傾
城色零落人家李媚香

誤盡平生是此名風流學士語何輕可憐一代文
林圖詩鈔卷廿二 七言絕 六 留劍山 莊初藁

章伯不及江湖楚兩生

西風吹斷秣陵潮板子磯頭浪未消百二山河成
廢壘都將閒話付漁樵

長生殿題詞

瓊臺玉宇淨無痕月殿清歌感至尊演得霓裳新
入破楊家姊妹並承恩

夜半天高碧海清月明秋樹照空庭何人共立長
生殿看取牽牛織女星

鮫綃襖襟洗兒春詔賜金錢笑語真不信漁陽鼙

鼓起當年就是赤心人

馬嵬驛下暮雲橫棧道淒涼宿草生寒食東風啼
杜宇亂山孤塚夕陽明

再跋長生殿後

梨花驛路委凋殘千古傷心血淚斑銅盒金釵誰
記取獨留羅襪在人間

西風吹夢總迢迢南內何人慰寂寥欲譜淋鈴新
樂府長生殿外雨瀟瀟

海外瓊樓事渺茫洪都傳語最淒涼傷心不及聞
木園詩鈔卷廿二 七言絕 七 留劍山 莊初藁

鷓鴣猶得人間問上皇

海青罵賊至今傳賀老琵琶最可憐更有落花寒
食路江南腸斷李龜年

九日等山園感舊

秋風颯颯冷空堂鍵戶無人更自傷往日尋常詩
酒伴可憐零落到重陽

池塘衰草對黃昏謝氏才華竟不存苦憶溪江
水濶滿城風雨賦招魂

去年曾此共分箋慘淡經營最可憐今日黃公廬

下過何人一擲杖頭錢謂翁鶴瘦也

人琴一曲事堪哀。草徑蓬門子又開。我愧羊曇華

屋恨依然重到等山來。

蘭亭弟納姬戲賦催教詞

桃腮掩映絳紗紅。銀燭湘簾入夜風。鄭重此宵相

愛惜。海棠花下月朦朧。

寶曆金環入眼明。相依相近可憐生。江南從此無

春色。十里青溪已屬卿。南江

沙明寒水玉籠煙。敢竊瓊臺第一仙。不是老奴心

芥圃詩鈔卷廿二 七言絕

膽大縱教我見亦生憐。

此中料理費精神。半臂爭持忍凍身。見慣司空須

問我。當年曾作過來人。余昔納姬江陰翁鏡人賦

青兩兩相憐對面聽寒夜爭相持半臂此中為子費調停至今半致可想

荆楚姪作詩寄懷依韻賦答

春來有夢到池塘。匝地青青草漸長。不奈懷人悲

往事。四山風雨壓空堂。

數間茅屋萬松深。自分無人到此尋。獨子不寒香

火意殷勤猶見古人心。

一曲孤桐負子期。高山流水異當時。相思不抵西

風雁。腸斷阿咸七字詩。

畫裡長思笑口開。顛狂題語上詩臺。荆楚畫詩雪

高會索余題語余為賦七古一章何時重作昂崖樣。亂壑梅花罌

雪求。

荆楚過余故居登浮黛樓感賦二絕寄余作

此以答

甘心泉石對煙霞。故柳憑他宿暮鴉。獨有一分忘

不得殷勤寄訊問梅花。

芥圃詩鈔卷廿二 七言絕

板門斜角粉屏東。酒榼詩筒一夢中。君既登樓誰

作賦。夜燈曾否昔年紅。

霸業雄圖一瞬空。虞兮幽恨對重瞳。彭甘受

當年醜飲奴。何如楚帳中。

絕艷驚人出漢宮。紅顏命薄古今同。君王綸使輕

顏色。予奪權何俾畫工。

一代傾城逐浪花。吳宮空自憶兒家。效顰莫笑

東村女。頭白溪前尚浣紗。

留劍山莊初藁卷二十三

黃梅石卓槐樽山甫著

同社姪廷班荆塾
同社姪遠熙一行南校

七言絕

冶春詞

春光容易到城南
望恨牽愁總不堪
昨日馬鞍橋下過
東風一樹柳參珍

尋常對景易魂銷
况是空山感寂寥
剩有舊時詩酒伴
閒來約我話漁樵

芥園詩鈔

卷廿三七言絕

一 留劍山莊初藁

板橋三度水潺潺
遠浦迴沙路幾灣
行上平岡高處望
斷紅殘綠映春山

空林閒步踏花行
遠屋松聲似水聲
擬向最深安石榻
月明無事坐吹笙

一擲金梭入望迷
東風吹草碧萋萋
謝郎正有池塘夢
約束流鶯不許啼

携來酒榼與詩筒
花下新詞句正工
安得紅兒歌一曲
甘心斷送柳陰中

三月桃花錦作林
可憐空有看花心
年來又負清

明約細雨斜風直到今

紅橋往事尚堪思
舊院猶歌幼婦詩
王阮亭先生與海內名士

修袂紅橋各賦治春詞
一時紅樓各被管絃也
把烏絲書細楷教人爭

買治春詞

落葉

飄零一葉下深溪
細響隨風渡磧低
記得柴門無犬吠
空山人語板橋西

颯颯空林墜葉紛
更兼蛩語助消魂
何人夜作愁秋賦
落木蕭蕭雨一村

芥園詩鈔

卷廿三七言絕

二 留劍山莊初藁

新句贈吳東園
亭亭野鶴頂偏紅
道貌如君自不同
莫怪清奇孤立樣
近來骨相本龍鍾

詩壇把筆共吟哦
莫笑亡羊歧路多
數粉搔頭歌一曲
邯鄲生比我何如

西窓把臂共清談
冷語幽溪著意探
話到六朝亡國恨
殘香斷粉憶江南

山樓萬木一燈青
颯颯松風側耳聽
昨夜共聯靈運榻
謂家崇村兒也解衣盤膝坐談經

運榻

貧病相兼最可憐，常教八口斷炊煙。豪狂不逐窮愁減，風雪騎驢灑水邊。

潦倒風塵卅載餘，絲絲霜雪已侵鬚。也知不少干人路，恐負昂藏七尺軀。

梗介當年憶北岑，東園為文北岑及門高弟可憐此日痛人琴。知君曾立程門雪，應得平生一片心。

翻書閉戶守清寒，兩兩相期見面難。今日交君無別語，英雄有淚莫輕彈。

東園看菊余作看菊圖即賦二絕
芥園詩鈔卷廿三 七言絕 三 留劍山莊初稟

參差淡影繞柴門，座上先開北海樽。今日對君思往事，圖來曾憶雨風昏。前年余畫菊花長卷誌等山園賞菊之會同人賦詩

無端惜別是年移居南莊遂成詩識
一枝冷落自橫斜，如爾風流總足誇。自識高人霜雪面，從茲到處種黃花。

再賦二章詠主人東園

東籬零落可憐生，終日支頤然有情。自笑無人清似我，如君更比我還清。

淡黃顏色淡精神，淡月微風兩可親。更得淡交依

處士翻嫌太淡，不宜人。

秦淮水榭詞

溶溶香水透樓臺，斜日鈎簾落寶釵。我到江南腸已斷，那能還更上秦淮。

亞字欄杆照水濱，衣香人影看難真。家家水閣吹簫管，十里桃花映美人。

烏衣巷口燕初飛，檀板金樽送客歸。行過板橋楊柳路，莫愁湖上雨霏霏。

秦淮十里泛輕舟，舊院風流不可求。白髮何人談芥園，詩鈔卷廿三 七言絕 四 留劍山莊初稟

往事只今猶唱秣陵秋
題畫 有叙
函齋子葉子性愛菊，每於花時徹終日支頤相對不倦。即簿書匆匆亦必折數枝，插於小瓶，使侍人攜帶左右，以供玩好。又常於岡邑署中葺小屋半間，四圍自畫菊花數十種，清蒼幽秀，色可飡。余平日最愛其僻，間瓶菊一幅，標格更自出塵思，乞得一張珍藏，篋本自夫子解組以來，名士風

淡黃顏色淡精神，淡月微風兩可親。更得淡交依

流只可想見矣因擬其筆意作此一幅敢

謂肖其手神不過藉此以誌不忘夫子耳

寒枝夜月凝文案冷艷清霜映草堂便見風流賈

太史亂書堆裡菊花香

為陸靜堂題春江獨釣圖

千巖萬壑蒼塵却綠水紅桃歲月長久已不知人

世事莫將渡口問漁郎

中秋前一夜對月

嫦娥先試羽衣妝具闕珠宮畫着霜料是洪都傳

朱園詩鈔卷廿三七言絕

五

留劍山莊初稟

信早廣寒隔夜演霓裳

碧天雲淨水悠悠二七清光已太浮即此支頤相

對坐何須更上武昌樓

雲母屏開萬里勻瓊樓十二淨無塵偷閒便與青

鸞約記取來宵待月人

高高天柱月來遲我已先從此夕窺縱使明朝風

霧重管絃袖手看人吹

冬日病起雜吟

雲意初消未放晴垂簾尚覺暮寒生也知一病多

顛顛不用殘蕉作雪聲

朔風吹冷雁飛低陣陣驚寒列未齊一望蘆花霜

月白幾時能到洞庭西

屋角寒梅太瘦生窓前曾結歲寒盟殷勤莫負東

風約好作疲驢踏雪行

一冬大半病中看布枕單衾博夜寒設使不逢清

太守此回僵卧負袁安

三十年來負此身顛毛兩鬢已淄塵最憎簾外如

霜月空照牛衣對泣人

芥園詩鈔卷廿三七言絕

六

留劍山莊初稟

病起無愁轉覺愁寒風偏敝黑貂裘分明欲看青

山色一月維摩不上樓

滿庭落葉掃難開倚遍朱欄十二回燕子無期春

夢隔江南消息寄誰來

閒敲玉磬寄清音瑟瑟寒風起宿禽一自人間無

荷簣門前寂寞到於今

桃盡殘燈影尚紅憑誰障住隔窓風勞他十尺姜

郎被一任疎疎木葉空

長天釀雪易黃昏多病何堪起睡頻欲乞陳搏高

卧法埋頭一覺五千春

題楊元一小像

支頤獨坐對青山 謾謾風聲澗水潺 寂寞空天無

雜籟一輪明月萬松間

巡水湖雜詩

數載重來此地遊 相思難續舊風流 山邱華屋羊

曇恨別作煙波一段愁 年來親友漸經零落

三徑依然一樣開 畫樓人去暗塵灰 今朝徐孺腸

先新忍到南州下榻來 蔣子紹載死巡湖風景迥別

水園詩鈔 卷廿三七 言絕 七 留劍山莊初藁

柳浦煙林認不真 家家絃管自成林 重來亞字欄

邊過不見吹簫度曲人

江郎打槩許郎歌 孌孌清喉唱奈何 今日天涯消

息斷一般零落豈惟他 有江茅許荷者婉轉善歌治服登場當筵唱曲觀者莫不消魂

約記朱樓一帶斜 月明牆外看桃花 可憐青草前

溪路不似當年到若耶

黛色如螺繞翠屏 綠毛山上樹瓏玲 傷心此日斜

陽外剩得廬山一髮青 綠毛山有大松數百株環抱巡湖如障近無有矣

稚子爭移碎石多 元宵砌塔影差我而今瓦礫堆

如許更有何人賭 蹋歌 往年元宵中秋上中下三摩家家門首砌石塔兒童

數十輩爭相賭唱近亦無矣

蒼波渺渺水連天 十里清溪在眼前 兩岸蒲蘆人

寂寂浪花高泊打魚船

笑我悲涼老大身 鬚眉無復舊精神 馮公廟口諸

年少猶識紅牙按拍人 余昔在巡水親自登場手按紅牙顛曲巡水人至今

憶記

隱松閣春蘭

水園詩鈔 卷廿三七 言絕 八 留劍山莊初藁

自然幽雅不關春 楚客何勞號美人 今日綠窓思

往事瀟湘澤畔雨如塵

和風入座香長淡 夜月宜人色不加 冰雪心情誰

得識平生知己是梅花

托根巖壑淨無埃 妙相今從研北開 如此幽香好

清供應教稽首獻如來

曉峰

夜過浣山樓聞琵琶聲到門而返却寄主人

高樓暮靄斷喧譁 萬木青燈影自斜 我是天涯淪

落客海棠墻外聽琵琶

短垣叢竹語嘈嘈天際真人想太高

桓司馬曰謝仁祖企脚比

意下彈琵琶有

天際真人想 可惜空虛摩詰座倩誰彈作鬱輪

祀

分明一曲暗消魂忍作無情枉到門總為段師凡

樂戒十年不許近崑崙

歸途有作寄別七徵本白兩上人

香爐茗椀共經旬一度雲山結夙因寂寂寒燈禪

榻下與師同作箇中人

芥園詩鈔卷廿三 七言絕

九

留劍山莊初藁

靜院風微夜楚遲探囊共讀剩桐詩近來心性何

人會只許空山兩衲知

寒山拾得久無名獨我於他最有情何事忽來還

忽去滿山風雨對愁生

無數雲山一樣秋匆匆分手別橋頭相思何處難

忘却破額山前碧玉流

山莊夜話同六堂豁堂棠村曉峰作

寒燈相對影青青茗椀詩筒見性情促膝空堂明

月上一痕清水入簾橫

吳山越水任君探

六言二師為我談吳越山水之勝

踪跡天涯我

未諸聽說名都風景好一床短夢到江南

柴門斜倚萬松堆夜靜無聲鳥不聞同話六朝七

國恨五更風雨自東來

夜半忽風雨

自別雙峰幾度愁上方消息最清幽今宵萬尺松

溝裡忽聽西山碧玉流

芥園詩鈔卷廿三 七言絕

十

留劍山莊初藁

長劍雄彈慙自殊美人巨眼

識窘途尸居餘氣揚公暮豈

得霸縻女丈夫 右題俠女

拂紅詩一絕

留劍山莊初藁卷二十四

同社方外達磨詔堂訂
同社方外本白激水

黃梅石卓槐亭山甫著

七言絕

同社詩品詩

蘇春塘如健兒酣戰勇氣奔騰又如出峽

驚濤無風自浪

倒瀉詞源怒浪高三千鐵弩射江湖只今二月錢

塘水不肯無波到六橋

芥園詩鈔卷廿四 七言絕

留劍山莊初藁

翁鏡人如儒將論兵風流服眾又如靜女

臨窻好容自惜

胸中煙雨鐵沉沙不與春光鬪麗華別有精神誰

記取空塔殘雪見梅花

胡蔗根如老僧談禪塵尾着地又如行雲

流水觸目無奇

落花時與水同流老去光芒漸欲收行到白雲深

不見平常踪跡最難求

棠棠村如老樹臨秋敗葉自脫又如萬竅

吹風時有清響

淡雲微雨有無中
忽使才華氣便雄
妙性原從天上得
空山發響不關風

家曉峯如七夕穿針巧
從天得又如燕剪

裁雲翻飛有態

燕剪鶯梭別樣裁
曉風楊柳過章臺
秣陵城畔春如許
不是靈心寫不來

石渠第如王孫冶服走馬春臺
又如美玉

明珠隨地堪寶

芥園詩鈔卷廿四 七言絕

留劍山莊初藁

輕裝試馬綠楊前
劍佩明珠恰儼然
裝點太平圖

畫色寫來應摩五雲箋

家二村如秋猿夜鳴哀音淒耳
又如幽蘭

在壑自有寒香

應與幽蘭有夙盟
芳香亂壑可憐生
囊中好句將誰續
知已傷心弔屈平

家荆楚如老女裁衣
晚年初嫁又如驥羣

之駒追逐欲上

從前枉自負空鞍
應悔亡羊岐路間
今日識途尋

老馬也隨躡雪到天山

釋漱父如靜抱枯桐有聲未發又如瀟湘

旅雁獨叫寒空

高山流水寄清音亂石長松拂素琴明月在天人

寂寂瀟湘一曲見君心

釋七徵如夕陽吹笛入耳忘愁又如苦茗

澆腸塵浮皆淨

自然情致淡偏長好語時留齒頰香如煮清泉烹

茗茗閒愁銷盡對斜陽

芥園詩鈔卷廿四 七言絕

三

留劍山 莊初葉

贈夢 並引

野客靜坐寒窻秋聲在耳哀蛩閒吟破壁

月色當頭倚菊枕以思眠落燈花而有夢

入蘭臺以訪舊廠瑤席而逢卿乍見眉宇

分明不差人間花月旋看霓裳縹緲盡是

天上雲霞對客凝眸清如秋潭徹底同儕

微笑艷似春杏低枝傍瓊臺而伴玉佩擬

寶鑑之近冰盤許飛瓊應讓風流班本是

瑤池之選張麗華空留姓字人却非陳井

之妹邂逅何來見此粲者因緣有分念彼

人兮然而落魄酸丁自謂難當顧盼何期

關心里曲也來肯惜才華緩步微言願聞

所請小心待命有約微詩慚孺子其何知

敢向佛頭施糞念美人兮不再難辭狗尾

續貂至於狼藉而言自是狂奴故態大抵

悲傷見志不為仙子無情各有所懷語多

幽怨豈無托興意極深微若謂唐突西施

則吾豈敢或者哀憐下士惟子自知嗚呼

芥園詩鈔卷廿四 七言絕

四

留劍山 莊初葉

一曲歌成憑誰可寄三生石冷獨我添愁

清淺銀河寂寂無飛鴉之影溪沉玉宇迢

迢斷青鳥之期枉搜枯腸終穿淚眼空思

促膝莫覓知心是有言也能不悲哉

淺黛輕鬟識羽衣依依一簇似釵齊人間天上何

由見曾到蘭臺碧水西

廣寒宮殿自生涼好語憑誰寄下方只為嫦娥消

息斷九天親夢聽霓裳

參差樓閣是飛霞中有仙媛喚麗華為惜劉郎重

到此殷勤指點說桃花

煙雲為質玉為姿擬是梅花乍放時殘雪欲消春

欲暖幽懷惟許月明知

翠珮明璫看未真半簾秋水見湘君瓊臺甲帳知

何在總隔巫山一段雲

蹴遍瑤階逗翠苔此番辛苦為誰來平生本受多

情累縱欲無情撥不開

感卿鄭重索長吟敢負憐才用意深莫向妙西歌

此曲累他重起別離心

芥園詩鈔卷廿四 七言絕

五

留劍山莊初稟

終分塵曲與仙塔尚是模糊費浪猜若使一因還

一果又生枝節害人來

題師樵畫石

怪石人間縱復橫如何又向僻中生安能乞授秦

皇策鞭盡崎嶇砥樣平

自題畫蘭

圖成似向亂山開更有幽香入硯臺此種精神誰

索取月明親見美人來

寄懷周海城

朔風吹冷鳥秋秋遠意懷人却倍愁苦憶山莊寒

雪夜推袍慚愧黑貂裘海城來梅冒雪過訪留宿山莊夜寒甚迫余解散裘

衣之海城賦記

布簾爐火說松風曾許長城五字工海城詩長於五律得劉文

房神吟到已軍殘日句楊已軍詩海城最愛每酒酣即向余朗誦數十篇

豪情酒態夜燈紅

客中途客破愁顏各自匆匆憶舊山余羈黃州海城適回漢上

相逢旅邸時海城匆匆欲行而余亦歸思甚迫明日遂別

涯消息一帆間

芥園詩鈔卷廿四 七言絕

六

留劍山莊初稟

夢回對月憑誰覺老去加餐只自憐神在文章交

在道各期努力愛華年

題桐鵲圖

青枝碧葉影翳翳秀結圓珠待鳳兮只為名山多

俗客高桐也讓爾來棲

種蘭

野性惟宜亂壑隈長條短葉信春開只因要入時

人眼也學九花費剪裁

蘭臺感舊

少小情懷本自癡。仙源不合使儂知。誤人都是胡麻飯。想殺桃花細雨時。

雲霞綽綽碧重重。似在無中與有中。一樣金波橋下水。夕陽無語去匆匆。

層峰亂壑碧雲端。此處原知是故山。洞口蘭花春寂寂。冷香殘夢到人間。

玉珮明璫記未真。從茲無復問前身。飛霞閣外如霜月。不照當年訊竹人。

小窻人靜鳥聲低。風雨毫端一霎齊。前度看花人芥圃詩鈔卷廿四七言絕

已別雲笈派管乞誰題

依稀猶記路紆迴。芍藥牆門對雪開。聞說近今風景別。琅玕掩映劈中來。

繡幕珠簾壓戶齊。沉沉畫閣認東西。藥爐經卷分明在。莫唱空梁落燕泥。

玉作欄杆寶作臺。此中消受為誰來。叮嚀試看垂垂柳。還是劉郎去後栽。

仙凡誰道一般般。隔却塵緣到總難。奪我鳳池終是恨。不勞親語勸加餐。

羽翼凌霄若可施。重來即便語鄉知。相期說與乘槎路。莫負前心說與時。

催妝詞為宛承輅賦

紅燈銀燭夜迢迢。天上人間是此宵。請向藍田先種玉。漫從秦女試吹簫。

一層簾幙一層香。乍擲藍橋十丈長。欲見雲英知有路。不須辛苦覓元霜。

一痕涼月入窻紗。寶曆金環影半斜。唱徹瓊臺新樂府。春風簾外見桃花。

芥圃詩鈔卷廿四七言絕

沉沉畫閣語聲低。繡襪羅衣手與攜。碧玉匆匆多少恨。分明記取汝南雞。

山莊無營鍵戶。獨坐偶憶舊遊。風流雲散各賦短章用抒鄙抱

葉太史函齋夫子

南園詩酒伴黃昏。往事風流跡尚存。南園日與舊時桃李。此夜山莊風雪裡。可能清夢追隨。酒刻無寧日到程門。

費道峰侍御

文章無價玉無瑕道峯在調梅書院詩與諸生論文語佳話儒林衆口誇不見談詩何水部山莊冷落對梅花

蔣梧巢明府

相逢古寺夜鐘侵風雪雄談出塞心梧巢來梅余冒雪往訪一見如舊識出秦塞苦憶秦關高百二披裘騎馬獨登臨新雲國馮余題語

萬荔村明府

同將宗派話漁洋衙鼓風清夜漏長一夕雄談成底事匆匆煙雨渡衡陽荔村晤余於蕪春塘署中與余話漁洋詩獨造妙理

不圓詩鈔卷廿四 七言絕 九

明日即奉檄過湖外而別

張藜亭明府

清香一炷坐彈琴尚憶坡公幼婦詞藜亭以史議論遣吾邑與此日北邙山畔路紅梅閣下更無詩

余焚香考古出紅梅閣觀梅用坡公梅花詩韻古詩賦余

姚蘭坡明府

寫就蘭亭對面看端華法帖抵琅玕蘭坡所臨端華堂法帖石讓定武真本常為張二泉少尹寫過道難一幅甚佳何時買棹來巴峽研墨

重臨蜀道難蘭坡官蜀

葉劍翁明府

蕪巾短葛最忘形夜半敲門夢未醒一語至今香在頰小樓溪樹一燈青丙戌夏劍翁夜半敲門來訪與余話漁洋江山平遠詩酌酒雜談天明始去明日投余短句有小樓溪樹一燈青之句

張二泉少尹

數年冷署共吟詩每至更闌月上遲更憶東山頂坐楓林杓水煮茶時乙亥秋余與二泉遊東山林紅葉二泉杓水煮茗極盡人間韻事

鍾健亭少尹

不圓詩鈔卷廿四 七言絕 十

憑誰寄語問平安楚水關山路教盤一自長亭樽酒別健亭乞養歸闕同人祖道相餞只今不忍聽

陽關

張穎孫州尉

檀板青鬟四座香當筵題語大顛狂

穎孫來梅寓燕客名士畢集余命鬟卽佐酒按拍殺歌韻珠璣清者久之卽席賦短句四章以贈雅韻風流景邁

王小山孝廉

當時對榻說龍泉余有古劍為小山賞鑒轉眼風流異昔年

兩岸帆檣行不絕何人知是孝廉船

鍾彩亭孝廉

班班裘馬渡江州酒態豪情勢欲流

彩亭善飲嘗語余曰我來

黃梅渡九江見鎖江樓高凌天際思搗美酒

我釀

翁鏡人茂才

絕妙談詩語尚存自來宗派祖傳孫

鏡人為霖堂先生之孫

誰家士女歌楊柳斷盡江南客子魂

珠賦春柳詩

鏡人一見魂消和至數十首且命余作春柳詩

長丈餘盡錄唱和詩什於卷末携至江南和者甚

朱圃詩鈔卷廿四七言絕 十一 留劍山莊初稿

衆去年鏡人有札寄余猶云卹郭士女為余致意

黃夢珠上舍

秋筵一曲淚潛潛長憶高堂白髮斑

夢珠四人波累流成伊離

聖代恩寬憐獨子許君生入玉門關

劉麟亭上舍

圖成百喜更忘憂度曲花前曼玉

麟亭善畫常作百喜圖題

句云而今除却閒煩惱愛鴛人間百喜圖又常

手擊磁甌其音清越唱長情短情自然妙妙

憶平湖秋水澗夜深來訪戴家舟

甲申秋麟亭隨舟河下余聞往訪云已解纜先去

韋載菴茂才

賣藥求名萬事輕科頭箕踞坐談經

載菴精岐黃合藥濟人性

秋達常暑夜坐竹榻

採茯苓

黃小松舍人

竹林涼月坐吹簫常作縱橫十九條

小松工鐵筆作玉筋篆文

信手揮毫莫不如意常以方紙縱橫作十九畫成

一暮局不差分毫蓋絕技也又常暑夜無事於煙

曲丰致飄然令人可想

一自美人秋水隔無情

朱圃詩鈔卷廿四七言絕 三 留劍山莊初稿

張星峰茂才

妙手天工絕俗才羣仙隊裡寫神來

星峰善畫作八仙過海方

一稿自題新句三章誌別中有二語云此去滄桑

休更問一年一度我

重來太史倍極稱賞

走一回

汪鐵海茂才

煙波閒釣弄潺湲氣味長宜亂壑間

鐵海青年雅

善畫蘭署名曰煙波釣客常有味蘭詩云清風一

去如何消息斷知君最愛會稽山

程梅溪上舍

老大依人口自糊荆門青草綠平蕪梅溪家貧母老生事依人近聞就幕荆門聲聞愈遠王孫惆悵情何限細雨斜風聽鷓鴣

和困齋茂才

霹靂雕弓月下彎困齋酒酣手挽雕弓三發三中把茶更一詩獨有深造之妙英雄寶劍不輕彈說詩更有頭人語細把茶更仔細看

胡蔗根山人

杖頭長掛賣文錢把筆癡狂似米顛蔗根來梅賈文為活字法

米顛常為晚峯摹獅子贊跋最有神理憶拜東林春米石蒲團老衲

坐談禪

李山山明經

西窓剪燭話飛龍山山讀書雙峰於風雨中目見龍門山山作有飛龍記往往為甚詳舊事流星不可踪此日故人應念我一天

明月對雙峰

家棠村山人

二陸文章並比肩囊中鐵筆更通元棠村鐵筆擅長名下其學問文章與弟齊並駕一自齊去世往往神傷貧病交加同人共惜那堪謝却田

家樹腸斷西風落雁前

家草亭山人

半生生計總艱難花萼樓前苦共看草亭拙於謀生安貧樂道兄弟同居更有何人相料理夜來風雪卧袁安

家曉峰弟

謬擬談詩一字師才華每自發奇思曉峰天姿高起性靈騷發作詩每每英華太淺余常勸以勤蓄收藏留養精銳故晚峯每有所吟必俯就啗酌分別去留年來我作歸田客須記連床聽雨時

家二村姪

茶園詩鈔卷廿四七言絕十四留劍山

旗亭畫壁總相尋舉世誰知正始音獨有寒香詩

一束芝蘭杜若美人心余與二村來髮學詩互相師友近又為編次寒香近稿若干卷清真神秀卓然名家


石渠舍弟

少小相隨影共親零丁孤苦最艱辛余少與弟辛苦相依同在高堂可憐春草今無色不見池塘入夢人

師樵舍弟

姜郎大被睡還溫酒版詩筒慰暮昏師樵等山園為同人文酒之地余既入山來安得同人齊有約高歌雅聚等

山園



芥園詩鈔卷廿四 七言絕 一五 莊初草

柳碧烟掃雪吟

雪白紅顏有宿因紅顏對雪更酸辛憐伊本是雪中物拋落今同地上塵

纖纖十指雪同寒掃盡階除淚未干薄命不如原上柳春風無分口催殘

落花流水杳然去別有天地人向

芥園詩鈔終

山人幼受詩於伯兄松溪先生即吟有聽雨集一卷後遊葉函齋太史之門與費道峰侍御黃夢珠上舍互相砥礪吟有遲春集三卷戊寅李山先先生館水竹居山人日與唱酬吟有雙玉集二卷庚辰與家曉峰崇村漁逸草亭梅巖寄生諸弟兄及二村負鑿諸姪結烏衣詩社吟有春草集四卷葉劍翁廣文來為之序次而存於篋自壬午以至甲申山人詩益進所吟日多乙酉與胡子半山喻子鶴瘦家寧齋兄結俊逸詩社復有寒燈集三卷丙

戌葉太史重來手為製序名其前後所吟曰芥園詩鈔集之定名自此丁亥以後與暨陽翁鏡人江陰蘓春塘湘潭杜若村吳江張珊林桐城張蕓蓀蒲城和因齋諸君子遊賞鑒日隆著作愈富前後共計得詩二十卷長洲蔣梧巢先生素耳山人名以公事奉檄來梅於蘓春塘處見山人集即為手訂刪存且命吏人傳抄副本携去明日山人造訪先生則已束裝就道把晤匆匆俱恨相見之晚古人云文章有神交有道信然戊子蔣公以丁外艱



ZW 2118108823331

2117
181027

回吳臨行以書致山人囑其以全集命雕且許為
 山人乞歸愚先生序山人不之應癸巳秋曹秋浦
 先生蒞梅甫下車即索山人詩深加賞激其所以
 扶勵推挽者無所不至且手為刪訂戊子以前詩
 堅囑付梓者再今年春蔣公服闋來楚即走足索
 成書並以歸愚先生手序見寄遠桐城項君隱棠
 為索山人詩自 都中走數千里來梅選集中
 古今體詩若干首入 國朝正聲集亦以全集
 問世相囑而秋浦先生復切切為山人言山人知
 勢不容秘爰命 卓椿 檢尋底稿編次彙抄於己未
 四月發刻十月書成因記始末於茲以為將來續
 刻編年之考而並誌海內諸君子與山人文章知
 已之契云弟 卓椿 竹潺謹跋